



日本漢文史

籍叢刊

第二輯

紀事本末

四十二



上海交通大學出版社
SHANGHAI JIAO TONG UNIVERSITY PRESS

青山延光 撰

國史紀事本末

明治九年（一八七六）東京太田金右衛門刻本

第四十二冊目錄（總第61冊）

國史紀事本末（題辭、序、目錄、卷一——卷四十、後序）	一
----------------------------	---

附錄

日本紀年表	五三五
-------	-----

日本幕府將軍表	五四一
---------	-----

國史紀事

本末

據明治九年（一八七六）
東京太田金右衛門刻本影印

何處
不有

國史紀事本末

題辭

一

何處
不有

何處
不有

國史紀事本末

題辭

二

何處
不有

何處
不有

何處
不有

成

西山公語錄以代

國史紀事本末

題辭

三

題辭

慶喜



日本國史紀事本末序

史之作也編年以知世紀
傳以知人所為欲知世與人
者將以治事也一事而分
諸數年或數十百年一

事而分紀與傳又分數傳
觀王弗能備也其於古今
是非得失成敗之故不能
以審則亦奚以鑒誠而
使然於所行予嘗論以

為史之有編年紀傳出
於春秋史之有書志出於
尚書若河渠書地理志
之本禹貢五行志之本洪
範百官志之本立政周官

皆尚書中之一體其全書
類乎尚書括史志之要合
紀傳而會而通之者則莫
如紀事本末紀事者以事
為主不專係乎人不論時

之遠近舉凡事之散見
紀傳與他書者類聚而備
書之綜括而條貫之創於
宋袁樞之通鑑紀事本末
宋元迄明通相纂述學

序

三

者便焉 日本青山博士
嘗總裁校勘國史復纂
紀事本末一書可謂勤而
知要者矣顧袁氏之書雖依
通鑑而事則分代為紀其

書較易 日本之紀百五一
姓年代倣邈其書較難
博士旁搜群籍折衷紀
傳自其國 神武開基迄
於近代二千餘年 神功

序

四

之武 顯宗之仁 天智之
中興大寶元明元正之治
以及大津押勝道境之反
亂出羽蝦夷之叛服平源
臣族之專橫莫不考其治

亂之迹推其政治致亂之
由而且紀遊幸則陳荒嬉
之戒紀好佛則識僧徒之
亂紀刑法則著寬弛之譏
紀外戚則述廢立之禍至

序

五

於吏治兵政盛衰文學興
廢民政源流綱目張勸
戒並列予昔觀日本史
紀傳疑其志體未備今讀
是書誠足以得紀傳之貫

穿而補史志之缺略矣海
表諸邦莫不有史求其
體裁完備而文華粹美
者則莫如日本蓋與中
華同處一洲自通使隋

序

六

唐崇為儒術推尊孔子
庠序之間經史燦列漸
摩既久人才奮興故其國
史記雖經蘇我蝦夷之
焚劫而訪之者儒稽之故

藉端得藉以纂成全史
撮其精華備紀本末使
後之治事者如斷獄之
有律令格式焉觀書中
紀其國歷朝崇文之盛

序

七

尤不禁為之神注也博士
子勇剗剗既後奉其書
介公使森君貽予因誦其
請為之序

大清光緒三年歲次丁

丑十月既望
欽差大臣文華殿大學
士太子太保直隸總督一
等肅毅伯加騎都尉世
職合肥李鴻章 譔

序

八



序

先君烈公嘗顧延光曰。史學是汝家遺業。慎勿懈怠。延光感激。不覺泣下。蓋自曾大父始入史館。累世以文學詩罪。至先考。實以史學鳴天下。此先公所謂遺業也。恭惟天朝之盛。

實祚無窮。即記載之詳。亦宜稱之。而令傳於世者。僅有六部正史。亦以天下多事。史官有闕也。其後源氏開府鎌倉。以鎮諸國。乃脩東鑑一書。國史紀事本末 序

以記時事。一家之史略備。彼本武人。務在擊斷。而餘力為此。亦

朝廷之餘風也。及南北分爭。日尋干戈。不暇脩史。故足利氏十三世之久。竟無有一記載。接武東鑑者。織田豐臣兩氏非不尊。

天朝。非不脩缺典。而戰爭之餘。無有載筆之士。是以記載不脩。我東照宮撥亂起反之正。開府關東。播文教於天下。於是乎我義公憂天朝正史之闕體。東照宮右文之意。實始脩

大日本史。義例之嚴。海內所知。固不待言。夫關

東古稱用武之邦。至今日則天下之史成於是邦。不可謂非東照宮之力也。先考脩史略。蓋所以報義公而延光不肖何敢以編脩自任。亦惟上感烈公之知遇。下繼父祖之遺業。不敢一日懈怠。嘗竊以為紀事本末亦史之一體。決不可少。而至治之久。不可恃以為常。則及斯時而脩斯編。亦臣子之責也。乃據本史編纂。釐為四十卷。欲質之先考。而先考沒矣。欲獻之

先公。而先公薨矣。天下孰能知吾志者。遂序而藏之。

文久改元辛酉春日

水藩側用人兼弘道館總教青山延光序



弟延壽謹書

國史紀事本末目錄

第一卷

○神武東征

第二卷

列聖尊神

第三卷

崇神平四道

狹穗彥之叛

垂仁停殉

第四卷

國史紀事本末 目錄

○景行平熊襲 日本武尊征蝦夷

第五卷

○神功征三韓 廣坂忍熊之變

第六卷

○稚郎子讓位 仁德勤儉

仲皇子之叛

允恭遜讓

眉輪之變

田狹之叛

第七卷

顯宗仁賢相讓

羣臣迎繼體 武烈誅真鳥

第八卷

西蕃朝貢

第九卷

通使隋唐

第十卷

蝦夷叛服

隼人叛服

第十一卷

國史紀事本末 目錄

歷朝崇文

第十二卷

歷朝民政

第十三卷

○百濟獻佛像 馬子弑逆 蝦夷入鹿 輪僧

第十四卷

○天智中興

○壬申之變 大津之叛

第十五卷

大寶之治 元明元正之治

第十六卷

聖武信佛 長屋王之冤 廣嗣之亂

押勝道鏡之亂

第十七卷

桓武平蝦夷 弘仁之役

桓武遷都 廢太子

第十八卷

桓武嵯峨好遊幸 歷朝恬嬉

藥子之亂

仁明廢太子

應天門之災

第十九卷

勅海朝貢

第二十卷

外戚攝政 基經廢立 宇多登庸菅氏

第二十一卷

朝政寬弛

第二十二卷

出羽之亂

新羅之變

第二十三卷

平將門之亂 藤原純友之亂

女真之亂

第二十四卷

源氏平東國 平忠常 安倍賴時貞任 清原家衡 武衡

第二十五卷

後三條剛明

白河鳥羽好佛 聽政院中

第二十六卷

僧徒之亂

第二十七卷

保元之亂

第二十八卷

平治之亂

第二十九卷

平氏專橫

第三十卷

諸源滅平氏 義仲之叛

第三十一卷

源氏開府鎌倉 賴朝精忌 伐鬼界島 平陸與 朝京師

第三十二卷

北條滅源氏

第三十三卷

承久之變

第三十四卷

陪臣專權

第三十五卷

元寇之變

第三十六卷

後醍醐平鎌倉

國史紀事本末

目錄

五

第三十七卷

尊氏之叛

第三十八卷

諸國勤王

第三十九卷

足利閔闕

武人騎橫
諸將反覆

第四十卷

室町彊盛

山名大内之亂

神器入京師

國史紀事本末卷之一

從六位守大學校中博士常陸青山延光 編次

神武東征

鴻荒之世不可得而詳矣故國史敘其事稱神代以別之雜引羣書以廣異聞蓋傳疑之義而後世不能述也至於神武天皇其功烈蓋可得而詳矣天皇諱彥火火出見天祖大日靈尊五世孫也大日靈尊治高天原是爲天照大神大神之子正哉吾勝勝速日天忍穗耳尊娶高皇產靈尊之女栲幡千千姬生天津彥彥火瓊瓊杵尊天祖既命武甕槌經津主二神平定下土迺使皇

國史紀事本末

卷一

三

第三十七卷

尊氏之叛

第三十八卷

諸國勤王

第三十九卷

足利閱關

武人騎將反覆

第四十卷

室町彊盛

山名大內之亂

神器入京師

國史紀事本末卷之一

從六位守大學校中博士常陸青山延光 編次

神武東征

鴻荒之世不可得而詳矣故國史敘其事稱神代以別之雜引羣書以廣異聞蓋傳疑之義而後世不能述也至於神武天皇其功烈蓋可得而詳矣天皇諱彥火火出見天祖大日靈尊五世孫也大日靈尊治高天原是爲天照大神大神之子正哉吾勝勝速日天忍穗耳尊娶高皇產靈尊之女栲幡千千姬生天津彥彥火瓊瓊杵尊天祖既命武甕槌經津主二神平定下土迺使皇

國史紀事本末

卷一

一

孫降居葦原中國而爲之主賜以八坂瓊曲玉及八咫鏡草薙劔曰豐葦原瑞穗國是吾子孫可王之地也爾宜就而治焉寶祚之隆當與天壤無窮矣於是瓊瓊杵尊離天磐座降於日向高千穗峯遂到吾田娶大山祇女木華開邪姬生彥火火出見尊彥火火出見尊娶海神豐玉彥女豐玉姬生彥波瀲武鸕鷀草葺不合尊葺不合尊娶玉依姬生彥五瀨命稻飯命三毛入野命及神武帝帝生而明達意確如也年十五立爲太子娶日向吾田邑吾平津媛爲妃生手研耳命甲寅歲帝年四十五在高千穗宮高千穗宮據古事記時西國旣平東國未服長

髓彥奉饒速日命為主、兄猾弟猾、八十梟帥、兄磯城弟磯城等割據所在、不相統一、帝慨然有削平之志、謂諸兄及皇子曰、昔我天神高皇產靈尊、大日靈尊舉此豐葦原瑞穗國、而授我天祖彥火瓊瓊杵尊、是時運屬鴻荒、時鍾草昧、故蒙以養正、治此西偏、皇祖皇考乃神乃聖、積慶重暉、多歷年所、而遼邐之地、猶未霑王澤、遂使邑有君、村有長、各自分疆、用相陵轢、抑又聞之鹽土老翁曰、東有美地、青山四周、中有乘天磐船飛降者、余謂彼地足以恢弘大業、光宅天下、厥飛降者謂饒速日歟、何不就和都之乎、諸皇子對曰、誠然、請速發、冬十月辛酉、

國史紀事本末

卷一

上

帝親帥三兄五瀨命、稻飯命、三毛入野命及手研耳命、航海東征、至速吸門、漁人珍彥乘舟來迎、命爲前導、賜名椎根津彥、進至筑紫、菟狹、津彥、菟狹、津媛、造宮於菟狹川上、饗帝、敕侍臣天種子命、娶菟狹津媛、十一月甲午、至崗水門、十二月壬午、至安藝、居埃宮、乙卯歲春三月己未、入吉備國、建行宮、曰高島宮、駐蹕三年、具舟楫、蓄兵食、將欲一舉而平天下、戊午歲春二月丁未、皇師遂東、舳艫相接、比至難波崎、奔潮太急、名曰浪速、三月丙子、遡流至河內草香邑青雲白肩津、夏四月甲辰、勒兵步赴龍田、路險隘、不得並行、乃還欲東踰膽駒

山而入中州、長髓彥聞之曰、是必奪吾國、乃發兵徵之、孔舍衛坂、皇師不利、五瀨命中矢、衆不能進、帝憂之、沈思曰、我是日神子孫、而向日征虜、是逆天也、不若退還、示弱、禮祭神祇、背日而進、則虜自敗矣、衆然之、乃引還、虜不敢逼、退至草香津、五月癸酉、至茅渟山城水門、五瀨命創甚、撫劔呼曰、丈夫爲虜所傷、將不報而死邪、進至紀伊、竈山而薨、六月丁巳、至名草邑、誅名草戶畔、遂歷狹野、至熊野神邑、海上俄遇暴風、御船漂蕩、稻飯命嘆曰、吾是神孫、神何爲困我、抽劔投海、三毛入野命亦沒、帝獨與手研耳命進至荒坂津、誅丹敷戶畔、時有神

國史紀事本末

卷一

三

吐氣作毒、皇師昏眩不能起、熊野人高倉下夜夢、天照大神謂武甕槌神曰、葦原中國未得寧靜、汝往征之、武甕槌神對曰、降臣平國之劔、則臣雖不往、國自平矣、大神許之、武甕槌神顧高倉下曰、吾有劔名節靈、今置之汝庫中、汝獻之天孫、明日高倉下入庫索之、果有劔、倒立、乃獻之帝、帝忽然寤曰、予何長眠如此、衆亦悉寤、乃進赴中州、山路巉峻不可行、帝夢天照大神誨曰、朕遣頭八咫鳥、鄉導、頭八咫鳥適至、帝大悅、今日臣命帥大來目、從八咫鳥前驅、遂達菟田下縣、帝謂日臣命曰、汝忠而勇、有鄉導之功、賜名道臣、兄猾弟猾據菟田、秋八

月乙未帝遣使徵之弟猾卽至奏曰臣兄兄猾權構新宮伏兵設機欲因饗作亂勿墮其計帝遣道臣命往視果然道臣命大怒叱兄猾曰汝何不自入汝宮因彎弓擬之兄猾窘蹙自蹈機歷死乃戮其尸名其地曰血原弟猾大設牛酒獻饗軍士帝設燕作歌是謂來目歌親率輕師巡幸吉野國人井光及磐排別子出謁緣水西行有作梁捕魚者帝問之對曰臣是苞苴擔之子也九月戊辰帝登菟田高倉山望國中八十梟帥據國見丘置女軍於女坂男軍於男坂熾炭於墨坂兄磯城亦據磐余邑距塞道路帝惡之夜禱之神夢神誨曰取天香山土以造天平瓮八十枚并造嚴瓮敬祭天神地祇則虜自平矣時弟猾亦奏言倭磯城邑有磯城八十梟帥高尾張邑有赤銅八十梟帥皆欲拒戰臣竊爲天皇憂之請取土天香山造天平瓮以祭羣神然後擊之帝益異之令推根津彥弊衣蓑笠裝爲老人弟猾被箕爲老嫗狀敕曰汝至天香山巔取土來基業成否以此卜之推根津彥乃祈曰我皇能定天下道路自通不則賊必禦我矣乃去虜見二人大笑爲之開路二人得取土而還帝大悅卽造八十平瓮天手扶嚴瓮親祭神祇於丹生川上祝曰吾用八十平瓮無水造飴飴成則吾坐平

天下不假鋒刃飴果成又祈曰吾沈嚴瓮於川川魚醉而浮出則吾業成矣魚果浮出帝大悅乃取川上真坂樹以祭諸神又親祭高皇產靈尊敕道臣命爲齋主授嚴媛號冬十月癸巳朔帝嘗嚴瓮之糧勒兵而出擊八十梟帥於國見丘破斬之餘黨猶多帝敕道臣命誘虜誅之道臣命造室於忍坂設宴饗因簡壯士與虜雜處密約曰酒酣吾歌則齊起殲虜已而虜皆露醉道臣命起歌壯士應聲拔劍殺戮無噍類矣皇師大悅皆笑帝曰勝而不驕者良將之行也今賊魁雖滅而凶黨未盡就戮其情不可知奈何久居一處乃徙營佗處十一月己巳帝將大舉攻磯城遣頭八咫烏召兄磯城不至乃召弟磯城弟磯城歸順帝令弟磯城曉諭兄磯城及兄倉下弟倉下皆不降推根津彥獻策曰我出女軍於忍坂道虜必悉銳備之吾卽遣勦兵直指墨坂取菟田川水以灌炭火襲其不備則破之必矣帝從之虜果嚴備以待乃遣精兵踰墨坂表裏合擊大破之斬兄磯城等十二月丙申進討長髓彥連戰不克適天陰雨冰有鷄集帝弓頸金色曄煜如電虜皆迷眩不能戰長髓彥遣使曰吾奉天神之子爲君曰饒速日命何乃更稱天孫欲奪人地帝曰天神之子亦多汝主果天孫邪必有表

物宜以相示、長髓彥取饒速日、天羽羽矢一隻及步

示、帝曰、事不虛也、亦取所御天羽羽矢及步、示之

長髓彥見之意沮、然不肯降、饒速日命惡其狠愎、遂殺

之、帥眾歸順、帝褒賞之、賜其子可美真手命、以節靈劍、

賜以下舊事紀己未歲春二月辛亥、命諸將練士卒、分遣偏師、

誅層富縣上蜘蛛新城戶畔、居勢祝、猪祝、土蜘蛛賊之

穴居者也、土蜘蛛日本紀高尾張邑有土蜘蛛、身短而手

足長、皇軍結葛網掩而殺之、名其地曰葛城、三月丁卯

令曰、自我東征、於茲六年、賴皇天之威、凶徒就戮、雖邊

土未清、餘妖尚梗、而中州之地、無復風塵、誠宜恢廓皇

都、大壯規模、而今運屬屯蒙、民心朴素、巢棲穴處、習俗

惟常、夫大人立制、義必隨時、苟有利民、何妨興造、吾將

披拂山林、經營宮室、恭臨寶位、以鎮元元、上則答乾靈

授國之德、下則弘皇孫養正之心、然後兼六合以開都

掩八紘而為宇矣、觀夫畝傍山東、檀原地、蓋國之塙區

乎、宜都於此、即命有司、經始檀原宮、庚申歲秋九月己

巳、納事代主神女媛蹈鞬五十鈴媛命、為正妃、

神武天皇元年春正月庚辰朔、帝即位於檀原宮、尊正

妃為皇后、建神籬、祭八神、鎮護國家、天富命率諸齋部

捧天璽鏡、奉安神殿、天種子奏天神壽詞、可美真手

命率內物部、執矛楯、嚴儀衛、道臣命率來目部、護衛宮

門、羣臣朝賀、命天種子天富命主祭祀、掌朝政、建巳下舊事紀

拾遺可美真手命獻十種天瑞寶及節靈劍、舊事紀

二年春二月乙巳、定功行賞、賜道臣命宅地於築坂邑、

使大來目居畝傍山西、號來目邑、以推根津彥為倭國

造、弟猾為猛田縣主、弟磯城為磯城縣主、頭八咫鳥等

賞賜有差、

弟延之 延壽校

門人草川重遠書

國史紀事本末卷之一終

國史紀事本末 卷一 七

國史紀事本末卷之二

從六位守太學校中博士常陸青山延光 編次

列聖尊神

神武天皇元年春正月帝即位建神籬祭八神武事見神

四年春二月甲申詔曰我皇祖之靈也自天降鑑光助

朕躬今諸虜已平海內無事可以郊祀天神用申大孝

乃作時於鳥見山祭皇祖天神

崇神天皇四年冬十月壬午詔曰惟我祖宗光臨宸極

豈爲一身蓋所以司牧人神經綸天下故能世開玄功

時流至德今朕奉承大運愛育黎元何當聿遵皇祖之

國史紀事本末 卷二

跡永保無窮之祚其羣卿百僚竭爾忠貞共安天下

六年百姓流離或有背叛帝憂之請罪神祇先是祭天

照大神倭大國魂神於殿內神物官物未嘗分別帝畏

其瀆神使皇女豐鍬入姬遷神鏡靈劍於倭笠縫邑祭

天照大神別模造鏡劍以爲護身御璽神物以下參取

傳又命皇女湊名城入姬祭大國魂神

七年春二月辛卯詔曰昔我皇祖大啓鴻基聖業逾高

王風轉盛不意今當朕世數有災害恐朝無善政取咎

於神祇盡命神龜以極致災之由於是帝乃幸神淺茅

原卜之於八十萬神神憑倭迹迹日百襲姬曰天皇何

憂國之不治若能祭我國自平矣帝問曰何神也荅曰

我是倭國域內之神名大物主帝乃祭之然竟不驗帝

齋戒祈之曰朕禮神有所未盡邪何爲不享是夜夢神

誨曰令吾兒大田田根子祭我國自平矣海外之國亦

當來歸秋八月己酉倭迹速神淺茅原目妙姬大水口宿

禰伊勢麻績君皆夢得神誨曰令大田田根子祭大物

主神市磯長尾市祭大國魂神天下太平矣帝聞之大

悅詔天下求大田田根子得之茅渟縣陶邑帝乃卜使

伊香色雄爲神幣吉卜併祭侘神不吉冬十一月己卯

使大田田根子祭大物主神長尾市祭倭大國魂神然

國史紀事本末 卷二

後卜祭侘神吉乃別祭八十萬神定天社國社神地神

戶於是疫疾始息五穀豐穰百姓安矣

八年夏四月乙卯以高橋邑人活日爲大神掌酒冬十

二月乙卯令大田田根子祭大神活日獻神酒於帝因

宴神宮

九年夏四月己酉帝感夢以赤盾赤矛祠墨坂神以黑

盾黑矛祠大坂神奉幣帛於河瀨御尾神奉幣以下

十一年夏四月四道將軍凱旋事見崇神

六十年秋七月己酉詔曰武日照命藏上古神寶於出

雲大神宮朕欲觀之迺遣武諸隅取之出雲振振掌神

寶振根弟飯入根以兄不在代獻神寶振根還而大怒殺飯入根帝乃遣吉備津彥等誅振根出雲人不敢祭大神會丹波人冰香戶邊兒有神異帝敕之祭神

六十五年始造熊野本宮水鏡皇年代略記

垂仁天皇二十五年春二月甲子詔曰我先皇惟獻作聖欽明聰達深執謙損志懷冲退綢繆機衡禮祭神祇克己勤躬日慎一日是以人民富足天下太平今當朕世祭祀神祇豈得有怠三月丙申使皇女倭姬代豐秋入姬祭天照大神倭姬求祭地詣菟田篠幡轉入近江經美濃至伊勢適有神誨曰吾欲居是國乃立祠伊勢

國史紀事本末 卷二

三

造齋宮於五十鈴川上是謂磯宮大鹿島命爲祭主大鹿島以下職原鈔

二十六年秋八月庚辰遣物部十根檢出雲神寶仍

命掌之冬十月甲子遷天照大神宮於渡遇十月以下本書一說

二十七年秋八月己卯令祠官卜兵器爲祭幣吉乃納

弓矢刀於諸社更定神地神戶以時祭之以兵器祭神

始於此

三十九年冬十月皇子五十瓊敷命造劍一千口藏之

石上神宮帝命五十瓊敷命掌石上神寶

八十七年春二月五十瓊敷命謂妹大中姬曰吾老矣

汝代我掌神寶大中姬辭曰吾女弱安能登神庫五十瓊敷命曰神庫雖高吾能造梯大中姬遂使物部十根掌之

八十八年秋七月戊午遣使但馬詔清彥獻其神寶敕

藏之官府

景行天皇三年春二月欲幸紀伊親祭羣神卜之不吉

遣屋主忍男武雄心命祭之

四十年帝遣皇子日本武尊征東夷日本武尊過伊勢

拜神宮倭姬以草薙劍授之

四十三年日本武尊遂平東陸事見日本武尊征東夷是歲日本

國史紀事本末 卷二

四

武尊留草薙劍於尾張宮簀姬家至伊勢而薨宮簀姬

祀劍於熱田祀劍據熱田社緣起

五十八年始造熊野新宮水鏡熊野略記

仲哀天皇九年皇后平三韓事見神功從神教立祠穴

門山田邑祭表筒男中筒男底筒男三神

應神天皇九年夏四月遣武內宿禰於筑紫監察百姓

宿禰弟甘美內饒之帝曰臣兄謀不軌帝信之遣使殺

之有壹岐真根子者狀似宿禰代之死武內潛還訴冤

帝敕二人請神祇探湯武內兄弟至磯城川濱探湯甘

美內手爛武內欲殺之帝敕宥之

四十九年、先是帝遣阿知使主於吳求工女、是歲以工女兄媛等還至筑紫、胸形大神乞工女、乃以兄媛奉神、允恭天皇四年秋九月、帝憂羣臣氏族錯亂、詔誓神探湯、僞者皆傷、是後氏姓自定、

雄略天皇三年夏四月、先是皇女栲幡姬侍伊勢大神宮、阿閉國見誣之曰、皇女與廬城部武彥姦有孕、武彥父枳苦喻聞之大懼、殺武彥、帝遣使案問皇女、皇女潛攜神鏡至五十鈴河上、埋鏡自縊、帝夜遣人覓皇女、河上有氣如虹、就索獲神鏡及尸、遂剖其腹、腹中有物如冰、始知其冤、

國史紀事本末 卷二

五

九年春三月、帝欲自征新羅、有神戒曰、勿征也、乃遣紀小弓等伐之、

十四年春正月戊寅、身狹青等還自吳、與吳使及工人縫衣兄媛等俱來、以兄媛奉大三輪神、

二十二年秋七月壬子、遣大佐佐命奉迎丹波與佐真井原所在豐受大神、九月己未、祀之伊勢渡會郡山田

原新宮、大田命傳記、鎮座本紀、

清寧天皇二年冬十一月、遣伊與來目部小楯於播磨、辦大嘗供物、

顯宗天皇三年春二月、神憑人謂阿閉事代曰、我祖高

皇產靈有鎔造天地之功、宜以地獻、事代具奏之、乃奉歌荒巢田、夏四月、神又憑人謂事代曰、宜以磐余田獻高皇產靈、事代又奏之、乃奉田十四町、

欽明天皇十三年、百濟獻佛像、帝問之羣臣、大臣蘇我稻目請禮之、物部尾與中臣鎌子奏曰、國家恆祭天地社稷百八十神、四時不懈、今乃更拜蕃神、恐致國神之怒、帝乃令稻目試禮之、已而民多疫死、尾與鎌子請廢佛法、帝從之、棄佛像於難波堀江、火伽藍、帝時天下嘗大風雨、卜之加茂神爲祟、乃涓四月吉日祭之、於是穀稼豐熟、賀茂祭始於此、帝時以下、本朝月令公事振源

國史紀事本末 卷二

六

敏達天皇十三年秋九月、鹿深臣還自百濟、獻石佛一軀、蘇我馬子請而禮之、是後佛法稍行、祖宗尊神之意衰矣、

十四年春三月、物部守屋、中臣勝海以疫疾流行、請廢佛法、帝許之、火佛像、佛殿、棄燼餘於難波堀江、然佛尋亦熾矣、

用明天皇二年夏四月丙午、御新嘗於磐余河上、源曰、新嘗始此、誤矣、據日本紀上古已有新嘗、

十四年、以皇女酢香手姬爲天照大神祭主、

推古天皇十五年春二月戊子、詔曰、曩者我皇祖天皇

宰世、踰天踏地、敦禮神祇、周祠山川、幽通乾坤、是以陰陽開和、造化共調、今當朕世、祭祀神祇、豈有怠乎、羣臣宜竭心祭祀、甲午皇太子率羣臣祭神祇、

孝德天皇大化元年秋七月己卯、帝詢羣臣以治民之要、庚辰大臣蘇我石川麻呂奏曰、請先祭神祇、然後議政事、是日遣倭比羅夫於尾張忌部子麻呂於美濃、課神幣、八月庚子、拜東國國司、造戶籍、

齊明天皇五年、命出雲國造修嚴神宮、

天智天皇三年春三月壬午、設諸神座於山御井傍、班幣帛、中臣金宣祝詞、

國史紀事本末

卷二

七

四年春正月癸卯、大錦上中臣金宣神事、

天武天皇元年夏四月、欲使大來皇女侍天照大神、先居泊瀨齋宮、冬十二月丙戌、賜中臣忌部及神官人播磨丹波二國郡司以下奉大嘗者祿、郡司等賜爵一級、二年春三月丙辰、對馬始貢銀、敕奉之神祇、秋八月庚辰、遣忍壁皇子於石上神宮、以膏油瑩神寶、即日敕諸家寶器藏於神府者、皆還之子孫、冬十月乙酉、大來皇女赴伊勢神宮、

三年春正月戊辰、奉幣諸社、○公事根源曰、祈年祭始於此、二月丁亥、十市皇女阿閉皇女詣伊勢神宮、夏四月癸未、遣小紫

美濃王、小錦下佐伯廣足祀風神於龍田立野、遣小錦中間人蓋大、山中曾禰韓犬祀大忌神於廣瀨河曲、四年夏四月辛丑、祭龍田風神、廣瀨大忌神、是夏五穀不登、百姓飢乏、遣使四方奉幣神祇、秋七月壬午、又祭、是後每歲夏秋必祭、八月辛亥、詔四方行大解除、令國造輸被具、馬一匹、布一疋、郡司各刀一口、鹿皮一張、鐸一口、刀子一口、鎌一口、矢一具、稻一束、每戶麻一條、九月丙戌、神官奏曰、爲新嘗卜國郡齋忌、則尾張山田郡次丹波訶沙郡後世稱齋忌曰冬十月丁酉奉幣帛於相新嘗諸神祇、

國史紀事本末

卷二

八

五年夏五月己丑、敕天社地社神稅三分之一供神、二分給神主、冬十一月乙酉、賜神官國司奉新嘗者祿、六年春、帝將祀天神地祇、令天下悉被禊、造齋宮於倉梯河上、夏四月癸巳、欲幸齋宮、警蹕已動、百寮成列、未及發、十市皇女暴薨、遂停行幸不果祀、

九年春正月壬申、奉幣帛於諸神祇、己丑、詔畿內及諸國修理天社地社神宮、夏五月己卯、祭皇祖御魂、秋七月丁酉、敕天下大祓、國造等各出被柱奴婢一口、

十三年秋九月癸丑、始奉神寶於伊勢兩大神宮、○寶基本紀云、是時詔每下、國太曆延文三年、二十○寶基本紀云、是時詔每下、國太曆延文三年、十年改造兩大神宮、行遷宮儀、著爲永式、

朱鳥元年夏四月丙申、遣多紀皇女、山背姬王、石川夫人於伊勢神宮、六月戊申、帝不豫、卜之草薙劔爲祟、卽日送之尾張熱田社、初天智帝時、新羅僧道行盜、劔逃去、風雨晦暝、不能進而還、爾後蓋藏之宮中矣、秋七月辛丑、詔諸國大祓、癸卯奉幣紀伊國懸神、飛鳥四社、住吉大神、八月丁丑、祈不豫於神祇、辛巳遣使奉幣於土佐大神、

持統天皇三月秋八月壬午、百官會於神祇官、奉宣天神地祇之事、

四年春正月庚子、奉幣帛於畿內神祇、增神戶田地、秋

國史紀事本末

卷二

九

七月戊寅、班幣神祇、

五年冬十一月戊辰朔、大嘗、丁酉晦、神祇官諸司及播磨因幡郡諸司以下百姓男女奉事、大嘗者、賜食資絹各有差、

六年夏閏六月丁未、以大神宮神誨、免伊勢今年調役、秋九月丙午、神祇官奏上神寶書四卷、冬十二月甲申、遣使奉新羅調於五社伊勢住吉紀伊大倭菟名足、八年春三月乙巳、奉幣諸社、丙午賜神祇官頭至祝部等一百六十四人純布、各有差、十一年夏六月、帝不豫、甲申班幣神祇、

文武天皇二年春正月戊寅、獻新羅貢物於諸社、三月辛巳、禁賀茂祭、日騎射、夏四月戊午、奉馬芳野水分峯神祈雨、五月庚申朔、諸國旱、奉幣諸社、六月丙辰、奉馬諸社祈雨、秋九月丁卯、遣當耆皇女侍伊勢齋宮、冬十二月乙卯、遷多氣大神宮於度合郡、

三年秋八月己丑、奉多禰夜久菴美度感諸島貢物於伊勢大神宮及諸社、

大寶元年春二月己未、遣泉內親王侍伊勢齋宮、秋八月癸卯、律令成、神祇令曰、凡天神地祇者、神祇官皆依常典祭之、仲春祈年祭、李春鎮華祭、孟夏神衣祭、大忌

國史紀事本末

卷二

十

祭、三枝祭、風神祭、李夏月次祭、鎮火祭、道饗祭、孟秋大忌祭、風神祭、李秋神衣祭、神嘗祭、仲冬上卯、相嘗祭、下卯大嘗祭、寅日鎮魂祭、李冬月次祭、鎮火祭、道饗祭、祈年月次二祭、百官皆集神祇官、中臣宣祝詞、忌部班幣帛、凡天皇卽位、總祭天神地祇、散齋一月、致齋三日、其大幣者三月之內修之、凡散齋之內、諸司理事如舊、不得吊喪問病食肉、亦不判刑殺、不決罰罪人、不作音樂、不預穢惡之事、致齋唯祭事得行、自餘悉斷、其致齋前後兼爲散齋、凡一月齋爲大祀、三日齋爲中祀、一日祭爲小祀、凡踐祚之日、中臣奏天神之壽詞、忌部上神璽

之劔鏡、凡大嘗者、每世一年、國司行事、以外每年所司行事、凡祭祀所司預申官、官散齋日平旦、須告諸司、凡祭祀幣帛、飲食及果實之屬、所司長官親自檢校、必令精細、勿使穢雜、凡常禮之外、須向諸社供幣帛者、皆取五位以上卜食者充、唯伊勢神宮常祀亦同、凡六月十二月晦日、大祓、東西文部上祓刀、讀祓詞、訖、百官男女聚集祓所、中臣宣祓詞、卜部爲解除、凡諸國須大祓者、每郡出刀一口、皮一張、鋏一口、及雜物等、戶別麻一條、國造出馬一匹、凡神戶調庸及田租者並充、造神宮及供神調度、其稅者一準義倉、皆國司檢校、申送所司、祇神

國史紀事本末

卷二

十一

令以最重祈年大嘗月次、謂之四祭、公事後世之制、七月以前卽位、以其年行大嘗會、八月以後、以明年、三代實錄

元慶冬十一月丙子、始任造大幣使、

二年春二月己未、分遷伊太祁曾、大屋都、比賣都、麻都比賣三神社、三月己卯、帝御新宮正殿、齋戒、頒幣帛於畿內及七道諸社、夏四月庚子、禁賀茂祭日、徒眾會集、執仗騎射、唯本國人不在禁限、丁未、從七位下秦廣庭、獻杠谷樹八尋、梓根、遣使奉之伊勢大神宮、秋七月癸酉、詔伊勢大神宮封物者、是神御之物、宜準供神事、勿令濫穢、山背乙訓郡火雷神、每旱祈雨必驗、宜入大幣

及月次幣例、八月癸亥、敕伊勢大神宮服料、用神戶調冬十月丁酉、先是薩摩隼人叛、敕討之、祈捷、大宰所部神九處、賊尋平、至是奉幣以賽焉、

慶雲元年夏六月丙子、奉幣諸社祈雨、秋七月壬辰、遣使祈雨諸社、甲辰、奉幣住吉社、冬十一月庚寅、遣從五位上忌部子首奉幣帛、鳳凰鏡、窠子錦於伊勢大神宮、十二月辛酉、奉幣諸社、

二年夏六月乙亥、奉幣諸社祈雨、秋九月丙戌、置八咫鳥社於倭宇太郡、

三年春閏正月戊午、奉新羅調於伊勢神宮及七道諸社、乙丑、敕禱祈神祇、以天下疫疾也、癸酉、泉內親王詣伊勢大神宮、二月己亥、甲斐信濃越中但馬土左等國一十九社始入祈年幣帛例、秋七月丹波但馬山災、遣使奉幣帛於神祇、火自滅、八月甲戌、越前山災、遣使奉幣部內神、庚子、遣三品田形內親王侍伊勢大神宮、冬十二月丙子、遣四品多紀內親王詣伊勢大神宮、

國史紀事本末

卷二

十二

四年春正月乙亥、諸國疫、遣使大祓、夏四月丙申、以天下疫飢、奉幣帛於諸社、

元明天皇和銅元年冬十月庚辰、奉幣伊勢大神宮、告菅平城宮、

三年夏四月乙未詔賀茂祭日、國司每年親臨檢察焉
五年始祀應神帝於豐前宇佐郡、謂之鷹居社、五年以下字佐

託宣

靈龜元年夏六月壬戌、太政官奏、懸象失度、亢旱彌旬、恐東皋不耕、南畝損稼、昔者周王遇旱、有雲漢之詩、漢帝祈雨、興改元之詔、人君之願、載感上天、請奉幣帛、祈於諸社、使民有年、誰知竟力、癸亥詔奉幣諸社、祈雨、尋大雨、時人感悅、

元正天皇靈龜二年春二月丁巳、出雲國造出雲果安齋、竟奉神賀事、神祇大副中臣人足奏其詞、是日百官

國史紀事本末

卷二

十三

齋、自果安至祝部一百一十餘人、進位賜祿有差、

養老元年夏四月乙亥、遣久勢女王侍伊勢大神宮、

四年夏六月甲辰、始置神祇官、史生四員、秋七月始令

文武百官率妻女姊妹會於祓所、命中臣氏世領其事、

中臣以下 故後世稱其祝詞曰中臣祓、中臣祓

五年秋九月乙卯、帝御內安殿、遣使供幣帛於伊勢大

神宮、以皇太子女井上王為齋內親王、

七年夏五月己卯、制神戶當造籍帳、戶無增減、依本為

定、若有增益、即減之、死損、即加之、

聖武天皇神龜元年、移祀應神帝於豐前小倉、宇佐託宣集

謂之宇佐宮、延喜式

二年秋七月戊戌、詔七道諸國、聞諸國神祇社內多有穢尸、及放雜畜、敬神之禮、豈如是乎、國司長官宜自執幣帛、慎致灑掃、

三年秋七月乙未、以太上天皇不豫、奉幣帛於石成葛木住吉賀茂等社、

天平元年夏四月癸亥、敕每年割取伊勢神繩三百匹、賜中臣氏任神祇官者、

二年夏閏六月甲午、制奉幣伊勢大神宮者、卜五位已上充使、不須六位已下、庚子、先是震神祇官、是日敕新

國史紀事本末

卷二

十四

田部親王率神祇官卜之、遣使奉幣畿內七道諸社、秋七月癸亥、詔曰、供給齋宮年料、自今以後、皆用官物、不得依舊充用神戶庸調等物、冬十月庚戌、遣使奉渤海信物於諸國名神、

三年春正月乙亥、神祇官奏、庭火御竈、四時祭祀、永為常例、

六年夏四月戊戌、地大震、廬舍多壞、癸卯、遣使畿內七道檢神社壞者、

七年秋七月庚申、以忌部姦名等請、聽差忌部氏為幣帛使、

九年夏四月乙巳遣使伊勢神宮大神社筑紫住吉八幡二社及香椎宮奉幣告新羅無禮癸亥太宰管内諸國大疫詔祈之部内諸社冬十一月癸酉遣使畿内七道造諸社

十年夏五月辛卯遣右大臣橘諸兄神祇伯中臣名代奉神寶於伊勢大神宮

十二年藤原廣嗣作亂屢祈之諸社

十三年春正月癸巳奉幣伊勢大神宮及七道諸社告遷都

天平勝寶元年春二月丁巳陸奧始貢黃金奉幣畿内

國史紀事本末

卷二

十五

七道諸社告之冬十一月己酉八幡大神託宣向京甲寅遣參議石川年足侍從藤原魚名等爲迎神使路次諸國差發兵士一百人已上前後驅除所歷之國禁殺生從人供給不得用酒肉十二月戊寅遣五位十人散位二十人六衛府舍人各二十人迎八幡神於平羣郡是日入京師造新殿於宮南梨原宮以爲神宮

孝謙天皇天平勝寶二年春二月戊子奉一品八幡大神封八百戶位田八十町二品比賣神封六百戶位田六十町

天平寶字元年夏六月乙未制伊勢大神宮幣帛使自

今以後差中臣朝臣不得用佗姓

廢帝天平寶字三年冬十月戊申先是遣使於伊勢大神宮樹標域其地已而伊勢志摩爭地至是遷標葦洲奉幣大神宮

四年春三月甲戌以皇太后不豫祈之諸社大神宮禰宜内人物忌及諸社祝部皆賜爵一級

六年冬十一月庚子帝將征新羅奉幣及弓矢於天下神祇

八年冬十一月庚子復祀高鴨神於大和葛上郡先是中衛將監賀茂田守等言昔大泊瀨天皇獵葛城山有

國史紀事本末

卷二

十六

老夫每與天皇相逐爭獲天皇怒流其人於土左先祖所主之神化爲老夫爰被放逐乃使田守迎祀之癸丑遣使奉幣近江名神社先是惠美押勝反據近江朝廷遙禱國神押勝尋平至是賽宿禰

稱德天皇天平神護元年冬十一月壬戌遣使修造天下神社

二年夏四月丙申奉八幡比咩神封六百戶以神誨也甲辰伊豫神野郡伊曾乃神越智郡大山積神並授從四位下神戶各五烟久米郡伊豫神野間郡野間神並從五位下神戶各二烟是歲初春日神社於大和添上

郡是歲以下帝王編年記延喜式

神護景雲二年夏四月辛丑、始賜伊勢大神宮禰義季祿、其官位準從七位、度會宮禰義正八位、

三年春二月乙卯、奉神服於天下諸社、每社男神服一具、女神服一具、伊勢大神宮及月次社、加以馬形及鞍、夏六月乙卯、以中臣清麻呂再任神祇官、供奉無失、賜姓大中臣、以神語也、是秋僧道鏡恃寵圖篡、帝遣和氣清麻呂請八幡神教、清麻呂歸奏神意、道鏡之謀遂沮、

光仁天皇寶龜二年冬十月戊辰、詔充越前從四位勳

國史紀事本末 卷二

十七

六等劔神食封二十戶田二町

三年夏四月己卯、震西大寺西塔、卜之曰、採近江滋賀郡小野社木構塔、以故有崇、乃奉本郡二戶、秋八月甲寅、大風雨拔樹發屋、卜之伊勢月讀神爲崇、於是每年九月、準荒祭神奉馬荒御玉命伊佐奈岐命伊佐奈美命並列官社、冬十月己丑、以酒人內親王爲伊勢齋、四年夏五月丙子、充丹生川上神戶四烟、以祈雨有應也、秋九月壬辰、盜入丹波天田郡、奪我社、喫供物、斃社中、乃更建社於近地、

七年夏四月己巳、敕祭祀神祇、國之大典、若不誠敬、何

以致福、如聞諸社不修、人畜損穢、春秋之祀、亦多怠慢、因茲嘉祥弗降、災異荐臻、言念於斯、情深慙惕、宜命諸國莫令更然、秋八月丙辰、遣使奉幣天下羣神、諸社之祝不勤灑掃、以致蕪穢者、收其位記、與替、九月庚午、始置越前氣比神、官司準從八位、

八年秋七月乙丑、以內大臣藤原良繼病、敕其氏神鹿島社正三位、香取神正四位上、

九年春三月癸酉、以皇太子病、遣使奉幣伊勢大神宮及天下諸神、冬十月丁酉、皇太子赴伊勢、親拜大神宮、以賽宿禰、十二月甲申、初神護中、大隅海上有神、造島

國史紀事本末 卷二

十八

名曰大穴持神、至是造其社、

十一年春二月丙申朔、神祇官言、伊勢大神宮寺嚮以有崇、遷建他處、而猶近神郡、其崇未止、請離飯野郡遷之、便地、許之、夏五月壬辰、復伊勢大神宮封一千二十三戶、冬十月丁酉、授常陸鹿島神社祝正六位上、十二月甲辰、越前丹生郡大蟲神、越中射水郡二上神、礪波郡高瀨神並敍從五位下、丁巳、陸奥鎮守副將軍百濟俊哲等言、臣等爲賊所圍、兵疲矢盡、而祈桃生白河等神十一社、乃得潰圍、自非神力、何以濟眾、請列幣社、許之、

天應元年夏四月戊申、令賀茂神二社禰宜祝等始執
務、

桓武天皇延曆元年夏五月壬寅、陸奧言祈禱鹿島神、
討撥凶賊、神驗非虛、望賽位封、敕奉勳五等封二戶、冬
十月庚戌朔、敕伊勢桑名郡多度神從五位下、丁酉、敕
田村後宮今木大神從四位上、

二年冬十二月丁巳、敕大和平羣久度神從五位下、列
官社、

三年春三月丁亥、敕從三位氣太神正三位、夏六月辛
丑、敕正三位住吉神勳三等、壬子奉幣賀茂大神社、告

國史紀事本末

卷二

十九

遷都、冬十一月丁巳、敕賀茂上下二社從二位、松尾乙
訓二神從五位下、以遷都也、十二月丙申、敕住吉神從
二位、

四年秋八月丙戌、伊勢齋朝原內親王將赴大神宮、車
駕親臨焉、冬十一月壬寅、祀天神於交野柏原、賽宿禰
也、

六年冬十一月甲寅、祀天神於交野、其祭文曰、維延曆
六年歲次丁卯、十一月庚戌朔甲寅、嗣天子臣謹遣從
二位行兼大納言民部卿造東大寺司長官藤原繼繩、
敢昭告于昊天上帝、臣恭膺睦命、嗣守鴻基、幸賴穹蒼

降祚、覆幬騰徽、四海晏然、萬姓康樂、方今大明南至、長
晷初昇、敬采燔祀之義、祇修報德之典、謹以玉帛犧牲
粢盛庶品、備茲禋燎、祇薦潔誠、高紹天皇配神作主、尚
饗又曰、維延曆六年歲次丁卯、十一月庚戌朔甲寅、孝
子皇帝臣謹遣從二位行大納言兼民部卿造東大寺
司長官藤原朝臣繼繩、敢昭告于高紹天皇、臣以庸虛
忝承天序、上玄錫祉、率土宅心、方今履長伊始、肅事郊
裡、用致燔祀于昊天上帝、高紹天皇慶流長發、德冠思
文、對越昭升、永言配命、謹以制幣犧齊粢盛庶品、式陳
明薦、侑神作主、尚饗、

國史紀事本末

卷二

二十

七年夏五月己酉、詔祈雨於伊勢大神宮及七道名神、
是夕大雨、百姓始得耕殖、

九年冬十一月丁亥、陸奧黑川郡石神山社爲官社、

十年夏四月庚子、敕越前雨夜神大蟲神從五位下、乙
巳、敕大蟲神從四位下、同國足羽神從五位下、秋八月

辛卯、盜火伊勢大神宮正殿一字財殿二字、門三間、瑞
籬一重、壬寅奉幣以謝焉、九月甲子、敕佐渡物部天神

從五位下、甲戌、禁伊勢尾張近江美濃若狹越前紀伊
諸國百姓殺牛祭漢神、冬十月甲寅、先是皇太子病、禱

伊勢大神宮而愈、至是往拜焉、

十一年冬閏十一月乙酉參議兼神祇伯大中臣諸魚母多治比氏卒先是諸魚進家譜云中臣朝臣任神祇伯者是天照大神神主也累世相承遺喪不解至是敕雖不躬喪紀不可供神事宜令修其服十一年己下日本後紀殘編

十五年秋八月乙丑奉幣畿內諸社祈晴甲戌上野山田郡賀茂神美和神那波郡火雷神爲官社冬十一月辛丑始用隆平永寶錢奉之伊勢神宮賀茂上下二社松尾社日本後紀殘編

十六年夏六月壬申遣使奉幣畿內七道名神帝親臨南庭遣之祈萬國安寧也類聚國史

國史紀事本末 卷二

二十一

十七年春正月乙巳敕掃社敬神銷禍致福今聞神宮司等一任終身悔黷不敬崇咎屢臻天下諸國神宮司神主神長等宜擇氏中清慎者補之任限以六年相代秋九月癸丑定祈年奉幣神主先是諸國祝等每年入京各受幣帛而道路僻遠往還多難至是敕用本國物冬十月丁亥敕出雲國造兼神主者新任之日例皆棄妻取百姓女子號爲神宮采女便納爲妻安託神事遂扇淫風稽之國典理合懲肅國司宜卜定一女供之類聚國史

十八年夏五月丙辰前遣渤海使者外從五位下內藏

賀茂麻呂等言臣等還鄉海中夜暗不知所向適望見火光乃得至隱岐智夫郡其地無居人或云比奈麻治比賣神常有靈驗商賈漂蕩必望見火光賴以獲免伏望預幣例許之六月戊子敕祭祀之事在德與敬心不致敬神寧享之廣瀨龍田祭所以鎮弭風災禱祈年穀也而大和國司觸事怠慢都無肅敬差遣史生祇承朝代祀無報應職此之由自今已後守介一人齋戒祇承若有事故聽遣判官秋九月禁京畿百姓奉北辰燈以齋內親王入伊勢齋宮也日本後紀殘編

國史紀事本末 卷二

二十二

十九年冬十二月戊辰太政官符停筑紫宗像郡大領

兼宗像神主類聚三代格

二十年春二月丙辰始令住吉社神主執笏日本後紀略夏四月

月己亥禁越前屠牛祭神類聚國史

二十一年春正月甲子加陸奧三神位階以征夷將軍

奏靈驗也日本後紀略

二十三年夏六月丙辰制常陸鹿島越前氣比能登氣

多豐前八幡等宮司人懷覬望各稱譜第自今以後神

祇官檢舊記常簡氏中堪事者擬補申官日本後紀殘編

二十四年春二月庚戌造石上神宮使正五位下石川

吉備人奏曰用工凡一十五萬七千餘人帝曰此社所

以異於它社何也、或對曰、多藏兵器故也、帝曰、何由藏兵器、曰、祖宗嘗御神宮、便藏兵器耳、然去都差遠、非所以備非常、請卜而遷之、帝從之、已而文章生布留高庭奏曰、神戶百姓謂神宮有鳴鑄聲、村里驚怪、不知何祥、未幾有詔遷神寶、願罷之、帝曰、卜吉、何不可之有、乃令有司遷神寶於山城葛野郡、會帝不豫、典聞建部十繼爲春日祭使、聞平城松井坊有神託女巫、過而問焉、巫具述石上神震怒之狀、乃還密奏、帝召女巫祭神、遣典藥頭中臣道成等還兵器於石上社、冬十二月乙卯、甲斐巨麻郡弓削社爲官社、以有靈驗也、日本後紀殘編

國史紀事本末

卷二

二十三

二十五年春三月辛巳、帝崩、平城帝立、丁亥、先是以山城葛野郡宇太野爲山陵地、是日日赤無光、大井比叡小野栗栖野等山火、煙塵四合、京師晝昏、帝以爲山陵地近賀茂社、恐有神譴、卽卜筮之、果有祟、帝曰、初卜山陵筮從龜不從、果招災異、可不慎乎、乃自禱祈、火自滅、敕以紀伊郡柏原爲山陵、夏四月丁巳、敕攝津住吉神從五位下、以遣唐使祈也、己未、大和葛上郡高天彥神預四時幣帛、以皇太后請也、秋八月庚午、先是中臣忌部二氏各相訴、中臣氏云、忌部本造幣帛、不讀祝詞、是忌部氏不宜爲幣帛使、忌部氏云、奉幣祈禱是忌部之

職也、幣帛使宜屬忌部、中臣宜充被使、是日敕據日本書紀、天照大神閉天磐戶之時、中臣連遠祖天兒屋命忌部遠祖太玉命掘天香山之五百箇真坂樹上枝懸八坂瓊之五百箇御紵、中枝懸八咫鏡、下枝懸青和幣、白和幣、相與祈禱、然則祈禱之事、兩氏宜共之、神祇令云、祈年月次祭、中臣宣祝詞、忌部班幣帛、踐祚之日、中臣奏天神壽詞、六月十二月大祓、中臣上御被麻、東西文部上被刀、讀被詞、訖、中臣宣被詞、常祀之外、赴諸社供幣帛者、皆取五位以上卜食者充之、是常祀之外、奉幣之使、宜互用兩氏、餘一據令條、日本後紀殘編

國史紀事本末

卷二

二十四

平城天皇大同二年春二月、從五位下忌部廣成上言、草薙神劔實是神璽、自日本武尊凱旋之年、留在尾張熱田社、外賊偷竊、不能出境、神物靈驗、以此可觀、然則奉幣之日、可同致敬、而久代闕如、不脩其禮、何也、尊祖敬宗、禮教所先、故聖皇登極、受終文祖、類于上帝、禋于六宗、望于山川、徧于羣神、天照大神惟祖、惟宗、尊無二日、自餘諸神乃子乃臣、孰能敢抗、而今神祇官班幣之日、敕大神宮於諸神之後、何也、其佗論神祇之事、凡數千言、古語拾遺

三年春二月丙子、御大極殿、祈禱名神、以天下疫也、類聚

國史秋九月辛巳許伊勢大神及度會二宮大内人三員
預外考把笏冬十月丁丑制稽於前例大嘗散齋三月
自今以後以一月爲限十一月戊子敕如聞大嘗會之
雜樂伎人等專乖朝憲以唐物爲飾令之不行往古所
譏宜重加禁斷不得許容日本後
紀殘編

四年春二月丁酉制越前氣比豐前八幡宮司等遷替
之日準國司與解由日本後
紀殘編夏四月辛卯敕修造諸國
神社既有前敕而經涉年月未加修造自今以後所在
長官專當其事務加修理其料度者以神封充無封之
社宜用正稅日本
紀略

國史紀事本末 卷二

二十五

嵯峨天皇弘仁元年冬十二月壬午先是藥子之亂帝
遙禱於香椎廟是日遣參議巨勢野足奉幣日本後
紀殘編
二年春二月辛未敕據令條凡祭祀者所司預申官官
散齋日平旦頒告諸司夫散齋之内不得弔喪問疾食
肉不判刑殺不決罰罪人不作音樂不預穢惡之事今
至散齋之日乃頒告諸司則諸司情事或犯禁忌宜改
令條自今以後散齋前一日頒告諸司秋七月己酉安
藝佐伯郡速谷神伊都岐島神並預名神例及四時幣
九月壬辰朔禁本月祭北辰及舉哀改葬等事以齋内
親王入伊勢也日本後
紀殘編

三年夏五月庚寅制神社有封者神戶修造無封者無
人修造自今以後宜令禰宜祝等修造每有小破隨卽
修葺國司屢加巡檢不得使致大破若禰宜祝等不勤
修理致破壞者並從解卻其有位者卽追位記白身者
決杖一百國吏不檢閱有致破損者遷替之日拘其解
由但遭風火非常之變不堪修造者宜奏之辛酉敕伊
勢多氣度會飯高飯野等七郡神戶百姓等緣徵正稅
必加刑罰已亂齋事或致逃散是以昔年停出舉自茲
以後借求富民至于報償加利數倍舉者有罪償者受
弊明年以後神稅之外舉正稅十三萬三千束以其息

國史紀事本末 卷二

二十六

利充齋宮用六月辛卯神祇官言住吉香取鹿島三神
社二十年一改作積習爲常其弊不少須除正殿外隨
破修理永爲恆例許之秋七月丁巳朔以早疫奉幣天
下名神戊午御大極殿奉幣伊勢大神宮日本後
紀殘編
四年冬十月壬午奉幣名神告豐檢日本
紀略丁未左中辨
兼攝津守小野野主言後女之興國史詳矣其後不絕
今猶見存後女養田在近江和通村山城小野鄉今小
野臣和通部等既非其氏反貢後女貧人利田下顧恥
辱請令所司嚴加捉搦斷用非氏太政官符停兩氏貢
後女定後女公氏女一人進縫殿寮以爲恆例日本
紀略

官已下類
聚三代格

五年秋九月戊子奉幣名神告豐獲日本後
紀殘編

六年冬十一月丁亥敕自十一月一日至十二月十日

常行祭事京官不得決死罪日本後
紀殘編

七年夏六月丙辰敕頃年新嘗會神今食卜定小忌參

議一人供神事其人有故乃致闕失自今以後卜定數

人以備補闕西官
記秋七月癸未敕風雨不時田園被害

此則國宰不慎祭祀之所致也聞今茲青苗滋茂宜敬

神祇以致豐稔庶俾嘉穀盈畝黎元殷富今令畿內七

道官長清慎齋戒奉幣名神莫致漏失類聚
國史

國史紀事本末 卷二 二十七

八年春二月丙申神祇官言祈年月次等祭日諸社祝

部須參集祭庭受幣供神而比年未嘗來會幣帛一百

四十裏收諸官庫無人可付伏望準寶龜六年格頒幣

之日祝部不會者不論有位無位一切解職許之類聚
國史

十年冬十一月甲午定新嘗會神今食等小忌之數中

納言已上一人參議一人辨一人中納言以上卜不從

定參議二人西官
記

十一年秋八月甲午令常陸鹿島神社祝禰宜執笏類聚

國史

十二年秋八月辛巳太政官符令伊勢大神宮司檢納

神郡田租國司不得預類聚三
代格

十三年夏六月庚辰授尾張熱田神從四位下日本
紀略

十四年春正月丁丑常陸筑波神列官社以有靈驗也

冬十月辛丑奉肥後阿蘇郡建磐神封二千戶以禱雨

必應也日本
紀略十一月癸亥右大臣藤原冬嗣大納言藤

原緒嗣奏言聖主相續頻御大嘗天下騷動人民多疫

然神事不可得廢請去文飾省冗費帝曰神事何須華

靡乃令中納言良岑安世等為檢校使治部省廳為行

事所宮內省為悠紀所中務省為主基所停金銀刻鏤

務從儉素標以神造之飾以橘及木綿書悠紀主基字

國史紀事本末 卷二 二十八

著其末所用正稅悠紀主基各十萬從國司請各減五

萬類聚
國史

淳和天皇天長元年夏四月乙酉帝御大極後殿遣少

納言繼野王等於伊勢奉御劔幣帛於大神宮以有崇

也類聚
國史

二年冬十二月甲子敕諸國小社或置祝不置禰宜或

禰宜祝並置或獨有女祝舊例紛謬準據無定自今以

後禰宜祝並置者以女為禰宜類聚三
代格

仁明天皇天長十年秋七月戊子越後蒲原郡伊夜比

古神預名神冬十月辛丑帝將行大嘗會行幸賀茂河

修禊事、掃部守池田春野見諸大夫裾曳地笑曰、是尋常裝束、非神事古體、卽自指其裾示之、裾離地差高、袴欄悉露、眾嘆服、十一月癸卯、御八省院修禊祀之禮、戊辰御豐樂院、悠紀主基皆立標、造日月雲霞神仙鱗鳳之形、悠紀樂標造巨象形、構小臺於其背、令兩童子擎畫障、障後設機、隨舞人進蹈而舉其舞名、其奢麗如此、承和元年春正月庚午、以山城葛野郡上林鄉地方一町、賜伴宿禰等爲祭氏神處、秋九月癸酉、始令能登氣多神社禰宜祝執笏、

國史紀事本末

卷二

二十九

二年春二月戊戌、越前氣比神社祝禰宜率鹿島氣多聽執笏、投下野武茂神從五位下、冬十二月壬午、尾張日割御子神、孫若御子神、高座結御子神並預名神、甲申授伊勢阿邪賀神從五位下、

三年春正月乙丑、奉陸奧白河郡八溝黃金神封二戶、先是國司禱神採沙金、多獲之、以助遣唐使之資、云夏五月丁未、授下總香取神、常陸鹿島神正二位、河內天兒屋神正三位、比賣神從四位、是後羣神敘位日多、不可勝數、冬十月丙辰、下總言香取禰宜請準鹿島世世執笏、許之、十一月己巳、美濃金山彥神預名神、

四年春三月辛卯、石見十五社列官社、以每禱必應也、

二月癸卯、聽大春日布瑠粟田三氏五位以上、準小野氏春秋二祠時不待官符、赴近江滋賀郡氏神社、三月戊子、常陸新治郡佐志能神、真壁郡大國玉神並列官社、以有靈驗也、秋八月日向都農妻江田霧島四神、預官社、伊豫大山積野間二神並預名神、

六年春二月戊寅、以越前氣比社雜務、隸神祇官、國司不復預焉、夏五月丙午、大和高天彥神爲名神、冬十月辛酉、奉唐物於伊勢大神宮、十一月癸未、伊勢齋宮火遣使存問齋內親王、賜絹百匹、綿三百屯、調布五十端、七年夏四月戊辰、敕敬神如在、視民如子、國宰能事、古

國史紀事本末

卷二

三十

今通規、是以屢施條章、觀彼治道、而吏非公平、民苦疾疫、年穀不登、飢饉荐臻、論之政迹、理合懲肅、宜更下知、五畿七道諸國巡行所部、修造神社、禰宜祝等若有怠者、解卻決罰、一依前格、年中修造之數、別錄言上、三年之內、遣使覆檢、猶有破壞者、國司郡司科違敕罪、六月甲子、播磨家島八保二神爲官社、秋七月己亥、奉出羽大物忌神封戶、初菅原梶成等使唐而還、漂至一島、島夷將殺之、梶成等苦鬪脫還、人以爲神助、會出羽言神社上有戰鬪聲、時日相符、故有是詔、庚子肥後巴石神列官社、冬十一月庚辰、對馬和多都美御子、波良波都

都知、銀山四神並列官社、

八年春三月壬申、敕禁大和春日神山狩獵伐木、是歲備前安仁神爲名神、土佐美良布石土二神列官社、

九年隱岐由良比賣神、海部宇受加命神、水若酢命、但馬山神、雷神、戶神、蜀椒神、海神並列官社、

十年梅宮酒解神、大若子神、小若子神、自玉手祭來酒解神、山崎神、酒解子神、平野社並爲名神、

十一年冬十一月辛亥、賀茂縣主廣友等奏、鴨川從二社傍南流、而王臣家及百姓取獸北山、洗之上流、下流來觸神社、繇此汙穢之祟、屢見御卜、請自本國至河源、

國史紀事本末

卷二

三十一

嚴禁狩獵、

十二年夏六月壬午、敕令齋宮寮頭及助、檢校大神宮及多氣度會兩神郡雜務、立爲恆例、秋七月丁卯、常陸言、據去年二月二十七日符、補任鹿島神宮權官司、庶務之勤、不異正任、而奉幣朝使只給正任當色、不給權任、祭祀之場、同官異色、望請準據正任預給例、許之、冬十二月庚辰、稻荷神列名神、

十四年夏六月甲寅、先是左相撲司伐葛野郡槻樹造大鼓、有祟、是日奉幣及鼓於松尾神以謝焉、秋七月壬申、加安房大神及從神祭、正稅穀一百斛、丁卯、攝津大

依羅社國造神爲官社、

嘉祥元年春二月辛亥、奉賀茂御祖神、御戶代田一町、三月壬申、奉山城山崎神、御戶代田二町、秋七月因幡字倍神爲官社、先是國中失火、將及國府、國司祈之神、風止火滅、故有是命、冬十一月壬申、隱岐伊勢命神列名神、

二年春二月壬辰、敕松尾社禰宜祝等執笏、是歲常陸稻村神、美濃養基神、武藏奈良神、播磨佐用津姬神爲官社、

國史紀事本末

卷二

三十二

三年夏五月丙申、以武藏奈良神爲官社、先是武藏奏請、檢古記、慶雲二年此社放光如火、其後陸奥夷虜反亂、本國發兵援陸奥、眾恃神威進擊、所向無前、老弱在軍者、得無死傷、和銅四年社中忽有湧泉、溉田六百餘町、民有疫癘、禱之輒愈、人命所繫、不可不崇、從之、秋八月戊申、遠江角避比古神爲官社、先是遠江奏言、此社瞰臨大湖、湖水所溉、舉國賴利、湖有一口、開塞無常、塞則民被水害、開則民遭豐穰、一開一塞、神實爲之、請加崇典、爲民祈利、從之、
文德天皇仁壽元年春正月庚子、詔天下諸神、不論有位無位、悉敘正六位下、

齊衡三年夏四月甲戌詔諸國三位已上名神神主及
禰宜祝等並執笏秋九月辛亥造酒司酒甕神從五位
下大邑刀自小邑刀自並預春秋祭冬十二月戊戌常
陸上言鹿島郡大洗磯前有神新降初郡民有煮海爲
鹽者夜半望海有光屬天明日有兩怪石在水次高各
尺許狀類神造民異之明日有二十餘小石環繞左右
如侍坐者彩色非常神憑人云我是大奈母知少比古
奈命也昔造此國去往東海今將濟民故亦來歸
天安元年秋八月辛未常陸大洗磯前酒列磯前神爲
官社冬十月己卯號磯前二神曰藥師菩薩名神

國史紀事本末

卷二

三十三

二年自帝即位至是歲天下羣社列官社者山城則神
足神片山神大和則木神波寶神波比賣神河內則伯
太彥伯太姬神伊勢則多度神葭原神美濃則伊富岐
神尾張則真清田神大縣神大國靈神大御靈神憶咸
神近江則息神伊豆則伊古奈比女神安房物忌奈神
武藏則廣瀨神常陸則鴨大神御子神主玉神相模則
石楯尾神紀伊則手力男神播磨則天一神周防則二
股神備中則吉備津彥神出雲則天穗日命神淡路則
大和大國魂神薩摩則賀紫久利神越前則天八百萬比
咩神天國津比咩神天國津彥神大鈴神王佐佐良彥

神信露貴彥神壹岐則角上神天手長男神天手長比
咩神列名神者山城則園神韓神鴨川合神大和則金
峯神伊豫則村山神阿邪賀神近江則散久難度神遠
江則敬滿神尾張則多天神駿河則淺間神其餘奉位
田封戶者亦多云

清和天皇貞觀元年春正月甲申京畿七道諸神進階
敘位者二百七十六社二月癸丑敕修天下神社冬十
月遣使諸國班幣羣神先是祈豐穰有驗因賽焉庚戌
鑄錢司進新錢奉諸名神

二年秋九月丙寅始置下野二荒神社神主

國史紀事本末

卷二

三十四

三年春二月己巳皇太后親奉幣大原野神社是月太
宰大貳清原岑成將伐某社樹脩府倉或曰此神有靈
樹不可伐岑成不聽遂伐之岑成獲病尋卒
六年秋七月辛亥敕曰去年七月二十五日令五畿及
伊賀伊勢志摩遠江相模上總等國云鎮護國家消伏
災害是敬神祇欽祭祀之所致也是以格制頻下警告
慇懃今諸國牧宰不慎制旨專任神主禰宜祝等令神
社破損祭禮疎慢神明由是發祟國家以此招災今欲
令諸社一時新加華飾而經月踰年未有脩造宜早加
修飾勿致重怠八月己未敕甲斐國司曰駿河富士山

火國司奏言、決之著龜云、淺間名神禰宜祝等不勤齋敬之所致也、宜奉幣解謝焉、戊辰制、筑前香推廟司以六年為仕限、

七年夏五月乙巳、制五畿七道諸神社祝部停補白丁、以八位已上及年六十以上人充之、立為恆例、冬十月己巳、敕河內平岡神主一人給春冬當色軾料絹布等、一如平野梅宮神主、又春秋二祭、差神祇官中臣官人一人檢校祭事、兼付幣帛、又差琴師一人供祭事、立為恆例、十二月丙辰、敕甲斐八代郡立淺間明神祠、列官社、置祝禰宜、以時致祭、先是國司言、往年八代郡暴風

國史紀事本末

卷二

三十五

大雨雷電地震、天地晦冥、富士山西峯忽有熾火、燒碎巖石、今年八代郡擬大領伴真貞託宣云、我淺間明神、欲得此國齋祭、卜之亦然、乃建神宮、以真貞為祝、而火變未息、遣使檢察、灰土填海十町許、上有石閣石門、采色美麗、神異不測、伏請列官社、從之、甲子敕、河內平岡神、準春日大原野神、春冬二祭奉幣、立為永制、丁卯令甲斐山梨郡祭淺間明神、一同八代郡、

八年春正月丁酉、先是鹿島神宮司言、大神苗裔三十人、在陸奥、聞之古老云、延曆以前、割大神封物奉幣、陸奥諸社、弘仁以還、絕而不奉、由是諸神為祟、怪異寔

繁、嘉祥元年、請國司移狀奉幣彼社、而陸奥稱無舊例、不聽、入關、宮司棄幣而還、自後神祟不止、境內旱疫、請令彼國聽出入關奉幣諸社、以解神怒、又言、鹿島神宮之制、凡六院、每二十年一加修造、所用材木五萬餘、工夫十六萬九千餘、料稻十八萬二千餘束、採材之地、在那賀郡、去宮二百餘里、行路嶮峻、輓運多煩、而宮材多用栗、栗樹易裁、易長、請栽栗五千七百株、杉四萬株於宮側曠地、付神宮司、令加植且守焉、並許之、庚子制、伊勢大神宮及豐受神宮禰宜授五位者、便以神稅給位祿、先是公卿奏請、六月十二月、諸家必有祓除神宴、絃

國史紀事本末

卷二

三十六

歌醉舞、欲悅神靈、而諸衛府舍人放縱之徒、不待主招、好備賓伍、侵幕爭入、突門自臻、初貪酒食、後責贈遺、其求不給、忿訟詈辱、或託神語、恐喝主人、濫惡之甚、不異羣盜、雖豪貴之家、尚無所憚、況於無告之徒乎、是而不糺、何云國憲、請嚴命所司、一切禁遏、是日敕禁之、辛丑制、伊勢大神宮及豐受神宮禰宜授五位者、資人以神郡人補之、永為恆例、夏五月己巳、大神宮司以國中疫疾、請停齋內親王六月祭神之儀、許之、秋九月甲子、敕禁葬歛山城愛宕郡神樂岡旁近之地、以與賀茂御祖社相接也、

九年秋八月戊辰、敕伊勢伊佐奈岐伊佐奈彌神改社稱宮、預月次祭、置內人一員、

十年冬、閏十二月甲寅、敕令大和差騎兵四十人執伏士二十人、備春日齋女參社之儀、立爲恆例、

十一年冬十二月丁酉、以新羅賊掠豐前貢絹、奉幣大神宮、

十二年夏六月戊申、松尾社物忌一人給日糧、立爲永例、秋七月壬申、遣使築河內堤、恐未成而有水害、奉幣

大和諸神、以河內之水發源大和也、八月丙申、加置伊勢大神宮司一員、

國史紀事本末 卷二

三十七

十三年夏五月丁未、制攝津住吉神封戶在筑前者、其調庸綿付太宰貢綿使、送之神社、立爲永式、辛酉、先是

出羽國司言、從三位勳五等大物忌神社在飽海郡山上、岩石壁立、不生草木、前月山石自焚、有聲如雷、泥水

溢出、溪魚皆死、有二巨蛇流入海口、決之著龜、並云、宿禰未賽、又塚墓骸骨汙其水田、故有此災、是日詔國司

賽宿禰、除汙穢、

十五年夏五月戊子、制伊勢大神宮司元一員、年料給絹百匹、米三百斛、其後加置一員、今定絹各五十匹、米

各百斛、秋九月辛未、次侍從春澄高子往伊勢、奉幣氏

神、敕賜稻一千五百束爲路資、

十六年秋七月戊子、太宰府言、薩摩開聞神山有火自燒、煙薰滿天、灰沙如雨、聲聞百餘里、求之著龜、神欲得

封戶、敕奉封二十戶、八月己巳、遣玄蕃頭弘道王於伊勢、奉幣大神宮、禱去災蝗、是後蝗或化蝶、或爲蜂所殺、

一時蕩盡、

十八年春正月癸卯、先是太宰府言、香椎廟宮每年春秋祭日、志賀島白水郎男女各十人、奏風俗樂、所著衣

冠、寶龜中大貳佐伯今毛人所造、年代久遠、不中服用、請以府庫物造之、是日許之、冬帝讓位皇太子、帝之在

國史紀事本末 卷二

三十八

位、羣神列官社者、大和則氣吹雷神、響雷神、楯本神、河內則飛鳥戶神、田坐神、栗栖神、近江則建部神、武藏則

金佐奈神、紀伊則堅真神、讚岐則雲氣神、田村神、丹波則荒木神、肥後則阿蘇比咩神、出羽則大物忌神、能登

則大穴持宿那彥神、凡十有餘社、陽成天皇元慶元年秋九月癸亥、班幣天下羣神、凡三

千一百三十二神、

二年春二月乙酉、從五位下山背金子往阿波、奉幣氏神、賜稻三百束、三月辛丑、詔太宰府、採銅豐前規矩郡

告之八幡宮、秋七月己未、大和廣瀨龍田兩社各造倉

一字蓄神寶、冬十二月壬寅、大宰少貳島田忠臣等奏言、香推宮託宣云、新羅欲來寇、乃遣刑部大輔弘道王、祈神助於伊勢大神宮、乙酉遣使奉幣香推八幡及姬神、住吉宗形等神、別奉香推八幡姬神、以綾羅衣各一襲、金銀裝寶劔各一、

三年冬十月乙巳、伊勢高宮物忌準諸宮物忌給月糧、十一月辛酉、廢梅宮祭、梅宮神、仁明帝母橘氏也、自帝時列官社、至是廢、

四年春三月庚辰、伊勢大神宮始置歌長一人、

五年春二月己亥、割伊勢正稅一萬束、付大神宮司、每

國史紀事本末

卷二

三十九

年出舉、以其息修齋宮雜舍、三月甲戌、制天下神社祝部氏人本系帳、三年一進、秋八月壬寅、定伊勢大神宮大宮司一員、正六位上階、小宮司一員、正七位上階、先是神祇官言、大神宮司元置從六位階一員、而貞觀十二年加置一員、大小無別、職掌不分、同稱受領、交爲爭論、請定大小員、遷代之日、分付受領、一準長官任用、從之、

六年冬十月甲子、令大和造春日神社馬埵、先是春秋二祭、令興福寺造埵、寺僧言、神佛異道、願改之、故有是命、戊辰晦、敕山城國司、送迎伊勢大神宮奉幣使、先是

神祇官言、檢格條、大神宮九月十一日神嘗、二月四日祈年、六月十二月月次等祭、及臨時幣帛使之出宮城、左右京職主典以上率坊令兵士、迎之外門、送出京城、近江伊賀伊勢等國、每至界首、目以上一人率郡司健兒等送迎、惟自京城至近江境、無人祇承、汗穢不掃、請令山城國司送迎、從之、

七年冬十月戊午、伊勢飯野郡神戶百姓泰貞成訴大神司大中臣貞世犯用神物、且不理多氣郡擬大領麻績豐世殺人事、太政官欲遣使推問、左大史九部百世曰、故事大神宮司有罪、不遣推問使、下符國司推驗之、

國史紀事本末

卷二

四十

耳、乃令國司推糺真偽、十一月戊辰、敕伊勢大神宮及豐受宮酒立女各二人、準三祭日舞女例給祿、八年夏四月丁酉、復梅宮祭、秋八月甲寅、造神琴二面、奉卷日、以舊物破壞也、九月丙寅、太政官處分越前氣比神宮封租穀、令國宰宮司俱掌出納、又停國司役神戶百姓、

光孝天皇仁和二年秋九月庚辰、奉大神宮神寶、凡大神宮神寶二十年一改造、是時未滿二十年、而神寶成、因奉之、冬十月壬申、敕以伊豫讚岐正稅穀各一千斛充齋宮寮、先是齋內親王入大神宮、以伊勢正稅三千

斛資新居之費、至是以二國、

宇多天皇寬平五年春三月二日詔曰、二月初年、六月十二月月次、十一月新嘗祭等者、國家之大事也、欲令歲災不起、時令順度、神預此祭者、京畿外國大小凡五百五十八社、特致潔齋、慎令祭祀、而敬惟略簡、禮非如在、每至祭日、奸濫雲集、及獻幣帛、老少拏攫、徒有陳設之營、曾無供神之實、禰宜祝部須問神祇官、敬受幣物、虔奉其社、而此等人無致其敬、或雇出身、不自參進、或雖躬受取、無心奠祭、頑愚之徒、狎黷神禁、神之爲祟、職此之由、凡祭神之禮、以神主禰宜祝部爲齋主、而不勤

國史紀事本末 卷上

四十一

職掌、疎略神事、非惟神主等之怠惰、抑亦齋主不加糾勘之所致也、自今以後、京內諸國社所帶諸司、殊加檢察、畿內外國本國官長相與監臨、祭祀之日、必致齋敬、若祭事不慎、監察有怠者、官司處分、重責神主禰宜祝部等、科被解職、一如貞觀十年六月二十八日格、宇多代格

醍醐天皇延喜十四年夏四月、式部大輔三善清行上封事曰、國以民爲天、民以食爲天、無民何據、無食何資、然則安民之道、足食之要、唯在水旱無殄、年穀有登也、故朝廷每年二月四日、六月十一日、十二月十一日、於

神祇官立祈年月次之祭、嚴加齋肅、遍禱神祇、乞其豐

熟、致其報賽、其儀公卿率辨官及百官、參神祇官、神祇

官每社設幣帛一裹、清酒一瓮、鐵鉞一枚、陳列棚上、社

或有奉馬者、祈年祭一匹、月次祭二匹、亦皆左右馬寮牽列、神馬、神

祇官讀祭文畢、以祭物頒諸社祝部、奉本社祝部須潔

齋、捧持各以奉進、而皆於上卿前、卽以幣絹挿著懷中、

拔棄鉞柄、唯取其鋒、傾其瓮酒、一舉飲盡、曾無一人持

出神祇官之門者、況其神馬則市人於郁芳門外、皆買

取而去、然則所祭之神、豈有歆饗乎、若不歆饗、何求豐

穰、伏望申敕諸國、差史生以上一人、率祝部受祭物、必

國史紀事本末 卷二

四十二

致本社以存如在之禮、意見封事

延長五年冬十一月、延喜式成、日本紀略天下羣神列祀典

者、三千一百三十二座、其祭於神祇官者、大小凡七百

三十七座、其餘國司所祀、不領於神祇官云、延喜式

弟延之 延壽校

門人草川重遠書

國史紀事本末卷之二終

國史紀事本末卷之三

崇神平四道

從六位守大學校中博士常陸青山延光 編次

崇神天皇十年秋七月己酉、詔羣卿曰、導民之本、在於教化、今既禮神祇、災害皆銷、然遐荒遠俗、未習王化、其選羣卿遣之四方、令知朕意、九月甲午、遣大彥命於北陸、武渟川別於東海、吉備津彥於西道、丹波道主命於丹波、詔曰、若有不受教者、以兵伐之、乃皆授印綬、爲將軍、大彥命、孝元皇子、武渟川別、大彥命子、武渟已下古事記、吉備津彥、孝靈皇子、道主命、開化帝孫、彥坐王子也、壬子

國史紀事本末 卷三

大彥命至和珥坂、聞兒女唱歌異之、乃還奏、皇姑倭迹迹日百襲姬奏曰、是武埴安彥將反之兆也、吾聞其妻吾田媛密來倭香山取土、有所祈、是必有異圖也、若不早圖、必失機矣、乃留諸將議之、武埴安彥、孝元皇子也、武埴安彥果反、與妻分道入寇、帝遣吉備津彥命、遮擊吾田媛於大坂、破斬之、帝又遣大彥及彥國葺於山背、拒埴安彥進至輪韓河、埴安彥臨河而陣、望見官軍、問曰、何故來、彥國葺曰、汝逆天無道、吾奉詔來討、乃相射、埴安彥先發不中、彥國葺射洞埴安彥、胷殺之、賊乃潰、官軍濟河追擊、斬獲甚眾、冬十月乙卯、詔曰、今反者伏

誅、畿內無事、獨海外荒俗騷動未定、四道將軍其速發、丙子大彥等發、

十一年夏四月己卯、四道將軍凱旋、具奏平夷之狀、是歲異俗多來歸、

十二年春正月丁亥、詔朕今受天位、獲保宗廟、明有所蔽、德不能綏、是以陰陽錯繆、寒暑失序、疾疫多起、百姓蒙災、然今解罪改過、敦禮神祇、又垂教而綏荒俗、舉兵以討不服、是以官無廢事、下無逸民、教化流行、眾庶樂業、異俗來附、海外歸化、宜更校人民、令知長幼之序及課役之先後焉、秋九月己丑、始校人民、更科調役、是後

國史紀事本末 卷三

二

天下大治、世稱曰御肇國天皇、

六十五年秋七月、任那國遣蘇那曷叱知朝貢、奏曰、臣國東北有三巴汶地、上巴汶、中巴汶、下巴汶、地方三百里、人民富饒、新羅國屢來爭之、兵戈相尋、民不聊生、請令將軍鎮之、帝大悅、命羣臣擇其人、羣臣奏曰、彥國葺命、孫鹽乘津彥命、爲人勇悍、膂力絕倫、必能勝其任、帝乃遣鹽乘津彥命往鎮、奏曰已下姓氏錄

狹穗彥之叛

垂仁天皇二年春二月己卯、立狹穗姬爲皇后、后生皇子譽津別命、

四年秋九月、皇后兄狹穗彥潛圖不軌、問皇后曰、愛兄孰與愛夫、后不曉其意、對曰、愛兄、狹穗彥乃曰、以色事人者、色衰寵弛、今天下佳人爭進求寵、寵不足恃、吾若登天位、與汝永臨天下、不亦樂乎、汝爲我弑天皇、因取匕首授之、后大驚、然知其不可諫、受而藏之、

五年冬十月己卯朔、帝幸來目御高宮、枕皇后膝而寢、后思兄言、淚落帝面、帝寤謂后曰、朕夢錦色小蛇繞朕頸、大雨從狹穗來濡朕面、是何祥也、后大懼伏地、具奏兄謀曰、妾不能違兄意、又不忍背陛下之恩、告則亡、兄不告則覆社稷、所以悲泣也、帝曰、是非汝罪也、乃發近

國史紀事本末

卷三

三

縣兵遣上毛野八綱田擊狹穗彥、狹穗彥積稻爲城、堅不可破、踰月不降、后歎曰、吾若失兄、何面目莅天下、乃抱皇子入兄城、帝益發兵圍之、敕城中曰、急出、皇后皇子不聽、乃縱火焚城、后使人抱皇子出城、奏曰、妾之所以入城者、欲救兄也、今不得免、知妾亦有罪、妾將就死、然妾不敢忘天皇之恩、丹波有五女子、皆志操貞潔、實丹波道主王之女也、願入之掖庭、帝許之、城遂陷、后與狹穗彥俱死、

十五年春二月甲子、帝思后言、召丹波道主五女、納之掖庭、秋八月壬午朔、立道主長女日葉酢媛命爲皇后、

垂仁停殉

垂仁天皇七年秋七月乙亥、左右奏言、當麻邑有勇士曰當麻蹶速、膂力絕倫、恆謂人曰、天下孰能當我者、我願遇勁敵決死、帝謂羣臣曰、孰能當彼者、或進曰、臣聞出雲有勇士曰野見宿禰、請試召之、卽日遣使召野見宿禰、與蹶速角力、二人對立、各舉足相蹶、蹶速脇骨乍折、乃蹈折其腰殺之、帝奪蹶速地、賜野見宿禰、野見宿禰乃留仕焉、

二十八年冬十月庚午、帝母弟倭彥命薨、十一月丁酉、葬倭彥命於身狹桃花鳥坂、悉聚其近臣、生埋之墓側、數日不死、晝夜啼泣、帝聞而悲之、謂羣臣曰、以生殉死、實所不忍、自今以後宜罷之、

國史紀事本末

卷三

四

三十二年秋七月己卯、皇后日葉酢媛命薨、葬有日、帝詔曰、朕向知殉之不可、今日之事、奈之何、野見宿禰進曰、殉固不仁、豈宜傳之後世乎、臣願議便宜奏之、乃召出雲土部一百人、取埴造人馬及眾物形、獻之曰、請以此易生人、傳爲後世法、則帝大喜曰、汝議實協我心、乃立之、皇后陵側、名曰埴輪、又名立物、下令曰、自今以後、陵墓必立是物、無傷人焉、帝深賞野見宿禰、賜之鍛地、任土部職、改姓土部、自是土部氏掌天子凶儀、建真利

根命造石棺獻之帝賜姓石作大連公建真利根已下姓氏錄

光仁天皇天應元年夏六月壬子遠江人土師古人等言土師之先出自天穗日命其十四世孫曰野見宿禰昔纏向珠城宮御宇垂仁天皇世古風尚存葬禮無節每有凶事例多殉埋于時皇后薨梓宮在庭帝顧問羣臣曰後宮葬禮爲之奈何羣臣對曰一遵倭彥王子故事臣等遠祖野見宿禰進曰臣以爲殉埋之禮殊乖仁政非益國利人之道乃率土師三百餘人自取埴造諸物形進之帝覽而甚悅以代殉人此卽往帝之仁德先臣之遺愛垂裕後昆生民賴焉式觀祖業吉凶相半若

國史紀事本末

卷三

五

其諱辰掌凶祭日預吉如此供奉允合通途今則不然專預凶儀尋念祖業意不在茲望請因居地名改土師姓爲菅原敕許之

弟延之 延壽校

門人草川重遠書

國史紀事本末卷之三終

國史紀事本末卷之四

從六位守大學校中博士常陸青山延光 編次

景行平熊襲 日本武尊征蝦夷

景行天皇十二年秋七月筑紫熊襲反八月己酉車駕親征九月戊辰至周芳娑磨帝南望謂羣臣曰烟氣簇起此必賊巢也遣武諸木菟名手等伺察女子神夏磯媛一國魁帥也聞使者至舉素幡來降獻八握劔八咫鏡八尺瓊奏曰國中賊魁據菟狹川者曰鼻垂據御木川者曰耳垂據高羽川者曰麻剝據綠野川者曰土折猪折皆盤據要地劫略人民不肯歸順急擊勿失於是

國史紀事本末 卷四

武諸木誘麻剝以雜貨使之諭降三賊賊皆至悉捕斬之帝遂幸筑紫建行宮於豐前長峽縣冬十月進至碩田國速見邑女子速津媛為邑長迎駕奏言山中石窟有二蜘蛛以青白為號直入縣禰疑野有三土蜘蛛曰打援曰八田曰國摩侶皆驚猛擁眾若強召之必將抗拒帝惡之駐軍來田見邑權興宮室居之與羣臣議曰今擊賊以眾賊竄匿山野必為後患乃伐木造巨楯簡勁率授之排草莽突進悉誅青白二賊將討打援踰禰疑山賊從旁峯雨射帝乃還城原勒兵擊八田於禰疑野破之打援震懼乞降不聽皆自投澗谷而死十一月

幸日向造行宮謂之高屋宮十二月丁酉議討熊襲帝曰朕聞賊魁厚鹿文迺鹿文醜類甚多是謂熊襲八十梟帥其鋒不可當今討之以寡則不可克用眾則民困徵發朕欲不戰而克計將安出一人進曰賊帥有二女曰市乾鹿文市鹿文美而勇請以重幣致之使其圖之賊可獲也帝從之詐納二女嬖市乾鹿文市乾鹿文奏曰陛下勿憂妾有良策乃以兵士還家飲父以醇酒伺其酣寢密斷弓弦使從兵殺父帝惡其悖逆誅之以市鹿文賜火國造

十三年夏五月襲國悉平

國史紀事本末 卷四

十七年春三月己酉帝幸子湯縣丹波小野東望曰是國直向日出處乃名其國曰日向是日帝思京師作歌是謂思邦歌時帝駐蹕高屋宮者六年矣十八年春三月帝將還京師至夷守諸縣君泉媛獻食夏四月甲子至熊縣召土人熊津彥兄弟兄熊來降弟熊不來遣兵誅之壬申從海路泊葦北小島方食令山部小左進水島無水乃祈之神忽得湧泉獻之因名水島五月壬辰御船發葦北會日暮不知所向適望見火光赴之至八代縣豐村索火不見乃名曰火國六月癸亥至玉杵名邑誅土蜘蛛津頗丙子至阿蘇國原野曠

遠不見居人。帝曰：此國有人乎？有神曰：阿蘇都彥。阿蘇都媛來見曰：吾二人在，何謂無人？乃名國曰阿蘇。秋七月甲午，至筑紫後國。御高田行宮，有僵樹長九百七十八丈。帝問曰：何木也？父老對曰：是爲歷木。木之未僵，晨蔭杵島山，夕蔭阿蘇山。帝名曰御木國。丁酉，至八女縣。帝望見栗岬，曰：諸峯甚美，其地有神乎？水沼縣主猿大海奏言：有女神常居山中，名八女津媛。八月，至浮羽邑。膳夫遺蓋，筑紫呼蓋曰浮羽，因名其地。

十九年秋九月癸卯，車駕凱旋京師。

二十五年秋七月壬午，遣武內宿禰於北陸及東國，同

國史紀事本末

卷四

三

察地形風俗。

二十七年春二月壬子，武內從東國還，奏言：東夷有日高見國，男女推結文身，天性勇悍，號曰蝦夷。土地沃饒，可擊而取也。秋八月，熊襲反，屢侵邊境。冬十月己酉，遣皇子日本武尊討熊襲。日本武尊名小碓，與兄大碓皇子雙生，幼而穎異，及長，容貌魁偉，身長一丈，力能扛鼎。將發，求善射者，或薦美濃人弟彥，乃召之。帥兵而西，時年十六。十一月，至熊襲國，伺其險易。賊魁川上梟帥方聚其族宴飲，日本武尊解髮作童女裝，匿劒衣中，潛入賊營。雜婦女中，梟帥愛其姿貌，引之同席。夜闌，梟帥大

醉，日本武尊抽劒刺之。梟帥叩頭曰：君爲誰？日本武尊曰：吾是大足彥天皇之子，名日本童男。梟帥曰：吾武力冠國中，國中莫能當，未見如皇子者。賤虜願奉尊號，可乎？曰：善。梟帥曰：請上號。曰：日本武皇子。言訖，乃刺殺之。自是稱日本武尊。遂遣弟彥等擊其餘黨，屠戮無噍類矣。日本武尊從海路還，至吉備，渡穴海，有惡神，乃殺之。至難波，殺栢濟惡神。

二十八年春二月乙丑朔，日本武尊凱旋，帝美其功，寵異之。

四十年夏六月，東夷多叛，邊境騷擾。秋七月戊戌，帝詔

國史紀事本末

卷四

四

羣臣曰：今蝦夷悉叛，東國不安，孰能討平者？羣臣不答。日本武尊奏曰：西征旣命之，臣是役宜委大碓皇子。皇子駭懼逃去，帝召而讓曰：汝所不欲，朕豈強汝邪？汝未見敵，何畏怯？乃爾遂封之美濃。於是日本武尊進曰：熊襲纔平，東夷又叛，天下無有寧息之日。臣請往討。帝乃持斧鉞授之，曰：朕聞東夷天性強暴，陵犯爲事，邑無首長，各貪封疆，互相盜略。山有邪神，郊有奸鬼，遮衢塞徑，多苦人民。東夷種類，蝦夷尤強，男女雜處，父子無別。冬則宿穴，夏則居巢，衣毛飲血，登山如飛禽，行草如走獸。承恩則忘，見仇必報，藏箭頭髻，佩刀衣中，或聚黨類而

犯邊界、或伺農桑、以略人民、擊則隱草、追則入山、故往古以來、未濡王化、今汝身體長大、猛如雷電、所向無前、所攻必克、規則我子、實則神人、蓋天愍朕不德、使汝經綸天業、天下即汝天下、朕位即汝位也、汝其深謀遠慮、示之以威、懷之以德、不煩兵甲、自令臣順、日本武尊受斧鉞、再拜曰、臣嘗西征平賊、唯皇威是賴、今又東征、示以德教、不服者擊、帝命吉備武彥大伴武日從行、冬十月癸丑、日本武尊發京師、戊午枉路拜伊勢神宮、倭姬取草薙劍授之曰、慎之勿怠、又授一囊曰、事急解囊、日本武尊進至駿河土賊偽降、給曰、野多麋鹿、請臨而獵焉、日本武尊信其言、遂獵於野、賊乘風縱火、日本武尊開囊得燧具、乃挺草薙劍、刈撥野草、鑽燧放火、火反向賊、賊皆焚死、又授以下參取古事記名其地曰燒津、進至相模、欲赴上總、望海揚言曰、是小海耳、可跳而超也、航海而進、風濤大作、船艦漂蕩、妃弟橘媛曰、是必海神作祟也、妾願以身代皇子、言訖投海、風定得著岸、從上總轉入陸奥、懸大鏡於船、從海路經葦浦、渡玉浦、至蝦夷境、夷酋島津神、國津神、屯竹水門拒之、望見日本武尊、船皆震怖、投弓矢、羅拜曰、視君容貌、殆神人邪、願聞姓名、日本武尊曰、吾是現人神子也、蝦夷益懼、入水牽船到岸、面

國史紀事本末

卷四

五

國史紀事本末

卷四

六

縛請罪、乃俘其魁首、自隨、蝦夷悉平、自日高見國旋師、西南歷常陸至甲斐、居酒折宮、以鞍部賜大伴武日、日本武尊曰、蝦夷既平、唯信濃越國未服、即自甲斐北登武藏上野、西至碓井阪、顧念弟橘媛、登嶺東南望、呼吾孀者三、因稱山東諸國曰、吾孀國、遣吉備武彥於越國、察其地形、民情、自進入信濃、山嶺巉峭、馬不能進、日本武尊冒險而登、憩且食、有白鹿當道、乃以蒜彈之中、眼而斃、俄頃失道、不知所向、有白狗來而前導、乃得至美濃、吉備武彥從越國歸會之、日本武尊至尾張、納尾張氏女宮簀姬、滯留經月、聞近江膽吹山有暴神、將赴之、即解劍授宮簀姬曰、我異日必迎汝、汝寶此劍、大伴武日諫曰、不有神劍、何以誅暴神、日本武尊曰、吾能徒手誅之、解劍以下參取古事記遂徒行至山、巨蛇當道、日本武尊以為是特山神使令、不足殺也、跨蛇而行、會雲霧晦冥、咫尺不辨、僅而得出、恍惚如醉、飲山下泉而醒、呼其泉曰居醒泉、自是日本武尊身頗痛楚、嘆曰、我意常謂天猶可翔也、今乃不得步、倚杖而進、嘆曰以下參取古事記還尾張、不入宮簀姬家、轉赴伊勢、四十三年、日本武尊至能褒野、疾甚、乃獻夷俘於大神宮、遣吉備武彥於京師、奏曰、臣受命天朝、遠征東夷、憑

仗皇威掃平邊陲、戢戈凱旋、忽嬰篤疾、豈惜身亡、唯恨不能拜觀耳、尋薨於能褒野、時年三十、帝聞訃悲泣、不自勝、歎曰、小碓未及總角、討平熊襲、厥後恆在左右、輔朕不逮、然東夷叛亂、莫能討者、不得已而遣之、朕日夜望其還、何圖一旦奄忽棄朕、朕誰與經綸鴻業邪、即詔羣卿葬之能褒野、有白鳥從陵中飛去、使人逐之、鳥集倭琴彈原、乃造陵於其上、鳥又去、集河內舊市、又造陵、時人號白鳥陵、朝廷錄其功、爲定武部、宮簀姬祀草薙、劔於熱田、宮簀姬以下熱田社緣起

五十一年蝦夷倭在伊勢神宮者、晝夜喧譟、出入無禮、

國史紀事本末

卷四

七

倭姬奏請徙之、乃徙之御諸山旁、無幾伐山木、侵鄰里、帝聞之、詔徙之畿外、散處播磨、讚岐、伊豫、安藝、阿波、五十三年秋八月丁卯朔、帝詔曰、朕自喪小碓王、日夜不能忘、朕將巡狩東國、觀其遺跡、乃幸伊勢、轉赴東海、冬十月至上總、從海路渡淡水門、十二月還伊勢、五十四年秋九月己酉、帝還京師、五十五年春二月壬辰、拜彥狹島王爲東山道十五國都督、至春日穴咋邑、病薨、東國百姓悲王不至、竊盜王尸葬之上野、

五十六年秋八月、詔御諸別王曰、汝父彥狹島王不得

至任所而薨、故命汝專領東國、御諸別王乃赴仕、會蝦夷又叛、王發兵討之、夷酋足振邊大羽振邊等乞降、盡獻其地、東陸始安、

成務天皇四十八年春三月庚辰朔、立皇姪足仲彥爲皇太子、即日本武尊子也、

仲哀天皇元年冬十一月乙酉朔、詔曰、朕未弱冠喪父、聞父靈嘗化白鳥、朕欲獲白鳥養之、陵側池、乃詔諸國貢白鳥、

應神天皇三年冬十月、東蝦夷始朝貢、帝嘗幸播磨、定國界、登神崎郡瓦村東岡、岡側有川、帝見青菜流出、謂

國史紀事本末

卷四

八

阿良都命曰、上流必有居人、命令往探、果有居人、問其世系、答曰、臣等蝦夷之後、祖先爲日本武尊所擒、放於此、地者也、以佐伯爲氏、阿良都命還奏、帝曰、汝爲君治之、乃賜播磨別佐伯直姓、阿良都命、景行皇子稻背入彥命之後也、帝嘗以下姓氏錄

仁德天皇六十年冬十月、以白鳥陵非瘞葬之地、詔欲廢其陵、守始差充役夫、帝臨役所、陵守目杵忽化白鹿而走、帝見而驚懼、詔置陵守如故、乃授土師連等、

弟延之 延壽校

國史紀事本末卷之四終

門人草川重遠書

國史紀事本末卷之五

從六位守大學校中博士常陸青山延光 編次

神功征三韓 齊坂忍熊之變

仲哀天皇二年春正月甲子立氣長足姬爲皇后先是納叔父彥人大兄女大中姬爲妃生麁坂忍熊二皇子二月戊子帝幸角鹿建行宮是謂筍飯宮三月丁卯留皇后於角鹿巡狩南國至紀伊御德勒津宮時熊襲叛不朝貢帝航海親征遣使敕皇后會於穴門夏六月庚寅帝至豐浦津皇后至淳田門有海鯽魚多傍船而游后灑之以酒魚醉而浮漁人得之以爲聖主之賜秋七

國史紀事本末 卷五

月皇后至豐浦津得如意珠於海中九月建行宮於穴門是謂豐浦宮

八年春正月壬午幸筑紫岡縣主祖熊鰐插樹枝於舟掛白銅鏡十握劔八尺瓊來迎於周芳沙磨浦獻魚鹽地指導海路自山鹿岬轉入岡浦御船不進帝責熊鰐熊鰐謝曰是非臣罪浦口有二神曰大倉主曰菟夫羅媛此必神意帝使人祭之船乃得進皇后自洞海至船膠沙不進熊鰐惶懼作池沼聚魚鳥皇后觀之忽稍解已而潮至進泊岡津伊觀縣主祖五十述手來迎於穴門引島植樹枝於舟掛八尺瓊白銅鏡十握劔獻之奏

曰願天皇御宇如瓊之勾以妙照臨天下如鏡之明且提十握劔平天下矣帝嘉之賜號伊蘇志時人呼五十迹手鄉里曰伊蘇國己亥幸磯縣居檀日宮秋九月己卯詔羣臣議討熊襲時有神憑皇后曰天皇何憂熊襲熊襲不足伐也別有寶國多生金銀謂之栲衾新羅國若祭我則不血刃而其國自服熊襲亦服矣帝疑之乃登山望海曠遠無所見嘆曰有海無國神何徒誘我且我祖宗盡祭神祇豈有所遺邪神又憑皇后曰天皇不信我言何以得國今皇后有身其子當得之帝猶不信進討熊襲不克而還

國史紀事本末 卷五

九年春二月丁未帝身忽有痛戊申崩於檀日宮皇后及大臣武內宿禰祕不發喪令武內密奉梓宮從海路至穴門殯於豐浦宮皇后傷帝慢神早崩乃命羣臣造齋宮於小山田邑三月壬申朔皇后入齋宮親爲神主使武內奏琴以中臣烏賊津爲審神者以千僧高僧置琴頭尾請曰嚮教天皇者何神也願聞其名禱七日七夜神各告以名乃從神誨祭之尋遣鴨別討熊襲旬日而平荷持田村有羽白熊驚者人身鳥翼強健能飛劫略人民皇后欲誅之戊子發檀日宮至松峽宮有風墮后笠人呼其地曰御笠辛卯至層增岐野擊熊驚滅之

謂左右曰、我心安矣、人呼其地曰安、丙申轉至山門縣、誅土蜘蛛、田油津媛、其兄夏羽聞之逃亡、夏四月甲辰、皇后至火前國松浦縣、食於玉島河上、乃勾針作鈎、以飯爲餌、裳縷爲緝、投竿祝曰、吾欲取寶國事若成、河魚吞之、果獲細鱗魚、皇后悅曰、希見物也、人呼其地曰梅豆羅國、希見梅豆羅音訓同、卽松浦也、皇后以神誨有驗、決意西征、更祭神祇、置神田、欲引儼河灌之、鑿溝至迹驚岡、有鉅石不可鑿、使武內奉劔鏡祈神、一夕雷電、石裂溝成、人呼曰裂田溝、皇后還、禮日浦、解髮臨海、曰、吾奉神祇之教、賴皇祖之靈、欲涉海西征、今濯髮海水、若有驗、髮

國史紀事本末

卷五

三

分爲兩、卽投海濯之、髮自分焉、乃結爲兩髻、謂羣臣曰、興師動衆、國之大事、安危成敗、實在於斯、今有所征伐、以事委羣臣、事若不成、羣臣獲罪、吾甚傷焉、故吾婦女不肖、暫假男裝、以資雄略、上倚神祇之靈、下藉羣臣之助、振兵甲而渡險浪、整船艦以求財土、事成、功在羣臣、不成、乃吾罪也、羣臣皆曰、皇后爲天下計、臣等敢不奉詔、秋九月己卯、令諸國繕船練甲、久之、兵衆不集、皇后曰、此必神意、乃建大三輪社、奉刀矛以祭、軍衆自聚、於是使海人烏摩呂偵探、還報曰、無所見、又遣名草數日、還曰、西北有山、雲氣如帶、蓋有國也、乃卜日將發、皇后

親執斧鉞、令三軍曰、金鼓無節、旌旗錯亂、則士卒不整、貪財多欲、懷私內顧、則必爲敵擒、敵雖寡勿輕、雖強勿屈、奸暴勿放、降服勿殺、勝者必賞、走者必罰、時有神誨曰、和魂從玉體、以護壽、荒魂爲先鋒、而導舟師、皇后拜命、因以依網吾彥男垂見爲祭神主、皇后適當產月、乃取石插腰、祝曰、願事竟還日、產於茲土、使荒魂爲先鋒、請和魂以鎮船、冬十月辛丑、遂發和珥津、大魚夾船、風帆怒駛、不勞榜楫、直抵新羅、潮水漲溢、及國中、新羅王波沙寐錦震慄、不知所爲、謂衆曰、新羅建國以來、未聞有此變、天其或者以國爲海乎、言未畢、舟師蔽海而進、

國史紀事本末

卷五

四

旌旗曜日、鼓吹震天、新羅王望見、誓伏、旣而悟曰、吾聞有神國曰日本、有聖主曰天皇、是乃神兵也、豈可拒乎、乃封圖籍、素組面縛、素旆來降、叩頭曰、請自今而後、永爲飼部、春秋獻馬梳馬鞭、年貢男女之調、乃誓曰、非東日出西、且阿利那禮河逆流、河石昇爲星辰、而關春秋之朝、廢梳鞭之貢、天神地祇、殛之、衆欲殺王、皇后曰、殺降不祥、乃解其縛、爲飼部、進至國都、封重寶府庫、收圖籍文書、以所杖矛樹國門、以爲後世之標識、王以波珍干岐微叱己知爲質、獻金銀綾羅八十船、是後貢獻以八十船爲制、高麗百濟聞新羅降、密使人覘伺、度不可

拒乃來降叩頭曰從今以後永稱西蕃調貢無怠因命
定內官家三韓悉服祭荒魂以鎮其國祭以下振旅而
還十二月辛亥產皇子於筑紫腕上肉墳起如靺似皇
后雄裝負靺故名譽田本書註古呼是為應神天皇亦
稱胎中天皇皇后從神教立祠穴門山田邑祭表筒男
中筒男底筒男神以踐立為祭主

應神天皇辛巳歲春二月皇后奉帝至豐浦宮發仲哀
帝喪將奉梓宮還京齋坂忍熊二王聞之曰今皇后有
子羣臣必擁立之吾等奈何以兄從弟乃赴播磨赤石
偽為造山陵聚船淡路島扼海路宣言運島石倉見別

國史紀事本末

卷五

五

五十狹茅宿禰屬齋坂徵東國兵二王狩菟鉞野祈曰
事若成必獲良獸適有赤猪噬齋坂殺之兵士皆懼忍
熊謂倉見別曰是事甚怪不宜待敵於此乃引軍還屯
住吉皇后聞之令弟彥設關於播磨吉備界是為和氣
關令弟彥以下姓氏錄以令武內懷帝轉自南海至紀伊水門皇后
直指難波舟忽不行還務古水門卜之適得神誨即從其
言立諸神祠祭焉舟遂進忍熊又退軍菟道皇后乃會
太子於紀伊日高入小竹宮議進討時陰晦如夜連日
三月庚子命武內武振熊擊忍熊武內帥精兵進屯菟
道河北忍熊欲邀戰武內令衆推結藏弦髻中各佩木

刀稱皇后命給曰吾不敢貪天下懷幼主從君王耳請
斷弦棄刀然後講和君王速登天位乃令衆悉斷弦解
刀投之水忍熊信之亦命衆斷弦投刀武內乃命取弦
於髻更佩真刀濟河而進忍熊退走武內追擊忍熊還
關適遇於坂追兵擊破之呼其地曰逢坂又追及狹狹
浪栗林斬獲甚衆血濺林樹是後不復獻此粟於天子
忍熊投瀨田渡而死冬十月甲子羣臣尊皇后曰皇太
后臨朝攝政

丁卯歲夏四月百濟新羅朝貢帝及皇太后大喜曰先
帝所望國人今來朝痛哉不及見也羣臣莫不流涕

國史紀事本末

卷五

六

國史紀事本末卷之五終

弟延之 延壽校
門人草川重遠書

國史紀事本末卷之六

從六位守大學校中博士常陸青山延光 編次

推郎子讓位 仁德勤儉

應神天皇十五年、徵百濟博士王仁、

十六年春二月、王仁來、皇子推郎子從之學、博通典籍、

帝鍾愛之、推郎子帝少子也

四十年春正月戊申、帝欲立推郎子爲皇太子、召皇子

大鷦鷯尊、大山守命、問曰、汝等愛子乎、曰、愛、又問、長與

少孰甚、大山守命對曰、長子爲甚、帝不懌、大鷦鷯尊曉

帝意、乃對曰、長子成立、無復可憂、唯少子幼弱、爲可憂

國史紀事本末 卷六

耳、帝悅、曰、汝言正合朕意、甲子立推郎子爲皇太子、令

大鷦鷯尊輔太子、大山守命掌山川林野、

四十一年春二月戊申、帝崩、皇太子不敢卽位、謂大鷦

鷯尊曰、大王天姿岐嶷、仁孝著聞、齡又長、宜爲天下之

主、而先帝立我者、徒以愛故耳、我不肖、何足以臨天下、

夫昆上而季下、聖君而愚臣、古今常典、願王速卽位、吾

則爲臣輔之、大鷦鷯尊對曰、天位不可久曠、故先帝擇

賢立王爲貳、我奈何棄先帝之命、從太子之言、固辭不

聽、大山守命竊蓄異圖、欲發兵襲太子、大鷦鷯尊聞其

謀、密告太子、太子大驚、伏兵菟道河上、設帷幕於山上、

令舍人僞爲太子、露坐吳牀、百官擁衛、具舟楫於河、設

機可陷、太子服布衣、混舟人以待、遲明、大山守命衷甲、

帥數百人至河、望見帷幕、以爲太子、乃登舟、舟至中流、

機發、大山守墜水、伏兵齊起射殺之、大鷦鷯尊以下參太子

遜於菟道、作宮以居、不肯卽位者三年、海人獻鮮魚於

菟道宮、太子曰、我非天皇、命獻大鷦鷯尊、亦不受、魚爲

之饌、太子曰、吾知兄之志、不可奪、何用生爲、乃自殺、大

鷦鷯尊聞之大驚、從難波馳赴之、太子薨已三日、大鷦

鷯尊標擗叫哭、乃解髮跨尸、三呼曰、我弟太子、太子應

時蘇息、起坐、大鷦鷯尊曰、死者有知、先帝其謂我何、太

國史紀事本末 卷六

子曰、天也、吾見先帝於地下、具奏兄聖且有讓、兄聞我

死、急馳而來、何勞也、言訖而薨、大鷦鷯尊爲之慟哭、遂

葬於菟道山上、

仁德天皇元年春正月己卯、大鷦鷯尊卽天皇位、都攝

津難波、謂之高津宮、宮室弗望、梁楹弗飾、恐害農桑也、

四年春二月甲子、詔羣臣曰、朕登高臺遠望、煙氣不起、

百姓窮乏、乃爾、朕聞古聖王之世、人給家足、頌歌相樂、

今朕臨億兆、三年、頌聲不作、炊煙日疎、乃知五穀不登、

百姓日窮、畿內猶然、况畿外乎、三月己酉、詔曰、自今之

後、三載悉除課役、息百姓之苦、黼衣鞋履、不弊盡不更

爲溫飯煖羹、不酸餽、不之易、小心約志、以從事於無爲、是後宮垣頽而不造、茅茨壞而不葺、風雨順時、五穀豐穰、三年而百姓殷富、歡聲載路、

七年夏四月辛未朔、帝登臺遠望、謂皇后曰、朕旣富、復何憂焉、皇后曰、宮室毀壞、不蔽風雨、何謂富乎、帝曰、天之立君、所以養民、故君以民爲本、民富是朕富、民貧是朕貧、未有百姓富而君獨貧者也、秋九月、諸國請曰、課役並免、已經三年、里無鰥寡、家有儲蓄、今宮室壞而府庫空、若非輸貢調以修宮室、必獲罪於天、帝不許、十年冬十月、始科課役造宮室、百姓扶老攜幼陸續來

國史紀事本末 卷六

三

赴晝夜營作、無幾宮室成、天下謂之聖帝、初應神帝時、秦主贏政裔弓月君以百二十七縣百姓歸化、帝分置其子孫於諸郡、令養蠶織絹貢之、詔稱其柔輒暖肌膚、賜姓波多、初以下姓氏錄

仲皇子之叛

仁德天皇八十七年春正月、帝崩、皇太子旣除喪、未卽位、欲納羽田矢代女黑媛爲妃、使住吉仲皇子告期、仲皇子詐爲太子姦之、懼誅遂反、舉兵圍太子宮、平羣木兔、物部大前阿知使主入告太子、太子方醉不信、三人扶太子上馬馳去、仲皇子不知、火太子宫、太子至河內

埴生坂而醒、顧見火光大驚、急從大坂赴倭、至飛鳥山、遇女子、問曰、山有兵乎、女子曰、兵士闐溢山中、宜轉赴當摩、乃發土兵自衛、踰龍田山、有兵士數十人追躅、太子伏兵山中、遣使問之、對曰、淡路野島海人爲阿曇濱子追太子、太子乃發伏悉虜之、倭吾子龍素與仲皇子善、密聚兵於攬食栗林、斷路、太子望見、遣使問之、吾子龍告名、且問曰、子爲誰、曰、皇太子使也、吾子龍畏其衆、給曰、吾聞皇太子有急、所以來援也、太子惡其詐、欲殺之、吾子龍駭懼、請納妹日媛自贖、太子許之、乃居石上振神宮、瑞齒別皇子蹤跡而至、太子疑其有貳、皇子遣

國史紀事本末 卷六

四

人白曰、僕無貳心、所以來也、太子報曰、汝果無貳、爲我誅仲皇子、皇子曰、太子勿憂、今仲皇子無道、羣臣百姓皆怨、左右亦皆讎叛、彼將誰與謀議、僕之所以未討者、未受命太子也、今旣受命、誅彼不難、唯恐彼死之後、猶尚疑僕耳、請得忠直之士俱行、太子乃遣木兔從之、皇子嘆曰、太子仲皇子皆吾兄也、然仗順討逆、其誰疑我、遂赴難波、伺仲皇子、皇子以太子逃竄、不復設備、瑞齒別皇子潛召其近臣刺領巾曰、爲我殺汝君、吾必厚報汝、乃脫錦衣揮與之、刺領巾許諾、伺仲皇子登廁、以矛刺殺之、於是木兔謂瑞齒別皇子曰、刺領巾在我、則功

臣在彼則逆賊、奈何活之、乃殺之、皇子還報、太子賞以村合屯倉、是日捕阿曇濱子、

履中天皇元年春二月壬午朔、皇太子卽位於磐余稚

櫻宮、夏四月丁酉、帝召阿曇濱子曰、汝罪當死、然朕不

忍汝殺、卽黥而宥之、減野島海人死、役於倭、蔣代屯倉、

二年春正月己酉、立皇弟瑞齒別皇子爲皇太子、卽反正帝

允恭遜讓

反正天皇五年春正月、五年據類聚國史帝崩、未有繼嗣、羣臣

議曰、方今大鷦鷯天皇之子、惟有雄朝津間稚子宿禰

皇子及大草香皇子耳、然雄朝津間稚子宿禰長且仁

國史紀事本末

卷六

五

孝、乃選吉日、上天皇璽、皇子謝曰、予不幸久嬰篤病、不

能行步、故予不請而裂膚療之、先帝責曰、汝敢輕毀體、

不孝孰甚焉、疾果獲愈、何得繼業、予兄二天皇亦謂予

爲不肖、卿等所共知也、夫天下大器也、帝位鴻業也、民

之父母、非聖賢不能、卿等更選賢主、羣臣再拜言、天位

不可久曠、天命不可謙拒、今大王不正位號、恐百姓望

絕、願速卽位、勿違衆議、皇子曰、篤疾之人、何足奉宗廟

社稷、羣臣固請曰、此天下萬民之意也、皇子不許、

允恭天皇元年冬十二月、妃忍坂大中姬度羣臣憂懼、

捧椀水而進、請曰、大王讓位不受、既經年月、羣臣百寮

不知所爲、願大王從衆望、卽大位、皇子不許、妃不敢退、

適烈風寒甚、椀水溢及腕、將凍死、皇子顧見大驚、謂之

曰、嗣位重事、不得輒就、然羣臣之請至切、吾當從之、妃

乃告之羣臣、羣臣大喜、卽日上天皇璽、皇子卽位於遠

明日香宮、官名據古事記

二年春二月己酉、立忍坂大中姬爲皇后、

三年春正月辛酉朔、遣使求良醫於新羅、秋八月新羅

醫至療帝病、未幾得瘳、厚賞遣之、

眉輪之變

國史紀事本末

卷六

六

允恭天皇四十二年春正月戊子、帝崩、冬十月葬帝於

河內長野原陵、時皇太子木梨輕淫虐日甚、羣臣不服、

歸心穴穗皇子、太子密聚兵、將襲皇子、皇子亦爲之備、

太子度衆心攜貳、逃匿物部大前家、皇子進圍之、大前

迎見曰、願勿害太子、臣有所謀、太子遂自殺、十二月壬

午、穴穗皇子卽位、是爲安康天皇、大泊瀨皇子欲聘反

正諸皇女、皇女辭曰、君暴猛好殺、喜怒無常、妾等不肖、

不能奉命、

安康天皇元年春二月、帝欲爲大泊瀨皇子聘大草香

皇子妹幡校皇女、使根使主致其意、大草香皇子對曰、

臣病日篤、死在尋刻、所憂者幡校未得所歸耳、今陛下

不嫌其醜陋、將備苜蓿之數、其恩厚矣、臣何敢辭、請獻私寶押木珠、綬以爲信契、乃以綬附使主、使主愛其美麗、遂盜之、佯奏曰、大草香不敢奉命、傲然曰、彼豈得娶吾妹耶、帝大怒、發兵圍大草香皇子第、攻殺之、其臣難波日香蚊抱皇子頸、二子各持其足、呼曰、吾君何罪、吾父子今日不殉、是不臣也、皆自刎而死、見者流涕、帝納大草香皇子妃中蒂姬爲妃、遂爲大泊瀨皇子娶幡梭皇女、

二年春正月己酉、立中蒂姬爲皇后、初后在大草香家生子眉輪王、王以母故獲免、常養宮中、

國史紀事本末 卷六

七

三年秋八月、帝幸山宮、登樓宴飲、謂皇后曰、汝雖親昵朕、畏眉輪、彼異日知朕殺其父、無乃仇朕與、眉輪時年七歲、遊戲樓下、悉聽其言、帝枕后膝而寢、眉輪伺其熟、睡絨之、大令人馳報、大泊瀨皇子、皇子疑諸兄爲之、戎服帥兵、逼問、八鈞白彥皇子、皇子不答、大泊瀨皇子怒曰、焉有聞天皇遭害而不悲駭者邪、乃挺刀斬之、又問坂合黑彥皇子、又不答、大泊瀨皇子益怒、考問眉輪、眉輪曰、臣初非求天位、唯報父仇而已、黑彥皇子疑懼、竊與眉輪逃去、匿大臣葛城圓家、大泊瀨皇子遣使索之、圓報曰、聞人臣逃入王家、未聞君王逃、匿人臣家、今二

王侍臣來投、臣何忍送之、大泊瀨皇子進圍圓家、圓拒戰、飛矢雨下、皇子杖矛親讓圓、圓急裝而出、跪拜曰、古人有言、匹夫不可奪志、臣唯有死耳、不能奉命、願獻臣女韓媛及葛城宅七區以贖臣罪、皇子不許、縱火攻之、圓不能禦、謂眉輪曰、矢盡戰敗奈何、眉輪曰、速殺我、圓乃刺殺之、自刎而死、黑彥皇子遂焚死、坂合部贊抱其尸而死、冬十月、大泊瀨皇子殺市邊押磐皇子、事見顯宗仁賢相御馬皇子聞之憂懼、逃赴三輪身狹家、路遇大泊瀨皇子兵、遂被殺、十一月、大泊瀨皇子卽位於泊瀨朝倉、是爲雄略天皇、參取古事記

國史紀事本末 卷六

八

雄略天皇元年春三月壬子、立幡梭皇女爲皇后、是月納葛城圓女韓媛爲妃、十四年春正月、吳人入朝、夏四月甲午朔、帝令根使主饗之、密使舍人觀之、舍人還奏、使主所著珠綬甚美、帝欲觀之、命臣連服飾如饗、吳使時及引見殿前、皇后歛歎不自勝、帝怪問、后避席對曰、使主珠綬實妾兄寶器、陛下聘妾、妾兄固當獻之矣、今使主著之、此妾之所以疑且悲也、帝大驚、詰問使主、使主首服、帝欲斬之、使主逃、至日根築壘拒守、官軍擊斬之、帝分其子孫、一爲大草香部民、以封皇后、一賜茅渟縣主、又求難波日香蚊

子孫賜姓大草香部吉士大草香皇子之冤始得雪矣使主有子曰小根使主語人曰天皇城不如我父城之堅帝聞之使人往視果然乃收斬之

田狹之叛

雄略天皇七年吉備田狹侍殿側盛稱其妻稚媛之美曰天下麗人莫若吾婦鉛華弗御蘭澤無加曠世罕儔當時馱秀者也帝聞而欲奪之拜田狹爲任那國司田狹赴任帝遂納稚媛爲妃生磐城星川二皇子田狹聞之怨望遂反乞援新羅時新羅久不朝貢帝詔田狹子弟君及吉備赤尾討之西漢才伎歎因知利奏曰韓國工人多巧於臣者宜召之帝乃令歎因知利副弟君取道百濟教獻工人弟君帥兵抵百濟將赴新羅路遇老婦問路遠近婦答以一月程弟君憚其遠不伐而還聚百濟所貢工人於大島稱候風淹留數月田狹聞之大喜密遣人謂弟君曰吾聞帝嬖吾婦有兒息禍將及我汝跨據百濟勿通日本吾亦當據任那弟君妻樟媛聞之遂殺弟君

二十二年春正月己酉朔以白髮皇子爲皇太子時星川皇子既長悖戾無行帝稍惡之

二十三年秋八月丙子帝崩遺詔大連大伴室屋東漢

國史紀事本末

卷六

十

國史紀事本末

卷六

十

掬曰方今區宇一家烟火萬里百姓乂安四夷賓服此乃天意欲寧區夏所以小心厲己日慎一日蓋爲百姓故也臣連伴造每日參朝國司郡司隨時朝集何不罄竭心肺誠教殷懃義乃君臣情兼父子庶藉臣連智力內外歡心欲令普天之下永保安樂不意遘疾彌留至於大漸此乃人生常分何足言乎但朝野衣冠未得鮮麗教化政刑猶未盡善興言念此永以爲恨今年踰若干不復構大筋力精神一時勞竭止欲安養百姓所以致此凡生子孫誰不屬念既爲天下事須割情今星川王心懷悖惡行闕友于古人有言知臣莫若君知子莫若父縱使星川得志必當戮辱遍於臣連酷毒流於民庶此雖朕家事理不容隱皇太子地居上嗣仁孝著聞察其行業堪成朕志卿等奉之共治天下朕復何恨已而稚媛竊謂星川皇子曰欲登天位先取大藏之官磐城皇子諫曰皇太子雖弟以位則君安可欺乎星川不從遂據大藏鎖外門擅用官物室屋謂掬曰果如遺詔乃發兵圍大藏縱火燒殺稚媛磐城星川及田狹長子兄君河內三野縣主小根冒煙燄走出抱草香部漢彥脚曰奴實事星川而亦未嘗背皇太子請得免死漢彥爲諸室屋宥之是月田狹聞變欲援星川帥兵船四十

艘來寇、聞星川伏誅、逃還冬十一月壬申、室屋率臣連等奉璽皇太子、

清寧天皇元年春正月壬午、皇太子卽位於磐余甕栗、尊所生葛城韓媛爲皇太夫人、

弟延之 延壽校

門人草川重遠書

國史紀事本末卷之六終

國史紀事本末卷六

十一

國史紀事本末卷之七

從六位守大學校中博士常陸青山延光 編次

顯宗仁賢相讓

安康天皇三年冬十月、大泊瀨皇子既誅眉輪、憾帝嘗屬後事於市邊押磐皇子、誘之獵近江蚊屋野、彎弓疾馳、佯爲射猪、射殺押磐皇子、帳內佐伯部賣輪抱尸號哭、又併殺之、同穴瘞焉、日下部使主與吾田彥奉押磐二子、億計王弘計王避難丹波、使主恐不免、逃入播磨、縮見山自殺、弘計王不知、勸億計王赴播磨赤石郡、爲縮見屯倉、首忍海部細目家、僮俱更名曰丹波小子、吾田彥隨從不離。

國史紀事本末 卷七

清寧天皇二年春二月、帝憂無子而名不稱於後世、命大伴室屋置白髮部舍人膳夫、覈負於諸國、冬十一月、播磨國司伊與來目部小楯微新嘗供物、至赤石郡、宴忍海部細目家、弘計王謂億計王曰、避亂於斯、年踰二紀、達情伸屈、正在今夕、億計王惻然曰、告實遇害、曷若全身免厄、弘計王曰、吾是天皇之孫、而困事於人、飼牧牛馬、豈若告名遇害乎、乃相持而泣、億計王曰、此事非弟不濟、弘計王固辭、億計王曰、弟有英才、吾委之弟、弘計王許諾、細自令二王秉燭、夜深酒酣、衆起舞、細目顧

二王謂小楯曰、僕見此秉燭者、先人後己、恭敬退讓、可謂君子、於是小楯撫弦、使二王起舞、兄弟相讓久之、小楯曰、何不速舞、億計王先起舞、既而弘計王整衣起舞、歌中寓以諷詞、小楯怪之、更令復唱、弘計王自贊曰、吾是去來穗別天皇之子、押磐皇子之胤也、自贊以下小楯大驚、離席再拜、悉發郡民、造宮奉之、乘驛馳奏、帝驚喜曰、朕無子、今天乃賜兩兒、使小楯持節、帥左右舍人迎之、

國史紀事本末 卷七

太子弘計王爲皇子

三年春正月丙辰朔、小楯奉二王至攝津、帝使臣連持節以王青蓋車迎入宮中、夏四月辛卯、立億計王爲皇太子、弘計王爲皇子、五年春正月己丑、帝崩、皇太子與弘計王相讓不立、於是飯豐青皇女臨朝聽政、冬十一月、皇女薨、十二月、百官會於朝、皇太子取璽讓之、弘計王再拜就臣位、曰、天位之尊、有功者可以居之、致有今日、皆弟之謀也、弘計王曰、先帝固已立兄、弟奈何代之、且弟之所以竭力者、無非所以奉兄、而一旦代兄、弘計王不忍爲也、皇太子曰、先帝立我、徒以我長而已、弟實有功德、天下歸心、吾聞天位不可久曠、天命不可謙拒、弟以社稷爲計、百姓爲心、言畢流涕、弘計王不得已許之、而未遽卽位、時人莫

不歎異

顯宗天皇元年春正月己巳朔大臣大連等奏言皇太子聖德明茂固讓天下陛下當奉鴻緒爲郊廟主上膺天心下厭民望而不肯踐阼天下莫不失望天命有屬宜從皇兄之命承繼大業乃召公卿百僚於近飛鳥八釣宮卽天皇位二月壬寅詔曰先王遭離多難殞命荒野朕幼年亡匿今猥纂大業廣求尸骨莫能知者將奈之何乃與皇太子哭泣憤惋不能自勝是月召聚耆宿親臨問之有一老嫗識之曰請指示其處於是帝與皇太子幸蚊屋野掘地得骨果如嫗言帝臨穴哀慟曰古來未有斯慘乃欲改葬之而佐伯部賣輪骨同穴相亂莫能識別皇子乳母奏上齒墜者賣輪也因僅得辨髑髏於是起雙塚葬儀如一厚賜老嫗置之宮側夏四月丁未詔曰人主所以勸人在授官賞功前播磨國司來目部小楯實首舉朕厥功惟茂有所願勿難言小楯曰願爲山官迺拜山官改賜姓山部連五月初押磐皇子之遇害狹狹城山君韓帝與其謀至是帝欲誅之叩頭乞哀救減死削籍充陵戶隸山部連

二年秋八月己未朔帝謂皇太子曰先王無罪大泊瀨天皇乃射殺之棄骨郊野冤酷極矣朕聞父讐不與共

國史紀事本末

卷七

三

戴天朕將壞其陵碎其骨皇太子獻歎不能答徐曰不可大泊瀨天皇實臨天下而先王不登天位尊卑懸絕奈何壞其陵其不可一也陛下不遇白髮天皇安能踐大位大泊瀨天皇卽白髮天皇之父也億計聞之宿老曰無言不酬無德不報今陛下德行聞天下乃不思所以報德而唯怨是報恐非所以示天下其不可二也帝曰善乃能役初帝久居邊裔悉知民間疾苦及卽位傾心綏撫惠養鰥寡務察枉屈繇此天下寧靜民無徭役歲比登稔百姓殷富粟斛銀錢一文牛馬被野

三年夏四月庚辰帝崩於八釣宮

國史紀事本末

卷七

四

仁賢天皇元年春正月乙酉皇太子卽位於石上廣高宮五年春二月辛卯敕求諸國佐伯部以賣輪之後爲佐伯造

十一年秋八月丁巳帝崩帝幼而聰穎才敏多識及卽位吏稱其官民安其業遠近清平戶口滋殖焉

羣臣迎繼體武烈誅真鳥

仁賢天皇十一年秋八月帝崩大臣平羣真鳥專政潛懷覬覦爲皇太子造宮宮成卽自居之無復人臣禮太子欲聘大連物部麤鹿火女影媛影媛與真鳥子鮪姦僞報曰妾請待太子於海拓榴市巷太子乃使近侍就

真鳥索官馬、真鳥曰、畜官馬者爲何人也、惟所欲用、久之不進、太子卿之、已而知鮪姦影媛大怒、夜至大伴金村宅謀議、金村乃帥兵要鮪於乃樂山斬之、冬十一月戊子、金村請討真鳥、太子曰、天下將亂、非希世之雄不能濟也、能安之者其在卿乎、即與定謀、於是金村帥兵圍真鳥宅、縱火攻之、真鳥自殺、十二月、金村白太子曰、先帝皇子、惟有太子、今賴天助、剪除凶黨、主日本者、非太子而誰、伏願太子仰答靈祇、弘宣景命、光宅日本、誕受銀鄉、於是太子命有司設壇場於泊瀨列城、即天皇位、遂都焉、是日以金村爲大連、

國史紀事本末 卷七

五

武烈天皇八年冬十二月己亥、帝崩於列城宮、帝殘忍好殺、或刳孕婦、或使人登樹、從而伐樹、視其墮、以爲笑、樂、或從樹下射殺之、或執矛刺人水中、尤好田獵、出入無時、不避風雨、又好奢靡、常與宮人酣飲、錦繡爲席、綾紬爲衣、祖宗勤儉之風蕩然矣、然天資英爽、明於斷獄、幽枉必達、百姓震怖、不敢叛云、帝無子、壬子大伴金村議曰、方今皇統將絕、天下何所繫心、足仲彥天皇五世孫倭彥王、今在丹波桑田郡、請試備儀衛以迎之、衆從之、已而倭彥望見衆來、惶懼失措、逃入山中、不知所往、繼體天皇元年春正月甲子、金村再與衆議曰、男大迹

王慈仁孝順、宜承天緒、請備禮勸進、大連物部麤鹿火大臣許勢男、人皆曰、善、議乃定、男大迹王應神帝五世孫彥主人王子也、母曰振媛、王幼失父、振媛歎曰、吾遠離桑梓、安得鞠養、即攜王還越前高向、及長、愛士禮賢、意豁如也、是時年五十八、壬寅、羣臣持節備法駕迎王、前驅俄至、王踞胡床不動、侍臣齊列、儼如帝坐、持節使視其尊嚴、意甚嚮之、王猶豫未就道、會河內馬飼荒籠密遣使告羣臣推戴之意、王歎曰、微馬飼之使、殆取笑天下矣、乃發、甲申至樟日宮、甲午、金村跪上鏡、劔、璽符、王辭讓數次、金村伏地固請、王許之、是日即天皇位、庚

國史紀事本末 卷七

六

子金村奏曰、臣聞前王之宰世也、非維城之固、無以鎮輒坤、非掖庭之親、無以繼跌華、是故白髮天皇無嗣、遣臣祖父大連室屋每州置三種白髮部、傳之後世、可不愴歟、請立手白香皇女爲皇后、遣神祇伯敬祭神祇求胤息、以答民望、帝許之、三月庚申朔、詔曰、神祇不可無主、宇宙不可無君、天生黎庶、立之元首、使司助養、以全性命、大連憂朕無息、披誠盡言、大連效節歷朝、非特今日、朕感其忠、宜備禮儀、迎手白香皇女、甲子、立手白香皇女爲皇后、戊辰、詔曰、朕聞一夫不耕、天下或受其飢、一婦不績、天下或受其寒、故帝王躬耕以勸農業、后妃

親蠶以教女工、況在羣寮百姓、廢棄農桑、安得殷富、有司普告天下、令知朕懷、

二十四年春二月丁未朔、詔曰、自磐余彥之帝、水開城之王、皆賴博物之臣、明哲之佐、故道臣陳謨、而神日本以盛、大彥申略、而膽瓊殖用隆、及乎繼體之君、欲立中興之功者、曷嘗不賴賢哲之謨謀、至小泊瀨天皇之王天下、幸承前聖、隆平日久、俗漸弊而不悟、政寢衰而不改、但其用人、各以類進、有大略者、不問其所短、有高才者、不非其所失、故獲奉宗廟、不危社稷、由是觀之、豈非明佐之力乎、朕承帝業、於今二十四年、天下清泰、內外無虞、土脈膏腴、穀稼有實、竊恐元元、由斯漸生奢靡、故今使人舉廉節之士、宣揚大道、流通鴻化、能官之事、自古爲難、可不慎歟、

國史紀事本末

卷七

七

弟延之 延壽校

門人草川重遠書

國史紀事本末卷之七終

國史紀事本末卷之八

從六位守大學校中博士常陸青山延光 編次

西蕃朝貢

崇神天皇六十五年秋七月、任那國遣蘇那曷叱知朝貢、

垂仁天皇二年、蘇那曷叱知請還帝厚賞之、以赤絹一百疋、賜任那王、新羅人要而奪之、二國始構隙、

三年春三月、新羅王子天日槍來歸、

仲哀天皇九年、皇后親伐新羅、新羅乞降、以微叱叱知波珍干岐爲質、貢金寶八十船、是後貢獻以八十船爲

國史紀事本末

卷八

度、高麗百濟皆降、乃定內官家、

應神天皇乙酉歲春三月己酉、新羅遣汗禮斯伐、毛麻利叱知、富羅母智朝貢、密謀奪微叱叱知、使之詐請曰、

使者言、本國以臣久不還、悉沒妻子、臣願暫還國審虛實、皇太后許之、令葛城襲津彥送之、至對馬、毛麻利叱

智等密以佗船載微叱叱知逃還、乃設藪人於船、詳爲病者、給襲津彥曰、微叱叱病甚、襲津彥使人驗視、知見欺、乃

捕使者三人、燒殺之、進討新羅、拔草羅城而還、襲津彥武內宿禰子也、武內子錄

丙寅歲春三月乙亥朔、遣斯摩宿禰於卓淳國、其王末

錦早岐謂之曰、甲子歲百濟人久氏等來、我土曰、百濟

王聞東方有日本國、遣臣等朝貢、幸教以海路、吾謂久

氏曰、我亦聞東有貴國、然海濤險惡、非巨船不能達、久

氏請還國造船然後往、且約曰、若有日本使人來、必報

之、我斯摩宿禰卽遣倭人爾波移及卓淳人過古慰問

百濟、百濟王肖古大悅、以綵絹角弓鐵鉞贈之、開寶庫

示之曰、吾國多有珍寶、欲貢貴國、而不知海路、今使者

幸至、尋當貢獻耳、爾波移還報、

丁卯歲夏四月、百濟王使久氏、彌州流、莫古朝貢、新羅

調使亦俱來、於是皇太后皇太子大喜、檢二國貢物、新

羅多珍異、百濟不能及、卽詰問久氏等、對曰、臣等失道

至新羅、新羅人捕臣等欲殺之、臣等仰天呪詛、新羅怖

而不殺、奪臣貢物以爲己貢、以新羅賤物授臣曰、汝若

國史紀事本末

卷八

二

漏泄、我待汝還殺之、臣等懼而從之耳、皇太后遣千熊

長彥於新羅責讓之、新羅不服、

己巳歲春三月、以荒田別鹿我別爲將軍、率久氏等與

百濟將木羅斤資等討新羅破之、遂定比自林南加羅

喙安羅、多羅卓淳加羅七國、轉至古美津、屠南蠻枕彌多

禮、授之百濟、百濟王肖古及子貴須帥兵會荒田別於

意流村、荒田別厚禮肖古父子送還之、唯千熊長彥送

至百濟與肖古登辟支山而盟又登古沙山俱坐磐石
肖古盟曰藉草爲座恐火燒之取木爲座恐水漂之故
坐磐石而盟所以示悠久也自今以後千秋萬歲常稱
西蕃朝貢無絕乃厚禮長彥令久氏等送之

庚午歲春二月荒田別等旋師夏五月千熊長彥及久
氏至自百濟皇太后問久氏曰海西諸韓既賜汝主何
爲復來久氏奏曰天朝鴻澤遠及弊邑臣主喜躍再遣
臣來朝皇太后曰善乃增賜多沙城爲住還路驛

辛未歲春三月百濟遣久氏朝貢於是皇太后謂皇太
子及武內宿禰曰百濟國是天所賜非由人力歲時貢

國史紀事本末

卷八

三

獻必致珍異宜及朕存時厚加恩惠卽遣千熊長彥護
送久氏賜命百濟王曰朕奉神誨平定海西以賜百濟
今重結好永寵異之肖古父子稽首曰聖王在上明如
日月愚臣在下固如山岳永爲西蕃終無貳心

壬申歲秋九月丙子久氏從千熊長彥來朝貢七枝刀
七子鏡各一及重寶數種啓曰臣國西有水發源谷那
鐵山當飲是水採是鐵以永奉聖朝

乙亥歲百濟王肖古卒

丙子歲百濟王貴須立

壬午歲新羅不朝遣襲津彥討之

甲申歲百濟王貴須卒子枕流立初肖古謂枕流曰我
通好日本是天所啓日本實割海西賜我繇此國基永
固汝善脩和好奉貢不絕死不恨矣

乙酉歲百濟王枕流卒子阿花年少叔父辰斯篡立
元年春正月皇太子卽位

三年百濟王辰斯失蕃國禮帝遣紀角羽田矢代石川
木菟讓責之國人殺辰斯以謝乃立阿花而還四將皆
武內宿禰子也武內子據古事記

七年秋九月高麗百濟新羅任那並朝貢使武內宿禰
領韓人鑿池號韓人池

國史紀事本末

卷八

四

八年春三月以百濟王阿花無禮削東漢之地阿花懼
使子直支來謝罪百濟書註引

十四年春二月百濟貢縫衣女是歲秦主嬴政裔秦姓以錄氏弓月君自百濟歸化奏曰臣帥己國百二十縣而來
爲新羅所遏皆留加羅乃遣襲津彥於加羅召之

十五年秋八月丁卯百濟使阿直岐貢良馬遣荒田別
等於百濟徵博士王仁

十六年春二月王仁率治工卓素吳服西素釀酒仁番
等來朝獻論語千字文率以下古事記是歲百濟王阿花卒敕

直岐還國嗣位賜東韓之地甘羅高難爾林秋八月遣

平羣木菟、盾人宿禰於加羅曰、襲津彥不復命者三年、此必新羅拘留之也、汝等急往擊之、木菟等進莅新羅境、新羅王驚而服罪、乃以襲津彥及弓月人、口還、

二十五年、百濟王直支卒、子久爾辛立、年尚幼、大倭木滿致執國政、多行無禮、帝聞而召之、初、木羅斤資討新羅、娶新羅女、生木滿致、木滿致恃父功、橫行任那、遂赴百濟、請朝命執其國政、至是、帝召之云、初以下本書註引百濟記

二十八年秋九月、高麗王遣使朝貢、表曰、高麗王教、日本國皇太子稚郎子讀之大怒、責使者毀其表、

三十一年、新羅調使泊武庫水門失火、諸國貢船多燒、

國史紀事本末 卷八

五

教責其使、新羅王懼貢良匠、

三十七年春二月戊午朔、遣阿知使主等於吳、求縫工

女、阿知使主至高麗、以國人爲鄉導、遂得至吳、吳主獻

工女四口、按是歲吳主孫權嘉禾六年也

仁德天皇十一年、新羅朝貢、方築茨田堤、乃役新羅人

十二年秋七月癸酉、高麗貢鐵、盾鐵的、八月己酉、饗高

麗使者於朝、令羣臣射鐵的、盾人宿禰射洞之、使者驚

伏、乃賜盾人名曰的戶田宿禰、

十七年新羅不朝貢、秋九月遣的戶田等責問之、新羅

懼、乃貢調絹雜品八十船、

四十一年春二月、遣紀角於百濟、始分國郡疆場、具錄物產、國王孫酒君無禮、紀角讓王、王懼、以鐵索縛酒君、因襲津彥獻之、帝宥之、

四十三年秋七月庚子朔、依網阿弭古獲異鳥獻之、帝召酒君問之、對曰、臣國多此鳥、善馴養之、可以搏飛鳥、乃使酒君養之、無幾能搏鳥、帝獵百舌鳥野、多獲雉、始定鷹甘部、

五十三年新羅不朝貢、夏五月遣竹葉瀨責之、途獲白鹿還獻、乃更遣其弟田道、詔曰、新羅不服、卽擊之、新羅果叛、田道堅壁不出、適擒新羅兵一人、因問國虛實、對

國史紀事本末 卷八

六

曰、有猛將曰百衡、常在右軍、若擊其左、破之必矣、田道

帥精騎擊其左、新羅果潰、田道縱兵乘之、斬數百人、虜

四邑人民而還、竹葉瀨荒田別子也、

五十八年冬十月、高麗朝貢、

允恭天皇三年春正月辛酉朔、遣使新羅求醫、秋八月

醫至、療帝病、無幾得瘳、厚賞遣之、

四十二年春正月戊子、帝崩、新羅王聞之、悲駭、貢調船

八十艘、樂工八十人、至難波津、皆素服入京、舉哀、冬十

一月、新羅弔使將還、望見耳成畝傍二山、歎美、倭飼部

聞之、謬謂姦采女、乃還告大泊瀨皇子、皇子悉執使者、

推問使者具言其意乃宥之新羅聞而大怨減貢獻船數自神功皇后伐新羅至是二百五十餘年始減船數雄略天皇二年秋七月百濟采女池津媛與石川楯姦帝怒燒殺之

五年夏四月百濟王蓋鹵聞池津媛死曰彼既辱國吾不復貢女使其弟軍君入侍

七年以吉備田狹爲任那國司納其妻爲妃田狹據任那叛乞援新羅事見田狹之叛

八年新羅不朝貢者八年懼中國來討修好高麗高麗遣精兵一百往守已而二國相疑新羅悉殺高麗兵高

麗發兵屯筑足流域新羅王夜聞四面歌聲知敵悉入

國史紀事本末 卷八

七

其地使人於任那曰高麗來攻勢不可當伏請救日本府行軍元帥任那王乃勸膳斑鳩吉備小梨難波赤目子往救未至高麗邀擊衆大懼斑鳩自勞軍士速造攻具進戰相持十餘日乃夜鑿地道伏兵令輜重引去遲明高麗謂斑鳩等夜逃悉軍追之伏發前後夾擊大破之新羅高麗怨隙益甚斑鳩謂新羅曰官軍不來汝國殆滅爾後勿背天朝

九年春三月帝欲親征新羅有神誨止之乃遣紀小弓蘇我韓子大伴談小鹿火伐之詔曰新羅自居西土累

葉構臣朝聘無違貢職允濟逮朕之王天下投身對馬

之外竄跡匪羅之表阻高麗之貢吞百濟之城况復朝

聘既闕貢職無修狼子野心飽賜飢附以汝四卿拜爲

大將宜以王師薄伐冀行天罰諸將進至新羅行屠傍

郡新羅王夜聞官軍鼓聲知盡得噉地帥數百騎遁逃

小弓追擊斬一將噉地悉定新羅餘衆未降小弓與談

等進擊却之談戰沒從兵津麻呂悲憤赴敵而死小弓病卒於軍

在曰既戰沒矣津麻呂悲憤赴敵而死小弓病卒於軍

夏五月小弓子大磐聞父死乃赴新羅奪小鹿火軍小

鹿火深怨之詐謂韓子曰大磐欲奪子軍由是韓子與

國史紀事本末

卷八

八

大磐有隙百濟聞諸將構隙使人於韓子等曰欲觀國界請垂降臨諸將聯轡赴之大磐飲馬於河韓子從後射之中鞍大磐驚而迴顧射殺韓子衆潰亂引退小弓妻奉喪而還帝憫其死於異域敕賜葬地

十九年冬高麗大舉攻百濟七日七夜城陷百濟王被

虜本書註引百濟記高麗兵欲悉殺百濟餘衆高麗王曰不可

吾聞百濟爲日本官家其王入仕天皇隣國所知也乃

止

二十一年春三月帝聞百濟爲高麗所滅賜久麻那利

地於王弟汶洲復其國

二十三年夏四月、百濟王卒、帝以軍君次子末多少年聰警、召之禁中、親撫其頭、慰勞、使歸王其國、賜以兵器、遣筑紫軍士五百護送、筑紫安致臣馬飼臣等帥舟師、擊高麗、秋八月丙子、帝崩、先是遣將軍吉備尾代、帥蝦夷五百伐新羅、兵既發、途聞帝崩、蝦夷遂叛、尾代擊平之、

清寧天皇三年冬十一月、諸蕃並遣使進調、

四年春正月丙辰、宴諸蕃使於朝堂、賜物有差、

顯宗天皇三年紀大磐跨據任那、交通高麗、將并吞三韓、整修官府、自稱神聖、用任那人左魯那奇、佗甲肖等

國史紀事本末

卷八

九

計殺百濟人、適莫爾解於爾林、築帶山城、距守東道、斷百濟糧運、百濟王大怒、發兵攻帶山、大磐逆擊破之、已而兵疲力竭、知事不濟、遂逃還、百濟殺左魯那奇等三百餘人、

三年百濟王末多暴虐、國人廢之、立蓋鹵王子島君、

仁賢天皇六年秋九月壬子、遣日鷹吉士於高麗、召巧手者、是歲吉士還、自高麗獻工匠須流枳、奴流枳等、倭國山邊郡額田邑熟皮高麗即其後也、

武烈天皇六年冬十月、百濟遣麻那君進調、帝以百濟久不朝貢、拘留之、

七年夏四月、百濟遣斯我君進調、曰、前使非國主之親族也、故謹遣斯我入侍、

繼體天皇三年春二月、遣使百濟、括百濟民、逃在京師日本縣邑者、遷之百濟、

六年夏四月丙寅、遣穗積押山於百濟、賜筑紫馬四十匹、冬十二月百濟朝貢、別表請任那國上哆唎、下哆唎、婆陀、牟婁四縣、押山方為哆唎國守、奏曰、四縣近接百濟、遠隔日本、賜之百濟、并為一國、甚便、大連大伴金村然之、乃以大連物部麤鹿火充宣敕使、麤鹿火將往、妻止之曰、住吉神以海表諸蕃授胎中天皇、故太后與武

國史紀事本末

卷八

十

內宿禰議、每國置官家為海表藩屏、其來尚矣、今割而賜人、自感區域、奈後世之譏何、麤鹿火曰、汝言固是、然天敕不可背也、妻曰、何不稱病、麤鹿火從之、乃更遣使宣敕、賜四縣、大兄皇子聞之大驚、曰、官家之國、先帝所置、奈何輒授蕃國、乃遣日鷹改宣、百濟使者對曰、天皇敕賜既畢、皇子豈得妄改之、臣不敢奉命、時人謂金村押山受百濟之賂矣、

七年夏六月、百濟遣將軍姐彌文貴、洲利即爾從穗積押山貢五經博士段楊爾、別奏曰、伴跋國略奪臣已汶之地、伏請天恩還賜之、臣、冬十一月乙卯、以已汶帶沙

賜百濟、是月伴跋遣使獻珍寶、乞已汶之地、不許、八年春三月、伴跋築城於子吞帶沙、置烽候邸閣以備中國、又城爾列比麻須比、聚士卒兵器以逼新羅、驅略子女、剽掠村邑、遠近被害、

九年春二月丁丑、百濟使者文貴請罷歸、乃令物部連護送、比至沙都島、聞伴跋縱暴、乃帥舟師五百直至帶沙江、使文貴道新羅、夏四月、伴跋攻物部連於帶沙、梳奪衣裳、劫掠資財、盡火帷幕、物部連僅以身遁、泊汶慕羅島、

十年夏五月、百濟遣使迎物部連、勞問甚厚、秋九月、百濟遣將軍州利即次從物部連來謝、賜已汶、貢五經博

士高安茂、代段楊爾、戊寅、百濟使與高麗使俱至、

十七年夏五月、百濟王武寧卒、

十八年春正月、百濟王明立、

二十一年夏六月甲午、遣近江毛野帥兵六萬伐新羅、爲任那復南加羅、喙已吞、會筑紫國造磐井潛蓄異圖、經歲未發、新羅聞毛野來討、密路磐井防遏毛野、於是磐井據火豐二國、不脩貢職、扼截海路、誘致高麗、百濟新羅任那貢船、揚言曰、毛野本我等夷、今奈何受其驅使、毛野不能進、帝詔羣臣曰、孰能伐磐井者、皆曰、莫若

麤鹿火、帝然之、秋八月辛卯朔、詔麤鹿火伐磐井、親操斧鉞、授之曰、長門以東朕制之、筑紫以西汝制之、

二十二年冬十一月甲子、大將軍物部麤鹿火與磐井戰於筑紫御井郡、破斬之、

二十三年春三月、百濟王謂下哆利國守總積押山曰、朝貢使者恆避島崎、因於風波、請以加羅多沙津爲臣朝貢津路、押山爲之奏請、乃遣物部伊勢等賜之百濟、加羅王謂敕使曰、此津自置官家以來、爲臣朝貢津路、安得輒賜鄰國、敕使乃還大島、別遣錄史賜津百濟、由是加羅大怨、遂黨新羅、娶其女、已而二國生隙、加羅遂

國史紀事本末 卷八

十二

攻新羅八城拔之、是月遣近江毛野於安羅、諭新羅還南加羅、喙已吞於任那、百濟遣將軍尹貴等於安羅聽詔、敕新羅懼不敢遣大臣、使夫智奈麻禮等赴安羅、安羅新起高堂、引敕使、國主隨後上階、百濟使者在堂下、意恨之、夏四月戊子、任那王已能末多來朝、因大伴金村奏曰、海表諸蕃、自胎中天皇置內官家、各守其土、今新羅違命、屢越境來侵、天皇幸救臣國、乃遣使送任那王、并詔毛野和解諸蕃、於是毛野次熊川、召新羅百濟二王、二王不來、皆遣使、毛野大怒、責曰、以小事大、天之道也、汝主何不自來受敕、二國使者懼而還報、新羅乃

更遣其上臣伊叱夫禮帥三千人赴之毛野望見其衆避之任那已叱已利城伊叱夫禮次多多羅原不敢還累請受救不許部下乏糧有出乞食者毛野嫌人匿人家伺其過戟手毆之乞食者曰待詔三月猶不得聽無乃欲殺我上臣與即還告伊叱夫禮鈔掠而去

二十四年秋九月任那使奏曰毛野造舍宅於久斯牟

羅淹留二歲不恤政事日本人與任那人屢以兒息爭

訟毛野不能決設誓湯曰直者不爛乃投之熱湯爛死

者衆又殺吉備韓子那多利斯布利本書註曰日本人娶蕃女生兒爲韓

子徒苦人民不得和解帝乃遣使召之毛野不奉詔使

國史紀事本末

卷八

十三

人奏曰臣功未成何敢虛歸請待事濟入朝謝罪已而

懼調吉士先還奏己罪使之守伊斯枳牟羅城任那王

知其徒事細務不識大體勸之還不聽乃遣使新羅百

濟乞兵二國兵至毛野與百濟戰死傷者衆二國兵遂

進圍城罵任那王曰出毛野毛野嬰城固守二國兵築

城便地拔五城而還冬十月調吉士至自任那奏言毛

野爲人傲狠不識治體擾亂加羅迄無成功帝遣使召

毛野毛野至對馬適病死

宣化天皇二年冬十月壬辰帝以新羅寇任那詔大連

大伴金村遣子磐及狹手彥救之磐留筑紫執其國政

以備三韓狹手彥往鎮任那且救百濟

欽明天皇元年秋八月高麗百濟新羅任那並朝貢九

月己卯帝問羣臣曰朕欲伐新羅用兵幾人大連物部

尾與曰此非寡兵之所能辦也先帝六年百濟遣使表

請任那四縣金村輒許之繇此新羅怨望積年不易輕

伐金村大愧稱病不朝帝優詔起之

二年夏四月安羅加羅多羅使者與任那日本府吉備

臣往百濟聽詔書百濟王謂任那早岐等曰天皇之詔

在興復任那何策能濟早岐對曰嚮屢與新羅議新羅

不報宜遣使奏之天皇至於興復任那唯命是從然任

國史紀事本末

卷八

十四

那境接新羅恐取禍如卓淳等百濟王曰昔我先祖速

古王貴首王時安羅加羅卓淳早岐始遣使通好結爲

兄弟而今陷新羅詐謀使天皇忿怒而任那憤恨寡人

之過也我深懲悔欲必復任那今速奉詔召新羅問其

從否奏之天皇若新羅衆隙侵任那吾將往援不足憂

也如喙已吞居加羅新羅之際連歲被兵任那莫能救

援由此竟亡南加羅狹小不能自立卓淳上下攜貳內

應新羅皆不得不亡三國之敗良有以也昔新羅乞援

高麗攻任那百濟猶不能克安能獨滅任那乎今寡人

與汝戮力倚賴天朝任那可復也衆大悅而還秋七月

百濟聞安羅日本府通謀新羅遣使召新羅任那執事謀復任那以安羅日本府河內直通謀新羅責讓之謂任那曰昔我先祖速古王貴首王與故旱岐等始約和親共事天皇捍禦強敵是後勤脩鄰好恩踰骨肉奈何輕信浮言不繼先志吾聞為人後者責能負荷先軌以成勲業故今追思先世之好奉天皇之詔將取新羅所奪南加羅祿已吞地還之任那永為父兄恆朝日本此寡人之所寤寐不能忘也新羅甘言誑誘天下所知汝等妄信墮人計中恐取禍敗今從我奉敕以復任那何患不成又誠任那日本府勿信新羅甘言八月百濟遣

國史紀事本末

卷八

十五

使奏韓任那之政

四年秋九月百濟遣使獻扶南財物及奴二口冬十一月甲午遣津守連詔百濟曰爾屢上表陳復任那之意十餘年而未成夫任那爾國棟梁不有棟梁何成屋宇爾須早復任那任那復則河內直自當罷退爾國郡令城主在任那者宜附日本府百濟問之羣臣皆曰我郡令城主安得去任那任那之事宜從聖敕十二月百濟王再問計羣臣皆曰河內直猶在安羅任那恐不易復宜表請還之本處百濟王曰善乃遣使召任那執事及日本府執事不至

五年春正月百濟再召任那執事及日本府執事皆不至而遣微者百濟不得議任那之事二月百濟遣使謂日本府及任那旱岐曰汝等不至不得議任那之事吾將遣使奏之天皇汝等亦遣使聽詔又讓河內直無狀曰任那日微職汝之由吾將奏請還汝本處三月百濟遣使具奏事情冬十月使者罷歸十一月百濟遣使召日本府臣任那執事日本吉備臣安羅下旱岐等赴百濟百濟王示詔書曰新羅無道食言違信不可不討吾聞新羅安羅之境有大江吾欲築六城於其地請兵三千於天皇每城守以五百擾敵不得耕久禮山五城必

國史紀事本末

卷八

十六

降卓淳亦可得而復矣其策一也敵國強大我國微弱若不置郡領城主於南韓不可以禦敵其策二也吉備臣河內直等在任那任那不可得復請還之本邑其策三也請與汝等奏之天皇衆從之

六年春三月遣膳巴提便於百濟夏五月百濟遣使上表秋九月百濟獻佛像冬十一月巴提便宿海濱夜失小兒適大雪明日巴提便尋虎蹤入山中虎張口而進巴提便執其舌挺刀刺殺之剥皮而還

七年春正月丙午百濟使者罷歸賜以良馬七十匹船一十隻夏六月癸未百濟朝貢是歲高麗大亂

八年夏四月百濟遣使乞援

九年春正月乙未百濟使者請還詔曰援兵尋當發速報汝王夏四月甲子百濟遣使奏曰嚮高麗攻馬津城虜曰安羅國及日本府實勸我出兵臣欲驗其虛實召之未至請暫停援兵待臣報詔曰日本府安羅不救鄰難朕之所疾也至通謀高麗未必足信王勿疑懼朕當送若干人充安羅空地六月壬戌遣使百濟曰朕聞汝國爲高麗所困宜與任那俱拒之冬十月遣三百七十人於百濟助築城於得爾辛

十一年春二月庚寅遣使詔百濟曰聞奈率馬武王之

國史紀事本末

卷八

十七

股肱若欲國家無事長作官家宜以馬武爲大使朝貢又詔曰朕聞北敵強暴故賜矢三十具夏四月庚辰朔百濟附中國使獻高麗奴六口乙未遣使獻高麗生虜十口

十二年春三月以麥種一十斛賜百濟王是歲百濟帥新羅任那兵伐高麗拔漢城進攻平壤復其故地

十三年夏五月乙亥百濟加羅安羅遣使奏曰高麗與新羅和謀滅臣國及任那伏乞援兵多少惟命冬十月百濟獻佛像佛經是歲百濟棄漢城平壤新羅徙居漢城

十四年夏五月乙亥遣內臣於百濟賜良馬二匹船二

隻弓箭各五十曰援兵隨請遣之秋八月丁酉百濟遣使上表曰臣聞新羅與高麗謀曰百濟任那屢詣日本是必乞兵也宜先援兵未發攻取安羅斷日本路臣聞之危懼願速發兵來救又的臣奉敕來鎮臣蕃勤脩庶務諸蕃悅服不幸而亡願遣人來鎮臣國甚乏兵器願賜以弓馬冬十月己酉百濟王子餘昌悉帥國中兵赴高麗築百合野寨高麗兵夜至鼓聲震天餘昌大驚遲明望之旌旗綿亘乃進戰百濟人以鉞刺高麗驍兵揭其頭示衆歡呼如雷高麗潰走保東聖山

國史紀事本末

卷八

十八

十五年春正月丙申百濟遣使請援兵之數乃許遣援兵一千馬一百匹船四十隻二月又乞援夏五月戊子遣內臣帥舟師援百濟冬十二月內臣攻新羅函山城發火箭火之城乃陷百濟遣使獻捷且請益援兵餘昌謀攻新羅父老諫止之餘昌曰卿等老怯我事大國何懼之有遂赴新羅築久陀牟羅塞百濟王憂餘昌久勞行陣自往慰勞新羅謀知悉發國中兵遮擊大破之殺百濟王進圍餘昌士卒惶駭筑紫國造射新羅驍騎洞其鞍斃之乘勢雨射餘昌等乃得潰圍逃還呼國造曰鞍橋君新羅將士知百濟窘窮欲悉滅之一將曰不可

日本天皇以任那事屢責吾國若滅百濟官家必招後患乃止

十六年春二月百濟王子餘昌遣弟惠奏變帝聞而傷悼遣許勢臣慰問曰卿欲還乎欲留乎惠曰憑仗天威報雪讐恥臣之願也去留惟命蘇我稻目問曰國王一旦嬰禍何咎致之今復何術能鎮定國家惠曰臣實不知國家大計稻目曰昔者天皇大泊瀨之世汝國為高麗所攻危如累卵天皇命神祇伯受策神祇神誨曰屈請建邦之神往救將亡之國國必定矣於是請神往救果如神誨夫建邦神者天地剖判之時草創國家者也

國史紀事本末

卷八

十九

頃聞汝國輟而不祀今若後悔前過修理神宮以祭之國必興矣汝慎勿忘

十七年春正月惠請還因多賜兵仗良馬遣阿倍臣佐伯連播磨直帥筑紫舟師護送別遣筑紫火君帥一千人送至彌氏津扼守津要

十八年春三月庚子朔百濟王餘昌立

二十一年秋九月新羅遣使貢獻饗賜過常使者大喜二十二年新羅朝貢司賓遇之甚薄使者忿怨是歲新羅使復來掌客列之百濟下使者怒不入館舍而還至穴門方脩治穴門館使者問故匠人詐曰朝廷將遣使

問西方無禮使者還報新羅城阿羅波斯山以備中國

二十三年春正月新羅攻滅仕那官家本書註曰加羅安羅斯二歧多

羅卒蘇古佐子他散半下乞食餘禮凡十國總謂之仕那夏六月詔聲新羅罪秋七月乙巳朔新羅朝貢使者留而不還是月遣大將軍紀

男麻呂副將河邊瓊缶問新羅滅仕那之狀新羅出兵

拒之男麻呂擊破之旋師入百濟營令曰勝不忘敗古

之善教也勿忘警備瓊缶獨進轉鬪所向皆捷新羅舉

白旛迎降瓊缶不曉兵亦舉白旛而進新羅將悉銳來

擊前鋒不利倭國造手彥棄軍遁逃新羅一將盤戟追

至城溝手彥躍馬踰溝乃得免瓊缶引兵急退衆潰亂

國史紀事本末

卷八

二十

遂被擒調伊企離亦被擒不屈新羅將逼之脫禪命背中國呼曰日本將噬我臍膽乃呼曰新羅王嗚我臍膽遂遭害子舅子亦抱父而死見者痛惜秋八月遣大將軍大伴狹手彥帥兵數萬伐高麗狹手彥用百濟計擊破高麗高麗王踰牆而逃狹手彥盡獲其寶貨而還冬十一月新羅朝貢使者留而不還

二十六年夏五月高麗人投化安置山背國

三十一年夏四月高麗使人漂至越國遣使迎之

三十二年春三月壬子遣坂田耳子於新羅問滅仕那

之狀夏四月丙辰帝不豫召皇太子曰汝伐新羅復仕

那是月帝崩秋八月丙子朔新羅遣使吊喪

敏達天皇元年夏五月壬寅帝問高麗人何在大臣曰

在相樂館帝愀然曰其名嘗奏聞於先帝矣乃遣人檢

錄調物送之京師丙辰帝以高麗表文示諸史表文書

之烏羽諸史不能讀有王辰爾者蒸以飯甑以帛印之

字體瞭然帝大嗟賞辰爾之先辰孫百濟人仁德帝時

應徵入朝者也辰爾之先以辰爾日本紀六月高麗大使謂副使曰

汝等違吾議妄分國調與徵者過矣國王聞之必誅汝

等副使大懼遂殺大使滅口領客推問副使給曰天皇

賜妻大使大使不受無禮甚矣臣謹行誅有司以禮收

華

國史紀事本末

卷八

二十二

二年夏五月戊辰高麗使人復至越海廷議怪其屢失

路放還令吉備人海部難波送之秋七月難波與高麗

使議以己舟人乘高麗船取高麗二人以爲質已而難

波懼風濤投高麗人於海而還詐奏曰巨魚遮船不能

進而還帝知其詐不許還國

三年秋七月戊寅高麗遣使奏曰送使之船至今未到

謹遣使請問帝乃讓難波抵罪冬十一月新羅朝貢

四年春二月乙丑百濟貢獻過常帝詔皇子及大臣曰

勿解任那之事夏四月乙酉朔遣使於新羅任那百濟

六月新羅朝貢過常

六年夏五月丁丑遣大別王於百濟冬十一月庚午朔

百濟王因大別王獻佛經僧尼

八年冬十月新羅朝貢并送佛像

九年夏六月新羅朝貢却之

十一年冬十月新羅朝貢又却之

十二年秋七月丁酉朔詔曰先帝之世新羅滅內官家

之國先帝謀復任那不果而崩朕將繼其志火葦北國

造阿利斯登子達率日羅今在百濟其人賢而勇朕欲

與之謀乃遣紀國造押勝及海部羽島於百濟召日羅

國史紀事本末

卷八

二十二

冬十月押勝等還奏曰百濟愛日羅才不肯奉詔是歲

復遣羽島召之羽島先潛見日羅日羅曰不示威嚴彼

不敢許押勝乃見國主宣敕聲色俱厲國主畏怖不敢

違令恩率德爾余怒哥奴知參官掩師德率次于德等

護送帝遣人迎之供給甚厚又遣阿部目等就問政事

日羅對曰天皇欲治天下要須撫養黎民何遽興兵願

令羣臣協心圖治上下饒富無所闕乏如此者三年足

食足兵民心感戴同恤國難然後多造船船每津列置

示之蕃客令其恐懼乃擇使人赴百濟召其國王國王

不來召其貴戚彼稍服從可以問罪矣又奏曰百濟必

詐請曰願遣三百船詣筑紫陛下宜陽許之彼欲新聞地必先載婦人小兒而至請於此時伏兵壹岐對馬悉殺之勿墮其計又從而築壘險要以備之恩率參官尋罷歸獨留德爾等密語曰度吾過筑紫潛殺日羅吾白國王厚賞之德爾許諾欲殺日羅日羅身有光如火懼而不發十二月晦見日羅失光遂殺之日羅乍蘇曰此我奴所為非新羅也言畢而死乃捕德爾等推問皆服賜日羅妻子殺之已而恩率船遭風漂沒惟參官船僅而得還

十三年春二月庚子遣使新羅遂之任那

國史紀事本末

卷八

二十三

十四年春三月帝謀復任那以坂田耳子王為使帝適患瘡不果詔橘豐日皇子曰必奉先帝敕興復任那是秋帝崩

用明天皇二年夏六月百濟朝貢

崇峻天皇元年百濟朝貢獻佛舍利

四年秋八月庚戌朔帝詔羣臣曰朕欲興復任那如何羣臣贊成之冬十二月壬午以紀男麻呂巨勢比良夫狹臣大伴嚙葛城烏奈良為大將軍帥兵二萬餘出居筑紫遣吉士金於新羅吉士木蓮子於任那問任那事五年冬十一月帝暴崩丁未遣驛使於筑紫將軍曰勿

以內亂急外事

推古天皇三年秋七月將軍等至自筑紫

五年夏四月丁丑朔百濟王遣子阿佐朝貢冬十二月

甲子遣吉士磐金於新羅

六年夏四月磐金至自新羅獻鵲一隻秋八月己亥朔

新羅貢孔雀

七年秋九月癸亥朔百濟貢駱駝驢羊白雉

八年春二月新羅任那相攻帝欲救任那以境部臣為

大將軍穗積臣為副將軍帥兵一萬餘伐新羅拔五城

新羅舉白旗而降割六城獻之將議曰新羅既服不

國史紀事本末

卷八

二十四

必窮討遣使奏捷帝乃遣使於新羅任那檢校事狀新羅任那遣使貢獻奏曰天有神地有皇孰不畏二神自今以後每歲必朝不復相攻乃召還諸將新羅又侵任那

九年春三月戊子遣大伴嚙於高麗坂本糠手於百濟

急救任那秋九月戊子新羅謀者至對馬捕島流之上

野冬十一月甲申議伐新羅

十年春二月己酉朔來目皇子為將軍帥兵三萬五千人

伐新羅夏四月戊申朔來目皇子至筑紫屯島郡聚船

運糧六月己酉大伴嚙等還自百濟冬十月百濟僧觀

勒來獻曆本及天文地理書

十一年春三月丙子來目皇子薨於筑紫帝聞而悼惜夏四月壬申朔以當麻皇子爲將軍伐新羅秋七月丙午至播磨喪其妃乃引還遂罷兵

十三年夏四月高麗聞帝造佛像貢黃金三百兩

十六年新羅人多歸化

十七年夏四月庚子筑紫太宰奏言百濟僧道欣等一十八人及男子七十五人至肥後葦北津帝遣難波德摩呂等問之對曰受命國王使吳吳有亂不得入而還忽遭風漂著此地耳五月壬午帝遣德摩呂等送還之比

國史紀事本末

卷八

二十五

至對馬道欣請留乃置之元興寺

十八年春三月高麗王貢僧曇徵法定曇徵通五經善造紙墨碾礪是秋新羅仕那朝貢冬十月召之京師賜宴

十九年秋八月新羅仕那朝貢

二十年百濟人歸化一人有病全身斑白見者惡之欲放之海島其人曰公等惡我則牛馬斑白者亦不可畜邪吾有巧思何不留用乃試之果絕巧人呼曰路子工一人名味摩之自云學於吳善舞技乃安置櫻井令少年就學

二十三年秋七月百濟使從遣唐使而來

二十四年秋七月新羅貢佛像

二十六年秋八月癸酉朔高麗朝貢奏曰隋主楊廣興三十萬衆來攻我軍拒破之因獻俘虜二人及鼓吹弩等十品駱駝一匹

○據隋書隋攻高麗在帝二十一年蓋是歲追獻捷也

二十九年新羅朝貢上表文新羅上表始于此

三十一年秋七月新羅貢佛像佛器是歲新羅攻仕那降之帝將討新羅問之羣臣田中臣曰請先遣使偵探然後討之未晚也中臣國曰仕那本我內官家今爲新羅所取請發兵復之以付百濟田中臣曰不然百濟反

國史紀事本末

卷八

二十六

覆之國凡其所請皆詐也奈何授之土地議不決而止乃遣吉士磐金於新羅吉士倉下於仕那驗問新羅王遣八大夫啓國事於磐金仕那事於倉下約曰仕那雖小天皇附庸新羅何敢有之請復內官家乃遣使從磐金仕那使從倉下貢兩國調磐金等候風未發會帝以大德境部雄麻呂小德中臣國爲大將軍小德河邊禰受等爲副將軍討新羅舟師數萬蔽海而進兩國使人望見駭愕逃還更使人貢仕那調雄麻呂等進至仕那新羅大懼乞降諸將表聞帝許之冬十一月磐金等至自新羅大臣蘇我馬子問其狀磐金曰兩國使者將發

會船師大至、彼懼而不來、馬子悔遣諸將、初磐金至新羅、新羅出一船迎之、磐金曰、任那何不來迎、新羅即為任那加一船、新羅用迎船二艘始於此、

三十三年春正月戊寅、高麗貢僧惠灌、

舒明天皇二年春三月丙寅朔、高麗百濟朝貢、秋八月

庚子、饗二國使於朝、

三年春三月庚申朔、百濟王送子豐為質、

七年夏六月甲戌、百濟朝貢、

十年百濟新羅任那並朝貢、

十一年秋九月、新羅遣使送遣唐學僧惠隱等、冬十一

國史紀事本末 卷八

二十七

月庚子朔、饗新羅使於朝、給冠位一級、

十二年冬十月、新羅百濟朝貢、遣唐學生高向玄理等

從新羅使而還、

皇極天皇元年春正月、百濟遣使吊喪、二月壬辰、高麗

朝貢、時高麗百濟皆亂、戊辰饗二國使者、遣津守大海

於高麗、國勝水雞於百濟、草壁真跡於新羅、坂本長兄

於任那、且召百濟王子翹岐、居安曇山背連家、三月辛

酉、新羅遣使賀騰極、且弔國喪、夏四月癸巳、翹岐廷見

五月庚子、百濟調使從水雞而來、

二年夏六月辛卯、高麗朝貢、辛丑、百濟朝貢、秋七月辛

亥、遣使難波、責百濟調貢違例、

孝德天皇大化元年秋七月丙子、高麗百濟新羅朝貢、

百濟使兼領任那使、帝遣巨勢德太臣、詔百濟使曰、我

遠皇祖以百濟為內官家、以任那屬百濟、遣使觀察國

界、任那土宜朕所諳知、爾後具錄土宜進之、是歲唐主

李世民自將擊高麗、是歲以唐書

二年春二月戊辰、三韓任那朝貢、秋九月、遣小德高向

玄理於新羅求質、罷任那之調、

三年春正月壬寅、高麗新羅朝貢、是歲新羅遣上臣金

春秋等護送玄理、獻孔雀鸚鵡、因以春秋為質、春秋美

國史紀事本末 卷八

二十八

姿顏善談笑、

白雉元年夏四月、新羅朝貢、

二年夏六月、百濟新羅朝貢、新羅使著唐國服、朝廷惡

其擅更制、責而却之、大臣巨勢德太臣奏曰、今不伐新

羅、後必有悔、伐之不必勞力、自難波至筑紫、多具船艦、

盛張聲勢、召新羅問罪、彼必服矣、不聽、

三年夏四月、新羅百濟朝貢、

四年夏六月、百濟新羅朝貢、

五年新羅王勝曼卒、金春秋立、五年以下東國通鑑

齊明天皇元年、三韓朝貢、新羅以級食彌武為質、是歲

百濟高麗靺鞨取新羅北境三十城新羅訴之唐唐書

二年三韓朝貢饗之飛鳥岡本

三年遣使新羅曰送僧智達等於唐新羅不奉詔智達等還自新羅

四年遣小花下阿曇頗垂於百濟攻新羅百濟王義慈

初有孝友之聲稱海東曾子後稍荒淫夫人妓妾擅弄

國柄誅殺賢良百濟王已下本書註引僧道顯日本世記參取東國通鑑

六年春正月壬寅朔高麗朝貢秋七月唐將蘇定方滅

百濟蘇定方滅百濟書註及唐書本令劉仁願守之唐書九月癸卯百濟遣

國史紀事本末 卷八 二十九

使倭變曰今年七月新羅導唐入傾覆本國君臣被俘

略無遺類西部恩率鬼室福信起義兵據任射岐山達

率餘相信亦據久麻怒利城收聚散卒軍無關具眾皆

執梃擊新羅破之奪其兵器軍聲大震唐人不收進福

信等遂鳩集國人共保王城國人尊曰佐平福信佐平

自信社稷再興二人之力也冬十月福信遣使獻唐俘

一百餘人乞援阻請迎王于豐壤之詔曰乞師請援聞

之古昔扶危繼絕著自恆典百濟以本國喪亂靡依靡

告枕戈嘗膽必存拯救遠來表啓志有難奪宜分命將

軍百道俱前雲會雷動俱集沙啞鞠其鯨鯢紓彼倒懸

十二月庚寅帝幸難波宮將幸筑紫救百濟救駿河造船船成輓至續麻郊舳艫夜自相及人以爲不祥

七年春正月壬寅帝帥舟師而西庚戌至伊豫熟田津

三月庚申轉至娜大津御磐瀨行宮夏四月福信遣使

請迎王子紇解五月癸卯帝遷朝倉橘廣庭宮秋七月

丁巳帝崩於朝倉宮皇太子奉喪遷磐瀨宮聽軍政八

月遣前將軍阿曇比遲夫河邊百枝後將軍阿部比羅

夫物部熊守太石等救百濟九月皇太子以織冠授百

濟王子豐妻以多蔣敷珠令大山下狹井檳榔小山下

朴市田來津帥眾五千送還豐并送豐叔父忠勝忠勝本

國史紀事本末 卷八 三十

註是秋唐將蘇定方契苾加力等攻高麗冬十二月高

麗奏言唐軍與突厥兵水陸二道至臣城下會沮江冰

合雲車齊進鼓鉦震天我兵奮擊奪其二壘唐兵力竭

不復能振

天智天皇壬戌歲春正月丁巳賜佐平福信矢十萬隻

絲五百斤綿一千斤布一千端韋一千張稻種三千斛

三月癸巳賜百濟王子豐布三百端是月唐及新羅攻

高麗高麗請救乃遣兵守疏留城由是唐人不復略其

南界新羅不得襲其西壘唐將蘇定方引還唐書夏

五月比遲夫等帥戰艦一百七十艘送豐至百濟立以

為王授金策於福信撫其背褒獎君臣流涕乃保州柔城西部皆應引兵圍劉仁願西都以下唐書六月丙戌百濟朝貢冬十二月丙戌朔百濟王豐及福信等議曰州柔近地無田土又磽确非農桑之地久居此城民心饑困不如遷於避城避城西北帶水東南阻深淖巨堰繚以田畝實三韓之膏腴雖曰卑溼宜遷居焉朴市田來津進曰避城逼近敵地敵一夜而至變起倉卒悔無及矣今敵之所以不輕進者以州柔險隘易守難攻也若棄險而就卑地何以有國且飢與亡孰重諸熟慮焉豐不聽遂徙避城是歲繕兵甲具船糧謀救百濟

國史紀事本末

卷八

三十一

癸亥歲春二月丙戌百濟朝貢唐將劉仁軌發新羅兵救仁願百濟兵戰於熊津不利唐將已下唐書新羅火百濟南畔四州并取安德等要地於是百濟不能守避城復還州柔果如田來津所測福信獻唐俘三月遣前將軍上毛野稚子間入大蓋巨勢譯語三輪根麻呂後將軍阿部比羅夫大宅鎌柄帥三萬七千人伐新羅夏六月取新羅二城時福信頗專恣時已下唐書豐疑其有異圖執之貫掌以革問羣臣曰福信可殺乎達率德執得讒曰惡逆人不可赦福信怒唾其面罵曰爾狗彘奴豐遂殺之秋八月甲午新羅以百濟殺其良將謀直取州柔豐聞

中國援兵將至欲自往迎未發戊戌新羅進圍州柔劉仁軌帥戰艦百餘艘陣自村江劉仁軌下唐書戊申中國援兵與唐軍戰不利而退己酉中國諸將帥死士擣唐陣唐人從左右圍擊官軍不利墮溺者衆舳艫不得迴旋朴市田來津大怒殺數十人而死豐乘船走高麗九月丁巳州柔降唐百濟亡矣國民多走氏禮城屬官軍甲戌官軍以佐平餘自信及國民還

甲子歲春三月置百濟人善光王等於難波冬十月高麗大臣蓋金死臨終謂子男生男建男產曰汝等和如水魚勿爭爵位若違吾言必取笑鄰國矣男生男產下唐書

國史紀事本末

卷八

三十二

乙丑歲春二月帝念百濟鬼室福信之功授鬼室集斯小錦下置百濟民男女四百餘人於近江神前郡丙寅歲冬十月己未高麗朝貢

元年夏四月庚申百濟朝貢按唐書白豐走不知所率殘眾及倭人請命諸城皆復據此則遣使者蓋忠勝也秋七月高麗朝貢九月癸巳新羅朝貢是月賜新羅王及上臣于庚信船各一隻

冬十月先是高麗莫離支男生出城巡國弟男建男產拒而不納男生走唐乞兵至是唐將李勣滅高麗十一月辛巳朔賜新羅王絹五十疋綿五百斤草一百枚乙酉遣使新羅

二年秋九月丁亥、新羅朝貢、是歲遷百濟餘自信鬼室集斯等男女七百餘人於近江蒲生郡、

三年秋九月辛未朔、遣阿曇煩垂於新羅、

四年春正月丁未、高麗朝貢、先是新羅私封高安勝爲

高麗王、先是已下是月授百濟餘自信以下五十餘人

位有差、二月庚寅、百濟朝貢、夏六月己巳、處分百濟三

部使人所請軍事、庚申、百濟朝貢、是月新羅朝貢、別獻

水牛、山雞、冬十月庚午、新羅朝貢、是後數朝之間、三韓

朝貢不絕、

元明天皇和銅二年夏五月乙亥、新羅朝貢、壬午賜宴

國史紀事本末 卷八

三十三

朝堂、右大臣藤原不比等引使人於辨官廳內、語曰、新

羅國朝貢既久、然未曾與執政大臣談話、而今日披晤

者、欲結二國之好成、往來之親也、使人避席拜謝、

元正天皇靈龜二年夏五月辛卯、徙駿河甲斐相模上

總下總常陸下野七國高麗人千七百九十九人於武

藏、置高麗郡、

養老元年冬十一月甲辰、高麗百濟士卒還、亂投化者、

皆給復終身、

聖武天皇七年春二月癸卯、新羅朝貢、時新羅私改國

號曰王城、詔却之、

八年春二月戊寅、遣從五位下阿部繼麻呂於新羅、

九年春二月己未、遣新羅使還、奏新羅違禮、不受使命、

於是召五位以上及六位以下官人議之、諸司或請發

兵征之、三月壬寅、遣使新羅詰問、夏四月乙巳、遣使奉

幣諸社、告新羅無禮、

十年春正月乙未、太宰府奏新羅使一百四十七人來

朝、夏六月辛酉、遣使太宰府、饗新羅使放還、

十二年夏四月戊午、遣使新羅、

十四年春二月戊寅、新羅朝貢、庚辰饗之、太宰府放還、

十五年春三月乙巳、新羅朝貢、違禮却之、

國史紀事本末 卷八

三十四

孝謙天皇天平勝寶四年春正月癸卯、遣使新羅、閏三

月己巳、新羅王子金泰廉朝貢、乙亥遣使諸陵告之、夏

六月壬辰、詔褒新羅王改悔前過、又詔自今以後、國王

親來、宜以辭奏、如遣餘人入朝、必須賁表文、

五年春二月辛巳、以從五位下小野田守爲遣新羅使、

及往新羅無禮、田守不宣朝命而還、

天平寶字二年秋八月癸亥、遷新羅歸化男女僧尼七

十餘人於武藏、置新羅郡、

廢帝天平寶字三年夏五月壬子、令太宰遣行軍式將

伐新羅、秋八月己亥、遣太宰帥船親王於香推廟告伐、

新羅九月丁卯敕太宰府頃年新羅歸化舳艫不絕規避賦役之苦遠奔墳墓之鄉言念其意豈無顧戀宜再三引問願還者給糧放却壬午造船五百艘課北陸山陰山陽南海諸國限三年畢功將伐新羅

四年秋九月癸卯新羅朝貢使陸奧按察使藤原朝獵問來朝之由使人金貞卷對曰臣國久不脩職貢故國王令臣貢獻又無知聖朝風俗言語者因進學語二人朝獵曰凡執玉帛行朝聘本以副忠信通禮義也汝國既無誠信又闕禮義弃本行末我國所賤嚮王子泰廉入朝奏言每事必遵古迹其後遣小野田守於汝國汝國無禮故不行使事而還王子猶無信如此輕使豈足信乎貞卷曰田守之來臣等方爲外官故不與知朝獵諭曰汝等輕微不足賓待宜速還報人必專對禮必忠信調必仍舊言必明驗四者具備然後來朝

五年春正月乙未令美濃武藏二國少年每國二十人學新羅語冬十一月丁酉藤原朝獵爲東海道節度使檢定管内十二國船兵得船一百五十一隻兵一萬五千七百八十七人水手七千五百二十人從三位百濟敬福爲南海道節度使檢定所管十二國船一百二十一隻兵一萬二千五百人水手四千九百三十人正四位吉備

國史紀事本末

卷八

三十五

眞備爲西海道節度使檢定所管八國船一百二十一隻兵一萬二千五百人水手四千九百三十人皆免三年田租練習兵法將征新羅

六年冬十一月丁丑遣使伊勢奉幣大神宮庚寅奉幣香椎廟告調習軍旅將伐新羅庚子奉幣及弓矢於天下神祇

七年春二月癸亥新羅朝貢令左少辨大原今城問曰前使金貞卷受朝廷約束改朝聘禮卿等來何如使人曰臣承國王教貢進常調不知其佗軋政官處分徵使人入京師依例餐賜謂之曰汝還報汝主自今以後非使王子來朝者宜使執政大夫來

國史紀事本末

卷八

三十六

八年秋七月甲寅新羅使至太宰府言唐使韓朝彩來云唐國嚮送日本僧戒融而達否未審因命本國問其消息軋政官命太宰府報以戒融既達太宰府問使人曰比來新羅歸化民言本國發兵以備日本虛實如何對曰唐國擾亂海賊橫行此弊邑之所以發兵備邊也光仁天皇寶龜元年春三月丁卯先是新羅朝貢遣右中辨大伴伯麻呂於太宰府驗問使人對曰遣唐大使藤原清河學生朝衡等囑本國宿衛王子金隱居致書卿親是以國王差使送其書因并貢土毛伯麻呂曰新

羅貢調其來久矣今何乃改稱土毛使人對曰今日附貢故不稱調至是朝議以其違禮不許入京師令太宰府慰勞放還賜國王物

五年春三月癸卯新羅朝貢改貢朝爲國信詰問不服敕曰新羅稱臣貢調自古而然今妄作新意不率舊章無禮甚矣宜給資糧放還

十年冬十月己巳先是新羅朝貢至是敕太宰府曰諸蕃入朝國有恒典宜反覆檢問若有表文準渤海例寫案進奏癸丑敕太宰府唐客高鶴林等五人及新羅貢調使並許入京

國史紀事本末

卷八

三十七

十一年春正月己巳新羅使薩食金蘭孫等朝賀辛未獻方物奏曰新羅國王自新羅開國已降仰賴聖朝貢調年久而近歲以來境內寇亂不獲入朝今謹遣使貢調兼賀元正又訪得遣唐判官海上三符等隨使進之帝令參議大伴伯麻呂勞慰賜宴朝堂壬申授蘭孫等位二月庚戌賜新羅王璽書曰天皇敬問新羅國王朕以寡薄纂業承基理育蒼生寧隔中外王自遠祖恒守海服上表貢調其來尚矣日者虧違蕃禮積歲不朝雖有輕使而無表奏由是泰廉還日已具約束貞卷來時更加諭告其後累使曾不承行今蘭孫等猶陳吳泰理

須依例從境放還但送三符事既不輕故脩賓禮以答來意王宜察之後使必須責表函以禮進退今敕筑紫府對馬等戌不將表文者莫令入境宜察知之春景韶和想王佳也今因還使附答信物書指不多及

桓武天皇延曆十八年夏四月庚寅正六位下大伴峯麻呂爲遣新羅使五月壬申停遣新羅使

嵯峨天皇弘仁四年新羅一百十人乘船五艘至肥前

小近島島民射殺九人虜其餘

嵯峨天皇已下日本紀略

五年夏五月乙卯詔曰新羅王子來朝若有朝獻之志

準渤海之例徒欲脩鄰好不用答禮給糧却還

日本紀略

國史紀事本末

卷八

三十八

十一年春先是遷新羅投化民七百人於遠江駿河至是叛焚劫民舍盜伊豆倉穀乘船而去相模武藏兵追捕獲之

日本紀略

仁明天皇承和元年春二月癸未新羅人至太宰府緣海民射傷之太政官譴責府司其傷者給醫藥放還

八年春二月先是新羅人張保皋

保皋據唐書本書作寶高

遣使

獻方物至是敕太宰府却之保皋新羅名將也

名將據樊川集

九年秋八月太宰大貳藤原衛奏曰新羅朝貢其來尚

矣而自聖武帝時不遵舊制常懷奸心苞茅不貢託事

商賈窺國消息方今民窮食乏若有不虞何以禦之望

請新羅人一切禁斷不許入境許之

弟延之 延壽校

門人草川重遠書

國史紀事本末卷之八終

國史紀事本末

卷八

三十九

國史紀事本末卷之九

從六位守大學校中博士常陸青山延光 編次

通使隋唐

推古天皇十五年秋七月庚戌遣大禮小野妹子聘隋國鞍作福利爲通事贈隋主楊廣書曰日出處天子致書日沒處天子無恙贈隋主以下善鄰國實記隋書隋人呼妹子曰蘇因高

十六年夏四月妹子還自隋隋主遣其臣鴻臚寺掌客裴世清從而來帝遣難波雄成召之造新館於難波高麗館上六月丙辰世清至難波以船三十艘迎之中臣

國史紀事本末

卷九

下

麻呂大河內糠手等爲掌客妹子奏曰臣之還隋主授臣以書臣船經百濟百濟逼臣奪書羣臣奏曰彼辱使命請流之帝特赦宥之秋八月癸卯隋使入京師遣飾騎七十五匹迎之壬子隋使造闕獻國書信物其書曰皇帝問倭皇使人大禮蘇因高等至具懷朕欽承寶命臨御區宇思弘德化覃被含靈愛育之情無隔遐邇知皇介居海表撫寧民庶境內安樂風俗融和深氣至誠遠脩朝貢丹款之美朕有嘉焉稍暄比如常也故遣鴻臚寺掌客裴世清等稍宣往意并送物如別丙辰饗世清於朝帝問皇太子曰書辭如何太子曰賜諸侯書式

也然曰皇曰帝其義一矣彼書用皇字宜答書以報也

帝從之帝問以下聖德太子傳曆九月辛未世清還帝再以妹子爲

大使難波雄成爲小使鞍作福利爲通事送之學生倭

漢福因奈羅譯語惠明高向玄理新漢大國學僧新漢

是本書作日文今據舒明記訂之南淵清安志賀惠隱等從之太子親

草答書曰東天皇敬白西皇帝使人鴻臚寺掌客裴世

清等至久憶方解季秋薄冷尊何如想清念此卽如常

今遣大禮蘇因高大禮乎那利等往卽乎那利雄成謹白不具

十七年秋九月小野妹子等還自隋福利留而不還

二十二年夏六月己卯遣犬上御田歙矢田部造聘於

國史紀事本末

卷九

二

隋

二十三年秋七月御田歙等還自隋隋主楊廣荒淫奢

侈國中大亂不暇報聘也隋主己下隋書

二十六年隋臣李淵受禪於隋國號唐唐書

三十一年秋七月學僧惠齊惠光賢惠日福因等從新

羅使還自唐奏曰唐禮儀之國也宜常相聘問學生在

唐者皆已成器願召還之

舒明天皇二年秋八月丁酉遣大仁犬上御田歙大仁

藥師惠日聘於唐○續日本紀曰賢惠日還自唐號藥師遂以爲姓

四年秋八月唐主李世民使新州刺史高表仁送御田

欽新州刺史學僧靈雲僧旻等從而還冬十月甲寅唐據唐書

使至難波遣大伴馬養以船三十二艘迎之旗幟鮮麗

表仁悅曰禮何厚也即日給神酒必賜神酒見延喜式

五年春正月甲辰遣吉士雄麻呂等送高表仁至對馬

十一年秋九月學僧惠隱惠雲從新羅使還自唐

十二年冬十月乙亥學生高向玄理學僧清安從新羅

使還自唐

孝德天皇白雉四年夏五月壬戌遣使聘於唐分乘兩

船一船以小山上吉士長丹為大使小乙上吉士駒為

副使學生巨勢藥冰老人學僧道嚴道照等從之以室

原御田為送使一船以大山下高田根麻呂為大使小

乙上掃守小麻呂為副使學僧道福等從之土師八手

為送使每船各一百二十人秋七月根麻呂船至薩摩

竹島遭風漂沒舉船溺死門部金等五人執船板漂至

竹島伐竹為筏赴神島不食者六日六夜詔進位給祿

長丹船獨至唐見唐主李治贈虎魄大如斗瑪瑙若五

升器贈虎魄以下唐書○延喜唐主大悅多贈文書寶

物

五年春二月以小錦下河邊麻呂為遣唐大使大山下

藥師惠日為副使大乙上書麻呂為判官大錦上高向

還中國使人伊吉博

玄理為押使分乘兩船取道新羅至唐萊州唐主延見

之使其臣郭文舉問中國地理國初神名玄理尋卒於

唐秋七月吉士長丹等以百濟新羅使還自唐帝嘉其

多得文書寶物授少華下位封二百戶賜姓吳氏○本

唐使或謂之西海使西海使吉士長丹蓋遣

齊明天皇元年秋八月戊戌朔河邊麻呂等還自唐

四年夏五月敕僧知通智達乘新羅船往唐學法於唐

僧玄奘

五年秋七月戊寅遣小錦下坂合部石布大山下津守

吉祥聘於唐攜蝦夷男女二人示唐主兩船既發九月

石布船遇風漂至南海一島眾皆為島夷所殺唯東漢

長直阿利麻坂合部稻積等五人奪夷船逃至唐括州

吉祥船至越州冬十月見唐主於東京唐主先問天皇

起居次慰勞使人見蝦夷問其地名種類兩船以下本

書蝦夷鬚長四尺許珥箭於首唐書○蝦夷藏箭唐主

歎曰蝦夷何猙獰也德伊吉博蝦夷令人戴瓠立數十步

外射無不中唐書贈唐主以弓箭及白鹿皮本書註難

唐主欲以明年攻百濟遂拘留吉祥等德伊吉博

六年唐主遣其臣蘇定方滅百濟本書註日於是始放

還中國使人伊吉博

還中國使人伊吉博

七年津守吉祥等還自唐。遭風至耽羅島。以島夷九人還。初吉祥在唐。韓智興僉人東漢足。島讒智興等於唐主。唐主怒。流智興等。伊吉博德獨自辯獲免。至是智興等不得還。已而足島震死。人以爲詭譎之報。伊吉博德書天智天皇甲子歲夏五月甲子。唐百濟鎮將劉仁願遣朝散大夫郭務棕等上表獻物。冬十月戊寅。敕內臣中臣鎌足遣沙門智祥賜物務棕。戊寅饗務棕等。十二月乙酉。務棕等還。

乙丑歲秋九月壬辰。唐主遣朝散大夫沂州司馬上柱國劉德高等來聘。冬十一月辛巳。饗賜德高等。使大友國史紀事本末 卷九 五

皇子見之。七字據懷風藻十二月辛亥。賜物德高等發回之。以小錦守大石。小山坂合部石積等爲送使。

丁卯歲冬十一月乙丑。唐百濟鎮將劉仁願遣熊津都督府司馬法聰等送石積等於筑紫都督府。己巳。法聰還。以小山下伊吉博德。犬乙下笠諸石爲送使。

二年遣小錦中河內鯨聘於唐。

四年春正月辛亥。唐百濟鎮將劉仁願使李守真上表。冬十一月。唐使郭務棕等二十人來聘。以四十七船至比智島。相謂曰。吾輩人多。船衆。歛然而進。恐防人驚駭。射我。乃遣僧道久等於對馬。告來聘之意。對馬國司牒

報太宰府。府馳驛以聞。會帝崩。

天皇大友元年春三月己酉。遣內小七位阿曇稻敷於筑紫。告唐使以國喪。郭務棕等咸著喪服。三舉哀。東向稽首。壬子。上書函信物。夏五月壬寅。賜甲冑弓矢及純一千六百七十三匹。布二千八百五十二端。綿六百六十六斤發回之。

天武天皇十二年冬十二月癸未。學生土師甥白猪寶然。及百濟之役沒唐者猪使子首等。從新羅使還自唐。持統天皇四年秋九月丁酉。學僧智宗等及筑紫軍丁大伴部博麻從新羅使還自唐。冬十月乙丑。詔博麻曰。國史紀事本末 卷九 六

百濟之役。汝爲唐所虜。其後土師富杼。冰老等四人在唐。聞唐人密計。潛圖還報。而資糧不給。汝謂之曰。吾亦欲還。奈無衣糧。何。請賣我身以充子衣食。富杼等從之。得達天朝。汝獨淹滯異域。於今三十年矣。朕嘉汝忠誠。乃賜務大肆及純五匹。綿十屯。布三十端。稻一千束。水田四町。免三族課役。以顯其忠。

文武天皇大寶元年春正月丁酉。以守民部尚書栗田真人爲遣唐執節使。左大辨高橋笠間爲大使。右兵衛率坂合部大分爲副使。夏四月乙卯。遣唐使拜朝。五月己卯。授真人節刀。真人等尋航海。遭風而還。

二年夏六月真人等聘於唐會唐主母武氏墓國更號曰周國人謂真人曰聞海東有大倭國謂之君子國人民豐樂禮義敦行今見使人儀容果然武氏宴真人於麟德殿真人冠進德冠頂有華鬘四披紫袍帛帶進止有容武氏授司膳卿真人好學能屬文爲唐人所稱武氏宴已下唐書學僧辦正善談論工圍碁臨淄王李隆基善遇之遂沒於唐懷風藻

慶雲元年秋七月甲寅朔真人還自唐大分留而不還冬十月辛酉真人等拜朝十一月丙申賜真人大倭田二十町穀一千斛以奉使絕域也

國史紀事本末 卷九

七

二年秋八月戊午授真人從三位其餘使唐者進位賜物各有差

四年春三月庚子遣唐副使巨勢色治等還自唐色治蓋從粟田真人往唐而史不載其事夏五月壬子給色治等穀及純綿布

鉞初百濟之役讚岐人錦部刀良陸奧人壬生五百足筑後人許勢部形見從軍爲唐所虜沒爲官戶在唐四十餘年至是從遣唐使而還賜衣及鹽穀勞之秋八月辛巳色治等進位有等水手給復十年

元正天皇靈龜二年秋八月癸亥以從四位下多治比縣守爲遣唐押使從五位下阿部安麻呂爲大使正六

位下藤原馬養爲副使大判官一人少判官二人錄事二人少錄事二人從八位上阿部仲麻呂從八位下吉備真備以選爲留學生九月丙子罷安麻呂以從五位下大伴山守爲大使

養老元年春二月壬申朔遣唐使祀神祇於蓋山之南甲午遣唐使拜朝三月己酉賜縣守節刀縣守尋聘於唐請從諸儒受經唐主隆基命四門助教趙玄默即鴻臚寺爲師縣守贈大幅布爲贄唐書請從以下唐書○縣守贄唐書誤作栗田今訂之仲麻呂亦贈布唐人李白自感賞有身著日本裘之句李白集冬十一月甲辰免遣唐使水手以上徭役

國史紀事本末 卷九

八

二年冬十月縣守還自唐悉賞物賀書唐書五字據坂合部大分從而還使人略無關亡大和國造大和長岡素好刑名之學從縣守往唐質問疑義多所發明當時言法律者就而質焉十二月甲戌縣守進節刀

三年春正月己亥遣唐使朝見皆著唐國所授朝服六年夏四月辛卯唐人王元仲始造飛舟進之帝嘉賞授從五位下

聖武天皇神龜二年冬十一月己丑中務少丞佐味蟲麻呂典鑄播磨弟兄並授從五位下先是弟兄往唐得柑子而還蟲麻呂種之結子因有此授

天平四年秋八月丁亥以從四位下多治比廣成爲遣唐大使○懷風藻曰天平中詔簡遣唐使當時難其人石上乙麻呂才學頗秀爲衆所推遂拜大使然竟不往也從五位下中臣名代爲副使判官四人錄事四人九月甲辰遣使近江丹波播磨備中爲遣唐使造船四艘是後遣唐使常以四船爲度

五年春三月戊午遣唐使拜朝閏月癸己廣成辭見賜

節刀夏四月己亥廣成等四船發難波津聘於唐判官

秦朝元僧辨正子唐主以舊好厚贈之判官以下懷風藻

六年冬十月遣唐使四船發唐蘇州會雲霧晦冥風濤

大作四船飄蕩廣成船得至越州候風發歸會以下十曲江集

國史紀事本末 卷九

九

一月丁丑廣成著多樞島吉備真備從而還阿部仲麻呂留於唐易姓名曰朝衡唐主愛其才授左補闕易姓名已姓

下唐仲麻呂僂人羽栗吉麻呂娶唐人女生子翼攜之

而還翼後以文學聞類聚國史

七年春三月丙寅廣成進節刀初廣成在唐易姓曰丹

墀子孫遂稱丹墀氏初以下三代實錄辛亥真備獻唐禮一百

三十卷大衍曆經一卷樂書要錄十卷測影鐵尺一枚

銅律管一部絃纏漆角弓一張馬上飲水漆角弓一張

露面漆四節角弓一張射甲箭二十隻平射箭二十隻

夏五月庚申帝御北松林觀騎射遣唐使及唐人奏唐

新羅樂士戊遣唐使獻請益秦大麻呂問答六卷

八年秋七月庚午遣唐副使中臣名代以唐人皇甫東朝等

三人波斯國人李密醫還自唐初名代船漂至南海艱

難辛楚僅得還唐唐主憫之付書發回初以下冬十一曲江集

月戊寅詔授名代從四位下故判官田口養年富紀馬

主並贈從五位下蓋與名代同船而死者也皇甫東朝

李密醫等授位有差

十一年冬十月丙戌遣唐判官平羣廣成還自唐初廣

成船與多治比廣成相失漂著崑崙國賊來圍舟中多

被殺掠或中瘴癘死唯廣成等四人僅免得見夷酋給

國史紀事本末 卷九

十

糧安置唐廣州吏聞之報唐主唐主驚嗟命安南都護

送致四人唐廣州已下曲江集使者未至唐欽州熟崑崙適至崑

崙廣成等潛從之往唐與阿部仲麻呂相見仲麻呂爲

請唐主給船糧發回至渤海界適會渤海來聘乃與其

使者俱還著出羽於是遣唐四船得還者凡三其一遂

不復還云十二月己卯授廣成正四位上水手以上皆

授位

孝謙天皇天平勝寶二年秋九月己酉以從四位下藤

原清河爲遣唐大使從五位下大伴古麻呂爲副使判

官主典各四人

三年春二月庚午遣唐使雜色人一百十三人敘位有差夏四月丙辰遣使奉幣伊勢大神宮及畿内七道諸社爲遣唐使祈禱冬十一月丙戌以從四位上吉備真備爲遣唐副使

四年春三月庚辰遣唐使拜朝閏月丙辰召遣唐使給節刀授清河正四位下古麻呂從四位上留學生藤原刷雄從五位下清河等至難波帝遣高麗福信犒以酒肉賜御製歌清河等已尋聘於唐唐主命仲麻呂接伴清河等既見唐主唐主賞其儀容呼中國曰禮儀君子國令仲麻呂導之觀府庫及三教殿又命圖清河真備

國史紀事本末
卷九
十一
狀貌高僧傳要文抄

五年春正月唐主受賀於含元殿以清河等列西畔第二吐蕃下新羅使列東畔第一大食國上古麻呂進曰新羅之朝貢我國久矣吾不宜班其下唐將軍吳懷寶乃引新羅使列西畔第二以清河等爲東畔第一是歲清河將還唐主贈詩曰日下非殊俗天中嘉會朝念余懷義遠矜爾畏途遙漲海寬秋月帰帆駛夕飈因驚彼君子王化遠昭昭是歲以下高僧傳要文抄仲麻呂請與還古今唐集主因命爲使王維集仲麻呂賦詩曰銜命將詳國非才忝侍臣天中戀明主海外憶慈親伏奏違金闕駢駟去王

津蓬萊鄉路遠若木故園鄰而望懷恩日東歸感義辰平生一寶劍留贈結交人文苑英華清河等尋發冬十二月真備和漂著益久島

六年春正月丙寅大伴古麻呂還自唐唐僧鑒真等從而歸化二月丙戌敕太宰府天平七年大貳小野老遣高橋牛養於南島樹標書島名及津泊路程令漂船知所向而標今已朽壞宜再修之三月丙午遣使奉唐信物於山科陵癸丑太宰府言遣使候視遣唐第一船報云第一船揚帆指奄美島未知著處第一船即清河仲麻呂也夏四月壬申古麻呂真備並授正四位下判官

國史紀事本末
卷九
十二

大伴御笠巨萬大山並從五位下其餘二百二十三人各有差癸未遣唐第四船判官布勢人主至薩摩石籬浦六月丙午授人主從五位下初第四船在洋中船尾失火會風順而猛燄炎被臚衆惶遽不知所爲舵師川部酒麻呂急轉舵不避燒爛遂撲滅之帝嘉其勞授十階補肥前松浦郡員外主帳

天平寶字元年冬十二月壬子太政官奏曰小錦下阪合部宿禰石布功田六町奉使唐國漂著賊洲橫斃可矜撫功未愜依令下功合傳其子

二年春三月丁亥巨舶二艘名播磨速鳥者並敘從五

位下加錦冠皆遣唐使所乘也冬十二月小野田守使
渤海而還奏唐國變曰唐天寶十二載十一月九日御
史大夫兼范陽節度使安祿山叛僭稱帝國號燕改范
陽曰靈武郡其宅爲潛龍宮改元聖武留其子慶緒知
范陽軍事自將精兵二十餘萬而南十二月攻陷洛陽
僞署百官唐主遣安西節度使哥舒翰將兵三十萬守
潼津關大將軍封常清將兵十五萬圍洛陽明年祿山
遣僞將軍孫孝哲帥二萬人攻潼津關哥舒翰壞潼津
岸斷路而還孝哲鑿山開道進至新豐六月六日唐主
避亂劍南七月甲子太子瑒卽位靈武改元至德己卯

國史紀事本末

卷九

十三

唐主至益州平盧留後事徐歸道遣果毅都尉柳行城
縣兼四府經略判官張元潤聘於渤海乞兵曰將以十
月擊祿山王須發騎四萬來會渤海疑其有詐拘留不
還十二月徐歸道果鳩劉正臣於北平潛通祿山僞幽
州節度使思明謀攻唐主安東都護王玄思諜知其計
帥精兵六千餘攻破柳城斬歸道自稱權知平盧節度
進鎮北平今年四月玄思遣將軍王進義聘渤海且告
國事曰天子還西京迎太上皇於蜀居別宮賊殄滅在
近敢告渤海未信乃留進義遣使驗問事之虛實未可
知也因獻唐主贈渤海王書於是敕太宰府曰祿山狂

胡若不得志於西安知其不掠海東宜預爲之備
廢帝天平寶字三年春正月丁酉以前遣唐大使藤原
清河留唐未還以正六位上高元度爲迎使授從五位
下二月癸丑令元度與渤海使楊承慶俱發且詔渤海
王送元度於唐尋至渤海渤海以唐亂未平留遣唐判
官內藏全成等遣使送元度等十一人於唐冬十月渤
海遣使送還全成等且齎清河上表而至初清河仲麻
呂同船發唐遭風漂泊安南初以下日本紀略唐人傳仲麻呂
溺死李白作詩哭之李白集清河仲麻呂還至唐驪州會
土人作亂舉船被害清河仲麻呂僅以身免復至長安

國史紀事本末

卷九

十四

唐主以清河爲特進祕書監仲麻呂爲左散騎常侍安
南都護仲麻呂官本唐書清河更名河清
五年秋八月甲子高元度還自唐初元度至唐以亂故
不得朝見七字據日本紀略唐主使中使謂元度曰特進祕書
監藤原河清當從請遣還而賊徒未平道路多難元度
宜取南路先歸復命卽令中謁者謝時和送至蘇州刺
史李岷爲造船一隻長八丈使越州浦陽府折衝沈惟
岳送還之十月辛酉遣使安撫遣遣唐船四隻元度之
還唐主囑曰祿山之亂多失兵器今欲造弓苦乏牛角
卿異日還國求牛角相贈至是敕東海東山北陸山陰

山陽南海諸國貢牛角七千八百、癸酉以右虎賁衛督仲石伴爲遣唐大使、上總守石上宅嗣爲副使、十一月癸未、授高元度從五位上、

六年春正月乙酉、遣參議藤原眞光饗沈惟岳等於太宰府、三月庚辰朔、遣唐副使石上宅嗣罷、以左虎賁衛督藤原田麻呂代之、夏四月丙寅、遣唐船從安藝至難波江口、膠沙不進、船尾破裂、乃減使人限兩船、以判官正六位上中臣鷹取爲使、賜節刀、授從五位下、正六位上高麗廣山爲副、五月丁酉、唐人三十八名列狀、請曰、大使沈惟岳賊汙已露、不足率下、請以副使紀喬客司

國史紀事本末

卷九

十五

晏子欽代之、太宰府以聞、報曰、大使副使皆彼所命、今不可得易、宜依舊給祿、秋七月、鷹取等將送還惟岳等、阻風不能發、八月乙卯、敕留惟岳等於太宰府、召還鷹取等、

七年春正月庚申、渤海使王新福奏唐變曰、李家太上皇_基少帝_治並殂、廣平王迪攝政、年穀不登、人民相食、史朝義僭帝號、性頗仁慈、人心歸附、兵鋒甚彊、劍州襄陽已屬史氏、李家僅有蘇州、朝聘之道未易通也、於是敕太宰府曰、唐國爭亂未平、使命難通、沈惟岳等宜安置供給、如懷土願歸者、宜給船發遣、惟岳竟留仕天朝、

後敘從五位下、賜姓清海、同時入朝者、張道光、晏子欽、吾稅兒、徐公卿、孟惠芝、盧如津皆留仕、云、同時以下參取姓氏錄、稱德天皇神護景雲四年春三月、藤原河清、阿部仲麻呂託新羅遺書鄉親、是歲仲麻呂卒於唐、年七十、唐主贈潞州大都督、是歲以下日本紀略、仲麻呂在唐五十餘年、身雖榮貴、思歸不已、言及鄉國、未嘗不悽惻、嘗望月作和歌、後世傳爲絕唱、古今集抄

光仁天皇寶龜二年冬十一月癸未朔、遣使安藝、造遣唐船四隻、

六年夏六月辛巳、以正四位下佐伯今毛人爲遣唐大

國史紀事本末

卷九

十六

使、正五位下大伴益立、從五位下藤原鷹取爲副使、判官錄事各四人、造船四隻於安藝、秋八月庚寅、授遣唐錄事羽栗翼外從五位下爲准判官、

七年夏四月壬申、御前殿、賜遣唐使節刀曰、判官以下有罪、專決之、又賜大使副使御服、賜前遣唐大使藤原清河書曰、汝奉使絕域、久經年序、忠誠遠著、消息有聞、故今因聘使迎之、賜純一百匹、細布一百端、砂金一百兩、汝其努力、隨使歸朝、相見非遠、指不多及、秋閏八月庚寅、先是遣唐使船至肥前松浦郡合靈田浦、阻風不能進、還博多大津、奏請待來歲夏月、是日敕許之、冬十

一月己巳遣唐使還自太宰府上節刀副使大伴益立判官海上三狩留府待期時人善之十二月丁酉罷益立以左中辨小野石根備中守大神末足爲副使

八年春二月戊子遣唐使拜神祇於春日山下夏四月戊戌遣唐使辭見癸卯大使佐伯今毛人至攝津以病不能發敕副使持節先發行大使事專決判官以下罪六月辛巳朔以今毛人病未愈重敕石根等到唐之日彼若怪無大使量事分疏石根著紫猶稱副使持節行事一如前敕石根等尋發秋七月至唐揚州海陵縣觀察使陳少遊言屬祿山亂館驛彫弊宜限使人六十人

國史紀事本末

卷九

十七

赴京石根以八十五人進途得中書門下牒減使人限二十人石根請更加二十三人唐人許之

九年春正月石根與大神末足羽粟翼等四十三人至長安館待優厚中使相屬數日禮見於宣政殿進信物唐主大喜班示羣臣三月唐主宴石根等官賞有差夏四月唐主命中使趙寶英押送石根曰海路甚險勿勞中使唐主曰道義所在不以爲勞時藤原清河已卒女喜娘從石根還唐主使楊光耀送至揚州秋九月第三船判官小野滋野先發逆風破船衆蒼黃修繕冬十月乙未至肥前松浦郡橘浦第四船漂至耽羅島判官海

上三狩等爲島夷所拘錄事韓國源等以四十餘人逃還十一月壬子至薩摩甌島先是第一船第二船至蘇州候風是月皆發第二船至薩摩出水第一船遇風壞漏石根等三十八人及寶英等二十五人皆溺死帆檣俄倒舳艫斷爲兩段判官大友繼人及喜娘等四十一人乘其舳沈浮赤體露坐不食者六日漂著肥前天草郡西仲島主神津守國麻呂及唐判官等五十六人乘其艦漂至甌島庚申令安藝造遣唐舶二艘辛酉遣左少辨藤原鷹取等勞問唐使十二月己丑以從五位下布勢清直爲送唐客使贈唐使趙寶英純八十四匹綿

國史紀事本末

卷九

十八

二百也

十年春二月乙亥贈故遣唐大使藤原清河從二位副使小野石根從四位下甲申以太宰少監道長人爲遣新羅使迎遣唐判官海上三狩等三月辛亥遣唐副使大神末足等還京師夏四月辛卯領唐客使奏言唐使之行左右建旗又有帶仗行宮立旗前後臣等稽之古例未見斯儀伏請處分朝議惟聽帶仗不令建旗又奏曰往時遣唐使栗田真人至唐五品舍人傳命勞問此時未見拜謝之禮新羅朝貢使王子泰廉入京之日官使宣命賜以迎馬王子歛轡馬上答謝至渤海使者皆

下馬再拜舞蹈今日之事準據何例朝議更定其儀是日授大神末足正五位下小野滋野大伴繼人並從五位下錄事上毛野大川外從五位下庚子唐使孫興進泰愍期等入京師帝使將軍等率騎兵二百蝦夷二十人迎接於京城門外五月癸卯興進等朝見上唐主書及信物丁巳饗唐使於朝堂中納言物部宅嗣宣敕曰卿國天子及公卿國內百姓平安以不海路險難一二使人或漂沒海中或被掠耽羅朕聞之悽惻於懷又卿等來朝路次國宰供侍如法以不興進等言本國天子及公卿百姓並是平安朝恩遠覃行路無恙路次國宰

國史紀事本末

卷九

十九

供侍如法教授位賜祿庚申右大臣大中臣清麻呂饗唐使於私第敕賜綿三千屯乙丑唐使辭見丙寅賜賜故留學生阿部仲麻呂東純一百匹白綿三百屯丁卯唐使還秋七月丁丑遣新羅使下道長人以遣唐判官海上三狩等還冬十月唐使高鶴林等與新羅使俱來十一年春正月己巳帝御大極殿受朝唐使拜賀辛未宴唐使於朝堂賜祿有差癸酉再宴唐使是歲遣唐准判官羽栗翼獻寶應五紀曆經曰唐國停大行曆專用此經是歲已下三代實錄

天應元年夏六月辛亥送唐客使布勢清直還自唐上

節刀桓武天皇延曆三年夏六月唐人晏子欽徐公卿孟惠芝張道光吾稅兒皆賜姓

十一年夏五月授從五位下大春日淨足妻李氏從五位下李氏唐人女淨足嘗往唐娶之而還日本紀略

二十年春三月以從四位上藤原葛野麻呂為遣唐大使從五位上石川道益為副使判官錄事各四人日本紀略

二十一年大學少允菅原清公為遣唐判官續日本紀

二十二年春二月乙酉賜遣唐大使已下水手已上物有差三月丁巳贈藤原清河正二位乙丑賜遣唐使彩

國史紀事本末

卷九

二十

帛有差己巳遣唐使朝拜於朝堂院乙亥賜錢遣唐使一依漢儀召葛野麻呂於御床下製和歌優勞之葛野麻呂感泣賜葛野麻呂御被三領御衣一襲金二百兩道益御衣一襲金百五十兩夏四月壬午遣唐使辭見是月遣唐使航海暴風破船明經請益豐村家長溺死葛野麻呂等僅而得還戊申遣典藥頭藤原貞嗣等修遣唐舶五月辛未遣唐使還京師上節刀日本紀略二十三年春三月庚辰遣唐使拜朝庚子召大使副使賜錢殿上奏樂特賜御盃一寶琴一面癸卯授大使節刀伴少勝雄以善恭充使員伴已下三代實錄留學生橘逸勢

學僧空海亦從善鄰國實記秋七月發肥前田浦洋中遇風

第三第四兩船漂回葛野麻呂清公兩船漂蕩三旬餘

八月至唐福州長溪縣縣吏疑其無符信責之葛野麻

呂贈書福州觀察使辯之縣吏已下性靈集觀察使閻濟美使

葛野麻呂等二十三人赴長安冬十二月至長安唐主

适令內使趙忠以飛龍殿細馬迎之葛野麻呂因監使

劉昂進信物昂傳命慰勞明日禮見於宣化殿即設內

宴官賞有差唐人呼葛野麻呂曰興能葛野麻呂能書

為唐人所稱唐人呼已下唐書逸勢亦工書唐人呼曰橘秀才

文德實錄錄事上毛野穎人有文才譯語有不通者穎人代

之筆語類聚國史是歲帝疑葛野麻呂等漂著新羅遣兵部

少丞大伴岑萬里於新羅驗問之

二十四年春正月唐主殂葛野麻呂等素服舉哀三日

二月唐主誦令內使王國文監送至明州道益病卒夏

五月葛野麻呂等發明州六月乙巳至對馬島奏唐國

變曰淄青道節度使青州刺史李師古養兵馬五十萬

唐主遣使告國喪於諸道至青州師古拒而不入帥兵

十萬以吊喪為名自襲鄭州諸州戮力逆戰唐主方遣

中使宣慰師古蔡州節度使吳少誠亦多養兵馬竊挾

窺齊唐主又嘗遣龍武將軍薛審於吐蕃和親至則拘

留不還審始曰所以來者欲嫁公主也吐蕃乃放還審

議婚唐主怒曰此非吾所知汝速往申前旨事若不成

勿復來還審再往吐蕃拒而不入去年十二月吐蕃使

者聞審議婚不成遂逃還不會賀正吐蕃在長安西北

相距五百里侵寇不息唐國內迫節度外畏吐蕃京師

騷擾無暫休息甲寅遣唐第二船判官藤原清公至肥

前鹿島秋七月戊辰朔葛野麻呂上節刀辛未遣唐第

三船發肥前庇良島指遠值嘉島忽遭南風漂著孤島

判官三棟今嗣等脫身登岸未暇收貨物射人數人猶

在船船忽漂而去太宰府驛奏救責三棟等辛巳葛野

麻呂上唐國信物己丑能登言舶一艘漂著珠洲郡遣

使檢船上雜物辛卯賜唐國彩帛於親王已下參議已

上及內侍各有差壬辰授葛野麻呂從三位清公從五

位下贈道益從四位下甲午獻唐物於山科後田原崇

道天皇三陵冬十月甲寅授遣唐留學生栗田飽田麻

呂正六位上

平城天皇大同元年夏四月丁巳奉攝津住吉大神從

一位以遣唐使有所祈也先是正六位上高階遠成聘

於唐是歲以橘逸勢僧空海還遠成之往唐卒爾受命

不遑治行帝憫之及還授從五位上

先是以下類聚唐史述勢空海據唐

書初逸勢爲留學生以二十年爲期然以唐王供給甚薄不能留而還性靈集

二年春正月辛丑遣使奉唐綵幣於香推宮丙午奉唐物於諸陵丙辰賜唐綾綿香藥於參議已上日本紀略

仁明天皇承和元年春正月庚午以參議藤原常嗣爲

遣唐大使彈正少弼小野篁爲副使判官四人錄事三

人常嗣葛野麻呂子也父子相繼聘唐時人榮之篁妹

子五世孫也五世孫據小野系圖帝多選一時材藝之士從之神

祇官卜部平麻呂善卜伊豫掾良岑長松善琴美作掾

藤原貞敏善琵琶雅樂權少屬良枝清上善笛右京人

國史紀事本末 卷九 二十三

菅原枕成善醫皆膺選帝多選已下三代實錄二月癸未

以正五位下丹墀貞成爲造船使長官主稅助朝原島

主爲次官左中辨笠仲守右少辨伴成益爲遣唐使裝

束司秋八月戊子任遣唐錄事准錄事知乘船事各一

人以外從五位下三島島繼爲造船都匠是歲遣唐判

官藤原松影以母老固辭許之是歲以下文德實錄

二年春二月丁丑以外從五位下長岑高名爲遣唐判

官從七位上松川貞嗣爲錄事三月丁巳敕太宰府以

綿甲一百領胄一百口袴四百腰充遣唐船不虞之備

冬十月庚寅以藤原貞敏爲遣唐準判官十二月壬申

授常嗣正二位篁正四位上

三年春正月乙丑詔奉陸奧八溝黃金神封戸二烟以

國司禱神多得砂金助遣唐使之費也二月庚午朔爲

遣唐使祀神祇於北野丙子遣唐使奉幣賀茂大神社

戊寅帝御紫宸殿引見遣唐使賜大使綵帛百匹貲布

二十端副使綵帛八十四匹貲布十端判官准判官各綵

帛十五匹貲布六端錄事綵帛十匹貲布四端知乘船

事譯語各綵帛五匹貲布二端夏四月戊寅遣唐使朝

拜於八省院壬辰帝御紫宸殿賜錢遣唐使召五位已

上賦詩常嗣上壽帝爲之舉盃卽賜常嗣又賜御製詩

國史紀事本末 卷九 二十四

及御衣御被砂金良枝清上作新樂奏之帝嘉賞名曰

清上樂良枝以下體原抄甲午奉幣五畿內七道名神爲遣唐

使禱祈丁酉賜節刀五月庚子奉小野神從五位下從

副使小野篁請也戊申贈遣唐使及留學生沒於唐者

八人位藤原清河從一品阿部仲麻呂正二品石川益

立從四品餘各有差庚戌遣右近衛中將藤原助於攝

津難波慰勞遣唐使庚申爲遣唐使奉幣山階田原柏

原等陵閏月辛巳帝慮遣唐船或漂著新羅以武藏權

大掾紀三津爲使貲牒往新羅秋七月遣唐第一第三

第四船皆遭風濤而還唯第三船漂蕩洋中圯折船漏

將沒判官丹墀文雄曰、吾等同死無益、不如壞船作筏、各自求津、衆乃壞船作筏、散去、或著太宰府、或著肥前、或著對馬、八月己亥、召還遣唐使人六百餘、留判官錄事各一人修船、乙丑、敕太宰府遣人海島、尋覓漂人、九月辛巳、遣唐使還京師、上節刀、辛卯、以右中辨伴氏上爲修理遣唐舶使長官、外從五位下三島島繼爲次官、是歲彈正少忠管原善主爲遣唐判官、善主清公子也、是歲已下文德實錄

四年春二月甲午朔、遣唐使祀神祇於愛宕、三月丙子、遣唐使朝拜、戊寅、賜節刀、乙酉、遣內匠頭楠野王奉幣、
國史紀事本末 卷九 三十五

伊勢大神宮爲遣唐使祈禱、夏五月、授遣唐第一船號、太平良、以第三船既壞、限三船、秋七月、第一第四船遇風漂著壹岐、第二船著值嘉島、九月辛巳、豐前守石川橋繼爲修理舶使長官、筑前權守小野末嗣等爲次官、五年夏四月戊申、遣右近衛中將藤原助教遣唐使航海、常嗣以第一船穿漏、奏奪副使船、篁怒曰、前日既擇船之最堅者爲第一、一旦漂迴、又棄其毀者、而奪其完者、遣我以至危、我受辱至此、何以率下、且我家貧親老、寧留而侍養、篁怒已下文德實錄乃稱病不行、作西道謠刺之、六月常嗣等航海、尋至唐揚州、桑梓浦、赴長安、禮見唐主、

常嗣以副使關、令判官長岑高名攝其事、尋至已下文德實錄藤原貞敏聞唐人劉二郎善琵琶、師事之、數月曲盡其妙、劉歎異、妻以其女、女亦善琴、三代實錄冬十二月、嵯峨太上皇覽篁西道謠大怒、流之隱岐、篁途賦謫行吟七十韻、一時傳誦、篁途賦以下文德實錄

六年春三月丁酉、以遣唐知乘船事件有仁、曆請益刀波雄貞、曆留學生佐伯安道、天文留學生志斐永世等逃匿不行、減死一等、流之佐渡、常嗣憂其船不完、借楚州新羅船九隻、經新羅而還、劉二郎贈貞敏以紫檀紫藤琵琶各一面、劉二郎已下文德實錄秋八月、遣唐錄事大神宗、
國史紀事本末 卷九 三十六

雄船先還、餘船後先相失、未至、己巳、敕太宰府設炬貯糧以待後船、是日遣使奉幣攝津住吉神、越前氣比神、祈遣唐使歸船無恙、常嗣等尋以七船至、肥前生屬島九月甲午、常嗣還京師、上節刀、乙未、帝御紫宸殿、召常嗣、常嗣上唐主書、帝置酒慰勞之、賜御被御衣、丙午、授常嗣從三位、判官長岑高名從五位上、管原善主從五位下、藤原豐並沒於唐、贈從五位上、冬十月己酉朔、賜宴羣臣、令藤原貞敏彈琵琶、甲寅、遣唐使朝拜於八省院、丁巳、遣唐錄事山代武益駕新羅船至筑前博多津、辛酉、奉唐物於伊勢大神宮、癸酉、設三幄於建禮門、陳

唐物令內藏寮官人及內侍等交易名曰宮市十二月辛酉帝御建禮門遣使奉唐物於諸陵

七年春三月己卯以遣唐第二船未還敕太宰府及緣

海諸國舉火候之夏四月癸丑遣唐知乘船事菅原梶

成駕小舟還大隅初梶成與准判官良岑長松及良枝

清上俱發唐遇風漂蕩南海風濤益暴雷電晦冥衆不

知所向忽至一島島夷來擊清上被殺梶成長松拒戰

却之乃集破船材各造小船逃還初已下參取文德實錄三代實錄安

申敕太宰府賜梶成布帛且候視長松船六月己酉梶

成獻賊地所獲鉞一枚佩刀一口箭一雙並不類中國

國史紀事本末

卷九

二十七

兵仗士戌良岑長松船還大隅秋九月戊戌定遣唐使

判官以下水手已上三百九十一人等第冬十二月庚

午授良岑長松從五位下

十年冬十二月癸亥遣唐學僧圓載弟子仁好順昌與

新羅人張公靖等俱至長門

十一年秋七月癸未附僧仁好賜金圓載圓仁圓仁亦

學僧也初帝令圓仁從藤原常嗣往唐圓仁因唐人李

德裕請留學唐主不許及常嗣航海圓仁潛留唐人覺

之送附良岑長松船適遭風至登州遂留於唐初已下實錄

錄

十四年秋七月辛未僧仁好至自唐上圓載表狀唐人

張友信等三十七人從之歸化冬十月甲午僧圓仁以

弟子性海惟正及唐人三十二人乘新羅商船還自唐

文德天皇齊衡二年秋七月丙寅太宰府傳進僧圓載

上表

清和天皇貞觀六年秋八月太宰府言唐通事張友信

渡海未還唐人來往亦無定期請暫留唐僧法惠以爲

通事許之

八年夏四月辛卯譴責豐前長門等國司曰關司出入

國史紀事本末

卷九

二十八

理用過所而今唐人入京任意經過是國宰不慎督察

關司不責過所之所致也自今以後若有驚忽必處嚴

科

十六年夏六月癸酉遣伊豫權掾大神己井豐後介多

治比安江等於唐市香藥

陽成天皇元慶元年秋八月太宰府言前月唐商人崔

鐸等六十三人駕船一隻來筑前問其所以來鐸言送

還貴國使多安江等庚寅敕安置出雲供給之僧智聰

留學於唐者二十餘年至是與唐人駱漢中俱還冬十

二月智聰奏曰漢中唐國處士博綜衆藝願加優恤詔

宇多天皇寬平六年夏五月唐使來聘扶桑略記并致在唐

僧中瓘上太政官表秋七月詔賜中瓘黃金菅家文草八月

以參議菅原道真爲遣唐大使右少辨紀長谷雄爲副

使扶桑略記道真奏曰臣謹按僧中瓘去年三月附商客書

具載唐國周弊中瓘雖區區旅僧爲聖朝盡其誠代馬

越鳥豈非習性臣伏檢舊記聘使渡海或不堪命或沒

於賊能達者無幾此中瓘所憂也臣伏願以中瓘狀遍

下公卿詳議可否此國之大事不獨爲一身菅家文草

七年夏五月敕罷遣唐使扶桑略記是後僧徒往唐學法者

不絕及宋興其商人屢來中國云謝酌諸書大意

國史紀事本末

卷九

二十九

弟延之 延壽校

門人草川重遠書

國史紀事本末卷之九終

國史紀事本末卷之十

從六位守大學校中博士常陸青山延光 編次

蝦夷叛服

景行天皇四十年帝遣日本武尊討蝦夷東陸悉平見事

日本武尊
征蝦夷

五十六年秋八月詔御諸別王領東國會蝦夷騷動乃帥兵擊之蝦夷首帥足振邊大羽振邊遠津間男邊等來降盡獻其地

應神天皇三年冬十月癸酉東蝦夷悉朝貢即命作廢坂道

國史紀事本末 卷十

仁德天皇五十五年蝦夷叛帝遣田道討之戰於伊寺水門不克而死其後蝦夷復來寇發田道墓有巨蛇從墓中出噬齧蝦夷蝦夷悉死脫還者僅一兩人時人歎曰誰謂死者無知田道乃能報讐

雄略天皇二十三年帝遣將軍吉備尾代征新羅蝦夷五百人從焉比至吉備國會帝崩蝦夷聞之曰時不可失也乃叛攻旁郡尾代進擊之娑婆水門蝦夷趨捷善避箭且踊且伏射之不中尾代詐彈空弦待其踊且伏射殺之矢盡進斬數人追至丹波浦掛水門悉殺之清寧天皇四年秋八月癸丑蝦夷內附

欽明天皇元年春三月蝦夷率衆歸附

敏達天皇十年春閏二月蝦夷數千寇邊帝召其魁帥綾糟等詔曰爾蝦夷者大足彥天皇之世可殺者殺可赦者赦今朕遵故事欲誅元惡於是綾糟等大懼乃立泊瀨中流面三諸岳漱而盟曰臣等蝦夷自今以後子子孫孫用清明心奉事天闕若違此盟天地諸神及天皇靈絕滅臣種矣

崇峻天皇二年秋七月壬辰朔遣近江滿於東山道觀蝦夷國境

舒明天皇九年蝦夷叛不朝帝拜大仁上毛野形名爲

國史紀事本末 卷十

二

將軍討之不克退入壘爲蝦夷所圍官軍逃散形名窘迫欲潰圍而逃妻謂之曰君祖先萬里濟海宣威海外君奈何辱祖先取笑後世乃酌酒飲之形名醉卧妻親佩劔令婢數十人鳴弦蝦夷以爲官軍猶多稍稍引退形名適起妻乃進器仗散卒亦聚遂擊蝦夷大敗之皇極天皇元年秋九月癸酉越邊蝦夷數千內附冬十月甲午饗蝦夷於朝丁酉大臣蘇我蝦夷宴蝦夷於家孝德天皇大化二年春正月蝦夷親附

三年造淳足柵置柵戶

四年修磐舟柵以備蝦夷遷越及信濃之民置柵戶

齊明天皇元年秋七月己卯、饗北蝦夷九十九人、東蝦夷九十五人於朝、授柵養蝦夷九人、津川蝦夷六人、冠各二階、是歲蝦夷率衆內屬、詣闕朝獻、

四年夏四月、帝遣阿部比羅夫帥舟師一百八十艘伐蝦夷、鰐田淳代二郡蝦夷震怖乞降、於是勒兵陳舟於鰐田浦、鰐田蝦夷恩荷進而誓曰、奴等持弓矢、非所以抗官軍、以食肉故也、若有貳心、鰐田浦神知之、乃授恩荷以小乙上、定淳代津輕二郡郡領、聚渡島蝦夷於有間濱、大饗而還、秋七月甲申、蝦夷二百餘詣闕朝獻、饗賜優厚、授柵養蝦夷二人位一階、淳代郡大領沙尼具

國史紀事本末

卷十

三

那小乙下、少領宇婆左建武、勇健者二人位二階、別賜沙尼具那等銷旗二十頭、鼓二面、弓矢二具、鎧二領、又授津輕郡大領馬武大乙上、少領青蒜小乙上、勇健者二人位一階、別賜銷旗鼓弓矢鎧、如淳代、又授都岐沙羅柵造位二階、判官位一階、淳足柵造大伴稻積小乙下、詔沙尼具那檢覆蝦夷戶口及虜戶口、是歲越國守阿部比羅夫討肅慎、獻生羅二、羅皮七十枚、其後高麗使人持熊皮一枚、鬻之曰、直綿六十斤、畫師子麻呂本高麗人、乃宴使人於家、借官羅皮七十枚爲席、使人大愧、

五年春三月甲午、饗陸奥及越蝦夷於甘檮丘、東川上、是月遣阿部比羅夫帥戰艦一百八十艘討蝦夷、比羅夫聚飽田淳代津輕三郡及膽振鉏蝦夷四百餘人大饗之、以船一隻及五色絲帛祭神、至肉入籠、問菟蝦夷二人、進曰、請以後方羊蹄爲政所、比羅夫從之、置郡領而還、授比羅夫及越國司位各二階、郡領主政各一階、秋七月遣使於唐、以陸奥蝦夷男女二人示唐主、

國史紀事本末

卷十

四

夫召而問賊隱所及船數、蝦夷指曰、二十餘船在彼、比羅夫遣人呼之、不至、乃積絲帛鐵器於海濱、誘之、肅慎陳舟師繫羽爲旗而來、二老夷登岸、換著單衫、提布一端而去、須臾又至、脫衫置布而去、比羅夫遣數船呼之、不應、據弊賂弁島、食頃乞和、比羅夫不許、遂進擊、賊力拒、能登馬身龍戰死、官軍奮戰大破之、夏五月比羅夫獻夷俘五十餘、

天智天皇元年秋七月、饗蝦夷、

四年秋八月壬午、饗賜蝦夷、

天武天皇十年春三月乙未、賜陸奥蝦夷二十二人爵

位、冬十二月甲申、越蝦夷伊高岐那等請俘人七十戶、為一郡、聽之、

持統天皇二年冬十二月丙申、饗蝦夷男女二百十三人於飛鳥寺西、授冠位、賜物有差、

三年春正月丙辰、務大肆陸奧優嗜曇郡城養蝦夷脂利古男麻呂及鐵折請為沙門、詔許之、壬戌、賜越蝦夷沙門道信、佛像一軀及幡、鐘、鉢等器、秋七月壬子朔、陸奧蝦夷沙門自得請、賜佛像、佛器、許之、甲戌、賜越蝦夷八釣魚等有差、

十年春三月甲寅、賜越度島蝦夷伊奈理武志及肅慎志

國史紀事本末

卷十

五

良守、叡草錦袍袴、緋紺絇弁等、

文武天皇元年冬十月壬午、陸奧蝦夷貢方物、十二月庚辰、賜越後蝦夷物有差、

二年夏六月壬寅、越後蝦夷獻方物、冬十二月丁未、令越後修石船柵、

三年夏四月己酉、賜越後蝦夷一百六人爵有差、

四年春二月己亥、令越後佐渡修石船柵、

元明天皇和銅元年秋九月、越後言、新建出羽郡許之、

二年春三月壬戌、以陸奧越後蝦夷屢害良民、遣使徵

發遠江駿河甲斐信濃上野越前越中兵、以左大辨巨

勢麻呂為陸奧鎮東將軍、民部太輔佐伯石湯為征越後蝦夷將軍、內藏頭紀諸人為副將軍、授節刀軍令、分道往征、秋七月乙卯朔、令諸國運兵器於出羽柵、丁卯、令越前越中越後佐渡送船一百艘於征狄所、八月戊申、石湯諸人平蝦夷凱旋、帝召見褒賞、九月乙丑、賜征狄將軍等祿有差、

三年春正月壬子朔、帝御大極殿受朝、蝦夷在列、左將軍大伴旅人、副將軍穗積老等陣皇城門外、引蝦夷而進、丁卯、帝御重閣門、賜宴蝦夷、授位、賜祿有差、夏四月辛丑、陸奧蝦夷請賜君姓、同編戶、許之、

國史紀事本末

卷十

六

五年秋九月己丑、太政官奏曰、建國辟疆、武功所貴、設官撫民、文教所崇、北道蝦狄遠憑阻險、實縱狂心、屢驚邊境、自官軍雷擊、凶賊霧消、狄部晏然、皇民無擾、伏望便乘時機、遂置一國、式樹司宰、永鎮百姓、奏可之、於是始置出羽國、冬十月丁酉朔、割陸奧最上置賜二郡、隸出羽國、後世以陸奧、出羽、佐渡、隱岐四國、壹岐對馬二島為邊要、後世以下延喜式

七年冬十月丙辰、割尾張、上野、信濃、越後等國民二百戶配出羽柵戶、

元正天皇靈龜元年春正月甲申朔、陸奧出羽蝦夷貢

方物、戊戌授蝦夷位有差、冬十月丁丑、陸奥蝦夷第三等邑良志別宇蘇旌奈等言、親族死亡、子孫數人、常恐被狄徒抄略、請於香阿村造建郡家、爲編戶民、永保安堵、又蝦夷須賀古麻比留等言、先祖以來、貢獻昆布、常採此地、年時不闕、今國府郭下相去道遠、往還累旬、甚多辛苦、請於閑村、便建郡家、同於百姓、共率親族、永不闕貢、並許之、

二年秋九月乙未、中納言巨勢萬呂言、建出羽國、已經數年、吏民稀少、狄徒未馴、其地膏腴、田野寬廣、請令近國民、遷於出羽、教喻狂狄、兼保地利、許之、以陸奥置賜

國史紀事本末

卷十

七

最上二郡及信濃上野越前越後百姓各百戶隸出羽、養老元年春二月丁酉、以信濃上野越前越後百姓各百戶配出羽柵戶、

三年秋七月丙申、遷東海東山北陸三道民二百戶配出羽柵、

四年秋九月丁丑、陸奥奏言、蝦夷反亂、殺按察使上毛野廣人、戊寅、以播磨按察使多治比縣守爲持節征夷將軍、左京亮下毛野石代爲副將軍、軍監三人、軍曹二人、從五位下阿部駿河爲持節鎮狄將軍、軍監軍曹各二人、卽日授節刀、

五年夏四月丙申、多治比縣守等討蝦夷平之、乙酉、諸將凱旋、六月乙酉、詔陸奥筑紫邊塞之民、數遇烟塵、疲勞戎役、加以父子死亡、室家離散、言念於此、深以矜懷、宜勿出當年調庸、諸國軍衆親帥戰士、殺獲逆賊、乘勝逐北者、賜復二年、冒犯矢石、身死亡者、父子並復一年、無子者復鄉親、秋八月癸巳、以出羽隸陸奥按察使、六年夏四月丙戌、賞東征諸將及有功蝦夷譯語人授位有差、秋八月丁卯、令諸國司簡點柵戶一千人配陸奥鎮所、

七年秋九月己卯、出羽國司多治比家主言、蝦夷五十

國史紀事本末

卷十

八

二人功効已顯、酬賞未霑、仰頭引領、久望天恩、夷狄愚闇、不加撫慰、恐再解散、敕加賞爵、

聖武天皇神龜元年春二月壬子、從七位下大伴南淵麻呂、從八位下錦部安麻呂等獻私穀於陸奥鎮所、並授外從五位下、三月甲申、陸奥言、海道蝦夷反、殺大掾佐伯兒屋麻呂、夏四月壬辰、贈兒屋麻呂從五位下、賜純布及田四町、丙申、以式部卿藤原宇合爲持節大將軍、宮內大輔高橋安麻呂爲副將軍、征蝦夷、判官八人、主典八人、癸卯、令坂東九國軍三萬人、教習騎射、試練軍陣、運絳帛二百匹、純一千匹、綿六千屯、布一萬端於

陸奧鎮所五月壬午以從五位上小野牛養為鎮狄將軍討出羽蝦夷軍監二人軍曹二人冬十一月乙酉諸將凱旋是歲鎮守將軍大野東人始築多賀柵以備邊

寇是歲以下多賀城碑

二年春閏正月己丑倅囚百四十四人配伊豫五百七十八人筑紫十五人和泉監丁未授征夷將軍以下一十六百九十六人勳位各有差正四位上藤原宇合從三位勳二等從五位下大野東人從四位下勳四等三月庚子常陸百姓為倅賊所燒失財物者九分已上給復三年四分二年二分一年是歲始置陸奧鎮守府邊

國史紀事本末

卷十

九

要中以陸奧為最疆土尤廣故並置國府鎮府以信夫郡以南租稅充國府公廩并田以北稻穀充鎮府兵糧

是歲已下職原鈔曰鎮守府見正史者始於天平十一年

五年夏四月陸奧請新置白河軍團又改丹取軍團為王作團許之

天平元年秋九月辛丑陸奧鎮守將軍大野東人言在鎮兵人勤勞可錄請授官位以勸後人敕一列三十人各進二級二列七十四人各一級三列九十六人各給常布

二年春正月辛亥陸奧言部下田夷村蝦夷永悛賊心

既從教諭請建郡家於田夷同為百姓許之五年冬十二月己未遷出羽柵於秋田村高清水岡又建郡於雄勝村令民居焉

六年鎮守將軍藤原朝繼修築多賀柵立石記道程里數

多賀城碑

九年春正月丙申先是鎮守將軍大野東人等言從陸奧達出羽柵行程迂遠請城雄勝村以通直路是日詔持節大使兵部卿藤原麻呂副使佐伯豐人常陸守坂本宇頭麻呂等赴陸奧二月藤原麻呂等至多賀柵與大野東人議發常陸上總下總武藏上野下野騎兵一

國史紀事本末

卷十

十

千開山海兩道蝦夷咸懷疑懼乃遣使慰撫分兵守多賀玉造新田壯鹿諸柵東人帥兵發多賀柵三月進至出羽大室驛國守田邊難破帥部兵五百降夷百餘會之進入賊地開道一百六十里或剖石伐樹或填澗疏峯夏四月進至比羅保許山雄勝倅長就難破乞降東人曰狄倅反覆其言不可信難破曰我入賊地所以誘諭狄倅初非窮兵立威若不許降彼必危懼逃走山野恐非上策不如觀兵引還然後諭以禍福懷以寬仁則城壘易守人民永安矣東人從之東人又欲入賊地耕種以省糧運會雪深不能進乃還多賀柵

廢帝天平寶字二年夏六月辛亥陸奧言去年八月以來歸降夷俘男女一千六百九十餘人或去離本土歸慕皇化或身涉戰場與賊結怨總是新來良未安堵夷性狼心猶豫多疑望請準天平十年閏七月四日敕量給種子令得佃田永爲王民以充邊軍許之冬十月甲子發陸奧浮浪人造挑生城復其調庸貫爲柵戸十二月丙午徵發坂東兵及夷俘造挑生城雄勝柵五道俱進並就功役

三年秋九月己丑免挑生雄勝所役郡司軍毅鎮兵馬子八十一百八十人舉稅始置出羽雄勝平鹿二郡庚

國史紀事本末

卷十

十一

寅遷坂東八國及越前能登越後浮浪人二千爲雄勝柵戸分坂東諸國所送兵器運之雄勝挑生十一月辛未敕坂東八國陸奧若有急乞援國別差發二千已下兵擇國司精幹者速往援

四年春正月丙寅敕曰昔先帝數降明詔造雄勝城其事難成前將旣困今陸奧按察使兼鎮守將軍正五位下藤原惠美朝臣朝獵等教導荒夷馴從皇化不勞一戰營造旣畢又於陸奧牡鹿郡跨大河凌峻嶺作挑生柵奪賊肝膽眷言惟續理應褒昇特授從四位下其餘諸將皆有賞

稱德天皇神護景雲元年冬十月辛卯陸奧伊治城成賞功有差十一月甲寅出羽雄勝城下俘囚四百餘人乞內屬許之

二年秋九月壬辰陸奧請從前守百濟敬福之法停他國鎮兵二千五百人點加國中兵士四千人許之

三年春正月辛未陸奧蝦夷朝賀丙戌饗蝦夷於朝堂賜爵及物有差己亥陸奧言佗國鎮兵今見在戍者三千餘人就中二千五百人得官符解却已訖所遺五百餘人伏乞暫留鎮所以守諸塞又天平寶字三年符差浮浪一千人以配挑生柵戸本是情抱規避萍漂蓬轉

國史紀事本末

卷十

十二

將至城下往往逃亡願募比國三丁已上戸二百烟安置城郭永爲邊防待其安堵稍省鎮兵太政官議奏曰懷土重遷人之常情今徙無罪之民配邊城之戍則物情不安逃亡無已若有自願就二城之沃壤求三農之利益者伏乞不論當國佗國任便安置法外優復令人樂遷以爲邊備奏可丙辰敕陸奧挑生伊治二城營造已畢厥土沃壤其毛豐饒宜令坂東八國各募部下百姓如有情好農桑就彼地利者任願移徙隨便安置冬十月己丑陸奧牡鹿郡俘囚外少初位上大伴押人言傳聞押人等本是紀伊名草郡片岡里人先祖大伴部

直征夷之日。至小田郡島田村居焉。子孫爲夷所虜。歷代爲俘。幸賴聖朝撫運。神武威邊。拔彼虜庭。久爲化民。望請除俘囚名。爲調庸民。許之。

寶龜元年夏四月癸巳朔。陸奥黑川賀美等一十郡俘囚三千九百二十人言曰。臣等父祖本是王民。而爲夷所略。遂爲賊隸。今旣殺敵歸降。子孫蕃息。伏願除俘囚之名。輸調庸之貢。許之。秋八月己亥。蝦夷宇漢迷宇屈波宇等率徒屬逃還賊地。差使召之。不應。曰。必率同族侵城柵。遣近衛中將道島島足驗問虛實。

光仁天皇寶龜三年春正月壬午朔。陸奥出羽蝦夷朝

國史紀事本末 卷十

十三

賀丁酉。蝦夷還國。賜爵及物有差。

四年春正月丁丑朔。陸奥出羽夷俘朝賀。庚辰授蝦夷俘囚位有差。辛卯授出羽人正六位上吉彌侯部大町外從五位下。以助軍糧也。

五年春正月丙辰。饗出羽蝦夷俘囚於朝堂。敘位賜祿有差。庚申詔停蝦夷俘囚入朝。秋七月庚申。以河內守紀廣純兼鎮守副將軍。敕陸奥按察使兼鎮守將軍大伴駿河麻呂等曰。將軍等前日奏征夷便宜。以爲一者不可伐。一者必當伐。朕慮其勞民。且事含弘。今得將軍等奏。蠶彼蝦狄。不悛野心。屢侵邊境。敢拒王命。事不獲

已。一依來奏。宜早發軍。應時討滅。時海道蝦夷焚橋塞道。侵挑生城。敗其西郭。鎮兵不能支。國司遣兵援之。馳驛以聞。八月己巳。敕坂東八國曰。陸奥如有告急。隨國大小。差發援兵二千已下。五百已上。且行且奏。務赴機要。辛卯。先是帝從鎮守將軍請征蝦夷。至是更言。臣等計賊是狗盜鼠竊。雖時有侵掠。而不致大害。今屬茂草之時。臣恐後悔無及。帝以其輕論。軍首尾異計。敕深譴責之。陸奥遠山村地甚險阻。夷俘所憑。歷代諸將未嘗進討。冬十月庚午。駿河麻呂直進擊。覆其巢穴。降者相屬。帝遣使宣慰。賜以御服絁帛。十一月乙巳。陸奥言。太宰陸奥同警不虞。飛驒之奏。當記時刻。而太宰既有漏赴。此國獨無其器。請得置之。許之。

國史紀事本末

卷十

十四

六年春三月丙辰。以前歲陸奥蝦夷騷動。自夏至秋。民皆保塞。田疇荒廢。詔復今年課役。田租。夏五月己未。運京庫綿一萬屯。甲斐信濃綿五千屯。於陸奥造襖。冬十月癸酉。出羽言。蝦夷餘燼猶未平殄。三年之間。請鎮兵九百九十六人。且鎮要害。且遷國府。敕差相模武藏上野下野兵士發遣。十一月乙巳。帝遣使陸奥。詔曰。夷俘忽發逆心。侵挑生城。鎮守將軍大伴宿禰駿河麻呂等奉承朝委。不顧身命。討治叛賊。懷柔歸服。勤勞之重。實

合嘉尚駿河麻呂已下一千七百九十餘人、悉加賜位階、

七年春二月甲子、陸奧言、將以四月上旬發兵二萬人、伐山海二道賊、於是敕出羽發兵四千人、自雄勝進伐、其西邊夏五月戊子、出羽志波村賊起、官軍進戰、不利、發下總下野常陸騎兵伐之、秋七月壬辰、參議陸奧按察使兼鎮守將軍大伴駿河麻呂卒、贈從三位、贈純三十匹、布一百端、己亥、令安房上總下總常陸造船五十隻、送之陸奧、以備不虞、秋九月丁卯、以陸奧俘囚三百九十五人、分配太宰管内諸國、冬十月乙未、以陸奧頻

國史紀事本末 卷十

十五

經征戰、百姓彫弊、免今年田租、十一月庚辰、發陸奧軍三千人伐膽澤賊、癸未、以出羽俘囚三百五十八人、配太宰管國及讚岐、七十八人、班賜諸司及參議、已上爲奴、十二月丁酉、募陸奧百姓戍奧郡者、便卽占著、給復三年、

八年春三月辛巳、從四位下藤原小黑麻呂爲出羽守、是日陸奧夷俘來降者相望於道、夏五月乙亥、令相模武藏下總下野越後、送甲二百領於出羽鎮戍、秋九月癸亥、陸奧言、今年四月舉國發軍以討山海賊、國中疲弊、請復今年調庸及田租以息百姓、許之、冬十二月辛

卯、先是鎮守將軍紀廣純言、志波村賊蟻結肆毒、出羽軍擊之、敗而退、廷議以近江介佐伯久良麻呂爲鎮守權副將軍、鎮出羽、是日授廣純久良麻呂位有差、癸卯、官軍與出羽賊戰、不利、多失器仗、

九年夏六月庚子、賜陸奧出羽國司已下力戰者二千二百六十七人爵、紀廣純從四位下、佐伯久良麻呂正五位下、餘各有差、

國史紀事本末 卷十

十六

十一年春二月丁酉、陸奧言、欲取船路伐遣賊、比年寒甚、河水皆凍、船不得通、恐賊來侵、故先塞其寇道、待三四月雪消水溢、直入賊地、遣覺驚城、敕曰、海道頗遠、侵寇不便、山賊居近、伺隙來犯、若不伐撥、其勢更強、宜造覺驚城、捍衛膽澤之地、兩國之利、莫大於斯、丙午、陸奧言、正月二十六日賊入長岡、燒民家、官軍追擊、殺傷相當、今不早伐、恐侵寇不已、請三月中旬發兵討賊、并造覺驚城、置兵鎮戍、許之、三月丁亥、陸奧上治郡大領伊治皆麻呂叛、殺鎮守將軍紀廣純於伊治城、皆麻呂本夷俘、以事怨廣純、陽媚事之、廣純信任、殊不介意、牡鹿郡大領道島大楯每陵侮皆麻呂、皆麻呂深啣之、廣純將造覺驚城、率倅軍而進、皆麻呂誘倅囚爲亂、先殺大楯、遂圍廣純、殺之、介大伴真綱潰圍而逃、入多賀城、城

下百姓聞變競入欲保守而真綱與掾石川淨足潛從後門逃去百姓大失望皆散去後數日賊至爭掠財物縱火而去癸巳以中納言藤原繼繩爲征東大使正五位上大伴益立從五位上紀古佐美爲副使甲午以從五位下大伴真綱爲陸奥鎮守副將軍從五位上安部家麻呂爲出羽鎮狄將軍征東副使大伴益立兼陸奥守夏五月辛未以京庫及諸國甲六百領送鎮狄將軍之所甲戌敕出羽曰渡島蝦夷早効丹心來朝貢獻爲日稍久方今歸俘作逆侵擾邊民將軍國司賜饗之日宜存意慰諭焉丁丑敕坂東諸國及能登越中越後備

國史紀事本末

卷十

十七

精三萬斛己卯敕曰狂賊亂常侵擾邊境烽燧多虞斥候失守今遣征東及鎮狄將軍分道征討期日會衆須文武協謀將帥竭力川夷奸黨誅戮首惡宜廣募戰士早致軍所若有忠勇奮厲情願自効者錄名奏上平定之後擢以不次六月辛丑以從五位上百濟俊哲爲陸奥鎮守副將軍從五位下多治比宇美爲陸奥介辛酉敕大伴益立等將軍去五月八日奏書且備兵糧且伺賊機方以今月下旬進入國府然後候機乘變恭行天誅今既經二月計日准程佇待獻俘夫出軍討賊國之大事進退動靜宜陸續奏聞何經數旬絕無消息宜告

委曲如書不盡意差軍監已下一人馳驛奏上秋七月癸未征東使請甲一千領令尾張參河等國運送甲申請禰四十領令東海東山諸國造之是日敕調發坂東軍士限九月五日會多賀城割下總捕六千斛常陸一萬斛限八月二十日運輸軍所八月乙卯安倍家麻呂等言今日棄秋田城歟抑保之歟俘囚宇奈古等久居城下故有此問廷議報曰秋田城者前代將相所建一旦舉而棄之甚非計也宜遣軍士鎮守又由理柵者賊之要害承秋田之道亦宜遣兵防禦寶龜初國司言秋田難保河邊易治當時之議從之然至今尚未移徙以

國史紀事本末

卷十

十八

此言之百姓重遷明矣宜歷問狄俘及百姓具言利害時繼繩等頓軍不進事聞九月甲申以從四位上藤原小黒麻呂爲持節征東大使授正四位下冬十月繼繩等又奏今年不可出軍之狀己未敕曰省今月二十一日奏知使等遲滯既失時宜將軍出師久經日月所集步騎數萬餘人嚮奏入賊地之期者數矣計已深入平殄狂賊而今奏今年不可征討夏稱草茂冬言禰乏縱橫巧言遂成稽留整兵聚糧將軍所爲而屯兵之所不加辨備反言城中之糧猶未完足然則何月何日誅賊復城意將軍爲賊所欺致此逗遛今時未建子猶可進

兵而乖教旨不果進討人馬悉疲何以對敵良將之策豈如此乎宜教諭隊伍銳意征討若今月不入賊地宜居多賀玉作等城嚴加防備兼習戰鬪十二月庚子征東使奏言蠢茲蝦虜寔繁有徒或巧言連謀或窺隙肆毒是以遣兵二十經略驚座楯座楯石澤大菅屋柳澤五道斬木塞徑浚溝設險以斷賊之要害敕曰如聞出羽大室塞亦是賊之要害宜令將軍國司視量地勢防禦非常丁巳百濟俊哲等言臣等爲賊所圍兵疲矢盡祈挑生白河等神十一社乃得潰圍自非神助何以至此請列幣社許之

國史紀事本末 卷十

十九

天應元年春正月辛酉朔詔百姓爲皆麻呂所誣誤而能奔賊來者給復三年陸奥出羽諸國百姓久疲兵役多破家產宜免今年田租二月己未令相模武藏安房上總下總常陸等國送穀一萬斛於軍所夏五月小黑麻呂上狀言賊情六月戊子朔敕曰得奏狀具知消息彼夷俘之爲性蜂屯蟻聚攻則奔迸山藪緩則侵掠城塞而伊佐西古諸絞八十島乙代等賊中之首一以當千竄迹山野窺機伺隙畏我軍威未敢縱毒今將軍等未斬一級先解軍士事已行訖無如之何且見先後奏狀賊衆四十餘人所斬首級僅七十餘則遺衆猶多何

遽請凱旋縱有舊例朕不取焉宜使副使一人乘驛入京先奏軍中委曲其餘待後處分小黑麻呂尋擊叛夷平之復所亡諸塞秋八月辛亥小黑麻呂凱旋特授正三位九月丁丑賞征夷之勞授紀古佐美百濟俊哲等位有差辛巳初征東副使大伴益立臨發授從四位下已而或謂曰益立至軍逗遛不進費糧曠日是日詔責益立奪其位或謂據續日本後紀仁明天皇承和四年夏五月先是越後大掾伴野繼上書訴父益立冤丁亥復益立本位

隼人叛服

國史紀事本末 卷十

二十

清寧天皇元年冬十月辛丑葬雄略天皇於丹比高鷲原時隼人晝夜哀號陵側不食七日而死有司以禮葬之陵北初瓊瓊杵尊有兄曰火闌降命其子孫居西國謂之隼人分番宿衛京師分番已下四年秋八月癸丑隼人率衆內附欽明天皇元年春三月隼人率衆歸附齊明天皇元年隼人詣關朝獻

天武天皇十年秋七月甲午隼人來貢方物是月大隅隼人與阿多隼人相撲於廷○姓氏錄山城神別有阿多隼人戊午饗隼人於飛鳥寺西奏樂賜物有差令士庶縱

觀、

持統天皇元年夏五月、隼人大隅阿多魁帥各以衆誅
天武帝、秋七月辛未、賞賜隼人魁帥三百三十七人、各
有差、

三年春正月丙辰、筑紫太宰栗田真人獻隼人一百七
十人、

九年夏五月己未、饗大隅隼人、丁卯觀隼人相撲於西
槻下、

文武天皇大寶二年秋八月丙申、薩摩多祿隼人叛、發
兵討之、祈捷太宰所部神九社、隼人尋平、遂檢戶置吏、

國史紀事本末

卷十

二十一

八月戊寅、授軍士勳有差、冬十月丁酉、奉幣帛於太宰
所部神九社、薩摩國司請建柵置戍以守要害、許之、

元明天皇和銅二年冬十月戊申、薩摩隼人郡司已下
百八十八人入朝、徵諸國騎兵五百人以備威儀、

三年春正月壬子朔、帝御大極殿受朝、隼人在列、丁卯
帝御重閣門、賜宴隼人、奏諸方樂、授位賜物有差、庚辰

以日向隼人曾細麻呂教諭荒俗、馴服聖化、詔授外從
五位下、

六年秋七月丙寅、詔曰、授以勳級、本據有功、若不優異、
何以勸獎、今討隼賊將軍及士卒戰陣有功者、一千二

百八十餘人、並宜隨勞授勳、（本書述隼人事）

七年春閏二月壬寅、以隼人未習憲法、徙豐前民二百
戶教導之、

元正天皇靈龜元年夏五月辛卯、太宰府言、薩摩大隅
貢隼人已經八歲、道路阻隔、往來不便、或父母老病、妻
子單貧、請六年相替、許之、

養老元年夏四月甲午、帝御西朝、大隅薩摩隼人奏風
俗歌舞、授位賜祿有差、

四年春二月壬子、太宰府奏言、隼人叛、殺大隅守楊侯
麻呂、三月丙辰、以中納言大伴旅人為征隼人持節大

國史紀事本末

卷十

二十二

將軍、授刀助笠御室、民部少輔巨勢真人為副將軍、夏
六月戊戌、詔曰、蠻夷為害、自古有之、漢命五將、驕胡臣

服、周勞再駕、荒俗來王、今西隅等賊、怙亂逆化、屢害良
民、因遣持節將軍正四位下中納言兼中務卿大伴宿

禰旅人誅罰其罪、盡彼巢窟、治兵率衆、剪掃兇徒、酋帥
面縛、請命下吏、寇黨叩頭、爭靡敦風、然將軍暴露原野、

久延旬月、時屬盛熱、豈無艱苦、使使慰問、宜念忠勤、秋
七月甲寅、賜征西將軍已下將士物有差、八月壬辰、教

隼人未平、宜留而屯焉、

五年秋七月壬子、征隼人副將軍笠御室、巨勢真人凱

旋斬首獲虜一千四百餘

六年夏四月丙戌征隼人副將軍已下授勳位有差

七年夏四月壬寅太宰府言日向大隅薩摩三國士卒

征討隼賊頻遭軍賊且年穀不登交迫飢寒謹按故事

兵役以後時有飢疫望降天恩給復三年許之五月辛

巳大隅薩摩隼人六百二十四人朝貢甲辰饗隼人奏

土風歌舞首帥三十四人敘位賜祿有差

聖武天皇神龜五年夏四月辛巳授隼人外五位給位

祿

天平元年夏六月庚辰薩摩隼人貢調物癸未帝御大

國史紀事本末

卷十

二十三

極殿間門隼人奏風俗歌舞甲申授隼人位賜祿有差

秋七月己酉大隅隼人貢調物辛亥大隅隼人始羅郡

少領加志多利佐須岐夜麻等久久賣竝授外從五位

下餘各有差

七年秋七月己卯大隅薩摩隼人二百九十六人入朝

貢調物八月辛卯帝御大極殿二國隼人奏方樂壬辰

賜隼人三百八十二人爵祿有差

十二年秋九月丁亥藤原廣嗣叛發兵討之戊子召隼

人二十人使右大臣橘諸兄宣敕授位賜當色服發遣

十五年秋七月庚子帝御石原宮饗隼人

天平勝寶元年秋八月壬午大隅薩摩隼人貢調物奏風俗歌舞

廢帝天平寶字八年春正月丙辰大隅薩摩隼人相替

授位有差

稱德天皇神護景雲三年冬十月庚寅帝臨軒大隅薩

摩隼人奏風俗伎授位有差

光仁天皇寶龜二年春三月戊辰停隼人帶劔

七年春二月丙寅帝御南門大隅薩摩隼人奏俗伎戊

辰授位有差

桓武天皇延曆二年春正月乙巳饗大隅薩摩隼人於

國史紀事本末

卷十

二十四

朝堂帝御間門觀之授位賜物有差

十一年秋八月壬寅制頃年隼人之調或輸或不輸於

政事甚涉不便自今以後宜令徧輸十一年以下類聚國史

十二年春二月己未大隅曾於郡大領曾乃牛養授外

從五位下以率隼人入朝也類聚國史

二十年夏六月壬寅停太宰府進隼人類聚國史

二十四年春正月乙酉停交替隼人風俗歌舞

平城天皇大同三年冬十二月壬子敕定額隼人若有

闕者宜以京畿隼人隨闕便補但衣服糗料莫同舊人

特准衛士給之婦女不在補限

四年春三月己未始置隼人司史生二員

弟延之 延壽校

門人草川重遠書

國史紀事本末卷之十終

國史紀事本末 卷十

二十五

國史紀事本末卷之十一

從六位守太學校中博士常陸青山延光 編次

歷朝崇文

應神天皇十五年秋八月百濟遣阿直岐貢良馬阿直岐有文學太子菟道稚郎子從而學焉帝問阿直岐曰汝國博士有賢於汝者乎曰有王仁者一國之秀也帝遣荒田別微王仁

十六年春二月王仁來朝獻論語十卷千字文一卷下古事記文教之興始此神皇正統記是後百濟屢貢五經博士

推古天皇十年冬十月百濟僧觀勒來貢曆本及天文

國史紀事本末 卷十一

地理書選書生學其法

天智天皇元年百濟僧詠歸化以文學聞帝敕還俗爲大學頭續日本紀初帝與中臣鎌足俱學周孔之道於南淵先生及即位創學校制典禮憲章文物粲然可觀

及即位以下懷風藻敘持統天皇五年夏四月辛丑朔賜大學博士上百濟大

稅一千束以勵之秋九月士申賜音博士唐人續守言

薩弘恪書博士百濟善信銀各二十兩

六年冬十二月甲戌賜續守言薩弘恪水田各四町

七年春三月甲午賜上百濟食封三十戶

文武天皇大寶元年春二月丁巳始釋奠帝定大學之

制置頭一人助一人允一人少允一人大屬一人博士

一人助教一人律學博士二人明法生十人文章生二

十人得業生十人學生四百人音博士二人書博士二

人算博士二人算生三十人使部二十人直丁二人國

博士國各一人學生大國五十人上國四十人中國三

十人下國二十人大學生取五位已上子孫及東西史

部子爲之若八位已上子情願者聽國學生取郡司子

弟爲之大學生式部補國學生國司補並取年十三以

上十六以下聰令者爲之凡經周易尚書周禮儀禮禮

國史紀事本末 卷十一

記毛詩春秋左氏傳各爲一經孝經論語學者兼習之

凡教授正業周易鄭玄王弼註尚書孔安國鄭玄註三

禮毛詩鄭玄註左傳服虔杜預註孝經孔安國鄭玄註

論語鄭玄何晏註學校之制至是大備帝定以下令而國學

遍於海內矣秋七月戊申遣明法博士於六道除海道講

新令

三年春三月丁丑制曰依令國博士於部內及傍國取

用然溫故知新希有其人若傍國無人採用則申省然

後省選擬更請處分

慶雲元年秋七月庚子以公廨祿給大學寮

四年夏四月丙申，賜正六位下山田御方布、欽鹽鐵、優學士也。

元明天皇和銅五年春正月，初天智帝之誅蘇我蝦夷，蝦夷悉燒天皇記國記、船忠尺、收國記、燼餘獻之。初以

紀本其後天武帝患諸家記載多傳虛偽，終失其真，欲撰

帝紀以糾其謬，時有舍人稗田阿禮者，年二十八，博聞

彊記，多諳上世舊事，乃敕阿禮綴集舊聞，未成而帝崩，

於是帝敕正五位上太安萬侶採撫阿禮舊文，上自開

闢，下至小治田朝，錄為三卷，上之，名曰古事記。古事

元正天皇靈龜二年夏五月丁酉，制大學生業未成立，

國史紀事本末 卷十一 三

妄求薦舉，如是之徒，自今以後，不得補國博士，

養老元年秋七月己丑，賜從五位下紀淨人等穀百石，

優學士也。

四年春二月乙酉，令檢校造器二司，造釋奠器，充大膳

職，大炊寮夏五月癸酉，先是敕一品舍人親王修日本

紀，至是成奏上，紀三十卷，系圖一卷。

五年春正月甲戌，詔曰：文人武士，國家所重，醫卜方術，

古今斯崇，宜擢學業優長，堪為師範者，特加賞賜，勸勵

後生，因賜明經博士鍛冶大隅等物有差。

六年春二月戊戌，賜有學術者二十三人，田。

聖武天皇天平二年春二月丁巳，釋奠，詔遣右中辨中

臣廣見就大學寮慰勉博士學生，賜物有差，辛亥太政

官奏：大學士徒既經歲月，習業庸淺，猶難傳達，實是家

道困窮，無物資給，雖有好學，不能遂志，請選性識聰慧

藝業優長者，十人以下，五人以上，專精學問，以加善誘，

給以衣食，又陰陽醫術及七曜頌曆等類，國家要道，不

得廢闕，今諸博士年齒衰老，若不教授，恐致絕業，請令

吉宜、大津首、御立清道、難波吉成、山口田主、私部石村、

志斐三田次等七人，各取弟子傳業，衣食料准大學生，

生徒陰陽醫術各三人，曜曆各二人，許之。

國史紀事本末 卷十一 四

七年夏四月辛亥，詔唐留學生吉備真備還，自唐獻唐

禮一百三卷，太衍曆經一卷，太衍曆立成十二卷，真備

在唐十八年，研覽經史，該涉衆藝，留學生播名唐國者，

唯真備朝衡二人而已，帝授正六位下，拜大學助，阿部

內親王師之，受禮記、漢書，帝令學生悉從之，習五經、三

史、明法、算術、音韻、摘葉大道。帝令以下三善清行意見封事其後定為

四道，謂紀傳、明經、明法、算道也。鈔原是歲唐人袁晉卿

隨朝使歸化，時年十八，通文選、爾雅、音，詔為大學音

博士，後至大學頭，自朝廷通使於唐，選學生有才者從

之，留而講學，謂之留學生，於是海內學生內遊國學，外

遊唐國文學大盛

十一年秋七月丙子太政官處分式部省蔭子孫及位子等不限年之高下皆入大學

十三年秋七月辛亥以從五位上橘奈良麻呂爲大學頭奈良麻呂右大臣諸兄子也

天平勝寶元年以大學頭兼博士橘原東人爲駿河守東人該通九經號爲名儒

元年以下文德實錄

孝謙天皇天平寶字元年夏四月辛巳敕曰古者治國安民必以孝理百行之本莫先於茲宜令天下家藏孝經一本精勤誦習百姓間有孝子爲鄉閭所慕者宜令

國史紀事本末

卷十一

五

長官具以名薦其有不孝不恭不友不順者宜配陸奧桃生出羽小勝秋八月己亥敕曰安上治民莫善於禮移風易俗莫善於樂禮樂所興惟在二寮門徒所苦惟

衣與食宜置公廨田以供給諸生大學寮二十町

○本聚國史訂之類

三十今據類雅樂寮十町冬十月癸未敕曰如聞頃年

諸國博士醫師多非其才請托得選非唯損政亦無益於民自今以後不得更然仕用之後所給公廨田一年

之租必當送之受業師如此則尊師之道終行教資之

業永繼

稱德天皇神護景雲元年春二月丁亥車駕幸大學釋

奠先是釋奠之儀未備右大臣吉備真備依稽禮典器物始備禮容可觀

二年秋七月初唐主李世民尊孔子爲宣父

唐書

朝廷亦

用之今其後唐主隆基追謚曰文宣王

唐書

至是大學助教膳大丘上言臣嚮隨使赴唐聞先聖之遺風覽膠庠

之餘列國子監有兩門題曰文宣王廟學生程賢告臣曰今主上尊崇儒範追改爲王鳳德之徵于今至矣臣

以爲朝廷猶遵舊典恐乖崇德之情敕用文宣王號八月癸丑賜大學直講凡黑鯛稻一千束賞勤學也

三年冬十月甲辰太宰府言本府人物殷繁天下之一

國史紀事本末

卷十一

六

都會也子弟之徒學者稍衆而府庫但蓄五經未有三史伏乞給三史各一本傳之管內以興學業敕賜史記兩漢書三國志晉書各一部

光仁天皇寶龜二年冬十二月甲戌太宰府言日向大隅薩摩壹岐多祿博士醫師一任之後終身不替是以學術不進乞同朝法八年遷替以勸後學許之

九年遣唐明經請益伊豫部家守還自唐任大學直講建議定孔子享坐爲南面家守在唐通五經大義及切

韻說文字體尋轉助教大臣奏令講春秋公穀二傳

以下日本紀略明經

請益據學令集解

桓武天皇延曆四年冬十二月甲申帝念故遠江介菅原古人侍讀之勞給衣糧於其四子令勤學業古人儒行高世家無餘財諸兒寒苦儒行以下續日本後紀故有是命給學料始於此謂之穀倉院月料本朝文粹皇子葛原親王歷覽史傳常以古今成敗自警實錄良岑安世少好鷹犬及長讀孝經輟卷嘆曰名教之極其在斯乎迺折節讀書卒為名臣公卿補任

八年春正月辛未敕大學寮諸學生年不滿三十不得任用類聚三代格

十一年冬閏十一月辛丑敕明經之徒不宜習吳音發國史紀事本末卷十一

聲誦讀既致訛謬其熟習漢音日本略

十三年秋八月癸丑先是詔左大臣藤原繼繩等修國

史至是成冬十一月丙子初天平寶字中置田二十町

於大學寮其後生徒稍衆費用不給至是加置越前水

田一百二十町名曰勸學田類聚國史大學別當和氣廣世亦

嘗納墾田二十町於大學寮以供生徒廣世清麻呂子

也清麻呂居大學南嘗欲建學舍於家以教子弟不果

廣世建弘文院藏書數千卷置墾田四十町日本後編

直綱仲世皆以文學顯續日本後紀

十七年春三月丙申先是式部省奏曰按學令云教授

正業左傳服虔杜預註公羊穀梁二傳棄而不取是以古來學者未習其業而寶龜七年遣唐使明經請益直講博士正六位上伊與部連家守讀習而還以延曆三年告官始令家守讀授然未有官符不得為例自時厥後二三學生或受其業即冀預出身今省欲試恐違令條將從抑止迺惜業絕竊檢唐令詩書易三禮三傳各為一經立之學官望請公穀二傳各準小經永聽講授以弘學業許之學令集解

平城天皇大同元年夏六月壬寅敕諸王及五位已上

子孫十歲以上皆入大學分業教習日本略

國史紀事本末卷十一

三年春二月丙辰減大學直講博士一員置紀傳博士

類聚國史

四年春二月辛亥敕和漢總歷帝譜圖天御中主尊為

始祖至如魯王吳王高麗王漢高祖等接其後裔和漢

雜糅敢垢天宗愚民迷執輒謂實錄宜使諸司官人等

所藏皆進若有挾詐隱匿乖旨不進者事覺之日必處

重科日本後編

嵯峨天皇弘仁二年朝野鹿取敘從五位下以帝在藩

時有侍讀之勞也鹿取少遊大學頗涉史漢兼通漢音

後至越中守以吏幹聞續日本後紀

三年夏五月戊寅、敕經國治家、莫善於文、立身揚名、莫尚於學、是以大同之初、令諸王及五位以上子孫十歲已上、皆入大學、分業教習、庶使拾芥磨玉之彥、霧集於環林、吞鳥雕蟲之髦、風馳乎璧沼、而朽木難琢、愚心不移、徒積多年、未成一業、自今以後、宜改前敕、任其所好、稍合物情、日本後
紀殘編

四年春三月己卯、太政官符、明法生出身與他業異、通八已上、乃預敘例、七條以下、皆爲不第、學者以是倦怠、罕習其業、自今以後、宜試通六七條仕國博士、以勸生徒、類聚三
代格

國史紀事本末

卷十一

九

五年長岑高名爲文章生、高名依兄茂智麻呂家、貧無甌石之儲、事兄有義、後以循吏聞、文德
實錄

六年秋七月、初寶字中令儒臣撰氏族志、未成而罷、帝憂外蕃歸化者衆、華夷混淆、氏族不明、敕中務卿萬多

親王、右大臣藤原園人等考定爲一書、至是成名、曰新撰姓氏錄、姓氏
錄序

八年正躬王舉文章生試、及第、時年十八、正躬萬多親王子、幼而聰穎、入大學、博學能文、後至參議、三代
實錄

九年文章生藤原衡對策及第、時年十八、時人比之漢賈誼、文德
實錄藤原常嗣方遊大學、聞誦文選、續日本
後紀文章

生藤原諸成、亦聞誦文選上帙、學中稱爲三傑、文德實
錄〇三

詳未是時朝廷尚駢儷之文、故學生皆用力文選云、

十二年春二月甲申、敕文章博士是從七位官、今改爲從五位下官、類聚
國史大寶制、大學博士正六位下、今至是

文章博士出其上、是後大學頭多兼文章博士、

十三年文章生小野篁及第、篁參議岑守子也、岑守爲

陸奥守、篁從父客遊、日事馳逐、及還京師、未讀書、帝聞

之歎曰、彼人之子、何乃爲弓馬之士、篁由是慚悔、折節

讀書、遂以文學聞、文德
實錄

淳和天皇天長元年秋八月壬辰、先是大學寮請曰、延

國史紀事本末

卷十一

十

曆八年正月十八日符稱、諸學生等年不滿三十、不得

任用國博士者、寮依符旨施行久矣、今學生等志仰儒

風、勤求聖教、借餘照於鄰壁、競分陰於流年、功成業畢、

不免貧寒、而朝制有限、經年不任、昔賈誼十八、世稱才

子、漢文召以除博士、不疑十三、人號神童、魏武聞之、拜

議郎、唯論人才、何拘年齒、望請准據前典、依件任用、許

之、丙申參議多治比今麻呂奏、緬尋古典、歷覽前王、勞

於求賢、逸於經國、伏望諸氏五位以上、年二十已下、咸

入大學、習讀經史、學業足用、量才授職、許之、類聚三代
格本朝文

九月庚申、侍從平高棟爲大學頭、高棟葛原親王子、

幼而警敏、好讀書、傳後至大納言、三代實錄月日冬十

一月辛酉、賜山城地五町九段於大學寮、類聚是歲右

京人山田春城年十五、入大學、嵯峨上皇欲使皇子源

明讀書、求大學生好學者為同學、春城應徵、與明同房、

明奮勵講誦、博覽百家、上皇素好學、教諸皇子讀書、德文

實錄皇子最好學者為源弘、弘性寬厚、通達政體、上皇鍾

愛、多賜經籍、後至左大臣源信、源啓、源寬、亦皆好學、信

兼工草隸、後至左大臣、啓常招大學生有才學者為師、

兼善射、後至越前守、寬自幼耽學、上皇屢勉勵之、補文

章生、後至伊豫守、三代實錄

國史紀事本末 卷十一 十一

二年春、文章生藤原關雄及弟、關雄、刑部卿真夏子、性

好閒退、常在東山舊居、時人呼曰東山學士、後至治部

少輔、文德實錄

三年、豐前王為大學助、豐前舍人親王四世孫、以文學

聞、後至伊豫守、三代實錄

四年春三月甲戌、以河內荒閒地五十町給大學寮、類聚

國史夏六月癸卯、文章博士都腹赤上言、天平二年三月

二十七日格稱、文章生二十人、簡取雜任及白丁聰慧

者、不須限年多少、而弘仁十二年十二月八日符稱、案

唐式、昭文崇文兩館學生、取三品已上子孫、不選凡流、

今文章生者、須取良家子弟、寮試詩若賦、補之、選生中

稍進者、省更覆試、號為俊士、取俊士翹楚者、為秀才生、

所謂良家、據符文似謂三位以上、果如符文、有妨學道、

何者大學、尚才之處、養賢之地也、天下之俊皆來、海內

之英並萃、游夏之徒、元非卿相之子、揚馬之輩、出自寒

素之門、高才未必貴種、貴種未必高才、且夫王者之用

人、唯才是貴、朝為廝養、夕登公卿、而況區區生徒、何拘

門資、竊恐悠悠後進、因此解體、又文章生中、置俊士五

人、秀才二人、至于後年、更有敕旨、雖非良家、聽補俊士、

則良家之子、還居下例、立號雖異、課試斯同、徒增節目、

國史紀事本末 卷十一 十二

無益政途、又據今有秀才進士二科、課試之法、難易不

同、所以本置文章得業生二人、隨才學之淺深、擬二科

之貢舉、今專曰秀才生、恐應科者稀矣、望請俊士永從

停廢、秀才生復舊號、選文章生、依天平格、從之、本朝文粹

七年夏五月、文章得業生春澄善繩對策、式部省擢處

丙第、先是內記闕、帝素重士、欲以善繩補之、聞其及第

大悅、六月以善繩為少內記、時人榮之、善繩周防大目

豐雄子、幼而明悟、骨相異常、祖財麻呂呼為奇童、傾產

教養、弱冠入學、耽讀羣籍、未嘗輟手、博涉多通、一時莫

能及也、三代實錄

八年秋八月丙寅朔召大學博士已下問毛詩義乙亥幸神泉苑召阿波守善道真貞主稅頭安野真繼直講川田種繼等論經義賜宴奏樂類聚國史是歲敕諸儒撰集古今文書以類相從凡一千卷名祕府略實錄

九年春正月庚申從四位上源明爲大學頭公卿補任秋八月己巳幸神泉苑召博士生徒論經義賜物有差類聚國史

仁明天皇承和元年冬十月辛巳以橘奈良麻呂家書沒官者四百八十餘卷賜彈正尹秀良親王

二年秋八月丁丑釋奠戊寅帝御紫宸殿召明經諸儒討論經義賞賜有差帝崇經術屢引儒生以相論難常

國史紀事本末 卷十一 十三

召大學博士御船氏主助教刈田種繼論經義氏主執禮種繼舉傳難擊往復遂無折角左京人滋善宗人從氏主受三禮彊記絕倫氏主稱爲禮聖後至助教時皇

太子好學一日奏曰太子釋奠大學是舊儀也此禮何爲久廢帝嘉之敕率百官行禮皇太子以下後拾遺往生傳皇太子傳藤原三守亦好學優待儒生遇諸塗則下馬人以此稱之

五年夏六月壬子帝御清凉殿令助教直道廣公讀羣書治要治要唐主李世民命其臣魏徵等撰集云治要以下

唐書

六年春正月文章博士菅原清公敘從三位帝憫其老病聽乘牛車至南大庭秋八月癸酉以攝津荒田九段賜明經碩儒善道真貞

九年秋七月嵯峨太上皇崩山田春城悲痛廢學帝憫之詔侍校書殿閱御書後至大學助九年以下實錄九月丙

申敕令相模武藏常陸上野下野陸奥等國寫進三史十年文章博士春澄善繩講後漢書於大學解釋流通無所淹礙聽者歎服時諸博士各自名家互相輕侮弟子異門各有分爭唯善繩謝遣門徒恬退自守不爲諉議所及十年以下實錄

國史紀事本末 卷十一 十四

十一年帝憫備後守善道真貞年老召入京師諸儒言當代讀公羊傳者惟真貞耳恐斯學墜焉乃命講之大學真貞以三傳三禮爲業兼能談論

十四年夏五月乙亥帝受莊子於文章博士春澄善繩卒業乃御清凉殿召善繩賜宴奏樂賜御衣二襲辛卯令善繩讀漢書於清凉殿

嘉祥三年太皇太后橘氏與弟右大臣氏公議建學舍勸子弟讀書名曰學館院三年以下實錄先是左大臣藤原冬嗣亦建學舍名曰勸學院析封戶給生徒謂之南曹

以在大學南也謂之南曹以下神皇正統記其後菅原大江二氏建

神皇正統記

唐書

文章院令東西曹司以教弟子。本朝氏公子岑繼年少

不好學。帝歎曰：彼大臣之孫，朕之外戚，何為不讀書？岑

繼聞之，奮激讀書，略通經史。後至中納言。三代實錄

文德天皇仁壽元年夏四月丁卯，召散位春澄善繩於

北殿講文選。

三年春正月丁未，文章博士菅原是善為大學頭，仍兼

博士。秋九月己卯，菅原是善奏請文章生未出身者及

第之後，不經勘籍預考例許之。

天安二年春二月辛卯，豐階安人為大學頭，安人少機

悟風以好學知名，涉讀史傳，最精漢書，明法博士讚岐

國史紀事本末

卷十一

十五

永直乞骸骨，敕歸休於家，不停其職。是歲帝敕曰：博士

律令之宗師也，宜令諸生就其第受業。於是永直教授

於家，式部省就行講竟之禮。法家榮之，大判事源敏久

等常抄出刑法疑義十事，欲遣使質之唐國。永直聞之，

為詳解其義，聞者釋然，乃罷遣唐使。其精如此。安人已下三代

錄實

清和天皇貞觀元年夏六月己酉，增文章博士職田二

町，凡六町。

二年春二月辛卯，帝始讀孝經。冬十月壬辰，制哲王之

制以孝為基。夫子之言窮性盡理，即知一卷孝經十八

篇章，六籍之根源，百王之模範也。然此間學令，孔鄭二

註為教授正業，厥其學徒相沿，盛行於世者，安國之註，

劉炫之義也。今按唐玄宗開元十年，撰御註孝經，作新

疏三卷，以為世傳。鄭註比其所註餘書，義理專乖，又稽

之鄭志，康成不註孝經，安國之本，梁亂而亡。今之所傳，

出自劉炫，事義紛蒼，誦習尤難，靡厭衆心，更招疑義。故

玄宗廣酌儒流，深迴睿想，為之訓註，冀開微言。然則孔

鄭之註，並廢於時，御註之經，獨行於世，而我唯傳彼註，

未讀此經，假之通論，未為允愜。鄭孔二註，即謂非真，御

註一本，理宜遵行。自今以後，宜立於學官，教授此經，以

國史紀事本末

卷十一

十六

充試業。庶革前儒必固之失，遵先王至要之語，但去聖

久遠，學不厭博，若猶敦孔註，有心講誦，兼聽試用，莫令

失望。初，桓武帝好學，嘗為大學頭。天性至孝，及喪光仁

帝，哀毀動人，踰年不釋服。帝之崩，平城帝號慟不能起，

羣臣扶之下殿。後八九日，猶進粥。初以下日本後紀殘編是後朝

野之間，孝子最多。攝津守甘南備高直居母喪，殆至滅性，

散位藤原吉野事父有孝，父嘗索鮮肉，庖人不與。吉野

聞而悔恨，終身不復肉食。續日本後紀散位藤原岳守喪父

哀戚過禮，幾於毀滅。參議小野篁文章生和氣仲世皆

以至孝。聞仲世子貞臣數歲喪母，哀毀踰禮，相模權介

山田古嗣幼喪母嘗讀書至樹欲靜而風不止子欲養而親不待流涕不禁卷帙爲之沾濡右京大夫藤原衛二歲喪母五歲始聞之哀慕動人文德實錄中務大夫清原瀧雄大納言平高棟皆喪父哀毀過禮肥後守紀夏井執母喪三年中宮大夫藤原良仁喪母哀慟歎血絕而復蘇大中臣正棟喪父殆致毀滅參議藤原良繩聞父病於備前欲奔赴天子不許及聞訃歎血氣絕數刻乃蘇其後母紀氏寢病良繩晝夜扶持目不交睫母尋沒哀號過禮諸國之民以孝聞者亦多云十二月癸丑新修釋奠式頒七道諸國先是播磨博士和通宅繼上言

國史紀事本末

卷十一

十七

釋奠有大學式無諸國式故諸國或用樂或不用樂夫尊師之道誠須嚴整如在之禮豈合參差願修其式以爲永典從之乙丑帝受孝經於大學博士春日雄繼卒業授雄繼正五位下賜御書告身時右大臣藤原良相好文學之士有大學生貧窶者時贈綿絹冬月多製衣被昇四學堂夜宿者

三年秋八月丁巳帝始講論語

十一年秋八月先是詔太政大臣良房等修續日本後紀至是成十一年已下續日本後紀序

十二年春二月己丑帝聞參議春澄善繩病篤詔及其

生存授從三位大納言藤原基經在直廬脫朝服加其身時人榮之秋九月庚申文章得業生菅原道真對策及第加敘一階道真是善子也

十三年秋八月帝嘗詔左大臣藤原氏宗等修貞觀式是月成帝又敕參議大江音人撰羣籍要覽四十卷弘帝範三卷

十七年夏四月丁丑帝讀羣書治要卒業宴羣臣於綾綺殿奏樂賦詩賜物有差庚辰帝始讀史記

十八年秋七月己丑先是召散位大藏善行侍藏人所校定御書以隋人顏之推家訓教授帝左右少年及禁

國史紀事本末

卷十一

十八

中好學者是日卒業賜宴藏人所召文章生賦詩

陽成天皇元慶二年春二月辛卯令助教善淵愛成讀日本紀於宜陽殿西廂右大臣以下參議以上聽之冬

十二月先是敕右大臣藤原基經等修文德實錄至是成冬以下文德實錄序

四年令巨勢金岡畫孔廟像江家次第是歲在原行平奏建學舍名曰辨學院本朝文粹

六年秋八月戊辰以日本紀卒業設宴奏樂親王以下五位以上畢至抄出日本紀中賢主名臣探丸賦和歌

賜內藏寮綿

八年秋九月辛未、敕以新錢二十三貫分給左右京職出舉、以子錢送大學寮、充學生菜料、先是大學頭藤原佐世上言、據式左右京職出舉、以其息利充學生菜料、弘仁以前、每年必送、天長以降、絕而不納、其隆平永寶者、延曆十五年新貨也、厥後錢文改易、既經五度、兩職須每改舊貫、授新錢、而忽略其事、全失本物、遂使生徒積歎、今給諸司公廨錢者、為脩官舍也、然新錢初涌、十倍本源、況大學者百川之學海、九流之道淵也、大厦棟梁、於是乎育、巨川舟楫、於是乎採、論其弘益、豈校官舍、以彼此、此相去既遠、望請准據式文、充給新錢、每年出舉、依例送之、許之、

國史紀事本末

卷十一

十九

光孝天皇仁和元年秋九月乙未、造幕四條幔四條、賜大學寮、先是大學頭藤原佐世上言、令云、凡學生公私有禮事、令觀儀式、又承和十二年宣旨云、車駕行幸之日、官人引文章生等陪從、然則朝堂之儀、公私之禮、節會宴享之日、巡狩遊獵之時、必須率學生縱觀陪從、而寮本無幕幔、臨事多闕、諸司之例、唯賜二條、本寮四百之生徒、非兩幕之可容、望請以為儲備、許之、冬十一月庚寅、先是大學寮奏曰、延曆十二年五月十一日格云、祭祀之事、潔淨為本、又割牲體、明在禮法、然而頃年諸

國進特、既以割犧供禮、漱盥多乖禮制、須並用全體、令進祭庭、一依禮法、割鮮升供、式云、三牲各加五藏、六衛府別各供一頭、今按延曆格、所以供全體者、取其新也、而式文曰、各加五藏、即是解體可知、雖全體解體前後各異、而至於潔清新鮮、是古今不易之法也、而諸衛牲膾臭尤甚、弃而不用、是廢常祀、忍而供之、恐乖禮制、祭祀之道、鮮潔為先、宜嚴下新制、令合禮法、式又云、享日在諸祭之前、及與祭相當、停用三牲及兔、代以鮮魚、而今諸衛或代以乾魚、或用果子、所送非一、猥任人意、宜令六府送鮓、鮓鮮潔者、式又云、三牲及兔、六衛府各供

國史紀事本末

卷十一

二十

一頭、又云、豆實兔醢五合、今檢先聖先師獨供兔醢、其餘不供、且造醢之法、先乾其肉、百日即成、謂之乾豆者、取其義也、而今諸衛府先祭一日送鮮兔、夜中造醢、豈合禮意、自今以後、潔淨乾曝、先祭三月、送大膳職、依禮造之、其送致之次、左近為一番、餘府以次輪轉、如此則豆實合禮、衛府省煩、至是許之、

二年秋八月丁未朔、釋奠、太政大臣基經率公卿拜聖像、

宇多天皇寬平元年冬十月丁卯、帝受周易於博士善淵、愛成、宇多已下帝嘗令畫工圖殷周以來名臣像於

紫宸殿障子、號賢聖障子、古今著聞集

醍醐天皇昌泰元年春二月戊戌帝讀羣書治要於清

涼殿、日本紀略

三年夏六月令文章博士三善清行講史記、日本紀略

延喜元年春正月、貶右大臣菅原道真爲太宰權帥、日本紀略

道真累世儒家器識卓異、遭遇宇多帝累蒙寵擢、參

決政事、論者以爲曠世盛事、然一時媚忌者衆、遂遭讒

貶、參取諸書大意秋八月、先是詔左大臣藤原時平等修三

代實錄、至是成、三代實錄序

六年夏五月戊辰帝始讀史記、日本紀略

國史紀事本末 卷十一 二十二

八年冬十月、贈故參議藤原菅根從三位、以侍讀勞也、

日本紀略

十三年夏五月、敕諸道得業生課試、以七年已上爲期、

日本紀略

十四年夏四月、式部大輔三善清行上封事、條陳便宜

十二、其一曰、臣伏以治國之道、賢能爲源、得賢之方、學

校爲本、是以古者明王必設庠序、以教德義、習經藝而

敘彝倫、周禮卿大夫獻賢能之書于王、王拜而受之、所

以尊道而貴士也、伏見古記、朝家之立大學也、始於大

寶年中、至於天平之代、右大臣吉備真備朝臣恢弘道

藝、親自傳授、即令學生四百人習五經、三史、明法、算術、

音韻、籀篆等六道、其後代代下敕、給罪人伴家持越前

國加賀郡沒官田一百餘町、山城國久世郡公田卅餘

町、河內國茨田澀川兩郡田五十五町、以充生徒食料、

號曰勸學田、又每日給大炊寮百度飯一石五斗、人別三升

五十料以補照讀之疲也、又有敕令常陸國、每年舉稻九

萬四千束、以其利稻充學生口味料、而年代漸久、事皆

廢違、承和年中、伴善男訴家持無罪、返給加賀郡勸學

田、又有敕分山城國久世郡田卅町爲四分、其三分給

典藥左右馬寮、纔留其一分、充學生料、又河內國兩郡

國史紀事本末 卷十一 二十二

治田頻遭洪水、皆成大河、又常陸丹後兩國出舉稻、依

度度交替欠、本稻皆失、無有利稻、當今所遺者、唯大炊

寮飯料米六斗、山城國久世郡遺田七町而已、以此小

儲、充數百生徒、雖作薄粥、猶亦不周、然而學生等成立

之望猶深、飢寒之苦自忘、各勤鑽仰、共住學館、於是性

有利鈍、才異愚智、或有捍格而難用者、或有穎脫而出

囊者、通計而論之、中才以上者、曾無十分之三四也、由

是才士者已超擢舉用、不才者衰老空歸、亦其舊鄉凋

落、無所歸托者、頭戴白雪之堆、飢卧碧水之涘、於是後

進者偏見此輩成羣、卽以爲大學、是迤邐坎墮之府、窮

困凍餒之鄉遂至父母相誠勿令子孫齒學館者也由是南北講堂鞠爲茂草東西曹局闕而無人於是博士等每至貢舉之時唯以歷名薦士曾不問才之高下人之勞逸請託由是間起濫吹爲之繁生潤權門之餘唾者生羽翼而入青雲踏闕里之遺蹤者詠子衿而辭覺舍如此陵遲無由興復先王庠序遂成丘墟臣伏以革人之道以食爲本望請常陸丹後兩國出舉本額九萬四千八百束之利稻二萬八千四百冊束之代遍以諸國田租穀充給緣海國半給坂東國半給以充給學生等又罪人伴善男所返給加賀郡田重亦沒官令給穀倉院充造道

國史紀事本末

卷十一

二十三

橋料重望依舊返給件田以爲勸學田又式云學生不住寮家者不得薦舉比年雖有此式不能施行者依學生之無食也今須嚴敕博士及寮頭等諸道學生雖有才藝不直寮家者不得貢舉如此則挑兮之徒歸我國胄皇矣之士列彼周行封事見

十六年秋九月庚辰帝幸朱雀院試擬文章生詩日本紀略延長六年夏六月令少內記小野道風書漢以來賢君名臣言行於清涼殿南廂粉壁

八年秋九月帝崩皇子中務卿重明親王哀慕不已時臣子皆期而公除唯重明心喪三年衣服食器不敢用

綾羅朱漆重明好學有才名花鳥餘情弟中務兼明親王亦博學能文本朝文粹世稱前中書王分卿

村上天皇天德四年冬十月辛巳大學寮火日本紀略

應和二年夏六月學生藤原公方藤原資忠等請給學

問料乃召之弓場殿試七言十韻日本紀略

三年冬閏十二月給肄學院年官準勸學院日本紀略

康保元年冬十一月丁丑敕以學館院爲大學寮別曹日本紀略

日本紀略

一條天皇寬弘元年冬十月帝幸北野社一代要記初天曆

中民間追慕菅原道真建祠北野祀之北野起此後朝廷

國史紀事本末

卷十一

二十四

奉幣不絕公事崇祀遂遍海內矣

六年秋七月中務卿具平親王薨具平村上皇子日本紀略

有才學世與兼明親王並稱曰後中書王皇胤紹運錄是秋

釋奠停宴蓋以喪一代文宗也左經具平子孫多以文

武聞

後一條天皇長元七年秋八月京師大風大學寮壞是

月釋奠辨少納言文章博士皆不來會會者僅數人而

已左經其衰如此

後三條天皇延久四年春三月權中納言源隆俊奏孔

廟畫像歲久壞損請加修理許之敕右少辨大江匡房

監之次江家帝好學續古其在東宮匡房為學士日夜討

論鏡今匡房自其先音人累世業儒家多藏書未嘗罹災

作庫於二條高倉或曰京師多火如何匡房曰吾家文

學當與朝家同盛衰何須過慮至仁平中書庫罹災朝

廷亦遂衰續古

堀河天皇康和元年春正月甲子大學寮請修孔廟祭

器許之朝野

崇德天皇保延元年式部大輔藤原敦光上疏陳七事

其一曰天下之所貴惟賢所寶惟穀皇朝宮城之南左

則置大學寮以崇聖師右則置穀倉院以蓄米穀而贊

國史紀事本末 卷十一 二十五

舍額弊鞠為茂草頻繁蓋蔭之莫有累供備措紳青衿

之徒無處容身唐太宗即位之初京師飢饉孜孜求士

務在擇才政革舊弊頻致豐稔宜依聖代之遺風早施

明時之新化續本朝

近衛天皇仁平三年夏五月崇德上皇敕左大臣藤原

賴長試學生於東三條第古今著賴長奏釋奠晴儀寬

平以降久廢人無知者乃草其儀上之使諸司肄而行

之治宋商劉文仲贈五代記唐書於賴長古今著開集

五代史記也

高倉天皇治承元年夏四月丁酉京師五條火延燒大

內及大學寮秋八月丁丑以大學寮未成釋奠於官廳

抄百錄時清原賴業為帝侍讀清原賴業嘗讀禮記表出

中庸據本經為解不取舊註賴業與宋朱熹同時熹註

未傳所見適聞合人以為奇康富後百四十餘年僧玄

慧尊信宋程頤程頤朱熹之學侍讀後醍醐帝經筵始

用宋儒之說准三宮源親房亦嘗受業玄慧人素往來

記親房具平親王之後嘗著神皇正統記云參取太平

弟延之 延壽校

門人草川重遠書

國史紀事本末卷之十一終

國史紀事本末 卷十一 二十六

國史紀事本末卷之十二

從六位守大學校中博士常陸青山延光 編次

歷朝民政

神武天皇元年帝既定中洲遣天富命率日鷲命孫求肥饒地種穀麻於阿波天富命更求沃壤率阿波齋部往東國播殖穀麻宜麻者謂之總國宜穀者謂之結城郡阿波齋部所居謂之安房郡拾遺

崇神天皇四年冬十月壬午詔曰惟我皇祖光臨宸極者豈爲一身乎蓋所以司牧人神經綸天下故能世聞玄功時流至德今朕奉承大運愛育黎元何以聿遵皇國史紀事本末 卷十二

祖之跡永保無窮之祚羣卿百寮竭爾忠貞共安天下十二年春三月帝以海內已安始校人民更課調役是謂男之弭調女之手末調於是神祇和享風雨順時百穀用成家給人足天下太平矣

四十八年春正月令皇子豐城入彥治東國

六十二年秋七月丙辰詔曰農天下之大本也民所恃以生也今河內狹山埴田乏水是以國中百姓怠於農事其多開池溝以資民業冬十月鑿依網池十一月鑿川坂池反折池

垂仁天皇二十七年置屯倉於來目邑

三十五年秋九月遣五十瓊敷命於河內鑿高石池茅渟池冬十月鑿倭狹城池迹見池是歲令諸國多鑿溝池繇是百姓富饒天下大治

景行天皇五十三年秋八月帝巡狩東國

五十五年春二月壬辰以彥狹島王爲東山道十五國都督王至春日穴咋邑而薨東國百姓悲王不至竊盜王尸葬於上野王豐城入彥命孫也帝皇子七十餘人皆封國郡各就其國

五十六年秋八月詔御諸別曰汝父彥狹島王赴任途薨汝其專領東國御諸別王赴任有善政會蝦夷叛乃國史紀事本末 卷十二

討平之東國大治

五十七年秋九月鑿坂手池冬十月令諸國造田部屯倉

成務天皇四年春二月丙寅朔詔曰我先皇聰明神武膺籙受圖順天治人撥亂反正普天率土莫不王臣今朕嗣踐寶祚夙夜兢惕然黎元蠢爾不悛野心是由國郡無君長縣邑無首渠也自今以後國郡立長縣邑置首即取之國中以爲中區之藩屏

五年秋九月令諸國郡立造長縣邑置稻置並賜楯矛以爲表界山河分國縣隨阡陌定邑里東西爲日縱南

北爲日橫山陽曰影面山陰曰背面是以百姓安居天下無事矣

應神天皇九年夏四月遣武內宿禰於筑紫監察百姓十一年冬十月鑿劔池輕池鹿垣池廢坂池

仁德天皇四年春二月帝憫百姓窮乏詔除課役三年民復大富事見仁德勸儉

十二年冬十月鑿大溝於山背粟隈縣百姓利之十三年秋九月始造茨田屯倉冬十月造和珥池築橫

野堤

十四年鑿大溝於感玖引石河水得墾田四萬餘頃百

國史紀事本末

卷十二

三

姓寬饒無復凶荒之患矣

履中天皇二年冬十一月鑿磐余池

二年冬十月鑿石上溝

反正天皇元年五穀大熟人民富饒

雄略天皇十六年秋七月先是帝令后妃躬桑以勸蠶

事是月詔諸國植桑

清寧天皇三年秋九月癸丑遣臣連巡省風俗

顯宗天皇元年帝久居邊裔知百姓疾苦及卽位布德

施惠天下親附事見顯宗仁賢相讓

仁賢天皇八年吏稱其人諸國大治

繼體天皇元年春三月詔曰朕聞一夫不耕則天下或受其飢一婦不織則天下或受其寒是故帝王躬耕以勸農業后妃親蠶以勸女功況在羣寮百姓其可廢棄農績乎有司普告天下令知朕意

安閑天皇元年武藏人笠原使主與同族小杵爭爲國造小杵乞援上毛野小熊謀殺使主使主覺之赴京師奏之帝乃以使主爲國造誅小杵使主感喜造屯倉四所獻之

二年春正月壬子以累歲豐穰詔天下大酺五日夏五

月甲寅置屯倉於筑紫豐國火國播磨備後姁娜國阿

國史紀事本末

卷十二

四

波紀國丹波近江尾張上毛野駿河十三國秋九月丙午詔櫻井田部連等掌屯倉稅

宣化天皇元年夏五月辛丑詔建官家於那津運諸國

屯倉穀蓄之又以筑紫肥豐三國屯倉懸遠不便命遷

之那津

欽明天皇元年秋八月召秦漢諸蕃投化者安置國郡

編貫戶籍秦人戶數凡七千五十三戶

二十八年郡國大水人或相食運傍郡穀賑給

推古天皇十六年冬鑿高市池藤原池肩岡池菅原池於倭國戶川池依網池於河內又鑿大溝於山背粟隈

每國置屯倉、

二十一年冬十一月、鑿掖上池、畝傍池、和珥池、

皇極天皇三年秋七月、東國人大生部多指一蟲語里人曰、是爲常世神、祭者富且壽、巫覡從而和之、於是遠近競祭之、其費不貲、秦河勝惡多惑民、捕而笞之、巫覡懼而止、帝嘗詔佃葛城長田、其地乏水、巨勢荒人造長槭、引河水、帝大悅、賜姓槭田臣、帝嘗已下姓氏錄

孝德天皇大化元年秋八月庚子、拜東國國司、詔曰、汝等之任、作戶籍、校田畝、園池之利、與百姓俱之、汝等在國、不得判罪、不得納貨賂苦民、入京之日、不得多從百

國史紀事本末

卷十二

五

姓、惟得從國造郡領長官、從者九人、次官、從者七人、主典、從者五人、違限者罪、但以公事往來、得騎部內之馬、喫部內之飯、介以上奉法、必須褒賞、違法當降爵位、判官以下納貨賂、二倍徵之、以輕重科罪、若有奸詐之徒、僞言我父祖領官家治郡縣、汝等宜審覈奏之、又國中閒曠之地、宜造兵庫、收聚國郡兵器、邊地迫近蝦夷者、宜集其兵器檢之、再授本主、卽賜帛布有差、是日設鐘匱於朝、詔曰、凡憂訴之人、有伴造者、則伴造先議、而後奏、有尊長者、則尊長先議、而後奏、如伴造尊長弗達者、納牒於匱、昧爽有司執而上之、朕親記年月、與羣卿共

議罪、其伴造尊長官司或阿黨稽留、割斷不直者、當撞

鐘、其使天下之民咸知朕意、九月丙寅朔、遣使諸國治兵、甲申、遣使諸國錄口數、詔曰、自古以降、歷世天皇必置標代民、垂名於後、故臣連伴造國造等亦各置私民、恣情驅使、且割國縣山海林野池田、以爲私財、爭奪無已、或兼并數萬頃田、或無立錐地、及進調賦、亦先自收歛、然後分進、修治宮殿、造營園陵、亦各率私民而從事、易曰、損上益下、節以制度、不傷財、不害民、方今百姓猶乏、而有勢者分割水陸、以爲私地、賣與百姓、年索其價、從今以後、宜禁私賣地、以杜兼并之路、於是百姓大悅、

國史紀事本末

卷十二

六

二年春正月甲子朔、詔宣新令、其一曰、龍祖宗所立子代之民、處處屯倉、及別臣連伴造國造村首所有部曲之民、處處田莊、仍賜食封大夫以上各有差、賜布帛官人百姓亦有差、二曰、始修京師、置畿內國司郡司、關塞斥候、防人驛馬、傳馬、造鈴契、定山河、凡京每坊置長一人、四坊置令一人、掌案檢戶口、督察奸非、坊令取坊內明廉強直堪時務者、里坊長並取里坊百姓清正強幹者、凡畿內東自名鑿橫河、南自紀伊、凡山、西自赤石、檜洲、北自近江、狹波、合坂山、以內、爲畿內國、凡郡以四十里爲大郡、三十里以下四里以上爲中郡、三里爲小

郡、郡司並取國造性識清廉堪時務者爲大領少領、彊幹聰幹、工書算者爲主政主帳、凡給驛馬傳馬皆依鈴傳符刻數、凡諸國及關給鈴契並長官執之、無長官次官執之、其三曰始造戶籍計帳、旺田收授之法、凡五十戶爲里、每里置長一人、掌按檢戶口、課殖農桑、禁察非違、催督賦役、凡田長三十步、廣十二步爲段、十段爲町、段租稻二束二把、町租稻二十二束、若山谷阻險地遠人稀之處、隨便量置、其四曰罷舊賦役而行田調、凡絹純絲綿並隨鄉土所出、田一町絹一丈四町成匹、長四丈、廣二尺半、純二丈二町成匹、長廣同絹、布四丈、長廣同絹、純一町成端、別收戶別之調、一戶皆布一丈二尺、凡調副物鹽贄亦隨鄉土所出、凡官馬者、中馬每一百戶輸一匹、細馬每一百戶輸一匹、其買馬直者、一戶布一丈二尺、凡兵者、人身輸刀甲弓矢幡鼓、凡仕丁者、舊法每三十戶一人、今每五十戶一人、充諸司、以五十戶充仕丁一人之糧、一戶庸布一丈二尺、庸米五斗、是月遣使諸國營兵庫、或投書於匱曰、諸國民以公事入京、官司留充雜役、非所宜也、二月戊申、詔罷雜役、三月詔讓東國國司已下違令者、特宥之、遣使諸國勸農事、禁農月飲酒食美味、

國史紀事本末

卷十二

七

三年夏四月、工人大山位倭漢荒田井比羅夫穿溝瀆、通難波督役失方、百姓疲勞、有上疏諫者、詔卽日罷役、白雉三年夏四月、造戶籍、凡戶皆五家相保、一人爲長、以相檢察、
天武天皇三年夏四月壬午、詔諸國貸稅、自今以後、明審百姓貧富、簡定三等、中戶以下、欲貸者許之、
六年春正月甲子、詔曰、凡國司除畿內及陸奥長門以外、皆任大山以下人、
十一年冬十二月丙寅、遣使巡行天下、分諸國境界、
十二年秋九月戊午、遣使巡察諸國、
國史紀事本末 卷十二 八
朱鳥元年春二月乙亥、敕選諸國司有功者九人、授勤位、
持統天皇三年秋閏八月庚申、詔諸國司造戶籍、限九月糺捉浮浪、
五年春正月丙戌、詔曰、直廣肆筑紫益拜筑紫太宰府以來、於今二十九年矣、清白忠誠、不敢怠惰、故賜食封五十戶、純十五匹、綿二十五屯、布五十端、稻五十束、
八年秋七月丙戌、遣巡察使於諸國、
文武天皇二年春三月庚午、任諸國郡司、詔曰、諸國司銓擬郡司、勿有偏黨、郡司居職、必須如法、夏五月乙亥、

遣使諸國巡監田疇

三年春三月壬午遣巡察使於畿內檢察非違冬十月戊申遣巡察使於諸國

四年春二月乙酉上總國司請安房郡大少領連任父子兄弟許之壬寅遣巡察使於東山道三月丙寅令諸國定牧地放牛馬秋八月丁卯檢巡察使奏狀賞諸國司有治績者進階賜封各有差阿部御主人大伴御行並授正廣參因幡守秦勝封三十戶遠江守漆部道麻呂二十戶

大寶元年夏六月己酉遣使七道敕曰爲政一依新令

國史紀事本末

卷十二

九

時帝新撰律令定國郡之制凡大國守一人介一人大掾一人少掾一人大目一人少目一人史生三人上國守一人介一人掾一人目一人史生三人中國守一人掾一人史生三人下國守一人目一人史生三人大領一人少領一人主政三人主帳三人上郡大領一人少領一人主政二人主帳二人中郡大領一人少領一人主政一人主帳一人下郡大領一人少領一人主帳一人少郡領一人主帳一人太宰府主神一人帥一人大貳一人少貳二人大監二人少監二人大典二人少典二人大判事一人大令史一人少令史一人大工

一人少工二人博士陰陽師算師各一人醫師二人時帝己下是日又敕國宰郡司貯置大稅必須如法如有關急隨事科斷秋八月甲寅播磨淡路紀伊大風海溢遣使存問辛酉參河遠江等十七國蝗大風傷稼九月戊寅遣使賑恤

二年春二月庚戌越後疫遣醫救之乙丑諸國司始給鑰先是置稅司主鑰至是給國司三月丁酉聽太宰府專詮擬所部國掾已下及郡司等夏六月癸卯上野疫給藥救之秋九月辛巳駿河伊豆等五國飢遣使存恤三年春正月甲子遣使七道巡省政績申理冤枉二月

國史紀事本末

卷十二

十

癸卯太宰史生更加十員戊寅信濃上野疫給藥救之夏五月丙午相模疫給藥救之秋七月甲午以災異頻見年穀不登詔減京畿及太宰府管内諸國調半并免天下之庸冬十一月癸卯太政官處分巡察使所記諸國郡司等有治能者武部依令稱舉有過失者刑部依律推斷

慶雲元年春三月甲寅信濃疫給藥救之夏四月南海山陽諸國飢並賑恤之五月庚子武藏飢賑恤之是夏伊賀伊豆疫給醫藥冬十月丁巳以年穀不稔免課役田租

二年夏四月壬子、詔減天下庸半。甲寅、遣使巡省諸國。辛未、給太宰府飛驒鈴八口、傳符十枚、長門鈴八口。秋八月戊午、以諸國飢、詔免調半、是歲諸國疫、並給醫藥。三年春閏正月庚戌、京畿及紀伊因幡等國疫、並給醫藥。二月庚寅、河內攝津等七國飢、賑恤之。是日詔頒新制七條、其一曰、准令一位以下及百姓雜色人等、皆取戶粟以爲義倉、是義倉之物、給養窮民、預爲儲備。今取貧戶之物、還給乏家之人、於理不安。自今已後、取中以上戶之粟、以爲義倉、必給窮乏、不得佗用。若官人私犯一斗以上、卽日解官、隨贓決罰。三月丁巳、詔曰、軒冕之

國史紀事本末

卷十二

十一

羣受代耕之祿、有秩之類、无妨於民農。召伯所以憩甘棠、公休由其拔園葵。頃者王公諸臣多占山澤、不事耕種、競懷貪婪、空妨地利。若有百姓採柴草者、乃奪其器、加之賜地、實止一二畝。由是踰峯跨谷、浪爲境界。自今以後、不得更然。夏四月、河內出雲備前七國飢、疫、遣使賑恤。秋七月、東海東山北陸等六道飢、遣使賑恤。西海道大風、遣使巡省。九月丙辰、遣使七道、始定田租法。町十五束。四年夏四月、天下疫、飢、詔賑恤之。冬十一月丙申、賑恤志摩。十二月戊辰、伊豫國疫、給藥救之。

元明天皇和銅元年春二月、讚岐疫、給藥救之。三月乙未、山背備前疫、亦給藥。乙卯、敕太宰府帥大貳及三關尾張守等、始給儼仗。帥八人、大貳及尾張守四人、三關國守二人。夏五月庚戌、給近江國儼仗二人。秋七月、但馬伯耆疫、給藥救之。隱岐霖雨大風、遣使賑恤。九月丙戌、越後言、新建出羽郡、許之。

二年春二月丁未、分遠江長田郡爲二。三月、隱岐飢、賑恤之。夏六月上、總越中紀伊疫、給藥救之。秋九月己卯、遣從五位下藤原房前於東海東山二道、檢察關剗、巡省風俗。賜伊勢守大宅金弓、尾張守佐伯大麻呂、近江

國史紀事本末

卷十二

十二

守多治比水守美濃守笠麻呂、國中田各十町、穀二百斛、衣一襲、美其政績也。冬十月丙申、制畿內及近江百姓不畏法律、容隱浮浪及逃亡仕丁、私充驅使、由是多不還本鄉、非獨百姓違慢法令、亦是國司不加懲肅、蠹害公私、莫過斯弊。自今以後、不得更然。宜令曉示所部、檢括。三年春二月、信濃疫、給藥救之。夏四月、參河遠江美濃飢、賑恤之。

四年春三月辛亥、割上野六鄉置多胡郡。夏四月、大倭佐渡飢、賑恤之。甲申、大倭芳野郡始置大少領各一人。

主政二人、主帳一人、五月尾張疫、給醫藥、己未以穀六升當錢一文、令百姓交關、各得其利、冬十一月壬辰、詔曰、諸國大稅、賑貸三年、勿收其利、十二月丙午、詔曰、親王、己下豪強之家、多占山野、妨百姓業、自今以後、嚴加禁斷、但有欲墾闢空地者、宜告國司、聽官處分、

五年春正月乙酉、詔曰、諸國役民還鄉之日、糧食絕乏、多饑道路、轉填溝壑、國司宜務加撫養、如有死者、葬之、錄其姓名、報本屬、夏四月丁巳、詔郡司主政主帳者、國司便任、申送名帳、隨而處分、事有率法、自今以後、宜先其正身、准式、試練、然後補任、必請官裁、五月駿河疫、給藥救之、辛巳、詔曰、諸國大稅、三年賑貸者、本為恤濟百姓窮乏、今國郡司及里長等、因緣弄法、害政蠹民、莫甚於斯、如有此類、以重論之、罪在不赦、甲申、定國司、巡行及遷代、給糧馬脚夫法、太政官請定郡司賞格三條、許之、乙酉、詔諸國朝集使曰、國司遣使入京、宜擇其人、使人必諳知事狀、隨問應答、不得礙滯、若有不盡者、所由官人及使人、並據律科斷、自今以後、每年遣巡察使、檢校國內豐歉得失、使者至日、意存公平、直告無隱、若有經日發覺者、科斷如前、國司每年錄官人功過、皆附考狀、送式部省、省宜勘會、秋七月甲申、以播磨大目樂浪

國史紀事本末

卷十二

十三

河內有功績、進位一階、賜純一匹、布三十端、九月始置出羽國、冬十月乙丑、詔曰、諸國役夫還鄉之日、糧食乏少、無由得達、宜割郡稻別貯、便地、隨役夫到任、令交易、六年春二月、志摩疫、給藥救之、夏四月乙未、割丹波五郡置丹後國、割備前六郡置美作國、割日向四郡置大隅國、大隅大和疫、給藥、乙卯、讚岐飢、賑恤之、五月己巳、制郡司大小領、以終身為限、非遷代之任、而國司情有愛憎、以非為是、強令致仕、自今以後、不得更然、冬十月戊戌、還收諸寺多占田野、其數過格者、十一月辛酉、伊賀伊勢尾張等國言、大風傷稼、詔免調庸、已輸者、以稅給之、十二月始置陸奥丹取郡、七年春正月甲申、令相模常陸上野始輸絕調、欲輸布者許之、二月辛卯、詔曰、人足衣食、共知禮節、身苦貧窮、競為奸詐、今諸國輸絕絲綿布調者、調庸以外、每人儲絲一斤、綿二斤、布六段、以資產業、无使苦乏、辛丑、始令出羽養蠶、壬寅、遣使七道、錄囚徒、夏四月壬午、令諸國造倉、分為三等、大受四千斛、中三千斛、小二千斛、禁張虛數、冬十月、美濃武藏下野國等大風發屋、免租調、八年九月己未、元正夏五月辛巳、朔、敕諸國朝集使曰、天下百姓多背本貫、流宿佗鄉、規避課役、其浮浪逗留、

國史紀事本末

卷十二

十四

經三月以上者、卽斷輸調庸、隨當國法、又撫導百姓、勸課農桑、心存字育、能救飢寒、國郡之善政也、若身在公庭、心顧私門、妨奪農業、侵牟萬民、國家之大蠹也、催勸產業、資產豐足者、爲上等、雖加催勸、衣食短乏者、爲中等、田疇荒廢、百姓飢寒者、爲下等、十人已上、則解見任、又四民各有其業、今失業流散、此亦由國司教導無方、如有此類、必加顯戮、丹波丹後飢賑恤之、甲午詔曰、諸國運輸調庸、各有期限、今國司怠緩違期、遂妨耕農、自今以後、以重論之、乙巳攝津紀伊武藏等國飢賑恤之、乙亥太政官奏更定義倉出粟法、分爲九等、秋七月丙午、始建美濃席田郡、冬十月乙卯、詔曰、國家隆泰、要在富民、富民之本、務從貨食、今諸國百姓唯趣水澤之種、不知陸田之利、或遭勞旱、更無餘穀、宜令百姓兼種麥、禾、男夫一人二段、粟之爲物、支久不敗、於諸穀中、最是精好、宜以此狀遍告天下、盡力耕種、莫失時候、

國史紀事本末

卷十二

十五

元正天皇靈龜二年夏四月甲子、割河內三郡、始置和泉監、乙丑詔曰、凡貢調脚夫入京之日、所司親臨察其備儲、若有國司勸課能合上制、則與字育和惠、肅清所部之最、不存教諭、事有闕乏、則居撫養乖方、境內荒蕪之科、又比年計帳具言如功、推勘物數、足以掩身、然入

京人夫衣服破弊、菜色猶多、空著公帳、徒延聲譽、務爲欺謾、以邀其課、國郡司如此、朕將何任、自今以後、宜恤民隱、以制所委、仍錄部內豐儉、農桑增損、以聞、五月辛卯、始置武藏高麗郡、六月甲子、美濃守笠麻呂兼尾張守、

國史紀事本末

卷十二

十六

養老元年春二月辛巳、賜太宰帥多治比池守綾十匹、絹二十四匹、純三十四匹、綿三百屯、布一百端、褒善政也、夏四月癸未、太政官奏、定調庸斤兩及長短之法、五月丁未、令上總信濃始貢純調、辛酉、頒大計帳、四季帳、六年見丁帳、青苗簿、輸租帳等式於七道、

二年夏四月丙辰、筑後守道首名卒、首名少治、律令、曉習吏事、和銅末、爲筑後守、兼治肥後、勸課生業、自頃畝菜果、下及雞豚、皆有章程、曲盡事宜、以時案行、有不遵教者、輒加譴責、老少竊怨、罵之、及收熟、莫不悅服、居一兩年、國中化之、乃興築陂池、以廣溉灌、肥後味生池、及筑後所在陂池是也、由是民蒙其利、人人溫給、言吏事者、咸以爲稱首、及卒、百姓祠之、五月乙未、割越前四郡、始置能登國、割上總四郡、置安房國、割陸奥六郡、置石城國、割五郡置石背國、

物經年不腐自今以後稅及雜稻必爲穀而收之秋七月庚子始置按察使令伊勢守門部王管伊賀志摩二國遠江守大伴山守管伊豆駿河甲斐三國常陸守藤原宇合管安房上總下總三國美濃守笠麻呂管尾張參河信濃三國其餘諸國皆然所管國司若有非違則按察使親自巡省量狀黜陟徒罪以下斷決流罪以上錄狀奏上有治績者具記以聞九月丁丑詔給天下民戶陸田一町以上二十町以下輸地子段粟三升六道諸國飢開義倉賑恤之

西年春三月己巳太政官奏比來百姓例多乏少至於

國史紀事本末

卷十二

十七

公私不辨者衆望請令諸國每年春初出稅貸與百姓繼其產業至秋熟後依數徵納其稻既不息利令當年納足不得延引又除租稅外公稻擬充國用一槩無利恐其頓絕請令諸國每年出舉十束取利三束仍令當年本利俱納又百姓負稻多經歲月若致切徵因即迸散請限養老已前無論公私皆從放免庶使貧乏百姓各存家業又檢和銅四年十一月二十日敕出舉私稻者自今以後不得過半倍而比來出舉多不依法若臨時徵索無稻可償者令其子姪易名重舉由此取利過本積習成俗請其稻雖經多年仍不過半倍又檢養老二年

六月四日案云庸調運脚者量路程遠近運物輕重均出戶內脚直資行人勞費此唯言運送庸調者自餘雜物送京未有處分但百姓運物入京即欲早還既無資糧在路極艱請貯備官物准程給糧庶免飢弊早還本土又無知百姓不開條章規避徭役逃亡不還縱有欲還者家業散失無由存濟望請逃經六年以上能悔而還者給復一年繼其產業許之是日改按察使典號記事秋九月丙申始置養民司冬十一月乙亥置河內大縣郡

五年春三月癸丑敕曰朕君臨四海撫育百姓思欲家

國史紀事本末

卷十二

十八

之貯積人之安樂何期旱澇不調農桑有損遂使衣食短乏致有飢寒言念於茲良增惻隱今減課役用助產業其左右兩京及畿內五國並免今歲之調自餘七道亦停今年之役夏四月丙申始置佐渡賀母羽茂二郡備前藤原郡備後深津郡周防玖珂郡癸卯令天下諸國舉力田六月乙酉太政官奏言國郡官人漁獵黎元擾亂朝憲故置按察使糾彈非違肅清奸詐既定官位宜有料祿請以按察使准正五位官賜祿及公廨田六町仕丁五人詔曰朕之股肱民之父母獨在按察寄重務繁與羣臣異加祿一倍便以當土物准度給之辛丑

割信濃國始置諏方國冬十月戊子始置陸奥薊田郡
六年春二月始置遠江山名郡秋七月戊子詔曰朕以
膚虛紹承鴻業克己自勉未達天心是以今夏無雨苗
稼不登宜令天下國司勸課百姓種樹晚禾蕎麥及大
小麥藏置儲積以備年荒八月壬子以久旱免天下田
租九月庚寅令伊賀伊勢尾張等國始輸錢調

七年春二月己酉詔給戶頭百姓種子各二斛布一常
整一口戊午始築矢田池夏四月辛亥太政官奏頃者
百姓漸多田地窄狹請勸課天下開闢田疇其有新造
溝池營開墾者不限多少給傳三世若舊溝池給其

國史紀事本末

卷十二

十九

一身許之冬十月庚子敕按察使所治之國補博士醫
師自餘國博士並停之

聖武天皇神龜元年冬十月乙卯先是息長臣足爲出雲
按察使贖貨狼藉至是奪其位祿

三年夏六月庚申給醫藥於諸國秋九月丁亥詔曰今
秋大稔民產豐實思與天下共茲勸慶宜免今年田租
冬十一月己亥改備前藤原郡爲藤野郡十二月尾張
飢遠江大水並賑貸三年

四年冬十月庚子安房言大風傷稼上總言山崩壓死
者衆並賑恤之十二月丁亥先是遣使七道巡檢國司

治迹是日復命詔檢奏狀上等進位二階中等一階下
等破選其犯法尤甚者丹後守羽林兄麻呂處流周防
目川原石庭等除名

五年夏四月辛巳太政官奏曰美作國言部內大庭真
島二郡一年所輸庸米八百六十餘斛山川峻遠運輸
太艱請代米以綿鐵又諸國司言運調行程遙遠百姓
勞弊極多請外位位祿割留入京之物便給當土者臣
等商量宜依所請許之

天平元年冬十一月癸巳置京畿班田司

二年春三月辛卯太宰府言大隅薩摩兩國百姓建國
國史紀事本末 卷十二 二十

以來未曾班田其所有田悉是墾田相承爲佃不願改
動若從班授恐多喧訐許之夏四月甲子太政官處分
畿內七道諸國主典已上雖各有職掌至於行事必應
共知或國司等私造稅帳竟後取署不敢署名錄此上
下觸事相違又稅收納不得輕惡進稅帳日不問穎穀
倉別署主當官人名又國內所出珍奇口味等物國郡
司蔽匿不進亦有因乏少而不進自今以後物雖乏少
不限驛傳任便貢進夏六月庚辰以旱檢校四畿內水
田陸田

三年春三月乙卯廢諏方國附信濃秋八月辛丑以豐

穰免諸國田租之半。冬十一月丁卯，始置畿內總管諸道鎮撫使，以一品新田部親王爲大總管，從三位藤原宇合爲副總管，從三位多治比縣守爲山陽道鎮撫使，從三位藤原麻呂爲山陰道鎮撫使，正四位大伴道足爲南海道鎮撫使。癸酉，制大總管帶劔待勅，副總管與大總管同管，判史二人，主事四人，鎮撫使掌與總管同判官一人，典一人，以內文武官六位已下解兵術文筆者充之。給大總管僕仗十人，副總管六人，鎮撫使三位，隨身四人，四位二人，並負持弓箭，朝夕祇承總管如以事入部，聽從騎兵三十，其職掌差發京及畿內兵馬。

國史紀事本末

卷十二

二十一

搜捕凶黨。國郡司功罪，卽時奏聞，不得遷延。犯法者先決杖一百已下，然後奏聞，但鎮撫使不得差發兵馬。

四年冬十二月丙戌，鑿河內狹山下池。

五年春，諸國飢，賑貸之。

六年春正月丁丑，聽諸國司每年貸官稻。大國十四萬以下，上國十二萬以下，中國十萬以下，下國八萬以下，過此數者科罪。庚辰，勅諸國雜色官稻，除驛起稻以外，悉混合正稅。夏四月壬子，遣使畿內，問百姓疾苦。五月戊子，太政官奏：「天平四年大旱以來，百姓貧乏，宜限一年借貸畿內百姓大稅，又大倭十四郡公私舉稻，每郡

有之，愚民競貸，至于責徵，不能盡備，資財既罄，遂償田宅，而每年迴舉，取利過本，父負物，徵之妻子，子負物，徵之父母，自今以後，悉皆禁斷。」許之。秋九月甲戌，制安藝周防二國以大竹河爲界。

七年秋八月丙午，太宰府以管内諸國大疫，請停貢調。許之。冬閏十一月壬寅，帝臨朝，召諸國朝集使，勅曰：「朕選卿等爲國司，奉遵條章者，僅一兩人，其餘或以虛飾求聲譽，或背公家營私業，繇此國內弊損，百姓困乏，自今以後，勤恪奉法者褒賞之，懈怠無狀者貶黜之，宜知斯意，各自努力。」

國史紀事本末

卷十二

二十二

八年春三月庚子，太政官奏：「諸國公田，國司隨鄉土沽價賃租，以其價送太政官，以供公廩。」許之。夏五月辛卯，制諸國調布長二丈八尺，濶一尺九寸，庸布長一丈四尺，濶一尺九寸，爲端常陸曝布，上總望陀細貴安房細布，及出絕鄉庸布依舊。冬十月戊辰，以太宰管内諸國疫免田租。十一月甲午，免畿內及二監國田租，以秋稼頗損也。

九年夏四月癸亥，太宰管内諸國大疫，詔奉幣部內諸社祈之，且賑恤之。秋七月，賑給諸國飢民。八月甲寅，以大疫免天下租賦，及百姓宿負公私稻。九月癸巳，詔曰：

如聞臣家之稻貯蓄諸國出舉百姓求利交關無知愚民不顧後害迷安乞食忘此農務遂逼乏困逃亡佗所父子流離夫婦相失實國司教諭乖方之所致也朕甚愍焉自今以後催課百姓一赴產業必使不失地宜人阜家贍如有違者以違勅論其物沒官國郡官人即解見任

十年秋八月甲申停山陽道諸國借貸大稅出舉如舊辛卯令天下諸國造國郡圖進之冬十月丁卯免畿内田租己丑遣巡察使於七道採訪政績民風

十一年夏五月甲寅詔曰諸國郡司徒多員數無益任

國史紀事本末

卷十二

二十三

用侵漁百姓爲蠹實深今省舊員改定大郡大領小領主政各一人主帳二人上郡大領小領主政主帳各一人中郡大領少領主帳各一人下郡亦同小郡領主帳各一人辛酉詔曰天下諸國今年出舉正稅之利皆免之六月戊寅令諸國驛起稻咸混令正稅甲申賜出雲守石川年足純三十匹布六十端正稅三萬束賞善政也年足左大辨石足子資性廉勤習於治體歷少判事任出雲守視事數年百姓安之

十二年秋八月甲戌廢和泉監附河内

十三年春二月戊午詔曰聞國郡司聚人田獵妨民產

業損害實多自今以後宜切禁斷犯者必擬重科秋八月佐渡霖雨免田租調庸

十四年春正月辛亥廢太宰府以府官物付筑前國司夏五月丙午遣使畿内檢校百姓遭勞者庚午制凡擬郡司少領已上者國司史生已上與共簡定必有當郡推服比郡知聞者每司依員貢舉如有濫舉者國司隨事科決秋八月甲戌令畿内七道諸國司上孝子順孫義夫節婦力田之名九月戊午遣巡察使於七道冬十二月戊子令近江國司禁斷有勢之家專食鐵穴貧賤之民不得採用

國史紀事本末

卷十二

二十四

十五年夏五月乙丑詔曰如聞墾田據養老七年格限滿之後據例收授由是農夫怠倦開地復荒自今以後任爲私財無論三世一身咸永年勿取丙寅禁諸國司造新館冬十二月辛卯始置筑紫鎮西府

十六年秋九月甲戌遣巡察使於畿内七道丙戌頒三十二條於巡察使因敕曰頃聞國郡官人擅求利潤無畏憲章公民歲弊私門日增朕之股肱豈合如此自今後宜依頒條每四考終必加訪察奏聞即隨善惡黜陟其人遂令涇渭殊流賢愚得所若巡察使諂曲爲心昇降失理當寘法律以明勸懲又敕曰比年以來所任使

人訪察不精黜陟有濫吏民由是未肅風化所以尚梗故今具定事條唯恐官人不練明科還陷法網因由非常之恩特開自訴之路國郡官司雖犯謀反大逆常赦所不免悉皆除免但情懷奸偽不肯吐實使人再三喻示猶不肯伏據法科罪普天率土宜知朕懷焉

十七年夏四月甲寅以巡察使奏詔免諸國去年田租六年辛卯復置太宰府冬十月戊子議定諸國出舉正稅之數十一月庚辰制諸國公廨大國四十萬束上國三十萬束中國二十萬束唯大隅薩摩各四萬束下國十萬束唯飛驒隱岐淡路各三萬束志摩壹岐各一萬

國史紀事本末

卷十二

二十五

束若有正稅數少及民不肯舉者不必滿限

十八年夏五月庚申禁諸寺競買百姓田園永爲寺地冬十月癸丑日向大風雨免調庸十二月丁巳停七道鎮撫使

十九年春二月大倭河內攝津近江伊勢等十五國飢賑恤之夏四月紀伊近江讚岐疫飢賑恤之

二十年秋河內出雲近江播磨飢賑給之冬十月乙丑

詔免京畿七道田租

天平感寶元年

七月以後孝謙帝天平勝寶元年

春二月壬戌敕曰頃

年補任郡領國司先論譜第優劣身才能不舅甥之列

國史紀事本末

卷十三

二十六

又免天下田租

孝謙天皇天平勝寶二年夏六月癸亥備前飢賑給之三年冬十一月己丑敕免元年已前公私負債四年春二月丙寅令陸奧調庸多賀以北諸郡輸黃金冬十一月己酉敕諸國司欠失官物據法處分而郡司未嘗科斷自今已後郡司亦解見任雖有重大譜第不得任用子孫

五年秋九月壬寅攝津海澱漂溺者衆移海濱居民於京師空地冬十二月免攝津田租西海道諸國飢免田租

六年秋九月丁未，敕如聞諸國司貪求利潤，輸租不實，舉稅多欺，繇是百姓漸勞，正倉頗空，宜令京及諸國田租不論得不悉皆全輸，正稅之利舉十取三，但田不熟，至免調庸限者，准令處分。冬十月乙亥，令諸國禁雙六，是歲諸國大風水，賑恤之。

天平寶字元年夏四月辛巳，敕曰：天下百姓，成童之歲，則入輕役，既冠之年，便當正役，先帝愍之，欲變其法，猶未施行，自今以後，宜以十八為中男，二十二已上為正丁。冬十月庚戌，敕曰：如聞諸國庸調脚夫事畢歸鄉，路遠糧絕，又行旅病人，無人恤養，並辛苦途中，遂致橫斃。國史紀事本末 卷十二 二十七

朕念乎此，深增憫矜，宜令官司給糧與藥，怠緩不行者，科違勅罪。乙卯，太政官處分。比年諸國司交替之日，各貪公廨，競起爭論，自失上下之序，既虧清廉之風，故今立式。凡國司處分公廨，總計當年所出公廨，先填官物之欠，負未納，次割國內之儲物，後以贏餘作差處分。其法長官六分，次官四分，判官三分，主典二分，史生一分。博士醫師准史生。

二年春正月戊寅，遣清平使於諸國，問民疾苦。又謂之問民，苦使。秋七月癸酉，從東海東山問民，苦使藤原淨辨請，敕諸國以六十為老丁，以六十五為耆老。八月癸

亥，置武藏新羅郡。九月壬申，西海道問民，苦使藤原楓麻呂奏民疾苦二十九件，敕太宰府處分。丁丑，定國司交替之期，官符到日限百二十日還京。冬十月甲子，敕吏者民之本也，數遷易則民不安，居久積習則民知所從。頃年國司交替，以四年為限，斯則適足勞民，未可以化。古者三載考績，三考黜陟，自今以後，宜以六歲為限，省送故迎新之費，每至三年遣巡察使推驗政迹，慰問民憂，待滿兩迴，隨狀黜陟。

廢帝天平寶字三年夏五月甲戌，敕曰：頃聞三冬之間，市多餓人，尋問其由，皆云諸國調脚不得還鄉，或因病憂苦，或無糧飢寒，朕竊念茲情，深矜愍，宜隨國大小，割出公廨以為常平倉，逐時貴賤，糶糴取利，普救還脚飢苦，非直霑諸國民，兼調京中穀價。東海東山北陸三道左平準署掌之，山陰山陽南海西海四道右平準掌之。六月丙辰，播磨大掾山田古麻呂奏：正丁百姓或生五男已上，年登二十已上，乃輸庸調，父子俱從課役，伏乞庶民生丁男五口已上者，免其課役。許之。秋九月戊寅，乾政官奏：百姓輸調，其價不同，理須折中以均賦役。許之。己丑，置出羽雄勝平鹿二郡。冬十二月丙申，令巡察使檢武藏隱沒田九百町，備中二百町，是後諸道巡察

國史紀事本末

卷十二

二十八

使亦皆檢田使未至而先自首者免罪

四年春正月癸未遣巡察使於七道三月諸國飢疫賑給之夏五月戊申勅頃者疾疫流行黎元飢苦當道巡察使與國司視問患苦賑給之巡察使已過之處國司專賑給之秋八月甲子敕曰大隅薩摩壹岐對馬多禰等司身居邊要稍苦飢寒出舉乏稻曾不得利欲運私物路險難通宜割太宰所管諸國地子給守一萬束掾七千五百束目五千束史生二千五百束以資遠戍冬十一月壬辰敕七道巡察使所勘出田宜隨地多少量加全輸正丁有不足者以爲棄田使貧家繼業

國史紀事本末

卷十二

二十九

五年春二月戊午越前加賀郡少領道勝石出舉私稻六萬束坐違勅沒利稻三萬束三月丙戌朔乾政官奏曰外六位已下不在蔭親之限由此諸國郡司承家者已無官路潛抱憂嗟請許少領已上嫡子出身許之秋八月癸丑朔敕曰頃見七道巡察使奏狀曾無一國守領政合公平竊思貪濁人多清白吏少朕聞授非賢拓萬事成邪任得其才衆務悉理如國司一色親管百姓獎導風俗字撫黎民特須精簡其居家不孝在國不忠見利行非臨財忘恥上交違禮下接多諂施政不仁爲民苦酷差遣邊要詐稱病重仕使熱官競欲自拜如此

之流傷風亂俗雖有周公之才不足觀也自今以後勿復任用若悔過自新必加褒賞迷塗不返永須貶黜美作介犬養沙彌麻呂坐不告官長恣行國政奪官

六年夏四月丁巳修河內狹山池堤六月戊辰修河內長瀬堤是歲諸國飢美濃飛驒信濃地震並賑給之

七年春正月戊午以去歲五穀不登免去歲以前公私逋負三月丁卯令天下諸國進不動倉鈎匙以國司交替繇此多煩也秋九月庚子朔敕曰疫死無數水旱不時神大屢作徒損官物此國郡司不敬國神之罪也一旬亢旱已苦無水數日霖雨乃嗟流亡此國郡司不修

國史紀事本末

卷十二

三十

堤堰之過也自今以後如有此類自目以上宜悉遷替是歲諸國大飢賑給之且免田租

八年春三月淡路比年大旱無種可播轉紀伊稻坑之秋八月己卯遣使鑿池於大和河內山背近江等國是歲諸國飢賑給之米石千錢

稱德天皇天平神護元年春二月庚寅糶左右京穀各二千斛穀斗百錢三月丙申敕聞墾田據天平十五年格任爲私財無論三世一身永年莫取繇此天下競爲墾田勢力之家驅役百姓貧民無暇自存自今以後一切禁斷勿令加墾夏五月丙辰糶穀一千石於貧民六

月庚午糶穀二千石、鹽一百石於貧民。癸酉敕天下諸國郡司六位己下至白丁、糶米二百石、敘位一階、每加二百石、進一階、是歲諸國飢、賑給之。

二年春二月甲午、敕貯蓄者爲國之本、宜募運近江稻穀五萬斛、納於松原倉、白丁運五百斛、敘一階、每加三百五十斛、進一階、有位每三百斛加敘一階、夏五月戊午、大納言吉備眞備奏、樹二柱於中土生門西、其一題曰、百姓有冤枉者、宜至此下、申訴。六月日向大隅薩摩大風、詔免柵戶調庸、大隅神造新島震動不息、民多流亡、賑恤之。左右京及大和頻年不登、敕免負租。秋九月

國史紀事本末 卷十二

三十一

戊午、敕曰、比見伊勢美濃等國奏、大風損官舍甚多、有人殞命者、昔不問馬、先利深仁、今也傷人、朕甚悽歎、如聞國司等朝委未稱、私利早著、倉庫懸罄、稻穀爛紅、已忘暫勞永逸之心、遂致雀鼠風雨之患、良宰莅職、豈如此乎、自今以後、永革斯弊、宜令諸國具錄歲中修理官舍之數、付朝集使、每年奏問。戊辰、敕麥者繼絕救乏穀之尤良、宜令天下諸國勸課百姓種大小麥。戊辰已下類聚三代格丙子、遣巡察使於諸國、訪民疾苦、西海道令太宰府勘檢。冬十月丙戌、禁員外國司赴仕。十一月己未、以陸奧磐城宮城二郡穀一萬六千四百餘斛賑貧民、是歲

淡路石見和泉等國飢、賑給之。

神護景雲元年春二月、運播磨稻四萬束於淡路、讚岐稻四萬餘束於和泉、以充種子。夏四月癸卯、敕農者天下之本也、吏者民之父母也、勸課農桑、令有常制、比來諸國頻年不登、非唯天道乖宜、抑亦人事怠慢、宜擇國司恪勤尤異者一人、郡司及百姓謹愍者郡別一人、禱祀神祇、勸課農業。五月壬子、貸種子於畿內。六月癸未、東山道巡察使淡海三船坐檢括苛酷奪官、是歲尾張山背等國飢、賑給之。美濃比年早飢、免逋租。

二年春三月乙巳朔、先是東海道巡察使紀廣名言、公

國史紀事本末 卷十二

三十二

戶百姓時有霑恩、寺神封戶、未嘗被免、率土黎庶、苦樂不同、請一准公民、俱沐皇澤。山陽道巡察使言、長門豐浦厚狹等郡宜蠶、請停調銅輸綿、是日並許之。秋八月、鑿下總毛野川、達常陸新治郡、兩國猶以舊川爲界。九月壬辰、陸奧言、此地祁寒、積雪難消、僅入初夏、運調上道、梯山帆海、艱辛備至、季秋之月、乃還本鄉、妨民之產、莫過於此、望請調庸收置於國、十年一度、進納京庫、許之、是歲信濃人倉橋廣人出私稻六萬束、償貧民負稻、免其田租終身。

三年夏六月、改備前藤野郡爲和氣。秋九月壬申、尾張

請鑿鵜沼川復舊道許之是歲下總志摩飢賑給之尾張大水賜貧民穀各一斗

四年

十月以後光仁帝寶龜元年

西海道大風美濃霖雨京師土佐

但馬飢疫並賑給之

光仁天皇寶龜二年冬十月己卯改東山道武藏屬東海道十二月己未罷筑前官員隸太宰府是歲石見飢賑給之

三年秋九月癸卯遣使諸國檢損田冬十月辛卯停郡司少領已上嫡子出身及墾田之禁是歲大風免京畿七道遭風者田租讚岐尾張飢疫豐後山崩並賑給之

國史紀事本末

卷十二

三十三

四年春三月天下穀價騰貴百姓飢困公卿奏曰常平之義古之善政養民救急莫尚於茲請准國大小以正稅穀據賤時價糶與貧民所得價物全納國庫至於秋時買成穎稻國郡司及富有百姓並不得賣違者科違救罪如百姓准賤時價糶私稻滿一萬束者不論有位白丁敘位一階每加五千束進一階但五位已上不在此限許之乃遣使七道糶諸國穀秋八月庚午先是上總下總正倉火是日救諸國郡司失火燒官物者主帳已上皆解見任其以公事入京及獲放火賊功効可稱者量事處分譜第之徒情挾覬覦事涉故燒者一切勿

得詮擬乃簡郡中明廉清直堪時務者任用之當國軍穀不救火者亦准郡司解卻是歲志摩尾張近江等國飢參河近江飛驒出羽大風並賑給之伊賀疫遣醫救之

五年春三月丁巳敕比年員外國司其數寔繁徒有煩擾之患彌乖簡易之化宜令所司歷仕五年已上一皆解卻秩未滿者每滿五年解仕不必待符秋九月壬寅令天下諸國修造溝池癸卯遣使諸國覆損辛酉遣使畿內脩造陂池差三位已上為檢校國一人是歲京師及尾張讚岐參河能登等國飢賑給之賜諸國糶私稻者十一人爵各一級

國史紀事本末

卷十二

三十四

六年春二月丙子遣使伊勢繕修度會郡堰溝且命巡視多氣度會二郡之地宜耕種處三月乙未始置伊勢遠江武藏下總美濃陸奥越前播磨肥後少目各二員參河駿河下野越中但馬因幡伯耆美作備中阿波伊豫土左豐前大少目員常陸少掾二員少目二員冬十一月丙申遣使畿內修造溝池是歲讚岐備前參河等國飢賑給之伊勢尾張美濃大風水漂沒民三百餘人案檢被害者日向薩摩風雨損桑麻免調庸七年春正月戊申遣檢稅使於七道秋八月諸國蝗畿

內遣使巡視餘令國司檢之

八年讚岐隱岐伯耆飢賑給之

九年春三月土左言去歲七月大風雨人畜流亡廬舍破壞賑給之

十年夏閏五月甲寅贈故河內守佐伯國益正五位上賜稻千束褒庶勤也秋八月庚申敕牧宰之輩就使入京或無返抄獨歸任所或稱身病延日京下而求預考例兼得公廨又奸民規避拙吏忘催公用之日還費正稅若有此類國司奪料郡司解任九月甲午敕曰頃年百姓競求利潤或舉少錢貪得多利或期重契強責質

國史紀事本末

卷十二

三十五

財未經幾月忽然一倍窮民酬償或至滅門自今以後宜據令條不得過一倍之利不悛者科違敕罪冬十一月乙未敕曰出舉官稻每國有數如致違犯乃有刑憲比年國司尚乖朝委苟規利潤廣舉隱截無知百姓爭咸貸食屬其徵收無物可贖賣宅賣田浮逃佗鄉民之受弊莫甚於此自今以後隱截官稻者宜隨其多少科斷永歸里巷以懲贓汙又調庸發期具著令條比來寬縱多不依限遂使隔月移年交關祭祀之供自春夏既之支度之用自今以後有違犯者主典已下所司科決判官以上錄名奏聞是歲因幡山崩水溢駿河大水

賑給之

十一年春三月辛巳太政官請省冗官以息民從之冬十月丙辰伊勢言當土之民浮宕部內差科之日徭夫數少精加檢括多權隱遁並悉編付本籍益口且千調庸有增於是令七道檢括一准伊勢又敕天下百姓規避課役流離佗鄉雖有懷土之心遂懼法而不返宜據養老三年格悉加捉搦願留者編附當處願還者差綱遞送國郡司及百姓懷詐容匿者官人解却見任百姓決杖一百永爲恒例冬十二月甲辰敕左右京聞比來無知百姓構合平現妄崇淫祀芻狗之設符書之類百

國史紀事本末

卷十二

三十六

方作怪填溢街路托事求福頗涉壓魅自今以後嚴加禁斷是歲駿河伊豆飢疫賑給之

天應元年夏六月戊子朔敕國司多乖朝委或未知欠倉且用公廨或不畏憲綱肆漁百姓故今擇其奸濫尤甚者秩雖未滿隨事貶降自今以後內外官人立身清謹處事公正者所司採訪授以顯官在職貪殘狀迹濁濫者宜遣巡察採訪黜降普告遐邇知朕意焉癸卯降太宰帥藤原濱成爲員外帥以無善政也是歲以從五位下藤原園人爲備中守有治績國人爲建生祠有治績已下公卿初稱德帝時僧道鏡擅權輕興力役多營伽藍

公私彫喪、國用不足、政刑日峻、殺戮妄加、天下稱冤、及帝即位、務舉大綱、不在苛察、四海晏如、刑罰無用、論者謂寬仁大度、有君人之德焉。

桓武天皇延曆元年冬十二月壬子、詔曰、公廨之設、先補欠員、次割國儲、然後作差處分、如聞諸國曾不遵行、所有公廨、且以費用、至進稅帳、詐注未納、繇此前人滯於解由、後人煩於受領、於事商量、甚乖道理、又四位已上、冠蓋既貴、榮祿亦重、授以兼國、佇聞善政、今乃苟貪公廨、徵求太甚、至于遷替國司、滿百二十日、未得解由者、宜奪憲、自今以後、遷替國司、滿百二十日、未得解由者、宜奪國史紀事本末 卷十二 三十七

位祿食封、以懲將來、是歲、以陸奧兵亂、赦給復三年、武藏、淡路、土左等國飢、賑給之。

二年冬十二月戊申、禁富民出舉錢財、貧民宅地為質、及京地諸寺貪求財利、取宅為質、三年秋九月、京師大雨、壞民家、賑之、閏月、河內、茨田郡堤決、發單功六萬四千餘人築之、冬十一月庚子、詔曰、民惟邦本、本固國寧、民之所資、農桑是切、比者諸國司等厥政多僻、不愧撫導之乖、方唯恐侵漁之未巧、或廣占林野、或多營田園、百姓彫弊、職此之由、宜加禁制、懲革貪濁、自今以後、國司等不得公廨田外更營水田、又

不得私貪墾闢、侵百姓農桑地、如有違犯者、收穫之實、墾闢之田、並皆沒官、卽解見任、科違敕之罪、夫同僚知而容隱、亦與同罪、若有糾告者、以其苗子與之、十二月庚辰、詔曰、山川藪澤之利、公私共之、今聞王臣家及諸司寺家、包并山林、獨專其利、此而不禁、百姓何濟、宜加禁斷、公私共之、違犯者、科違敕罪、所司阿縱、亦與同罪、是歲、越後言、蒲原郡人三宅笠雄、麻呂蓄稻十萬、積而能散、寒者與衣、飢者與食、赦授從八位上。

四年春正月癸亥、以攝津蒲生郡大領佐貴山由氣比、丹波天田郡大領丹波廣麻呂、豐後海部郡大領海國史紀事本末 卷十二 三十八

部常山等撫民有方、並授外從五位下、夏四月辛未、置陸奧多賀階上二郡、秋七月丁巳、敕曰、正稅者國家之資、水旱之備也、而比年國司苟貪利潤、費用各衆、官物減耗、倉廩不實、職此之由、自今以後、嚴加禁止、國司如有一人犯用、餘官同坐、並解見任、永不敘用、贓物令共填納、不在免死、逢赦限、遞相檢察、勿為違犯、是歲、周防出羽丹波飢、河內大水、遠江下總常陸等國大風、賑給之。

五年夏四月庚午、詔曰、國宰郡司、政治民多乖朝委、廉平稱職、百不聞一、侵漁潤身、十室而九、官司豈合如

此宜隨事貶黜其政績有聞者亦當甄錄所司宜明作條例奏聞於是太政官商量奏其條例如撫育有方戶口增益勸課農桑積實倉庫凡數條國宰郡司等有當二條已上者進階又如官貪濁處事不平肆行奸猾以求名譽凡數條國宰郡司當一條已上者解其見任奏可之六月乙未朔敕頃年正倉罹災獨罪郡司不及國司事稍乖理自今以後宜奪國司公廨填燒失官物郡司不在會赦之限秋九月丁未攝津職言諸國驛戶免庸輸調畿內本自無庸比於外民勞逸不同逋逃不禁良為此也驛子之調請從免除許之畿內皆准攝津

國史紀事本末

卷十二

三十九

冬十月常陸信太郡大領物部志太大成以私財賑給百姓授外從五位下

六年春三月甲辰詔曰養老之義著自前修歷代皇王率由斯道方今時屬東作人赴南畝迺瞻生民情深矜恤畿內七道諸國百歲已上各賜穀二斛九十已上一斛八十已上五斗初大寶制春時祭田之日集鄉之老者行鄉飲酒禮使人知尊長養老之禮初以至是帝賜老人穀冬十月丁亥以諸國豐稔詔賜天下百歲已上穀入三斛九十已上二斛八十已上一斛其餘窮民悉加賑恤

七年夏四月不雨者既五月癸巳帝沐浴下殿親祈有頃雨至羣臣舞蹈呼萬歲賜五位已上衣五月己酉遣使祈雨伊勢神宮及七道名神是夕大雨遠近遂得耕殖六月癸未置備前磐梨郡

八年秋七月甲寅敕伊勢美濃越前曰置關之設本備非常今正朔所施區宇無外徒設關險隔絕中外無益時務有切民憂三國之關一切停廢所有兵器糧糒運收於國府○令義解曰伊勢鈴鹿美濃不破越前愛發是為三關是歲美濃尾張參河大飢雖加賑恤不能自存乃遣使開倉糴穀價物收貯國庫待秋成買穀名曰救急伊賀下野等國飢賑給之

國史紀事本末

卷十二

四十

九年秋九月丙子以旱疫免京畿田租是歲太宰府請賑恤所部飢民八萬八千餘人許之諸國飢賑給之常陸信太郡大領物部大成新治郡大領新治直大直播磨明石郡大領葛江我孫馬養等或有治績或以私財贍貧民皆進位階

十年春二月癸卯敕諸國倉庫不可相接一倉失火合院燒盡自今以後新造倉庫各相去十丈已上隨地寬狹量宜置之夏五月戊子先是諸國司收常荒不用之田以班百姓口分徒受其名不堪輸租又王臣家國郡

司及殷富百姓或以下田易上田或以便地換不便是日令所司據天平十四年圖籍改正六月甲寅先是敕禁王臣家及諸司寺家專占山野是日遣使山背勘定公私地界秋九月甲戌禁伊勢尾張近江等國百姓殺牛以祭漢神是歲豐後日向等國飢賑給之

十一年冬十月丁未停相摸獻橘伊豫獻瓜以路遠也閏十一月壬辰敕今聞畿內百姓奸詐多端或競增戶口或浪加生年宜勘真偽乃給其田若致踈略處以重科類聚國史以下

十二年春三月丁亥改攝津職爲國類聚三代格

國史紀事本末 卷十二 四十一

十三年冬十一月改山背國爲山城日本紀略

十四年夏四月甲子禁百姓施舍貿易田宅園地於佛寺六月己亥丹後介御長仲嗣言國內有乘稻四萬六千一束即賜仲嗣以勸後輩秋閏七月乙未朔詔曰字

民之道義資恤隱富國之方事在薄歛如今諸國出舉正稅收半倍息利貧窮之民多破家產興言於此深以閔焉古人有言百姓足君孰與不足其論定公廨及雜色等稻出舉息利始自今年一從省減率十束收利三束布告遐邇使知朕意丁未武藏守都努筑紫麻呂等免官以隱截官物也類聚國史己酉令諸國每鄉建倉院以

便百姓置倉之法一據十年符相去各十丈類聚三代格乙卯敕諸國百姓出舉之日多受正稅收納之時競告死亡課口隱沒正稅多損自非釐革何絕姦源自今以後死者所負官稻不合除免類聚國史八月己卯廢近江相坂刻甲午停巡察使九月乙卯以肥後爲大國日本紀略是月停諸國每鄉建倉院置之便地類聚三代格

十五年秋八月己卯敕諸國更作地圖冬十一月庚子停備前貢鐵代以絹絲以國中不產鐵也是歲尾張志摩飢賑給之日本後紀殘編

十六年春二月壬申停畿內國司給事力及職田甲申國史紀事本末 卷十二 四十二

敕租稅之本備於水旱錢帛之財飢不可食今聞京職多收錢須賤末貴本一絕收錢但民有貧富不必畜穀宜聽貧民進錢通計不得過四分之一三月戊子先是

甲斐相模爭界遣使定甲斐都留郡砥澤爲界東爲相模西爲甲斐是月甲斐下總等國飢賑給之日本後紀殘編夏四月甲戌敕太宰府檢括浪人類聚三代格五月遣使糶畿

內屯田稻辛丑糶武藏下總稻六月庚申詔曰古者什一而稅謂之正中三代因循頃聲作矣國家薄征利農務恤民隱是以制令之日田一町租定爲二十二束其後減爲一十五束以今況古輕重相懸而今民部勘租

之例、通計國中、以七分已上爲定、所餘三分、任國司處分、如今諸國之司、偏執斯例、雖遇年豐穰、全徵其租、而至於納官、不過七分、所餘常事、截留農夫、以之受弊、貪吏因茲擅利、自今以後、收租之法、宜計人別所營町段、作十分、收八免二、其八分之內、計損四分、班告率土、知朕意焉、秋八月丙辰、敕淳宕之徒、寄住王臣之莊、假勢其主、全免調庸、又莊長多營私田、假威乘勢、蠹民良深、奸猾之源、不可不絕、宜加禁制、類聚國史

十七年春正月甲辰、停公廨混正稅、丁未、停伊勢美作等國獻早粟、類聚國史二月壬戌、停近江守係仗、日本國史丙寅

國史紀事本末

卷十二

四十三

禁郡司正員之外、更置副擬、類聚代格三月丙申、詔曰、昔

難波朝廷始置諸郡、擇有勞補郡領、子孫相襲、永任其

官、其譜第之選、永從停廢、取藝業著聞堪理郡者爲之、

國造兵衛亦停之、夏六月乙酉、敕國司借貸官稻、先已

禁斷、今聞自停職田、只待食斷、非有借貸、更無資糧、宜

令一年之料三分之一、準其差法、且借且補、冬十月丁

亥、停出雲筑前國造兼郡領乙未、敕量收備穀、斗斛有

限、經年除耗、法令立例、今或所司斛斗之外、更加耗分、

備則一俵二升已上、穀亦斛別五升已上、輸納百姓常

苦此費、自今以後、檢收備穀、不得數外更加耗分、如有

違犯、據法科處、度量權衡、既具令條、然所司怠慢、曾不遵行、大小任意、輕重由人、收納多濫、蠹害尤甚、自今以後、宜改此弊、升尺等類、就大藏省、據法平校、永絕奸源、若違此制、實嚴科、又租稅調錢、出納有限、收徭充用、色數非一、奸吏之輩、犯用官物、名公文剩、不憚憲章、心挾貪濁、競事截留、至有剩徵田租、奸折調錢、贓汙多端、積習無悛、不設科條、何以懲肅、其來年正月以後、若有犯者、據法科罪、又物有貴賤、價異高下、夏絕秋穀、色類既多、諸國交易、先立沽價、貴時強與賤價、賤時詐註貴直、遂事割截、枉規利潤、蠹民害政、莫甚於斯、宜改前過、不

國史紀事本末

卷十二

四十四

得重犯、候物賤之時、充和市之價、據實奏上、不得奸截、

如猶不悛、科違敕罪、類聚國史是歲阿波飢、賑給之、日本國史

十八年春二月己丑、敕出舉私稻、先已禁制、如或違犯、

卽有嚴科、而去年不稔、百姓乏食、諸國出舉、定難周贍、

因時弛張、古今通典、宜寬前制、暫任民情、其收息利率、

十收三、如過此限、罪亦如前、夏四月癸未、以澇水損稼、

檢山城河內攝津貧民、給正稅、己丑、賑左右京貧民、士

寅大和守藤原園人請畿內郡司居內考計之、六月癸

巳、停出舉私稻、冬十一月甲寅、禁備前豪強妨奪兒島

郡鹽戶、甲子、敕先遣問民苦使、採訪政迹、思明激揚、以

嚴黜陟。今閱使狀違犯者多。理須峻刑。永懲後輩。去延曆十四年。簡差使者。擬遣巡察。慮彼自新。未遽發遣。而慢法不悛。縱欲無厭。十五年。以還有犯。國司以下。宜依法斷。以懲將來。但犯佃田三町以下。及驅使兵士者。特從寬宥。十四年。以往所犯。積習已久。卒難洗滌。事無輕重。一從原免。十二月丁酉。式部少輔和氣廣世。請以父清麻呂備前私墾田一百町。為賑救田。以成父志。許之。是歲。南海西海山陽諸國飢。賑給之。日本後紀殘編

十九年春二月壬申。禁百姓納錢求爵。類聚三夏四月

丁丑。禁伊賀豪民廣占山林。庚辰。賜綿種於紀伊淡路

國史紀事本末

卷十二

四十五

阿波讚岐伊豫土左及太宰府殖之。崑崙人所資也。其法先簡陽地沃壤。掘之作穴。深一寸。相去四尺。洗種漬之。經宿殖之。一穴四枚。以土掩之。每旦灌之。常令潤澤。待生芸之。帝之用心民事如此。乙酉。公卿奏曰。美濃言賀茂可兒惠奈土岐四郡居山谷際。土地境墾。雖比郡有年。而損荒常多。通計彼此。僅為得七。而今據收八法。全徵百姓苦之。伏請賀茂惠奈二郡收六。土岐可兒二郡收七。永為恒例。臣等商量。地有沃瘠。上下不等。賦稅之法。不可一概。據令損田五分者免租。而今之所行。不勘五分已下。損計人別所營。一概收八。貧弊之民。不堪

辨備。非獨美濃。夫百姓之於賦役。增一分則以為甚重。減一數則甚以為悅。伏望改新制而收七。依舊法而免三。不用通計。一依新制。許之。五月癸丑。敕天下田租改張前例。十分之內。免而收七。而國郡官司或不頒行。宜令諸國不得更然。類聚國史秋八月丁亥。復國司公廨田。日本紀九月丁酉。復公廨出舉法。冬十一月庚申。禁外民冒名貫京畿。十二月停筑前宗像郡大領兼宗像神主。辛未。收大隅薩摩墾田。更授口分。類聚國史

二十年夏五月甲戌。敕諸國調庸入貢。而或川無橋。津

乏舟。民憂不少。貢調之時。令路次諸國設舟楫浮橋。永

國史紀事本末

卷十二

四十六

為恒例。日本紀略

二十一年壬戌。敕如聞山城百姓賣買水田。以稻為直

準錢論之。町過萬錢。自今以後。土田一町直錢四千。中

下準此差減。是歲免三十餘國損田租調及十餘國負

稅。類聚國史

二十二年夏六月癸巳。遣使大和。借貸貧民。類聚國史

二十三年夏四月辛未。制河岸類壞。西損公田。則東邊

點為私地。如此經年。公損幾何。天平十四年以降。新成

田數。細勘奏上。不得踈漏。冬十一月壬午。停筑前志摩

郡綿調代以錢。是歲免淡路窮民負稅九萬三千九百

東攝津飢賑給之日本後
紀殘編

二十四年夏四月癸卯敕如聞貢調脚夫在路留帶橫
斃者衆良由路次國郡無意撫養自今以後如有此類
官司據法科處六月丁未停近江丹波丹後等十一國
貢彩帛復貢絹秋七月丁亥常陸人生部廣成敘從八
位下以出私財贍貧民也壬辰敕如聞疫癘之時民庶
相憚不通水火存心救療何有死亡宜諭所司務存匍
匐是歲備後甲斐等國飢賑給之日本後
紀殘編
二十五年五月以後平城
帝大同元年春正月甲午敕出舉雜稻利
止半倍死者負稻依舊免除夏五月己巳以頻歲不登

國史紀事本末

卷十二

四十七

敕貸正稅於貧民丁亥置六道觀察使六月癸巳朔山
陽觀察使藤原園人言西海道雜使入京其數繁多而
本道疲弊殊於佗界由迎送無息不得顧私伏望西海
道五位以上自非扶滿解任不聽輒入京許之己亥增
太宰府大少監大少典各二員閏月禁勢家專山海之
利秋八月乙酉東海道觀察使藤原葛野麻呂請公廨
等稻不勞爲槌以省民勞許之九月壬子遣使封左右
京及山崎津難波津酒家甕以水旱爲災米價騰躍也
日本後
紀殘編冬十一月乙未免筑前肥前二年田租筑前肥
後豐前豐後日向大隅薩摩壹岐各一年伊賀紀伊淡

路備後安藝周防田租限六年免四收六以民凋弊也
類聚
國史

平城天皇大同二年春正月丙午東海道觀察使藤原
葛野麻呂請據令課植桑漆許之類聚
代格夏五月癸卯
停諸國貢米女類聚
國史秋七月己酉聽畿內國司私佃守
十町介八町據六町目四町史生二町日本
紀略九月己亥
山陽道觀察使藤原園人以播磨國內封戶甚多民勞
於運租請減省之許之壬子敕巫覡之徒妄說禍福庶
民之愚仰信妖言淫祀斯繁厭咒亦多積習成俗虧損
淳風自今以後宜一切禁斷是日東山道觀察使安倍

國史紀事本末

卷十二

四十八

兄雄言當道諸國正稅公廨準戶口數增減爲舉許之
類聚
國史冬十月壬申公卿奏曰頃年國司交替皆四考爲
限宜以六歲爲限許之日本
紀略丙子太宰府言壹岐多穢
兩島校出隱田一百四十町請準諸國賜島司許之十
一月乙丑詔曰百姓所輸調庸雜物今須一丁輸絹若
純長一丈闊二尺四丁成匹類聚
國史
三年春正月己丑賑給京師疫民甲子給醫藥乙未遣
使收掩疫死道路者二月丙辰敕諸國看養道路飢疫
之民收歛死者類聚
國史夏四月淡路飢賑給之五月乙未
復置筑前守介據大少目各一員庚子山陽道觀察使

藤原園人奏言播磨備中備後安藝周防守國延曆四年以降二十四年已往庸及雜穀等未進其數不少良由頻年不稔人民凋弊也今將追辦本色國司則或死或替百姓則且病且飢伏望未進代一收額穀混合正稅庶於公無損於私得便但任觀察使以來一依舊辦進許之秋八月乙卯令諸國進徭帳以諸國雜徭差役各殊也九月戊戌敕去五月詔曰飢疫諸國今年之調宜咸免除今聞國司等或免見病之輩徵未病之民宜早下令莫令更然是歲伊賀大水免大同元年正稅未納一萬九千束但馬飢賑給之日本後紀編

國史紀事本末 卷十二

四十九

四年春正月丁亥令諸國停七日十六日節會獻珍味以煩民也日本後紀編夏四月辛卯以諸國損弊停觀察使食封授以外任日本後紀略乙巳停五位已上不進義倉者位祿封物類聚代格三秋九月丙午停役諸國脚夫於京下以

早渡也類聚國史

嵯峨天皇弘仁元年夏六月丙申太上皇詔罷觀察使

日本後紀略秋九月庚申制諸國出舉官稻率十束收利三束陸奥出羽不在此限日本後紀編

二年春正月甲子敕占野開田之徒就國請地之日不顯町段遠包四至損公妨民莫甚於此自今以後宜勘

町段勿依四至又陸奥出羽土地曠遠居民稀少百姓浪人隨便開墾國司巡檢隨即收公是以人民散走無有靜心兩國開田雖無公驗不得收公二月己卯詔曰夫郡領者難波朝廷始置其職有勞之人世序其官逮延曆中偏取才良永廢譜第今省大納言藤原園人奏云有勞之胤奕世相承郡中百姓長幼託心臨事成務實異它人而偏取藝業永絕譜第為政則物情不從聽訟則決斷無伏伏請郡司之擬先取譜第後及藝業實得其理宜依來奏庚申聽太宰府官及所管國司公解四分之一年漕于京遙授之官半公焉改上野為大國

國史紀事本末 卷十二

五十

壬午敕常陸去京遙遠貢調脚夫路糧多費靈龜中守石川雖波麻呂始置稻五萬束每年出舉以利充糧名曰郡發稻用度載帳奏上而諸司勘出不聽出舉宜令依舊三月乙巳始令諸國進停囚帳是月出羽守大伴今人討蝦夷有功先是今人為備關守與掾河原廣法議欲穿山鑿石以開大渠百姓苦之謗議紛然既成民蒙其利呼曰伴渠時人謂西門約復生不能加也夏五月辛丑敕諸國所進春米庸米自大同三四兩年遭旱不得悉進若隨色辦備恐致民苦今官庫之貯頗有盈餘宜任土所生貿與調物但畿內混合正稅癸丑以諸

國彫弊、救賑給窮民、准延曆十九年例、甲寅、敕農人飲酒、食肉禁制惟久、而國司寬縱、無意糾斷、今須遣使重加督察、日本後紀殘編

三年春正月丁卯、贈故下野介高原源從五位下、以其善政傳於後也、夏五月庚申、敕諸國司公廨田之外、營水陸田、特立嚴制、而諸國不奉朝憲、百端奸欺、或假它人名、多買墾田、或托言王臣、競占腴地、民之失業、莫不由此、違犯者科違敕罪、一如先敕、六月壬子、大納言藤原園人請禁京師人奪譜第、補郡領、許之、日本後紀殘編

四年春二月丁酉、授上野甘樂郡領壬生郡司外從六位下、以戶口增益也、戊申、制損稼之年、土民倂囚、咸被其災、而賑給之日、不及倂囚、自今以後、宜準平民預賑給例、日本後紀殘編夏五月丙子、敕治國之要在於富民、今諸國之吏、深乖委寄、或差役失時、或專事侵漁、繇此黎元失業、飢饉相尋、非有災稔、常告民飢、年年賑給、倉廩殆罄、儻有災害、何以相濟、自今以後、非有田業損害及疾疫、不得輒請賑給、是歲、筑前肥前等國大風、免租調、石見安藝大水、免逋負、大隅薩摩蝗、免未納稅、日本後紀殘編

五年夏五月戊戌、禁國司造新館、日本後紀殘編秋七月庚午、敕畿內近江丹波等國、頃年旱災、稼苗多損、夫孝婦舍

冤、東海蒙枯旱之憂、能吏行縣、徐州致甘雨之喜、然則禍福所興、必由國吏、自今以後、官長潔齋、自禱嘉澍、如不應者、乃奏上之、立為恒例、九月癸巳、禁國司取近郡稻充公廨、以遠郡給百姓、是歲、免大和河內未納稻十萬四千束、日本後紀殘編

六年秋七月甲午、以霖雨、免左右京田租、是日復諸國司遷替、以四年為限、是歲、薩摩蝗、免調庸田租、以頻年不稔、免太宰府管内三年田租、日本後紀殘編

七年秋七月癸未、令畿內七道官長清慎齋戒、奉幣名神、禱止風雨、八月庚申、信濃言、去年不登、國內食乏、請

國史紀事本末 卷十二 五十二

穀一萬斛、交關商布、以救窮乏、許之、冬十月辛丑、敕延曆二十年格云、荒服之徒、未練風俗、馴狎之間、不收田租、其徵收限待後詔、今夷倂歸化年久、漸染華風、宜授口分田、經六年已上者、從收田租、日本後紀殘編

八年春正月甲申、禁畿內郡司得內考者、稱病不視事、日本後紀殘編是歲、信濃長門筑前飢、賑給之、日本後紀殘編

九年秋七月、相模武藏下總常陸上野下野等國地震、山崩、壓死者衆、八月庚午、遣使巡省賑恤、其甚者免租調、日本後紀殘編丙子、令畿內田租停錢收穀、是歲、河內飢、賑給之、日本後紀殘編織部正興世書主為和泉守、治聲頗聞、日本後紀殘編

十年春二月戊辰公卿奏曰頻年不稔百姓飢饉倉廩空盡無物賑粟伏望遣使畿內錄富豪之貯借貸窮民待秋收償之許之三月山城美濃若狹等國飢救倉貯已罄無物賑贍宜加借貸以救其急班給之法准賑給例類聚國史五月戊戌禁國司張飢民損田虛數請賑給六月戊申禁京畿百姓賣麥類聚代格三秋七月辛丑救安藝土地瘠薄其田下下百姓農作未有盈儲是以大同中限六歲國內田租率十分免四今年限既滿弊民未贍宜更延四年是歲薩摩蝗免田租類聚國史春官少進藤原吉野為參河守處事強敏所部肅清續日本後紀

國史紀事本末

卷十二

五十三

十一年春二月己丑遣使作大和高市郡泉池日本和略夏四月庚辰以水旱免天下百姓租稅調庸通員類聚國史秋七月己酉課諸國種大小麥類聚代格三

十二年春二月戊寅賜天下老人穀日本和略夏四月丙戌

先是和大言產業之務非惟堰池浸潤之本水木相生

然則水邊山林必須鬱茂何者大河之源其山鬱然小

川之流其岳童焉爰知流之細大隨山而生夫山出雲

雨河潤九里山童毛盡谿流洞乾伏望水邊山林叢澤

不問公私一禁翦伐是日許之類聚代格三山城攝津河內

大水賑給之類聚國史

大水賑給之

十三年春正月乙未大納言藤原緒嗣奏言臣昔任陸奥出羽按察使往還遠路略知人苦民之重役莫過驛子伏望諸國驛子准書生例每戶量給借貸稻二百束兼擇驛下好田混授一處許之類聚國史是歲山城石見飢甲斐疫並賑給之日本和略以新錢一百貫給諸國貧民類聚國史

國史紀事本末

卷十二

五十四

十四年春二月戊子先是越前守紀未成奏言加賀郡遠去國府往還不便中路有四大川每遇洪水人馬阻絕且郡司鄉長任意侵漁民懷冤屈路遠無訴逃散者衆伏請別建一國名曰加賀是日割越前江沼加賀二郡置加賀國守掾大少目各一員類聚代格三三月京師飢糴穀倉院穀一千斛類聚國史夏六月置越前今立郡加賀

能美石川二郡日本和略是歲大學助藤原衛為遠江守政

貴寬靜百姓欣然前和泉守興世書主為備前守時書

主罷任未還京師乃便道赴任政化大行文德實錄是歲賑

給美濃阿波伊豆近江免參河遠江長門今年庸類聚國史秋八月右

淳和天皇天長元年春三月賑給美濃類聚國史

大臣藤原冬嗣奏時務三條一曰擇良吏臣聞登賢委

任為化之大方審官授才經國之要務今諸國牧宰或

欲崇脩治化樹之風聲則拘於法律不得馳騫邦國殄

痺職此之由、伏望妙簡清公美才以任諸國守介、其新除守介則特賜引見、勸諭治方、政績有著、加增寵爵、公卿有闕、隨即擢用、又反經制宜、勤不爲己者、須從寬恕、無拘文法、二曰、遣巡察使、古者分遣八使、巡察風俗、考牧宰之治否、問人民之疾苦、所以宣風展義、舉善彈違也、伏望遣此使、考其治否、中納言良岑安世奏曰、國守者古之刺史也、稱職之人、不可多得、伏望令一良守、無帶數國、小大之政、從其所請、一二僚屬亦從請任之、夫祿不厚、則人不勸、人不勸、則治不立、請其公廩、攝國之中、擇其殷阜地、以二守祿并給之、宜試於一國、明知治

國史紀事本末

卷十二

五十五

否然後令兼之、帝皆從之、類聚三代格冬十月、以多祢島隸

大隅、日本略紀先是島司一歲給物准稻三萬六千餘束、貢

調不過鹿皮一百餘、右大臣藤原冬嗣以爲宜隸大隅、

問之太宰大貳小野峯守、峯守以爲然、乃有是命、類聚三代格

是歲正五位下伴勝雄爲陸奥守、兼按察使、以清廉

聞、類聚三代格淡路飢、賑給之、日本略紀

二年春正月甲寅、以加賀爲上國、夏五月壬子、先是朝

廷遣使諸國、國司或侮之、是日立制、巡察覆問、檢稅交

替畿內校班田、問民苦等使、準詔使例、賑給校損田地

溝、疫死等使、爲官使、類聚三代格秋七月己酉、先是中納言

良岑安世奏曰、郡領者古之縣令也、親民行化、實在斯職、時澆俗薄、稱職者希、伏望其有善政者、授之位祿、令得自展、是日聽借五位郡領位祿、絹三匹、綿三屯、調布二十端、庸布四十段、政事要略八月丁卯、置畿內七道巡察使、日本略紀冬十二月、越前守紀末成卒、未成博覽文籍、歷數國守、以幹濟聞、贈正四位上、類聚國史

國史紀事本末

卷十二

五十六

據法令贖、許之、三代實錄秋八月壬戌、賑給左右京飢病及

被水害百姓、日本略紀九月中納言清原夏野請以親王爲

國守、且點定數國爲任國、身留京師、不復赴任、敕以上

總常陸上野爲親王任國、改正四位下官爲敕任、號曰

太守、限以一代、不爲永例、類聚三代格是歲右近衛將監藤

原大津爲備後守、頗有聲譽、民庶歌思、文德實錄常陸守甘

南備高直坐前司事、停釐務、吏民感其德、競遺資財、嵯

峨太上皇聞而憫之、令以莊家物任其所須、續日本後紀先

是安部安仁爲近江大掾、介藤原弟雄委以政事、安仁

爲政精練、名聞朝廷、秩未滿授從五位下、爲信濃介、視

事三年、部內肅然、太上皇嘗從容評諸國吏之優劣、以爲不若安仁爲信濃之能、乃賜牙笏、主帶金魚袋及御衣一襲、三代實錄其褒獎良吏如此、

四年春正月丁丑、置畿內按田使、日本略夏五月辛巳、停

郡司二世有功者爲譜第、類聚三代格六月己亥、以四品阿

保親王爲上總太守、日本略是歲、北陸道巡察使和氣仲

世爲近江介、俸祿悉給貧民、式部大丞藤原高房爲美

濃介、咸惠無施、屬託不行、發奸擿伏、境無盜賊、安八郡

有陂渠、堤防決壞、高房欲脩之、土人曰、此渠有神、不欲

蓄水、故前司不敢修、高房曰、苟利於民、死亦不恨、遂驅

國史紀事本末 卷十二 五十七

民築堤、灌溉流通、民賴其利、席田郡有妖巫、種類滋蔓、

民被毒害、長吏恐怖、不敢入部、高房單騎赴之、悉捕其

徒刑之、其害遂止、文德實錄

五年春正月丁丑、置畿內班田使、二月甲寅、帝錢鎮東

按察使伴國道、賜御製詩及衣被珍玩、日本略夏六月壬

午、糶越後穀一萬斛救窮民、類聚國史是歲、大和、大塚、丹墀

門成爲丹波守、土民麤戾、不順教化、號爲難治、門成施

以猛政、笞罰爲先、廳事前、簞楚如積、數年、部內大理、文德實錄

六年夏五月乙巳、大納言良岑安世奏曰、耕種之利、水

田爲本、水田之難、尤在旱損、聞唐國堰渠不便之處、多

構水車、乏水之地、不失其利、此間素無此器、動苦焦損、

宜令民間造之以資農業、貧民不能造者、國司爲造之、

其費用救急稻、許之、類聚三代格

七年夏四月戊辰、先是出羽地大震、山崩水溢、是日詔

免遭災者今年租調、不論民夷、開廩賑之、葺修居宇、勿

使失職、類聚國史冬十一月己亥、賑給伯耆飢民、日本略閏十

二月、出羽守小野宗成、以國中戶口滋殖、請增官員、乃

增目一員、史生一員、類聚三代格

八年春二月戊寅、鑿山城、綴喜郡香建池、日本略夏四月

國史紀事本末 卷十二 五十八

己丑、停太宰府貢鹿尾脯等御贄、五月庚申、增陸奧公

解稻十三萬束、優邊吏也、類聚國史是歲、長門飢、賑給之、日本略

九年夏五月丁未、賑給近江滋賀淺井二郡遭火災者、

類聚國史秋九月丙申、賑給攝津被水害者、是歲、賑給和泉

淡路越前飢民、日本略

十年夏五月丁酉、聽武藏置悲田所於多磨入間二郡

界、建屋五宇、以蔭行旅、壬子、大和以頻年不登、請借富

竟年驅使比之平民受弊殊重請停差調丁驅使徭人許之冬十二月辛卯詔曰如聞諸國糴糶有利於民無損於公自今以後不立年限永俾行之是歲畿內七道飢疫賑恤之坂上清野爲陸奥出羽按察使夷民和親關塞無事坂上以下文德實錄

仁明天皇承和元年冬十二月己巳佐渡以郡司員少請置權任員許之是歲越後石見等國飢賑給之

二年冬十二月癸酉先是太宰大貳小野岑守憫西海行旅病者無所寄宿露臥至死建續命院以養之置墾田百十町恐其久而廢請令府監若典一人勾當其事

國史紀事本末 卷十二 五十九

未及以聞而卒家人尋請之是日許之是歲下總近江伊勢等國飢賑給之

三年伊勢尾張石見等國飢賑給之

四年夏六月丁酉聽出羽最上郡建濟苦院是歲備前和泉淡路等國飢賑給之備前守南淵永河爲太宰大貳仁愛爲務民庶仰慕備前守以下文德實錄

五年夏四月己丑遣使大和錄富豪之財借貸貧民四月已下類聚國史庚子給復筑前筑後肥前豐後諸國貧民一年

五月丙辰赦如聞諸家京中好營水田自今以後一切禁斷但卑濕之地聽種水蔥并蓮冬十月乙未禁畿內

諸國輸錢代稻是歲以近江正稅賑給山城飢民六年春正月丙午赦諸國勸課農桑三月乙酉給復陸奥窮民三萬餘人秋七月庚子令畿內國司勸種蕎麥冬十月丙辰禁畿內百姓刈麥爲蕪

七年春二月壬申相模大住郡領主生廣主以戶口滋殖假外從五位下癸酉赦畿內諸國勸督農事夏五月丁丑赦畿內七道諸國播殖黍稷稗麥大小豆胡麻六月庚寅帝聞諸國飢疫詔國郡司班穀藥天下有水之處任令百姓灌漑先貧後富諸國調庸未進在二年已往者悉免秋九月丁亥對馬島司言年中貢調四度公

國史紀事本末 卷十二 六十

文海路危險屢致漂沒聞新羅船能凌風浪請給一艘許之冬十月丁未伊豫守紀深江卒深江爲人寬和百姓安之遠近稱爲循吏

八年春正月甲子初諸國貢調越前越中能登讚岐十一月爲期後改爲明年二月長門明年正月爲期後改爲四月是日皆復之二月甲寅給復出羽飢民二萬餘人一年秋七月癸酉帝聞伊豆地大震遣使慰撫賑救九年秋七月壬子賜錢左京遭火百姓八月丙子太宰大貳藤原衛奏曰諸國之吏交替旣了未得解由託事格旨留住管内常好農商侵漁百姓巧爲奸利之謀未

觀填納之物、望請交替了者、早俾入京、許之、庚寅豐後
許前介中井王留日向郡侵暴百姓、乃召還之、是歲參
議朝野鹿取兼越中守、臨事明了、以吏幹稱、

十年夏五月丙申、割石見美濃郡、置鹿足郡、是歲伊賀
尾張參河等二十餘國飢、賑給之、帝方諒闇、殊擇治國
之才、以從五位下春枝王嘗為越後介、有聲績、擢為能
登守、能登累歲荒廢、百姓煩擾、春枝傾心撫輯、民賴以
安、正五位下長岑高名為伊勢守、亦有能名、帝方諒闇以下、文德

錄實

十一年夏五月辛丑、淡路言、鄰國漁人三千餘人賣王

國史紀事本末

卷十二

六十一

臣家牒、雲集海濱、侵凌土民、伐損山林、請加禁斷、許之、
是夏賑給越前若狹飢民、秋九月丙寅、近江權守藤原
貞主卒、貞主敏慧、莅政幹濟、案牘成堆、庶務猥積、而貞
主飲酒不輟、醉後割斷如流、吏民不敢欺、是歲中務大
輔清原有雄為攝津守、政有聲譽、國內安靜、倉廩盈溢、
勘解由長官和氣仲世為播磨守、清靜而化、民不敢擾、
左衛門佐藤原大津為伊豫守、歲餘豐稔、百姓富贍、是歲以下、文德

德實錄

十二年秋七月丙寅、太宰府請減史生一員、置醫師一
人、許之、是歲山城飢、賑給之、

十三年春正月乙卯、從五位下山田古嗣為阿波介、古
嗣以孝聞、政績有聲、阿波美馬兩郡常苦旱災、古嗣創
意造陂池、民始獲灌溉之利、人人溫給、古嗣以孝聞以下、文德實錄
二月壬午、從五位上丹墀門成為武藏守、所部曠遠、盜
賊充斥、門成素以剛果聞、未幾風俗肅清、姦猾斂手、所部以下、文德實錄
嘉祥元年春二月甲辰、從四位下藤原岳守為近江守、

岳守性寬和、士無賢不肖、傾心引接、人民老少莫不仰
慕、性寬和以下、文德實錄三月庚辰、以前相模介橘永範請、置救
急院於相模、類聚三秋八月、遣使巡察京中及攝津河

國史紀事本末

卷十二

六十二

內水害、賑恤之、九月築茨田堤、冬十二月丁酉、制權任
國司及史生博士醫師秩滿、不待符而去任、唯獨為長
官者、待受領之人、是歲伊豆淡路越中等國飢、賑給之、
陸奥磐瀨郡權大領丈部宗成等特給職田、以視民有
方、公勤匪懈也、

二年夏四月戊子、敕定諸國穀價、六月己未朔、以霖雨
賑恤京城飢民、冬閏十二月己未、車駕巡省京城、賑給
貧窮者、

三年春二月己未、賑恤京師飢民、夏四月癸酉、詔山野
之禁、本為鶉雉、至於草木、非有所制、如聞所司不熟事

意矯峻法禁奪人介斧捕人牛馬絕其往還妨其樵蘇
爲民之患莫甚於此又聞豪貴之家非有官符妄占山
野多妨民利如斯之類並早禁斷江河池沼之類亦同
准此五月甲午從五位下丹墀門成爲大和守國多豪
宗右姓放縱不制門成施政自如無所迴避境內夷晏
民皆戴之門成雖無才學長於政事所到必樹風聲卒
於官從五位丹墀貞岑爲駿河守爲政清厚吏民稱之
爲政以下三代實錄是冬出羽地大震人民多死遣使賑恤
文德天皇仁壽元年夏五月庚辰賑給左右京遭水不
能自存者六月丙午又遣使者畿內賑遭水者秋八月
國史紀事本末 卷十二 六十三

癸丑以比年大水詔免左右京及五畿內今年租是冬
賑給伯耆飢民給復出雲飯石仁多兩郡遠江城飼郡
百姓一年
二年春二月丁未丹波權守伴成益卒成益爲人質直
在公奉法不阿權貴境內肅然人服其廉潔三月己卯
敕洪範八政食居第一食貨志又云國無粟而可治者
自古未之聞然則王政之要生民之本唯在務農頃年
諸國所告不堪佃其數甚多是由國郡司不勤地利不
重民命之所致矣甚非所以選擇良吏委付黎元之意
也凡治田克勤則畝益三斗少惰則損亦如是其種而

少情所損尚然况廢而不耕其費更甚一畝之田可食
一戶一畝不耕一戶受飢既多不耕之地何少受飢之
人古者州郡官長春出行田若有不耕課而田之獲者
公私半之古人至重地利如此宜下諸道令曉此情國
郡司等躬自巡視脩固池堰催勸農耕力者褒而錄之
情者督而趣之三月以下類聚三代格是歲播磨河內若狹等國
飢賑給之給復肥前豐後貧民一萬六千餘口
三年春正月丁未從四位上正躬王爲丹波守以清簡
稱部內不敢欺以清簡稱以下文德實錄三月先是外從五位下山
田春城遙爲駿河介是月請而赴任時國人迎神於伊
國史紀事本末 卷十二 六十四

豆名阿氣大神國司爲之建祠祠官托言靈異鼓惑國
人春城登時考訊糾其訛僞自是妖言永絕吏人服其
聰察是歲詔美濃出穀一千一百斛太宰府三萬八千
七百餘斛給患飢瘡者
齊衡元年秋八月癸丑朔增陸奥少掾一員戊辰鎮守
將軍兼武藏守伴三宗卒三宗撫邊有方膽略著聞及
卒民夷傷之是歲賑給丹後石見飢民敕陸奥以穀一
萬石賑給倭夷給復陸奥百姓一年

二年夏閏四月丁酉割美濃多藝武義二郡置石津郡
上二郡五月癸丑帝餞太宰大貳正躬王奏樂○禁秘抄曰帥

大貳赴任、上古必賜宴弓場、賜白褂一領、御衣一襲、然錢禮見正史始于此。是歲復出羽窮民一萬九千餘口。

三年春正月丙辰、右京權大夫長岑高名兼山城守、政用嚴明、百姓不擾、常謂子孫曰、吾家清貧、無有斗儲、死必薄葬、卒於官。

天安元年秋七月甲辰、河內越中等國司坐奏不堪佃田失實獲罪。○公事根源曰、九月七日、諸國司奏國中損害謂之不堪田奏、九月辛亥、大和國司亦坐奏不堪佃田失實獲罪、帝用心政事、性甚明察、憲法頗峻、冬十二月戊子、肥後守清原有雄率百姓莫不哀慕、是歲盜殺對馬守立野正岑。

國史紀事本末

卷十二

六十五

二年夏四月丙午、增下野大少掾各一員、五月壬午、大水左右京溺死者衆、己丑晦、出穀倉院穀二千斛、民部廩院米五百斛、大膳職鹽二十五斛、賑給左右京、清和天皇貞觀元年夏四月壬辰、賑給武藏下野陸奥出羽加賀出雲、秋八月辛卯、敕停諸國貢御鷹、二年秋九月甲戌、中納言兼陸奥出羽按察使平高棟奏、鎮守府上言、邊陲之吏、去鄉遼遠、公廨之外、無復資糧、而至有未納、抑而不行、請准太宰府司公廨、雖有未納、以正稅給之、永爲恒例、許之、冬十月甲申、廢大隅吉多野神二牧、以牧馬蕃息害稼穡也。

三年冬十一月丙戌、武藏每郡置檢非違使一人、以羣盜滿山也、是歲越前、長門飢疫、賑給之、復伯耆八橋汗入會見日野四郡二年。

四年春三月甲申、始置美作久米郡主政一員、戊子詔五畿七道責醫師博士解由、甲午下增租法於畿內、限三年試之、秋七月甲午、始置安藝郡主政一員、是歲復出雲出雲大原二郡課役一年、復美濃土岐惠奈二郡一年、給復常陸河內信太鹿島那賀多珂五郡二年、五年春二月甲寅、賑大和和泉飢疫、是歲復出雲百姓課役、美濃土岐惠奈二郡課役各一年。

國史紀事本末

卷十二

六十六

六年春正月癸卯、式部大丞橘良基爲伊豫權介、政有能聲、踰爲稱職、壬子令五畿七道不聽以不課口計戶口增益之功、乙卯左京大夫兼山城大和守紀今守上言、增租法不便、請復舊、許之、二月壬午、帝幸太政大臣良房第、紀今守等率郡司百姓於東垣之外、行耕田之禮、欲令帝知稼穡艱難也、是歲復出雲仁多飯石二郡課役下總葛飭印幡相馬埴生猿島五郡、調庸各二年、七年春正月己酉、從五位上紀夏井爲肥後守、夏井聰敏、臨事不滯、嘗爲讚岐守、政化大行、吏民安之、境內翕然、不忍相欺、秩滿將歸、百姓相率詣闕、請留之、帝許之。

更留二年、黎庶殷富、倉廩充實、乃造大倉四十字於國中、以爲不動之蓄、及去吏民、贈遺甚多、一無所受、已還京師、民送米肉玩好於其家、夏井留紙筆、悉返其餘、至是母石川氏聞而哭之、人問其故、曰、吾聞肥後之俗、不尚廉吏、吾兒其不終乎、三月丙申、甲斐能登丹後石見周防長門土左日向、八國始置介、飛驒始置掾、冬十一月己卯、贈故筑後守道首名從四位下、首名卒、已一百五十餘年、猶有褒贈、朝廷重良吏如此、是冬尾張請鑿廣野河復故道、許之、是歲、以備後神石奴可甲弩惠蘇世良三谿三次三上、八郡連年旱疫、四年間更歲復四

國史紀事本末

卷十二

六十七

郡課役、復武藏一年、

八年春正月庚寅、式部少丞藤原保則爲備中權介、會國中、大旱、百姓飢饉、羣盜橫行、英賀哲多、二郡在山谷間、去府頗遠、百姓或相殺掠、或遁租逃散、前守朝野貞吉以苛酷馭下、郡司有小罪、皆著鉗鉉、人民犯法、輒捕殺之、保則到任、悉變其法、務存大體、不問小過、贍窮乏、課農桑、於是民爭來附、境內大悅、戶口殷盛、賦稅倍入、遂受租稅返抄三十四年、調庸返抄十一年、自古未有也、會國中以下三善清行撰保則傳三月癸未、定新置介掾諸國公廨田事力數、閏三月庚戌、加賀言、居國內者、便任國司、及

士民爲博士醫師者、二年間、不給事力、許之、夏五月甲子、賜京師空閒地於民、耕種以爲永業、秋九月甲子、肥後守紀夏井坐弟豐城黨伴善男流土佐、夏井隨使出境、國人遮路悲哭、路過讚岐、讚岐百姓男女老幼皆迎之、數十里之間、哭聲相屬、夏井素知醫、及至土左、自採藥山澤、以給病者、多有効驗、冬十一月己酉、割伊豫宇和郡置喜多郡、十二月己卯、禁五畿內輒用不動穀、是歲、賑給美作備前伊勢伊賀因幡志摩下總武藏、以尾張阿波風水民飢、貸尾張正稅六萬束、阿波八萬束、給備中哲多英賀二郡二年、

國史紀事本末

卷十二

六十八

九年春三月己酉、前陸奧守坂上當道平當道、田村麻呂、孫家行廉潔、輕財重義、在任有清理之稱、境內肅如、民夷安之、州秩旣終、待代四年、卒於國、居貧無資、及棺歛、僅有一布衾而已、夏四月辛卯、先是諸國飢饉、盜賊羣起、畿內最甚、至是米價騰躍、米斛直新錢一千四百、始置常平所於東西京、糶一升直新錢八文、是歲復美作大庭真島、二郡課役一年、

十年夏六月、淡路飢、貸正稅稻一萬束、十一年春二月戊申、停長門採銅使、令國司採進、夏五月癸未、陸奧地大震、地裂海溢、溺死者千計、六月己巳、

肥後大風雨、人畜多死、海潮暴溢、田園數百里陷爲海、秋九月辛酉、左衛門權佐紀春枝爲檢陸奥地震使、賑恤之、冬十月丁未、敕太宰府以遠年稻穀四千斛周給被災者、十二月乙巳、置出羽國掌二員、是歲免山城安藝今年田租之半、

十二年秋七月壬申、遣使河內築堤、恐功未畢有水害、奉幣大和諸神、以河內之水發源大和也、八月給復伯耆四郡一年、冬十二月甲午、復常陸信太那珂兩郡百姓一千二百人、壬寅制、五畿七道百姓請開荒田者、未及六年身死、更延六年、聽子孫耕食、是歲置河內伯耆國史紀事本末

卷十二

十六

美作因幡上總國掌各二員、河內飢、太政官處分、借境內富豪貯稻一萬三千束班給之、十三年春三月、河內飢、詔賜攝津正稅稻五萬束、秋閏八月丁巳、敕積土築堤爲避水也、今聞細民之愚昧於遠慮、或公請空閑之地、或私逐膏腴之利、開發田疇、穿渠溉灌、需潤之漸、遂至壞堤、河壩近郊之地者、京邑及諸國輸貢之使、所芻牧也、而求利之輩、占爲田園、百姓失放牧之便利、今鴨川堤邊、除公田之外、宜禁止耕營、雖公田爲堤害者、莫令耕作、犯者罪之、

十四年秋七月辛巳、陸奥守安倍貞行詣關拜辭、召之

殿上、賜酒及御衣、丁酉制、五畿七道諸國出納官物、國司史生已上、隨犯科罪、餘官不相坐、是歲賑給尾張、十五年冬十二月甲寅、陸奥守安倍貞行奏曰、爵祿之興、爲優功績、授敘之事、當必其人、而比年國司不依勞効、任意授爵、由是獲祿者衆、調物減耗、所司勘出、歷代不絕、望請夷倅位階、每年立敘法、選功補闕、敘二十人已下、許之、是歲河內陸奥飢、賑給之、

十六年夏六月癸酉、禁諸國司娶部內女子、六月已下、類聚三代格秋九月乙巳、制諸國所填舊年未納率分之數、令玄蕃察移於主稅寮、是歲免參河因幡今年租半、復陸奥

國史紀事本末

卷十二

十七

二郡二年、備中守藤原保則爲備前權守、務撫恤人民、一如備中、時僚屬有貪汙者、輒屏人謂之曰、君宜砥礪名節、勉取榮譽、何必終於一州小吏、但資財不給、所以取貪穢之譏、僕有薄俸、請給之、君慎勿犯官物、繇此吏民畏愛、呼曰父母、兩備國界有吉備津彥神、國有水旱、保則必禱焉、一時傳言、境內有爲惡者、神立降罰、以助府君、境內益服、安藝盜奪備後貢糴、至備前石梨郡而宿、問主人曰、此國大守如何、主人曰、府君化民、專用仁義、一國莫不從化、若有奸盜者、吉備津彥神立降誅罰、德之感神、一至此、盜大愧、明日、至府、自首乞命、保則召

見曰汝能改過非復惡人卽給糧食封其絹付盜移備後國府僚屬皆曰恐不達彼國保則曰彼已悔悟奈何疑之盜持移文果至備後府守小野喬松大悅遣盜至備前謝之其以德化下率此類也備中守以下藤原保則傳

十七年秋八月壬申太政官處分顯告左右京絕戶田者分田之半令告者得三年耕食若隱認絕戶田爲人所告者據律科罪是秋備前權守藤原保則任滿還京兩備之民悲號遮路老人往往持酒肴餞之保則不欲違其意爲留者數日乃乘船泊和氣郡方上津備前郡司聞保則無糧儲運米二百石贈之然恐其不受至則國史紀事本末 卷十二 七十一

受而不辭郡司大悅而還保則遣國講師書曰風濤難測請幸來禱講師以衆僧至迺贈之米而去是秋已下保則傳是歲貸但馬正稅四分之一免伊勢田租八分十八年春三月丁亥太宰權帥在原行平請以壹岐島水田一百町充對馬島年糧及割肥前松浦郡庇羅值嘉兩鄉置上近下近二郡號值嘉島置島司郡領許之秋七月庚寅伊賀因幡兩國司奏言割公麻利稻一分加國儲許之是歲畿內飢置常平司糶官米丹後美作飢疫賑給之時右大臣藤原基經輔政吏稱其職人賴其慶後世稱貞觀之治

陽成天皇元慶元年春正月京師及畿內諸國大饑河內和泉尤甚置常平司糶官米以因幡守藤原敏行等爲賣常平所米使是歲主計頭紀安雄爲武藏守政貴簡惠吏民便之

二年春正月丁未式部大丞小野葛絃爲加賀介葛絃鍊達政事時稱循吏鍊達以下菅家文草嘗爲備中掾權守藤原保則器異之謂曰卿異日必爲良吏後果如其言保則傳傳秋九月乙巳置佐渡國掌二員是歲畿內飢置常平司糶官米運諸國不動穀班給百姓先是出羽秋田城司良岑近貪婪倖因作亂先是以下保則傳右中辨藤原保則

國史紀事本末 卷十二 七十二

兼出羽權守與鎮守將軍小野春風討平之事見出羽之亂三年春二月丙戌先是讚岐奏言國中課丁萬三千管田一萬八千町貢賦之數踰諸國請准大國例免例損田四十九戶是日許之是歲出羽權守藤原保則爲守出羽大治事見出羽之亂大和飢以山城正稅稻三萬束給之四年春三月己巳太宰府言筑後守都御酉解稱仁壽三年五月二十五日格曰美濃國言准令百姓口分六一年一班夫依官符校田言上待候報符既經數年其間新付括責之輩無給口分不堪貢賦人民易逃戶口難增隨報符下乃始班田文案未究還及紀年望請至於

期年、國郡官司校定國中田數、總計當年之見戶、且校班、且言上、有敕曰、校田依請、自餘國准此、而此國不班田、既三十餘年、輸貢之民、曾無口分、免課之門、徒有田疇、調庸交關、人數減損、請准豐後例、不待報符班給之、從之、夏五月丙寅、從五位藤原紇行爲武藏介、統行父安主、嘗爲豐後介、秩滿不得放歸、羈寓國中、統行請罷己官、以父補之、許之、是歲、以出羽國司請復雄勝平鹿山本三郡調庸一年、又發不動穀六千二百餘斛、賑三郡、伏俸八百餘人、

國史紀事本末

卷十二

七十三

五年春三月壬戌、太宰府言、秩滿解任之人、王臣子孫之輩、結黨群居、同惡相濟、請准筑後例、不論前司浪人、准營田數、班給正稅、令佃公營田、一如土民、不從者逐許之、是歲復出羽三郡調庸一年、

六年夏五月壬子、但馬介菅野良松言、國出舉正稅雜稻七十四萬束、頻經減省、見舉數少、請賜隣國穀填之、敕以丹後因幡不動穀充之、六月丙申、先是伯耆國司言、本國頻歲不登、出舉減少、請給隣國穀、是日敕賜因幡出雲正稅三千斛、班給百姓、是歲藤原保則爲讚岐守、讚岐民悉學法律、動輒爭訟、保則教以禮讓、風俗頓改、是歲已下保則傳

七年夏六月丙辰、賑武藏飢民、是月盜殺筑後守都御西、政事見朝政寬弛

八年秋八月壬辰、敕令上總括逐境内浪人、乙卯參議刑部卿兼近江守忠貞王平王賀陽親王子粗通五經、歷仕諸國司、威惠並行、民不敢欺、庠序之風所在日興、與橘良基齊名、聲蹟之美、爲宗室巨擘、粗通已下是歲公卿補任從四位下橘良基爲信濃守、勸督農桑、輕其租課、民丁樂業、家有贏儲、戶口滋殖、爲當時之最、丙辰、以出雲正稅八萬束長門三萬束、各班給部内飢民、

國史紀事本末

卷十二

七十四

光孝天皇仁和元年冬十月辛未、敕太宰府禁私買唐物、

二年夏五月丙申、以肥後守藤原時長攝津守多治藤善豐後守橘長茂甲斐守藤原常興拜官、經年不赴任、並降一階、奪其告身、初朝廷待國司甚厚、食祿饒裕、繇此庶僚咸望外任、初已下續日本紀實龜五年至是朝綱稍弛、凶黨肆害、國司畏避、不欲赴任、郡國始多事矣、

三年夏六月庚戌、信濃守橘良基卒、良基篤學、明練治體、所在有能名、然性甚剛果、以此見憎、坐事下刑官、推勘未竟而卒、家素清貧、中納言在原行平賻以絹布、乃得殯葬焉、良基歷仕五國守、介、每仕罷歸、不載資財、敕

子孫以潔身子在公嘗問治國之要良基曰雖有百術不如一清其清白如此秋八月癸亥伊豫守藤原保則

為太宰大貳西陸賴安事見新羅之變

宇多天皇寬平三年秋九月戊午禁諸國綱領奸官物

及畿外百姓奸附京畿戶籍

五年秋七月乙酉重搜括陸奥出羽通逃仕王臣家及

流寓京畿者還本鄉

六年冬十一月乙巳罷郡司兼宿衛官戊子晦禁諸國

百姓稱王臣人騷擾部內

七年春三月庚辰敕王臣家出舉私物貸民求利天平

國史紀事本末 卷十二 七十五

九年所禁也如聞比年不遵前格致妨民業因茲租稅

難收調庸未進蠹民害政莫甚於斯而國司阿容曾不

糾正為吏之道何其然哉宜一切禁遏若違犯者沒物

科罪一如前格冬十一月己未禁五位以上前司交替

畢未得解由者留本任國及輒出畿外

八年夏四月癸巳禁諸院諸宮王臣家以百姓請托爭

訟田宅資財宇多天皇以下類聚三代格

醍醐天皇延喜二年春三月己未敕禁敕旨開田諸院

諸宮及五位已上買百姓田宅占間地荒田本朝文粹

三年秋九月丁巳以甲斐疫給復一年北山抄

五年秋七月糶穀於木工寮穀倉院西宮記

九年春正月甲午定天下常平倉穀直扶桑略記是月糶常

平倉穀西宮記秋七月辛未於東西津平均糶價日本略記

十四年夏四月式部大輔三善清行上封事曰臣伏以

牧宰者分萬乘之憂受一方之寄守六條之紀綱為兆

民之領袖故漢宣帝云與朕共理者其唯良二千石乎

必須擇用其才尊崇其職重官威而厭民心捨小瑕而

責大成而比年任用之吏或結私怨以誣告官長所部

之民或矯公事以怨訴國宰或陳犯用官物之狀或訴

政理違法之由此等條類千緒萬端於是朝家收其告

國史紀事本末 卷十二 七十六

狀發遣使人使人到國未問事之虛實不辨理之是非

偏依使式每事准擬領其印鑑嚴其禁錮即以官長之

貴與小吏賤民比肩連口受其推鞠若辭對之間纖芥

有違則立加縲紲便填牢狴雖告訴之旨事皆不實而

威權已廢政令不行隣境百姓轉相見聞即各輕侮其

官長不肯服從其政教傷化之源無甚於此況亦理劇

之任庶務多端曉夕僣勉猶有不遑而今朝使推問之

間被停釐務多歷旬月空廢治政縱雖免職吏之名而

猶成任中之怠秩滿之日遂拘解由如此則多致公損

徒減良吏助此訴人報彼私怨也前年阿波守橘秘樹

肅清所部底慎貢勤王之誠當時第一必須加獎擢以勵俊良而依小民之誣告降朝使之廉問雖事皆虛詐告人逃亡而祕樹之身亦爲廢人如此則知恥之士誰冀爲吏乎方今時代澆季公事難濟故國宰之治不能事事拘牽正法故或有枉尺而直尋者或有失始而全終者昔者龔遂爲渤海守奏曰請敕丞相御史且勿拘臣以文法令得便宜從事又本朝格云國宰反經制宜動不爲己者將從寬恕無拘文法伏望此等告言訴訟除謀反大逆之外一切停止朝使專附新司若實有犯過者具載不與解由狀勘判之後卽下刑官論其罪科

國史紀事本末

卷十二

七十一

或難云凡貪吏之盜官物宜速加糾察也若待其任終恐倉庫無餘答云假令有人告吏盜賊太政官卽馳輕騎晝夜兼行禁遏其奸則可矣今訴人告狀歷三審得奏下擇定使人裝束行程事自彌留度歷年紀其間若有盜犯豈遑遺一粒乎然則與彼附後司有何分別況此牧宰身出帝簡志報朝恩非唯求立績於明時亦皆念垂名於後代者也故比年陷此罪者皆爲公謀功未成俄被告言而已未曾有自犯入己之人焉靜尋其意誠是公罪也伏望暫塞天旒照其可否又曰諸國大帳所載百姓大半已上此無身者也國司偏隨計帳給

口分田卽班給正稅徵納調庸於是有其身者纔耕件田頗進租調無其身者戶口一人私沽件田曾不自耕至于租稅調庸遂無輸納之心謹檢案內公家所以班口分田者爲收調庸舉正稅也而今已奸其田終闕厥貢牧宰空懷無用之田籍豪富彌收并兼之地利非唯公損之深亦成吏治之妨今須令諸國閱實見口班給口分田其遺田者國司收爲公田任以沽却若納地子以充無身之民調庸租稅也所遺之稻委納不動今略計其應輸之數三倍於百姓所進之調庸爲公有利爲民無煩然而事乖舊例恐有民愁伏望申敕諸國試令

國史紀事本末

卷十二

七十二

施行又曰謹檢案內三官舍人諸親王帳內資人諸大夫命婦位分資人諸司勳籍人諸衛府舍人式兵二省載李符者一年四季之內稍及三千人又略計本朝課丁除五畿內陸奧出羽兩國及太宰九箇國之外不滿卅萬人就中大半是無有身然則見課丁纔有十餘萬人今十餘萬人中每年除三千人之課役未滿四十年天下皆爲不課之民然則國宰令何人備進調庸乎由是國宰奉行蠲符卽除富豪見丁之課役更以無實課丁括出計帳故例進調庸自然無可徵之門然則調庸難備非國宰之怠也蠲符猥濫之所致也而今依此怠遂

為未得解由、豈不悲乎、或難云、三宮舍人、帳內位分、資人、古來所充給也、然而累代、蠲符、無有此妨、今至當時、何出異論、答云、凡諸勘籍人等符、損符、蠲符、通計可載、蠲符、具在式條、而今比年所下、蠲符之損、百人之中、無符蠲一人、又近古諸家一得資人、無復改補、而比年補資人後、即遷轉三宮及諸司內考、重復改請、於是三省史生書生等、因緣為奸、或不告本主、不依國解、偽稱勘籍、獨載季符、其尤甚者、本主未補一人、省底已盈其數、如此奸濫、日以加倍、公損之甚、無過於此、伏望勘籍人隨國大小、每年立其定數、大國一年十人、上國七人、中國五、小國二人、以載蠲符、此外不得加增一人、又舊例近江國一年免百人、丹波國免五十人、兩國凋殘、職此之由、今須准此例、近江國減定十人、丹波國減定七人、又勘籍解文必二通進官、一通留官底、一通加外題、即下式部省、省進季符之日、與官底解文勘合、然後請印、又蠲符所載、多符損、少符蠲者、勘返不得請印、但京戶五畿內、不拘此制、冀也調庸易納、牧宰無煩、意見封事十五年冬十月癸丑、以疾疫免、延曆十年以前調庸未進、減今年徭半、日本紀略

國史書本末 卷十二 七十九

十七年冬十二月、京師累月不雨、井水涸、太上皇許民

庶汲冷泉院池水、池涸、救汲神泉苑水、日本紀略二十二年冬十月丁卯、置諸國不堪佃風水使、扶桑記延長四年冬十二月戊子、定諸國上損戶法、政事要略七年秋七月、大風水、八月丁酉朔、發正稅一萬束、賑山城遭水者、丙午詔賑恤被水害者、甚者免今年調徭、日本紀略八年春二月庚子、賑左右京疾病窮困者米穀、設飯道路以救饑者、戊申敕檢非違使及左右京、安置饑疫者於施藥悲田兩院曲殿、又在便宜所者、給大藏弊慢掃部故筵及米鹽、扶桑略記帝勵精圖治、神皇正統記哀矜百姓、寒

國史書本末 卷十二 八十

夜親脫御衣、以省民間凍餒、大鏡續嚴禁勢家侵奪百姓便之、意見封事世以此仁德帝後之言、治者皆稱延喜焉、神皇正統記朱雀天皇承平元年夏閏五月戊戌、罷常平所穀、日本紀略冬十二月癸亥、官符天下催勸農桑、墾開不堪佃田、政事要略四年夏五月庚子朔、宣左京職曰、生民要業、織紵為本、家給人足、誠憑此道、而近代民俗不勤、裁桑養蠶已乏、坐受苦寒、播殖之狀、下知諸國、宜命京內同令種樹、乃須每條牒示、兼命保長率勸所部、令致豐殖、官人巡檢

數加勸課遣使覈實若有懈惰科責保長兼罪職吏政事

略要

天慶二年平將門叛東國大亂事見將門之亂

五年夏四月壬戌遣使給東西京飢餓疫病者錢外記

村上天皇天曆元年秋八月庚子賑給米鹽於東西京

冬十一月辛酉議減物價日本略

三年夏四月辛卯遣使視鴨河堤壞九月六月辛丑晦賑

東西京秋七月丙午決神泉苑池溉京南田冬十一月

戊午以備前守和氣兼濟歷四國司皆有治績授從四

位下日本略

國史紀事本末 卷十二

八十一

四年夏五月先是下總守藤原有行奏曰諸國司兼押

領使并給隨兵其例尤多近時則前司管原明依天慶

九年兼押領使給隨兵三十人今坂東諸國多盜所在

殺掠請准先例兼押領使以追捕之是月許之朝野群載

六年春三月乙酉晦以天變賑東西京西官夏五月庚

午敕左右京樹桑政事要略

七年春二月壬戌藍園町火癸亥敕賑百姓罹災者扶桑

略記

十年春正月賑東西京西官秋七月癸丑以旱免諸國

天曆五年以前調庸未進東海東山山陽三道驛田租

限三年免之賑贍諸國高年鰥寡孤獨不能自存者本朝

神文

天德元年春三月賑東西京西官是歲穀價騰貴日本略

運近國不動穀於穀倉院置常平所西官帝深留意民

事後世以延喜天曆並稱神皇正統記是後藤原氏專執權

柄民政衰矣

圓融天皇貞元元年夏六月甲辰以災異蠲除諸國天

祿三年以前逋負免天下徭半日本略

天元三年冬十一月丁卯以災異免諸國調庸逋負及

天下徭半日本略

國史紀事本末 卷十二

八十二

一條天皇永延元年夏五月庚申以旱賑高年蠲逋負

六月壬辰朔決神泉苑池溉民田冬十二月丙辰以兵

庫火免徭半給高年穀日本略

正曆元年冬十一月復阿波租一年日本略

二年夏六月己丑以旱決神泉苑池灌紀伊葛野二郡

日本略是歲式部丞源為憲為遠江守遠江民戶凋弊為

憲撫愛有方田疇墾闢倍蓰舊籍以功敘從五位上本朝

神文

五年春三月戊寅以怪異疾疫免天下調庸賜高年穀

日本略

長德元年秋七月丁卯、以疫癘、免諸國貢賦四分之一、

日本
紀略

長保元年夏五月丙戌、復丹波播磨讚岐、外記

後一條天皇寬仁三年夏六月甲辰、丹波百姓相率詣

陽明門、訴國守不法、日本
紀略帝傳母子源章任爲但馬守、

性極貪、專務貨殖、莊園宅地偏天下矣、續住
生傳

後三條天皇延久元年春二月、敕罷寬德二年以後新

置莊園、扶桑略記
百鍊抄是冬、置記錄所於太政官所、百鍊
抄時

權貴多占莊園、爲民蠹害、帝命上契券檢覈之、神皇正
統記

鳥羽天皇天仁元年春二月、太宰府奏、境內群盜大起、

國史紀事本末 卷十二 八十三

放火殺人、時帥大江匡房不赴任、已三年、時人歸罪匡

房、中右
記

天永二年、出羽守源光國不赴任、留美濃二年、廷議欲

奪官不果、中右
記

崇德天皇大治四年春、山陽南海賊起、白河法皇敕備

前守平忠盛捕之、朝野
群載法皇好佛事、營造國用窘窮、國

司遷替、頗乖舊典、定任者三十餘國、上萬石萬匹者、輒

得爲國司、至有父子三四人同時並任、中右
記法皇及鳥

羽上皇多置莊園、天下多不輸之地、國司所統、不過百

分之一、其後不復赴任、令吏治之、謂之目代、郡國益多

事矣、神皇正
統記然法皇嘗以藤原師綱爲陸奥守、獨有聲

績、出羽押領使藤原基衡據陸奥六郡、不畏國司、隱信

夫郡、以家人大莊司季春爲郡司、師綱赴任、括公田、將

入信夫、基衡密命季春拒之、師綱怒而擊之、兵多死傷、

乃遣使讓基衡、基衡初欲却之、至是驚懼、召季春問計、

季春曰、主君有命、臣不敢辭、然抗拒國宰、罪在不赦、主

君托以不知、斬臣頭以謝之耳、基衡乃遣使謝曰、季春

狂妄、僕實不知、請斬以謝、幸遣人驗視、然心深憫季春、

遣妻多齎金帛良馬贖之、師綱怒曰、彼以微賤抗國宰、

是亦叛也、奈何贖之、乃遣檢非違所書生驗視、基衡不

國史紀事本末 卷十二 八十四

得已而斬之、國人歎曰、國司奉法、不顧重賂、真良吏也、

境內悉服、十訓
抄當時國司猶有剛正如此者、而朝廷偷

安、勢日衰弱、其後國司絕不赴任、諸國稍亂、而朝廷不

問、法皇嘗令近臣爲國司赴任之儀、觀之、衣服華靡、人

以爲壯觀、其近於兒戲如此、十訓抄
拾遺及源賴朝滅平

氏、自爲諸國總追捕使、國衙置守護莊園、置地頭、而土

地之權悉歸武人矣、

弟延之 延壽校

門人草川重遠書

國史紀事本末卷之十二終

國史紀事本末卷之十三

從六位守大學校中博士常陸青山延光 編次

百濟獻佛像 馬子弼述 蝦夷入鹿騎僧

欽明天皇十三年冬十月百濟遣使獻釋迦佛銅像一軀及佛經曰是法於諸法中最為殊勝難解難入周公孔子尚不能知此法能生無量福德果報自天竺至三韓莫不尊敬謹遣使貢獻帝大悅問羣臣曰西蕃獻佛相貌端嚴所未嘗見是可禮乎大臣蘇我稻目曰西蕃諸國皆已禮之奈何不禮大連物部尾與中臣鎌子奏曰國家恒祀天地羣神一旦拜蕃神恐致國神之怒帝曰宜付稻目試禮之稻目大悅安置小墾田宅捨向原宅為寺已而疫癘流行民多夭死尾與鎌子奏曰今日之災由禮佛請速廢之帝從之敕有司棄佛像於難波堀江縱火燒寺

十四年夏五月河內言泉郡茅渟海中有光怪帝遣溝邊直求之獲樟木以獻帝命畫工造佛像二軀

敏達天皇六年冬十一月百濟獻佛經及律師禪師比丘尼呪禁師造佛工造寺工六人乃安置難波大別王寺

八年冬十月新羅遣使貢佛像

國史紀事本末 卷十三

一

十三年秋九月鹿深臣等使百濟而還齎彌勒石像及佛像各一軀大臣蘇我馬子請二像遣鞍部司馬達等

池邊冰田於四方求修行者得高麗僧還俗者名慧便於播磨馬子乃招為師度司馬達等女島為尼曰善信又度善信尼弟子二人馬子崇敬三尼營佛殿於宅東安置佛像請三尼設佛會得佛舍利馬子大悅造佛殿於石川宅佛法之行始此馬子稻目子也

十四年春二月壬寅馬子建塔於大野丘北藏佛舍利幸求馬子疾卜之曰父所祭佛為祟遣人奏之詔曰宜依卜者之言祭父所奉佛馬子乃禮拜石像禱疾會疫

國史紀事本末 卷十三

二

癘流行民死者衆三月丁巳朔大連物部守屋中臣勝海奏曰不廢佛法民皆疫死矣帝從之丙戌守屋自赴佛寺毀塔火之并燒佛像佛殿棄燼餘於難波堀江守屋責馬子出三尼馬子涕泣呼三尼付之有司視其衣撻之海石榴市夏六月馬子奏曰臣病未愈不藉三寶之力難可救治乃詔曰汝獨行之勿使他人為之以三尼付馬子馬子大悅營精舍迎之秋八月己亥帝崩造殯宮於廣瀨馬子佩刀入誅守屋笑曰狀如中箭之鳥守屋入誅手顫馬子笑曰宜懸鈴二人稍生嫌隙穴穗部皇子潛懷覬覦憤然曰奈何不事生王而事死王九

月戊午，橘豐日皇子即位，是爲用明天皇。天皇蘇我氏之出也。

用明天皇元年夏五月，穴穗部皇子欲燔屋姬皇后，強入殯宮，三輪逆拒而不納。穴穗部呼開門者七，遂不聽。穴穗部乃謂馬子守屋曰：「方今天皇子弟甚多，輔以兩大臣，誰得擅守殯宮？逆乃敢拒我，無禮甚矣。我將誅之。」二人曰：「善。」穴穗部與守屋往攻，逆逃匿。皇后別宮，乃遣守屋就斬之。逆敏達帝寵臣，甚被委信，繇此皇后深恨穴穗部。馬子曰：「天下將亂，守屋聞之曰：『非汝所知也。』」二年夏四月丙午，帝不豫，廢戶皇子素信佛，晝夜侍側。

國史紀事本末

卷十三

三

祈請三寶，口不絕響。廢戶已下，聖德太子傳曆。帝謂羣臣曰：「朕欲歸三寶，卿等議之。」守屋勝海進曰：「奈何背國神敬蕃神？」馬子曰：「臣請奉詔，乃引豐國法師於禁中。」廢戶皇子握馬子手，隕涕曰：「三寶妙理，人不之識，妄生異議。今大臣歸心於福田，何喜如之？」馬子叩頭曰：「賴殿下聖德，興隆佛法，臣死之日，猶生之年。」廢戶以下，聖德太子傳曆。守屋睥睨大怒，皇子謂左右曰：「大連迷因果理，禍今至矣。」皇太子以下，聖德太子傳曆。或謂守屋曰：「今羣臣圖卿，將斷卿歸路，守屋乃還阿都別業爲之備。勝海亦聚兵欲援守屋，已而知事不濟，往歸彥人皇子，迹見赤檮偵其還殺之。」守屋遣使謂馬子曰：

「聞羣臣圖我，所以逃也。」馬子報之大伴毗羅夫，毗羅夫執弓矢守馬子家。帝大漸鞍部多須奈奏曰：「臣請爲天皇出家，造丈六佛像，帝爲之悲慟。」癸丑帝崩。五月，守屋兵屢驚守屋，欲除諸皇子。立穴穗部，謀泄。六月庚戌，馬子奉炊屋姬皇后，遣佐伯丹經手等夜圍穴穗部宮，兵士登樓擊穴穗部中肩。穴穗部墮地，走入室中。兵士舉燭殺之。辛亥，殺宅部皇子，以其善穴穗部也。是月百濟朝貢，尼善信欲從使者赴百濟受戒，使者曰：「請先還告國王。」秋七月，馬子與泊瀨部、竹田、廢戶難波春日五皇子帥兵攻守屋於澀河。守屋築稻城拒戰，其兵蔽野。諸皇子惶怖不敢進。廢戶截白膠木，造四天王像，藏之頂髮誓曰：「今日使我戰捷，必建寺塔奉之。」乃麾衆而進，守屋登樹注射，迹見赤檮射殺之。守屋兵悉潰。諸皇子兵追及於河內，餌香川原，殺數百人。守屋資人捕鳥部萬帥一百人守難波宅，聞守屋死，逃匿茅渟縣山中。有司遣兵搜捕，萬匿竹叢中，牽繩撼竹，衆赴之，萬輒射殺之。衆不敢逼，萬挾弓逃走。衆射中其膝，萬仆地呼曰：「我天皇子干城，今乃窮矣。」衆競射，萬撥飛矢殺三十餘人，遂砍折其弓，投劍水中，引刀子自殺，乃支解其尸爲八，梟之八國。萬有畜狗，繞尸而吠，遂啣其頭置古冢，不食而死。

國史紀事本末

卷十三

四

國司奏之、朝廷下符令萬族葬之、八月甲辰、炊屋姬皇后與羣臣議、立泊瀨部皇子、是爲崇峻天皇、自守屋之死、天下無復有闢佛者矣、帝賞赤檮以田一萬頃、崇峻天皇元年、百濟朝貢、獻佛舍利、馬子遣尼善信於百濟學佛法、尋造法興寺於飛鳥、

三年春三月、尼善信還自百濟、是歲、多度僧尼、

五年冬十月、帝惡馬子驕橫、密謂廢戶皇子曰、馬子內恣私慾、外崇佛教、而實無忠愛之心、汝以爲如何、廢戶

對曰、馬子誠驕恣矣、惟陛下容之、帝剛腸嫉惡、聖德太子傳曆

丙子或獻猪、帝指猪曰、何時斷朕所惡之人、如斷此猪、

國史紀事本末 卷十三

五

馬子聞之大懼、密圖不軌、廢戶皇子知其計、而隱忍不

發、廢戶以下愚管抄是月、建大法興寺、十二月乙巳、馬子詐曰、

今日進東國之調、乃使東漢駒弑帝、宮人驚噪、馬子乃

執之人、始知馬子弑逆、然無敢言者、宮人已下水鏡廢戶皇子

聞而哭曰、過去報也、聖德太子傳曆即日葬於倉梯岡陵、馬子

寵東漢駒、今出入臥內、駒姦馬子女、馬子聞之大怒、捕

而縛之、樹自射之、數其罪曰、奴敢行弑逆、駒大叫曰、我

知有大臣、不知有天皇、馬子益怒、挺劍斬之、天下益惡

馬子、馬子寵已下水鏡廢戶皇子聞之曰、此誅何足以蔽弑

逆之名、聖德太子傳曆然復讎界附之、無敢與忤、愚管抄羣臣議

立炊屋姬皇后、十二月己卯、皇后卽位於豐浦宮、是爲推古天皇、天皇亦蘇我氏之出也、

推古天皇元年春正月丙辰、置佛舍利於法興寺、夏四

月己卯、立廢戶皇子爲皇太子、攝政、委以萬機、皇太子

用明帝第二子、母曰穴穗部間人皇后、皇后懷娠適出

巡視宮省、至馬官廢戶、不勞而產、因名曰廢戶、生而能

言、有聖智、稍長好讀書、性最聰敏、兼聽十人訴事、略無

違錯、帝鍾愛居之宮南上殿、因號曰上宮、廢戶豐聰耳

皇子、是歲、皇太子造四天王寺於難波荒陵、分物部守

屋宅及家奴付之、

國史紀事本末 卷十三

六

二年春二月丙寅朔、詔皇太子及馬子興隆三寶、羣臣

競造佛寺、

三年夏五月丁卯、高麗僧慧慈歸化、皇太子師之、從受

五戒、倣浮屠之號、自命曰勝鬘、從受已下、四天百濟僧王寺手印記

慧聰尋來、二僧大弘佛教、

四年冬十一月、法興寺成、以馬子子善德爲寺司、令慧

慈慧聰居之、

十一年冬十一月己亥朔、皇太子謂羣臣曰、我有佛像、

誰欲得之者、秦河勝進曰、臣願拜之、乃賜之、因造峰岡

寺、

十二年夏四月戊辰、皇太子親作憲法十七條、其一曰、篤敬三寶、三寶者佛法僧也、則四生之終歸、萬國之極宗、何世何人、非貴是法、人鮮尤惡、能教從之、其不歸三寶、何以直枉、

十三年夏四月辛酉朔、詔皇太子及諸王諸臣造銅繡丈六佛像各一軀、以鞍作鳥爲造工、鳥司馬達等孫多須奈子也、高麗聞之、貢黃金三百兩、

十四年夏四月壬辰、銅繡佛像成、置之元興寺金堂、即日設齋會、五月戊午、賞鞍作鳥、授大仁位、給田二十町、鳥乃造金剛寺、秋七月、帝令皇太子講勝鬘經、尋講法

國史紀事本末

卷十三

七

華經於岡本宮、帝大喜、賜水田一百町、皇太子納之斑鳩寺、

十九年夏五月五日、帝將幸菟田、觀野人逐獸、皇太子諫曰、佛教五戒、一爲不殺生、儒之所謂仁也、願陛下永斷此事、帝納之、聖德太子傳曆自是每歲、以此日採藥、名曰藥獵、

二十二年秋八月、馬子疾、爲度僧尼一千人、

二十九年春二月癸巳、皇太子薨、年四十九、年據水鏡妃位

奈部摘王奏曰、我大王嘗告世間虛假、唯佛是真、玩味其法、謂我大王應生於天壽國中、而彼國之形、眼所叵

看、願因圖像觀大王往生之狀、帝爲悽然、乃敕諸采女造繡帷二張、使東漢末賢高麗加西溢等畫而賜之、法王

帝說

三十二年夏四月戊申、有一僧執斧毆其祖、帝聞之、召馬子曰、出家者宜守戒律、何乃惡逆至此、悉聚諸寺僧尼推問、百濟僧觀勒請曰、佛法自西域至漢、經三百年、至百濟、爾後僅一百年、我王聞日本天皇之賢、貢佛像經典、未滿百年、故僧尼未習法律、輒犯惡逆、願罪一人、悉宥其餘、是大功德也、帝從之、戊午、詔曰、道人猶犯法、何以誨俗人、自今以後、置僧正僧都、檢校僧尼、壬戌、以

國史紀事本末

卷十三

八

觀勒爲僧正、鞍部德積爲僧都、秋九月丙戌、檢校寺及僧尼、自百濟獻佛像至此、僅七十五年、而寺凡四十六、僧尼一千三百八十五人、佛遂蔓延天下矣、

三十四年夏五月丁未、馬子薨、六月雪、是歲天下大饑、盜賊橫行、帝以馬子子蝦夷爲大臣、

三十六年春三月、帝崩、先是帝喪皇太子廢戶、未立儲

嗣、至是田村皇子山背大兄王皆受遺詔、田村皇子敏達孫彥人大兄子山背大兄皇太子廢戶子也、蘇我蝦夷獨欲定嗣位、恐衆不從、會羣臣於家議之、不決而罷、蝦夷問之叔父境部摩理勢、摩理勢嘗與廢戶善、乃曰、

請立山背大兄。大兄聞蝦夷欲立田村皇子，遣使詰蝦夷。蝦夷憂之，已而大兄知蝦夷意不可奪，復遣使曰：「前日之言，陳所聞耳，寧違卿耶？」蝦夷惡摩理勢執異議，使人再問之。摩理勢怒曰：「吾固已言之，何為再問？」時蘇我氏族人皆次馬子墓所，助役摩理勢乃壞廬而還。蝦夷遣人讓曰：「卿言果是耶？我將從之，果非耶？我安得從卿？」但我與卿生隙，亂必起矣。奈何？」摩理勢不從，遂赴斑鳩。匿泊賴王家。蝦夷怒，遣人請山背大兄曰：「願得摩理勢推問。」大兄曰：「彼先皇親臣，寧違卿耶？」請勿推問。乃諭摩理勢曰：「汝不忘先王之恩，固善。然我不得違蝦夷，汝安國史紀事本末

卷十三

九

得不從。摩理勢哭泣還家，十餘日泊瀨。王薨，摩理勢聞之曰：「我將誰恃？」蝦夷遣兵攻之。摩理勢與仲子阿挪出門，據胡床以待。俄而兵至，縊殺父子，瘞之一坎。長子毛津逃匿尼寺，尋見殺。

舒明天皇元年春正月丙子，蝦夷等奉神璽於田村皇子。皇子即日即天皇位。

十三年冬十月帝崩，皇后立是為皇極天皇。

皇極天皇元年春正月辛未，帝即位。蝦夷為大臣如故。子入鹿執政，威權過父。蝦夷建家廟於葛城高宮，為八佾舞。又發國中民，預造雙墓，已墓曰大陵，入鹿墓曰小

陵，謂死後勿勞人力，更聚上宮乳部民助役。上宮大娘姬歎曰：「天無二日，土無二王。」蘇我氏何專橫至此？蝦夷聞而惡之。

二年冬十月壬子，蝦夷私授紫冠於入鹿，擬大臣。又呼次子曰物部大臣。蝦夷母物部氏守屋妹，故蝦夷悉收母家資財，家益富。入鹿欲除皇太子廢戶，諸子立舒明皇子。古人：大兄，大兄，蘇我氏之出也。時山背大兄最有賢名，入鹿深忌之。十一月丙子朔，遣巨勢德太巨土師娑婆襲山背大兄等於斑鳩，奴三成與舍人數十禦戰，射殺娑婆。衆懼而退。歎曰：「一人當千，三成之謂歟？」山背國史紀事本末

卷十三

十

大兄取馬骨置內寢，遂率其妃及子弟而逃，匿膳駒山。三輪文屋等從焉。德太巨縱火燒宮，獲骨灰中，以為大兄等皆死。乃還。大兄等在山中，不食數日。文屋曰：「請赴深草屯倉，得馬轉赴東國，發兵還戰，戰克必矣。」大兄曰：「吾從卿言，吾軍必克。然吾常願十年不役百姓，今奈何以一身役百姓？若從卿言，百姓將謂使我喪父母者大兄也，殺身為國是亦丈夫，何必戰勝然後為丈夫？或報入鹿曰：「山背大兄在膳駒山，入鹿大懼，令高向國押往攻。國押曰：「僕守衛皇宮，不敢受命。」入鹿將自往。古人大兄止之曰：「卿不見鼠伏穴而生，失穴而死耶？」入鹿乃遣

兵搜膽駒山不獲聞大兄等已還斑鳩寺轉圍之大兄使文屋謂將士曰吾非不能討入鹿顧以一身傷殘百姓吾不忍爲吾以吾身賜入鹿遂與子弟妃妾自經而死於是廢戶子孫二十三人皆爲入鹿所滅二十三人據水鏡蝦夷聞之罵曰入鹿狂愚專行暴惡其能久乎

弟延之 延壽校

門人草川重遠書

國史紀事本末卷之十三終

國史紀事本末

卷十三

十一

國史紀事本末卷之十四

從六位守大學校中博士常陸青山延光 編次

天智中興

皇極天皇三年春正月乙亥朔，以中臣鎌足爲神祇伯，固辭不就，稱疾居三島。時大臣蘇我蝦夷父子以外戚擅權，橫害皇族，闖闢之迹稍彰，鎌足慨然有匡濟之志。竊察宗室諸王可輔以濟功者，屬心中大兄。中大兄舒明，皇子，卽帝所生也。一日，鎌足陪中大兄，蹴鞠於法興寺，中大兄皮鞋偶脫，鎌足跪奉之。中大兄亦跪受之，自是情好日密，然恐爲人所疑，託學周孔之道於南淵先生。每相往來，密謀於路。鎌足謂中大兄曰：「謀大事者，不可無援，請納蘇我石川麻呂女，與之協謀，事必成矣。」中大兄從之。鎌足又薦佐伯子麻呂、葛城稚犬養綱田。冬十一月，入鹿造兩第於甘檮岡，呼蝦夷宅曰宮門，己宅曰谷宮門。稱其子曰王子，宅外構柵，設兵庫，常使力人持兵守衛。蝦夷又造宅於畝傍山東，鑿池築城，設庫儲箭，每出入率兵士五十人自衛。

四年夏六月，三韓朝貢。中大兄密謂石川麻呂曰：「三韓進調之日，卿宜讀表，吾將入誅入鹿。」石川麻呂許諾。戊申，帝御大極殿，入鹿入侍，入鹿爲人多疑，劍不去身。鎌

國史紀事本末

卷十四

一

國史紀事本末

卷十四

二

足令俳優調之，入鹿笑解劍而入。中大兄戒衛門府，悉鎖諸門，自執長槍伏殿側。鎌足持弓矢警衛，使海犬養勝麻呂授雙劍於子麻呂。綱田曰：「急入斬之。」子麻呂等懼甚，食不下咽。鎌足叱而勵之。石川麻呂讀表文，將盡。子麻呂等不肯進。石川麻呂手戰聲顫，汗流沾衣，入鹿怪問。石川麻呂曰：「天威咫尺，不覺乃爾。」中大兄恐其失機，徑入斫入鹿，入鹿驚起。子麻呂進斫其脚，入鹿仆就御座叩頭曰：「臣何罪？」帝大驚，謂中大兄曰：「卿欲何爲？」中大兄伏地奏曰：「入鹿翦滅，天宗謀傾天位，奈何不誅？」遂殺之。帝卽起避之。古人大兄驚呼曰：「韓人殺入鹿，逃入私宮。」是日雨潦水滿庭，撤苫障覆入鹿尸。中大兄入法興寺，諸皇子諸王羣臣悉從，乃遣使賜入鹿尸於蝦夷。漢直等聚衆將援蝦夷，中大兄遣將軍巨勢德太巨論以逆順，高向國押謂漢直等曰：「太郎旣死，大臣亦不能久，吾等獨爲誰戰？」解劍投弓，相率逃去。己酉，中大兄遣兵誅蝦夷。蝦夷悉燒天皇記國記及寶器而死。自馬子弒崇峻帝五十五年，而蝦夷父子悉伏誅。庚戌，帝欲傳位於中大兄。中大兄退問鎌足。鎌足曰：「古人大兄殿下之兄也，輕皇子，殿下之舅也，殿下先登大位，非所以敬長，何不立舅以從民望？」中大兄乃密奏讓於輕皇子。帝

遂授璽綬於輕皇子。皇子讓於古人大兄。大兄避席曰：聖旨所授，何勞推讓？臣請出家入吉野，爲天皇祈福。解佩刀而出。入法興寺削髮。輕皇子卽位，是爲孝德天皇。上帝尊號曰皇祖母尊，立中大兄爲皇太子，始置左右大臣。六字據公卿補任阿部內麻呂爲左大臣，蘇我石川麻呂爲右大臣，中臣鎌足爲內臣，授大錦冠，增封若干戶。帝素知鎌足才，禮敬甚至。鎌足以天下爲己任，傾心輔翼，言聽計行，紀綱大張。乙卯帝及皇祖母尊皇太子會群臣於大槻樹下盟誓，告神祇曰：天覆地載，帝道惟一，而末代澆薄，君臣失序，皇天假手於我，誅殄暴逆，自今以國史紀事本末 卷十四 三

後，君無二政，臣無貳朝。若負此盟，天災地妖，鬼誅人伐，皎如日月。始建元曰大化。秋七月，先祭神祇，然後議政事。事見列聖尊神九月，古人大兄潛圖不軌，丁丑，吉備笠垂上變皇太子，太子遣兵誅古人大兄，是歲置國司，造戶籍。校田畝。事見歷朝民政

孝德天皇大化二年春正月甲子朔，詔宣新令四條。事見歷朝民政三月甲申，詔定陵墓之制，禁厚葬。

三年春正月壬寅，射於朝廷。初，蘇我氏專政，政事甚懈，大派王謂蝦夷曰：羣卿百寮朝參已懈，請以卯朝，以已退，以鐘爲節，蝦夷不聽。是歲帝御小郡宮，定禮法制曰：

凡有位者，要寅時於南門之外，左右羅列，候日初出就庭，再侍於廳。若晚參者，不得入侍。午時聽鐘而罷，制七色十三階冠：一曰織冠，二曰繡冠，三曰紫冠，四曰錦冠，五曰青冠，六曰黑冠，皆大小二階。七曰建武。五年春二月，制冠十九階：曰大織、小織、大繡、小繡、大紫、小紫、大華上、大華下、小華上、小華下、大山上、大山下、小山上、小山下、大乙上、大乙下、小乙上、小乙下，立身是月置八省百官。夏四月，小紫巨勢德太巨爲左大臣，小紫大伴長德爲右大臣，皆大紫。

白雉五年春正月壬子，以紫冠授內臣中臣鎌足，增封若干戶。冬十月壬子，帝崩，皇太子不敢卽位，奉皇祖母尊再臨萬機，是爲齊明天皇。

齊明天皇七年春正月，帝帥舟師幸筑紫，救百濟。皇太子從焉。太子造宮於朝倉山，材木不斲，務從質樸。時人謂之黑木御所。又號木丸殿，親製朝倉木丸殿歌。後世以爲神樂曲。太子已下，梁塵愚按抄秋七月丁巳，帝崩於朝倉宮。八月甲子朔，皇太子素服稱制，奉梓宮而還。

天智天皇壬戌歲春正月，帝未敢卽位，仍稱皇太子。是歲，繕兵甲，具船舶，儲軍糧，將救百濟。癸亥歲，百濟王餘璋歸化。

甲子歲春二月丁亥改冠位號增為二十六階曰大織小織大紫小紫大錦上中下小錦上中下大山小山大乙小乙亦皆有上中下次大建小建又定氏上民部家部之制是歲置防及烽於筑紫及對馬壹岐二島又築大堤於筑紫貯水名曰水城

乙丑歲秋八月遣達率答怵春初築城長門遣達率憶禮福留四比福夫於筑紫築大野及祿二城春初福留皆嫻兵法者也

丙寅歲春三月帝親臨佐伯子麻呂家問疾秋大水復租調

國史紀事本末 卷十四 五

丁卯歲春二月戊子合葬齊明帝及間人皇女於小市岡上陵帝謂羣臣曰我奉先帝敕憂恤萬民故不起石槨之役後世宜以為準初齊明帝好土木造宮於飛鳥岡本又築觀於田身嶺名曰天宮使水工穿渠自香山西至石上山以舟二百隻運山石為宮垣時人呼曰狂心渠役夫七萬餘材木朽腐委積山椒怨譟紛起有間皇子由是謀反伏誅帝知民之苦役故有是命三月己卯遷都近江冬十一月築倭高安城讚岐山田郡屋島城對馬島金山城

元年春正月戊子帝即位帝性至孝殯先帝六年始登

阼秋七月講武近江

二年秋八月己酉帝登高安嶺議欲修城慮勞民而止時人歎伏冬十月乙卯帝親臨中臣鎌足家問疾謂之曰天道輔仁殆不足信卿有所欲言乎鎌足曰臣生無益於國死不欲勞民願薄葬事庚申帝遣大海人皇子就鎌足第賜姓藤原授大織冠為內大臣辛酉鎌足薨鎌足為人忠亮知莫不言制禮儀定律令皆出其手甲子帝再幸鎌足家宣詔賜金爐鎌足長子為僧曰定慧入唐留學次子不比等嗣家葬鎌足於攝津阿威山後定慧歸自唐改葬大和多武峯造像祀焉後世國家將

國史紀事本末 卷十四 六

有大變像必破裂朝廷遣使禱之云鎌足長子己是冬修高安城收畿內田稅

三年春正月辛巳詔士大夫大射宮門內戊子制朝廷禮儀及行路相避之禮禁諸妖妄之事二月造戶籍糾盜賊浮浪再修高安城貯穀鹽築長門筑紫三城三月壬午設諸神座於山御井傍班幣帛

四年夏四月辛卯始置漏刻擊鐘鼓以警時帝為太子時親製漏刻至是置之新臺冬十二月乙丑帝崩於近江宮年四十六年據舒明紀葬山背山科陵葬以式帝延喜式帝天姿明敏知人善任明習治體興學校制典禮憲章文

物繁然可觀、規摹宏遠、振古未有云。懷風藻序後置十陵、隨世數遞除。三代實錄以帝為中興之祖、百世不除焉云。神皇正統記

壬申之變 大津之叛

天智天皇四年春正月庚子、拜大友皇子為太政大臣、蘇我赤兄為左大臣、中臣金為右大臣、蘇我果安、巨勢比等、紀大人為御史大夫、皇子天性明悟、容貌魁岸、眼光射人、唐使劉德高見而異之、曰、皇子風骨非常、不似世間人、至是總百揆、攝萬機、以百濟人學士沙宅紹明、荅怵春初、吉大尚、木素貴子等為師友、文藻日進、嘗夢

國史紀事本末

卷十四

七

中天洞開、朱衣老翁捧日授皇子、忽有人從腋下出、奪而去、已覺驚異、語藤原鎌足、鎌足歎曰、聖朝萬歲之後、恐有巨猾伺隙乎、然臣聞天道無親、唯善是輔、大王能脩德、災異不足憂也。皇子已下、懷風藻冬十月庚辰、帝病篤、召皇弟大海人皇子、屬以後事、皇子固辭曰、後事付之皇、后、今大友皇子莅政、足矣、臣請為陛下出家修道、帝許之、皇子即日剃髮為僧、敕賜袈裟、壬午、皇子請往吉野、脩佛法、帝許之、乃入吉野、時人曰、是翼虎放之也、是月立大友皇子為皇太子。是月以下、水鏡太子納大海人皇子女十市為妃、十一月丙辰、蘇我赤兄、中臣金、蘇我果安、巨

勢比等、紀大人與皇太子侍帝、太子執香爐、起盟曰、六人同心奉天皇詔、若有違者、天必罰之、赤兄等亦起盟曰、臣等五人隨殿下奉天皇詔、若有違者、神祇必罰之、壬戌、赤兄等奉皇太子復盟於帝前、十二月乙丑、帝崩於近江宮、丁卯、皇太子即位。丁卯以下、水鏡是為天皇大友、天皇大友元年夏五月、大海人皇子潛懷覬覦、帝聞之、密為之備、朴井雄君謂皇子曰、朝廷勅美濃尾張差山陵役夫、令各執兵、是其意不在山陵、必有事矣、若不早圖、悔無及也、又有人告曰、近江京至倭京、處處置候、命菟道守橋者遮斷吉野、鑲道、帝妃十市亦裁書告皇子、

國史紀事本末

卷十四

八

帝妃以下、水鏡皇子令人偵探、果然、乃怒曰、吾之所以遁世、欲全身耳、今事既逼、吾寧束手耶、六月壬午、皇子遂稱兵、遣村國男依和珥部君手、身毛廣往誘美濃國司、發兵塞不破道、甲申、皇子將赴東國、或曰、近江羣臣得無梗路耶、奈何、徒手而東、皇子然之、遣大友惠尺、黃書大伴、逢志摩就留守司高坂王乞驛鈴、高坂王不與、惠坂馳至近江、召皇子二子高市、大津、皇子乃與正妃鸕野皇女、草壁忍壁二王、及朴井雄君、縣犬養等二十餘人、蒼黃赴東國、至大野日暮、山路闇黑、壞民家籬為炬、進至隱郡、火其驛舍、傳呼曰、天皇入東國、驛夫速來會、民不

肯應將渡橫河、有黑雲竟天、廣十餘丈、皇子舉燭秉式、占曰、此天下兩分之象也、然我終得之乎、急進至伊賀郡火驛家、郡司叛降之、黎明至積殖山口、高市王從鹿深來會、踰大山至伊勢、鈴鹿國司三宅石床、介三輪子首、湯沐令田中足麻呂、高田新家等叛降之、乃發兵五百人塞鈴鹿山道、夜遇雷雨、寒甚、火民家取煖、時大津王設關鈴鹿、爲皇子守焉、皇子令路益人徵之、丙戌至朝明郡迹太川上、望拜伊勢大神、大津王率大分惠尺、難波三綱等來會、男依乘驛來報曰、臣發美濃兵三千、已塞不破道矣、皇子大喜、遣高市王於不破、監其軍事、

國史紀事本末

卷十四

九

遣山背部小田安斗、阿加布、徵東海兵、稚櫻部五百瀨土師馬手、徵東山兵、皇子駐軍桑名、京師聞之、震駭、帝問羣臣曰、計將安出、或進曰、機不可失、請急發驍騎追躡之、帝不從、遣韋那磐鋏、書藥、忍坂大麻呂於東國、穗積百足、物部日向於倭京、佐伯男於筑紫、樟磐手於吉備國、並徵兵、帝謂男及磐手曰、筑紫太宰栗隈王、吉備國守當摩廣島素屬吉野、恐有異圖、彼若不從、速斬之、磐手至吉備、紿廣島令解刀、乃斬之、男至筑紫、授符栗隈王、王曰、筑紫西海衝要、故高城深池、以備不虞、安得輒發兵、萬一外寇乘虛悔無及矣、男欲斬王、王二子佩

劍立侍、男乃止、磐鋏將至不破、疑有伏、緩行、藥等果爲伏兵所獲、磐鋏逃還、時大伴馬來田及弟吹負知亂、將起、稱病家居、聞吉野兵起、馬來田先往屬之、吹負留而招誘豪傑、得數十人、丁亥、高市王遣使桑名曰、請移兵近地、以督諸軍、皇子乃至不破、尾張國司小子部鉏鉤以二萬人叛降之、皇子分其兵塞諸道、高市王出迎曰、臣旣擒朝廷驛使、書藥等、皇子曰、近江朝廷不乏謀臣、吾則不然、唯有兒輩、誰與謀議、高市王攘臂按劍曰、近江羣臣雖多、安能當殿下、臣請督諸將破之、皇子撫其背褒賞、授之鞍馬、委以軍事、高市王還和整、皇子陣野

國史紀事本末

卷十四

十

上、戊子、赴和整處、分軍事而還、時高坂王陣飛鳥寺西、令穗積百足等守小墾田、兵庫運兵器於京師、己丑、大伴吹負密與留守司坂上熊毛謀、使先素熊馳至飛鳥寺、詐呼曰、高市王至矣、官軍驚亂、吹負帥數十騎而進、誘百足殺之、高坂王出降、吹負遣使報不破、皇子大喜、以吹負爲將軍、於是三輪高市、麻呂、甘茂、蝦夷等皆屬、吹負、吹負署爲別將、秋七月庚寅朔、吹負赴乃樂、將寇京師、聞河內官軍來討、遣坂本財、長尾真墨等帥兵三百守龍田、佐味少麻呂帥兵數百守大坂、鴨蝦夷守石手道、官軍方在高安城、聞財等來、火糧儲而逃、財等進

入城辛卯壹岐韓國將官軍討之財等濟衛我河邊戰官軍擊破之財等走懼坂河內國司來目鹽籠將叛應不破韓國覺而欲殺之鹽籠自殺幸已皇子遣紀阿閉麻呂多品治三輪子首置始菟帥兵數萬從伊勢入倭村國男依書根麻呂和珥部君手膽香瓦安倍帥兵數萬從不破寇近江恐其衆與官軍相亂以赤衣爲徽別遣多品治帥兵三千屯荊荻野田中足麻呂屯倉歷道帝命山部王蘇我果安巨勢比等帥兵數萬屯犬上川將襲不破會山部王與果安等私鬪見殺官軍潰亂果安自殺別將羽田矢國以族人出降授斧鉞爲將軍北

國史紀事本末

卷十四

十一

入越先是官軍進攻玉倉部邑是日與吉野將出雲伯戰不利壬辰吹員陣乃樂山上荒田尾赤麻呂謂之曰古京是營壘宜固守焉吹員乃遣赤麻呂赤麻呂撤橋板爲楯列之衢巷以守癸巳帝遣大野果安擊吹員於乃樂山大破之吹員僅以身逃果安追至八口望見古京列楯疑有伏而還甲午田邊小隅將官軍踰鹿深山偃旗至倉歷夜斫足麻呂營中駭擾足麻呂謀知暗號給官軍逸去乙未小隅進攻荊荻野不利而還丙申官軍與男依戰於息長橫河不利境部藥死之戊戌秦友足與男依戰於鳥籠山死之是日紀阿閉麻呂聞吹

員敗遣置始菟帥千餘騎援之遇吹員於黑坂吹員乃還屯金網井招聚散卒托神誨厲衆韓國從大坂進擊吹員於葦池側吹員勇士來目揮刀衝突騎士繼之官軍大敗吹員望見韓國曰獲大將足矣勿妄殺令來目射之不中韓國脫還官軍三道進討大養五十君從中道進陣村屋遣別將廬井鯨帥精兵二百衝吹員陣吹員兵寡不能禦獨勇士德麻呂等兩射官軍不能進會上道官軍與三輪高市麻呂戰於箸陵不利高市麻呂乘勝斷鯨軍後官軍散走鯨乘白馬逸去馬墮深淖吹員呼曰騎白馬者鯨也衆馳進鯨急著鞭馬一躍而出

國史紀事本末

卷十四

十二

乃獲免壬寅官軍與男依戰於安河濱不利社戶大口土師千島被虜丙午官軍與男依戰於栗太不利辛未男依等進逼瀨田帝親帥諸將陣橋西旗旌蔽野埃塵漲天鉦鼓之聲聞數十里智尊帥精兵爲先鋒列弩亂發矢下如雨撤橋板三丈許設一長板繫索設機男依兵不敢進獨大分稚臣棄矛拔刀蹈板疾濟斷索衝突衆繼進官軍應時崩敗智尊斬退者不能禁遂戰死帝與左右數人脫還男依等軍栗津岡是日羽田矢國出雲伯陷三尾城壬子大養五十君谷鹽手與男依戰於栗津市死之左右大臣及羣臣皆逃唯物部麻呂一二

舍人從帝走山前、自縊而崩、辛亥吹負從倭至難波、別將皆會於山前、吹負下令西國、奪其官鑰、驛鈴傳印、癸丑吉野諸將會於彼浪、左右大臣皆見捕、乙卯吹負等赴不破告捷、八月甲申、右大臣中臣金遇害、左大臣蘇我赤兄、大納言巨勢比等及子孫悉配流、大海人皇子遂自立、是為天武天皇、天皇大友有皇子葛野、即妃十市所生、所生據懷風藻、事持統帝至式部卿、

天武天皇七年夏五月甲申、帝幸吉野宮、乙酉詔皇后及草壁大津、高市、川島、忍壁、施基六皇子曰、朕今欲與汝曹共盟、使千歲之後無事、皆對曰、聖旨誠然、於是草

國史紀事本末 卷十四

十三

壁先進盟曰、兒等兄弟長幼、并十餘王、各出於異腹、而今而後、無別同異、俱奉天皇明詔、不忘不失、相扶無忤、天神地祇及天皇證之、若渝此盟、身命忽亡、子孫永絕、五皇子以次盟如初、帝曰、朕今慈愛汝曹、如一母同產、乃披襟抱六皇子曰、若違此盟、忽亡朕身、皇后亦盟如帝、丙戌、車駕還宮、己丑、六皇子拜帝於殿前、

九年春二月甲子、立草壁皇子為皇太子、攝萬機、

十二年春二月己未朔、大津皇子與聞朝政、皇子容止

魁岸、音辭俊朗、自幼好學、博覽善屬文、尚武多力、兼善

擊劍、自幼以下、參取懷風藻、身身下士、人多附託、嘗賦遊獵詩、有

曦光已隱山、壯士且留連之句、新羅僧行心解天文卜筮、相皇子曰、皇子骨法非人臣之相、久居下位、恐不能全身、因勸逆謀、繇此竊蓄異志、懷風藻

朱鳥元年秋九月丙午、帝崩、皇后臨朝稱制、大津皇子遂謀反、天智皇子河島素與大津親善、至是上變告其謀、天智已下懷風藻、冬十月己巳、皇后敕捕大津及其黨八口

音檀、壹岐博德、中臣臣麻呂、巨勢大益、須僧行心、帳內礪杵道作等三十餘人、庚午、賜大津死於驛、語田舍、大津臨刑賦詩曰、金鳥臨西舍、鼓聲催短命、泉路無賓主、此夕誰家向、詩據懷風藻、時年二十四、妃山邊皇女被髮徒

國史紀事本末

卷十四

十四

跣奔赴殉焉、見者歔歔、丙申、詔赦其黨、獨流道作於伊豆、徙行心於飛驒伽藍、

弟延之 延壽校

門人草川重遠書

國史紀事本末卷之十四終

國史紀事本末卷之十五

從六位守大學校中博士常陸青山延光 編次

大寶之治 元明元正之治

持統天皇三年夏四月、皇太子草壁薨、草壁娶天智皇女阿閉生男珂瑠、女冰高、

七年秋七月、太政大臣高市皇子薨、帝會百官議立儲貳、衆議紛紜、葛野皇子進曰、開國已來、子孫相承以踐位、若兄弟相及、則亂由此興、仰察天心、焉得能測推之人事、聖嗣自定、誰敢間然、時弓削皇子欲有言、葛野叱之乃止、帝嘉之、帝會百官已下懷風藻

國史紀事本末 卷十五

十一年春二月壬午、立皇孫珂瑠爲皇太子、秋八月甲子朔、帝禪位於皇太子、皇太子立、是爲文武天皇、天資寬仁、慍不形色、博涉經史、最善射藝、

文武天皇二年春二月甲午、行幸宇智郡、三月庚午、詔諸國司等銓擬郡司、勿有偏黨、郡司居任、奉法勿違、夏四月壬寅、遣務廣貳、文博士刑部真木等南島覓國、因給戎器、五月乙亥、遣使諸國巡視田疇、甲申、敕太宰府繕治大野基肄、鞠智三城、秋七月乙丑、始制答法以檢覈公私奴婢、又禁博戲遊手之徒、八月丁未、修高安城、癸丑、定朝儀、冬十二月丁未、令越後修石船柵、乙卯、選

多氣大神宮於度合郡、

三年春正月癸未、行幸難波宮、二月丁未、車駕還宮、三月壬午、分遣巡察使於畿內、夏五月丁丑、流役小角於伊豆島、小角大和人、博學好佛、善呪術、棄家入葛城山、居巖窟三十餘年、小角大和人已下元亨釋書驅役鬼神、汲水採薪、有不用命者、卽呪縛之、韓國廣足從學、後告其妖妄、乃處遠流、秋七月辛未、多禰夜久菴美、度感諸島從朝使來貢方物、度感始通、授位賜物各有差、八月己丑、奉南島貢物於大神宮及諸社、九月丙寅、又修高安城、辛未詔正大貳已下無位已上備弓矢甲鉞兵馬、冬十一月

國史紀事本末 卷十五

甲寅、文博士刑部真木等至自南島、十二月甲申、令太宰府修三野稻積二城、庚子、始置鑄錢司、先是顯宗帝時已有銀錢、先是已下日本紀至是置司鑄焉、

四年春二月己亥、令越後佐渡修石船柵、壬寅、遣巡察使於東山道、丁未、重敕王臣及京畿備兵器、三月甲子、詔王臣讀習令文、又撰成律條、丙寅、定諸國牧地、夏六月庚辰、敕笠志總領、罰薩末肝衝等人剽劫刑部真木等者、甲午、敕淨大參刑部親王直廣、壹藤原不比等重選定律令、丁卯、賜高年物、以巡察使奏狀、褒國司政績、冬十月壬子、始置製衣冠司、庚午、遣使周防造船、十一

月乙未遣使逮捕天下盜賊、

大寶元年春正月乙亥朔帝御大極殿受朝儀衛嚴整蕃客列左右文物之美於是大備是後以正月一日七

日十六日三月三日五月五日七月七日十一月大嘗

日爲節日是後已二月丁未始置下物職丁巳始釋奠

癸亥行幸吉野離宮此時神本人麻呂妙和歌世謂歌

聖古今集序丙寅任勘民官戶籍史等庚午還宮三月戊子

遣追大肆凡海麿鎌於陸奥治金甲午對馬島貢金建

元曰大寶始依新令改制官名位號停賜位冠易以位

記定服色制罷中納言夏四月庚戌敕右大辨下毛野

國史紀事本末 卷十五

三

古麻呂等始講新令使諸王百官就習之戊午罷田領

委國司巡檢五月己亥始改勤位已下號六月壬寅朔

令正七位下道首名講僧尼令於大安寺其略曰凡僧

尼上觀玄象假說灾祥語及國家妖惑百姓并習讀兵

書殺人奸盜及詐稱得聖道並依法律付官司科罪凡

僧尼卜相吉凶及小道巫術療病者皆還俗其依佛法

持呪救疾不在禁限凡僧尼自還俗者三綱錄其貫屬

更經僧綱自餘經國司并申省除附師主三綱隱而不

申三十日以上五十日苦使六十日以上百日苦使凡

僧尼將三寶物餉遺官人若合構朋黨擾亂徒衆及罵

辱三綱凌辱長宿者百日苦使若集論事辭狀正直以

理陳者不在此例凡僧尼非在寺院別立道場聚衆教

化并妄說罪福及毆擊長宿國郡官司知而不禁者依

律科罪其有乞食者三綱連署經國郡司勘知精進練

行而判許京內仍經玄蕃知並須午前捧鉢告乞不得

更乞餘物凡僧聽近親鄉里取信心童子供侍至年十

七各還本邑其尼取婦女精願者凡僧尼飲酒食肉五

辛者三十日苦使若飲酒醉亂及與人鬪打者各還俗

其他條件甚詳其略曰癸卯始補內舍人九十人己酉

敕凡庶務一依新令國宰貯置大稅必須如法如有關

國史紀事本末 卷十五

四

怠隨事科斷是日遣使宣告七道并領新印樣秋七月

壬辰敕親王已下視其官位賜食封八月癸卯律成戊

申遣明法博士於東海東山南海北陸山陰山陽六道

講新令甲寅遣使河內攝津紀伊造行宮及御船三十

八艘丙寅廢高安城令諸國加差衛士配衛門府九月

戊寅遣使諸國賑恤百姓丁巳行幸紀伊冬十月丁未

遂至武漏溫泉戊午車駕還宮十一月丙子始任造大

幣司丁丑令彈正臺巡察畿內十二月戊申賜諸王帑

樣

二年春正月己巳朔帝御大極殿受朝親王及大納言

已上始著禮服諸王臣已下著朝服二月戊戌朔始頒新律於天下己未甲斐獻梓弓五百張以充太宰府乙丑始給鑰諸國司三月乙亥始頒度量於天下甲申令大和繕治二槻離宮甲午信濃獻梓弓一千二十張以充太宰府夏四月庚子申禁賀茂祭日騎射庚戌詔定諸國國造之民秋七月己巳敕禁親王騎馬入宮門乙亥詔内外文武官講習新令丙子行幸吉野離宮乙未晦始講律冬十月戊申頒律令於天下十二月壬寅始開岐蘇山道

三年冬十一月癸卯太政官處分巡察使所記諸國郡國史紀事本末 卷十五 五

斷
司等有治能者式部依令稱舉有過失者刑部依律推

慶雲元年夏四月庚午信濃獻弓一千四張以充太宰府六月丁巳敕諸國兵士團別分為十番教習武藝

二年春三月癸未行幸倉橋離宮夏四月甲寅遣使巡省天下諸國丙寅敕省大納言二員更置中納言三人

三年春正月壬辰定大射祿法凡大射正月中旬親王已下初位已上皆射凡已下乙丑以天下疾疫禱祈神祇

二月庚寅詔定羣臣祿制丁酉行幸内野三月丁巳詔曰夫禮者天地經義人倫鎔範也道德仁義因禮乃弘

教訓正俗待禮而成比者諸司容儀多違禮義加以男女無別晝夜相會又聞京城内外多有穢尸良由所司不存檢察自今以後兩省五府遣官吏衛士嚴加捉搦隨事科決其罪可罪者錄狀上聞秋九月丙辰遣使七道始定田租法町十五束冬十二月己卯敕令天下脫脛裳一著白袴是月帝不豫請生母阿閉皇女居皇位皇女不許是歲諸國疾疫百姓多死始作土牛大饗四年春二月乙亥以諸國疫遣使大被○本書作正月戊子詔羣臣議遷都夏六月帝崩年二十五風濤懷庚

國史紀事本末 卷十五 六
寅皇母阿閉皇女御東樓召八省卿及五衛督率等告

依遺詔攝萬機是為元明天皇秋七月壬子帝卽位於大極殿冬十二月辛卯詔曰為政之道以禮為先無禮言亂言亂失旨往年有詔停跪伏之禮今聞外廳前皆不嚴肅進退無禮陳答失度是則官司不恪自失禮節之所致也自今以後宜嚴加糾彈革其弊俗使歸淳風元明天皇和銅元年春正月乙巳武藏秩父郡獻銅詔改元二月甲戌始置催鑄錢司文曰和銅開珍錢文始此戊寅詔曰朕祇奉上玄君臨宇内以菲薄之德處紫宮之尊常以為作之者勞居之者逸遷都之事未遑議也而王公大臣咸言往古已降至於近代揆日瞻星起

宮室之基、卜世相土、立帝皇之邑、定鼎之基永固、無窮之業斯在、衆議難捐、詞情且切、况京師者百官之府、四海所歸、唯朕一人、豈獨逸豫、苟利於物、其可違乎、昔殷王五遷、爰中興之號、周后三定、致太平之稱、方今平城之地、四禽叶圖、三山作鎮、龜筮並從、宜建都邑、其營構資、須隨事條奏、待秋收後、令造路橋、子來之義、勿致勞擾、制度之宜、今後不加、夏五月壬寅、始行銀錢、秋七月乙巳、召見百官、面加慰勉、敕曰、朕聞忠清守臣子之業、遂受榮貴、貪濁失臣子之道、必被戮辱、是天地之恒理、君臣之明鏡、汝等知此意、各守所職、勿有怠緩、能堪時務者、必舉而進、亂失官事者、必勿隱諱、因進位、賜文武職事五位已上物有差、八月己巳、始行銅錢、九月壬申、行幸管原、戊寅巡幸平城、觀其地形、庚辰行幸山城、相樂郡岡田離宮、丙戌車駕還宮、

國史紀事本末

卷十五

七

二年春正月壬午、禁私鑄銀錢、三月庚辰、始置造雜物法、用司、秋八月乙酉、廢銀錢、行銅錢、冬十月庚戌、詔比者遷都易邑、搖動百姓、雖加鎮撫、未能安堵、宜免今年租調、

三年春二月庚戌、始置守山戶、禁伐木、辛酉遷都平城、四年春正月丁未、始置都亭驛、夏五月己未、以穀六升

當錢一文、令百姓交關、閏六月丙午、始遣挑文師於諸國、教織錦綾、秋七月甲戌朔、詔曰、張設律令、年月已久、然纔行一二、不能悉行、良由諸司怠慢、不存恪勤、遂使名充員數、空廢政事、若有違犯、而相隱考第者、以重罪之、無有所原、九月甲戌、詔曰、凡衛士者非常之設、不虞之備、必須勇健堪爲兵者、而悉皆羸弱、不習武藝、徒有其名、而不能爲益、如臨大事、何任機要、傳不云乎、以不教民戰、是謂棄之、自今以後、專委長官、簡點勇敢便武之人、每年代易焉、冬十月甲子、始依品位定其祿法、十二月丙午、詔禁親王已下及豪強之家、多占田野、妨民產業、

國史紀事本末

卷十五

八

五年春正月壬辰、廢河內高安烽、始置高見烽及大倭春日烽、以達平城、夏四月癸酉、禁六位以下用白銅及銀飾革帶、六年冬十月戊戌、收諸寺多占田野、其數過格者、七年春二月辛丑、始令出羽養蠶、壬寅遣使七道錄囚徒、冬十二月戊午、少初位下太遠、建治等率南島奄美信覺及球美等島人五十二人、至自南島、八年春正月甲申朔、帝御大極殿受朝、始用鉦鼓、夏五月甲午、詔曰、五兵之用、其來尚矣、服強懷柔、咸憑武德、

今六道諸國造營器仗不甚牢固臨事何用自今以後貢樣巡察使出日審爲校勘六月癸亥遣使奉幣帛於諸社祈雨名山大川不數日澍雨旁沱時人以爲聖德感物秋九月己卯禁文武百寮六位已下用虎豹羆皮金銀飾鞍具庚辰傳位於皇女冰高內親王文武帝之姉也神識深沈言必典禮是月改元靈龜

元正天皇靈龜二年夏五月庚寅以佛寺甚多蕪穢不修詔併兼數寺合成一區近江守藤原武智麻呂奏言部內諸寺多占疆區元不造修虛上名籍所有田園自欲專利若不釐正恐致減法人情稍薄緇敎凌遲非唯

國史紀事本末

卷十五

九

近江傍國亦然望遍令諸國革弊還淳從之癸卯送弓五千三百七十四張於太宰府冬十月壬戌申禁內外諸司薄紗朝服六位已下羅幘頭

養老元年夏四月壬辰詔曰置職任能所以教導愚民設法立制由其禁斷奸非頃者百姓乖違法律恣任其情剪髮髡髮輒著道服貌似桑門情挾奸盜詐僞所以生奸冗自斯起一也凡僧尼寂居寺家受敎傳道准令云其有乞食者三綱連署午前捧鉢告乞不得因此更乞餘物方今小僧行基并弟子等零疊街衢妄說罪福令構朋黨焚剝指臂歷門假說強乞餘物詐稱聖道妖

惑百姓道俗擾亂四民素業違違釋敎退犯法令二也僧尼依佛道持神呪救病徒施湯藥而療痼疾於令聽之方今僧尼輒向病人之家詐執巫術逆占吉凶恐脅耄稚稍致有求道俗無別終生奸亂三也如有重病應救請淨行者經告僧綱三綱連署期日令赴不得因茲逗遛延日實由主司不加嚴斷致有此弊自今以後不得更然布告村里務加禁止五月丙辰詔曰率土百姓浮浪四方規避課役遂仕王臣或望資人或求得度王臣不經本屬私自驅役囑請國郡遂成其志因此流宿天下不歸鄉里若有斯輩輒私容止者揆狀科罪並如

國史紀事本末

卷十五

十

律令秋九月丁未行幸美濃戊申至近江觀淡海丙辰幸當耆郡觀多度山美泉甲子車駕還宮

二年春正月壬申行幸美濃醴泉三月戊戌還宮冬十一月癸丑始差畿內兵守衛宮城

三年春二月壬戌始令天下百姓右衽職事主典已上執笏冬十二月戊子始定婦女衣服制

四年春正月丙子遣渡島津輕司等於靺鞨觀其風俗夏五月癸酉頒尺樣於諸國六月己酉漆部司令史大部路石勝直丁泰大麻呂坐盜司漆處流石勝子祖父麻呂年十二安頭麻呂九歲乙麻呂七歲同言臣父盜

用司漆將以養臣等兄弟三人願沒爲官奴贖父罪帝感其孝許之秋七月壬申免祖父麻呂等從良是月始置按察使巡省諸國冬十月丙申始置養民造器二司五年春正月甲戌詔文武庶僚自今以去若遇災異極言得失二月癸巳召見左右大辨八省卿等於殿前詔曰朕德菲薄導民不明夙興以求夜寐以思躬居紫宮心在黔首無委卿等何化天下國家之事有益萬機必可奏聞如有不納重爲極諫汝無面從退有後言甲午詔曰諺云歲在申年每有事故去歲庚申咎徵屢見水旱並臻平民流沒秋稼不登國家騷然萬姓苦勞加以

國史紀事本末

卷十五

十一

朝廷儀表藤原大臣奄然薨逝朕心哀慟况復災異之餘延及今歲風雲氣色有違於常朕心恐懼日夜不休聞之舊典王者政令不便事天地譴責以示咎徵或有不善則致之異今羣臣位高任大豈得不罄忠誠乎其有政令不便直言盡意無有所隱朕將親覽於是公卿各仰屬司上意見三月乙卯詔曰制節謹度禁防奢淫爲政所先百王不易之道也王卿士及豪富之民多畜健馬非唯損財遂致爭鬪其制條例有司條奏定畜馬之法親王大臣不得過二十匹諸王諸臣三位已上十二匹四位六匹五位四匹六位以下至庶人三匹夏四

月癸卯令天下諸國舉力田之人五月辛亥令七道按察使及太宰府巡省諸寺隨便併合

六年秋七月丙子詔曰陰陽錯謬災旱頻臻由是奉幣名神奠祭神祇甘雨未降黎元失業朕薄德所致百姓何罪宜大赦天下令國郡司審錄冤獄掩骼埋胔禁酒斷屠高年之徒勤加存撫己卯太政官奏言近右京僧尼以淺識輕智巧說罪福之因果不練戒律詐誘都下之衆庶內黷聖教外虧皇猷遂令人之妻子剃髮刻膚動稱佛法輒離室家無懲紀綱不顧親夫或負經捧鉢乞食於街衢之間或偽誦邪說寄法於村邑之中聚宿

國史紀事本末

卷十五

十二

爲常妖訛爲羣初似脩道終挾奸亂永言其弊特須禁斷奏可之七年春二月戊午鑿矢田池夏五月癸酉行幸芳野宮冬十月己酉造危村橋八年春二月甲午禪位於皇太子皇太子立是爲聖武天皇

國史紀事本末卷之十五終

弟延之 延壽校
門人草川重遠書

國史紀事本末卷之十六

從六位守太學校中博士常陸青山延光 編次

聖武信佛 長屋王之冤 廣嗣之亂

聖武天皇神龜二年冬十二月庚午詔曰天下囚徒死罪宜降從流流罪宜從徒徒已下並依刑部奏帝最信佛法故有是詔自百濟獻佛像至是百七十餘年天子崇奉佛教者自帝始也

三年夏六月辛酉太上皇不豫命天下諸國放生丁卯為太上皇度僧二十八人尼二人秋七月甲午度僧十五人尼七人八月庚寅太上皇未愈帝為造釋迦像寫

國史紀事本末 卷十六

法華經設齋於藥師寺是歲建東金堂於山階寺祈太上皇不豫是歲以下水鏡

四年春二月辛酉召僧六百尼三百於中宮轉讀金剛般若經禳災異

五年秋八月甲午詔天下禁畜鷹欲畜者待後赦甲申敕皇太子寢病經日不愈自非三寶威力何能解脫患苦為造觀世音菩薩像一百七十七軀寫經一百七十七卷又敕大赦天下九月丙午皇太子薨冬十月壬午僧正義淵率遣治部官人監護喪事轉純一百匹絲一百絢綿三百屯布二百端○據喪葬令太政大臣購物施五十四匹布二百端鐵十五

連十一月乙未以從四位下知努王為造山房司長官庚申擇僧九人住山房十二月己丑頒金光明經六十帙六百四十卷於諸國國別十卷先是諸國畜金光明經或八卷或四卷至是繕寫頒下隨到轉讀

天平元年春二月辛未左京入漆部君足中臣東人密告左大臣長屋王私學左道欲傾國家帝夜遣使固守三關命式部卿藤原宇合等將六衛兵圍長屋王宅壬申遣二品舍人親王新田部親王等就王宅究問癸酉賜王自盡王高市皇子之子好學善詩一時名流多遊其門嘗招新羅使者餞之極遊燕之盛好學以下懷風藻至是

國史紀事本末 卷十六

遭讒而死今昔物語妃吉備內親王及男膳夫王桑田王葛木王釣取王皆自殺安宿王黃文王山背王以不比等女所生得不死悉捕家人錮之左右衛士兵衛等府甲戌遣使葬長屋王吉備內親王敕曰吉備內親王無罪宜准例葬之長屋王雖有罪伏誅勿薄其葬戊寅外從五位下下毛野宿奈麻呂等七人坐與長屋王交通處流夏六月庚寅朔講仁王經於朝堂及畿內七道諸國四年秋七月丁未詔括畿內百姓畜猪四十頭放之五年秋七月庚午始令大膳備孟蘭盆供養

七年夏五月己卯轉讀大般若經於宮中及大安藥師

元興興福四寺以禳災異六月己丑敕曰先令并寺者自今以後更不須并宜令各寺務加修造若有懈怠不敢修者准前并之秋七月乙未以太宰府疫死者多敕讀金剛般若經於府大寺及隣國諸寺冬十月丁亥先是一品新田部親王薨是日詔親王之喪每七日供齋以僧一百人為限七七齋訖停之永以為例

八年春二月丁巳施遣唐學問僧玄昉封一百戶田一十町玄昉姓阿刀氏靈龜中遊學唐國唐主賜紫袈裟後與留學生吉備真備等俱還獻佛經五千餘卷及諸佛像秋七月辛卯太上皇不豫帝為度一百人令都下

國史紀事本末

卷十六

三

四大寺修法七日

九年春三月丁丑詔諸國各造釋迦像一軀挾侍菩薩二軀寫大般若經一部始置國分寺於諸國

始置已下元亨釋書

從皇后請也夏四月乙巳律師道慈請每歲令僧百五十人轉讀大般若經於大安寺以諸國調庸充布施永為恒例許之五月甲戌朔日有食之召僧六百人於宮中讀大般若經秋八月癸卯命四畿內二監及七道諸國僧尼每月讀最勝王經又六齋日禁殺生丙辰召僧七百人於宮中十五處讀大般若經最勝王經度四百人四畿內七道諸國五百七十八人甲子正五位下巨

勢奈氏麻呂為造佛像司長官丁卯以玄昉為僧正賜紫袈裟置內道場九月癸巳停筑紫防人己亥施兩京四畿二監僧正以下沙彌已上二千三百七十六人綿及鹽有差冬十月丙寅令律師道慈講金光明最勝王經於大極殿朝儀一同元日十二月丙寅皇太夫人藤原氏就皇后宮見玄昉施純一千匹綿一千屯絲一千約布一千端

十年春正月壬午立阿部內親王為皇太子皇女為儲貳自古未有也三月丙申施山階寺食封一千戶鵬寺二百戶隅院一百戶又限五年施觀世音寺一百戶夏

國史紀事本末

卷十六

四

四月乙卯詔畿內七道諸國讀最勝王經三日五月庚午停東海東山山陰山陽西海諸國健兒秋七月丙子初左兵庫少屬大伴子蟲事長屋王頗見眷遇是日與右兵庫頭中臣東人圍碁語及長屋王子蟲不勝忿怒抽劔斫殺之以東人嘗誣告王也冬十二月丁卯以從五位下藤原廣嗣為太宰少貳廣嗣式部卿馬養子也十一年夏六月癸未黜諸國白丁守諸國兵庫以停兵士也秋七月甲辰詔天下諸寺轉讀五穀成就經十二年秋七月甲戌令天下諸國各寫法華經十部建七重塔時玄昉居內道場屢稱說法近侍皇后頗有醜

聲聞於外昔物語太宰少貳藤原廣嗣深惡玄昉又

與吉備真備不協八月癸未廣嗣上表陳時政得失其

略曰臣聞天子有諍臣七人不失天下諸侯有諍臣五

人不失其國故古之聖王開廣言路以決壅蔽今陛下

聖明臣將何言然智者千慮或有一失頃小人道長君

子道消上下懸隔下情不通加以皇天警戒災異疊見

羣臣指默未嘗一言臣子之道豈宜如此臣家荷國恩

鼎食累世縱觸聖怒安忍不言自天平五年至十一年

太白經天者六此臣下僭橫之象也十二年二月陰獸

登樹奪陽鳥巢此賊臣覬覦之象也臣深憂之臣愚一

國史紀事本末 卷十六 五

矣出家人去城市如出囹圄棄妻子如脫枷鎖不得畜

養奴婢酤酒屠肉耕耘商賈今僧正玄昉驅使奴婢與

作舍宅聚積財貨釀酒屠肉一如商賈浮屠之教焉在

況僧正之職佛法綱紀彼乃敢好華靡耽女色令諸僧

尼漸陷邪路又私制邪律流放僧尼內挾欲嫌之心外

耀指鹿之威僧正之號焉在臣愚二矣頃歲賢臣良將

凋謝殆盡疫癘流行百姓多死村里爲空豈非朝廷親

信姦邪之應邪興廢之機係此一時不可不懼臣愚三

矣聖朝之尊照臨萬國而近世唐主包藏禍心伺我上

國者久矣冀爾新羅蓄怨偵覈動圖侵寇其它北有蝦

夷西有隼俗頑橫粗暴不可馴服中國治則服亂則叛

彼今畏陛下威武不敢逞毒萬一烽燧告急廟堂盱食

彼豈敢坐視今日誠宜崇賢選士鍊習甲兵振肅紀綱

以備不虞豈可廢怠武備以啓夷狄之心耶兵法曰天

下雖安忘戰必危今陛下解兵士賣牧馬罷射田臣未

見其可臣愚四矣玄昉惑陛下蔽欺皇后讒構藩屏

之族令朝廷無維城之固放逐棟梁之家令左右無忠

良之輔屢出酷政動興大役禍被萬民怨歸陛下從五

位上右衛門督吉備朝臣眞備邊鄙儒子斗筭小人遊

學海外尤習長短眞所謂利口覆邦者矣彼扶翼玄昉

國史紀事本末 卷十六 六

濁亂朝廷臣觀二盜契同比目陛下遇之非不厚而彼

猶貪欲無厭若不早除噬臍何及古云涓水不塞將成

江河兩葉不去將用斧柯臣請賜尚方劍芟夷二盜天

下幸甚臣愚五矣我國祚悠久固將與天壤相終始而

今爲二盜所誤豈不哀哉芻蕘之言聖人擇焉幸照益

下納臣愚忠帝不納廣嗣妻留在京師玄昉聞其美欲

姦之妻告之太宰府廣嗣大怒其略曰已下松浦社本緣起九月丁

亥廣嗣叛據速珂郡儲兵弩舉烽火徵國中兵敕以從

四位上大野東人爲大將軍從五位上飯麻呂爲副將

軍徵東海東山山陰山陽南海五道兵一萬七千人持

節討廣嗣。戊子召隼人二十四人授位從軍。己丑敕從五位上佐伯常人從五位下阿部蟲麻呂從軍。乙未遣治部卿三原王於伊勢奉幣大神宮。己亥敕四畿內七道諸國各造觀音菩薩像一軀高七尺寫觀世音經十卷以祈戰勝。戊申東人言生擒豐前賊徒一千七百六十七人。己酉東人言豐前京都郡大領梶田勢麻呂仲津郡擬少領膳東人下毛郡擬少領勇山伎美麻呂築城郡擬少領佐伯豐石皆帥兵歸順。癸丑敕筑紫府管內諸國募斬廣嗣者。壬戌詔東人祈捷八幡神。先是廣嗣帥大隅薩摩筑前豐後兵一萬至板櫃河令多胡古麻呂將一軍將二道並進自帥隼人爲前鋒編木爲筏將濟常人蟲麻呂帥兵六千陣河東發弩禦之廣嗣不能進常人令部下隼人呼曰屬廣嗣者罪及三族廣嗣兵不敢放箭常人累呼廣嗣廣嗣進曰敕使爲誰常人告以名廣嗣下馬再拜曰廣嗣何敢捍朝命但請朝廷二罪人耳廣嗣而捍朝廷天神地祇罰之常人曰何故舉兵廣嗣辭塞上馬而退其兵相率出降己卯帝欲幸東國敕東人等曰朕將暫赴關東將軍勿驚怖壬午車駕幸伊勢丙子東人生獲廣嗣先是廣嗣知事不濟從知駕島航海乘東風往四日望見一島從者曰是爲耽羅

島風適暴急漂蕩不能進風乍轉舟漂而東廣嗣捧驛鈴曰我是大忠臣神豈弃我邪投鈴以祈風濤益暴遂復還知駕島乃匿於值嘉島爲進士安部黑麻呂所擒十一月甲寅朔斬廣嗣及綱手於肥前松浦郡是日帝幸伊賀乙酉復幸伊勢戊子東人捷問至己酉幸美濃十二月戊午經始山背相樂郡恭仁鄉將遷都乙丑幸近江志賀山寺禮佛是冬流廣嗣弟良繼於伊豆十三年春正月丁酉贈太政大臣藤原不比等家納食封五千戶還賜二千戶其餘施諸國國分寺以充造丈六佛像之費甲辰斬廣嗣黨與二十六人沒官五人流四十七人徙三十二人杖一百七十七人三月乙巳詔曰頃者年穀不豐疫癘頻至慙懼交集唯勞罪己是以廣爲蒼生遍求景福前年馳驛增飾天下神宮去歲令天下造釋迦牟尼佛金像高一丈六尺各一鋪并寫大般若經各一部自今春以來至于秋稼風雨順序五穀豐穰此乃微誠啓願靈貺如答宜令天下諸國各造七重塔一區寫金光明經最勝王經妙法蓮華經各十部朕又別寫金字金光明最勝王經每塔各置一部每國僧寺施封五千戶水田十町尼寺水田十町僧寺必置二十僧名爲金光明四天王護國之寺尼寺置十尼名

爲法華滅罪之寺、僧尼每月八日轉讀最勝王經、每至月半、誦戒羯磨、每月六齋日、公私不得漁獵殺生、國司宜恒加檢校、閏月甲戌、奉八幡神宮祕錦冠一頭、金字最勝王經、法華經各一部、度者十八人、封戶馬五匹、又造三重塔一區、賽宿禱也、

十四年春正月辛亥、廢太宰府、

十五年春正月癸丑、召衆僧於金光明寺、限七七日轉讀金光明最勝王經、三月癸卯、遣右大臣橘諸兄於金光明寺、慰勞衆僧、帝從皇后請、將建東大寺、冬十月辛巳、詔造盧舍那佛銅像一軀、乙酉、帝御紫香樂宮、始開

國史紀事本末

卷十六

九

寺地、造佛像、高五丈、鑄工莫能下手、國中公麻呂有巧思、請造之、帝大悅、僧行基率弟子勸誘衆庶、佐伯今毛人催督甚力、帝尤委任之、行基藥師寺僧也、元正帝嘗責其妄說罪福、惑百姓、至是帝甚信之、詔授大僧正、施四百人出家、行基建道場於畿內者四十九處、其餘諸道猶多、

十六年春三月丁丑、運金光明寺大般若經、致之紫香樂、比至朱雀門、雜樂並奏、宮人迎入宮中、召僧二百人、轉讀一日、戊申、召僧三百人於難波東西樓殿、讀大般若經、夏四月甲寅、廢造兵鍛冶二司、秋七月甲申、詔四

畿內七道諸國、國別割正稅四萬束、施僧尼兩寺各二萬束、每年出舉、以其息利充造寺用、冬十一月壬申、始建盧舍那佛像體骨柱、帝親臨、手引其繩、四大寺僧悉會、觀施有差、十二月壬辰、令天下諸國藥師、悔過七日、丙申、度一百人、夜燃燈一萬盞於金鐘寺、

十七年夏五月己未、地震、令京師諸寺讀大般若經七日、乙丑、地震、令大安藥師元興、興福四寺讀大集經三日、丁卯、地震、讀大般若經於平城宮、六月辛卯、復置太宰府、秋八月庚子、設無遮大會於大安殿、九月己巳、限三年禁殺生、癸酉、令諸國悉放所畜鷹鷄、度三十八

國史紀事本末

卷十六

十

百人、甲戌、令京師及諸國寫大般若經、凡一百部、造藥師像七軀、高六尺三寸、丁丑、召僧六百人於平城中宮、讀大般若經、冬十一月乙卯、遣僧玄昉造筑紫觀世音寺、寺元正帝養老中、敕僧滿誓造之云、玄昉穢行、滋甚、時人惡之、至是貶竄、庚午、收玄昉封物、

十八年夏六月己亥、僧玄昉死、時人云爲藤原廣嗣靈所殺、秋九月戊寅、恭仁宮大極殿施入國分寺、冬十月甲寅、帝及太上皇皇后幸金鐘寺、慶盧舍那佛、燃燈一萬五千七百餘盞、使數千僧擎脂燭贊歎、繞佛三匝、十九年夏五月庚寅、召僧徒講說仁王經於南苑、令天

下諸國亦講之。九月乙亥，河內人阿保人麻呂以錢一千貫，越中人礪波志留志以米三千碩奉盧舍那佛，並授外從五位下。十一月己卯，詔曰：朕以天平十三年二月十四日，詔天下諸國別造金光明寺法華寺、金光明寺各造七重塔一區，寫金字金光明經一部，而諸國司怠緩不行，或置寺不便，或未開基，朕之股肱，豈合如此？是以差從四位下石川年足從五位下阿部小島布勢宅主等分道發遣，檢定寺地，國司宜與使人及國師簡定勝地，務加營繕。又仕郡司有材幹者，掌之，限來三年以前造塔金堂僧房，若能畢

國史紀事本末

卷十六

十一

工者，仕郡領司子孫無絕。僧尼兩寺水田，除前數外，更加僧寺九十町，尼寺四十町。十二月乙卯，敕天下諸國百姓請造塔者悉聽之。二十年夏四月庚申，太上皇崩，是月屢命諸寺誦經，五月丁丑，敕天下諸國，每至七日，國司身自潔齋，聚僧尼讀經。秋七月丙戌，寫法華經一千部，修太上皇冥福。冬十二月甲寅，度僧尼各一千。

天平感寶二年春正月丙寅朔，令天下諸寺轉讀金光明經七日，禁天下殺生。初，帝造盧舍那佛銅像，冶鑄已畢，塗金不足。二月丁巳，陸奥守百濟敬福始得黃金貢

之，帝大悅，以為信佛之效。夏四月甲午朔，幸東大寺，北面對盧舍那佛像，自稱三寶奴，告陸奥始出黃金。丁未，帝幸東大寺，御盧舍那佛前殿，授羣臣位有差。閏五月壬寅，度一千人於宮中。癸卯，大赦天下，但殺父母毀佛像者不在赦限。癸丑，詔捨大安藥師元興興福東大五寺各純五百匹，綿一千屯，布一千端，稻十萬束，墾田地一百町。其他諸寺各有差，詔諸寺轉讀一切大乘小乘經律論抄疏章等，以華嚴經為本。

國史紀事本末

卷十六

十二

廟歲時祭祀

真備至已下，松浦社本錄起。

四年春正月辛巳，禁天下今年殺生。緣海百姓以漁為業，不得生存者，日給穀二升。己丑，度僧九百五十人。尼五十人，以太上天皇不豫也。夏四月乙酉，盧舍那大佛像成，是日帝親率文武百官，行幸東大寺，設齋大會，其儀一同元日。會僧一萬，歌舞喧闐，張設奇偉，佛會之盛，未嘗有也。是夕，帝還，御大納言藤原仲麻呂田村第。

押勝道鏡之亂

聖武天皇天平十年春正月壬午，先是皇太子薨，是日立皇女阿倍內親王為皇太子。

天平勝寶元年春正月丙辰、以都下屢有匿名書、詔教誠百官及大學生徒、秋七月甲午、帝讓位皇太子、皇太子立、是為孝謙天皇、八月辛未、改皇后宮職曰紫微中臺、以大納言藤原仲麻呂兼紫微令、仲麻呂左大臣、武智麻呂第二子也、為人聰警、略涉書史、從大納言阿倍少麻呂學算、尤精其術、帝寵幸之、委以樞要、權勢日盛、兄豐成、為右大臣、有時望、仲麻呂忌之、每欲中傷、未得其隙、從弟真楯為式部大輔、以明敏得寵、仲麻呂心害其能、真楯稱病家居、由是豪宗右族皆惡仲麻呂、

孝謙天皇天平勝寶二年春正月乙巳、授正三位藤原

國史紀事本末 卷十六

十五

仲麻呂從二位、

四年夏四月乙酉、帝幸東大寺、慶大佛像、還御仲麻呂

田村第、是後屢幸、遂為別宮、

八歲春二月丙戌、左大臣橘諸兄致仕、先是聖武太上

皇不豫、諸兄祇承人佐味宮守告曰、左大臣酒醉、言辭無

禮、恐有異圖、太上皇不信、諸兄聞之、遂致仕、尋敕召越

前守佐伯美濃麻呂問諸兄事、美濃麻呂曰、請問之佐

伯全成、帝欲從之、太后固止之、乃止、夏五月乙卯、太上

皇崩、遺詔立新田部親王子中務卿道祖王為皇太子、

時仲麻呂喪子、真從、招大炊王居田村第、妻以真從寡

婦、王舍人親王子也、癸亥、仲麻呂誣告出雲守大伴古慈斐、內豎淡海三船誹謗朝廷、禁之、左右衛士府尋貶古慈斐為土佐守、冬十月癸卯、仲麻呂納米一千斛雜菜一千於東大寺、

天平寶字元年春三月丁丑、以皇太子居喪無禮、詔廢之、以王歸第、夏四月辛巳、帝召羣臣議立儲貳、右大臣藤原豐成、中務卿藤原永手請立廢太子兄鹽燒王、攝津大夫文屋珍努、左大辨大伴古麻呂等請立池田王、仲麻呂曰、知臣莫若君、唯陛下擇之、帝曰、宗室中唯舍人新田部兩親王最長、故先帝立道祖王、而一旦廢黜、

國史紀事本末 卷十六

十四

今日所擇宜在舍人親王諸子、而舍王閨房不修、池田

王孝行有闕、鹽燒王獲罪先帝、唯大炊王未聞有過、朕

欲立之、如何、羣臣曰、唯命是從、帝即日遣內舍人藤原

薩雄迎大炊王於仲麻呂第、立為皇太子、夏五月辛亥、

帝將改修皇宮、移御田村宮、丁卯、以仲麻呂為紫微內

相、詔曰、朕覽周禮、將相殊道、政有文武、理宜然、是以新

令之外、置紫微內相一人、令掌內外諸兵事、官位祿賜

一准大臣、六月壬辰、正四位下橘奈良麻呂為左大辨、

左大辨大伴古麻呂兼陸奥鎮守將軍、陸奥守佐伯全

成兼副將軍、奈良麻呂諸兄子也、惡仲麻呂專恣、陰欲

除之、與廢太子及安宿王、黃文王、大伴古麻呂、小野東人、多治比續養、賀茂角足等謀行廢立、甲辰山背王上變曰、橘奈良麻呂聚兵器、謀圍田村宮、大伴古麻呂預其謀、王長屋王子、安宿王、黃文王弟也、秋七月戊子、帝以物議沸騰、詔戒諭羣臣、是夕中衛舍人上道斐太都告仲麻呂曰、備前前守小野東人呼僕謂曰、有王臣謀殺皇子及內相、汝能從乎、僕問王臣爲誰、彼答曰、安宿王、黃文王、橘奈良麻呂、大伴古麻呂等是也、僕又問其謀如何、彼答曰、有二策、一則率精兵四百圍田村宮、一則古麻呂爲陸奧將軍、今方赴任、比至美濃、稱病不進、

國史紀事本末

卷十六

十五

請與親族相見、乃閉關絕外援耳、僕佯許諾、敢告仲麻呂入奏、警衛諸門、遣高麗福信帥兵捕東人等、禁之左衛士府、又遣兵圍廢太子第、己酉遣藤原豐成、藤原永手考問東人等不服、是日仲麻呂召鹽燒王、安宿王、黃文王、奈良麻呂、古麻呂、傳太后命特宥之、庚戌更遣永手鞠問東人、東人款服曰、前月會議者凡三次、一於奈良麻呂家、一於圖書藏庭、一於太政官院庭、庭中拜天地四方、共飲鹽汁、誓曰、以七月二日夜發兵、圍內相宅殺之、卽圍大殿、廢皇太子皇太后、取鈴璽、召右大臣令衆、然後廢帝、簡四王立之、其人則安宿王、黃文王、奈良

麻呂、古麻呂、多治比續養、多治比禮麻呂、大伴池主、多治比鷹主、大伴兄人耳、其餘闇中不能辨也、於是悉捕其黨鞠問、奈良麻呂度不免、乃曰、仲麻呂無道、吾將發兵殺之、然後陳扶耳、敕使問曰、所謂無道指何事、曰、彼造東大寺、人民愁苦、敕使曰、造寺始於汝父時、如何、奈良麻呂默然、安宿王、黃文王、古麻呂等皆款服、卽日下獄、分遣諸衛掩捕餘衆、又遣出雲守百濟敬福、太宰帥船王等、率諸衛人、拷掠窮問廢太子、黃文王、東人、古麻呂、續養、角足等、並杖死、流安宿王於佐渡、信濃守佐伯大成、土佐守大伴古慈斐並流任國、其餘或死或流、遣

國史紀事本末

卷十六

十六

使召遠江守多治比國人切問、卽款服、流之伊豆、敕陸奧勘問守佐伯全成、全成曰、嚮先帝不豫、奈良麻呂欲立黃文王爲帝、語之全成者數次、全成每峻拒之、最後彼與全成見古麻呂密語曰、今天下洶洶、人心不定、他族若有擁立一王者、吾屬無噍類矣、不如先他族舉事、古麻呂曰、右大臣大納言並秉權柄、汝縱立君、人孰從汝、全成亦諫止之、不知其佗、言畢自經、辛亥授從四位上山背王、巨勢界麻呂從三位、從八位上上道斐太都從四位下、以告變也、尋賜山背王姓藤原、名弟貞、以告二兄謀也、仲麻呂以豐成子乙繩善奈良麻呂、誣以其

黨乙卯遣藤原永手就豐成第、敕縛進乙繩、戊午貶豐成爲太宰員外帥、乙繩爲日向員外掾、遷諸司及京畿百姓村長以上黨、奈良麻呂等者、配出羽柵戶、癸酉詔宥鹽燒王、閏八月壬戌、仲麻呂奏請以曾祖鎌足功田一百町、施山階寺、助維摩會、帝許之。

二年秋八月庚子朔、帝禪位皇太子、是爲廢帝、甲子以仲麻呂爲太保、敕曰、褒善懲惡、聖主格言、賞績酬勞、明主彝訓、藤原朝臣仲麻呂恪勤守職、事君忠赤、殄逆徒於未戰、黎元獲安、固危基於未然、聖歷終長、國家無患、略由若人、伊尹有莘、滕臣一佐成湯、遂荷阿衡之號、呂

國史紀事本末

卷十六

十七

尚渭濱遺老、旦弼文王、終得營丘之封、況自乃祖近江、大津宮內大臣已來、世有明德、翼輔皇室、君歷十帝、年殆一百、朝廷無事、海內清平、由此論之、曠世無匹、汎惠之美、莫美於斯、自今以後、宜姓中加惠美二字、禁暴勝強、止戈靜亂、故名曰押勝、朕舅之中、汝卿良尚、故字曰尚舅、更給功封三千戶、功田一百町、永爲傳世之賜、以表非常之勲、別聽鑄錢、舉指及用惠美家印、是日敕押勝等改易官號、更太政官曰乾政官、太政大臣曰太師、左大臣曰太傅、右大臣曰太保、大納言曰御史大夫、紫微中臺曰坤宮官、中衛大將曰太尉、

廢帝天平寶字三年春正月甲午、押勝宴渤海使者於田村第、敕賜女樂及綿一萬屯、押勝意益驕、欲建武功、以眩耀一世、夏五月壬子、令太宰府造行軍式、將伐新羅、是後屢遣使告諸社、或課諸國造兵船、未及出兵而敗云、冬十一月壬辰、敕增押勝帶刀資人二十人、道前四十人、

四年春正月甲子、韋押勝第、以節部省純綿賜五位已上及從官主典已上、節部省卽大藏也、丙寅帝奉太上皇御內安殿、授押勝從一位、爲太師、賜隨身契、丁卯帝及太上皇幸押勝第、賜錢從官五位已上、秋八月甲子、

國史紀事本末

卷十六

十八

帝從押勝請、贈左大臣武智麻呂及房前太政大臣、五年冬十月甲子、帝奉太上皇幸近江保良宮、僧道鏡從焉、道鏡弓削氏河內人、以禪行聞、帝召入內道場爲禪師、庚午幸押勝第、

六年春二月辛亥、押勝敘正一位、時子真光訓儒麻呂朝謁小湯麻呂、薩雄幸加治、執棹皆爲顯官、一門富盛、驕橫日甚、甲戌、賜押勝近江淺井高島二郡鐵穴、道鏡侍太上皇、稍被寵幸、帝屢以爲言、遂與太上皇有隙、夏五月辛丑、車駕還京、御中宮院、太上皇御法華寺、丙午賜押勝帶刀資人六十人、道前一百人、官給衣服、押勝

起宅楊梅宮南、構樓下、瞰禁中、南門設樓櫓、時人側目。六月庚戌、太上皇召五位已上於朝堂、詔曰、岡宮天皇皇統將絕、故朕以女子襲位、今朕既立、今帝而帝、視朕如仇、敢爲無根之言、朕不宜受此惡言、然亦由朕薄劣、朕深慚愧、繇此發菩提心、出家爲佛弟子、平常政事、今帝行之、國家大事、賞罰二柄、朕自行之、秋八月丁巳、令左右京尹惠美訓儒麻呂等侍中宮院、宣傳敕旨。

七年春二月丁丑、押勝宴渤海使、詔賜雜色袷衣三十櫃、冬十二月、禮部少輔中臣伊加麻呂及子眞助、造東大寺判官葛井根道坐飲酒言涉忌諱、並獲罪、伊加麻

國史紀事本末

卷十六

十九

呂左遷大隅守、眞助流於土佐、根道於隱岐、告者皆授位、是歲、少判事藤原良繼憤押勝諸子官皆在己上、密與從四位下佐伯今毛人從五位上石上宅嗣大伴家持等謀、欲殺押勝、右大舍人弓削男廣告之押勝、乃捕而鞠之、良繼曰、吾獨爲之、他人實不知也、乃除姓奪位、八年、道鏡常侍太上皇、押勝寵稍衰、押勝憤怨、潛圖不軌、秋九月丙申、諷太上皇爲都督使、統四畿內三關、近江丹波播磨等國兵事、准據諸國習兵之法、管內兵士每國二十人、五日爲番、會都督衛簡閱武藝、奏畢、私益其數、用太政官印下之、大外記高丘比良麻呂懼禍及

國史紀事本末

卷十六

二十

密奏之、押勝以天津大浦世習陰陽家術、就問吉凶、大浦亦密奏、乙巳、押勝將奪中宮院鈴印、近衛物部磯浪上變、太上皇遣少納言山村王收鈴印、押勝令訓儒麻呂邀擊、投刀少尉坂上灼田麻呂等射殺之、押勝又令矢田部老被甲馳馬、劫詔使、投刀紀船守射殺之、敕禰押勝官爵、除藤原姓、遣使固守三關、押勝夜帥黨與走近江、預遣使調發兵馬、造池使淡海三船在勢多、縛其使者、造東寺長官吉備眞備料押勝必走、分諸軍遮路、於是山城守日下部子麻呂衛門少尉佐伯伊多智等直取田原道赴近江、火勢多橋、押勝望見駭懼、轉走高島郡、宿前少領角家足家有星墜臥屋上、大如甕、太上皇以從五位下藤原藏下麻呂爲討賊將軍、追擊之、丙午、太上皇敕、今聞逆臣惠美仲麻呂盜官印逃去、彼爲人臣、飽承厚寵、寵極禍滿、自陷深刑、猶且劫略愚民、欲爲僥倖、若有勇士設計翦除、即當重賞、又令北陸道諸國不得承用太政官印、伊多智等馳至越前、斬守辛加知、押勝不知、立鹽燒爲帝、眞光朝駕皆爲三品、餘各有差遣、精兵入愛智關、投刀物部廣成拒而却之、押勝進退失據、乘船赴淺井郡鹽津、遇暴風殆覆、乃更取山道、直指愛發、伊多智等拒之、押勝還至高島郡三尾崎、遇佐

伯三野大野真本與之戰從午及申官軍疲頓會藏下
麻呂將兵奄至真光引退三野等乘之殺傷頗衆押勝
望見大懼乘船遁逃諸軍水陸並進押勝阻勝野鬼江
盡銳拒戰官軍奮擊賊潰押勝獨與妻子單舸逃去石
村石楯追擊斬之并其妻子從兵三十四人傳首京師
獨第六子刷雄以少修禪行減死流於隱岐官軍索捕
餘黨斬鹽燒等甲寅固關使以美濃少掾村國島主嘗
事押勝殺之而島主已歸順爲內應太上皇知其冤尋
贈從五位下藏下麻呂凱旋獻捷初押勝走近江太上
皇復藤原豐成官爵是日敕告羣臣又敕曰朕見道鏡

國史紀事本末

卷十六

二十一

禪師所行至淨繼隆佛法擁護帝祚今朕雖剃髮著袈
裘不得不聽朝政佛典言國王在位時受持菩薩淨戒
可知出家之形不妨政治矣朕既爲出家天子宜置出
家大臣朕以道鏡爲大臣禪師職分封戶一准大臣乙
卯授藏下麻呂從三位丙辰敕通人仲麻呂執政奏改
官名宜復舊焉押勝黨與當斬者三百七十餘人尼法
均固請宥之太上皇從之減死處流法均和氣清麻呂
姊也亂既平民苦飢疫往往棄子法均遣人收養得八
十三兒皆賜姓葛木以法均嘗適葛木戶主也押勝黨與已下
日本後
紀初帝因押勝得立及押勝伏誅太上皇疑帝黨

之冬十月壬申遣兵部卿和氣王左兵衛督山村王外
衛大將百濟敬福等帥兵數百圍中宮院侍衛奔散帝
未及夜履使者促之乃與母家數人步至圖書寮西北
山村王宣詔廢爲淡路公取路人鞍馬給之令右兵衛
督藤原藏下麻呂衛送配所幽之一院敕曰以淡路國
賜大炊親王國內所有官物調庸等類任其所用但出
舉官指一依常例以船親王通書押勝流之隱岐以池
田親王多聚馬流之土佐並降爲諸王從五位下佐伯
助爲淡路守監淡路公太上皇再登祚

國史紀事本末

卷十六

二十二

毛人坐黨押勝左遷多禰島二月乙亥敕淡路守佐伯
助風聞國中流人稍致逃亡事如有實何以不奏朕簡
汝往監事之動靜必須早奏又聞諸人詐稱商賈多向
本國國司不察遂至爲羣自今以後一切禁斷秋八月
和氣王以帝無嗣頗懷窺竊紀益女以巫鬼見寵多獲
貨賂和氣舍人親王孫御原王子也參議栗田道麻呂
兵部大輔大津大浦式部員外少輔石川永年與和氣
善屢飲其宅道麻呂一日與和氣密語佩刀觸門屏折
和氣遣以裝刀於是衆心驚疑頗泄其事和氣知之卽
夜逃亡匿於率河社中帝遣人索捕流之伊豆路至山

背相樂郡絞殺之。又絞益女於綴喜郡。詔奪道麻呂大浦永年官。令僧道鏡教諭。居十餘日。以道麻呂爲飛驒員外。以其怨家上道斐太都爲守。斐太都到任。卽幽道麻呂夫婦於一院。絕不往來。尋皆死於院中。貶大浦爲日向守。永年爲隱岐員外。永年尋自縊死。冬十月庚辰。淡路公不勝幽憤。踰垣而逃。佐伯助率兵邀之。明日公薨於院中。丁亥。帝幸河內弓削行宮。賜五位已上御衣。戊子。幸弓削寺禮佛。奏唐高麗樂。閏月己丑朔。捨弓削寺食封二百戶。庚寅。以道鏡爲太政大臣。禪師詔文武百官拜賀。僧尼度緣悉用道鏡印。是日。幸弓削寺禮

國史紀事本末

卷十六

二十三

佛奏樂。施道鏡綿一十屯。丙申。留守百官拜賀道鏡。二年秋九月壬申。授大禪師基真正五位上。基真山階寺僧也。狂妄無常。一日詐咒縛童子。教說人陰事。又造毘沙門像。密置小珠數顆於前。稱爲現佛舍利。道鏡欲奪以爲己瑞。諷帝赦天下。冬十月壬寅。迎舍利於山階寺。寘之法華寺。擇諸氏有容貌者二百人。執幡蓋列前後。服飾靡麗。奪目。唐人李元環等奏唐樂。詔百官主典已上禮拜。以道鏡善教導僧徒。感得舍利。詔授法王位。基真賜姓物部淨志。授法參議。隨身兵八人。又授基真師圓興法臣位。癸卯。加文武百官六位已下及内外有

位各階一級。以表舍利靈異。乙巳。詔法王月料准供御。法臣准大納言。法參議准參議。是後道鏡出入乘鸞輿。服食一擬天子。政無巨細皆取決。基真恃勢暴橫。陵侮搢紳。道路畏避如虎。

神護景雲二年冬十二月甲辰。流基真於飛驒。以失禮於圓興也。

三年春正月壬申。道鏡居西宮前殿。大臣已下拜賀。道鏡自作壽詞。丙子。帝御西宮。宴五位已上。道鏡贈五位已上摺衣各一領。蝦夷緋袍各一領。道鏡弟淨人起自布衣。八年至從二位大納言。一門敘五位者男女十人。

國史紀事本末

卷十六

二十四

道鏡擅權。輕輿力役。多營伽藍。公私彫喪。國用不足。始運太宰府綿二十萬屯輸京庫。帝亦好奢靡。嘗營東院新殿。葺以琉璃瓦。畫以藻績。謂之玉宮。繇此政刑日峻。殺戮妄加。天下稱冤。而道鏡驕僭滋甚。太宰主神習宜阿蘇麻呂媚附道鏡。矯八幡神教曰。令道鏡卽帝位。天下自太平矣。道鏡聞之。大喜。自負。帝惑之。召從五位下和氣清麻呂於御床下曰。朕昨夜夢八幡神使來云。大神欲憑尼法。均有告。朕答曰。法均女弱。不勝跋涉。請以清麻呂代之。汝往受神誨。臨發道鏡謂之曰。神意欲使我卽位。所以召卿也。因誘以美官。路豐永嘗爲道鏡師。

謂清麻呂曰、道鏡若登天位、吾何面目事之、吾與二三子共爲今日之伯夷耳、清麻呂深然其言、遂詣神宮、神甕入曰、我國家開闢已來、君臣分定矣、以臣爲君、未之有也、天日嗣必立皇緒、而道鏡悖逆、軌望神器、無道之人、宜早翦除、清麻呂歸奏如神教、道鏡大怒、秋七月甲寅、貶清麻呂爲因幡員外介、九月己丑、追咎清麻呂矯神教欺罔朝廷、改姓名別部磯麻呂、流於大隅、法均鑿俗流備後、道鏡欲使人追殺清麻呂於途、雷雨晦暝、未卽行、俄而敕使來獲免、參議藤原百川怒其忠烈、割封戶給之、太宰主神已下、參取日本後紀殘編冬十月辛亥、幸由義宮、○蓋更弓

國史紀事本末

卷十

二十五

別爲由義也甲子詔以由義宮爲西京、河內國爲河內職、

四年春二月庚申、幸由義宮、道鏡進以湍具、帝由此得

病、道鏡已夏四月癸巳朔、以河內亮紀廣庭等爲造由下、水鏡

義大宮司次官、丁酉詔造由義寺塔諸司及雜工九千

五人、隨勞輕重、加賜位階、戊戌帝至、自由義宮、帝疾益

甚、有尼自云、有方術可治、藤原百川抑而不通、帝疾已下、水鏡

庚子賜弓削氏男女物有差、戊午、初帝誅押勝、乃造三

重小塔一百萬基、高各四寸餘、至是成、分置諸寺、六月

彗星入北斗、秋七月癸未、有橘奈良麻呂黨與二百六

十四人、帝已不豫、未有儲貳、道鏡日侍左右、潛謀篡奪

八月癸巳、帝崩於西宮、皇嗣未定、百川欲立白壁王、王天智帝孫、志貴親王子也、右大臣吉備真備頗有異議、百川與兄參議良繼從兄左大臣永手密議、矯遺詔使宣命使讀之曰、白壁王年長、且有功勞、故先帝立爲皇太子、真備默然、百川卽備儀仗、迎白壁王、立爲皇太子、是爲光仁天皇、皇嗣已下、水鏡、日本紀略、引百川傳初勝實以後、皇族多嬰飛禍、皇太子深危懼、時或縱酒自晦、由此獲免、自帝大友崩一百年、而皇統復歸天智之胤矣、丙午、葬稱德天皇於大和添下郡佐貴鄉、道鏡留廬陵下、從四位上坂上荊田麻呂密告道鏡奸計、庚戌、皇太子令曰、如聞

國史紀事本末

卷十

二十六

道鏡法師竊挾舐糠之心、爲日久矣、陵土未乾、奸謀發

覺、是則神祇所護、社稷所佑、今顧先帝厚恩、不忍依法

處刑、故任造下野藥師寺別當發遣、卽日遣左大辨佐

伯今毛人等促之上道、以習宜阿蘇麻呂爲多禰島守、

辛亥、流弓削淨人及三子於土左、乙卯、河內職爲國、九

月乙丑、召還和氣清麻呂及法均、冬十月己丑朔、皇太

子卽位、改元寶龜、十一月癸未、復大伴古慈斐本位、乙

酉、敕前後逆黨一切皆從原宥、欲留配處者聽之、窮乏

之徒不能歸者、路次諸國量給食馬、

光仁天皇寶龜二年春正月壬戌、停僧尼度緣、用道鏡

印復用治部省印、秋九月丙申、復和氣王男女屬籍。
三年夏四月、道鏡死於下野、以庶人禮葬之。秋八月丙寅、遣從五位下三方王等於淡路、改葬廢帝、令二僧廬墓側。

九年春三月己巳、敕淡路親王墓、宜稱山陵、妣當麻氏墓、稱御墓、令旁近百姓一戶守之。

桓武天皇延暦元年春閏正月甲子、因幡守永上川繼謀反、發覺、帝遣使召之、川繼潛從後門逃去、乃遣使固守三關、令京畿七道搜捕、丁酉、獲川繼於大和、以時屬諒闇、減死一等、流之伊豆三島、母不破內親王流於淡路、從四位下三方王等坐黨之見貶、左大辨大伴家持、右衛士督坂上田麻呂亦坐奪官、川繼鹽燒子也。
仁明天皇承和十年秋八月辛未、贈橘奈良麻呂從三位。

國史紀事本末

卷十末

二十七

弟延之 延壽校

門人草川重遠書

國史紀事本末卷之十六終

國史紀事本末卷之十七

從六位守大學校中博士常陸青山延光 編次

桓武平蝦夷 弘仁之役

桓武天皇延曆元年夏五月、以陸奧累歲兵亂、敕給復三年、壬寅陸奧言、祈禱鹿島神、討撥凶賊、神驗非虛、請賽位封、敕授勲五等封二戶、

二年夏四月辛酉、敕曰、如聞比年坂東八國運穀鎮所、而將吏以稻相換、其穀代者、輕物送京、苟得無耻、又濫役鎮兵、多營私田、因茲鎮兵疲弊、稽之憲典、深合罪罰、而會恩蕩、且從寬免、自今以後、不得更然、如有違犯、以

國史紀事本末 卷十七

軍法罪之、勿令侵漁之徒肆其濁濫、乙丑、敕坂東諸國

曰、蠻夷猾夏、自古有之、非資干戈、何除民害、是知加徂征於有苗、奮薄伐於獫狁、前王用兵、良有以也、頃夷倭猖狂、邊陲失守、事不獲已、頻動軍旅、遂使坂東之境、恒疲調發、播殖之輩、久倦轉輸、念茲勞弊、朕甚憇之、今遣使存慰、開倉優給、凡厥東土、悉知朕意焉、六月丙午朔、出羽言、寶龜十一年、雄勝平鹿二郡百姓爲賊所略、各失本業、彫弊已甚、更建郡府、招集散民、雖給口田、未得休息、伏請蒙給優復、以息弊民、敕給復三年、辛亥、敕曰、夷虜亂常、爲梗未已、追則鳥散、捨則蟻結、須練兵教卒、

備其寇掠、今聞坂東諸國、屬有軍役、每多尪弱、全不堪戰、即有雜色之輩、浮宕之類、或便弓馬、或堪戰陳、每有徵發、未嘗差黜、同是皇民、豈合如此、宜令坂東八國、簡取所有散位子郡司子弟及浮宕等類、身堪軍士者、隨國大小、一千已下、五百已上、專習用兵之道、並備身裝、即入色之人、便考當國白丁免徭、仍勒堪事國司一人、專知勾當、如有非常、便即押領奔赴、不失事機、冬十一月乙酉、從五位上大伴弟麻呂爲征東副將軍、三年春二月己丑、從三位大伴家持爲持節征東將軍、從五位上文室與企爲副將軍、外從五位下入間廣成、阿倍墨繩爲軍監、四年春二月壬申、授陸奧小田郡大領九子部勝麻呂外從五位下、以有戰功也、丁丑、從五位上多治比宇美爲陸奧按察使、兼鎮守副將軍、國守如故、夏四月辛未、鎮守將軍大伴家持等言、名取以南一十四郡、僻在山海、去塞懸遠、屬有徵發、不會機急、由是權置多賀階上二郡、募集百姓、足人兵於國府、設防禦於東西、誠是備預不虞、推鋒萬里者也、但以徒有閱說之名、未任統領之人、百姓願望、無所係心、伏請建爲真郡、備置官員、然則民知綽攝之歸、賊絕窺窬之望、許之、

五年秋八月甲子遣從五位下佐伯葛城於東海道從五位下紀揖長於東山道簡閱軍士兼檢戎具將征蝦夷九月渤海入覲使漂至出羽蝦夷掠其十餘人而去六年春二月庚申陸奧介佐伯葛城兼鎮守副將軍庚辰從五位下池田真牧爲鎮守副將軍冬十二月庚辰朔授外從七位下朝倉家長外從五位下以輸軍糧於陸奧也

七年春二月丙午陸奧按察使多治比宇美兼鎮守將軍外從五位下安倍墨繩爲副將軍三月庚戌敕陸奧運軍糧三萬五千餘斛於多賀城又敕東海東山北陸

國史紀事本末

卷十七

三

等國限七月以前運糧二萬三千餘斛及鹽於陸奧將以明年征蝦夷辛亥敕曰調東海東山坂東諸國步騎五萬二千八百餘人限來年三月會於多賀城其黠兵者先取前年從軍經戰叙勲者及常陸神賊然後簡黠餘人堪弓馬者又敕比年國司無心奉公每事闕怠屢沮成謀苟曰司存豈應如此若有更然必以乏軍興從事秋七月辛亥以參議左大辨紀古佐美爲征東大使冬十二月庚辰古佐美辭見詔昇殿賜節刀因敕曰夫擇日拜將良由綸言推轂分閫專任將軍如聞承前別將等不慎軍令匪關猶多尋其所由方在輕法副將軍

有犯死罪禁身奏上軍監以下據法斬決坂東安危在此一舉將軍勉之賜御被二領采帛三十四錦三百匹八年春三月辛亥諸國軍會多賀城分道入賊地壬子遣使奉幣伊勢大神宮告征蝦夷庚午官軍進濟衣川置營三處夏五月癸丑敕責其逗撓曰兵貴拙速不聞巧遲六七月計應極熟如今不進恐失其時久留一處積日費糧朕之所怪宜具狀來奏丁卯帝聞征東副將

軍佐伯葛城卒於軍詔贈正五位下六月甲戌征東將軍奏副將軍入間廣成左中軍別將池田真牧前軍別將安倍墨繩等約同渡河討賊中軍後軍各二千人先

國史紀事本末

卷十七

四

濟賊帥阿底流帥三百人拒戰官軍擊走之且戰且燒燒賊十四村至巢伏村將與前軍合會前軍爲賊所拒不得進渡俄而賊衆八百來擊中軍後軍稍退賊乘勢衝突又有賊數百斷官軍後官軍遂敗別將大伴善理高田道成會津壯麻呂安宿戶吉大伴五百繼等並戰死投河溺死者一千三十餘人別將出雲諸上等引餘衆而還敕曰省比來奏云膽澤之賊悉集河東先征此地後謀深入然則軍監已上率兵張其形勢嚴其威容然後可以薄伐今軍少將卑還致敗績是則道島等之失策也至於善理等戰亡及士衆溺死惻怛之情最切

于懷庚辰征東將軍奏膽澤之地賊奴與區方今大軍征討剪除村邑餘黨伏竄殺略人物又子波和我僻在深奧臣等遠欲薄伐糧運甚艱從玉造塞至衣川營往還十日程從衣川至子波地十四日程凡從玉造至子波二十四日程途中拒賊及阻雨駐軍之日不與焉河陸兩道輜重一萬二千四百四十人一度所運糧六千二百十五斛征軍二萬七千四百七十人一日食五百四十九斛以此支度一度所運僅支十一日臣等商量指子波地支度交關分征兵加輜重則征軍數少不足征討加以軍興以來經涉春夏征軍輜重並是疲弊進

國史紀事本末

卷十七

五

之有危持之無利久屯賊地運糧百里之外非良策也雖蠢爾小寇且通天誅而水陸之田不得耕種既失農時不減何待臣等以為莫若解軍遺糧支擬非常軍士所食日二千斛若上奏聽裁恐更多糜費故牒諸軍以本月解嚴臣等愚議且奏且行敕報曰今省先後奏狀曰賊集河東抗拒官軍先征此地後謀深入若不利深入而解軍則具狀奏上然後為之未晚也而曾不進征一旦罷兵其策安在的知將軍等畏憚兇賊逗留至此巧飾浮詞規避罪過不忠之甚莫先於斯又廣成墨繩久在賊地兼經攻戰故委以副將之任而靜處營中坐

視成敗事君之道何宜如此夫師出無功良將所耻今損軍費糧為國大害闔外之寄豈其然乎秋七月丁巳敕征東大將軍紀古佐美等曰得今月十一日奏狀稱所謂膽澤者水陸萬頃蝦虜存生大兵一舉忽為荒墟餘燼假息危若朝露至如軍船解纜舳舻百里天兵所加前無強敵海浦窟宅無復人烟山谷巢穴唯見鬼火不勝慶快飛驒上奏今檢先後奏狀斬賊首八十九級官軍死亡千有餘人其被創者殆將二千夫斬賊首未滿百級官軍損亡已三千以此言之何足慶快又大軍引還兇賊追侵非唯一度而大兵一舉忽為荒墟准量

國史紀事本末

卷十七

六

事勢有似虛飾又真故墨繩等遣裨將於河東則敗而逃還溺死一千餘人而云一時凌渡且戰且焚搜賊巢穴還持本營是溺死之軍弃而不論又演成等掃賊略地差勝佗道至於天兵所加前無強敵山谷巢穴唯見鬼火此等浮詞良為過實凡獻凱表者宜平賊立切然後奏之今不究其與地稱其種落馳驛稱慶不亦愧乎己亥敕免陸奧軍人今年田租兼給復二年九月丁未征東大將軍紀古佐美還自陸奧納節刀戊午敕遣大納言藤原繼繩中納言藤原小麻呂於大政官曹司勘問征東諸將逗留敗軍之狀古佐美等皆承伏詔宥古

佐美墨繩、以久歷邊戍、減先解官奔冠、真拔以拯溺軍、解官不奔冠、冬十月辛卯、以從五位下巨勢野足爲陸奥鎮守副將軍、

九年春閏三月庚午、敕諸國造、甲二千領、東海道駿河以東、東山道信濃以東、國別有數限、三年造之、將再征蝦夷、乙未、敕東海相摸以東、東山上野以東、備軍糧、備十四萬斛、冬十月辛亥、征蝦夷、有功者、四千八百四十餘人、授勳進階、並據天應元年例、癸丑、太政官奏言、蝦夷于紀、久通王誅、大軍奮擊、餘孽未絕、當今坂東之國、久疲戎場、強壯者以筋力供軍、貧弱者以轉輸赴役、

國史紀事本末

卷十七

七

而富饒之輩、頗免此苦、前後之戰、未見其勞、又諸國百姓元離軍役、調發之時、一無所預、計其勞逸、不可同日、普天之下、同曰皇民、至於舉事、何無俱勞、請敕左右京五畿內七道諸國、不論土人浪人及王臣佃使、檢錄財堪造甲者、并其所蓄物數及鄉里姓名、限今年以聞、又造甲之數、各令自請、奏可之、

十年春正月己卯、遣正五位上百濟俊哲從五位下坂上田村麻呂於東海道、從五位下藤原真鷲於東山道、簡閱軍士、兼檢戎具、田村麻呂、刈田麻呂子也、赤面黃鬚、勇力過人、待士寬裕、能得死力、赤面以下日本後紀殘稿二月乙

未、贈外從七位下大伴善理外從五位下、善理陸奥磐城郡人、膳澤之敗、奮戰而死、辛亥、陸奥介文室大原兼鎮守副將軍、三月丁丑、敕令右大臣已下五位已上造甲、其數各有差、五位殿富者、特增其數、以二十領爲限、其次十領、丙戌、敕京畿七道國郡司造甲、夏六月己亥、下鐵甲三千領於諸國、依新樣脩理、秋七月壬申、從四位下大伴弟麻呂爲征東大使、正五位上百濟俊哲從五位上多治比瀆成從五位下坂上田村麻呂從五位下巨勢野足爲副使、九月庚辰、下野守百濟俊哲兼陸奥鎮守將軍、冬十月壬子、敕東海東山二道造征箭三萬四千五百餘具、十一月己未、更敕坂東諸國備軍糧、備十二萬餘斛、

國史紀事本末

卷十七

八

十一年春正月丙寅、陸奥言、斯波村夷膳澤阿奴志色等遣使奏曰、臣等思歸皇化、何日忘之、而爲伊治村倭等所遮、無由自達、願制彼遮聞、永開降路、即爲示朝恩、賜物放還、夷狄之性、虛言不實、常稱歸服、唯利是求、自今以後、有夷使者、勿加常賜、秋七月戊寅、敕今聞夷爾散南阿破蘇遠慕王化、情望入朝、忠款可嘉、宜令路次之國、擇壯健軍士三百騎迎、接國界、專示威勢、冬十月癸未朔、陸奥俘囚二人、授外從五位下、十一月甲寅、饗

阿破蘇等於朝堂授爵位類聚一年己下閏月己酉征東

大使大伴弟麻呂辭見日本略本

十二年春二月丙寅改征東使爲征夷使庚午征夷副

使近衛少將坂上田村麻呂辭見日本略本

十三年春正月乙亥朔賜征夷大將軍大伴弟麻呂節

刀庚寅告征蝦夷於山階田原山陵辛卯遣參議大中

臣諸魚奉幣於伊勢大神宮告征蝦夷日本略本夏五月丁

丑停馬射以發大軍也類聚國史六月甲寅坂上田村麻呂

等進擊蝦夷秋九月戊戌奉幣諸國名神告征蝦夷冬

十月丁卯弟麻呂奏斬首四百五十七級捕虜百五十人

國史紀事本末 卷十七 九

獲馬八十五匹燒聚落七十五所日本略本

十四年春正月戊戌征夷大將軍大伴弟麻呂還自陸

奧進節刀二月乙己詔賞征夷功大將軍己下加爵級

冬十二月己丑諸國軍士逃亡者三百三十人特減死

配陸奧爲編戶日本略本是冬渤海入覲使漂至出羽志理

波村多爲蝦夷所劫略類聚國史

十五年春正月戊午從四位下坂上田村麻呂任陸奧

出羽按察使兼陸奧守冬十月甲申田村麻呂任鎮守

府將軍公卿補任十一月戊申發相模武藏上總常陸上野

下野出羽越後民九千人遷陸奧伊治城

十六年冬十一月丙戌以坂上田村麻呂爲征夷大將

軍公卿補任己下

十八年春二月乙未流陸奧新田郡百姓弓削部希麻

呂妻大部小廣刀自女等於日向以久住賊地能習夷

語屢以謾語騷動夷俘也三月壬子傳出羽山夷祿不

論山夷田夷簡有功者賜焉冬十二月乙酉陸奧俘囚

四人私往還賊地捕流於土佐

十九年夏五月戊午陸奧言歸降夷俘各集城塞朝參

相續出入寔繁夫馴荒之道在威與德若不優賞恐失

天威今夷俘食料不足伏請佃三十町以充雜用許之

國史紀事本末 卷十七 十

己未甲斐言夷俘狼性未改野心難測或凌突百姓姦

略婦女或掠取牛馬任意乘用自非朝憲不能懲暴教

曰夫招夷狄以入中州爲變野俗以靡風俗豈任彼情

損此良民宜令國吏懇々教諭若猶不改依法科處九

厥置夷諸國亦同準此冬十一月庚子遣征夷大將軍

坂上田村麻呂檢校諸國夷俘十九年己下類聚國史

二十年春二月丙午賜坂上田村麻呂節刀日本略本田村

麻呂進陣陸奧栗原郡聚兵人呼其地曰營岡陸奧秋

九月田村麻呂擊蝦夷大敗之日本略本遂北至閉伊村殺

獲殆盡冬十月丁巳田村麻呂凱旋進節刀十一月乙

且詔賞田村麻呂功授從三位十月已下日本紀略

二十一年春正月甲子陸奧三神加位階以征夷將軍奏靈驗也乙丑賞征夷軍監已下有差丙寅遣田村麻

呂造陸奧膳澤城戊辰敕官軍薄伐闢地曠遠宜發駿河甲斐相摸武藏上總常陸信濃上野下野等國浪人

四千人配膳澤城日本紀略田村麻呂私創八幡祠於其地

庚午敕每歲運越後米一萬六百斛佐渡鹽一百二

十斛於出羽雄勝城為鎮兵糧日本紀略夏四月庚子夷酋

大墓阿氏利為盤具母禮等以種類五百餘人降日本紀略

秋七月癸亥田村麻呂獻二虜於京師已卯百官上表

國史紀事本末 卷十七 十一

賀平蝦夷八月丁酉廷議斬二虜田村麻呂奏曰請放

還之以招其餘黨此虜之願也公卿議曰醜虜反覆無

信奈何放之遺患即斬於河內杉山日本紀略冬十二月庚

寅鎮守軍監道島御楯為陸奧大國造新聚國史

二十二年春二月造陸奧志和城癸巳令越後送米鹽

各三十斛於志和三月丁巳造志和城使田村麻呂辭

見賜綵帛五十四綿三百屯日本紀略

二十三年春正月乙未運武藏上總下總常陸上野下

野陸奧等糶一萬四千三百十五斛米九千六百八十

五斛於陸奧小田郡中山柵將重征蝦夷甲辰刑部卿

與羽按察使坂上田村麻呂再為征夷大將軍夏四月

癸未陸奧言志波城與膳澤城相距一百六十二里山

谷險遠往還多艱請置一驛以備機急許之冬十二月

癸巳出羽言秋田城建置以來四十餘年土地燒墮不

宜五穀加以孤居北隅無隣相救請永從停廢保河邊

府勅停城為郡不論土人浪人住城者編附焉

平城天皇大同元年冬十月辛未田村麻呂奏請郡司

之任職負有限而邊要之事頗異中國請擇勇毅之人

為防守之備許之新聚國史

二年春三月丁酉制夷俘之位必加有功而陸奧國司

國史紀事本末 卷十七 十二

誘致夷俘或授位階或補村長寒賔有徒其費無窮自

今以後不得輒授若有功効灼然者按察使處分然後

叙補國司不得輒行新聚國史

三年秋七月甲申敕鎮將之任寄切邊戍不虞之護不

可暫闕今聞鎮守將軍從五位下兼陸奧守百濟王教

俊遠離鎮所常在國府儻有非常何濟機要遣將之道

豈合如此自今以後莫令更然丙申敕陸奧鎮守官人

遷代之期未有年限自今以後一同國司

嵯峨天皇弘仁元年冬十月甲午陸奧言渡島秋二百

餘人來著部下氣仙郡非本國所管令之歸去秋等云

時是寒節、海路難越、願待來春、許之、

二年春二月、陸奧爾薩體幣伊二村蝦夷叛、陸奧出羽按察使文屋綿麻呂鎮守將軍佐伯耳麻呂副將軍物部足繼請發陸奧出羽兵二萬六千人討之、許之、三月出羽守大伴今人發勇敢俘囚三萬餘人、出賊不意、衝雪掩襲、斬爾薩體餘孽六十餘人、夏四月庚辰、文屋綿麻呂爲征夷將軍、大伴今人佐伯耳麻呂坂上鷹養爲副討賊、壬午敕曰、夷狄干紀、爲日已久、雖加征伐、未盡誅鋤、今依來請、出兵討之、其軍監軍曹等、且簡用具奏上、但犯軍法、禁身請裁、隊長已下、依法決斷、國之安危、

國史紀事本末

卷十

十三

在此一舉、將軍勉之、乙酉廢陸奧海道十驛、更置長有高野二驛、以通常陸便告急、五月癸卯、敕綿麻呂等曰、塞下之倖、其數稍多、出軍之後、恐生野心、將軍等務加綏撫、勿致驚擾、壬子敕綿麻呂等曰、將軍等二月五日奏狀言、將以六月上旬、帥兩國軍士分路進討、精鹽器仗、皆已貯備、而今月十二日來奏稱、軍士資糧、令國司儲備、又遣大伴今人巡行管内、簡閱軍士、是知征戰之具、猶有闕乏、前後來奏、一何相乖、加以國家之忌、及大歲同在東方、兵家所避、不可抵觸、宜今年具儲峙、以來年六月進征、又檢延曆十三年例、征軍十萬、軍監十六

國史紀事本末

卷十一

十四

人、軍曹五十八人、二十年征軍四萬、軍監五人、軍曹三十二人、今將軍等准承前例、所定四十七人、權用十五人、夫四萬之軍、而軍吏不滿五十、今日二萬、何超六十、仍議定軍監十人、軍曹二十人、宜精選充用以聞、秋七月乙未、出羽鎮兵給復三年、丙申、綿麻呂等奏、臣等初謂、宜以倖軍一千人、委吉彌侯部於夜志間等、罷伐弊伊村、然彼村夷倖、黨類巨多、若以偏軍臨討、恐失事機、請發兩國倖軍各一千、待八九月、左右張翼、前後奮擊、丙午敕曰、宜與副將軍及兩國司熟議、國之大事、不可輕略、辛酉、出羽言、邑良志間村降倖吉彌侯部、都留岐言、己等與貳薩體村夷伊賀古等、久構仇怨、今伊賀古等練兵整衆、居都母村、誘弊伊村夷、將伐己等、願賜兵糧、先登嚴擊、臣等以爲、以賊擊賊、請給米一百斛、以勵之、許之、九月、綿麻呂阻雨乏糧、請發陸奧軍士一千一百人轉餉、許之、冬十月、綿麻呂分兵四道並進、直衝賊巢、殺獲無計、降附相屬、夷地悉平、具狀以聞、甲戌、敕曰、將軍兵略、士卒戰功、於此而知之、蝦夷依請、移配中國、倖囚安置本土、務加教喻、勿致勞擾、新獲之夷、宜早進上、但人數巨多、路次何堪、強壯者步行、羸弱者給馬、初桓武帝患蝦夷侵寇、歷世不息、遣大伴弟麻呂坂上田村

麻呂討平之、然遺類猶逃、竄山谷、伺間鈔掠、至是蕩滅無遺矣、十二月甲戌、詔賞諸將功、授綿麻呂從三位、耳麻呂正五位下、餘各有差、閏月辛丑、綿麻呂奏言、今官軍一舉、寇賊無遺、當廢鎮兵、永安百姓、而城柵等器、伏軍糧、未得遷納、伏望置一十人以充守衛、志波城、瀕河、屢被水害、須遷之便地、伏望置二十人守之、待遷訖、留十人鎮戍、餘悉解之、兵士之設、爲備非常、既無遺寇、何用兵士、但邊陲之守、不可卒停、伏望置二十人、餘悉罷之、自寶龜五年至今三十八年、邊寇屢動、警備不絕、百姓罷弊、未得休息、伏望給復三年、鎮兵以次差點、輪轉

國史紀事本末

卷十七

十一

復免、並許之、己酉、出羽給復三年、勞軍役也、是年大納言兼右近衛大將坂上田村麻呂薨、年五十四、年補任田村麻呂屢將邊兵、每出必捷、征夷之功、以田村麻呂爲首稱、帝思其功、詔贈從二位、賜山城宇治郡地三百町、爲墓地、使其尸立棺中、向平安城而葬之、并甲冑劍矛、弓箭、備鹽、廩之、是後國家將有事、其墓鳴動云、大將每出征、先詣而禱焉、使其尸以下其所佩劍藏之御府、曰坂上寶劍、古事第二子廣野、勇武有父風、後爲陸奥守、是後坂上氏多鎮陸奥、出羽、以田村麻呂勇名著聞也、

三年春正月乙酉、制陸奥出羽按察使正五位下官、今改爲從四位下官、先是太政官奏、陸奥出羽按察使方面之任、威風所存、夷囚之侶、瞻仰是賴、然職重階輕、管大勢小、伏望增階品、爲從四位下官、以優邊守、且鎮物情、先是以下類是日許之、夏四月己丑、定鎮守官、其將軍一員、軍監一員、軍曹二員、醫師、弩師各一員、六月戊子、敕諸國夷俘、不遵朝制、多犯法禁、雖野性難化、抑教諭未明、宜擇同類之中、衆所推服者一人、爲之長、秋七月癸酉、陸奥言、屯田本二百町、伏望定一百町、爲鎮守儲、許之、

國史紀事本末

卷十七

十六

四年春二月戊申、制、損祿之年、土民俘囚、咸被其災、而賑給之日、不及俘囚、飢饉之苦、彼此應同、救急之恩、華蠻何限、自今以後、宜準平民預賑給例、五年冬十月己丑、陸奥言、膽澤德丹二城、遠去國府、孤居海表、城下及津、輕狃俘野心、難測、至於非常、不可不備、伏望預備糶鹽、收置兩城、許之、十二月癸卯朔、敕歸降夷俘、前後有數、仍量便安置、官司百姓、不稱彼姓名、而常弼夷俘、既馴皇化、深以爲恥、自今已後、隨官位稱之、若無官位、即稱姓名、六年春三月辛卯朔、敕、軍用之要、以馬爲先、今聞權貴

之家、豪富之輩、通使於邊邑、求馬於夷狄、部曲由此不肅、兵馬所以闕乏、宜依延曆六年格、禁買陸奥出羽兩國馬、若有犯違、宜以嚴科、

十年春正月、坂上清野為鎮守將軍、清野田村麻呂第

四子、少承家風、武藝絕倫、時年僅二十八、十年己下、實錄

十一年清野為陸奥介、文德實錄

淳和天皇天長元年、伴勝雄任陸奥守、兼按察使、勝雄

大伴弟麻呂子、家風清肅、秋毫無犯、先是改大伴為伴、

以觸帝諱也、淳和以下、類聚國史

五年夏五月戊辰、敕陸奥出羽、邊要之地、礦俗難馴、古

國史紀事本末 卷十七

十七

來有稱、而陸奥守特給儼伏、出羽守獨無其員、兵革之

事、先聲後實、縱有警急、何以威之、宜準陸奥之例、補之、

類聚三代格

十年春正月、坂上清野為陸奥出羽按察使、清野屢鎮

東陸、得民夷心、邊塞無事、十年以下、文德實錄

清和天皇貞觀元年春正月癸酉、坂上當道為陸奥守、

當道廣野子、輕財重義、民夷安之、境內肅然、後卒於官、

居貧無資、臨棺斂、唯有布衾一條、國人莫不思慕、

桓武遷都 廢太子

桓武天皇延曆三年夏五月丙戌、敕遣中納言藤原小

黑麻呂藤原種繼、左大辨佐伯今毛人參議近衛中將紀船守參議神祇伯大中臣子老右衛士督坂上刈田麻呂等於山背、相乙訓郡長岡村之地、將遷都、帝方委

任種繼、中外之事皆取決焉、種繼建議遷都、廼有是命、

六月己酉、以種繼今毛人船守等為造長岡宮使、經始

都城、營作宮殿、壬子遣船守於賀茂社、奉幣告遷都、敕

諸國進今年調庸及造宮材用於長岡宮、壬戌以諸國

正稅六十八萬束、賜右大臣以下參議以上及內親王

夫人尚侍等、造宅新京、丁卯毀百姓私宅在新京地者、

以本國正稅四萬三千餘束、賜其主、秋閏九月癸巳、任

國史紀事本末 卷十七

十八

左右鎮京使各五位二人、六位二人、冬十一月甲子、帝

移幸長岡宮、丁巳叙賀茂上下二社松尾乙訓二神從

五位下、以遷都也、十二月己巳、詔賜造宮有勞者爵、種

繼正三位、船守從三位、餘各有差、免諸國進役夫者今

年田租、乙酉山背人秦足長栗前廣耳等或築宮城、或養

役夫、皆進階、丙申賞主典以上及諸司雜色造營之勞、

四年夏五月、詔山背國者、皇都初建、既為輦下、慶賞所

被、合殊常倫、特免今年田租、秋七月己亥、參議佐伯今

毛人為民部卿、時帝屢遊幸、委政皇太子、太子寵今毛

人、擢為參議、種繼奏曰、佐伯氏任參議、自古未有也、請

罷之帝從之太子大怒白帝曰願得種繼而甘心焉帝

時帝以八月丙戌

不許是後不復委政太子太子益怒

帝幸平城皇太子及種繼等留守時宮室未成役夫晝

夜兼作庚寅種繼夜照炬催檢有賊從闇中射中之乙

卯種繼薨於第帝聞之悼惜丙辰車駕至自平城捕左

少辨大伴繼人左衛門大尉大伴竹良等數十人推鞠

之皆曰皇太子命之

乃斷繼人等罪

或斬或流春宮大夫大伴家持死未葬辭連家持追除

名流其子永主等詔贈種繼正一位左大臣冬十月庚

午廢皇太子幽之乙訓寺太子絕食十餘日不死遣宮

國史紀事本末

卷十七

十九

內卿石川垣守等流太子於淡路至高瀬橋而薨葬之

淡路

幽之以下日本紀略

是歲近江人勝麻呂自二月至十月進

役夫三萬六千餘人給以私糧以勞授外從五位下而

讓之父真公許之

七年秋九月庚午詔曰朕以眇身忝承鴻業水陸有便

建都長岡而宮室未就興作稍多徵發之苦願在百姓

是以優其功賃欲無勞煩今聞造營役夫短褐不完類

多羸弱靜言於此深軫于懷諸國進役夫者今年出舉

不論正稅公廨一切減其息利十束之稻其利五束還

民三束入公教前徵納者亦宜還給焉

十二年春二月甲午遣大納言藤原小黑麻呂左大辨

紀古佐美等相山背葛野郡宇太村地將重遷都

下日本紀略

時長岡新都經十歲未成功費不可勝計中宮

大夫和氣清麻呂密奏請託遊獵相葛野地帝許之

二月辛亥遣使告遷都於賀茂社三月己卯朔幸葛野

巡覽新京乙酉百姓地在新京宮城內者給三年價戊子

遣使伊勢奉幣太神宮告遷都庚寅令五位以上及諸

司主典以上進役夫築宮城癸卯告遷都於山階先田

原後田原山陵夏六月庚午令諸國造新宮諸門

二月以下

日本殷富門尾張美濃美福門越前安嘉門若狹越中

國史紀事本末

卷十

二十

偉觀門丹波藻壁門但馬待賢門播磨陽明門備前達

智門備中備後談天門阿波郁芳門伊豫

日本紀略

秋七月

辛丑巡覽新京賜造宮使及將領衣

日本紀略

八月丙辰禁

葬瘞京下諸山及伐樹木壬申巡覽京中御左京大夫

藤原乙叡園池

日本紀略

九月戊寅遣菅野真道藤原葛野

麻呂等班給新京宅地

日本紀略

冬十一月丁丑巡覽新京

御右大臣藤原繼繩莊

日本紀略

十三年夏四月庚午巡覽新京御藤原繼繩高橋津莊

宴飲賜五位以上衣丙子發諸國夫五千掃新京秋七

月辛未朔遷東西市於新京己卯以山背河內攝津播

磨稻一萬一千束賜從四位下五百井女王從五位下置
始女王從四位上和氣廣蟲等造宅新京類聚 國史戊戌奉

幣諸國名神告遷都日本冬十月庚戌越前人船木安

麻呂言父外從五位下馬養貯米一千斛將供公事而不

幸早亡其志不遂願以此穀供造宮料許之辛酉車駕

遷于新都甲子造宮使及山背獻物賜五位以上衣被

笠及產業器物乙丑近江獻物丙寅攝津河內獻物丁

卯免愛宕葛野二郡田租類聚 國史賀茂松尾二神加階以

遷都也日本己巳和泉獻物類聚 國史十一月丁丑詔曰此

國山河襟帶自然作城因斯形勢可制新號宜改山背

國國史紀事本末 卷十七三十一

國為山城國又子來之民謳歌之輩異口同辭號曰平

安京又近江國滋賀郡古津者先帝舊都今接輦下可

追昔號改稱大津日本己卯伊勢美作獻物戊戌播磨

獻物十二月辛丑齋宮寮獻物類聚 國史

十四年春正月庚午朔廢朝以大極殿未成也宴侍臣

於前殿奏大歌及雅樂宴畢賜被乙酉宴侍臣奏踏歌

製新京樂平安樂土萬年春夏五月己卯造宮使主典

以下將領已上一百三十九人各隨功叙位庚辰令正

五位下文室八多麻呂等十八人通守長岡舊宮日本

十五年春二月甲子出雲國造出雲人長特授外從五

位下以遷都奏神賀事也夏四月辛亥伊豫獻物類聚 國史

十六年秋九月己丑朔敕遷都以來于今三年壯山烽

火無所相當非常之備不可暫闕宜令山城河內兩國

相共量定便處置彼烽燧

十七年春正月壬子敕山城國愛宕葛野郡人每有死

者便葬家側積習為常今接近京師凶穢可避宜告國

郡嚴加禁斷若有犯違移貫外國秋八月戊寅遷山城

國治於長岡京南以葛野郡地勢狹隘也日本 國史

十八年春正月壬子豐樂院未成權構殿於大極殿前

龍尾道上葺以彩帛帝臨御蕃客仰望以為壯麗命五

國國史紀事本末 卷十八三十二

位以上宴樂冬十二月癸酉敕山城國葛野川近在都

下每有洪水不得徒涉大寒之節人馬共凍來往之徒

公私同苦宜楓佐比二渡各置度子以省民苦

十九年秋七月追號廢太子早良曰崇道天皇類聚 國史冬

十月己巳發山城大和河內攝津近江丹波等諸國民

一萬人修葛野川堤十二月辛未加造宮大進一員日本

二十四年春正月甲申為廢太子建寺於淡路冬十二

月壬寅公卿奏議曰伏奉綸旨營造未已黎民或弊念

彼勤勞須事矜恤加以時遭災疫頗損農桑今雖有年

未聞復業。宜量事優矜。臣等伏望所點加仕丁一千二百八十一人。依數停却。又衛門府衛士四百人。減七十人。左右衛士府各六百人。每減一百人。隼人男女各四十人。每減二十人。雅樂歌女五十人。減三十人。仕女一百十人。減二十八人。停卜部之妻男女廝丁等糧。又諸家厨租。暫停春米。交易輕貨。又諸國貢調脚夫。國役或五日。或三日。役限不均。勞逸各殊。須共役二日。以同苦樂。又備後國神石奴。可三上惠蕪。甲努世羅三谿三次。等八郡調然。換以鋏鐵。又伊賀伊勢尾張近江美濃若狹越前。越中丹波丹後。但馬。因幡。播磨。美作。備前。備中。國史紀事本末

卷十七

三十三

備後。紀伊。阿波。讃岐。伊豫等國。特免今年租。許之。是日。帝敕。叅議藤原緒嗣。菅野真道。議政事得失。緒嗣曰。方今天下所苦。在兵與土木。請罷二者。以舒民力。真道固執異議。帝善緒嗣言。立罷其役。聞者莫不感歎。乙巳。廢造官職。

弟延之 延壽校

國史紀事本末卷之十七終

國史紀事本末卷之十八

從六位守大學校中博士常陸青山延光 編次

桓武嵯峨好遊幸 歷朝怡嬉

桓武天皇延曆二年冬十月戊午幸交野放鷹遊獵庚申詔免交野郡今年田租賜高年及從者物壬戌還宮初文武帝置主鷹司掌調習鷹犬初己下今其後朝廷信佛教戒殺生故元正帝嘗停放鷹司聖武帝嘗禁天下畜鷹孝謙帝嘗屢禁天下殺生帝天資豪邁欲矯其弊遂事遊獵

四年秋九月庚子獵水雄岡

國史紀事本末 卷十八

六年秋八月甲辰幸高椅津還過大納言藤原繼繩第

冬十月丙辰獵交野御繼繩別業駐蹕四日

十年冬十月丁酉獵交野駐蹕四日敕禁畿內國司獻

物敕禁已下據類聚國史弘仁五年藤原國人奏

十一年春正月乙亥獵登勒野獵罷臨葛野川賜從臣

酒二月辛卯獵水生野癸卯獵大原野壬子獵栗前野

遂幸故右大臣藤原是公別業類聚國史三月乙丑幸相谷

夏五月庚午幸葛野川御右大臣藤原繼繩別業日本紀略

秋九月辛酉獵大原野癸酉獵栗前野賜五位已上衣

被丁丑獵登勒野庚辰獵交野冬十月乙未獵大原野

閏十一月癸未獵水生野庚寅獵葛葉野丁酉獵大原野賜五位已上綿己亥幸高椅津獵石作丘乙巳獵登

勒野類聚國史

十二年春二月癸酉獵栗前野御皇子伊豫親王別業

山背獻物賜五位已上衣被壬戌獵登勒野今夏四月

辛亥幸葛野御藤原繼繩別業日本紀略秋七月乙未獵大

原野丁卯又獵還御南園賜五位已上被壬申巡幸京

師御左京大夫藤原乙叡園池賜四位已上衣類聚國史時

四方無事上下怡嬉親王公卿多擇勝地營別業參取諸書

大甲戌獵葛葉野御藤原繼繩別業賜侍臣衣九月癸

國史紀事本末 卷十八

未獵大原野戊戌獵栗前野御伊豫親王江亭親王及

藤原雄友等獻物皆賜衣庚子獵瑞野十一月庚辰獵

交野藤原繼繩獻拾衣給五位已上及命婦采女辛丑

獵栗倉野十二月甲寅獵瑞野癸亥獵岡屋野左大辨

紀古佐美獻物賜侍臣衣類聚國史

十三年春正月己亥獵栗前野庚子冒雪獵瑞野戊申

御豐樂殿觀渤海使人打毬有御製詩御製集二月丙

辰獵葛葉野庚午獵水生野丁丑獵大原野秋八月庚

戌又獵九月壬辰獵交野冬十月壬子又獵十一月辛

未獵北野戊寅獵康樂野十二月丙辰獵大原野癸亥

獵山階野類聚國史

十四年春三月辛未禁私畜鷹日本略癸未獵日野賜五

位己上衣甲午獵交野類聚國史夏五月幸葛野川秋七月

戊寅幸佐比津八月丁卯幸大堰日本略己巳獵柏原野

庚辰獵大原野類聚國史壬午幸北野日本略丙戌獵柏原野

壬辰獵日野類聚國史九月戊戌幸近東院日本略丙辰獵登

勒野冬十月甲子朔獵紫野類聚國史己卯幸交野以藤原

繼繩別業爲行宮駐蹕七日日本略辛卯獵栗栖野十一

月戊午獵大原野類聚國史

十五年春正月甲辰獵芥川野癸丑獵登勒野賜四位

國史紀事本末 卷十八

三

己上衣五位帖綿辛酉獵水生野賜五位己上衣被類聚國史

甲戌幸紫野日本略癸巳獵日野類聚國史夏六月乙亥幸

葛野川日本略秋八月丙戌獵登勒野九月己酉獵栗前

野冬十月壬戌獵大原野癸亥獵紫野賜五位己上衣

丙寅獵日野又賜衣辛未始置主鷹司史生二人癸酉

獵登勒野十一月己丑獵北野戊申獵日野丙辰獵栗

栖野日本略

十六年春正月壬子獵大原野癸丑幸近東院宴五位

己上賜錢有差二月辛酉獵北野壬申獵登勒野三月

丙午獵北野宴飲奏樂賜四位己上衣日本略秋八月丁卯

幸葛野川庚申幸近東院乙丑幸葛野川日本略庚辰獵

的野九月壬寅敕時屬西成民事收穫宜令畿內諸國

勿供獻於行在所癸卯獵北野戊申獵大原冬十月甲

子獵北野還宮宴飲賜五位己上衣丙子獵日野戊寅

獵陶野十一月乙酉獵栗栖野己酉獵大原野十二月

丙辰獵北野類聚國史

十七年春三月己亥獵水生野賜五位己上衣類聚國史夏五

月辛卯幸近東院丁酉幸葛野川閏月主鷹司放雙鶴

於北山既而鶴生二雛帝大悅命畜養之令群臣賦詩

日本略秋八月壬午獵柏原野庚寅獵北野宴伊豫親王

國史紀事本末 卷十八

四

山莊日暮帝欲聞鹿鳴賦和歌乍有鹿鳴帝欣然令群

臣和之辛丑獵柏原野甲辰獵大原野九月乙卯獵北

野庚午獵栗前野癸酉獵日野類聚國史冬十月戊戌幸大

堰日本略十一月庚戌獵大原野戊午獵日野庚午獵水

生野類聚國史十二月壬辰幸北野日本略

十八年春二月壬午幸交野辛丑獵栗前野秋八月癸

未幸大堰己丑幸北野癸巳獵栗前野丁酉獵水生野

九月癸亥獵陶野賜四位己上衣乙丑獵的野賜五位

己上衣冬十月己卯獵交野壬辰獵西野十二月乙酉

獵水生野日本略

十九年春正月己酉幸五百井女王別業己未幸西島

院日略本二月戊子獵栗前野類聚秋七月乙卯幸神泉

苑八月丁卯朔又幸日略本乙酉獵水生野類聚戊子幸

葛野川九月丙辰幸大堰日略本戊午獵栗前野癸亥獵

大原野冬十月辛未獵的野類聚壬午幸交野駐蹕九

日日略本

二十年春二月庚申幸大堰三月幸大津國司奏歌舞

夏四月癸巳幸神泉苑壬寅幸大津六月甲午幸神泉

苑甲辰幸大堰秋七月甲申幸大堰日略本八月丁未獵大

原野乙卯獵栗前野九月乙丑獵的野類聚丁卯幸神

國史紀事本末 卷十八 五

泉苑日略本乙酉獵大原野賜五位已上物冬十月壬辰

獵栗前野壬寅獵日野戊申獵水生野類聚

二十一年春三月己巳獵水生野類聚是春五幸神泉苑

夏五月壬申又幸壬寅又幸日略本是日設宴令從四位

下藤原緒嗣彈和琴帝念緒嗣父百川舊功即拜參議

秋七月丙辰幸神泉苑癸亥幸大堰八月乙酉

朔幸神泉苑日略本辛亥獵的野御嵯峨莊賜五位已上

衣被九月獵芹川野丁丑獵北野類聚冬十月壬辰幸

交野駐蹕七日己酉幸大原野日略本

二十二年春三月乙亥幸志賀可樂崎丙子幸神泉苑

皇太子率諸親王起舞夏四月甲申又幸八月幸可樂

崎戊辰幸神泉苑六月甲辰朔又幸秋七月己酉朔又

幸八月庚寅幸梅原宮日略本乙未獵柏野及水生野類聚

國丁酉幸伊豫親王愛宕別業甲辰幸葛野川日略本乙

巳獵北野過伊豫親王大井莊類聚九月癸丑幸神泉

苑丁巳幸西八條院日略本癸酉獵的野賜五位已上錢

甲戌獵北野類聚冬十月戊寅朔幸神泉苑日略本庚辰

獵大原野賜侍臣衣被類聚閏月戊申朔造行宮於近

江蒲生野癸亥幸蒲生野駐蹕十二日詔免栗太甲賀

蒲生三郡今年田租國郡司介掾進位賜物日略本是月

國史紀事本末 卷十八 六

獵大原野類聚內舍人伴友足有武藝最好鷹犬每與

百濟勝義同獵勝義獲獸不須友足有所獲必獻之帝

其餘遍遺諸大夫片齋不留諸大夫戲曰彼異日若遭

閻羅譴責我等必力救之日略本右兵衛佐安倍男笠

善調馬一時無比為帝所親愛類聚

二十三年春正月丙申獵水生野是日寒甚賜五位已

上衣辛丑幸神泉苑二月戊申幸西八條及五條院賜

五位已上衣己巳幸志賀可樂崎夏五月甲申幸式部

卿伊豫親王第六月壬戌幸大堰秋七月癸酉朔幸神

泉苑丙子幸大堰癸未幸葛野川丙申幸與等津己亥

幸大堰、八月癸卯朔、復幸、丁未幸葛野川、己酉將幸和泉橋津、遣征夷大將軍坂上田村麻呂等定二國行宮、地、庚戌幸葛野川、乙卯獵北野、癸亥獵大原野、丁卯獵栗前野、戊辰將以冬月幸和泉、以參議藤原繼繩爲裝束司長官、九月乙亥幸大堰、己卯幸神泉苑、壬辰獵北野、冬十月甲辰幸和泉、是夕至難波行宮、乙巳賜攝津國司被衣、御舟泛江、四天王寺奉樂、國司獻物、丙午至和泉、獵惠美野、散位坂本佐太麻呂獻物、賜綿一百斤、丁未獵城野、御日根行宮、戊申獵垣田野、阿波獻物、賜國司等物、左大辨菅野真道獻物、賜綿二百斤、己酉獵蘭生野、坂上田村麻呂獻物、賜綿二百斤、庚戌獵日根野、河內獻物、辛亥詔免和泉及攝津東生西成二郡今年田租、進國郡司位、賜高年及從臣物、是日播磨國司獻物奏風俗歌、壬子幸紀伊玉出島、癸丑御船遊覽、賀樂內親王參議紀勝長等獻物、詔免名草海部二郡今年田租、進國司國造二郡司位、賜八十已上物、甲寅自雄山道還、御日根行宮、乙卯獵熊取野、丙辰御難波行宮、丁巳國司獻物、戊午車駕還宮、壬戌幸神泉苑、甲子敕私畜鷹鷄、禁制已久、如聞臣民多畜、遊獵無度、宜嚴禁斷、但王臣聽畜有差、賜印書以爲明驗、自餘輒畜、將

冥重科、十一月己卯獵日野、甲申幸神泉苑、丁亥復幸、己丑復幸、戊戌復幸、十二月壬寅朔幸神泉苑、丁未復幸、日本後
紀二十四年春正月甲申、以不豫放鷹犬、日本後
紀平城天皇大同二年秋九月初九日者菊花節也、而比年停廢、朕聞時不可虛拋、自今復置此宴、賜親王以下物、是秋五幸神泉苑、平城以下
類聚國史三年夏四月乙亥幸神泉苑、賜五位已上衣被、五月戊子復幸、甲午復幸、宴群臣賜錢、秋七月丁未幸大堰、賜五位已上衣被、八月辛未幸神泉苑、飲宴極歡、賜五位獵北野、布勢內親王獻物、飲宴奏樂、賜五位已上衣被、日本後
紀嵯峨天皇弘仁元年春三月庚戌始置藏人所、職事
補任初朝廷令四方訴者投書於匭、天子每日遲明臨朝、使史外記辨少納言讀之、與群臣論決之、事畢然後遊宴、帝好遊幸、遂廢此儀、命藏人聽訴、列聖勤政之風衰矣、續
古夏六月庚午幸神泉苑、召文人賦釣臺詩、丙戌又幸、新
事冬十二月己卯獵芥川野、日本後
紀是歲安倍雄能

麻呂叙從五位下、以善調鷹也。類聚國史

二年春二月丙子、獵北野、夏四月、幸神泉苑、五月乙

巳、幸神泉苑、是後屢避暑於此、秋七月甲辰、幸神泉苑、

賜陪侍者錢、八月甲戌、幸神泉苑、戊寅、獵北野、賜五位

以上衣被、九月丁巳、獵紫野、冬十月乙酉、獵栗前野、戊

子、獵紫野、十二月丁丑、獵大原野、右大臣藤原內麻呂

及山城國司獻物、雅樂寮奏樂、賜五位已上衣被、閏月

甲辰、獵水生野、御山崎驛、山城攝津二國獻物、日本後紀殘編

三年春正月乙亥、宴侍臣、賜物有差、甲申、獵栗前野、賜

五位以上及山城國掾衣被、二月辛丑、幸神泉苑、觀花、

國史紀事本末 卷十八 九

命文人賦詩、賜綿有差、花宴節始於此、癸卯、獵水生野、

甲辰、獵交野、山城攝津河內諸國獻物、賜侍從已上及

國宰掾以上衣被、夏四月癸巳、幸神泉苑、五月己巳、又

幸木工寮獻物、雅樂寮奏樂、宴飲終日、賜五位已上衣

衾、六月庚戌、幸大堰、山城國司獻物、秋七月癸亥、幸神

泉苑、觀相摸、命文人賦七夕詩、庚辰、幸神泉苑、賜陪侍

者錢、九月辛酉、獵北野、賜五位已上衣被、甲子、幸神泉

苑、宴侍從已上、奏女樂、命文人賦詩、賜五位已上及文

人祿有差、庚辰、獵大原野、右大臣藤原內麻呂獻物、侍

從已上、山城國司及內麻呂子弟、賜衣衾、冬十二月乙

巳、獵芹川野、侍從以上及山城攝津兩國司、賜衣被、日本後紀殘編

四年春正月庚辰、獵栗前野、二月癸亥、獵交野、以山崎

驛爲行宮、辛丑、獵水生野、山城國獻物、五位已上及山

城河內攝津等國司、賜衣被、壬子、宴神泉苑、命文人賦

詩奏樂、賜物有差、日本後紀殘編夏四月甲辰、幸皇太弟南池、命文

人賦詩、右大臣藤原園人獻和歌、帝和之、六月乙巳、幸

大堰、秋八月乙未、幸南池、丙申、幸葛野川、九月癸酉、宴

皇太弟於清涼殿、享用漢儀、丁丑、獵大原野、冬十月癸

未、獵北野、丙戌、獵榛原野、賜侍臣及山城國司衣被、癸

卯、獵栗前野、十一月己酉、獵水生野、山城攝津河內獻

國史紀事本末 卷十八 十

物、賜侍臣及三國掾已上衣被、丙子、獵芹川野、皇太弟

獻物、賜五位已上衣被、類聚國史

五年春二月丙戌、獵栗前野、山城及皇弟彈正尹明日

香親王獻物、賜侍臣衣衾、甲午、幸交野、乙未、獵交野、御

山崎離宮、河內獻物、賜四位已上衣、五位已上被、丙申

獵水生野、攝津獻物、己亥、進山城攝津河內守介等位、

賜四位已上衾、侍從及三國掾已上衣、目已下及郡司

綿、各有差、是日車駕還宮、丙午、幸神泉苑、命文人賦詩、

賜侍從及獻詩者綿、三月辛亥、右大臣藤原園人奏、大

同二年、停正月二節、至三年、又廢三月節、所以省費也、

今正月二節復舊九月節准三月弘仁三年己未更加
花宴願彼祿賜庫貯罄乏伏望九日不入節會之例須
臨時擇定有文藻者庶絕佗人之望省大藏之損又奏
延曆十年駕幸交野此時禁畿內國司獻物而頃年託
言貢獻反煩百姓伏望自今己後一切禁斷但臣下私
有供進不在禁限許之夏四月乙巳幸參議藤原冬嗣
閑院第供張甚有雅致群臣獻詩帝有御製五月戊午
幸神泉苑賜侍臣衣被類聚國史秋七月辛酉幸葛野川賜
侍從衣被閏月庚辰幸神泉苑丙戌又幸賜五位已上
被辛丑獵北野日暮御嵯峨院賜侍臣衣被八月甲寅

國史紀事本末

卷十八

十一

幸皇太弟南池命文人賦詩戊辰獵北野己巳獵栗栖
野九月壬午幸神泉苑令文人賦詩庚子獵栗前野日
暮御明日香親王宇治別業親王獻物賜侍臣衣被此
時世漸趨奢麗朝貴衣服華鮮惟親王天資儉朴獨無
所競夏日猶著朝服者再三時或賣駿馬以充費用時此
以下續日本後紀冬十月癸丑獵北野丁卯獵水生野山城攝
津二國獻物賜侍臣及國掾己上衣被十一月壬辰宴
侍臣奏五節舞賜祿有差五節舞妓大嘗會五人新嘗
會四人令諸公卿及女御輪番進之帝尤好內令諸家
擇進舞妓以為選納之便諸家競進其女費用不貲或

至破產是後仁明帝亦襲其弊云五節舞妓已下三
午獵芥川野十二月壬戌又獵賜侍臣衣被日本後紀
六年春二月己未幸交野駐蹕七日庚午幸神泉苑觀
花命文人賦詩賜侍臣及文人綿夏四月壬子幸神泉
苑癸亥幸近江滋賀韓崎皇太弟從焉過崇福寺升堂
禮佛更過梵釋寺停輿賦詩皇太弟及羣臣奉和者衆
大僧都永忠煎茶上之施御被遂御船泛湖國司奏風
俗歌舞五位以上及掾以下賜衣被史生郡司賜綿六
月壬寅令畿內及近江丹波播磨等國植茶每年獻之
秋七月丙子幸神泉苑命文人賦七夕詩癸巳幸神泉

國史紀事本末

卷十八

十二

苑八月甲子獵北野九月癸巳獵大原野五位已上及
國司掾以上賜衣被冬十月壬戌獵栗前野賜五位已
上衣被十一月甲午獵水生野賜五位已上及兩國掾
己上衣被十二月癸丑獵芥川野日本後紀
七年春正月壬辰獵栗前野賜侍臣及山城國掾己上
衣被二月壬子幸交野丙辰獵水生野辛酉幸典侍小
野石子長岡第命文人賦詩癸亥幸嵯峨別館賦詩奏
樂賜文人綿夏四月辛丑幸神泉苑命左右近衛射中
者賜錢駐蹕一旬六月庚申幸大堰秋八月丁巳幸冷
然院命文人賦詩庚申幸嵯峨別館辛酉又幸賦詩奏

樂、賜侍臣及山城國掾已上衣被、類聚國史

八年春正月乙酉、獵芹川野、賜次侍從已上衣被、二月

己亥、獵瑞野、山城獻物、賜侍從及國掾已上衣被、丁未

幸交野、庚戌、賜五位已上及山城河內攝津等國掾已

上衣被、駐蹕四日、夏四月壬辰、幸冷然院、令文人賦詩、

賜衣被、閏月乙亥、幸嵯峨別院、令文人賦詩、賜五位已

上衣被、秋七月甲辰、幸大堰、賜五位已上山城國掾以

上衣被、八月甲戌、獵北野、御嵯峨院、賜五位已上及山

城國掾已上衣被、九月乙未、幸神泉苑、令文人賦詩、賜

物有差、辛亥、獵大原野、賜五位已上及山城國掾以上

國史紀事本末 卷十八 十三

衣被、冬十月戊寅、獵栗前野、己卯、獵水生野、山城攝津

獻物、賜五位已上及兩國掾已上衣被、十一月戊申、又

獵、十二月戊辰、獵芹川野、類聚國史

九年春正月戊辰、獵芹川野、賜五位已上衣被、二月辛

酉、獵栗前野、賜五位已上衣被、庚午、幸交野、駐蹕四日、

壬午、幸神泉苑、命文人賦詩、秋八月己卯、獵北野、御嵯

峨別院、令文人賦詩、賜侍臣衣、冬十月甲戌、獵栗前野、

類聚國史

十年春正月乙巳、獵芹川野、賜五位已上衣被、二月己

巳、獵水生野、御河陽宮、賜水生村窮乏者米有差、駐蹕

二日、癸酉、幸神泉苑、命文人賦詩、夏五月甲午、幸神泉

苑、祈雨、貴布禰、六月庚午、幸葛野川、賜五位已上衣被、

秋八月戊辰、幸嵯峨院、命文人賦詩、冬十月丁未、獵大

原野、乙卯、幸冷然院、宴飲奏樂、乙丑、幸交野、駐蹕五日、

十一月丙申、獵栗前野、庚子、獵芹川野、賜五位已上衣

被、類聚國史

十一年春正月己亥、獵栗前野、閏月乙丑、獵芹川野、賜

五位已上衣被、二月壬辰、幸交野、賜五位已上及山城

攝津國司衣被、夏六月丁亥、幸冷然院、秋七月壬子、幸

葛野川、賜五位已上及國司掾已上衣被、八月丙子、幸

國史紀事本末 卷十八 十四

北野、令文人賦詩、賜五位已上衣被、己卯、幸神泉苑、丙

戌、幸冷然院、九月甲子、幸大原野、賜五位已上物、丙寅

幸北野、賜五位已上衣被、類聚國史

十二年秋九月己亥、幸右大臣藤原冬嗣第、命文人賦

詩、冬十月幸交野、賜五位已上山城攝津郡司物、類聚國史

十三年春正月丁巳、獵北野、己未、獵芹川野、二月己巳、

獵栗前野、壬午、獵水生野、癸未、獵芹川野、庚寅、幸神泉

苑、命文人賦詩、賜物、夏四月戊寅、幸冷然院、秋九月甲

寅、獵北野、冬十月甲午、幸河陽宮、獵交野、十一月癸未、

獵瑞野、類聚國史

十四年春正月甲申獵芹川野賜侍臣及山城國司衣被二月丁酉獵栗前野癸丑幸皇女有智子內親王山莊命文人賦詩類聚國史內親王獻律詩一篇帝大褒賞之授位三品又書御製詩賜之尋賜封百戶為召文人資續日本夏四月帝讓位皇太弟九月幸嵯峨莊淳和帝後紀敕有司設御輿伏衛帝辭之御馬而出却前驅兵伏本

淳和天皇天長元年夏四月辛丑幸神泉苑放渤海鴉逐鹿六月庚子幸神泉苑日本二年冬十月己酉太上皇獵交野帝遣中納言清原夏

國史紀事本末 卷十八 十五

野及藏人供奉十一月丙辰賀太上皇四十算類聚國史三年春正月乙未獵芹川野賜羣臣及國司判官己上衣被夏四月壬寅幸南池召文人賦詩丁未幸神泉苑冬十月丙申獵栗前野賜侍從及符長非侍從山城國掾己上衣被十二月戊申獵大原野賜羣臣物類聚國史四年夏四月丁酉幸南池命文人賦詩帝有御製皇太子獻詩乙巳幸神泉苑觀釣魚癸丑幸神泉苑釣魚類聚國史五月庚辰詔中納言良岑安世東宮學士滋野貞主等撰近代詩賦名曰經國集日本初桓武帝時中納言大伴家持撰歷者七十八人經國集

朝和歌著萬葉集二十卷上自雄略下迄廢帝朝所收凡四千餘首萬葉集拾芥抄然詩賦日盛和歌稍衰古今六月壬子幸神泉苑賜中納言己下大舍人已上商布秋七月乙丑又幸類聚國史

五年春閏三月己丑幸神泉苑釣魚丁酉幸南池令羣臣釣魚帝御船就涼書殿召文人賦詩夏六月辛未幸神泉苑釣魚丁丑又幸秋九月戊申獵北野山城國司獻物賜五位己上及國司物類聚國史

六年夏四月甲寅幸南池令文人賦詩六月丁卯幸神泉苑秋七月己卯又幸八月庚戌幸南池賦詩奏樂己未幸神泉苑九月甲午又幸冬十月丙辰幸湍湍池捕

國史紀事本末 卷十八 十六

水鳥御紫野院山城獻物雅樂寮奏樂賜羣臣物甲戌獵栗前野賜羣臣衣被冬十一月丁酉獵芹川野類聚國史七年夏四月丙午幸神泉苑甲寅幸南池御涼書殿令文人賦詩乙卯幸鴨川修禊御紫野院釣臺觀魚秋九月壬辰幸大納言清原夏野山莊召文人三十人賦詩授夏野子瀧雄從五位下冬十月乙巳幸北野御紫野院賜侍臣及山城國掾己上衣物丁卯獵北野幸嵯峨院賜五位己上衣被十一月乙未幸栗前野山城獻物賜羣臣物十二月丙辰幸芹川野山城國司獻物賜國掾

已上物、閏月壬申、幸北野、過清原夏野、雙岡莊、夏野、率親屬拜舞、賜侍臣及山城國掾已上物、類聚圖史

八年春二月丁亥、獵水成野、多獲鵜、雉、其夕御河陽宮、

賜羣臣物、夏四月丁丑、幸南池、命文人賦詩、六月戊子、

幸神泉苑、秋八月己巳、幸南池、命文人賦詩、乙亥、幸神

泉苑、癸巳、幸神泉苑、冬十月戊寅、幸北野、御紫野院、設

宴奏樂、賜羣臣物、十二月丁丑、幸芥川野、賜羣臣物、類聚圖史

九年春正月己未、幸水成野、夏四月癸酉、幸紫野院、命

陪從文人賦詩、帝有御製、名院曰雲林、時文章生藤原

關雄善草書、勅書其壁、時已下文 實錄 秋九月乙卯、幸北野

國史紀事本末 卷十八 十七

試鷹犬、獵雙岳及陶野、幸雲林院、賜侍從已上物、冬十

一月辛亥、獵栗前野、類聚圖史

十年春二月帝讓位於皇太子、秋八月戊申、嵯峨太上

皇御淳和院、與淳和太上皇遊讌、令文人賦詩、兩太上

皇皆有御製、以大藏省綿一萬屯、賜羣臣、九月戊寅、仁

明帝獵栗栖野、至綿子池、令神祇小副大中臣磯守放

隼、冬十二月大嘗會、作假山於豐樂殿、聚沙石、植樹木、

鋪縹布於地、撒萍藻以擬海濱、設舟於其中、奏拾翠樂、

作似山已下 體源抄 十二月乙未、獵芥川野、栗隈野、

仁明天皇承和元年春正月癸丑、帝觀淳和太上皇於

淳和院、張宴奏樂、太上皇以鷹、鵠二聯犬四牙賜帝、二

月己丑、幸芥川野、放鷹、鵠、夏四月辛丑、嵯峨太上皇幸

清原夏野、雙岡山莊、秋七月庚申、帝御紫宸殿、賜宴、觀

圍棋、八月辛巳、嵯峨太上皇將遷御嵯峨新院、帝爲置

酒於冷然院、奉白王卮爲壽、奏舞樂、庚寅宴清涼殿、名

曰芳宜華讌、冬十月壬子、淳和太上皇幸雲林院、獵北

郊、戊子帝幸栗隈野、放鷹、鵠、

二年春正月甲戌、獵芥川野、二月壬寅、獵水成野、夏五

月乙卯、幸神泉苑、捕池魚獻兩太上皇、冬十月甲申、幸

箕津野、放鷹、鵠、十二月乙酉、獵芥川野、壬辰幸神泉苑

國史紀事本末 卷十八 十八

放隼、

三年春正月、再幸神泉苑、二月再幸神泉苑、放鵠、隼、是

月嵯峨太上皇獵交野、三月庚戌、帝宴紫宸殿、觀圍棋、

夏四月乙酉、御紫宸殿、觀賀茂祭、使鞍馬服飾、五月辛

丑、御神泉苑、釣臺、釣魚、六月戊午、宴紫宸殿、觀圍棋、是

日暑甚、令侍臣脫靴、冬十二月丙辰、幸神泉苑、放隼、獲

水鳥百八十隻、

四年春正月內宴、始奏景涼州、後以爲常、類聚圖史 帝

善鼓琴、吹管、曲盡其妙、大戶清上嘗作新曲獻之、名曰

承和樂、大戶以下 體源抄 冬十一月、再幸神泉苑、放隼、

五年春二月庚子、獵水生瀨、賜五位已上物、秋七月丙寅、幸葛野川觀魚、賜五位已上物、冬十一月癸未、嵯峨太上皇幸神泉苑放隼、帝獻馬四匹、鷹鷄各四大及御屏玩好、

六年春正月庚申、先是太宰少貳藤原岳守檢唐人貨物、得元稹白居易詩集獻之、帝甚耽悅、先是已下是日大德寶龜

授從五位上、嵯峨太上皇素有文藻、讀居易詩最愛之、時小野篁以能詩聞、與居易句暗合者三人、以為奇、嵯峨

已下江是後白氏之詩大行、海內文士、莫不諷誦、模擬、參取諸書大意閏月己亥、幸美都野、山城獻物、賜羣臣物、辛丑

國史紀事本末

卷十八

十九

獵水成瀨野、山城攝津獻物、賜羣臣物、二月乙丑、幸神泉苑、皇太子從焉、駕至右近衛馬埒、命先驅近衛試、騎御馬、冬十月己酉朔、宴紫宸殿、召從五位下伴雄堅魚、備後權掾伴須賀雄圖、棋、皆一時國手也、十二月乙丑、獵水成瀨野、山城河內攝津獻物、賜羣臣物、十年秋九月丙午、宴紫宸殿、皇太子侍焉、左右諸衛府獻物、賜五位已上物、

十一年春正月庚子、內宴、授內教坊女伎石川色子從五位下、二月壬戌、幸水成瀨野、賜羣臣物、戊寅、幸交野、賜羣臣物、秋閏七月戊午、御仁壽殿、始觀林邑樂、八月

辛巳朔、御紫宸殿、設芳宜花宴、賜五位已上衣被、癸巳、幸北野、賜宴、是冬、幸水沼野片川、水成瀨野、

十二年春正月丁巳、召外從五位下尾張濱主於清涼殿、觀長壽樂舞、濱主年一百十三、舞畢、獻和歌、賜御衣

一襲、二月戊寅、宴紫宸殿、令皇太子及侍臣、押梅花於

頭、賜御被襖子、辛卯、幸水成瀨野、攝津國司獻物、賜羣

臣物、壬寅、獵河陽、兵部卿忠良親王獻物、賜侍從已上

物、

十四年夏四月庚子、幸神泉苑、賜侍臣物、冬十月辛亥、

授雙丘東墳從五位下、每遊獵、駐蹕於此、以四望、故爵

之、壬子、幸雙丘大池、放鵝、隼、左大臣源常山莊在丘南、

國史紀事本末

卷十八

二十

因獻物、賜從臣饌、嘉祥元年春正月辛巳、幸神泉苑放隼、獲水鳥百二十

隻、賜侍從已上物、夏四月甲午、幸神泉苑及北野、丙午

幸冷然院、賜親臣及侍從物、五月庚辰、避暑冷然院、冬

十月辛卯、幸神泉苑、戊午又幸、獵北野、壬子、幸雙丘池

放隼、

二年春三月己未、幸水生瀨野、山城攝津河內國司獻

物、賜群臣物、乙亥、幸雙丘、廻幸冷然院觀魚、乙亥據類聚國史

夏五月戊寅、幸神泉苑、公卿集美福門、終日宴樂、召大

學博士文章生賦詩冬十一月壬申皇太子表賀帝四十算獻御衣玩好水陸雜物帝御紫宸殿宴樂終日賜諸大夫物先是參河守安部氏主獻白馬四匹牛四十頭支子四十斛以賀寶筭其他獻物者甚衆文德天皇仁壽二年春正月庚午觀中宮於冷然院羣臣扈從者賜宴於東釣臺

三年春二月乙丑觀藏釣戲密令紀夏井筵之夏井曰小女青衣而簪白花者左手中_{有之}帝乃探得大喜_令已下三帝不好巡幸遊覽故與宮人爲此戲庚寅晦幸冷然院遂幸右大臣藤原良房第觀櫻花置酒賜物

國史紀事本末

卷十八

二十一

齊衡元年秋九月辛未_召刑部大夫春澄善繩文章博士菅原是善民部少輔大江音人於藏人所評文人重陽詩

二年夏四月戊午禁私畜鷹

清和天皇貞觀元年夏四月賜左大臣源信攝津爲奈野爲遊獵之地秋七月辛卯罷諸國歲貢鷹帝素信僧真雅及即位真雅請停山野之禁斷遊獵之娛帝從之是後宴遊稍盛丙申禁諸國司畜鷹

二年冬特聽兵部卿忠良親王以私鷹二聯獵畿內禁野之外參議源融獵大和宇陀野蓋以嵯峨諸皇子皆

好遊獵也

三年春正月內宴授雅樂少允和邇部太田麻呂外從五位下大田麻呂工於吹笛者也嘗作天人樂溢金樂

春庭樂獻之

一作以下

是春聽大納言源定式部卿仲

野親王遊獵夏六月庚戌山城奏言河陽離宮久不行幸稍致破壞請爲國司行政處但不廢舊名以備行幸許之夏六月辛未御前殿觀童相撲右大臣藤原良相爲左朋首大納言源定爲右朋首奏音樂雜伎散樂透撞呪擲弄玉等戲儀如相撲節壬申晦又觀童相撲冬十月甲子右諸衛府右馬寮獻五月競馬輪物宴親王

國史紀事本末

卷十八

三十二

己下奏樂賜物

四年夏五月癸酉御武德殿觀馬藝雜戲儀如端午秋七月壬申觀童相撲癸酉又觀之儀皆如前歲

五年春三月丁丑申禁諸國牧宰私畜鷹夏五月甲申御雅院召見神泉苑御靈會舞童雅樂寮奏樂冬十月庚辰宴太政大臣良房於內殿賀其六十賜賚皆以六爲數召諸大夫六十已上賜宴

六年春二月壬午幸良房漆殿第觀櫻花良房招文人五位已上十人諸司六位十人文章生二十人張宴賦詩山城守紀今守率郡司百姓行耕田禮

八年春二月己亥幸右大臣藤原良相西京第觀櫻花
召文人賦詩奏女樂賜羣臣物閏月丙午朔幸太政大
臣良房漆殿第觀櫻花百官扈從歌舞宣闕令文人賦
詩以落花無數雪句爲題賜物有差帝每遊宴必試射
云冬十月辛卯禁諸國司及庶人畜鷹十一月聽式部
卿忠良親王畜鷹二聯鵠二聯左大臣源信鷹三聯鵠
三聯二品仲野親王鷹三聯鵠一聯中納言源融鷹一
聯鵠二聯內膳正連枝王鷹二聯丹波權守坂上貞守
近江權大掾安部三寅鷹一聯貞守善相鷹馬辨駕駿
說產地未嘗錯誤

國史紀事本末

卷十八

三十三

十年冬十二月丙寅賀皇太后四十算於常寧殿是月
左大臣源信遊獵墮馬而薨

十五年秋八月癸巳朔以攝津爲奈野賜中務卿時康
親王爲遊獵之地

陽成天皇元慶元年春三月大納言南淵年名始設尚
齒會於小野山莊勸白居易故事也古今著聞集

三年冬十月庚辰太上天皇幸大和

四年春三月太上天皇巡覽大和攝津名山古寺還御
丹波水尾山寺僧宗叡從焉秋八月甲辰太上天皇還
御嵯峨棲霞觀即左大臣源融山莊也融好營第宅造

河原院於東六條居焉融好營已下編昭古今集抄亭樹華麗累石
鑿池續古事談使人汲難波潮水煮之爲鹽以擬陸奧鹽竈
浦之勝古今集抄又置別業於宇治帝嘗遊幸焉後贈之藤
原氏藤原氏捨爲寺曰平等院花鳥餘情引幸部王記

六年春二月辛丑御弘徽殿觀鬪雞三月己巳設宴於
清凉殿賀皇太后四十算豫擇五位已上子有容貌者
十八人習舞皇弟貞數親王年八歲舞陵王觀者嗟賞
舞畢外祖在原行平抱持之歡躍而出皇子貞保親王
尤長音律皇子已下世稱管絃僊帝王編冬十二月己
未敕山城葛野郡嵯峨野元既不禁今新加禁樵夫牧

國史紀事本末

卷十八

三十四

堅之外莫聽放鷹逐兔同郡北野愛宕郡栗栖野紀伊
郡竹川野木幡野乙訓郡大原野長岡村久世郡栗前
野美豆野奈良野宇治郡下田野綴喜郡田原野天長
中既禁從禽今重禁之山川之利藪澤之生與民共之
莫妨農業但北野不在此限大和山邊郡都介野天長
承和累代立制今宜加禁莫令縱獵美濃不破安八兩
郡野本自禁制永爲藏人所獵野播磨賀古郡野印南
郡今出原印南野神崎郡北河添野前河原賀茂郡宮
來河原爾可支河原先已有制今重禁斷脩前兒島郡
永爲藏人所獵野

七年夏五月戊辰御豐樂殿宴渤海使者內教坊奏樂舞女一百三十八人

八年春二月乙未帝遜位於二條院己未光孝帝遷自東宮御仁壽殿遣右大辨橘廣相諸陵助林忠範率所司清宮裁樹種竹布沙控水效仁明帝故事也

光孝天皇仁和元年秋八月丁卯幸神泉苑觀漁冬十月壬子朔旬宴以從五位下良岑遠年善吹笛特聽升殿十二月丁巳幸神泉苑放鷹帝屢遣人畿外諸國調

習鷹鷄戊辰召僧正遍照於仁壽殿賜宴賀其七十遍照桓武皇子良岑安世子初仁明帝以雲林院賜皇子

國史紀事本末

卷十五

常康親王親王薙髮以院授遍照遍照以和歌聞世稱

華山僧正世稱以下扶桑略記

二年春二月辛丑內宴貞數親王舞散手舞裝當帶劍

帝敕許帶劍秋八月辛酉幸神泉苑觀魚木工寮獻物

冬十月丁未宴紫宸殿左右近衛府奏樂令參議藤原

諸葛彈和琴帝嘗敕百濟真雄作新曲名曰仁和樂帝嘗

源已下體十二月戊午遊獵并川野是日風雪慘烈敕參

議已上著摺布衫行滕賜酒獵徒日暮過左衛門佐藤

原高經別墅賜扈從者物自文德清和二帝廢遊獵三

十餘年而帝有此舉己巳幸神泉苑觀魚放鷹至北野

令左右馬寮馳御馬是日常陸大守貞固親王扈從太政大臣基經奏言遊獵之儀宜有武備請使親王帶劍帝悅許之取中納言源能有劍授之

宇多天皇仁和四年秋九月敕巨勢金岡畫弘仁已後能詩者像於御所南庇障子扶桑略記其重詩人如此

寬平四年夏五月己未放神泉苑鹿鳥於比叡山菅家文草

六年參議菅原道真年五十門人設宴賀之有一老父

置賀章及沙金於案上不顧而去衆怪之其文有云金

以表中誠之不輕沙以祈上壽之無涯後知帝之所設

也在柄起

國史紀事本末

卷十六

七年春三月庚申幸神泉苑在柄起是秋左大臣源融薨公卿

補其家獻河原院於帝續古事談帝嘗構乾臨閣於神泉苑

以為遊覽之地古今著聞集

八年春閏正月戊子幸北野雲林院設子日宴皇太子

親王從焉扶桑略記冬十月庚戌幸朱雀院過尚侍藤原淑

子家西宮記

九年秋七月帝禪位於皇太子皇太子立是為醍醐天

皇扶桑略記冬十月太上天皇屢遊獵畿內常陸太守貞數

親王權大納言菅原道真等從焉將赴宮瀧宿道真高

市郡山莊遂至宮瀧又赴住吉濱經龍田山入河內扶桑

略年記略帝王御船至江北諸住吉社群臣獻和歌扶桑略記

醍醐天皇昌泰元年冬十月太上皇幸大和歷河內至

攝津閏月還宮日本略

二年春正月丁酉觀太上皇於朱雀院觀梅花賦詩日本略

三年秋七月太上法皇幸金峰山扶桑略冬十月法皇幸

高野山及筑扶島日本略是歲右大臣菅原道真獻祖清

公集六卷父是善集十卷已集十二卷帝賜詩褒賞初

道真爲讚岐守屋宇壞漏文集腐爛或謂道真曰加賀

介平有直好寫人詩文何不問之道真乃問之有直有

直錄道真文數百首贈之文集復完渤海裴璆嘗讀道

國史紀事本末卷十八三十七

真詩以爲近白居易體菅家後筆後在太宰府有都府樓纔

看瓦色觀音寺只聽鐘聲之句時人傳誦以爲勝居易

香爐峰雪攪簾看之句江談抄

延喜元年秋七月丁丑觀童相撲於綾綺殿八月甲午

再觀童相撲甲辰前裁合日本略山城守藤原忠房作新

樂獻之舞者作蝶翅裝執花枝名曰胡蝶樂體源抄凡分

兩朋以角優劣謂之合是後有詩合歌合之戲九月左

大臣藤原時平會文人於城南水石亭賀其師大藏善

行七十執弟子禮雜言

五年春正月戊子法皇幸大覺寺令從臣賦詩日本略二

月癸卯幸六條院三月己卯御仁壽殿蹴鞠西宮略庚辰

法皇幸藥師寺扶桑略夏四月丙午詔大內記紀友則御

書所預紀貫之前甲斐少目凡河內躬恒右衛門府生

壬生忠岑等撰古今和歌集貫之論諸名家格調曰花

山僧正尤得歌體然其詞華而少實如畫圖好女徒動

人情在原中將之歌其情有餘其詞不足如菱花雖少

彩色而有薰香文琳巧詠物然其體少俗如賈人之著

鮮衣宇治山僧喜撰其詞華麗而首尾停滯如望秋月

遇曉雲小野小町之歌古衣通姬之派也然艷而無氣

力如病婦之著華粉大友黑主歌古孫九太夫之次也

國史紀事本末卷十八三十八

頗有逸興而體甚鄙如田夫之息花前也古今集序此時專

尚詩歌管絃而最重和歌云九月法皇幸金峰山日本略

六年春正月辛未大雪法皇幸大覺寺召大學生賦詩

日本略冬十月丁酉法皇幸比叡山扶桑略

七年秋九月乙酉幸大井河冬十月丙午法皇幸熊野

日本略九年秋閏八月法皇召文人於亭子院觀月賦詩日本略

十年秋九月辛亥法皇幸比叡山扶桑略

十一年夏六月丁卯法皇召參議藤原仲平兵部大輔

源嗣右近衛少將藤原兼成藤原俊蔭出羽守藤原經

邦兵部少輔良峰遠視左兵衛佐藤原伊衡散位平布

世於亭子院賜宴八人皆以豪飲聞敕限二十五及六

七巡皆大醉歐吐狼藉言語錯亂唯伊衡不及亂法皇

賞以駿馬然纔能舉十五耳一時傳以為笑朝野群載

十三年春三月右大臣源光出獵隨馬而薨夏五月丁

卯幸神泉苑冬十月法皇召文人於亭子院奏樂賦詩

日本略本

十四年秋七月癸亥觀童相撲於綾綺殿日本略本

十六年春三月辛酉朝朱雀院賀法皇壽五十以親王

未冠者及五位已上子為舞人秋九月庚辰幸朱雀院

國史紀事本末 卷十八 三十九

觀競馬召諸儒賦詩試擬文章生詩日本略本

十七年秋九月幸朱雀院召文人賦詩冬十月壬午法

皇設宴於河原院賀大納言源昇七十閏月乙丑幸北

野十二月己酉法皇幸東大寺日本略本

十八年冬閏十月己未幸北野皇太子從焉扶桑略記

十九年秋九月丁丑夜宴清涼殿朝恒集會月色清朗法

皇悅曰明月無雙後世遂以十三夜賞月中右記

二十一年冬十月庚午觀舞樂於清涼殿日本略本笛師和

爾部道麻呂作新曲獻之名曰延喜樂體源抄十二月庚

申幸北野日本略本

二十二年春正月丙午幸河原院日本略本

延長二年春正月甲子法皇賀帝四十冬十月丙戌幸

朱雀院觀競馬御舟張樂日本略本

四年冬十月癸巳法皇幸大井河賦和歌日本略本壬寅帝

從法皇幸大井河日本略本皇弟雅明親王舞萬歲樂

年僅七歲美姿儀節奏和諧帝感賞脫半臂賜之敕聽

帶劍西宮記大十一月己未獵北野日本略本遂如船岡山抄

抄十二月壬寅賀法皇壽六十日本略本

五年夏四月庚寅召王卿於清涼殿觀小弓賭射日本略本

六年秋閏八月己未法皇幸石山寺冬十二月丙午遊

國史紀事本末 卷十八 三十九

獵大原野扶桑略記

八年秋九月己丑帝崩日本略本先是敕紀貫之撰新撰和

歌集書成未進會帝崩貫之作序詞甚哀切本書序

朱雀天皇承平三年夏四月癸亥召公卿侍臣於飛香

舍觀藤花奏樂賦詩冬十二月戊午遣侍臣十餘人於

大原野放鷹獵裝窮極華麗日本略本

天慶元年春三月辛亥觀闘雞日本略本

二年冬十一月平將門反事見將門之亂

六年夏五月丙午晦觀蹴鞠於溫明殿西宮記

九年夏四月庚辰帝讓位於皇太弟秋七月徙居朱雀

院冬十二月己未、太上皇遊獵宇治。日本略

村上天皇天曆元年春正月內宴、式部卿重明親王彈

琴、一絃乍絕、親王猶彈之、畢曲而罷。古今著三月己巳、

太上皇幸西河、修禊事、遂至嵯峨野、夏四月戊寅、太上

皇幸醍醐寺、五月壬辰、太上皇觀騎射、競馬於朱雀院、

六月壬戌、太上皇以鷹鷄四聯犬二牙賜帝、秋閏七月

甲戌、太上皇幸大井河、己卯、太上皇幸二條院、遂至北

野、冬十一月癸丑、太上皇幸宇治院、遊獵栗隈野、十二

月己丑、太上皇觀鷗鷀捕魚。日本略

二年春正月辛未、太上皇御馬場殿、觀紅梅賦詩、三月

國史紀事本末 卷十八

三十一

戊午、帝朝朱雀院、張宴奏樂、賜王卿已下物、秋八月甲

辰、太上皇幸九條院、遊獵片川野、冬十一月丙辰、太上

皇幸宇治院。日本略

三年春二月戊戌、太上皇幸北野、三月甲寅、太上皇設

花宴於二條院、式部卿敦實親王、中務卿重明親王從

焉、辛未、太上皇幸宇治院、夏五月癸亥、太上皇觀騎射

競馬於朱雀院、奏東遊、秋七月壬戌、太上皇幸西河。日本略

五年春二月乙巳、朝二條院、觀紅梅。西宮冬十月置和

歌所、以左近衛少將藤原伊尹為別當、令讚岐大掾大

中臣能宣、河內權大掾清原元輔、學生源順、近江少掾

紀時文、御所書預坂上望城、撰後撰和歌集。八雲御抄

人官、嵯峨歌仙傳、世稱梨壺五人。拾芥抄

七年冬十月乙丑、菊合、王卿已下賜物。古今著登朝尤

賞菊、嵯峨帝嘗有菊花賦。經國文人喜誦、元稹此花開

後更無花之句。明錄

八年春三月乙酉、改冷然院為冷泉院。花鳥餘情、唐白居易

記並據之也

天德二年春三月戊子、宴飛香舍、賦和歌、以都下多病

者、不奏樂、辛亥晦、召歌人於禁中、有御製。日本略

三年春三月乙亥晦、召文人於祕書閣、賦詩、有御製、夏

國史紀事本末 卷十八

三十一

五月庚午、觀童舞、秋七月癸酉、晦、觀雜戲。日本略八月己丑、

御清凉殿、詩合、儀如臨時、祭、置酒張樂、參議大江維時

為判者。西宮記、天德先是詩人既分兩朋、以木工頭小

野道風書名冠世、各遣使求書其詩、道風托事謝客、欲

拒之、右朋長右兵衛督源延光等至道風家、排門突入、

擁道風上車、即還家宴飲、促道風書其詩、左朋聞之、訴

道風負約、帝遣使至延光家、則閉門酣飲、使人不能入、

明日召道風書左朋詩、於是兩朋詩皆道風書、一真一

行、觀者嘆賞、詩人悅曰、聞詩之遊、雖唐元和會昌之盛、

所未有也、當時專尚元白詩、故以元和會昌為至盛云、

開詩 帝好文學榮華 嘗使近臣選近世名家十人律詩

名曰日觀集朝野 一日命羣臣賦宮鶯囀曉光帝詩先

成有露濃緩語園花底月落高歌御柳陰之句自謂絕

唱文章博士菅原文時獻詩曰西樓月落花間曲中殿

燈殘竹裏聲帝賞其新警以為不可及因命文時評其

優劣文時曰聖製固優帝頌藏人頭曰彼今日不以實

對他日彼有奏疏汝慎勿受文時曰臣作實上聖製一

等乃逃帝益嘆賞江蘇 冬十月辛卯御清涼殿西渡殿

觀內教坊妓樂西宮

四年春三月己巳晦御清涼殿歌合置酒張樂大臣已

國史紀事本末卷十八 三十

下賜物有差天德歌合記 禁中歌合始於此八雲 是日

壬生忠見配平兼盛二人歌成皆俊逸左大臣藤原實

賴為判者不能決優劣及披講帝屢吟兼盛歌終以兼

盛為優兼盛方正衣冠坐陣座間已歌勝不問其餘拜

舞而退忠見大失望遂以憂死參取沙石 時女御藤原

芳子暗誦古今集大鏡 更衣源計子請帝令源順等訓解

萬葉集十訓 其尚和歌如此

應和元年春三月戊戌召文人於釣臺設櫻花宴賦花

光水上浮菅原文時獻序日本 有云誰謂水無心濃艷

臨兮波變色誰謂花不語輕漾激兮影動唇為世所稱

本朝 閏月甲戌設藤花宴於釣臺觀童舞泛舟奏樂賜

公卿衣紀略 是日始奏唐樂感恩多體源 夏五月戊辰

御釣臺觀競渡紀略

康保元年春二月壬子令皇子為平親王往北野為子

日遊且放鷹中納言藤原師氏等從之日本 盡引從者

自弘徽殿而出帝與皇后臨藤壹觀之騎步聯巨被服

靡麗觀者填街及還獻獲賜宴從者賜物有差參取大

二年夏六月丙午觀果下馬之戲於弘徽殿秋八月己

亥御清涼殿觀猿樂冬十月己未幸朱雀院柏梁殿觀

國史紀事本末卷十八 三十

左右馬寮騎皇太子從焉召文臣四十人獻詩王卿已

下賜物有差日本

三年春二月庚子令皇子守平親王往東庭為子日遊

召侍臣賜宴日本 秋八月丙子置酒清涼殿前裁合絃

歌燕樂公卿賜物榮華 古今著聞集 冬十月丁卯觀侍臣

小舍人等舞公卿奏樂賜物有差西宮 時天子方

耽宴遊而武人多好狩獵源滿仲畜鷹三百云古事

冷泉天皇安和元年秋九月乙酉觀童相撲於昭陽舍

二年大納言藤原在衙設尚齒會於栗田山莊會者各

紀略

二年大納言藤原在衙設尚齒會於栗田山莊會者各

脫朝服著直衣指貫百鍊抄太政大臣實賴以和漢尚齒會畫障贈之本朝文粹

圖融天皇天祿三年春正月丙申御紫宸殿宴羣臣日本

略記

天元元年秋八月戊辰右大臣源雅信與諸卿奏樂承

香殿殿女御藤原遵子所居也帝臨而觀焉雅信唱歌

聽者感賞日本略記雅信工音律善轉喉為新聲大鏡時皇太后

宮權大夫源博雅尤長音樂小右記有蟬丸者嘗事敦實

親王親王善琵琶蟬丸悉傳其法今昔物語博雅聞其退居

會坂使人勸移居京師不聽琵琶有流泉啄木二曲蟬

丸獨傳之祕惜不輒彈博雅每夜往覘者三年未得聞

適值八月十五夜博雅又往覘蟬丸翫月鳴絃嘆曰世

無知音誰復來訪者博雅應聲突入曰源博雅來具以

實告蟬丸感嘆遂授二曲江談抄

華山天皇寬和元年春二月戊子圓融太上皇幸紫野

為子日遊公卿皆騎從觀者如雲設幄坐觀蹴鞠日暮

還宮命從臣獻和歌平兼盛作之序古事記帝亦好和歌

嘗親撰拾遺集後集世稱古今後撰拾遺集曰三代集

抄

二年夏五月丁酉御紫宸殿觀打毬奏樂日本略記冬十月

乙巳圓融法皇幸大井河御舟至都那瀨分詩歌管絃

三船各撰其才乘之藤原道長謂權大納言藤原公任

曰卿多才藝將駕何船公任請乘和歌船他日語人曰

使我作詩如歌者必播名於世悔當時不駕詩船耳後

大鏡日本略記公任開白賴忠長子也公卿補任延喜己後

工和歌者公任及源經信為之冠八雲抄公任嘗駁伊賀

守藤原長能和歌長能深愧之養病而卒又嘗讀藤原

範永和歌愛之操筆評品範永大悅持還寶之咸以錦

囊後集其子名重一時如此

一條天皇永延元年冬十月癸卯幸攝政兼家第賦詩

國史紀事本末卷十八三十

奏樂試擬文章生日本略記大江舉周作序帝褒賞權補藏

人續往乙巳召儒官評文章生詩日本略記帝嘗觀圓融法

皇法皇泛舟於池奏樂帝親吹笛法皇感賞授笛師左

衛門督高遠位續古事談

正曆三年冬十月丙戌觀舞樂於清涼殿日本略記舞人右

衛門小志泰身高善舞世稱舞仙帝賞之任右衛門尉

其餘善舞者二人皆有官賞時人聞之曰一日賞三人

何多也續古事談

四年春正月壬辰觀東三條太后奏樂帝親吹笛日本略記太后嘗有瞿麥合之戲一時賞其風流古今集

長保三年冬十月丙午帝與中宮幸左大臣藤原道長上東門第賀東三條院四十設宴奏舞樂先是試樂禁中道長子賴通舞陵王帝感賞賜御衣古今著聞集

寬弘三年春三月丙午宴東三條第奏樂賦詩法成寺攝政記

帝好學崇文詞藻過人兼妙絲竹續往生傳時藤原齊信源

俊賢藤原公任藤原行成皆以才藝聞世稱四納言恩管

抄宮人亦多有才藝紫式部清少納言赤染右衛門和

泉式部尤著十訓抄紫式部式部丞藤原爲時女尊卑分脈藤

原中宮讀白居易集式部授之樂府嘗著源氏物語帝

讀而大賞之曰是善諳熟日本紀者也人呼曰日本紀

國史事本末 卷十八 三十七

局紫式部日記清少納言肥後守清原元輔女事藤原皇后

后好白居易詩嘗雪後願左右曰香爐峰雪如何少納

言即起撥簾一座服其警敏枕草子帝時嘗大雪教聚雪

爲山後以爲常枕草子蓋擬香爐峯也后父藤原伊

周嘗獻紙於后帝勸后寫史記少納言曰妾願得而枕

藉之后異而賜之乃著一書名曰枕草子枕草子赤染右

衛門太隅守時用女部類者和泉式部越前守大江雅致

女適和泉守橘道貞仙傳後事藤原中宮中宮

亦好文學紫式部日記秋八月丁亥皇子敦康親王觀童相

撲於禁中奏舞樂帝臨而觀焉九月辛酉幸左大臣藤

原道長第觀競馬日本紀略

四年夏四月辛卯召文人於禁中賦詩奏樂文章博士

大江以言作序是日三品具平親王四品敦道親王與

馬具平叙二品敦道三品日本紀略具平一日問慶滋保胤

以當世文人保胤曰大江匡衡如壯士數百擐犀甲策

駿馬而過淡津之濱其鋒森然少敢當者紀齊名如雪

朝坐瑤臺而彈箏大江以言如白沙庭前翠松陰下奏

陵王舞親王又問足下何如曰似舊上達部駕擗柳毛

車時聞其聲議者謂評品允當不減古今集序古今著聞集

保胤賀茂忠行子賀茂忠行子受業菅原文時續往生傳

國史事本末 卷十八 三十八

三條天皇長和二年秋九月乙巳幸左大臣藤原道長

上東門第觀競馬百錄抄

後一條天皇治安元年冬十月丙辰帝與太皇太后同

興幸春日社丁巳還宮是月觀童舞於清涼殿十二月

甲寅又觀童舞日本紀略帝嘗有扇合之戲衆競彫飾金銀

珠玉唯藤原行成漆柄黃紙書樂府數句筆力道鍊帝

大嘆賞古今著聞集

二年秋七月壬午幸法成寺觀前太政大臣道長慶金

堂冬十月辛酉幸平野十一月甲午幸大原野日本紀略

萬壽元年秋九月甲辰幸關白賴通賀陽院第觀競馬

紀略本

長元五年春三月癸酉帝從上東門院幸關白賴通白

河第觀花日本紀略

後朱雀天皇長久元年冬十二月丙午幸平野扶桑略記

二年春二月庚子幸北野秋八月庚辰幸大原野甲辰

幸松尾扶桑略記

三年秋八月辛卯宴清涼殿九月辛酉幸關白賴通賀

陽院第觀競馬閏月己卯宴清涼殿百鍊抄皇女禰子內

親王善和歌常與侍御聞歌新撰草子分左右評工拙

謂之物語合榮華物語女御藤原延子嘗使人畫和歌佳者

國史紀事本末 卷十八

角優劣謂之繪合古今集

後冷泉天皇永承元年夏四月殿上歌合帝王編

四年冬十一月戊戌殿上歌合扶桑抄

六年春三月乙亥作木雞較製造工拙為戲謂之雞合

百鍊抄夏五月甲寅菖蒲根合扶桑略記宴樂終日帝親

吹笛百鍊抄古

七年冬十月辛卯宴群臣於冷泉院釣臺百鍊抄

天喜四年春閏三月己酉群臣於清涼殿作歌奏樂

中殿御會夏六月殿上詩合天上殿

治曆元年冬十月丙午幸法成寺觀慶佛堂扶桑略記

二年冬十月丁酉御釣臺泛船奏樂扶桑略記

三年冬十月庚戌幸宇治平等院宴關白賴通別業扶桑略記

略記百鍊抄賜封三百戶賴通餉船奏樂迎駕奉獻極

其精豐駐蹕三日扶桑略記丁卯觀童舞於清涼殿扶桑略記

抄

藥子之亂

桓武天皇延曆二十五年春三月辛巳帝崩夏五月辛

巳皇太子即位是為平城天皇改元大同未踰年而改

元論者非之壬子立皇弟神野親王為皇太弟日本後

初桓武帝寵任中納言藤原種繼納其女東子皇胤

國史紀事本末 卷十八

種繼又有女曰藥子適中納言藤原繩主生二女長女

以選入皇太子宮藥子以東宮宣旨出入卧內太子私

焉桓武帝惡而逐之太子既即位微為尚侍甚嬖之言

無不聽繇此竊弄威柄權勢薰灼中外兄仲成為右兵

衛督恃勢驕橫陵轢朝貴妻姨有姿色仲成欲奸之姨

逃匿佐味親王家仲成乃往詈辱之其暴戾如此日本後

冬十月壬申敕凡貢采女事明令條皆限四十已下

十三已上今須使氏長者擇氏中端正者貢之然十三

已上心神易移進退未定宜貢三十已上四十已下無

配偶者類聚蓋藥子專寵之謀也

平城天皇大同二年冬十一月、殺皇弟中務卿伊豫親王、親王爲桓武帝所愛、多營別業、帝屢臨幸、及帝崩、蔭子藤原宗成勸親王潛圖不軌、親王拒之、不從、而猶未以問、親王舅大納言藤原雄友告之右大臣藤原內麻呂、親王大懼、遽奏宗成勸反狀、即繫宗成於左衛士府、按驗之、宗成誣告、首謀反者親王也、日本後群臣莫敢諫者、獨左近衛中將安部兄雄力辯其冤、帝不聽、日本後遂遣兄雄等率兵圍其第、詔削親王號、并母夫人藤原吉子幽之河原寺、不通飲食、日本後流藤原雄友於伊豫、罷中納言藤原乙敷、貶北陸道觀察使秋篠安國、日本後事本末 卷十八 四十一

人爲造西大寺長官、日本後宗成亦蒙流、親王及母夫人仰藥而死、日本後親王子高枝等皆遠配、日本後侍從中臣王坐黨與考問、不服、嬖臣激帝、加以大杖、王背爛而死、仲成尋爲北陸道觀察使、日本後事本末 卷十八 四十一

三年夏四月、有二鳥集若犬養門樹枝上、接翼交頸而死、終日不墜、時人以爲仲成兄妹招禍之兆也、秋八月、野狐窟朝堂院中庭樓焉、十餘日而去、冬十一月丙申、授從四位下藤原藥子正四位下、日本後帝嘗納木工頭伊勢老人女生高岳親王、日本後是歲以山城久世郡地六町賜親王、日本後事本末 卷十八 四十一

四年春正月己卯、授藥子從三位、夏四月丙子朔、帝久不豫、遂傳位於皇太弟、太弟涕泣抗表固辭、不許、丁丑、帝徙御東宮、太弟未敢奉詔、戊寅再抗表辭之不許、日本後戊子皇太弟即位、是爲嵯峨天皇、上帝尊號曰太上天皇、己丑立高岳親王爲皇太子、日本後年尚幼、時人稱曰蹲居太子、日本後冬十一月丁未、太上皇遣右近衛中將藤原真夏等於平城舊都及攝津豐島爲奈野等地、相宮地、將造別宮、避病、甲寅太上皇遣藤原仲成等造宮平城、十二月乙亥、太上皇幸平城宮、宮未成、權御右大臣大中臣清麻呂第、日本後事本末 卷十八 四十一

嵯峨天皇弘仁元年春正月、平城宮成、太上皇遷御焉、日本後藥子恒侍帷房、矯託百端、日本後屢自帝曰、陛下未可去位而去之、妾深爲陛下惜之、太上皇稍惑之、日本後曉其意、多稱病不視事、欲遂遜位、遣大納言藤原園人奉神璽致之太上皇、太上皇不受、日本後而藥子奸計滋甚、欲使太上皇重祚、已居后位、日本後秋九月癸卯、藥子矯太上皇旨、擬遷都平城、以中納言坂上田村麻呂藏人頭藤原冬嗣等爲造宮使、人心恟擾、丁未宮中戒嚴、遣使守伊勢近江美濃三國及故關、捕仲成繫之右兵衛府、下詔暴白仲成藥子罪狀、褫藥子官位、擯之宮外、貶

仲成為佐渡權守、遣參議藤原緒嗣告桓武帝柏原山

陵、太上皇大怒、戊申與藥子同輦、從川口道赴伊勢、諸

司及宿衛兵皆從焉、左馬頭藤原真雄遮駕苦諫、不納、

中納言藤原葛野麻呂亦諫止之、又不納、大外記上毛

野賴人上變、日本後
紀殘編帝懼、田村麻呂為太上皇用、遽拜

大納言、水鏡命率輕銳邀美濃道、時從四位下文室綿麻

呂坐仲成黨見捕、田村麻呂奏曰、綿麻呂武藝過人、屢

經戰陣、臣願俱行、帝即拜參議、遣之、二人奮激上途、又

置宇治山崎兩橋與渡市津頓兵、授賴人外從五位上、

夜遣左近衛將監紀清成等射殺仲成於禁所、己酉太

上皇至大和添上郡越田村、聞官軍遮路、知事不濟、還

宮削髮、藥子仰藥而死、庚辰廢皇太子、立皇弟中務卿

大伴親王為皇太弟、賞藤原真雄直諫、授正四位下、藤

原葛野麻呂與藥子有姻、以其諫爭特宥之、日本後
紀殘編敗

太上皇皇子阿保親王為太宰負外帥、日本後
紀先是越

前介阿部清繼、推少掾百濟愛釜等、聞太上皇幸伊勢、

舉兵應之、捕新介登美藤津、甲寅遣民部少輔紀南麻

呂等鞠問、皆服、減死處流、初桓武帝殺剛續、日本紀中

崇道天皇藤原種繼不相能之事、及帝崩、仲成竊補舊

文、至是再刪之、日本後
紀殘編帝哀伊豫親王之寃、召其子高

枝等入京、返給資財田宅、高枝與兄弟議、均分男女、時

人稱之、文德
實錄又召還藤原雄友、復本位、公卿
補任冬十二月

壬午、遣參議巨勢野足奉帶八幡宮及極日廟、賽靖亂

禱、日本後
紀殘編是歲以皇女有智內親王為賀茂齋、禱與太

上輯睦、賀茂齋始於此、貴女抄
代要記

十三年廢太子高岳親王叙四品、類聚
國史尋落髮為僧、更

名真如、三代
實錄居東寺、續日本
後紀

十四年夏四月庚子、帝御前殿、引皇太弟、親諭曰、朕本

諸公子也、始望不及此、太上天皇曲垂褒獎、超登儲貳、

遂讓位於朕、朕辭不獲命、事嬰疥疾、萬機壅滯、令藤原

國人奉還神璽、太上皇不許、適有小人、令太上皇與朕

有隙、公卿相議、逐君側群小、太上皇不察、有東行之計、

群臣勸朕邀之、朕心有如暇日、朕以寡昧在位十餘年、

太弟賢明仁孝、年齒亦與朕同、朕當傳位太弟、以遂宿

志、太弟避席固辭、帝曰、今日以前、朕遇太弟猶子、今日

以後、太弟遇朕亦猶子耳、太弟表辭者二、帝不許、辛亥

太弟即位、是為淳和天皇、類聚
國史立皇子恒世王為皇太

子、日本
略太上皇之志也、神皇正
統紀恒世王固辭、於是立太

上皇皇子心良親王為皇太子、日本
略

淳和天皇天長元年秋七月甲寅、平城太上皇崩、乙酉

嵯峨太上皇敕弘仁元年權任流人等皆聽入京日本阿

保親王還京師

續日本後紀

仁明天皇承和二年春正月以平城故都水陸地四十餘町賜廢太子

六年秋九月癸未先是贈伊豫親王二品是日遣使就其墓贈一品親王母藤原吉子贈從三位

清和天皇貞觀三年廢太子航海赴唐學佛法僧宗獻從焉

陽成天皇元慶五年冬十月學問僧中權自唐上牒告廢太子赴西域至羅越國而薨帝下詔痛惜焉廢太子

國史紀事本末

卷十八

四十五

二子善淵安貞皆賜姓在原朝臣

仁明廢太子

淳和天皇天長三年夏五月皇子中務卿恒世親王薨

親王嘗為太子而辭位者也帝悲痛久不視朝日本略帝

又有皇子恒貞幼岐嶷好讀書嵯峨太上皇奇之後拾遺

生傳

十年春二月乙酉讓位於皇太子皇太子立是為仁明

天皇丁亥立恒貞親王為皇太子時年九歲太上皇遣

權中納言藤原吉野致書曰今日詔立愚子恒貞為皇

太子敕旨謬隆盛典曲施夫洊雷位重承桃事尊非德

不昇非賢何守恒貞年實蒙幼器非夙惠安可妄鍾大

禮猥主亡也肅奉周遑內知云冥請停嚴舍更擇賢才

縱使天綸不駐上令必行則失萬國以貞之望虧三辰

日敬之職三月戊子朔帝答表曰輕者重之端小者大

之本故魏宮岐嶷非老大之情晉儲神姿是幼穉之謂

然則聰惠在性不限年齡伏稽前古既有故實臣頻表

懷抱心事共違家賓之慙猗誰為助伏願假彼重明照

蒙昧資其寬博備遺忘臣之至愚聖衷所驗雖云無德

庶幾有隣至誠不飾至敬無文伏表丹愿無地取喻大

上皇復書再辭不許庚子以從五位下小野篁春澄善

繩為東宮學士乙巳皇太子始朝觀敕賜御衣拜舞而

國史紀事本末

卷十八

四十六

退禮容如老成賜學士及坊官乳母衣被夏四月庚辰

皇太子始讀孝經參議已上賜宴東宮皇太子奏曰太

子釋奠大學是舊儀也此禮何以久廢帝曰昔天平末

吉備大臣勸高野天皇幸大學行此禮其後廢而不行

者八十餘年今太子志在復古甚可嘉也敕率百官行

禮太子賦詩一篇菅原清公滋野貞主等一時詞宗莫

不歎伏皇太子奏曰已下後拾遺仁明天皇承和五年冬十一月辛巳皇太子冠於紫宸

殿賜天下為人後者六位已下爵一級太子才學日進

常以爲身非冢嫡而居儲宮異日兩太皇晏駕禍機難測乃令春澄善繩作表辭位辭意甚切帝不許嵯峨太

太子才學已下恒貞傳

上皇深加教督太子退謂大夫文室秋津亮藤原貞守曰孤願不遂諸君將奈孤何言畢墮涕七年夏五月癸未淳和太上皇崩中納言藤原吉野開門不出累表辭職帝不許屢遣中使召之吉野起視事九年秋七月丁未嵯峨太上皇崩戊申葬太上皇己酉先是彈正尹阿保親王密上書嵯峨太皇太后太后召中納言藤原良房啓其書書曰今月十日春宮坊帶刀伴健岑來語曰嵯峨太上皇將登遐國家必亂請奉皇

國史紀事本末 卷十八 四十七

太子入東國是日令六衛府守宮門今遣右近衛少將藤原富士麻呂右馬助佐伯宮成國健岑及但馬權守橘逸勢家捕之伊勢齋宮主馬長伴水上在健岑家亦見捕又召右近衛將曹伴武守春宮坊帶刀伴甲雄奪兵仗今付五人於左近衛左衛門左兵衛三府錮之令左右京職警衛街巷遣神祇大副藤原大津守宇治橘彈心少弼丹墀門成守大原道侍從清原秋雄守大枝道散位朝野貞吉守山崎橋大藏少輔藤原多雄守淀渡皇太子大懼抗表辭位帝優答曰健岑等獨爲之耳何關太子勿以介意太子不自安憂形於色

皇太子大懼已下恒貞傳

傳貞庚戌遣參議左大辨正躬王參議右大辨和氣貞綱

於左衛門府推勘逸勢健岑等是日冷然院松樹自折人以爲異辛亥正躬王再窮問健岑等捕健岑從弟春宮坊舍人伴氏永付右衛門府壬午又考問健岑逸勢逸勢不服德實錄適有投匿名書者曰健岑反計爲太子發帝惑焉傳貞乙卯帝御冷然院皇太子從之帝急救左近衛少將藤原良相率近衛三十人圍太子直曹太子謂左右曰今日之禍孤夙知之故數年來勸諸君避禍諸君不忍相離乃有今日豈非天乎太子謂已下恒貞傳帶刀等皆奪兵仗散禁於右兵衛陣下幄中左衛門權

國史紀事本末 卷十八 四十八

佐藤原岳雄等縛大納言藤原愛發中納言藤原吉野參議文室秋津分幽於院中詔廢皇太子奪愛發官擯之京外貶吉野爲太宰貲外帥秋津出雲貲外守淳和太后聞之震怒悲號深怨太皇太后淳和已下三代實錄丙辰廢太子以劍四口付藤原富士麻呂進藏人所帝遣參議朝野原取等於嵯峨山陵告廢太子戊午集廢坊諸人於右衛門陣庭詔貶大進己下二十八人諸國權守權掾權目藤原貞守越後權守春澄善繩周防權守殿上雜色帶刀品官六位已下處配流者六十餘人庚申流橘逸勢於伊豆改姓非人健岑隱岐八月甲戌遣正躬

王監送廢太子於淳和院駕小車出禁中至神泉苑駕牛車廢太子顧左右曰幸脫重負乃住院東亭子世稱亭子親王自是專歸佛不近婦人廢太子願已下廢太子後拾遺性生傳子令聞夙著天下歸心一旦廢黜非其罪朝野悲之貞恒傳乙丑立皇子道康親王爲皇太子是月逸勢赴配所其女悲泣步從監送者叱令去女晝止夜行遂得追及逸勢至遠江板築驛死於逆旅女哀慟收葬廬其側不去落髮爲尼誓念苦至行旅爲之流涕是月已下九月文德實錄壬辰朔帝聞逸勢死憫其孫珍令幼弱聽還舊閤冬十月壬午阿保親王薨追賞告瘞之功贈一品十二月辛酉淳和太后別髮入道

國史紀事本末

卷十八

四十九

嘉祥二年春正月壬戌授廢太子三品尋薨髮改名恒寂壽已下三代實錄冬十月丙午賜逸勢子龍劍實山等本姓

聽入京師

文德天皇嘉祥三年夏五月壬辰追贈橘逸勢正五位下詔許歸葬其女負尸還京時人稱爲孝女仁壽三年夏五月甲寅加贈逸勢從四位下

清和天皇貞觀五年夏五月壬午修御靈會於神泉苑遣左近衛中將藤原基經等監其事設靈座六令僧講佛經雅樂寮奏樂以近侍及良家兒童爲舞人開苑四

門令都人縱觀先是疫癘流行死者甚衆時人謂崇道天皇伊豫親王藤原夫人橘逸勢文室宮田麻呂等爲祟呼曰御靈都鄙爭修御靈會倡優百戲遞相誇競是春咳逆流行百姓多死故朝廷爲脩此會宮田麻呂承和中坐謀反配流者也

光孝天皇元慶八年秋九月廢太子恒貞親王薨年六十不任葬司以其家不告而葬也帝不視事三日

應天門之災

桓武天皇延曆四年秋七月皇太子使左少辨大伴繼人等殺中納言藤原種繼繼人坐誅子國道流佐渡國

國史紀事本末

卷十八

五十

道聰敏有才幹國司引爲師友每有疑難必取決後遭赦還京師子國道已下三代實錄

嵯峨天皇弘仁十四年右中辨大伴國道拜參議公卿補任以觸諱改姓伴宿禰日本略記第五子善男軀幹矮小深目

長鬚性忍酷有口辨弱冠入直校書殿三代實錄

仁明天皇承和八年伴善男爲大內記善男諳練典故當官幹理察斷機敏酬答如響帝甚寵之寄任日重然器宇褊狹好斥人短衆咸惡之三代實錄

十三年法隆寺僧善愷訴少納言登美直名之罪右少辨伴善男與左大辨正躬王等論定罪科數相詰難久

之不決善男奮曰聚蚊成雷之日是善男死國之秋也

善男奮曰已下江談抄遂誣奏正躬王許容善愷非法之訴乃令

明法博士讚岐永直等斷之永直畏憚權勢不敢正言

然其議大忤善男意於是正躬王及左中辨伴成益右

中辨藤原豐嗣左少辨藤原岳雄皆坐解官永直亦獲

罪先是議未決參議和氣真綱嘆曰塵埃之路行人掩

目枉判之場孤直何益不如去職避世乃閉門不出尋

卒

清和天皇貞觀六年春正月癸卯中納言伴善男為大

納言尋以事忤左大臣源信積成嫌隙是冬適有飛書

國史紀事本末

卷十八

五十二

曰左大臣與弟中納言源融右衛門督源勤等同謀不

軌時人大駭善男宣言吾聞左大臣潛挾異圖今果有

端

七年春以信家人清原春瀧為日向掾左馬少屬土師

忠道為甲斐權掾左衛門府生日下部遠藤為肥後權

大目三人皆便弓馬名獎擢之實奪爪牙也善男益謀

陷害信以代其位

善男益謀已下宇治拾遺物語

八年春閏三月乙卯夜善男與子右衛門佐中庸家奴

紀豐城等謀遂燒應天門延及棲鳳翔鸞二樓朝野大

駭善男謂右大臣藤原良相曰左大臣實為之良相信

之急召參議藤原基經令收信基經曰公謀之太政大

臣乎良相曰太政大臣崇信佛法安能斷大事基經曰

大事何得不告乃往告良房良房駭愕不及整衣冠疾

馳入奏曰左大臣陛下下功臣人縱上變安知非誣要當

反覆審驗然後處之陛下必欲罪之老臣請先伏罪

已下大鏡裏書帝驚曰朕所未聞也乃敕參議大江音

人左中辨藤原家宗等往慰諭信信方白衣坐地待罪

家人見勅使至以為被收皆踴哭

信方已下宇治拾遺物語

救獻廐馬十二匹實從四十餘人以謝帝優詔不受信

閉門不敢出丁卯會百官大被於會昌門以應天門火

國史紀事本末

卷十八

五十二

也夏四月戊子救前月十日夜應天門及東西樓觀咸

皆灰燼求之蒼龜猶見火氣自非神助灾何以消宜令

五畿七道奉幣境內諸神秋七月戊申遣使奉幣大神

宮頒幣南海諸神告應天門火兼祈消災異八月乙亥

左京人偷中權史生大宅鷹取告善男父子火應天門

丙子禁鷹取下右檢非違使初鷹取夜經應天門有人

縋門柱而下窺覷之則善男父子及豐城也皆疾走而

去鷹取驚恠行未遠顧則火作始知善男行火然不敢

泄已而善男家奴生江恒山兒與鷹取女兒鬪恒山梓

鷹取兒毆擊至死鷹取怒詰恒山恒山曰我主即大納

言誰敢抗我者。鷹取罵曰：汝恃汝主耶？汝主不死，由吾開口。吾口一開，汝主立斃。恒山不答而逃。初已下宇治拾遺物語

鷹取遂上變。戊寅，勅參議南淵年名藤原良繩、召善男

於勘解由使局鞫問。善男不服。年名惡善男恃辯技，撻

令人詐謂之曰：卿子右衛門佐既首服，卿何敢乃爾？善

男驚曰：吾兒不肖，乃服。善男不服已下江談抄庚寅，遣使諸山陵

告應天門火。辛丑，囚中庸於左衛門府，考訊生江恒山。

壬寅晦，推鞠恒山同謀伴清繩。衆或疑善男誣服，帝不

聽。九月甲子，廷議善男父子及紀豐城伴秋實伴清繩

並大逆當斬，詔下死。一等處遠流。善男伊豆、中庸隱岐。

國史紀事本末

卷十八

五十三

豐城安房秋實、壹岐清繩佐渡，又派其黨下野守伴阿

男於能登，上總權少掾伴夏影於越後，伴冬滿於常陸。

紀春道於上總，伴高吉於下總。紀武城於日向，伴春範

於薩摩。肥後守紀夏井、連坐配土佐。夏井豐城異母

兄也。憂豐城放謫，屢加訶責。豐城苦之，去。事善男云：丁

卯，敕京畿七道勘錄庶人伴善男等資財田宅。中庸子

元孫年八歲，叔孫五歲，皆從父赴配所。帝愍其幼穉，召

還之。善男嘗建嘉祥寺食堂於深草山陵側，又造佛堂

於柏原山陵北域內爲葬地。是日，毀堂發墓，遣使告二

陵。辛未晦，大被於朱雀門，以流罪人也。冬十月丙申，流

生江恒山。十二月己卯，沒入善男宅地資財付內藏寮。書籍佛像付圖書寮。

十年春二月丁丑，始造應天門。大被於會昌門。冬，閏十

二月，左大臣源信放鷹，隨馬數日而夢。是歲，伴善男死

於配所。是歲已下公卿補任世傳善男死爲疫鬼。今昔物語時人畏懼

如此。

十三年冬十月辛未，應天門成。

十七年冬十二月甲子，以伴善男沒官墾田陸田山林

莊家等在諸國者，皆充造京城道橋料。善男得志一時，

廣營財產，蓋如此。

國史紀事本末

卷十八

五十四

國史紀事本末卷之十八終

弟延之 延壽校

國史紀事本末卷之十九

從六位守大學校中博士常陸青山延光 編次

渤海朝貢

聖武天皇神龜四年秋九月庚寅、渤海使者高齋德等八人至、出羽遣使存問、先是、渤海王大武藝遣軍遠將軍高仁義等二十四人朝貢、至蝦夷、仁義等被害、至是、齋德等僅免而來、渤海朝貢始於此、渤海本粟末靺鞨附高麗者、姓大氏、高麗滅、率衆保挹婁之東牟山、築城郭以居、高麗通殘稍歸之、至武藝父祚榮屬唐、封渤海郡王、始去靺鞨號、專稱渤海、武藝斥大土宇、東止諸夷

國史紀事本末 卷十九

畏之、唐主李隆基命龍王號、未幾、黑水靺鞨聘唐、唐主以其地建黑水州、置長史、武藝召其下謀曰、黑水始假道於我、與唐通、今請唐官不吾告、是必與唐腹背攻我也、乃遣弟門藝發兵擊黑水、門藝諫曰、昔高麗盛時、士三十萬、抗唐爲敵、可謂雄疆、唐兵臨、掃地盡矣、今我衆比高麗三之一、王違之不可、武藝不從、兵至境、又以書固諫、武藝怒欲殺之、門藝懼奔唐、武藝遣使請殺之、唐主不許、武藝遣兵攻唐登州、唐遣門藝拒之、無功、唐書本已下、武藝既與唐構難、始朝貢中國云、冬十二月丁亥、齋德等入京、

五年春正月庚子、渤海使朝賀、甲寅、帝御中宮、渤海使

上武藝書及方物書曰、武藝啓、山河異域、國土不同、延

聽風猷、但增傾仰、伏惟大王天朝受命、日本開基、奕葉

重光、本枝百世、武藝忝當列國、濫總諸蕃、復高麗之舊

居、有扶餘之遺俗、但以天崖路阻、海漢悠悠、音耗未通、

吉凶絕問、親仁結援、庶叶前經、通使聘隣、始乎今日、謹

遣寧遠將軍郎將高仁義、游將軍果毅都尉德周、別將

舍那婁二十四人、賁狀、并附貂皮三百張、奉送土宜、雖

賤、用表獻芹之誠、皮幣非珍、還慙掩口之誚、主理有限、

披膳未期、時嗣徽音、永敦隣好、於是齋德等八人並授

國史紀事本末 卷十九

二

正六位上、賜宴奏樂、二月壬午、以從六位下引田虫麻呂爲送渤海客使、夏四月壬午、賜齋德等絳帛綾綿有差、賜武藝璽書曰、天皇敬問、渤海郡王、省啓具知、恢復舊壤、聿修曩好、朕以嘉之、宜佩義懷、仁、監撫全境、滄波雖隔、不斷往來、便因首領高齋德還次、付書并信物、絳帛一十四、綾一十四、絲一百、絢綿二百、差送使發遣歸鄉、漸熱想平安好、六月庚午、虫麻呂等拜辭、壬申、水手已上六十二人、授位有差、天平二年秋八月辛亥、引田虫麻呂還自渤海、九月癸丑、帝御中宮、虫麻呂上渤海信物、丙子、奉渤海信物於

山陵六所、冬十月庚戌、奉渤海信物於諸國名神、

十一年秋七月癸卯、渤海副使已珍蒙至、出羽遣唐判官平群廣成從而還、先是海上遇風、大使胥要德等四十人溺死、珍蒙以餘衆來、時武藝已死、子欽茂嗣、冬十月丙戌、召渤海使入京、十二月戊辰、珍蒙等拜朝、上欽茂啓及方物虎皮黑皮各七張、豹皮六張、人參三十斤、審三分、

十二年春正月戊子朔、渤海使拜賀、甲午授已珍蒙等位有差、即賜宴朝堂、賜欽茂美濃純三十匹、絹十匹、絲一百五十絢、調綿三百七、已珍蒙美濃純二十匹、絹十

匹、絲五十絢、調綿二百屯、庚子以外從五位下大伴犬

養爲遣渤海大使、甲辰帝御大極殿南門觀大射、射畢、

三

命渤海使射焉、丙辰贈渤海大使胥要德從二位、首領已闕棄蒙從五位下、賜調布一百十五端、庸布六十段、

丁巳帝御中門閣門、已珍蒙等奏渤海樂、賜帛綿有差、

二月己未、渤海使還、冬十月戊午、大伴犬養還自渤海、

十八年渤海人及鐵利一千一百餘人來、敕安置出羽、

給衣糧放還鐵利、本黑水靺鞨一部、後降渤海云、鐵利本已

下唐書

孝謙天皇天平勝寶四年秋九月丁卯、渤海使暴施蒙

至、越後佐渡島、冬十月庚辰、遣左大史坂上老人等於越後、存問渤海使、

五年夏五月乙丑、渤海使拜朝貢信物、奏曰、渤海王言、日本照臨聖天皇朝、不賜使命、已經十餘歲、是以遣慕施蒙等七十五人、賁國信物奉獻闕庭、丁卯饗渤海使於朝堂、授位賜祿、六月丁丑、施蒙等還、賜欽茂璽書責其不稱臣、且無表文、

廢帝天平寶字二年秋九月丁亥、先是遣從五位下小野田守於渤海、至是田守以渤海守楊承慶等二十三人還、冬十二月壬戌、召渤海使入京、

國史紀事本末 卷十九

西

三年春正月戊辰朔、渤海使拜賀、庚午渤海使上欽茂表貢方物、且吊聖武帝喪、乙酉授渤海大使楊承慶正三位、副使楊泰師從三位、判官馮方禮從五位下、饗之朝堂、甲午大保惠美押勝宴渤海使於田村第、二月癸丑、承慶等還、會帝遣高玄度於唐、迎藤原清河、乃與承慶俱發、詔欽茂送玄度於唐、冬十月辛亥、先是欽茂送玄度等於唐、遣使護送判官內藏全成等還之、是日至對馬、十二月丙辰、召渤海使、

四年春正月癸亥朔、渤海使拜賀、丁卯渤海使貢方物、上藤原清河表文、己巳授高南申等位、賜欽茂純絲綿、

五年冬十月癸酉、以武藏介高麗大山爲遣渤海使、六年冬十月丙午朔、先是高麗大山舟中獲病、至佐利翼津卒、至是副使伊吉益麻呂以渤海使王新福等二十三人還、至越前加賀郡、十一月乙亥朔、以正六位上多治比小耳爲送渤海客使、十二月乙卯、贈高麗大山正五位下、閏月癸巳、召渤海使入京、

七年春正月甲辰朔、渤海使拜賀、丙午、渤海使貢方物、庚戌、授王新福等位、賜宴、庚申、饗之朝堂、二月丁丑、太師惠美押勝宴渤海使、冬十月乙亥、先是渤海使還、左兵衛佐板振鑑束送之、事畢將還、會學生高內弓携妻

國史紀事本末

卷十九

五

高氏及小兒乳母還自唐、與鑑束俱發、學僧戒融及優婆塞一人亦從、海上遭風飄蕩、鑑束曰、優婆塞一食數粒、經日不飢、異於衆人、且異邦婦人在船、所以招禍也、乃使水手搏高氏及小兒乳母、優婆塞投之海、至是鑑束至隱岐、乃下之獄、

光仁天皇寶龜二年夏四月壬午、渤海使壹萬福等三百二十五人以十七船至、出羽野代湊、安置常陸、冬十月丙寅、召渤海使會賀正、

三年春正月壬午朔、渤海使拜賀、甲申、渤海使貢方物、丁酉、以渤海表文無禮、却之、壹萬福等泣曰、臣等還國

必獲罪、願陛下罰之、輕重惟命、庚子、却渤海信物、丙午、

萬福等改修表文、代欽茂申謝、二月癸丑、饗渤海使於朝堂、授萬福等位、己卯、賜欽茂書曰、天皇敬問高麗王、朕繼體承基、臨馭區寓、恩覃德澤、寧濟蒼生、率土之濱、化有輯於同軌、普天之下、恩無隔於殊隣、昔高麗盛時、國王高氏、祖宗奕世、介居瀛表、親如兄弟、義若君臣、帆海梯山、朝貢相續、逮乎李崱、高氏淪亡、自爾以來、音問寂絕、爰自神龜四年、王之先考左金吾衛大將軍渤海郡王遣使來朝、始修職貢、先王嘉其丹款、寵待優渥、主襲遺風、纂修前業、獻誠述職、不墜家聲、今省來書、頓改文道、日下不注官品姓名、書尾虛陳天孫僭號、遠度王意、豈有是乎、近慮事勢疑似、錯誤故命有司、停其實禮、但使人萬福等深悔前咎、代王申謝、朕矜其遠來、聽其悛改、王悉此意、永念良圖、昔者高氏之世、兵亂無休、爲假朝威、彼稱兄弟、方今大氏曾無事故、妄稱甥、於禮失矣、後歲之使、不可更然、若能改往自新、寔乃繼好無窮耳、庚辰、渤海使還、以正六位上武生鳥守爲送使、秋九月、鳥守與萬福等解纜入海、遇暴風、漂著能登、戊戌、敕安置福良津、

國史紀事本末

卷十九

六

四年春二月乙丑、渤海副使正四位上慕昌祿卒、遣使

吊之贈從三位、烏守萬福等尋發、夏六月丙辰、能登國言、渤海使烏須弗來、遣使驗問、烏須弗報曰、渤海日本往來聘問、如兄如弟、近歲日本使內雄來、渤海學問音聲、還國十年、未報安否、因差大使壹萬福來聘、亦四年未還、此臣等之所以來也、戊午遣使告烏須弗曰、前使壹萬福表詞驕慢、既已罷歸、今能登國司言、汝等表函違例、是以不召、而表函違例、非汝等之罪也、涉海遠來、事須憐矜、仍賜路糧放還、且汝國使取路北國、既嘗禁之、今後宜遵舊例、取道筑紫、冬十月乙卯、武生烏守還自渤海、

國史紀事本末

卷十九

七

七年冬十二月乙巳、渤海遣史都蒙等一百六十七人、賀騰極、并赴妻喪、船將至津、暴風壞柁、漂沒者衆、判官高淑源等溺死、都蒙等四十六人僅而獲免、敕安置越前給食、

八年春正月癸酉、遣使問史都蒙等曰、往年烏須弗還本蕃、諭以海路之禁、而今又違約何也、都蒙謝曰、前使實承此旨、故臣等發弊邑、自南海府西指對馬、洋中遭風、忽至此地、罪無所逃、二月壬寅、召都蒙等三十人入朝、都蒙請曰、臣以一百六十餘人來朝、而風浪暴怒、舉船漂溺、獲免者僅四十餘人、臣等萬死一生、無非聖朝

國史紀事本末

卷十九

八

至德、願四十餘人誼同骨肉、不忍分離、願得同拜天闕、許之、夏四月庚寅、都蒙等入京、辛卯、太政官遣使慰問、橘清友以良家子、姿儀魁偉、中選接伴、都蒙善相、見清友曰、此人骨法非常、子孫大貴、後清友女爲嵯峨皇后、生仁明帝、果如都蒙言、橘清友已下、癸卯、都蒙等貢方物、奏曰、前使壹萬福還、國王始聞聖皇新臨天下、不勝歡慶、遣獻可大夫司賓少令開國男史都蒙入朝、并獻國信、戊申、授都蒙正三位、庚申、贈高淑源正五位上、癸酉、都蒙等還、以大學少允高麗殿嗣爲送使、賜欽茂書曰、天皇敬問渤海國王、使都蒙等遠渡滄溟、來賀踐祚、願懃、憲德、叨嗣洪基、若涉大川、固知所濟、王修朝聘於典故、慶寶曆於惟新、懃懇之誠、實有嘉尚、但都蒙等遇風、人船多損、聞之傷懷、今造船差使、送至本土、并附絹五十匹、絁五十匹、絲二百紬、綿三百屯、又從都蒙請、加賜黃金小一百兩、水銀大一百兩、金漆一釜、漆一釜、海石榴油一釜、水精念珠四貫、檳榔扇十枚、至宜領之、夏景炎熱、想平安、又吊欽茂妻喪、賻物、

九年夏四月丙午、初、渤海使高淑源等之溺死、浮屍漂至越前者三十、是日、勅葬之、秋九月癸亥、渤海使張仙壽等送高麗殿嗣、至越前三國湊、

十年春正月壬寅朔，渤海使拜賀。丙午，張仙壽等獻方物。奏曰：「渤海王言，聖朝使高麗朝臣殿嗣等失路漂著夷境，船舶壞損，無由歸去，因造二船，差仙壽等隨殿嗣入朝，并獻方物。」戊申，宴仙壽等於朝堂，授位階。二月癸酉，仙壽等還，以正六位上大綱廣道為送使，賜欽茂璽書。秋九月，渤海押領高洋弼、通事高說昌及鐵利三百五十九人至，出羽。庚辰，勅來使微賤，不足為賓，宜供給放還。船若損壞，宜為修造。癸巳，敕陸奧出羽，以常陸調絕，相摸膚綿陸奧稅布充。渤海使祿冬十一月乙亥，勅渤海表文無禮，海路亦不由筑紫，巧言迴護，宜譴責之。

國史紀事本末

卷十九

九

却之。丙子，檢校渤海客使奏鐵利官人與高說昌爭班次，恒陵侮之。太政官處分從五位下高說昌入朝數次，授以高班，宜異其列位，以顯品秩。十二月戊午，高洋弼苦請賜船九隻以還，許之。○唐書曰：大曆中，渤海貢日，本舞女十一於唐，蓋中國奸商與之交易也。

桓武天皇延曆五年秋九月甲辰，出羽國司言：「渤海使李元泰等六十五人來，路為蝦夷所劫，畧見存四十一人。」

六年春二月甲戌，李元泰訴柁師挾抄皆死賊手，乃給船一隻，柁師挾抄放還。

十四年冬十一月丙申，先是欽茂卒，族弟元義立，猜虐國人殺之，立欽茂孫華璵。卒，欽茂少子嵩璘立。先是已下唐書至是，出羽國司言：「渤海使呂定琳等六十八人漂至夷地，志理波村，蝦夷剽劫，使人散亡，救移越後供給。」

十五年夏四月戊子，渤海使獻方物告國哀，且致遣唐學僧永忠等書。五月丁未，呂定琳等還，以上野介御長廣岳為送使，賜嵩璘璽書。冬十月己未，廣岳還自渤海，嵩璘上啓請朝貢之期。辛酉，授廣岳從五位下，以奉使稱旨也。壬申，先是渤海表文多傲慢不遜，至是辭氣溫恭，體裁可觀，群臣以為盛事，諸闕表賀。

國史紀事本末

卷十九

十

十七年夏四月甲戌，以外從五位下內藏賀茂麻呂為遣渤海使。五月戊戌，賀茂辭見，賜嵩璘璽書。許六年一貢。冬十一月壬寅，渤海使大昌泰等來獻方物，請縮貢期。十四年已下類聚國史

十八年春正月丙午朔，帝御大極殿，受朝，群臣減四拜為再拜，不拍手，以有渤海使也。辛酉，宴渤海使，賜綦指衣。三月己丑，渤海使還，遣式部少錄滋野船白押送，賜嵩璘璽書，許以不待年限而朝貢。夏五月丙辰，內藏賀茂麻呂還自渤海，以隱岐比奈麻治比賣神有靈佑，請列幣社。許之。九月辛酉，滋野船白還自渤海，上嵩璘謝

表、

二十三年夏六月庚午、敕比年渤海使多至、能登、停宿

之所、不可忽略、宜速造客院、二十三年已下類聚國史

平城天皇大同四年冬十月癸酉朔、渤海使高南容來、

獻方物、

嵯峨天皇弘仁元年夏四月庚午朔、饗渤海使於鴻臚

館、丁丑高南容等還、賜嵩璘璽書、五月丙寅、渤海首領

高多佛脫身留、越前、敕安置越前給食、令史生羽栗馬

長及習語生就學、渤海語、秋九月丙寅、渤海再遣高南

容朝貢、

國史紀事本末

卷十九

十一

二年春正月丙申朔、渤海使拜賀、乙卯遣大納言坂上

田村麻呂等饗、渤海使於朝集院、丁巳、渤海使還、賜嵩

璘璽書、夏四月庚寅、遣渤海使正六位上林東人等辭

見、賜衣被、冬十月癸亥、東人等還、自渤海、奏曰、嵩璘書

違例、故却而不受、錄事大初位下上毛野嗣益等在、第

二船、洋中相失、不知所之、

三年冬十一月壬辰、渤海人高多佛賜、姓名高庭高雄、

五年秋九月癸卯、渤海使王孝廉等來、

六年春正月癸酉朔、渤海使拜賀、己卯、宴渤海使、奏女

樂、授王孝廉從三位、壬辰、饗孝廉等、先是、嵩璘卒、子元

瑜立、先是已下唐書至是、敕問孝廉曰、嚮遣林東人於汝國、汝

國書詞何以違例、孝廉謝曰、世移主易、不知前事、然過

而不謝、罪在本國、甲午、孝廉等還、賜元瑜璽書、諭令遵

禮、三月癸酉制、蕃國之使、入朝有期、客館之設、常須牢

固、頃者疾病之民、就此寓宿、遭喪之人、以為隱處、破壞

舍垣、汙穢庭路、宜令彈正及京職檢校、夏五月戊子、渤

海使遇風漂迴、舟楫摧裂、癸巳、令越前擇大船給之、六

月癸丑、王孝廉病沒、詔贈正三位、更賜信物發回、

十年冬十一月甲午、先是、元瑜卒、言義立、卒、明忠立、卒、

仁秀立、先是已下唐書是日、仁秀使入覲、使李承英等來、

國史紀事本末

卷十九

十二

十一年春正月甲戌朔、渤海使拜賀、庚辰、賜宴、賜宴據類聚國史

授位有差、甲午、渤海使還、會唐人周光翰言、升則請

還、乃托渤海使放還、

十二年冬十一月乙巳、渤海使王文矩來、十年已下日本紀略

十三年春正月癸巳朔、渤海使拜賀、己亥、賜宴、戊申、帝

御豐樂殿、宴渤海使、奏踏歌、王文矩等打毬、賜綿二百

疋、賭之、類聚國史壬子、饗渤海使、授文矩正三位、授位據續日本後紀

癸丑、渤海使還、日本略

十四年四月冬十一月壬申、加賀國司言、渤海入

覲、使貞泰等百一人來、十二月戊子、以大雪道路不通、

停存問渤海客使敕令守掾等准例存問日本紀略

淳和天皇天長元年春正月乙卯賜渤海使冬衣服料

二月壬午諭渤海使候風歸蕃不召之入京夏四月丙

申越前上渤海信物及別貢契丹大獨二口狝子二口

辛丑幸神泉苑放獨逐鹿日本紀略

二年冬十二月辛丑隱岐馳驛奏渤海使高承祖等百

三人來日本紀略

三年夏五月戊寅授渤海使位發回日本紀略

五年春正月甲戌但馬驛奏渤海使王文矩等百餘人

來王文矩續日本後紀二月己丑但馬國司寫渤海王啓及其

國史紀事本末 卷十九 十三

中臺牒案上之時仁秀既卒孫彝震立唐書夏四月

癸未賜渤海使綰繆而不許入京敕曰年滿一紀然

後入覲續日本後紀

仁明天皇承和八年冬十一月丁亥長門國司言渤海

使賀福延等百五人來庚寅以式部大丞小野恒柯少

外記山代氏益為存問使兼領客使

九年春二月乙酉召渤海使入京三月辛丑小野恒柯

等上彝震啓及其中臺省牒案初高承祖之入貢淳和

帝將賜金二百兩於在唐僧靈仙附承祖傳致之仁秀

尋遣使於唐訪靈仙靈仙已亡乃以金還洋中遇風漂

沒至是具奏其事而別狀頗違例存問使詰之使人伏

罪壬戌渤海使從河陽入京以式部少輔藤原諸成為

迎勞使安置鴻臚館癸亥太政官遣使慰勞甲子遣侍

從藤原春津宣敕慰問夏四月乙丑朔賜衣服丙寅渤

海使獻啓函信物己巳饗渤海使授賀福延正三位餘

各有差辛未福延私獻方物癸酉饗之朝集堂丙子賜

璽書令太政官報中臺省牒發回

嘉祥元年冬十二月乙卯能登驛奏渤海入覲使王文

矩等一百人來

二年春二月丙戌朔以少內記縣大養貞守直講山口

國史紀事本末 卷十九 十四

西成為存問使遣之能登三月戊辰存問使上彝震啓

及中臺省牒案乙丑先是存問使詰問入覲違期是日

上答問書壬申以存問使兼領客使夏四月辛亥渤海

使入京師遣使慰勞癸丑賜時服五月乙卯渤海使詰

八省院獻啓函信物丙辰授王文矩從二位戊午帝御

武德殿觀馬射六軍擁節百寮侍座勅文矩等陪宴擇

侍臣善辭令者接伴藤原衛中選賜續命縷佩之使人

歎其儀範侍臣已下是日敕曰五月五日佩藥王飲

酒者得壽其賜使人藥王與酒藥王即續命縷也文矩

望見時康親王曰皇子有至貴之相後必登天位親王

後果即位、是為光孝帝、

文矩已丁
三代實錄

癸亥饗文矩等、乙丑

遣參議小野篁等於鴻臚館、賜璽書及太政官牒、發遣

清和天皇貞觀元年春正月己卯、能登驛奏、渤海入覲

使馬孝慎等百四人至、珠洲郡、乙酉、少外記廣宗安人

大內記安倍清行為領客使、二月庚寅詔遷孝慎等於

加賀、安置便處、癸巳直講刈田安雄為領客使、代安人

乙未、大初位下春日宅成為渤海通事、三月己巳、遣領

客使於加賀、行存問使事、帝聞、渤海副使周元伯有文

才、詔越前權少掾島田忠臣接對唱和、以時屬諒闇、不

入京師、夏六月丁未、賜璽書發回、

國史紀事本末

卷十九

十五

三年春正月乙未、出雲國司言、渤海使李居正等百五

人至、島根郡、癸卯散位、藤原春景、兵部少錄、葛井善宗

為領客使、播磨少目春日宅成為通事、夏五月甲午、以

渤海違期入覲、却其國啓信物、特以居正位貴年、差優

恤之、賜純十匹、綿四十屯、更賜純一百三十五匹、綿一

千二百二十五屯、領給使人放還、

十三年冬十二月壬子、渤海入覲、使楊成規等百五人

至、加賀、

十四年春正月丁丑、以少內記菅原道真直講、美努清

名為存問使、園池正春日宅成為通事、道真尋丁母憂

去職、丁酉、以少外記大春日安守為存問使、是月、咳逆

流行、死、亡者衆、民間訛言、渤海使來、異國毒氣使然、二

月甲申、詔存問使兼領客使、夏四月壬子、存問使詰問

啓牒違例、馳驛奏狀、乙卯、以少內記都言道式部丞平

季長為掌客使、常陸少掾多治守善、文章生菅野惟肖

為領歸鄉客使、五月丙子、都言道奏、姓名相配、其義乃

美、若非佳令、何示遠人、請改名良香、許之、甲申、以右近

衛少將藤原山蔭為郊勞使、迎渤海使於宇治郡山科

入京、安置鴻臚館、以左官掌直道氏守美、容儀權為玄

蕃、屬掌譙饗送迎、丙戌、遣右馬頭在原業平、勞問、賜時

國史紀事本末

卷十九

十六

服、丁亥、左近衛中將源舒奏、渤海國書信物、戊子、遣使

授成規從三位、餘各有差、先是、陰陽寮奏曰、蕃客來朝、

必有不祥、由是不召見、己丑、詔內藏寮與渤海使、迴易

貨物、庚寅、許京師人、并使人交關、辛卯、賜官錢四十萬

於使人、買雜貨、壬辰、遣使饗使人、癸巳、成規請私獻方

物、許之、遣民部少輔橘廣相、賜宴賦詩、甲午、賜璽書放

還、成規望闕流涕而去、

十五年夏五月庚寅、先是、太宰府言、三月十一日、蕃船

二艘、漂至、薩摩、甕島郡、其人言語不通、船長崔宗佐大

陳潤、自書曰、渤海王遣使於唐、賀平徐州、漂蕩至此、國

司推驗之、不實公驗、所書年紀錯誤、疑新羅人設計潛來也、即以二船向府、其一得風逃去、是日敕太宰府、審加推勘、殊七月癸亥朔、先是太宰府驛奏、渤海人崔宗佐、孫宰等漂至肥前天草郡、乃遣唐通事張建忠驗檢、果渤海人、前日逃去者也、因進宗佐日記及蠟封函子、雜封書弓劍、是日勅放還之、舟中雜貨、秋毫無犯、

陽成天皇元慶元年春正月戊子、出雲國司言、渤海國使楊中遠等百五人來、二月乙巳、以少外記大春日安名前讚岐掾占部月雄為存問使、尋兼領客使、園池正春日宅成為通事、夏四月己丑、存問使馬、渤海啓及其

國史紀事本末

卷十九

十七

中臺省牒上之、即為孫宰等謝恩也、六月甲午、以渤海連期入覲、却其國啓信物、賜衣糧放還、中遠請獻玳瑁盃、宅成曰、昔往唐國、多觀珍寶、未見此器、帝却而不受、六年秋九月戊辰晦、敕能登禁伐、羽咋郡福良泊山木、渤海使至北陸、必造歸舶於此山、故有此禁、冬十一月乙未、加賀國司言、渤海入覲使裴頌等百五人來、敕禁私廻易貨物、

七年春正月戊辰朔、以外記大藏善行高階茂範為存問使、尋兼領客使、前筑後少目伊勢興房為通事、癸巳、令山城近江越前加賀等國修官舍道橋、瘞路傍死人、

以渤海使入京也、令越前越中能登送酒肉魚鳥蒜等物於加賀、勞饗渤海使、二月戊午、令林邑樂人習伎於大安寺、為渤海使也、壬戌、賜渤海使時服、三月甲戌、存問使辭見、賜御衣袴、夏四月戊戌、以右衛門大尉坂上茂樹文章得業生紀長谷雄為掌客使、民部大丞清原常岑文章生多治比有友為領歸鄉客使、丁巳、帝聞裴頌善文辭、以式部少輔菅原道真權行治部大輔事、美

濃介島田忠臣權行玄蕃頭事、接伴之、甲子、遣右近衛少將平正範郊勞渤海使、安置鴻臚館、勞問相属、五月丁卯、頌等詣朝堂、上國啓信物、戊辰、賜宴、授頌從三位、

國史紀事本末

卷十九

十八

餘各有差、並賜朝衣、使人拜舞而出、更衣昇堂、內教坊奏女樂、舞女百三十八人、遍舞、別賜供御枇杷子、盛以銀椀、重午、帝御武德殿、觀四府騎射、占頌等陪侍、賜錄事已上續命縷、品官已下、菖蒲鬋、壬申、頌別獻方物、內藏頭和氣、昇輦就鴻臚館、交易貨物、乙亥、饗頌於朝集堂、擇五位已上有容儀者三十人、接伴、左衛門權佐藤原良積與焉、題索筆硯、欲贈詩、良積良積不嫻文辭、錯愕而出、道真等乃與頌唱酬、帝賞頌高才有風儀、遣中使賜御衣一襲、丁丑、賜璽書發回、先是、渤海數遣諸生於唐入大學、習識古今制度、一時稱為海東盛國、先是

唐書由是使人皆有文學云、

宇多天皇寬平七年、斐類再入觀、菅家文庫

醍醐天皇延喜八年春、伯耆國司言、渤海入覲使斐類

來、以散位菅原淳茂爲掌客使、兵部丞小野葛根文章

生、藤原守真領客使、詔左右馬寮及參議已上出鞍馬、

給蕃使入京之用、五月、斐類等朝見、宴之朝集堂、授璆

從三位、淳茂與璆唱和、璆頰之子、淳茂、道真子也、淳茂

詩及先人時事、璆讀之、感泣、異域之人、兩世邂逅、人以

爲奇遇、帝愛璆文藻、特賜御衣、遣參議藤原菅根就鴻

臚館賜璆書、及太政官牒、越前掾都在中與璆交遊、臨

國史紀事本末 卷十九

十九

別贈詩、璆大稱之、朝議欲詰私交、遠人聞其爲璆所稱、

釋而不問、扶桑略記參取日本紀略江談抄

十九年冬十一月十八日、若狹國司言、渤海使斐類來、

二十五日、敕安置越前、十二月、以式部少丞橘惟親直

講、秦廣助爲存問使、阿波權掾大神有鄉爲通事、先是、

饗渤海使權酒部、凡八十人、至是、敕省四十人、二十四

日、若狹國司言、本國送渤海國使於越前松原驛、驛館

無人、儲峙空虚、敕責越前國司、以掾維明爲蕃客行事、

扶桑略記

二十年春三月二十一日、賜渤海使衣服、夏五月八日、

渤海使入京、饗賜依例、扶桑略記授璆正二位發遣、日本略記領

歸鄉客使坂上恒陰奏、渤海使留而不還者凡四人、敕

遵大同例安置越前、扶桑略記初璆之還蕃、掌客使大江朝

綱作序送之、璆大嘆賞、後中國人往渤海、渤海人問江

公既爲相否、曰未也、曰大邦何以不重文才、著聞集於是

渤海襲唐末弊風、專尚文藻、而兵威衰矣、

延長四年、初渤海以扶餘故地爲扶餘府、常屯勁兵、扞

靺鞨、唐書是歲、契丹阿保機攻下之、改曰東丹府、五代史

八年夏四月、丹後國司言、渤海使斐類等九十三人至

竹野郡、即發存問使、日本略記璆自稱東丹國使、存問使問

國史紀事本末 卷十九

三十

其所以答曰、璆等本渤海人、今降爲東丹之臣、存問使

具狀奏、廷議責其失節、却之、扶桑略記

國史紀事本末卷之十九終

弟延之 延壽校

國史紀事本末卷之二十

從六位守大學校中博士常陸青山延光編次

外戚攝政

基經廢立
宇多登庸菅氏

仁明天皇承和十一年春正月壬辰皇太子入觀於清涼殿是日授太子所生女御藤原順子從三位順子權中納言藤原冬嗣女也初淡海公不比等女為文武帝夫人生聖武帝帝皇后亦不比等女生孝謙帝不比等孫內大臣良繼女為桓武帝皇后生平城嵯峨二帝良繼弟式部卿百川女為平城帝妃贈皇后嵯峨淳和二帝時藤原氏無居后位者初已下參取諸書冬嗣歎藤原氏之

國史紀事本末

卷二十

一

衰建南圓堂於興福寺以祈興隆神皇正統記其信佛如此

順子既生皇太子以帝多內寵不得為皇后冬嗣即不

比等玄孫天長中薨子長良良房良相良門良仁良世

不比等玄孫已下尊卑分脉長良事帝於儲宮特被親昵戲席射場

許以交敵長良整冠帶侍坐未嘗失儀良房風神俊拔

弱冠以選尚嵯峨皇女源潔姬文德實錄生女明子入皇太

子宮大鏡東書故官爵踰兄而長良友愛天至為時所稱文德實錄

錄實

嘉祥二年春正月辛未以大納言藤原良房為右大臣

良房累表辭之不許又表請減封戶之半不許

三年春三月己亥帝崩皇太子立是為文德天皇是月

宮人明子生皇子惟仁於良房第時帝有惟喬惟條惟

彥三皇子而皆非藤原氏出冬十月戊戌立惟仁親王

為皇太子以大納言源信為傅帝鍾愛惟喬親王以太

子幼冲欲權立惟喬為儲貳以待太子之長然憚良房

未決良房憂之欲使太子辭位藤原三仁通天文語良

房曰懸象無變太子無它一日帝從容語源信信曰太

子果有罪耶廢之可也果無罪耶奈何更建儲副帝不

悅而止良房繇此深德信帝鍾愛已下大鏡裏書是歲尊所生藤

原氏為皇太夫人追贈外祖藤原冬嗣太政大臣外祖

國史紀事本末

卷二十

三

母藤原美都子正一位以明子妹古子及大納言藤原

良相子多可幾子為女御

文德天皇齊衡三年秋七月權中納言藤原長良薨自

仁明帝崩長良哀慕終身不食肉有六子尤愛第三子

基經後果位極人臣

天安元年春二月丁亥右大臣良房為太政大臣大納

言藤原良相為右大臣良房固辭表三上不允三月辛

丑敕賜寶劔一雙曰公宜帶此劔副朕懇情莫使蕭何

獨擅美漢家賜安車入朝固辭不受良相亦表辭不許

二年秋八月乙卯帝崩皇太子僅九歲丁巳與皇太夫

人同興遷御東宮諸衛擢甲警備良房輔幼主執政貴寵冠世然資性謙遜頗以盈滿為戒資性以下神皇正統記冬十

一月甲子尊所生藤原氏為皇太夫人

清和天皇貞觀二年秋八月中宮大夫藤原良仁卒良仁少好學性至孝丁母憂哭泣歐血絕而復蘇尋病卒五年冬十月庚辰帝宴良房於內殿賀六十算賜資皆用六數

六年春二月壬午帝幸良房東京漆殿第觀櫻花中路駐蹕一條第即帝降誕之地良房贈遺扈從羣臣遂御漆殿花亭宴飲終日良房欲帝知稼穡之艱難令山城

國史紀事本末

卷二十

三

守紀今守帥羣司百姓行耕田之禮初嘉祥中仁明帝謂良房曰聞卿家櫻花甚美明年朕當往觀比及花時帝既崩良房悲感大會公卿僧徒語以其事辭氣悽愴會者皆流涕賦詩歌而去初已下文德實錄

八年春三月己亥帝幸良相西京第觀櫻花閏月丙午

朔幸良房漆殿第觀花乙卯大納言伴善男火應天門

誣譖左大臣源信時良房使良相代已執政退居白川

聞變大駭疾馳入朝營救甚力信獲免事見應天門之災秋八

月辛卯敕良房攝行天下之政甲午良房上表固辭敕

曰迺者災異荐臻內外騷然須賴公助理前此攝政者

有皇后皇太子未有人臣攝政者也人臣攝政始於此前此已下冬十二月己卯良相以病辭職不許是月以故權中納言藤原長良女高子為女御良相女多美子亦入宮獲寵以婦德稱

九年冬十月右大臣藤原良相薨年五十五帝不視事三日贈正一位良相前後食封二十戶辭其半不受後又請納五百戶以補國用尋薨帝嘗詔參議已上言得失良相上表曰右大辨南淵朝臣年名身為進士職經內外稍通治體山城守紀朝臣今守所歷之州風聲必暢論之良吏自為先鳴伊豫守豐前王才學早彰資歷

國史紀事本末

卷二十

四

淹久無佗異跡足謂老成太宰大貳藤原朝臣冬緒聲名粗達器識漸優吏幹之稱仍有可愛大和守弘宗王頗有治名多宰州縣雖自賢之弊或罹法網而談諸經國非無其才然則宜令此輩同上意見既云諮及葛菟何況於彼有識臣謬荷重責無佗息肩徒獻管窺恥塵疏聽其重賢才如此

十一年春二月己丑朔立貞明親王為皇太子女御高子所生也

十二年春正月丙寅以大納言藤原氏宗為右大臣中納言藤原基經為大納言

十三年夏四月丙戌先是太政大臣食封三千戶賜隨身資人及良房居職固辭不受僅食千戶是日敕賜三千戶准三宮給年官賜內舍人二人左右近衛各六人為隨兵及給帶伏資人三十人良房上表辭之不允乃受二千戶敕賜直廬於禁中

十四年春二月丁未右大臣藤原氏宗薨三月丁丑帝

聞良房病賜錢五十萬以充祈禱之費己卯賜度者八十人大赦天下秋八月癸亥以中納言藤原基經為右

大臣九月己巳太政大臣良房薨年六十九帝為輟朝

三日年六十九已下公卿補任贈正一位封美濃公謚忠仁食封資

國史紀事本末

卷三十

五

人並如生時良房攝政前後十五年帝念其舊恩傾心

委任垂拱仰成子孫相繼為攝關外戚之盛基於此及

薨帝始親政事良房無子以基經為後遺命辭食封因

勅給位封國以其愛宕墓列荷前例幣之數是歲彈正

尹惟喬親王以病薨髮

十五年冬十一月以基經女佳珠子為女御佳珠子姊

賴子亦為女御

賴子據專平公朕

是月基經上表辭良房封邑

帝曰聊助奠祭之費卿勿復請

十六年春三月壬午初帝之生良房與僧真雅謀竊建

道場禱帝得位至是帝營構堂宇設大齋會名曰貞觀

寺

十八年冬十一月戊戌帝聞良房嘗寫金字大般若經

敕藏圖書寮壬寅帝讓位於皇太子是為陽成天皇年

僅九歲敕右大臣兼左近衛大將藤原基經輔佐幼主

攝行天子之政如良房故事十二月甲辰朔基經上表

辭攝政不許

陽成天皇元慶元年春正月辛巳基經上表辭大將帝

使大納言南淵年名齋表白太上皇太上皇敕曰萬機

之寄不可煩以一職宜從其請但腰底忽空武備有關

願特賜帶劍嚴其儀容乃出金銀裝寶劍一口授年名

國史紀事本末

卷三十

六

帝即日賜之基經罷大將辛丑詔贈外祖故中納言藤

原長良左大臣正一位外祖母藤原氏正一位秋七月

辛丑基經以早請罷攝政優詔不許

二年秋七月庚戌基經叙正二位賜隨身兵仗丙辰基

經以出羽俘囚作亂辭之不許

三年春二月己丑再贈藤原長良大政大臣

四年冬十二月癸未以右大臣藤原基經為太政大臣

攝政仍舊是日太上皇崩壽三十一太上皇尤好佛法

既遜位御清和院常御菜蔬遠姬侍後落髮歷覽名山

佛刹還御丹波水尾山其後不復御酒酢鹽豉數日一

進齋飯、苦修備至、威福之歸、藤原氏始於此、

五年春正月甲子、基經叙從一位、基經退居里第、累表辭職、不許、基經猶不視事、庶務壅滯、二月己亥、廷議令辨大夫就直廬取決、後遂為故事、

六年春正月乙巳、帝加元服、戊辰、基經上表請罷攝政、不許、增給職封職田資人雜俸、辭不受、二月甲戌朔、特勅任人給爵准三宮、如良房故事、

七年冬十二月、帝昏狂日甚、最好馬、密造厩禁中養之、右馬少允小野清如以善養馬被寵、權少屬紀正直、好道術、出入禁中、蔭子藤原公門侍奉階下、帝被驅策、而

國史紀事本末 卷二十

清如最多不法、己卯、基經悉逐宮中群小、帝猶不悛、令

人登樹而拊殺之、帝猶不悛已下、世繼物語

八年春二月、祈年祭前、帝手及人、王海承安二年基經深憂之、

欲行廢立、廢太子恒貞、素有賢名、基經欲擁立之、密告

其意、恒貞隕涕曰、焉有身為沙門而登帝位者耶、基經

不能強、恒貞傳殘編時仁明皇子時康親王、聰明好讀書、寬

厚愛人、善相者皆以為有至貴之相、嘗赴良房大饗、奉

膳者遺尊者雉足、遽取供親王者羞之、親王神色不變、

滅燭掩跡、基經適見之、深服其雅量、嘗赴已下、大鏡至是詰其

第通謁久之出見、被服雅素、徐曰、何故見過、基經以為

有人君度、世繼物語參取古事談因陳推戴之意、親王許諾、乃刺

日而歸、已而入宮、佯奏曰、臣將命競馬、請臨觀之、帝悅

曰、期在何日、曰、後二日、世繼物語大計既定、會公卿告之、衆

論紛紜、左大臣源融曰、求宗室之胄、融等尚在、基經曰、

固也、然賜姓為臣而登天位者、自古未有也、大鏡古參事談

議、藤原諸葛按劍叱曰、今日之事、不依太政大臣處分

者、斬、議乃定、王海承安二年乙未、基經使老羸不堪事者從、駕

至陽成院、奏曰、陛下狂虐、君德有闕、臣等為社稷計、選

乘輿於此、帝聞而大驚、號叫悲悔、世繼物語親王公卿奉神

璽、鏡劍於時康親王立之、是為光孝天皇、丙申、帝御東

國史紀事本末 卷二十

宮、基經帥百官起居、解劍而入、兵部卿本康親王、左大

臣源融、猶佩劍近侍、見基經大驚、解劍、即時敕賜三人

帶劍、夏五月甲申、敕聽基經乘輦出入宮中、是月、勅諸

道博士、勘奏太政大臣職掌、基經屢請解職、六月甲午、

勅諸務必先諮稟基經、然後奏、秋七月甲子、基經上表

薦左大臣源融、右大臣源多自代、不許、

光孝天皇仁和元年春正月己巳、敕以攝津為奈野、為

基經獵地、秋九月庚寅、敕許基經、謁會不就班、而直昇

殿、冬十二月乙亥、帝召基經於內殿、賜宴、賀五十算、孟

案精華、繚竹間奏、通宵歡飲、賜馬五匹、冬夏衣各五襲、

卧具屏風為度僧五十人

二年春正月壬午帝召基經長子時平行冠禮於仁壽

殿手自加冠冠巾皆賜服御之物即日授正五位下敕

參議橘廣相作告身親書黃紙賜之令公卿大夫就基

經直廬稱賀宴飲庚子基經獻飯六十櫃酒六十金魚

六十金菜六十金衣服二十櫃陳仁壽殿東庭供御器

皿鏤飾金銀先是帝使負數親王及四位已上子十餘

人習舞是日進奏終夜樂飲賜時平御衣一襲帝嘗納

仲野親王女生定省任侍從時稱王侍從任侍從已下大鏡恩管抄

三年秋八月帝不豫帝多皇子然憚基經未言所立基

國史紀事本末 卷二十

九

經入卧内奏曰陛下萬歲之後神器將付阿誰帝曰唯

公所擇基經曰以臣所見其惟王侍從乎帝大喜召定

省右執其手左執基經手泣曰大臣勲勞莫大汝慎勿

忘愚管抄癸亥基經率百官上表請立皇太子丙寅以皇

子定省為親王丁卯立定省親王為皇太子是日帝崩

年五十八皇太子立是為宇多天皇手詔宣遺教褒基

經夾輔之功手詔已下扶桑略記冬十月庚寅詔萬機巨細皆關

白於太政大臣政事要略抄關白始於此抄基經

上表乞歸政不許閏十一月詔曰卿社稷之臣非朕之

臣宜以阿衡之任為卿之任左大辨橘廣相筆也時疑

阿衡之任眾議紛然政事要略藤原佐世故謂基經曰

阿衡無典職何得關白庶務遂不示官奏事聞帝令諸

博士勘阿衡事抄中山中原月雄善淵愛成等皆言阿衡

者三公也坐而論道耳政事要略

宇多天皇仁和四年夏基經奏曰國家之事一日萬機

而自去年八月迄今日未奏太政官所申之政臣伏奉

去年十一月二十一日詔書萬機巨細關白於臣上表

辭謝不敢曰當又奉同年閏十一月二十七日敕旨宜

以阿衡之任為汝之任臣未知阿衡之任仍持疑久矣

伏聞左大臣令明經博士等勘申云阿衡之任可無典

國史紀事本末 卷二十

十

職以其無典職知阿衡之為貴以臣比擬非所克堪抑

至於無分職暗合臣願伏請早仰執奏之官莫令萬機

壅滯於是紀長谷雄三善清行與佐世評論官制沿革

曰殷世阿衡即周官三公三公無典職經史有明文不

可復疑帝令廣相佐世月雄廷議左大臣源融判之佐

世欲堅執前議融依違不能裁斷節適盛暑帝頗厭倦

公卿憚基經皆稱病罷去時機務壅滯既久諸司抱憂

帝遣融就基經第依前詔而行機務基經曰阿衡職掌

其議未決臣不能奉明詔融還奏帝不悅融曰太政大

臣久不聽政可患也請改後詔文不然恐有不測之事

帝不得已遂宣詔百官曰太政大臣援立先帝保護朕躬功大德高遠超周霍累代聖明猶仰輔弼矧朕小子何不倚賴故去年下詔關白萬機而大臣上表堅執間退之志朕欲庶事仍舊關白於大臣而左大辨橘廣相草詔失朕本意遂令大臣持疑不肯視事天下之務盡皆壅滯自今以後應奏之事應下之事必先諮稟太政大臣朕將垂拱而仰成管原道真亦贈書解喻基經遂奉詔政事要略冬十月以基經女溫子為女御一代要記寬平二年冬十二月基經疾帝將臨視基經固辭尋辭關白帝許之賜度者免罪囚以懷之菅家文章

國史紀事本末

卷二十

十一

三年春正月甲子太政大臣基經薨年五十六輟朝三日贈正一位封越前公謚昭宣公卿補任食封資人并如生時恩管抄置守家一戶列荷前例幣之數延喜式基經在職鎮密畏慎為時所稱及薨帝始親政事及薨已下不置攝政關白神皇正統記基經四子時平仲平兼平忠平大鏡裏書時平驕貴不遵法度伯父國經妻在原氏有姿色時平欲奪之過其家宴飲在原氏隔簾而坐時平故屢顧之酒酣謂國經曰僕既來飲何以酬僕國經大醉戲指其妻曰請以此酬時平即時載歸國經大悔今昔物語帝聞之置而不問寬平遺誠

五年春正月以大納言藤原高藤女胤子為女御胤子仁和中為更衣大鏡裏書生敦仁親王高藤冬嗣孫良門子也公卿補任帝重參議管原道真才學綠起將立儲貳獨與道真議寬平遺誠夏四月立敦仁親王為皇太子日本紀畧八年秋七月以右大臣藤原良世為左大臣公卿補任九月清和太皇太后以失行廢流東光寺僧善祐於伊豆衆扶冬十二月藤原良世致仕公卿補任是歲以中納言管原道真女衍子為女御藤原時平女入官為掌侍一代要記九年夏六月以中納言藤原時平為大納言兼左近衛大將中納言管原道真為權大納言兼右近衛大將公卿補任

國史紀事本末

卷二十

二二

帝欲遜位道真極陳其不可尋又諭以前志道真乃贊成之已而外議紛紜事殆寢道真奏曰大事不再舉事留則變生帝嘉之寬平遺誠秋七月丙子帝傳位皇太子是為醍醐天皇時年十三扶桑略記詔時平道真輔佐少主參決機務寬平遺誠大鏡裏書上皇以禪讓之事由道真贊成戒帝特重之寬平遺誠道真叙正三位尋兼中宮大夫蒙內覽宣旨公卿補任宣旨據恩管抄覽醍醐天皇昌泰二年春二月戊寅大納言藤原時平為左大臣權大納言管原道真為右大臣公卿補任道真累表固辭不許菅家文章道真寵眷益隆禁中內宴每預焉菅家文章

時平年少氣銳任情自用裁決多失當者道真不欲每
事立異常竊嘆之時平嘗視事意氣甚峻厲道真有憂
色有吏謂道真曰僕有計今日使公代判乃捧文書而
進佯失儀容時平有笑疾見之大笑不能自已使道真
代視事大鏡

三年帝朝朱雀院密與法皇議扶桑略記以為左右大

臣並秉朝政無所紆二不便綠起因曰道真諭曰天下

之政卿宜專奏決之道真固辭不受扶桑略記且奏曰

既曰臣而無事人必恠之遂賦詩獻之帝及法皇各賜

御衣而罷扶桑略記尋請罷大將不許後菅家道真起翰

國史紀事本末 卷二十 十三

林遭遇法皇不次登庸位極將相諸練治體裁決如流

綱紀振肅人想風采時平常嫉寵仕勝已及聞其有密

諭彌不悅參取大鏡太平時源光藤原定國資望素高

而位皆在道真下居常快快取菅家文章藤原管根亦

有憾於道真江談抄時平交結協力排陷諧毀日至

太平記起時平密奏道真有異圖欲廢陛下立齊世親

王而身專國權梅城錄引聖廟記齊道真女適親王胤

延喜元年春正月時平道真並叙從二位俄貶道真為

錄起時平蓋以是動之帝富春秋在位日淺遂惑之城

廟記

太宰權帥公卿責以欲行廢立離間父子右近衛中將

源善以下緣坐貶官者多政事道真憂悶不能自白以

和歌哀訴法皇大鏡法皇欲見帝申救之管根遇而

不通江談抄諸陣警固衛士不肯下榻法皇終日坐

陣外竟不得入而還日本紀略道真男女二十三人

皆坐配流綠起先是三善清行恐道真罹禍勸之引避

不聽古事至是時平欲禁錮放逐諸司諸生受業於管

門者清行致書止之曰外帥累代儒家其門人弟子半

於諸司若皆遷謫恐失善人其議遂寢本朝時平弟忠

平雅與道真善及其貶問遺不絕不以兄故生嫌愚管

國史紀事本末 卷二十一 十四

是歲以故太政大臣基經第四女穩子為女御大鏡

二年賜時平封戶二千公卿

三年春二月太宰權帥管原道真薨於貶所公卿

九年夏四月己亥左大臣兼左近衛大將藤原時平薨

年三十九贈正一位太政大臣日本紀略時平道真並

為左右大臣道真被貶時平薨時有右流左死之語江

抄

十四年秋八月己丑以大納言藤原忠平為右大臣公卿

補

延長元年春三月乙未皇太子薨謚文獻太子嘗納時

平女、生慶賴王、夏四月甲子、詔復故太宰權帥菅原道

真原官、贈正二位、日本初道真薨後、藤原實賴、藤原時

平相踵而逝、太子亦暴薨、世以為其祟、故有是命、扶桑

左遷宣旨及外記文書凡關道真事者皆焚之、日本

庚午、以女御穗子為皇后、即文獻太子朱雀村

上二帝生母也、癸酉立皇孫慶賴王為皇太子、日本

二年春正月、以右大臣藤原忠平為左大臣、大納言藤

原定方為右大臣、日本定方高藤子也、分脈

三年夏六月己卯、皇太子薨、冬十月庚辰立皇子寬明

親王為皇太子、日本

國史紀事本末 卷三十 十五

八年夏六月戊午、震清涼殿、大納言藤原清貫、右中辨

平希世等震死、帝不豫、秋九月己丑、帝崩、皇太子立、是

為朱雀天皇、時年八歲、日本紀略

攝政、日本紀略基經薨後、不置攝政、關白者、四十年、至

是以帝幼、冲復置焉、神皇正統記忠平累表辭讓、不允、賜隨

身兵仗、內舍人二人、左右近衛各四人、公卿補任

朱雀天皇承平二年秋八月、右大臣兼左近衛大將藤

原定方薨、日本是歲、忠平叙從一位、聽乘牛車出入上

東門、公卿補任

三年春二月、大納言兼左近衛大將藤原仲平為右大

臣、叙從二位、公卿補任時平仲平忠平相繼居顯職、二門烜

赫、時人謂之三平、大鏡

六年秋七月、以攝政忠平為太政大臣、攝政如故、大納

言藤原恒佐為右大臣、公卿補任

七年春正月、右大臣藤原仲平為左大臣、大將如故、公卿補任

二月、以文獻太子女熙子女王為女御、熙子時平外

孫也、日本

天慶二年、平將門反於東國、藤原純友反於南海、東南

大亂、事見將門之亂將門嘗事忠平、求為檢非違使、忠平不許、

將門憤恚、遂蓄異圖、神皇正統記是歲、忠平准三宮、如良房

國史紀事本末 卷三十 十六

故事、聽輦車、以年滿六十、敕六寺誦經禱壽、太政官僚

屬及延曆興福諸寺亦為修之、日本

四年冬十月、太政大臣忠平罷攝政、十一月、以忠平為

關白、公卿補任宣詔萬機、巨細、關白太政大臣然後奏

下、一如仁和故事、日本紀略是歲、以大納言藤原實賴

女慶子為女御、日本紀略實賴、忠平子也、公卿補任

七年夏四月、以大納言藤原實賴為右大臣、甲子、皇

弟成明親王為皇太弟、日本紀略

八年秋九月、左大臣兼皇太弟傅左近衛大將藤原仲

平罷、尋薨、日本紀略仲平饒貲、宅地一町、倉庫居四分之三、

金寶充物、江談

九年夏四月、帝傳位於皇太弟、是為村上天皇、

村上天皇天曆元年夏四月、以右大臣藤原實賴為左

大臣、大納言藤原師輔為右大臣、師輔亦忠平子也、御公

補忠平父子並列三台、榮貴顯達、世無與比、榮華師輔

女安子入宮為女御、大鏡未有皇子、師輔祈鹿島神、後

果生冷泉圓融二帝、左經師輔弟師尹女芳子入宮

為女御、一代實賴女述子亦為女御、是歲有身患、庖瘡

墮胎而卒、日本先是平將門伏誅、師輔欲賞征東大將

軍藤原忠文、實賴以其無功不許、忠文深怨實賴、古事

國史紀事本末 卷三十 十七

抄訓及述子卒、世以為忠文作祟、因稱惡靈、民部卿、帝王

三年關白太政大臣忠平以病上表請致仕、不許、日本

己而病篤、帝憂之、賜度者五十人、忠平謝曰、自古人臣

因病賜度、皆有功國家者也、然亦不過一二人、臣頃年

以來、屢罹衰病、職事廢滯、而今蒙罔極之恩、不知所奏

又救十六寺、誦誦禱之、九病彌篤、再上表致仕、不許、賜

度者三十人、大赦天下、秋八月薨、年七十、帝輟朝三日、

贈正一位、封信濃公、謚貞信、敕入荷前例、幣之數、日本

忠平寬厚慈愛、及薨、朝野莫不悼惜、榮華初醍醐帝嘗

相工於宮中、相左右大臣、相工視時平曰、智數過多、

視道真曰、才能過高、皆非全福之人、忠平在下坐、相工

指之曰、福祿雙全、唯有此人、宇多法皇聞之以皇女頗

子內親王配之、後果如相工言、古事

四年秋七月、立皇子憲平親王為皇太子、日本

七年大納言藤原元方薨、公卿初元方女入帝宮為更

衣、生廣平親王、時帝未有繼嗣、元方密喜以為必為儲

貳、已而女御安子生憲平親王、尋為東宮、元方大失望、

遂以憂死、榮華世謂冷泉帝病狂、華山帝出家、三條帝

失明、皆元方作祟也、神皇

國史紀事本末 卷三十 十八

天德元年夏四月、女御芳子置酒飛香舍、賀父師輔五

十、帝臨御宴樂、以御盃賜師輔、日本

二年冬十月、立女御安子為皇后、公遷居弘徽殿、后敦

友弟、能通下情、得婢妾歡心、帝時或諮訪、頗有裨益、然

性嫉忌、女御芳子新獲寵遷、飛香舍與后所居隣、后穴

壁窺之、見其絕艷大恚、碎土器亂擲、帝適見之、怒甚、謂

后兄弟教后為之、因責伊尹還家、后請宥之、帝不許而

起、后牽衣止之、帝不得已從之、大鏡

四年夏五月、右大臣藤原師輔罷、尋薨、年五十三、日本

是以父時賓僚多來歸焉榮華嘗作遺誠一篇以教子

孫其略曰事君必忠事親必孝敬兄如父愛弟如子公

私大小必齊心力勿有纖芥非有病患必當拜親若不

得拜必以書問常敬威儀勿生慢心坐有言人惡者必

當起避禍出自口慎之慎之敬事耆老必就質問賓客

來訪必速出見衣冠車馬隨家所有勿求華麗勿借人

器借必速還勿怠公務勿懈宿直在朝欲其慎重在家

欲其寬容小事勿怒諸讓人過從而溫色勿為暴怒於

抄師輔前後三尚馥醴皇女曰勤子內親王曰雅子內

親王曰康子內親王要一子伊尹兼通兼家為光公季

國史紀事本末 卷二十 十九

皆位極人臣尊卑藤氏子孫師輔最盛皇后憫公季幼

弱取養於宮中帝亦深愛之服食一擬皇子但所須食

器稍降其制人臣鞠於宮省者自古未有也時人異之

大秋八月以大納言藤原顯忠為右大臣日本顯忠時

平子也補公卿性尚節儉第宅器用極朴素鹽澉不用盤

自執杓灌洗雖為大臣出無前驅騶從甚少方設大饗

治具簡約堂廡一無所崇飾時平諸子皆登世人以為

菅靈之崇顯忠深畏懼每夜拜於庭祈免難兄弟中惟

顯忠官位顯達立朝最久人皆以為畏慎所致參取大

抄、古事談、今昔物語

應和三年春二月皇太子加元服羣貴皆欲納女帝特

敕納朱雀皇女昌子內親王榮華

康保二年夏四月右大臣兼左近衛大將藤原顯忠薨

年六十八贈正二位公卿

四年夏五月癸丑帝崩皇太子立是為冷泉天皇六月

己卯詔左大臣藤原實賴關白機務日本聽牛車

出入宮門大鏡秋九月丙戌朔立皇弟守平親王為皇

太弟日本初帝在東宮多病村上帝憂之欲立為平親

王為嗣然以其婚源氏憚藤原氏而不果立大鏡臨崩謂

實賴曰吾欲立為平然勢不得立卿意必在守平也實

賴遂援立之為平妃父左大臣源高明大失望榮華是

月立妃昌子內親王為皇后終帝世藤原氏不得居后

位然藤原氏爭進其女大納言伊尹女懷子入宮為女

御日本生華山帝榮華冬十月帝將行即位礼方罹病

不能御大極殿實賴建議始行禮於紫宸殿古事十二

月以關白實賴為太政大臣職仍舊右大臣源高明為

左大臣大納言藤原師尹為右大臣日本

冷泉天皇安和元年冬十二月藏人頭藤原兼家女起

子為女御日本父未為公卿而女為女御始於此要一

故右大臣師輔女怵子亦入宮為女御日本

要一

二年春三月、左馬助源滿仲前武藏介藤原善時告中

務少輔橘繁延等謀反、貶左大臣兼左近衛大將源高

明為太宰權帥、以右大臣藤原師尹為左大臣、大納言

藤原在衡為右大臣、日本略本初帝連年病狂未愈、皆謂帝

必禪位、榮華語繁延與前相摸介藤原千晴僧蓮茂等謀

奉為平親王、奔關東作亂、滿仲亦與其謀、已而以有憾

於繁延、遂與善時上變告之、師尹欲因事排擠高明代

其位、故使滿仲誣奏之、高明遂為所構、源平盛衰記勅搜捕

其黨、流繁延於土佐、千晴於隱岐、蓮茂於佐渡、日本略本為

平親王憂懼、欲削髮遁世、以子幼不果、榮華語在衡聞高

明見貶歎曰、延喜皇胤、乃遭此變、家臣相謂曰、我公必

陞大臣、在衡大怒逐之、續古事談秋八月帝傳位於皇太弟

日本略本帝自為儲貳、患心疾、及即位增劇、榮華語繇此政歸

外戚、朝綱益弛、大鏡皇太弟立、是為圓融天皇、時年十一、

詔太政大臣實賴攝政、如父忠平故事、立皇姪師貞親

王為皇太子、冬十月、左大臣兼皇太子傅左近衛大將

藤原師尹薨、日本略本

圓融天皇天祿元年春正月己巳、以右大臣藤原在衡

為左大臣、大納言藤原伊尹為右大臣、夏五月戊午、攝

政太政大臣實賴病篤、帝為大赦天下、是日實賴薨、年

七十一、日本略本貴戚踵門、舉哀慟哭、愚管抄詔贈正一位、

追封尾張公、謚清慎、庚申、以右大臣藤原伊尹攝政、日本略本

為氏長者、尊卑分脈累表辭攝政、不許、日本略本伊尹性好豪

奢、嘗臨大饗日、視寢殿壁色微黑、俄以陸奥紙糊之、大鏡

冬十月、左大臣藤原在衡薨、日本略本

二年冬十一月、以攝政伊尹為太政大臣、進正二位、職

仍舊、公卿補任聽直廬視除目、大納言源兼明為左大臣、權

大納言藤原賴忠為右大臣、日本略本賴忠實賴子也、尊卑分脈

三年冬十月己酉、太政大臣伊尹疾篤、上表請致仕、乃

罷攝政、餘官如故、癸丑詔權中納言藤原兼通參決庶

務、十一月丁巳朔、以伊尹疾赦天下、太政大臣伊尹薨、

年四十九、贈正一位、追封參河公、謚謙德、日本略本公卿補任有

七子、義懷尤著、癸未、以兼通為內大臣、日本略本初村上帝

時、兼通請中宮令手書曰、後來攝關有闕、宜必以兄弟

序相及、中宮乃兼通妹也、兼通懷其書、未嘗離身、弟兼

家尚、宇多皇女保子內親王、尚皇女權代要記以故夙顯達、至

大納言、兼右近衛大將、而兼通淹滯、以是缺望、屢廢朝

參、帝亦待之稍薄、及伊尹病篤、兼通料兄不起、以中宮

手書呈帝、帝視母后牛跡、愴然有戚容、乃難違其遺命、

遂有是命、繇此兼家與兼通有隙、大鏡參取愚管抄

天延元年夏四月，以內大臣藤原兼通女嬬子為女御。
秋七月立嬬子為皇后。一代要記

二年春二月，以內大臣藤原兼通為太政大臣，叙正二位。

三月，以兼通為關白，罷右大臣藤原賴忠。氏長者，以

兼通為之。公卿補任兼通雅與賴忠相得，機務細大，每事諮

詢。榮華物語

貞元元年，冷泉上皇女御超子有孕，兼通聞兼家有禱

罵曰：彼欲令女生皇子，已棄朝權耶？已而超子生皇子

居貞，兼通罵曰：彼將擁立外孫矣。榮華物語夏五月，禁內大

居貞，兼通造宮於堀河第，擬則禁闕。榮華物語秋七月，帝遷

國史紀事本末

卷二十

二十三

自職曹司御兼通第。日本紀略時人呼曰：今內裏。榮華物語

二年春，關白兼通以病上表辭職，不許。日本紀略兼家欲納

女詮子於宮，兼通怒曰：我女既為后，彼又欲進其女，何

輕我乃爾？由是嫌隙滋甚。兼家居東三條，與兼通堀河

第隣接，每朝貴訪兼家，兼通家人報之，兼通罵曰：彼廼

諂媚兼家人，皆畏之多，以夜往，兼通欲授攝關於賴忠，

懼兼家代己，奏曰：兼家奉院皇子希覬非望，今日不黜

必有後患。夏四月，兼家誣奏左大臣源兼明有疾，策為

親王，陽示尊之，實奪之權。榮華物語以右大臣賴忠為左大

臣，日本紀略兼明甚不罕之，將卜居於龜山，又為兼通所沮。

乃作菟裘賦譏焉。本朝冬十月，兼通病革，兼家聞之以

為既亡，將奏請代其職，急裝而出，兼通家人聞騶呵聲，

入報曰：東三條殿來，兼通以為問病，拂席以待，兼家過

其門而不入，直朝謁，兼通大怒，力病而起，左右扶翼以

朝，兼家方在帝前，望見兼通，駭愕避去，兼通意色殊惡。

白帝曰：臣今將終，願一行除目，賴忠、關白器也，臣請解

職讓焉。因劾兼家躁競，褫見任官職，左轉治部卿。帝不

能違其意，皆聽之。大鏡參取愚管抄兼通願公卿曰：誰欲大將

欲則自請，坐者相視莫敢言，中納言藤原濟時進請，兼

通許焉。愚管抄濟時師尹子也，兼通欲流兼家於西海，然

國史紀事本末

卷三十

二十四

無罪可斥，不能逞怒而止。榮華物語十一月四日，勅兼通准

三宮。日本紀略甲午，以兼通病，大赦天下，賜老人物，是

日兼通薨，年五十三。廢朝三日，贈正一位，追封遠江公。

謚忠義。日本紀略兼家怏怏不樂，作長歌寓意，哀訴於

帝。拾遺和歌集賴忠憫其沈滯，屢為請之。榮華物語十二月乙丑，

權大納言藤原朝光兼右近衛大將。公卿補任朝光兼通子

也。尊卑分脈為帝所寵，超兄顯光為顯官。大鏡

天元元年冬十月甲寅，以左大臣賴忠為太政大臣，關

白仍舊，右大臣源雅信為左大臣，大納言藤原兼家為

右大臣。日本紀略兼家女詮子遂入掖庭，與賴忠女遵子並

為女御、甚被寵幸。榮華物語

二年夏六月庚戌、藤原皇后崩。日本略

五年春三月癸卯、以女御遵子為皇后。日本略時人以其

無子、謂之素腹官。先是詮子生皇子懷仁於兼家第、帝

欲臨視之、憚賴忠不果。兼家謂、吾女必為中宮、至是遵

子為后、兼家大失望。自是廢朝參、與諸子家居。帝屢召

詮子、兼家使詮子辭。榮華物語

永觀二年秋七月、相撲節會、帝欲令懷仁親王觀之、召

兼家、兼家稱病不朝、屢趣之、不得已入朝。帝諭之曰、朕

在位十六年、漸厭萬機、近將讓位東宮、以懷仁為之儲

國史紀事本末 卷二十

二十五

貳、朕念之久矣。公等不知本意、動有不平之色。凡人之

情、多子猶愛之、况朕一子乎。兼家甚驩。榮華物語八月帝傳

位皇太子、是為華山天皇。立懷仁親王為皇太子。日本略

兼家以為必為關白、而賴忠猶在職、其女謁子入宮、為

女御。帝舅參議藤原義懷與左中辨藤原惟成、協心輔

政。兼家疾之、欲令帝早讓位、而已東威柄。子藏人道兼

兼、援知其意、多方為計。愚管抄時女御藤原氏子寵傾

後宮。榮華物語

華山天皇寬和元年秋七月、女御氏子病卒。日本略帝悼

念不已、道兼乘之、與僧嚴久開說佛經。愚管抄帝專心

佛法、嬪御少進見、義懷惟成深憂之。榮華物語

二年夏六月、帝猶思氏子不已、道兼紿曰、陛下第早捨

身、臣將奉從。帝意遂決、夜潛與道兼出宮。時月色方明、

帝少猶豫、道兼趣曰、劍璽已奉東宮、事不可復止。已而

有雲翳月、帝曰、我願成、乃至華山元慶寺落髮。道兼復

紿曰、臣不告父而披剃、不可以為子。請還家辭訣、乃拂

衣而去。帝始知見賣。參取大鏡愚管抄十訓抄天文博士安部晴明

見天變、知帝避位、蒼黃入告。大鏡官中始知帝不在、義懷

輾轉涕泣。明日義懷聞帝在華山、與惟成追至、帝既薨

駿。榮華物語惟成謂義懷曰、君以外戚被重寄、今日何顏復

國史紀事本末 卷三十

二十六

列朝班、義懷然之、遂皆為僧。道兼之謀成矣。大鏡十訓抄

開集袋兼家詐遣平維敏止帝不及。江談抄入宮警衛諸

門行讓位儀。神皇正統記皇太子立、是為一條天皇。年僅七

歲。兼家攝政、一如良房故事。日本略兼家始得志矣。

是月立華山帝弟居貞親王為皇太子、長於帝四歲。兼

家既擁立外孫、又以外孫為儲貳、其貪榮如此。日本略尋

罷右大臣叙從一位、賜食邑三千戶。位在三公上。尊卑

以弟大納言為光為右大臣。秋七月辛未、尊所生女御

詮子曰皇太后。日本略初藤原皇后偕儀入宮、弟公任從

馬路過、兼家東三條第、公任駐馬曰、此家女御、何日得

復如此、兼家聞而銜之、至是太后入宮、公任又扈從、辨

內侍自車中呼公任謂曰、素腹后今何如、公任大愧、鏡大

當時以后位相誇如此、冬十月、圓融法皇遊大井河、舟

中救兼家、以大藏卿源時中為參議、衆相謂曰、今日之

遊甚樂、但惜不奏天子而行官賞耳、續古事談

一條天皇永延元年、攝政兼家納女綏子於皇太子宮、

一代後以失行出宮、大鏡

二年春三月壬子、聽兼家輦車入宮門、是日宴常寧殿、

賀兼家六十、夏四月壬子、為兼家奉幣六十社、兼家新

造二條京極第、秋九月大宴公卿以下、東宮大進源賴

國史紀事本末 卷三十一 二十七

光遺馬三十匹以領賓客、占河陽妓、給絹四十匹、米六

十石、當時宴集之盛、未嘗有也、日本略本兼家嘗營東三條

第、擬清涼殿、其僭侈如此、大鏡

永祚元年春二月、以權大納言藤原道隆為內大臣、日本略本

道隆兼家長子也、公卿補任夏六月、太政大臣賴忠薨、年

六十六、贈正一位、追封駿河公、謚廉義、日本略本公卿補任賴忠

性節儉、為關白、常著布袴入朝、大鏡冬十二月、以攝政兼

家為太政大臣、職仍舊、日本略本

正曆元年夏五月、兼家疾上表辭攝政、乃為關白、尋薨

髮捨二條京極第、為寺、曰積善寺、日本略本執政薨髮始於

此、神皇正統記賜度者一百人、大赦天下、免調庸、加賑救、以

救其病、日本略本准三宮、增封三十戶、固辭不受、公卿補任以內

大臣道隆為關白、尋攝政、日本略本兼家信任左中辨藤原

有國、右中辨平惟仲、每事必與之謀、曰、是我雙眼也、榮華

物語嘗竊謂二人及國平曰、吾子誰可嗣職者、有國以為

兼家秉權、道兼有力、因言、道兼可也、惟仲國平對曰、嫡

庶之分、自定、奈何、奈之、兼家從之、道隆深怨、有國、至是

代父攝政、迺曰、吾獲執政、徒以嫡長而已、何足以為榮、

唯以報有國為喜也、已即職、首奪有國父子官、江談抄

秋七月、前關白太政大臣兼家薨、年六十二、以薨髮不

國史紀事本末 卷三十 二十八

賜謚、公卿補任帝服錫紵、心夜三月、伏見藏記道兼嘗謂使父

秉權、皆我力也、我必罷職、已而道隆襲職、道兼憤怨、在

父喪無戚容、會賓客遊戲、大源賴信素事道兼、乃謂我

能殺關白、使吾主人代之、我提劍突入、誰能禦者、兄賴

光聞之大駭、責諭曰、汝勿妄言、事之成敗、不可得知、事

果得成、主人未必為關白、縱為關白、安得終世鞫闕、賴

信乃服、古事談冬十月、立女御藤原定子為中宮、中宮道

隆女也、道隆權勢薰灼、公卿家無敢納女者、榮華敦道

親王、亦納道隆女為妃、妃有文才、而性放縱、親王延客

則褻簾觀之、每會文人、妃或隔屏擲金、或品評其篇章、

敦道愧而出之。鏡大

二年秋七月、攝政道隆罷內大臣、九月以右大臣藤原

為光為太政大臣、大納言源重信為右大臣、權大納言

藤原道兼為內大臣。日本略本是月藤原太后以病落髮、上

號曰東三條院。日本略本准太上皇稱女院、始此。榮華物語

三年夏六月太政大臣為光薨、年五十一、贈正一位、追

封相模公、諡恒德。日本略本初為光女、忝子為華山帝

女御、有殊寵、適病卒、為光悲不自勝、專歸佛乘、創法住

寺居之。榮華物語

四年夏四月、攝政道隆以帝稍長、當親政、遂辭職、

又為闕白、而除目官奏猶準攝政。公卿補任秋七月左大臣

源雅信罷、尋薨、是歲詔遣使太宰府、贈故右大臣菅原

道真左大臣正一位、尋再贈太政大臣。日本略本遣使

五年秋八月、以右大臣源重信為左大臣、內大臣藤原

道兼為右大臣、權大納言藤原伊周為內大臣。日本略本伊

周、道隆子也。尊卑分脈時權大納言藤原道長有才名、道長

兼家、季子、為人豪邁、有器局。大鏡方其葬父、衆遽騷擾、道

兼惶懼失色、道長年最少、神色自若、徐曰、僕已遣人問

之、無佗、但馬驚佚耳、源賴光在坐、退嘆曰、此人有將帥

之量。著聞集飯室有善相者、見道長曰、斯人有奇表、如虎

度山、貴不可言。鏡大道長嘗聞左大臣源雅信女倫子美

欲娶之、雅信怒曰、黃口兒安得要吾女、妻曰、道長姿貌

瓌偉、非常人也、何不許之、遂以女妻之。榮華物語

長德元年夏四月、關白道隆疾累、表辭職、不許。日本略本請

令子伊周攝省中事、許之。大鏡帝敕、文書宣旨、先經

闕白、而後覽之、伊周謂事合、專委我、何煩經闕白、道隆

請傳闕白、帝不許、惟聽隨身。小右道隆尋薨、伊周身在

喪次、橫預朝政、多所裁定、首革衣服制度、自謂代父職

者必我也、然以道兼屬尊望重、竊憂之、令外祖高階成

忠咒詛、道兼適病、筮之、曰、宜遷居、乃徙居藤原相如第、

居無幾、詔為闕白。榮華物語五月闕白道兼薨、年三十五、贈

太政大臣正一位。公卿補任在職僅七日。榮華物語世呼曰七日

闕白。公卿補任伊周喜以為果得所願矣、帝意亦在伊周、而

輿論歸道長、道長亦謂令伊周當路、必亂天下、東三條

太后素惡伊周、為入、勸帝用道長、帝意不移、太后垂泣

固請、帝不得已、詔道長內覽太政官文書、六月、以道長

為右大臣、伊周益憤恚。公卿補任秋七月、先是

太政大臣為光二女、孤居鷹司第、即華山女御、忝子妹、

伊周私其姊、華山法皇聞其妹美、屢往窺之、伊周疑其

與姊通、以告弟權中納言隆家、隆家乃帥輕俠數人、夜

規法皇還發矢怖之誤中御衣事喧傳京師帝雖粗知

聞為法皇慙之不驟推驗伊周又修太元法呪詛東三

條太后故事非天子不得修此法事發覺帝大怒榮華物語

二年夏四月遣檢非違使圖伊周第貶為太宰權帥隆

家出雲權守伊周夜潛出詣木幡先望告別會中宮有

身出居伊周第帝責中宮出伊周中宮答以不在帝大

怒急索之檢非違使入第搜索伊周還自木幡兄弟乃

赴配所榮華物語中宮憂憤截髮為尼日本略記伊周道病帝聞

而憫之敕安置伊周於播磨隆家於但馬秋伊周聞母

病潛還京師帝聞之命檢非違使押至筑紫藤原有國

國史紀事本末 卷二十 三十一

方為太宰大貳聞之曰權帥先人嘗以怨黜我我猶以

為辱况權帥以貴戚貶竄將何以堪乃使子廣業迎之

供設備至伊周大愧榮華物語是秋以右大臣藤原道長為

左大臣叙正二位依祖師輔故事大納言藤原顯光為

右大臣日本略記顯光無通子也補仕女元子入宮為

女御日本略記冬十二月中宮生修子內親王帝命中宮入

宮中官不敢應敕榮華物語

三年春三月召還藤原伊周藤原隆家公卿補仕夏六

月帝促中宮入宮寵幸如初榮華物語秋七月以大納言藤

原公季為內大臣公季女義子入宮為女御日本略記

四年故關白道兼女尊子入宮道兼嘗私帝乳母藤原

繁子生尊子尊子依母家道長為助資裝納之宮榮華物語

長保元年秋八月藤原中官有身出就外舍是日道長

故邊在廷諸臣造宇治御輿將出無造朝者稽延移時

小右冬十一月道長納女彰子於宮侍女數十人妙選

一時才色奩具玩好窮極華靡光彩奪目帝悅曰殆令

朕廢政榮華物語時道長要一時名輩作彰子屏風和歌藤

原公任為選首華山法皇亦有御製藤原實資獨拒不

作嘆曰豈有官列公卿而受大臣命作屏風和歌者乎

國史紀事本末 卷二十 三十二

公任身出華貴職典廷尉何阿合乃爾道長使人懇請

實資峻拒不應日本略記是冬中宮生皇子敦康日本略記伊周

大悅以為皇子必為東宮榮華物語時人亦爭媚附伊周夜

往訪者甚眾古事談帝未有嗣欲見皇子憚道長不果榮華物語

二年春正月立女御彰子為中宮改藤原中宮稱皇后

日本略記帝召后及皇子入宮敦康敏慧美貌帝深愛之使

中宮母視冬十二月藤原皇后崩先是后有身出就前

但馬守平生昌家憂鬱成疾伊周憂之將修法僧徒皆

畏道長不肯應榮華物語是月生媛子內親王數日崩日本略記

道長權勢日熾大江以言賦詩譏之有云鹿馬應迷二世情道長銜之爾後帝欲擢以言道長沮之曰斯人即作鹿馬惑二世詩者也帝乃止古事

四年秋八月皇太子女御藤原氏歐血暴卒世謂女御藤原娥子酖之藤原氏故關白道隆女也榮華物部

寬弘二年春二月先是復藤原伊周本位進從二位至是敕班大臣下大納言上冬十一月敕伊周參預朝政

公卿補任

五年春正月以藤原伊周准大臣賜封一千戶尋叙正

二位稱儀同三司公卿補任二月華山法皇崩日本略法皇晚

國史紀事本末 卷二十

三十三

年入京居外祖母家常憚藤原道長欲得其歡心子賴

通充春日祭使會天大雪道長念之作歌法皇聞之亦

作歌慰藉之道長嘗觀賴通賀茂祭使行裝法皇駕金

車盛飾從奴數過道長棚閣前以見欵曲道長大喜

秋九月藤原中宮生皇子敦成於道長第冬十月帝臨

幸奏樂盡歡榮華物部賜后母源氏兄賴通教通及中宮司

道長家司位日本略人無復訪伊周者古事談伊周大失望

時會流言伊周與高階明順咒詛皇子道長召明順讓

曰皇子之生自有天助卿乃敢咒詛得無天譴耶明順

憂懼數日而死榮華物部

六年春二月辛卯僧能圓咒詛事發覺捕訊鞠之丙午

能圓及其黨與處罪有差藤原伊周坐咒詛事停朝參

七年春正月準大臣藤原伊周薨年三十七日本略臨終

誡子道雅及女子曰我平生欲令男陟顯職女為后妃

今窮蹙至此諸女慎勿誤身於人以辱我名道雅汝勿

恥居下位媚附權貴曾不如為僧之為愈也榮華物部其後

道長諸子皆極顯貴而道雅終於左京大夫日本略冬十

二月藤原中宮生皇子敦良於道長第日本略是歲道長

納女妍子於皇太子宮辨備衣服器玩幾十年侈靡過

中宮入內儀榮華物部

國史紀事本末 卷三十

三十四

八年夏六月帝不豫傳位皇太子是為三條天皇立敦

成親王為皇太子日本略初上皇欲以敦康親王為帝儲

貳然以其舅伊周已死無戚族之援遲疑不決榮華物部密

召中納言藤原行成問之行成曰陛下不須他慮宜立

二宮不則貽患上皇從之愚管抄中宮素知上皇意勸道

長立敦康道長意在立外孫不聽榮華物部藤原隆家拊膺

憤歎大鏡上皇尋崩上皇素惡道長專橫然不能制及崩

道長視上皇手書叢蘭欲茂秋風吹破主事欲寄讒臣

亂國四句以為指斥已怒而手壞之愚管抄秋八月詔

道長知太政官文書日本略道長累世權威加以后父專

總朝政、擊斷自如、朝臣上下、資緣攀附、唯恐不及、朝廷綱紀日弛、唯權大納言藤原實資獨侃然正色、無所回避、帝竊憑賴焉、參取小右記、大鏡、榮華物語實資實賴、孫齊敏子、實賴養為己子、甚愛之、其珍寶莊園咸歸焉、鏡大

三條天皇長和元年春二月、立女御妍子為中宮、夏四月、立女御娥子為皇后、日本略本娥子故大納言藤原濟時女也、初娥子入宮有寵、生敦明親王、及中宮立、帝又欲冊娥子為后、然憚道長不決、道長揣知帝意、勸之、帝曰、納言之女為后、近古未有、奈何、道長曰、追贈濟時、何不可之有、帝廼遣使濟時墓、追贈太政大臣、遂立為后、然

國史紀事本末

卷三十

三十五

實非道長意也、及冊立之日、廷臣諛佞之徒、恐補皇后宮職、悉往中宮避之、帝遣使召之、衆不應、詔罷敕使、至投瓦礫、藤原實資適有病、聞之曰、天無二日、土無二王、奈何畏權勢而忽朝命、即時力病、與中納言藤原隆家等入預朝會、帝深德之、密諭實資子資平曰、朕在東宮、不知物情、常謂一旦登極、何事不如意、而今不獲爾、時甘立后、羣臣皆畏道長、不應朕命、唯卿父是賴、自今庶事必與卿父議、慎勿泄焉、小右記四年冬十月、敕左大臣藤原道長行京官、除目於直廬、儀準攝政、日本略本帝患目疾、道長屢勸去位、帝惡之、

己而病益劇、決意禪位、欲以敦康親王為新帝、儲貳、道長沮之曰、諸皇子無堪、儲君者、唯先帝第三皇子可、帝益憤之、遂有是命、因謂近侍曰、朕今以除目委道長、彼所為果不義耶、天譴在彼、朕何與焉、道長促帝不已、小右記

帝憂憤、莫如之何、欲以皇女禊子內親王下嫁道長子賴通、以得其驩心、乃召道長諭旨、道長雅欲之、退告賴通、賴通前已娶具平親王女、不欲尚帝女、道長曰、犬夫何止一妻、汝未有子、宜廣求繼嗣、遂強尚焉、會賴通寢病、鮮以具平為祟、絕婚、榮華物語道長有二妻、一則左大臣源雅信女倫子、稱鷹司殿、一則左大臣源高明女、稱

國史紀事本末

卷三十

三十六

高松殿

榮華物語

五年春正月、帝傳位皇太子、是為後一條天皇、年僅九歲、立敦明親王為皇太子、日本略本長於帝十四歲、大鏡先是親王聞之不自安、告母后曰、兒若得儲位、則避之堀河第耳、母后憂之、已而廷臣將任東宮、官屬內外臣僚以名見擬者、皆憚道長、固辭避之、小右記故事立太子、必傳壺切劍、至是有司稽緣、竟不傳之、議者以為不祥、左大鏡左大臣藤原道長攝政、准三宮、增封三千戶、給帶刀資人三十人、如良房故事、冬十一月、道長罷左大臣、日本略記

後一條天皇寬仁元年春三月以右大臣藤原顯光為左大臣內大臣藤原公季為右大臣權大納言藤原賴通為內大臣道長罷攝政令賴通攝職班左右大臣上夏五月三條法皇崩日本略本是後在廷臣僚皆畏道長無敢起居東宮者東宮僚屬亦皆懷顧慮不敢供其職門庭蕪穢太子不樂決意辭位秋八月太子召道長子能信謂之曰孤為儲副實先帝意也然至尊方富春秋孤以年長居儲位長幼失序不如退就清閑以自適也但一旦避位恐乏給仕若得請院歸置受領吏孤願足矣卿為孤告之乃父能信退告道長道長喜甚謀之大納

國史紀事本末

卷二十

三十七

言源俊賢俊賢曰事若稽緩安知太子不悔請速為之道長即奉一條太后率諸子及朝官而往導從絡繹見者驚恠道長謂見太子太子必懇不平及入見愴然略叙數語而已道長即使太子遜位宮屋從而撤毀嬪侍莫不歎歎道長命遏絕中外雖婦人莫復得通母后疑其有變遣侍女候之至則被廢輒大驚惋悲不自勝不知道長在坐曰皇太子何罪遽至此道長憫笑大略本太后欲立敦康親王謂道長曰嚮不立式部卿宮先帝有旨不可違在今宜推奉彼宮道長意在立外孫乃曰式部卿官雖賢奈無外戚援何榮華語即日立敦康親王為皇

太子於是天子東宮皆道長外孫一如兼家時尋賜廢太子號曰小一條院封戶仍舊給年官年爵受領吏如太上皇例日本略本敦明頗自安之時道長諸女已入宮在家者又將俟時而進惟第五女寬子未有所期道長不欲其配常人遂納之敦明媵妾二十人多簡公卿子女為之奴婢凡八十人敦明親往成婚燈燭晃耀肴饌豐備寬子留居父家每敦明往道長必擇廷臣侍謙時道長諸子已顯貴皆自掌酒食東燭肅引隨臣已下悉常豐莫不厭其欲謂太子不廢安有此光榮敦明妃藤原延子失志歸家榮華語妃父顯光憂憤一夜髮盡白十訓抄

國史紀事本末

卷二十

三十八

延子遂以憂卒榮華語九月道長與妻倫子同詣石清水公卿多從及還渡淀川妓船五十餘艘迎之道長悉授纒頭冬十二月以前攝政道長為太政大臣日本略本妻倫子准三宮榮華語道長營上東門第課諸國司供其役及輸大石撤民舍戶林藉地過行人令曳之第成王公已下贈遺相屬小略本道長造塗金火六佛像九軀於第中

日本略本

二年春二月太政大臣道長罷夏四月道長女咸子入宮為女御日本略本帝尚幼玩咸子匣奩諸器以為戲榮華語秋九月小一條院遊葛野河道長等從遂至道長米地桂

山莊奏樂賦和歌冬十月立女御藤原威子為中宮日本

道長一家三后自古未有也鏡大是日百僚咸會道長

謂藤原實資曰吾賦和歌子能之和之乎實資曰能道長

乃吟曰固能庸乎麼和我庸圖所憶望不模知頭幾乃

加階黨流古登母奈之徒於望弊麼實資惠其僭慢給

曰絕唱不應和昔白居易愛元稹菊花詩終日諷詠而

不敢和今日當如此令一座詠道長歌道長大悅記小

後性妒忌齡長於帝九歲常恐寵移防猜甚至諸姬不

得進物華

國史紀事本末 卷二十 三十九

三年春三月女真賊寇西海太宰帥藤原隆家擊破之

事見女道長以病雍髮詔行非常赦益封二千戶略本

道長欲創一鉅刹於京極以居之會病愈賴通乃起役

令諸國司曰寧懈公務勿怠此役於是役夫雲合築山

鑿池晝夜不休呼聲震地諸國競輸鉅材填咽水陸道

長尋赴東大寺受戒見堂宇宏麗曰吾寺當如此物華

乃令公卿採宮中諸司及神泉苑乾臨關石以充其用

記小天子后妃皆倣道長所為日夜誦佛經至諸國司

亦相倣倣導諛者至謂道長為上官太子後身及寺成

名曰法成物華冬十二月以攝政賴通為關白略本

四年春三月道長慶無量壽院日本

治安元年春二月道長女嬉子入皇太子宫一記以道

長雍髮為賴通女鏡大三月道長慶丈六佛畫像百六十

軀於無量壽院日本夏五月左大臣藤原顯光薨略本

小一條院妃寬子尋病薨見顯光為厲物華人呼曰惡

靈左府鏡大秋七月以右大臣藤原公季為太政大臣關

白內大臣賴通為左大臣職仍舊大納言藤原實資為

右大臣權大納言藤原教通為內大臣略本

二年秋七月法成寺金堂成帝臨慶之太皇太后皇太

后中官皆臨大赦天下日本賞佛工定朝以法橋位元

國史紀事本末 卷二十 四十

三年冬十月道長歷遊大和七大寺遂至紀伊金剛峯

寺日本

萬壽元年夏六月道長建佛堂於法成寺名曰淨瑠璃

院慶儀准御齋會日本

二年夏五月園城寺明尊夢關寺牛自稱迦葉佛乃率

徒侶往而膜拜朝野靡然赴之今昔道長亦往拜略本

右大臣藤原實資獨不往今昔秋八月皇太子妃嬉子

生皇子親仁以產薨日本皇子即後冷泉帝於是道長

外孫凡三天子自古未有也

三年春正月上、一條太皇太后號曰上東門院、日本略

院號始此、今四年夏六月、道長造佛像百軀、日本略冬、道長病篤、徙居

法成寺、小右記、榮華物語十一月、詔免天下調庸、大赦賑卹、以

救之、又賜度者千人、日本略帝臨問病、道長奏曰、自古秉

政者多、而榮寵如臣、殆罕、臣復何言、帝固問所欲言、道

長曰、法成寺落成、董役者未有賞、唯此為憾、榮華物語帝即

下敕、徙家司等級、賜法成寺封五百戶、供養萬僧、十二

月、道長薨、年六十二、日本略帝為服錫紵、心喪三月、

小右記祭祀節會、多從停廢、小右記一如諒闇、榮華物語初、道長

與二兄相繼秉政、時人謂之三道、蓋比之三平、大鏡而道

長獨典樞機、三十餘年、勢傾朝野、富過王室、帝嘗使僧

綱禱疾、賞絹不足、乃取之道長第、及薨、庫中積絹一萬

五六千匹、絲綿不可勝計、厩馬一百匹、外戚之富盛、極

矣、榮華物語大鏡、小右記

國史紀事本末

卷二十

四十一

弟延之 延壽校

國史紀事本末卷之二十終

國史紀事本末卷之二十一

從六位守大學校中博士常陸青山延光編次

朝政寬弛

聖武天皇神龜二年冬十二月庚午詔曰死者不可生刑者不可屬此先典所重今所奉在京及天下諸國見禁囚徒死罪宜降從流流罪宜從徒徒以下並依刑部奏帝最信佛戒殺生故有是詔爾後朝政姑息殺人者不死紀綱之衰始於此

天平二年秋九月庚辰詔曰京及諸國多有盜賊或劫掠人家或侵奪海舶盡害百姓莫甚於此宜令所在官

國史紀事本末

卷三十一

司嚴加捉搦又安藝周芳國人等妄說禍福多聚徒衆妖祠死魂有所祈請又京左山原有聚徒者妖言惑衆多則萬人少不下數千深違憲法為害尤甚自今以後勿使更然

七年秋九月美作守阿部帶麻呂等殺四人族人詣官訴之右大辨高橋道足等坐不理訴人事下所司科斷皆承伏詔並宥之

廢帝天平寶字四年冬十二月戊寅藥師寺僧莖達與僧範曜博爭道遂殺之莖達還俗配陸奥桃生柵戶五年春三月己酉葦原王與御史麻呂博飲忽發怒刺

殺屠其股肉膾之除王名流多祓島

七年秋九月河內丹比郡人尋來津開麻呂坐殺母配出羽小勝柵戶於是殺母者不死矣

桓武天皇延曆三年冬十月丁酉晦勅曰如聞京師多盜掠物放火宜仰隣保檢察非違一如令條其遊食博戲之徒不論陰贖決杖一百放火劫略之類不必拘法懲以殺罰勤加捉搦遏絕奸宄

四年秋九月盜殺中納言藤原種繼勅搜賊黨誅首惡大伴繼人等聖武以後帝始正刑憲

十二年冬十二月辛亥深草王坐毆父流隱岐以下類

國史紀事本末

卷三十一

三

聚國

十四年夏五月己巳以右京人上毛野兄國女自稱諸天妖言惑衆流之土左冬十二月己丑免諸國逃亡軍士三百四十人死罪配陸奥永為柵戶日本紀畧

十五年春三月庚戌勅禁京畿吏民男女混淆濫祭北辰夏五月甲午遣吉備魚主於山陽道索捕盜賊日本紀畧冬十一月己酉勅天下搜飛驒工匠逃亡者日本後紀

十六年秋七月甲午勅曰男女有別禮典所崇品類無差名教已闕如聞黎庶愚闇不識禮儀所司寬容曾無誨導公私會集男女混淆敗俗傷風莫過斯甚宜嚴加

禁斷類聚
國史

十七年夏四月乙丑勅沙汰僧徒不遵戒教者冬十月己卯禁兩京畿內夜祭男女會飲歌舞類聚帝時紀網振肅盜賊稀少嘗廢三關以便行旅云

嵯峨天皇弘仁元年秋九月藤原仲成作亂伏誅事見是後朝廷不復行死刑矣百鍊抄保元物語

三年夏六月己酉勅頃者緇徒之間多犯法禁所司寬縱不加推勘朝憲稍弛為弊良深自今以後僧尼犯罪不論輕重一依僧尼令糾之秋八月癸巳流僧良勝於多禰島以與女同車也日本後紀

國史紀事本末

卷三十一

三

淳和天皇天長五年春三月壬子流大中臣春繼於伊豆以射殺菰原王也類聚於是殺諸王者不死矣帝始置檢非違使謂之使廳是後衛府追捕彈正糾彈刑部判斷京職訴訟併歸使廳職原抄

仁明天皇承和四年冬十二月辛卯夜盜入春興殿竊絹五十餘匹甲午夜女盜二人昇清涼殿帝大驚令宿衛人捕之獲其一人庚子夜盜穿大藏省東長殿壁多竊絕布辛亥遣六衛府大索

五年春二月畿內諸國羣盜橫行放火殺人丁酉令國司糾勘戊戌令山陽南海諸國司捕糾海賊庚子分遣

左衛門門府生看督等於畿內諸國捕盜

六年夏四月癸丑遣使伊勢索捕名張山中私鑄錢群盜

七年春二月庚午敕如聞奸宄之賊或暗夜放火或白晝奪物靜言流弊情切納隍宜令左右京職五畿七道諸國嚴加督察搜認閭里隨獲且進莫致稽緩三月壬午分遣六衛府搜捕京中竊盜

十年冬十二月丙子散位文室官田麻呂從者陽侯氏雄告官田麻呂謀反遣內豎召官田麻呂禁之左衛門府分遣左中辨良岑木連右中辨伴成益等於官田麻呂京及難波宅搜索反具是日諸門戒嚴戊寅勅使獲弓十三張胡篋三具箭百六十雙劍六口於京宅曾二枚甲二領弓十二張胡篋十具劍八口捍三柄於難波宅庚辰遣參議滋野貞主等推問官田麻呂癸未廷議官田麻呂罪當斬減死一等流伊豆二子皆處流

國史紀事本末

卷三十一

四

嘉祥元年春二月上總伴囚九子廻毛等反國司擊平之斬五十餘人

二年冬十二月紀伊守伴龍男與國造紀高繼有隙發兵捕之遠近駭擾掾林並人諫曰百姓有罪猶當遣吏勘決奈何捕國造龍男不聽並人入京訴之龍男尋奏

高繼有罪請以紀福雄代之庚午勅國造非國司解却之色而輒解却之稍涉不臣宜停釐務據法勘奏

三年春正月乙巳勅左右京職五畿內諸國司搜捕盜賊二月壬子令遣六衛府佐已下捕京師群盜令左右近衛各十人巡檢東西京三月丙申以不豫宥伴龍男罪

文德天皇齊衡元年冬十月甲戌公卿奏讞前伊豆守百濟康保毆殺部下百姓數人罪當死詔減死一等虜遠流

二年春正月癸卯以京師多盜詔搜索之三月乙巳令

國史紀事本末

卷二十一

五

大和檢非違使伊勢諸繼把勢諸國檢非違使把勢始於此夏閏四月丙午太宰府馳驛言日向守嗣岑王發兵將殺推討使田口房富詔免官爵

天安元年春正月讚岐百姓訴守弘宗王帝遣使推問禁錮弘宗弘宗脫禁還京日向百姓訴守嗣岑王謀殺詔使嗣岑亦潛還京並令右京職禁錮之三月癸丑遣左右近衛兵衛檢非違使等於京南捕盜乙卯遣六衛府舍人等於平城捕盜壬戌遣使京南禁遏奸盜夏四月庚寅復近江相坂關新置大石龍華二關令國司健兒等守之從守紀今守請也六月庚寅太宰府飛驒言

對馬島上縣郡擬主帳卜部川知麻呂下縣郡擬大領直浦主率其黨三百火守立野正岑宅射殺正岑及從者十人防人六人秋七月辛亥下制太宰府宥對馬島民爲賊所驅脅及冤死獄中者妻子八月乙丑朔令攝津人從八位下岸田全繼帶兵仗把勢檢國中非違冬十月丁亥夜有女盜入藏殿竊服御物捕下檢非違使辛卯群臣奏曰檢非違使奏言犯死罪者二人請誅之詔減死一等虜遠流

二年春二月乙酉遣左近衛少將坂上當道等帥左右

馬寮官人等搜捕京師群盜閏月庚申下對馬賊徒於

國史紀事本末

卷二十一

六

刑官鞠讞其罪夏四月癸巳以刑部大丞石川宗主大錄難波清宗等矯官宣作省符放免罪人佐伯官人等下刑官鞠罪冬十二月乙未太改官奏曰對馬島賊黨十九人罪皆當斬詔減死一等虜遠流於是殺島守者不死矣

清和天皇貞觀元年冬十二月戊申先是前越後守伴龍男坐殺人下獄是日太政官奏越後書生物部稻吉訴龍男私用官物龍男怒令從者毆殺稻吉乃下刑部省斷其罪省稱有恩赦釋之須詳加覆案帝特優詔宥之其餘罪人多從寬典

二年冬閏十月辛未太政官奏美濃惠奈郡人縣萬歲
麻呂殺百姓一人罪當斬詔減死一等處遠流

三年冬十月戊辰太政官奏曰尾張人敢繼吉敢宗貞
等毆殺宗貞兄繼雄信濃人壬生猶主毆殺妻母上野
人神人繼道殺布師貞淡路浪人物部冬男殺錦織廣
人罪皆當斬詔減死一等處遠流於是殺兄者殺妻母
者皆不死矣十一月丙戌以武藏多盜置檢非違使郡
各一人是歲伊勢介清原長紗大掾藤原秋實等隱課
丁二百十八人不附大帳安濃郡百姓訴之乃遣使推
問罪當徒以下特宥之

國史紀事本末

卷三十一

七

四年春三月丙子令左右京職每坊置兵士二人分番
守門左右兵衛府行夜巡檢癸未左京職言戶令云凡
戶皆五家相保一人為長以相檢察勿造非違今皇親
之居街衢相接卿相之家坊里猥雜請親王及公卿職
事三位以上以家司為保長無品親王以下六位別當
為保長散位三位以下五位以上以事業為保長然後
皇憲通行隣伍相保奸猾永絕道橋自全太政官處分
從其請丁亥上繼介伴龍男赴任稱官物多欠禁錮前
守介和氣豐永訴冤太政官處分過其禁夏五月海賊
橫行要備前貢船殺網丁十一人掠官米八十斛丁亥

冷山陽南海二道追捕云

五年秋九月雨漲國縣遇難欽國公毆傷防檢有兵衛
而濟豐國邑未著察因檢並人脫禁逃亡八月癸亥令
近畿諸道諸國追捕云癸未縣月邑和勅賜長賜國司
帶劍

七年春三月癸未制諸國貢賦違期國司立保已共奪
位祿六位已下奪公解並祭之云夏五月源永藤原與
蔭等計四水橫行出雲陵縣東民庚寅令國司加防檢
入京甲辰先是左衛門檢著錄因案公案獄庭去是
月遣諸衛府官各未搜東西京乙巳未搜京邑戊戌月癸

國史紀事本末

卷三十一

八

庚申京畿七道託事卿重會私聚徒眾走馬騎射自禁
八年春正月庚子敕禁初進進者燒尾荒鎮及賣人求
飲臨時群飲及被除之日諸衛府舍人求酒食責被物
閏三月乙卯未勅言伴善男火應天門事見德祿夏四
月乙酉下食攝津和泉諸磨備前備後安藝周防長門
及南海諸國曰近歲再下令追捕海賊今聞賊黨群起
掠奪無忌此由國司不勤肅清也若不搜捕猶致殘暴
糾罪徵率無有所有其捕獲之數其數言上秋七月尾
張國司請鑿廣野河據故道美濃國司爭之遂議遣使
與兩國司勘定審其利害令兩國鑿之已而美濃各務

郡大領各務吉雄、厚見、郡大領各務吉宗等以步騎七百奄至、毆傷尾張郡司、射殺役夫、太政官下符美濃、禁錮吉雄等、錄死傷言上、吉雄等又率數百人、壞倉投河、殺中島郡人磯部逆麻呂等、運沙石塞河口、尾張國司恐啓兵禍、輟役奏上、太政官下令美濃推糺之、

九年春二月癸未、以畿內多盜、令國司每鄉結保督察、丁酉勅左右近衛兵衛分番夜行京師、三月丁卯下令五畿七道、項年搜捕海賊、督察奸盜、而今如聞凶徒不絕、侵盜尚繁、水浮陸行皆憂賊害、實是牧宰不勤、肅清之所致也、夫伍家相保、一人為長、以相檢察、載在法條、

國史紀事本末

卷三十一

九

又容隱盜賊、科罪非輕、隣伍之內、必置保長、市津要路、人衆猥雜之處、勤施方略、多設偵邏、募以捕獲之賞、示以寬容之典、使奸濫之徒無所留迹、冬十一月乙巳、下令攝津和泉山陽南海道諸國曰、如聞近來伊豫宮崎村海賊群居、掠奪公私、海行隔絕、既命搜捕、而播磨備中備後阿波等國相繼奏獲賊狀、然冠盜難弭、流聞如此、實是國司等欲消一境之害、不慮天下之憂、無盡謀略、不精搜捕之所致也、夫海賊之徒、萍浮南北、唯殉其利、不恤其居、追捕則鳥散、寬縱則鳥合、緣海諸國戮力同謀、差發人兵、招募俘囚、扶其巢穴、窮討無遺、冬十二

月己巳、勅上總置檢非違使、主典各一員、帶劔把笏、是月令伯耆國司郡司及雜色等帶劔、

十年冬十月戊子、太政官奏、齋宮寮史生縣富世、殺助藤原豐本、志摩掌秦負雄毆殺百姓、日置福益並當斬、伊勢權守藤原廣守斷罪違律、當贖、前志摩守高橋繼善犯用官物、私營公田、過役雜徭、當遠流、詔富世負雄減死一等、處遠流、餘論之如法、

十一年春三月庚辰、令下總檢非違使帶劔把笏、

十二年夏六月癸未、敕因幡國司已下、雜仕已上、並帶

劔、冬十二月己卯、太政官下符上總國司曰、折取夷種

國史紀事本末

卷三十一

十

散居中國、若有盜賊、令其防禦、而今聞國中夷俘猶挾野心、未滌華風、或火民家、或掠財物、群盜之患、自此起、今不禁遏、如後害何、宜嚴如捉搦、折其賊心、若有革面嚮化者、殊加優恤、習其性、背吏教者、驅之奧地、莫使粗獷之輩、使善良之民、

十三年春三月、京師多盜、詔遣左右近衛府十人騎察馬警夜、夏四月庚辰、近江勢多橋火、壬午因幡兵庫火、十六年秋九月己亥、舊制諸衛舍人等神宴求酒食責被物者、坐髡鉗、今改舍人解任、餘決杖八十、許衛府長官新任者一設宴饗、從檢非違使、請也、冬十月甲戌、太

政官奏沙彌教豐沙彌善福以惡僧四十餘人殺勸學院使日奉全吉於丹波船井郡支解之縱火民家燒殺一女子當斬石見人若杖部豐見毆殺人當絞勅減死一等並處流

十七年夏五月辛卯下總守文室甘樂麻呂飛驒奏言停囚叛火官寺殺略良民勅發兵討之令武藏上總常陸下野等國各發兵三百援之六月庚午下野言殺獲及虜八十九人秋七月乙酉下野言殺賊二十七人降俘囚四人勅殺歸降者情所不忍若非元凶宜全首領勝兵先登擒獲者量加褒賞冬十一月乙未出羽言渡

國史紀事本末

卷二十一

十一

島荒狄反殺略秋田飽海兩郡百姓二十一人勅牧宰討平之時長岡京牢獄朽敗囚人或逃逸檢非違使列當大江音人建議移獄平安改立獄門此後無復逃逸者時以下江談抄

十八年夏四月丁巳大極殿火數日不滅甲戌遣左右近衛兵衛每夜騎官馬巡警而京秋七月戊戌彈正臺奏請二事其一曰弘仁格云不責引流水於內唯禁露汙穢於牆外此後有勢之家都無掃清此類貶考奪祿而天長五年格停奪考祿設贖銅法厥後懲肅之責涉年無聞遂使京坊荒蕪橋梁破絕望請停贖銅法貶奪

考祿其二曰公式令云親王及五位已上有犯應須亂彈而未審實者並據狀勘問不須推考委知事由大者奏彈然則奏問必在推問之後今諸司有罪占之不來非設新制何以懲惡望請諸司不應臺喚過三度者並移式部兵部等奪李祿詔從之

陽成天皇元慶元年冬十二月丁亥能登佐渡始置檢非違使一人帶劔把笏

二年春正月京師多盜遣左右近衛官人巡夜二月癸巳夜盜剽取紫宸殿軟障近衛舍人捕之三月出羽俘

夷反事見出羽之亂

國史紀事本末

卷二十一

十二

三年秋九月辛卯奪左近衛府官人品治繼香山宗守等十六人官以陵辱丹波守橘良基也冬十二月庚子太政官奏右京人井上直繼毆殺井上真雄紀伊浪人當麻岑吉射殺健部今雄並當斬但馬人日置部是雄等放火燒不動橋二十三十八斛餘依格應格殺佐渡浪人高階利風殺雜太圍權校尉道宗雄盜高階有岑財物當絞勅減死一等並處流

四年冬十月丙午太政官奏曰安倍吉岡誣告大逆罪當斬詔減死一等處遠流十二月癸未清和太上皇崩丙戌遣檢非違使放左右獄囚徒二百人先是大膳史

生矢田部氏永偽作諸司叔文盜淡路鹽代米五十餘斛尋偽作備前讚岐等未収文發覺下獄出納諸司連坐下獄者衆是日皆得出獄獨氏永先死

五年春二月丁亥彈正臺言臺印爲盜所掠夏五月戊午太政官下符山陽南海二道諸國追捕海賊庚申遣左衛門少志紀貞城等於山城攝津播磨諸國捕海賊冬十月辛卯太政官奏左京人官門有常殺有道令出麻呂備中人真髮部成道殺大市貞繼檢非違使覆案當斬詔減死一等處流

七年春二月丙午上総介藤原正範飛驒奏言市原郡

國史紀事本末

卷三十一

十三

倭因四十餘人作亂盜官物殺略人民即時發兵追擊而倭因燒民廬舍逃入山中料非數千兵不獲擒戮勅曰倭夷僅四十餘人何足馳羽檄速發兵追捕正範尋使大掾文室善友等擊平之乙卯正範飛驒奏捷戊午太政官下符上總曰捷奏既至知袍鼓一鳴風塵永靜大掾善友及將吏勇畧皆達旒聽宜消餘盜莫令重燃若狼心無悔則滅渠魁秉性有峻務加撫育今後事非機急發遣脚力報太政官不得輒馳驛上奏乙丑內藏寮舍人津守小吉入御服倉盜絹四十匹捕下獄夏六月丁酉筑後掾藤原近成帥其黨百餘圍守都御所館

射殺之掠奪財物傍吏聞亂馳救賊已逃太宰府遣少監中原長城等率兵搜索庚子奏變京師秋七月癸未太政官下令太宰府司曰牧宰之官委寄任重而賊徒殺之何惡之甚筑後去太宰府半日程繼即夜不能救明日何不益兵追擊且管部之亂責在府司虎兕出柙是誰之過長城既發月餘未聞擒獲豈長城逗撓不進歟抑府司無意誅惡歟重致懈緩國有常刑冬十月壬寅以左衛門權佐藤原良積爲推問筑後殺害使庚戌先是備前言境內海島多爲賊所據遠近被害因擇浪人有勇者二百二十四人給兵器舟楫扼守要害請別

國史紀事本末

卷三十一

十四

出舉公廨稻二萬束收息利以充糧食是日許之十一月癸酉源益侍殿上被格殺事秘無聞焉益從五位下蔭子嵯峨帝曾孫也

八年夏六月己酉太宰府奏前年八月捕獲賊類須加覆鞠而監典等或出使未歸請遣朝使勘亂廷議遣彈正少弼安倍肱主等推問士子先是石見通磨郡大領伊福部安道等帥百姓二百餘人圍權守上毛野氏永責其改年法奪印匙驛鈴殺傍吏氏永逃匿介山下氏則家夜聞人聲喧囂以爲氏則與賊合謀來攻抽劒傷氏則妻奪其衣逃去匿山中掾大野安雄索而捕之幽

閉倉中、植於地、縛其手足、是日遣式部大丞坂上茂樹、推問盜夜入民部庫院倉、竊米一斛五斗、行夜者捕之、盜引刃自刺不死、遣檢非違使送之獄、秋八月壬辰、勅上總括逐境內浪人、以其侵陵吏民也、

光孝天皇仁和元年冬十二月壬申、下信濃守橘良基於刑部省、先是信濃民辛犬甘秋子訴太政官曰、家口八人爲坂名井子繩麻呂所燒殺、詔遣使推問、子繩承服、乃使子繩至京、良基故縱子繩、更捕秋子、令子繩毆之、秋子訴冤、詔使還奏、乃召良基訊狀、癸酉太政官奏、筑後賊藤原近成當斬、詔減死一等、處遠流、於是殺國

國史紀事本末

卷三十一

十五

司者不死、夫是歲備前人山吉直等殺讚岐人宗我部秀貞等、滅光嚴流、右京人大石橘麻呂私雕官印、偽作官符、賣官地于穀百五十斛、而從寬典、近江檢非違使犬上春吉、訴權醫師神人氏岳盜官物、違判事、藤原棟景等推問、美濃多藝郡大領刑部春雄有罪、其父告之、令國宰推斷、

二年夏五月庚寅、奪石見權守上毛野氏永大領伊福部安道、掾大野安雄官、丙申、奪諸國司經年不赴任者告身、並降一階、

三年春二月乙巳朔、大藏省奏言、昨夜盜穿正藏院庫

壁竊官物、違檢非違使索焉、己酉、奪美濃下野若狹能登越中、越後丹後、但馬、因幡、伯耆、石見等國司位祿公廨、以貢調違期也、舊制貢調違期、國司五位已上科違勅罪、六位已上決笞六十、至是改之、夏五月壬辰、石見言、罪人大野安雄脫禁逃亡、下符山陽道追索、是月大炊寮宰多米貞成告助、已下出納諸司、犯用官米七百餘斛、因停釐務、令宮內大丞藤原在興等行寮事、帝時參議源光嘗著深紅襖子、深紅禁色也、檢非違使小野春風進跪光後、請割其衣、光默然、婦家褫去、不復服用、時論譴之、帝時已下政事要略

國史紀事本末

卷三十一

十六

宇多天皇寬平三年秋九月戊午、禁諸國綱領奸官物、及京貫人庶王臣子孫就姻逐業、遂居畿外、又禁畿外百姓奸附京畿戶籍、類聚三代格五年秋七月乙酉、重搜括陸奥出羽、通逃仕王臣家、及流寓京畿者、還本鄉、上全

六年秋七月丙子、禁諸院諸官諸司諸家強雇往還舟車人馬、九月、禁諸國檢非違使補無位人、始以六年爲一秩、上全冬十一月戊子、晦、使檢非違使每旬巡察大井與度山崎大津、政事要略禁諸國百姓稱王臣人騷擾部內、

類聚三代格

七年春二月己酉、勅近者囚徒滿獄、科決猶遲、或所犯是輕、禁錮日久、或本罪既重、徒斷終身、獄官之道、理不可然、是以去年十月五日、定左右檢非違廳、每日行政之狀、而猶尚遲緩、不肯遵行、自今以後、宜依前勅、所行條目、每日奏之、又勅、囚禁待斷之日、身命難存、是則左右欲具官之所致也、自今以後、五位及尉志生并四員在者、宜聽其政、勿待具官、政事略

八年夏四月癸未、禁諸院諸官王臣家以百姓請託爭訟田宅資財、類聚三代格

醍醐天皇昌泰二年春二月、京師連月多盜、放火殺人、

國史紀事本末 卷二十一 十七

勅使四衛府官人巡警、丁丑聞群盜匿野宮、遣檢非違使搜捕之、不獲、日本紀略

三年夏五月甲寅、追捕上野群盜、先是上野飛驒使屢來、全蓋訴多盜也、

延喜元年春二月戊辰、奉幣諸社、禱平坂東諸國群盜、日本紀略

下野高座山賊藏宗藏安等擁千餘人、剽掠貢調、廷議命上野介藤原利仁討之、夏六月利仁進至

高座山下、命士卒多作機、衆恠之、夜召一卒問曰、天將雪乎、對曰、暑月安得有雪、利仁怒斬之、又召一卒問之、卒懼佯應曰、將雪、利仁悅、夜半大雪、遂明利仁命衆乘

機進攻、賊飢凍不能拒、利仁縱兵奮擊、大敗之、斬獲甚衆、鞍馬源起

二年秋九月乙巳、駿河言富士郡官舍為群盜所燒、扶桑記是月藤原有度髡鉗越後守紀有世、遣使推問、日本紀略

四年春三月丁酉、盜射殺前安藝守伴忠行、日本紀略壬寅、左衛門志高仁捕獲賊首、扶桑記夏六月壬子、檢非

違使捕獲羣盜、賞賜有差、西宮記五年秋七月乙酉、逮捕博徒、日本紀略冬十月戊子、飛驒言、

盜殺守藤原辰忠、并其妻子、扶桑記六年秋九月庚午、戮鈴鹿山賊十六人、日本紀略

國史紀事本末 卷二十一 十八

十三年春正月辛未、以太宰大貳源依不赴任奪官、日本紀略十四年夏四月、式部大輔三善清行上封事曰、伏按職

員令判事六人皆掌決斷人罪、近古以來、大判事一員、常用律學之人、其外五人未必任明法之策、寬平四年

詔省四人、唯置大小判事各一人、然猶大判事獨用法家、小判事亦非其人、今按詔旨、竊有疑惑、何者、聖主之

政、刑法為大、昔皋陶以大賢為理、帝舜猶誡云、欽哉、欽哉、惟刑之恤、光武以明察詳刑獄、桓譚亦奏云、法吏愛

憎、刑開三門、然則疑獄之斷、古今所難、而今摠萬民之

死生繫之於一人之脣吻、括五刑之輕重、決之於獨見之讞書、已平閱實之理、恐貽濫罰之科、近安藝守高橋良成之罪、大判事惟宗善經處之、遠流、以禦靖魃、奏下已畢、官符亦下、儻依刑部大錄粟田豐門之駁議、良成之身、幸蒙赦免、朽骨再肉、遊魂更歸、○良成、旗本、見、日本紀、前年二月、然則法律出入、難可取信、天下喁喁、莫不危懼、伏望依舊置判事六人、皆擇明通法律者補任之、使之具議、科文、詳定條章、各愷其意、然後奏聞、如此則怨獄永絕、罪人自甘、不待扶南之鰥魚、豈用堯時之獬豸、又曰、諸國檢非違使掌糾境內之奸濫、禁民間之凶邪、實國宰之

國史紀事本末

卷二十一

十九

爪牙、兆庶之衝策也、必須明習法律、兼詳決斷、而今任此職者、皆是國中百姓納贖勞料者也、徒費公俸、不堪差役、空帶其名、曾非其器、猶畫餅不可食、水吏不能言也、伏望監試明法學生充任此職、其試法一如明經國學之試、國中追捕及斷罪、一向委檢非違使、猶京下有判事及檢非違使也、又曰、六衛府舍人皆須每月結番曉夕警備、而今散落或在千里卸驛之外、百日行程之境、豈得門籍編名宿衛分番乎、此皆部內強豪民間凶暴者也、國司依法勘亂其事、則駿奔入浴、即納錢貨、買為宿衛、或帥徒黨、劫圍國府、或奮老拳、陵辱官長、凡厥

蠹害、非唯疥癬夫以選置衛卒、為倫警急、而今遠在旬服、不居京畿、若有急者、奔赴無及、然則徒為諸國之豺狼、曾非六軍之驅虎、望請諸衛府舍人充補之後、不得歸往本國、若有寧歸者、各限假日、取本府牒附送國衙、不得限外留連、若猶懈緩不還者、國宰且解其職、且錄事狀牒送本府、如此則獲臂比肩於門欄、狗吠休警於州壤、○意見、封事、

十五年春二月辛未、信濃飛驒奏、上野介藤原厚載為上毛野基宗等所射殺、三月乙酉、武藏言獲殺厚載者三人、○日本略、

國史紀事本末

卷二十一

二十

十六年秋八月甲午、配流下野人藤原秀鄉、藤原兼有等十八人、從國司請也、九月乙酉、初藤原厚載之遇害、大掾藤原連江旁觀不救、與賊魁耳語、是日令國司推驗、冬十二月己丑、令京畿七道搜捕出雲流人逃亡者上毛野良友等七人、○全上、

十七年秋九旱連月、羣盜橫行、○全上、

十九年夏五月己丑、武藏驛言、前權介源任燒府舍、掠官物、謀襲守高向利春、○秋桑、帝勵精圖治、○神皇正統記、然承

歷朝姑息之弊、盜賊日多、嘗夜遙聞哭聲、令藏人覓之、藏人還報曰、九條堀川民家有婦人號哭、帝曰、捕其婦

來藏人往問其婦婦曰吾夫爲盜所殺號哭益甚藏人不
敢違詔捕之而至帝曰彼哭聲非真得無奸詐乎令
檢非違使考問果與惡少謀殺其夫者也乃遣人捕惡
少皆下獄聞者驚服今昔物語

朱雀天皇承平元年春二月丙申以京師多盜令近衛
衛門檢非違使每夜巡警扶桑略記

三年春正月丁酉左大史坂上經行夜經皇嘉門群盜
劫之奪其衣日本紀略庚子勅諸衛騎官馬巡察日本紀略

夏五月民部史生諸藤殺侍從源宗城并其母冬十二
月南海道海賊起己未遣警固使於諸國扶桑略記僧某爲

國史紀事本末 卷三十一

二十一

豐後講師任終還京舟中多載財貨從者皆憂海賊僧
笑曰孰敢掠吾財者已而賊船來逼僧紹曰我伊佐平
入道也嘗在東國屢經戰陣今老矣餘生不足惜卿等
欲獲吾財先斬吾頭賊聞之駭懼皆迴船逃去今昔物語伊
佐蓋以勇聞者也

四年夏四月壬辰奉幣諸社祈平海賊扶桑略記五月戊辰
遣使奉幣山陽南海二道諸社祈平賊日本紀略秋七

月甲子遣兵庫允在原相安帥諸家及武藏兵士追捕
海賊扶桑略記冬十月己丑定追捕海賊使日本紀略十二月土

佐守紀貫之任滿還京舟中懼海賊追尾每阻風狼狽

祈神僅而得還京土佐日記貫之善和歌嘗奉敕撰古今和
歌集本書

五年夏六月辛卯奉幣諸社祈平海賊日本紀略秋九月癸
己朔左衛門少尉小野惟幹等捕獲盜十三人勅內藏

寮賜綿扶桑略記是歲下總人平將門殺常陸大掾平國香
將門日本紀略

六年春三月甲午修大元法於豐樂院厭除海賊辛丑
又修於治部省日本紀略夏六月南海道賊聚黨數千以千

餘船橫行海中扶桑略記以從四位下紀淑人爲伊豫守追
捕海賊賊徒聞其寬厚皆降南海始平日本紀略

國史紀事本末 卷三十一

三十一

天慶二年春三月丙午命祭主禰坂東兵革申嚴六府
宿衛夏四月戊子出羽言倭因作亂庚子索盜日本紀略五
月丙辰奉幣諸社禰兵革庚辰令諸社及十五大寺禰
坂東兵革外記秋八月己酉尾張言盜射殺守共理日本紀略

是冬平將門反藤原純友應之事見將門之亂甲斐信濃國
司請帶劔許之朝野群載

三年春二月平將門伏誅將門記

四年夏五月藤原純友伏誅扶桑略記

五年夏四月癸未晦羣盜掠京極民家遠近驚擾六月
壬午晦檢非違使圍故致仕大納言某家捕盜魁橘近

保不獲日本

七年春二月己酉盜殺美濃介橘達保全速保嘗擒藤

原純友扶桑記蓋其餘黨報怨也

九年下總守菅原明依兼押領使給隨兵三十人朝野群載

村上天皇天曆元年春二月庚午伯耆言藤原是助率

兵四百餘火國人物部高茂等家壬申下官符於伯耆

出雲因幡美作諸國蓋討賊也甲戌鎮守府將軍平貞

盛奏賊坂丸作亂官符勘其狀日本略貞盛嘗誅平將

門勇名著聞故朝廷使之鎮東陸而賊徒無所畏如以

貞盛嘗還京師欲宿一僧家僧辭曰賀茂忠行為我莖

國史紀事本末 卷二十一 二十三

謂今夜必有盜難將軍勿留貞盛曰師有戒心但當留

我防衛奈何拒我僧役之夜半羣盜排門而入貞盛起

執弓箭乘闇溷入賊中詐指虛室曰彼有貨財賊不覺

爭赴之貞盛從後射斃一人呼曰追者在後何不避箭

一賊曰奴輩箭鋒不足畏貞盛又射殺一人頻發鳴鏑

賊大懼爭門逃走貞盛追射又殺數人擒一人考問盡

搜捕其餘黨世盜服其驚勇今昔物語壬午群盜掠賀茂齋

院夏四月戊午公卿議定前伯耆守忠明殺賀茂岑助

之罪乙丑盜入兵庫寮秋七月辛丑諸衛舍人與式部

卿重明親王家人詬爭將鬪敕止之日本

二年春三月京師多盜丙子入右近衛曹司竊物戊寅

使四府馬寮巡夜夏四月壬午敕諸衛嚴備盜賊五月

辛酉羣盜白晝掠西河民家六月戊寅朔盜入勸學院

癸巳使衛府官人索京師惡黨冬十二月盜屢入禁內

或奪朝士衣甲寅盜入左少辨小野好古曹司是夜令

諸衛巡警上

三年春正月庚申東大寺僧徒數十人將訴別當寬救

不法相率入京宿式部少錄賀陽真正家乍忿爭格鬪

有死者夏六月戊寅太上皇下人與諸衛舍人鬪爭毀

其宅戊寅諸衛舍人數百毀上皇御厨預中務丞佐忠

國史紀事本末 卷三十一 二十四

宅上

四年夏五月先是下總守藤原有行奏曰諸國司兼押

領使并給隨兵其例甚多近時則前司菅原明依天慶

九年兼押領使給隨兵三十人今坂東諸國多盜所在

殺掠請准舊例兼押領使以追捕之是月許之朝野群載

六年春三月戊午以越前國司請罷追捕押領等使冬

十一月出雲國司請以清瀧靜平為押領使捕部內羣

盜許之上

八年盜殺駿河益頭郡司伴成正判官代永原忠藤上

九年盜殺駿河介橘忠幹上

十年夏六月、近江國司請以是茂為追捕使、捕部內凶黨、駿河國司亦奏曰、方今坂東奸猾恃險棲集、侵害百姓、而國宰不具兵仗、無由追捕、往年郡司伴成正判官代永原忠藤介橘忠幹皆罹凶害、禍亦慘矣、夫甲斐信濃非有關塞、然承平天慶之間、國司皆得帶劔、況本國東接相摸足柄關、西接遠江榛原郡、境內又設清見橫走兩關、以備非常、不有兵仗、何以應變、請准諸國國司郡司雜仕得帶劔、並許之。上、全

天德元年冬十一月壬子晦、盜入大藏省長殿、竊鐵等。上、全

國史紀事本末 卷三十一

二十五

二年夏四月辛酉、盜毀右獄奪囚八人、殺一人於獄門、壬戌命六衛府兵庫官人搜捕之、乙丑右衛門少尉小野國興獲囚八人於攝津、射殺二人、秋七月丁酉、盜入大藏省。上、全

四年夏四月丁亥、式部省史生正雅傷、式部大輔橘直幹、戊子捕正雅。上、全五月戊申、賊倉橋弘重等掠武藏、權守源滿仲家、滿仲射中弘重、縛而詰問、悉得黨名、勅搜捕之不獲、獲紀近輔於成子內親王家。古事談、今昔物語、秋九月禁中大神鏡罹災、日本、秋、冬十一月、京師多盜、庚戌使檢非違使諸寮官人行夜、西宮

成使檢非違使諸寮官人行夜、西宮

康保二年秋七月壬申、雅樂寮火、樂器悉焚。日本、冬十月癸亥、兵庫火、累代戎器悉焚、秋、果、記

冷泉天皇安和元年夏五月壬寅、盜殺攝津介在原義行、秋九月丙申、索捕近京山野羣盜。日本、記、略

二年春二月甲寅、右大臣藤原師尹家人與中納言藤原兼家家人鬪、殺一人、遂攻兼家第、兼家壯士數人被髮提鉞力拒、師尹家人射殺其一人、三月癸卯、左馬助源滿仲等告中務少輔橘繁延等謀反、連坐者眾。上、全

圓融天皇天祿元年夏四月癸酉、冷泉院廐人與文範仕丁私鬪、檢非違使永保欲捕之、廐人毆傷永保、流血

被面。上、全

國史紀事本末 卷三十一

二十六

三年夏四月丙辰、群盜掠紀伊守藤原棟和家、五月丙子、施藥院判官犬養常行為盜所射殺。上、全帝嘗以平貞盛為丹波守、子維衡從在國、貞盛適患惡瘡、口瘍醫於京師、問之、醫曰、不得胎兒、瘡不得愈、貞盛乃召維衡告

以、故曰世豈有孕婦可殺者乎、今汝婦有孕、為我殺之、維衡佯諾、貞盛悅、維衡告之醫、醫乃諭貞盛以血胤不

中用、貞盛更索孕婦殺之、醫取胎兒製藥、瘡果得愈、貞

盛賞以良馬衣糧、密謂維衡曰、朝廷嘗使我鎮陸奥、是

倚賴我也、今無故而殺人、萬一泄露、無乃獲譴乎、汝為

我殺警以減口。維衡曰：兒待彼還京，殺之山中，宣言為盜所殺，誰復疑者？乃往告警曰：父命不可拒，如何？警惶駭乞命。維衡曰：父必使判官代送卿，卿往踰山，宜使彼騎馬，吾偽為不知殺之。警夜發如其言。維衡遂射殺判官代，還報曰：警既死矣。貞盛悅，已而聞警不死，召維衡詰之。維衡曰：彼騎馬而發，故兒闇中射殺騎者耳。豈料其使人代騎乎？貞盛乃止。今昔物語當時國司犯法妄殺蓋如此。

天延元年夏四月丁未，盜火前越前守源滿仲家，煙燄甚熾，延及三百餘家。越後守宮道弘氏未救，為賊所射。

國史紀事本末

卷三十一

二十七

殺帝。武人警衛禁內，滿仲以勇武聞，而盜屢嚴之，其凶猛如此。日本紀略神皇正統記：其後朝廷稍衰，而桓武平氏清和源氏相繼為將軍，滿仲貞盛為之巨擘，子孫遂以武相抗云。

三年夏五月庚子，盜入大炊寮倉。六月丁巳，六衛府官

人執弓箭詣陽明門，訴諸國司不給大糧米，設幄以待。

命在京國司處斷之。日本紀略

衆乃往，越前守藤原為盛家

設幄於門責之，為盛具饌引之，饒供薄酒鹽魚，謂衆曰：

僕初非有所吝惜，以負公等。僕嘗累歲求官不得，幸而

得之，又不幸而遇大旱，國中野如赭，妻子糠豆不贍，所

以負公等也。言訖大哭，衆愧謝，適盛暑，衆皆飢渴，恣意飲嗽，頃刻皆病，吐瀉狼籍，此後不復往國司家。今昔物語

十月丁未，盜入施藥院。日本紀略

貞元元年春三月乙未，索東西京盜。今昔物語夏五月丁丑，禁

內火。日本紀略

天元元年春三月，海賊殺備前介橘時望。日本紀略

二年夏五月庚子，下野言前武藏介藤原千常并源肥

等構兵相鬪。今昔物語千常秀鄉子也。尊卑分脈平良文源宛皆嘗

居東國，恃勇不相下，或謂良文曰：宛常侮公，屢有慢言，

良文大怒，詈之。宛聞之，亦怒，遂剋日約戰，帥兵數百出

國史紀事本末

卷三十一

二十八

陣於野，聯旌相射。良文遣使謂宛曰：單騎決戰足矣，何

以衆為？宛然之，進馬相射。二人皆巧避箭，箭不能中。良

文呼曰：吾等非拙於射者，而今如此，是無優劣也，何必

相仇？請輟戰，結驩。宛曰：善，乃講和而還。今昔物語良文子貞

道，宛子渡邊綱，皆事源賴光有勇名。卷三

三年秋九月癸丑，盜入弘徽殿，曹司竊器物。冬十一月

辛酉，禁內火。日本紀略

四年春正月壬子，齋宮寮火。二月丁丑，采女廳司火。今昔物語

五年春二月辛巳，織部司小屋火。壬午，盜夜露，又登弘

徽殿，捕獲之。先是海賊群起，調庸道梗，至是益熾，丙戌

伊豫言、獲賊魁、能原兼信及黨與十五人、是月京師多

盜、放火、劫掠、庚寅以檢非違使憐怠、勅令修其職、記、小右

夏六月乙丑、盜火式乾門、竊雜器、記、小右宿直官人問狀、本

丙戌以諸衛不勅、出入猥濫、令使廳伺察、記、小右冬十

一月乙巳、禁內火、日本紀略

永觀元年春二月丁未、敕檢非違使捕京畿私帶弓箭

兵仗者、案之、秋八月甲申朔、盜鑿式部省壁、竊省試詩

下史生以下四人於獄、冬十月癸未朔、盜入內膳司、竊

平野庭火釜、日本紀略左近衛權中將藤原公任一日路遇

縛僧者、問之、曰、此弑其主者也、公任曰、何恃逆乃爾、僧

國史紀事本末 卷三十一 二十九

作色而去、又遇縛一人者、問之、曰、罪人逃入人家、索之

已逸、因縛此人耳、公任憫之、為請而釋之、僧遇赦得出、

恨公任不救、欲殺之、一夕伺公任賞月、踰牆掖之而去、

入山中、投之積薪上、方放火、乍有人發矢、僧驚逃去、其

人來滅火、救公任、即前日囚人也、公任乃得還家、宇治拾遺

二年夏五月乙亥、制非職帶兵者、罪當杖、秋八月甲辰、

帝讓位皇太子、是為華山天皇、日本紀略帝親任權中納言

藤原義懷權左中辨、藤原惟成、二人傾心輔政、紀綱大

振、大鏡時太宰府有私帶兵者、帝即位僅十日、府中無敢

帶者、江談抄

華山天皇寬和元年夏四月乙酉、衛府官人奏追捕海

賊、賜物賞美、小右五月、先是左兵衛藤原齊明傷播磨

介藤原季孝彈正少弼大江匡衡逃亡、下符諸國索捕、

至是播磨掾惟文王誅齊明於近江、獻其頭、勅梟之、獄

門、秋九月己亥、盜入齋王野宮、竊侍女衣、日本紀略

二年夏六月、先是右大臣藤原兼家惡義懷惟成秉柄

子道兼勸帝避位、是月帝遂去位、薙髮、二人亦皆為僧、

榮華物語紀綱復弛矣、

一條天皇永延元年春正月癸巳晦、申禁私帶兵仗、日本紀略

夏四月甲辰、盜入主稅寮文殿、扶桑略記秋九月丁卯、伊

國史紀事本末 卷三十一 三十

勢神人奉梓神木詣陽明門、訴國司清邦、百鍊抄冬十一

月丙子、兵庫火、日本紀略

二年夏六月戊辰、諸陣戒嚴、索盜藤原保輔、捕獲下獄、

日本紀略保輔、右馬權頭致忠子、丹後守保昌弟也、尊卑

猾無行、為阱於家、屢誘殺商人掠物、人頗知之、而不敢

詰、宇治拾遺適有盜掠、故三位國章家時人疑為保輔、檢

非違使捕其從者、鞫問從者款服、保輔已逃亡、聞其匿

中納言顯光家、往索已去、命致忠限三日縛進之、衛府

官人警衛禁內、京師駭擾、致忠索之不獲、乃囚之左衛

門弓場、保輔入花園寺薙髮、走、大將隨身忠延家、忠延

紹而捕之、保輔窘盛、剗腹不殊、乃下獄、庚午死於獄中、續古事談致忠坐免官、日本紀時有大盜袴垂者、尤為凶悍、嘗

見保昌夜行、欲劫之、奪衣、提刀追尾、保昌吹笛不顧、袴

垂意畏其勇、欲發且止、保昌乍停笛回顧、袴垂不覺首

服、保昌曰、我嘗聞汝名、汝亦一壯夫、從吾來、復吹笛徐

行、還家取絮衣與之、曰、乏則復來、慎勿作劫、袴垂嘗被

捕、遭赦而出、身無寸縷、乃往郊外佯死、路人環觀、平負

道適來過、見衆問故、橫弓瞋目而去、衆笑之、已而衆散

去、有一武夫駐馬戲、以弓撞袴垂、袴垂突起、搏而墮馬、

奪刀殺之、悉褫衣服、奪弓箭、跨馬馳去、群盜往往來從、

國史紀事本末

卷二十一

三十一

每遇路人、掠奪衣服、弓馬擁袴垂而去、聞者始服貞道

之智、時群盜橫行都下者累歲、都人莫不畏避、前筑後

守、源忠理嘗夜宿人家、聞牆外有竊語者、乃忠理家奴

引群盜謀以明夜掠忠理財也、忠理明日還家、始奴令

他往、潛運資財托入、令妻子避去、奴夜導群盜家、無一

物、盜大怒、縛奴而去、平維時家士坂上晴澄在京師、嘗

夜行、忽聞騶呵、以為貴公子、下馬俯伏、衆直來圍、仰視

乃群盜也、皆探甲注箭、晴澄不敢動、盜遂奪衣馬而去、

阿蘇史某夜還自禁中、度有劫徒、上車脫衣、藏之席下、

裸體而坐、比過美福門、群盜要之、從者駭散、盜揭車簾

見史赤體、怪之、史曰、向過大宮、遭如公者、衣服已付之

矣、盜笑而去、今昔物語當時凶黨衆多、無所畏懼、率此類也、

永祚元年春二月丁巳、廷議尾張百姓訴守藤原元命

虐政、百鍊抄日幸西內藏寮權曹司火、小右記秋七月庚

子、敕捕藤原真正等、以殺三國雅憲也、冬十一月庚子、

大原野祭、左兵衛少尉出雲滋之、三善孝道爭杯酒相

鬪、左衛門少尉上毛野忠時救之、二人從者射殺之、檢

非違使藤原惟風遣者督長檢察、亦被射傷、遂不得行

祭而止、日本略記

國史紀事本末

卷三十一

三十二

官藤原有國坐嫌疑、除名、上全

三年冬十一月癸巳、盜入齋院、已未晦、阿波追討使源

忠良以海賊首十六級、降賊二十餘人、還京師、十二月

壬戌、梟賊首於東獄門、奪阿波守藤原嘉時官、以忠良

代之、以嘉時為賊所侵掠也、上全

五年春二月壬辰、盜火後涼殿、百鍊抄已亥盜火弘徽殿

飛香舍、三月甲寅、奉幣十七社、祈獲行火賊、戊午、令源

滿政平維時、源賴親、源賴信索盜、日本紀賴信兄賴光一

日過賴信家、見旣繫一人、問之、曰、鬼同丸者也、賴光曰、

縛鬼何太緩也、賴信乃繫以鐵索、鬼同丸忿怒、夜斷鐵

索偵賴光賴光適醉卧賴信家乃潛上仰塵將下擊賴光覺之呼役士警衛謂之曰明日吾當詣鞍馬鬼同丸聞之去至市原殺野牛剗其腹匿身以待明日賴光至見牛群遊命從士為牛追物之戲渡邊網射中死牛牛忽起立鬼同丸揮刀跳出直逼賴光賴光迎擊斬之今古集聞滿政滿仲弟維時貞盛孫賴親亦賴光弟也尊卑分脈賴信與藤原保昌平維衡平致賴齊勇名十訓抄而賴信子孫有賴義義家維衡之後有正盛忠盛它人莫能及也丁丑奉幣伊勢以下諸社祈獲盜日本紀畧祈獲盜據百鍊抄長德元年春正月丙辰鴨院火夏六月丙申右近衛府

國史紀事本末 卷三十一

三十三

應東西倉火冬十月辛丑盜殺右衛門尉忠致於攝津

日本紀畧

二年夏四月甲午貶內大臣藤原伊周為太宰權帥見事

外戚攝政秋八月甲子盜殺前齋宮寮頭為正日本紀畧

三年春三月庚寅盜掠備前守致速第辛卯盜掠上總

權介季雅第夏四月丁巳盜二十餘人掠中納言惟仲

第戊午盜入右少辨曹司上全

四年冬十二月丁亥盜入宣耀殿上全是歲陸奥守藤原

實方卒於任尊卑分脈平維茂在陸奥與豪族澤勝師種爭

田嘗訴之實方師種秀鄉孫維茂貞盛養子皆驍武實

方不能決及平二家益相惡遂集兵剋日會關維茂得三千人師種以眾寡不敵避之常陸維茂兵稍稍散去師種聞之乘夜襲維茂維茂家臨大池維茂聞水鳥驚噪曰必澤勝也帥二十餘人出拒師種縱火維茂不能支被髮著婦人衣冒煙逸去匿叢葦中家士皆戰死師種驗視焚尸以為維茂死乃還維茂兵百餘在外者聞變未聚皆哭維茂呼曰吾在斯眾驚喜維茂乃欲追擊眾以兵寡止之維茂曰吾之不死天也但當一戰雪恥彼雖眾既疲不足畏耳遂追師種師種不知路過妻兄大君大君曰卿戰甚壯顧彼亦勇將卿提其首來否師

國史紀事本末 卷三十一

三十四

種曰彼闔家焚死何以其首為大君曰否我熟知彼才不獲其首事未可知卿疾去師種笑而去大君使人追贈酒饌謂家人曰必有追兵汝視之俄而有眾馳過其門遣使告曰平維茂戰敗遁逃大君呼家人問狀曰騎百餘皆健馬一人戴笠著行膝蓋主將也馬最大而神駿大君曰此名馬大茸毛也將勇馬駿孰能當者澤勝死矣師種既去駐軍山麓適得大君酒饌脫甲酣飲須臾維茂追及從山上馳擊師種驚愕維茂射殺之進襲其家悉殺其眾擒師種妻送之大君而還維茂遂以勇聞東國時武人驚橫往往殺人而無所畏源賴信嘗飲

於賴光家顧平貞道曰駿河人某無禮於我卿為我殺之貞道驚以為彼欲殺人乃顯言於衆粗妄甚矣已而遇其人於途駐馬談語其人曰聞子為賴信留我有諸貞道曰彼特妄人耳其人喜曰吾無憂矣且子縱欲殺我我無備乎命乃去貞道惡其傲旋轡射殺之斬首獻賴信賴信賞以鞍馬日向守某任終待新司令一書生寫簿書改竄舊文書生知其欺新司大懼將逃去某令壯士晝夜監護不得聞二旬而簿書成某賞以絹四匹命家士擁書生而去書生驚怖密問之家士曰吾受命殺子書生知不免乃曰死不敢辭願得過家見母家士

國史紀事本末

卷二十一

三十五

許之乃過其家見老母妻子具告以故皆悲慟家士遂以書生入林中射殺之聞者歎曰前司殘虐何異盜賊今昔物語右衛門尉某父有惡疾某厭之從伊豫還京師遂擠父於海聞者惡之某尋設孟蘭盆會僧道命賦和歌誚之枕草子

長保元年夏六月乙丑禁內火日本紀略冬十二月丙子先

是散位平致賴與前下野守平維衡構兵而戰死者甚衆召而推問因之左右衛門府弓場藤原致忠殺前相模守橘輔政子及家人於美濃輔政訴之遣掄非違使藤原忠親等勘問今昔物語是日流致賴於隱岐從維衡於

淡路流致忠於佐渡日本紀略三年冬十一月乙酉禁內火日本紀略四年冬十月乙亥右兵衛府火日本紀略五年春二月下總守義行言平佐良火府館掠官物百鍊抄

寬弘元年春二月庚辰住吉神人五十餘人詣關訴為攝津守藤原說孝所毆傷日本紀略三月戊申宇佐宮命婦神人五百餘人守關訴太宰權帥平惟仲封閉神宮日本紀略秋閏九月丙辰廷議宇佐大官司邦利殺門司別當兼方之罪冬十二月丁未奪太宰

國史紀事本末

卷二十一

三十六

權帥平惟仲官以藤原高遠為太宰大貳日本紀略二年春二月丙戌大歌所大藏省西倉火日本紀略丙午盜殺大藏大輔平孝信秋八月己丑肥後守為隆為家人所殺冬十一月己未禁內火日本紀略神鏡再罹災小右記十二月壬寅流長岑忠義於佐渡以黨平惟仲也日本紀略三年夏四月淡路國司請以高安為正為押領使備盜賊許之朝野群載五月壬子藏人藤原定佐坐傷右少辨藤原廣業除籍日本紀略六月丙戌左衛門尉文行帶刀正輔等會於法住寺論門地忿詬正輔擲盃中文行文行將拔佩刀為一壯士所抱持正輔族人欲擒之文行脫身

下堂從者注箭來救正輔族人不肯進擒非違使別當執文行囚之弓場三日文行既出嘆曰坂東壯士必不辱人至此吾不欲居京師遂走東國續古事談卷九

月丙寅盜入鴨院記冬十月甲戌冷泉院火日本紀事秋九

四年秋七月乙丑朔筑前人大藏滿高射殺大隅守管

野重忠於太宰府滿高太宰大監種村子也全上

六年秋八月丙申以筑後守管野久信訴奪太宰大戴

藤原高遠官冬十月丙戌一條院火延喜天曆御記累

朝寶器多焚日本紀事

七年秋七月辛丑盜掠明法助教清原善澄家善澄匿

於林下盜奪物而去善澄呼曰吾識汝面明日告檢非

違使縛汝盜乃還殺之而逃今昔物語卷

三條天皇長和二年春正月戊申東三條院火日本紀事二

月己丑盜三十許人入故內大臣藤原伊周第掠物使

檢非違使索捕之法成寺冬十一月丁巳晦采女町火

延及內膳司十二月庚辰中官侍藤原惟兼殺小進藤

原惟信左大臣藤原道長捕惟兼繫之廐日本紀事

三年春二月乙丑夜禁內火日本紀事三月丁酉內藏

寮掃部寮火累代寶器藥物多日本紀事是歲帝將幸

春日社右中辨藤原定賴為行事會定賴從者與敦明

親王奴闖爭定賴怒令從者毆之幾死親王訴之帝帝

震怒勅藏人藤原永信下宣遣檢非違使収定賴從者

及用事者中務丞源光成進士橘為通藤原道長奏曰

捕諸司官人於事不細永信當傳敕於臣而今直下其

宣請先論永信罪於是帝暫停宣収定賴從者停其行

事日本紀事

四年秋八月庚寅勅今月以後諸衛官人闕急直衛三

日以上嚴加督察解其見任九月甲寅盜入西殿日本紀事

冬十一月癸亥禁內火日本紀事

五年春三月甲子令外衛舍人帶弓箭警衛陣中日本紀事

國史紀事本末 卷三十一 三十八

秋九月己巳盜入穀倉院冬十月甲戌論諸衛官人闕

直者停發務日本紀事

後一條天皇寬仁元年春正月壬戌盜入禁中瀧口內

舍人藤原長輔等射中之捕下獄二月乙亥盜殺瀧口

大藏忠親今秋七月丁酉朔盜入齋院左先是盜入

前攝政道長第掠沙金一千三百餘兩丙辰捕察捕盜

送之日本紀事

三年春三月辛未盜行火凝華舍撲滅之甲戌穀倉院

火日本紀事丁亥晦盜火常陸介惟通宅燒殺其女子日本紀事

是月女真寇對馬事見女夏四月丁酉夜盜露及劫主

殿司女於後涼殿奪其衣己亥盜火襲芳舍及藍園撲滅之時盜賊日熾前太政大臣道長憂之而不能禁也勅立賞格購索捕之記小右辨源某赴藥師寺最勝會事畢而還從者擔衣櫃前行至奈良坂乍為盜所逐左右請捕之某曰吾非滿仲貞盛之孫失一櫃不足為耻與盜鬪而被創耻也乃令左右詐呼曰吾奉詔行佛事者也汝獨不畏天子之使邪何為掠吾櫃盜聞之皆逃走盜魁方跨馬指麾乍墜崖下傷腰不能行左右縛之而至某謂盜曰吾不忍送汝檢非違使汝自今毀折弓箭勿復為惡乃棄之而還物今語首丙午右兵衛佐經輔牛重

國史紀事本末 卷三十一

三十九

衣服華靡檢非違使令看督長捕之右衛門尉為親從者奪之乃捕從者記日本夏五月戊申中務省監物局火記小右六月甲辰丹波冰上郡民相率詣陽明門訴國守不法二十四事乙巳丹波守藤原賴任差吏卒捕之記日本命檢非違使逮其魁首十餘人記小右秋八月乙未有人私闖露刃入禁中太皇太后宮大進源賴國佐渡守有孝捕獲之記小右賴國賴光子也分尊卑四年冬閏十二月太宰府言南蠻賊掠薩摩人詔討之記左經治安元年夏四月庚戌高松殿火記日本

三年春二月己未盜火麗景殿撲滅之上全萬壽元年春三月丁酉京師有盜為人所逐入散位顯長母家執母為質檢非違使捕而梟之冬十一月丁未勢多橋火上全

二年秋七月壬寅大炊寮廳火記小右三年夏四月己巳伊勢在廳及百姓訴國守執政令左中辨經賴問之記日本

四年春正月己酉檢非違使捕罪人內大臣隨身安武等奪之下令搜捕庚戌捕罪人下獄上全二月戊戌右近衛府晝書寮火累代寶器罹災日本記畧是月盜數劫

國史紀事本末 卷三十一

四十

路人記小右又入禁中褫奪女官衣服秋七月戊午從三位藤原道雅遊帶刀長高階順業家袴蒲大獲而還順業令家人追截道雅輓索以辱之觀者如堵日本記畧冬十一月乙丑盜入勸學院記小右

長元元年夏五月丁巳糾察非武官帶弓箭往來街路者記左經六月平忠常反事見源氏平東國冬十月甲戌金峯山

僧百餘詣陽明門訴大和守藤原保昌苛政壬午京師火延燒五百餘家十一月己亥京師火日本記畧己未夜盜劫女子於殿上奪衣記小右瀧口藤原忠道射殺之日本記畧

二年春二月壬午盜入禁中曹司取女子衣物記小右

三年春正月辛未盜殺女子於豐樂院壇上冬十月丁未流伊賀守源光清於伊豆以殺伊勢神民也日本紀事

四年春正月乙丑先是大藏滿高以怨殺大隅守菅野重忠亡命變姓名稱良國王用式部卿敦平親王薦叙

四位至是事覺遣外記至親王家質問毀其位記三月

辛酉停親王贅務上公救捕滿高小右是日命法官論安

房守平正輔前右衛門尉平致經私鬪罪日本紀事致

經致賴子勇敢善射箭尤長大世呼曰大箭左衛門尉

致賴嘗以私鬪配流今昔物語致經亦犯法父子恃勇好鬪

如此夏四月己酉賀茂祭有人飛礮中齋王輿令檢非

國史紀事本末 卷三十一 四十一

違使索捕是月平忠常降秋八月癸未以齋宮頭藤原

相通妻作大神宮寶殿於私室誑惑庶民流相通於佐

渡妻於隱岐日本紀事

五年夏六月辛丑盜殺安藝守紀宣明傷其妻秋八月

庚子囚前武藏守平致方於左衛門弓場以其子傷人

也上公九月乙未以出雲守橘俊孝造為杵築社神託授

人官位流之佐渡日本紀事冬十二月乙巳九條御廐火日本

六年春正月癸丑盜入東宮及御息所竊衣物丙午以

盜入禁中奪左衛門官人關宿直者職秋八月甲寅以

豐後守藤原棟隆訴下權守藤原有道於左衛門弓場

將藤原資房除籍日本紀事

七年冬十月丁丑刑部少輔藤原經平坐與侍從良貞

私鬪除籍左經記

八年秋七月己亥前壹岐守藤原行範以私怨収縛式

部少輔大江公資因下行範於左衛門弓場日本紀事冬十

二月乙亥遣右少史高橋文俊推問但馬守源則理射

石清水神民日本紀事

九年春正月壬午藏人頭左近衛中將藤原俊家坐使

人毆藏人頭藤原經輔除籍上公

後朱雀天皇長曆元年夏五月丙辰以安樂寺訴遣左

衛門權佐藤原隆佐於太宰府推問權帥藤原實成辛

酉流但馬守源則理於土佐成務百鍊抄

二年夏五月藤原實成除名補件

三年夏六月丙戌禁內火日本紀事

長久元年夏四月甲午盜殺前肥後守藤原定任勅閉

關搜索下符諸國購之五月丙辰京師盜賊執弓箭往

來連夜行火又有群僧殺掠行人設賞捕之丙子盜入

宮中竊御衣春記秋九月辛酉皇居京極院火日本紀事冬十

國史紀事本末 卷三十一 四十二

盜入禁中奪左衛門官人關宿直者職秋八月甲寅以

豐後守藤原棟隆訴下權守藤原有道於左衛門弓場

將藤原資房除籍日本紀事

七年冬十月丁丑刑部少輔藤原經平坐與侍從良貞

私鬪除籍左經記

月甲辰、役御内大臣藤原教通二條第、宇佐神人犯、彈

上訴、十一月己巳、左兵衛定長坐、凌辱藏人典藥助信

房、削籍、記、春十二月丙午、幸平野、記、秋及還宮、和泉民、闌

訴於路、己酉、左近衛陣火、龍口清原定清撲滅之、記、春

三年春正月己巳、圖書寮火、冬十月壬寅、盜殺左近衛

少將源定季、十二月丁未、禁内火、抄、百錄

四年冬十二月甲午朔、皇居一條院火、上、全

寬德二年秋八月癸亥、廷議、但馬守源章任奪宋人張

守隆貨物、冬十月戊午、以太宰府管國訴、遣右衛門權

佐藤原實綱、推問權帥藤原重尹罪狀、百錄抄、太宰管國新據、公卿補

國史紀事本末 卷三十一 四十三

後冷泉天皇永承元年春二月辛未、奪藤原重尹官、已

卯、皇居太政官朝所火、扶桑記

二年冬十二月甲子、流筑前人清原守武於佐渡、以私

往宋也、上、全

三年冬十二月丙申、禁内火、扶桑記、百錄抄

四年秋九月丁未、奉幣賀茂、謝神主成貞前年遭害社

中、百錄抄

五年秋七月戊子、冷泉院火、撲滅之、百錄抄是歲參議源

經成兼檢非違使別當、公卿補任為人剛直嫉惡、嘗捕盜魁

濱人丸殺之、僧惟尊為說報應、經成正言折之、惟尊懼

而退、上東門院慶東北院、且赦、經成命吏取獄中海賊

三人、斷其手足、時人間之曰、朝廷赦之、乃所以殺之也、

此後世呼經成曰荒別當、續古事談時朝廷不行死刑、惟檢

非違使或以意殺戮、而朝廷不問也、

七年春三月甲子、藏人玄蕃助藤原隆成坐傷藏人右

衛門少尉藤原定俊削籍、扶桑記

天喜二年春正月癸酉、皇居賀陽院火、冬十二月丁酉、

皇居京極院火、扶桑記、百錄抄

三年春三月丙子、左近衛少將藤原忠俊雜色入禁中、

國史紀事本末 卷三十一 四十四

杖刃逼御座、藏人源齊賴捕獲之、以刃為檢非違使、百錄抄

四年秋八月、陸奧俘囚安倍賴時作亂、事見源氏

康平元年春二月丁卯、禁内火、延及大極殿中院朝集

堂、扶桑記、百錄抄是後京師數火、百錄抄

二年春正月癸卯、一條院火、扶桑記、百錄抄是歲盜累行火

皇居、百錄抄

三年夏六月己未、河内言盜發推古帝陵、扶桑記、秋八月

戊午、伊勢守藤原義孝坐燒大神宮御厨流土佐、百錄抄、土佐

佐藤氏

五年秋九月、鎮守府將軍源賴義平陸奥賊、扶桑略記

六年春三月甲子、豐樂院火、是月興福寺僧靜憲發成

務帝陵盜寶物、夏五月甲寅、遣使檢之、冬十月甲申、流

靜憲於伊豆、其黨十六人於諸國、扶桑略記十二月壬

午、修成務帝陵、還藏寶物、廢朝三日、百鍊抄、三日、據東大寺要錄

七年秋九月戊寅、前下野守源賴資坐與上野介橘惟

行私鬪、燒宅殺人、流佐渡、扶桑略記源義家士在美濃、不禮

源國房、國房怒、砍其弓、義家未之知也、一日父賴義脩

佛事、義家坐在坐、從者耳語告其事、義家怒、形於色、遽起

還家、賴義令左右伺之、報曰方擐甲、取鞍被馬、賴義曰

果然、吾向見其眉毛植立、乃令左右告之曰、佛事僅一

二日、汝待其畢然後逞意、因鎖其門、義家破鎖而出、帥

兩騎馳去、家士稍稍追及、比至美濃、得二十五騎、遂火

國房家、國房不敢拒、紅衣臂鷹、馳入山中、從騎望見、欲

窮追、義家曰、吾洩吾忿足矣、乃還、扶桑略記朝廷不問、蓋以

其父子有武功也、

治曆四年冬十二月己酉、皇居二條第火、累代內印多

亡、扶桑略記百鍊抄

後三條天皇延久元年秋八月乙未、朔遣前駿河守平

維盛等於大和、捕金摩多山賊、殺親、扶桑略記帝勵精圖治、

紀綱大張、事見後三條則明左衛門權佐大江匡房令京師嚴

禁夜行、繇此終帝世盜賊鮮少、路人無剽掠之患、江談抄

白河天皇承保二年秋七月庚子、少內記藤原為定坐

恣發播磨官倉地、殺百姓、除名流常陸、扶桑略記

承曆二年夏六月庚申、以流人源基宗、藤原為定、逃還

京師、再流基宗於下野、為定於常陸、上全

三年秋八月、先是右兵衛尉重宗與散位源國房構兵

戰於美濃、上全子勅前下野守源義家討之、重宗聞之

遁逃、水左已而重宗與國宗合兵拒義家、義家擊斬重

宗、分、尊、早是月相摸人權大夫為平與押領使景平構兵

破殺之、景平族人攻為季、水左

四年春二月庚子、皇居賀陽院火、扶桑略記癸卯高倉

殿火、水左戊申三條宮火、是春京師數火、扶桑略記冬十月

辛巳、開院火、百鍊抄

永保元年冬十二月丙辰、行幸春日社、以僧徒屢作亂

令源義家率家兵衛朱雀門、特詔被甲、曾執弓矢、水左

義家常設防備、而不令人見、一日過藤原賴宗一小豎

執刀從之、乍有盜為衆所逐、持刀突入、過南庭、義家呼

曰、止、義家在斯、不聽而去、小豎呼曰、八幡殿在、何不止

盜投刀就縛、俄而有兵士四五十人從旁近至、捕而去

人始知其有備古事談

二年秋七月戊申大内火扶桑略記

堀河天皇寬治二年冬十一月先是宇佐神人訴太宰

大貳藤原實政射宇佐神輿遣使推問實政百錄壬寅

晦流實政於伊豆前肥後守時綱於安房大貳廳官等

八人於土佐中古記

五年夏六月藤原實清與清原則清爭河内采地前陸

奥守源義家及弟義綱各左右之將構兵都下騷然延

議謂恐生天下之變下詔五畿七道禁義家兵士入京

師及諸國百姓以私田公驗附義家事遂寢百錄義家

國史紀事本末 卷二十一 四十七

弟刑部卿義光嘗并修理大夫源顯李爭地相訴久之

不決顯李怨恚一日白河法皇謂之曰訴之曲直朕非

不知願卿采地甚多一莊不必爭義光武人采地甚少

爭而不勝安知其不逞暴怒朕之所以不決者乃所以

愛卿也卿其投地義光顯李感泣而退招義光謂之曰

吾別有田園請讓地於子義光大悅留名簿而去其後

不復來謝顯李嘗夜自鳥羽殿還從者僅數人乍有甲

士五六人在車前後顯李大懼令從者問之甲士曰臣

刑部卿家人也公夜無防備故命臣等護送之顯李益

感法皇恩意古事談法皇剛斷裁抑權貴而不能制武人

也

七年出羽賊平師妙平師李等火守信明館剽掠資財

敕陸奥守源義綱討之中右記

嘉保元年春三月己卯源義綱誅平師妙平師李函其首

入京師梟之西獄門樹以功叙從四位上中右記夏五月

乙丑前太宰權帥權中納言藤原伊房坐私遣僧契丹

交關貶位奪官百錄抄冬十二月乙未從四位下大江

公仲坐火散位資俊家殺人竊財流隱岐中右記

康和三年秋七月對馬守源義親劫剽鎮西敕討之百錄抄

抄父義家遣家士召之不至中右記

國史紀事本末 卷二十一 四十八

四年冬十月己卯捕源義親流之隱岐百錄抄義親不至

流所留居出雲殺目代國人掠官物百錄抄冬

嘉承二年冬十二月勅因幡守平正盛討源義親中右記

賜驛鈴而不授節刀百錄抄正盛貞盛玄孫也平氏系圖

鳥羽天皇天仁元年春正月平正盛誅源義親函其頭

入京師梟之右獄門樹中右記義親子曰為義義

家收養之尊卑分脈義家既以病薨髮尊卑分脈尋卒中右記子河

内守義忠與叔父義光有隙尊卑分脈夏四月盜掠二條富

小路人家殺其主人少内記光遠往救之檢非違使誤

射殺之五月皇后宮大進源仲政以私怨傷尾張權守

佐實、廷議遣檢非違使藤原盛重捕之、盛重以功叙從

五位下、記中仲政、賴光曾孫也、尊卑

二年春二月、源義光誘源義忠家士鹿島三郎、殺義忠、

尊卑廷議疑美濃守源義綱男義明及龍口藤原季方

為之、勅檢非違使源重時討之、義明季方拒闕不利、皆

自殺、百鍊抄、歷代皇義綱寃之、走據近江甲賀山、勅使

源為義討之、義綱薙髮出降、百鍊抄、尊子義弘、義俊等

愧之、皆自殺、尊卑為義以義綱入京師、詔減死流佐渡

百鍊抄、尊為義以功為左兵衛尉、物語義綱後再獲、謹

自殺、尊卑

國史紀事本末

卷二十一

四十九

天永二年冬十一月、下野守源明國以事往美濃、途遇

信濃守廣房、左衛門尉源為義家士、士不礼明國、明國

怒斬三人、廷議流之佐渡、記中

三年夏五月己巳、皇居賀陽院火、百鍊抄

永久元年春二月、盜奪常陸貢調於參河、越中守俊親

在京師、以車迎婦、羣盜要之二條京極奪之、記中三月

乙卯、以武藏人橫山隆兼殺源為義代官愛甲某、數常

陸相摸上野下總上總國司討其黨二十餘人、長秋記

野夏五月、盜掠備前貢調於途、記中

二年春二月庚申、禁京師服摺衣及博奕、癸酉、以盜賊

橫行、修仁王講於左右獄、夏五月辛卯、重勅檢非違使

逮捕服摺衣者及盜賊博奕、是歲京師多盜、南海道海

賊剽掠貢調、都鄙騷擾、上

四年春三月丁酉、大學助源高行坐傷人流、安藝秋八

月戊寅、皇居大炊殿火、百鍊抄

五年夏五月、有僧詐稱源義親、依越後人平永基、壬辰

勅永基捕送之、朝野群載

元永二年春、天下飢饉、京師盜起、行火殺人、夏五月辛

亥、令備前守平正盛索捕盜賊、記中正盛子忠盛為白

河法皇所親愛、賜以寵姬祗園女御、平家物語

國史紀事本末

卷二十一

五十

保安四年冬十一月庚戌朔、前下野守源仲政捕常陸

男子詐稱源義親者入京師、百鍊抄仲政在常陸、縱兵士

剽掠、國人大困、記中仲政子賴政為白河法皇判官代

公卿補任

崇德天皇大治二年、申禁天下殺生、百鍊抄有加藤成家

者、放鷹捕鳥、白河法皇聞之、敕檢非違使召之、成家即

時臂鷹而至、檢非違使讓曰、殺生有禁、何乃犯法、成家

曰、臣平忠盛家人也、忠盛日課雙禽以充女御食、臣若

廢其職、立嚴重科、凡源平家法所謂重科者、謂斬頭也、

夫放鷹捕鳥、有獲有不獲、一日不獲則死、臣畜鷹數隻、

縱獄終日猶恐不免今朝廷臣聞朝廷之刑不過禁獄流罪臣始知免死所以聞命輒應也法皇聞而釋之古事於是生殺之權歸源平二家而朝廷不能制也

鳥羽帝嘗屢禁諸國武士屬二家然二家屢經征戰驅策諸國武士武士爭為二家用故天子有禁而不行武人之秉權柄基於此神皇正統記

大治二年春二月甲戌大內齋司火延及陰陽寮勘解由使廳宮內省園韓神社神祇官八神殿郁芳門大炊

寮南門主水司累代古器多亡本取中右記百鍊抄

四年春三月山陽南海二道海賊起勅備前守平忠盛

國史紀事本末 卷二十一

五十一

捕之朝野群載

五年夏四月庚戌遣權大納言源能俊於山科陵謝平

忠盛奴伐陵樹中右記冬十一月有男子稱源義親入京

鳥羽上皇處之前太政大臣忠實鴨院辛亥檢非違使

源光信以私怨殺兵擊殺之并其從者壬戌流光信及

其黨中右記百鍊抄長秋

保延元年夏四月西國海賊大起海路不通救諸國司

逐捕不獲公卿憂之內大臣藤原宗忠曰命之源平二

家必能辦之鳥羽法皇曰命之為義微發不便諸國必

困今忠盛方為備前守命之便乃令忠盛捕之中右記

八月庚申忠盛獲賊三十餘人入京師于清盛以功叙從四位下長秋記百鍊抄

四年冬十一月丙午土御門殿火百鍊抄

五年夏四月先是左馬助藤原敦賴為馬寮使舊例事竣給手振裝束於馬部等敦賴不與曰吾借之人當給

其直馬部屢請不得皆怒一日入敦賴廐取馬敦賴大驚乞救隣人隣人遣衆毆擊馬部縛二人送檢非違使

馬部益怒是月敦賴為齋王次第使過一條大宮馬部數十人突出搏敦賴墜車下敦賴起乘馬部圍守訴右

兵衛督藤原家成請取其衣服家成知衆怒難犯謂之

國史紀事本末 卷二十一

五十一

曰可取則取不可取則勿取馬部大悅復搏敦賴褫奪

衣冠襪帶并取其車敦賴赤體逃竄時人呼曰裸馬助

古事談

近衛天皇康治二年春正月壬寅右近衛少將源成雅

坐傷前山城守藤原賴輔於鳥羽宮中削籍百鍊抄

又安五年秋七月興福寺僧發聖武帝山陵百鍊抄

仁平元年夏六月丙子四條東洞院宮火歷代百鍊抄冬十月

甲申小六條殿火十一月戊戌八條殿火百鍊抄

三年夏六月甲子左大臣藤原賴長遣兵賀茂捕奈良

僧玄忠血濺社中門上

久壽二年夏四月、敕太宰府捕源為朝、事見保元之亂

後白河天皇保元元年秋七月、藤原賴長勸崇德上皇

起兵、事見保元之亂是月、藤原信西建議行死刑、斬法皇將士

源為義等七十餘人、保元物語

二條天皇平治元年冬十二月、藤原信賴源義朝反、事見

平治之亂於是平氏得志、源氏衰矣、後二十七年、源賴朝滅

平氏、遣兵士鎮京師、每擒獲群盜、輒斬之、不復報檢非

違使、奸猾莫不畏伏、而天下兵權遂歸武人矣、

國史紀事本末

卷二十一

五十三

弟延之 延壽校

國史紀事本末卷之二十一終

國史紀事本末卷之二十二

東京從六位前大學校中博士常陸青山延光編次

出羽之亂

清和天皇貞觀十七年冬十一月十六日、出羽國言、渡島荒狄反、殺略秋田飽海二郡百姓二十一人、勅牧宰討平之、

陽成天皇元慶二年春三月十五日、出羽倭囚作亂、縱火攻秋田城、守藤原興世發鎮兵拒守、徵發諸郡軍、飛驒奏變、先是秋田城司良岑近貪婪黷貨、侵漁夷倭、夷倭怨怒、遂相率而反、先是以下三善清行撰藤原保則傳十七日與世遣

國史紀事本末 卷二十二

權掾小野春泉、文室有房帥精兵援秋田城、賊黨日熾、悉焚城北郡南公私舍宅、乘勢肆掠、殺虜無算、官軍不能禦、賊遂進火城、一國器仗多在城中、俄頃蕩盡、時前歲凶歉、百姓饑窘、興世徵兵不至、乃奏請隣國援兵、二十九日朝議、勅符出羽曰、夷虜悖逆、攻燒城邑、犬羊狂心、暴惡為性、不加追討、何有懲艾、須量發精兵扼其咽喉、但時在農要、人事耕種、若多動衆、恐妨民務、夫上兵伐謀、良將不戰、巧設方略以安邊民、若國兵不足、早告陸奥、令其赴救、凡蠻貊之心、候時而動、雖云醜類、可責、抑亦國宰之不良、宜施慰撫之化、以遏風塵之亂、又

國史紀事本末 卷二十二

卷二十二

救符陸奥應援、夏四月四日再救符陸奥、發兵二千、急救出羽、賊益盛、興世遣兵六百於野代、營扼隘口、比至燒山、賊千餘繞出其後、殺略五百餘人、逃還者僅五十人、村邑多被焚掠、十九日春泉有房遣最上郡擬大領伴貞道、倭魁玉作宇奈麻呂帥兵五百餘偵探、路遇賊三百餘、貞道中箭而死、二十日賊益來集、官軍禦戰、會日暮、乃引還、二十一日賊衆勢來進、官軍邀擊、斬五十餘人、生擒七人、戰疲箭盡、乃還、二十二日以徵位坂上好蔭為陸奥權介、二十八日救符上野下野、各發兵一千、星夜赴救、腹背夾攻、又勅陸奥責其緩救、五月右大臣藤原基經密召右中辨藤原保則、命招討之任、保則曰、非敢愛惜微軀、恐貽朝廷之耻、基經曰、自天智天皇時、藤氏世立勲績、朝廷倚賴、今忝攝冢宰、遭此寇亂、且慚且懼、願盡智謀、勿為餽讓、保則曰、必不得已、愚有一計、恐殿下不能用耳、基經固問、保則曰、蝦夷內附以來、漸二百年、畏服朝威、無有寇逆、如聞秋田城司良岑近者、聚歛無厭、徵求萬端、疊怨積怒、激成禍亂、窮寇死戰、難與爭鋒、今日之事、雖坂將軍再生、不能蕩定、若教以義方、示以威信、播我德音、變彼野心、不用尺兵、大寇自平、基經曰、善、保則曰、今欲以恩信服夷狄、群醜未易馴

服、非臨以兵威不可。前左近衛少監小野春風累世將種、驍勇絕人。前年頻遭讒謫、免官家居。請先令春風帥精兵而發、示以朝廷之威信。然後以德招撫、不歷數月、自應消散。基經大悅。五月以下保則傳四日詔授保則正五位下、拜出羽權守、右中辨如故。左衛門權少尉清原令望為權掾。右近衛將曹茨田真額為權大目、並赴出羽討賊。救出羽國司曰、近日夷虜凶逆、殘害不止、仍以右中辨正五位下藤原保則任本國權守、宜從其指麾、勿失警備。五日陸奥守源泰飛驒奏言、既發兵二千救出羽、出羽復來請、乃更發兵五百、恐本國之夷聞鄰賊之警、
國史紀事本末 卷二十二

所奪、八日以散位小野春風為鎮守將軍、詔與陸奥權介坂上好蔭俱發、各帥精兵五百、從陸奥赴援。賜甲冑各一具、春風父石雄弘仁中在陸奥討賊有功、春風少遊邊塞、能曉夷語、故保則推轂之。春風少遊以下保則傳公卿曰、驛使九部瀧麻呂問軍曲折、瀧麻呂曰、官軍善戰者唯有房耳、乃授有房從五位下、大納言兼陸奥出羽按察使源多上表、請解按察使、不省。九日勅前鎮守將軍安部比高暫行府政、以春風不得留府也。時賊益猖獗、陸奥押領掾藤原梶長帥陸奥兵二千從山路逃還、十六日勅符陸奥曰、逆虜橫暴日甚、彼國軍士二千人願望避敵、亡歸本國、料勢制勝、自有方略。而今各重身軀、無意戰鬪、糧資醜虜力屈、凶威豈回。王者之師、自貽敗軍之恥乎。宜更選國司主典已上精強了事者、領彼逃兵、再赴出羽。若重亡歸者、處以軍法。二十一日勅東海東山諸國簡擇精銳、待出羽請往救。伊勢二十人、參河二十人、遠江十人、駿河三十人、甲斐二十人、相模二十人、武藏三十人、下總三十人、常陸五十人、美濃三十人、令相摸送綿一千屯於出羽、以供造襖。保則既發、晝夜兼行、敗問累至、從騎莫不褫魄、而保則意氣自若、殊無懼容。賊聞王師來討、即聚萬餘遮守要害。保則既發以下保則傳

秋七月保則至出羽遣有房令望及上野押領使南淵秋鄉等帥上野兵六百餘屯秋田河南拒賊河北時秋田城下陷賊者有上津野火內榎淵野代河北腋本方口大河提姊力方上燒岡十二村俘囚屬官軍者有添河霜別助川三村乃令三村俘囚及良民三百人拒賊於添河雄勝城最為衝阨賊欲先攻之保則令左馬大允藤原滋實左近衛將曹茨田觀額等以雄勝平鹿山本三郡不動穀給郡內及三村俘囚慰勉之俘囚溪江禰加止玉作正月麻呂帥三村俘囚二百餘夜砍賊營斬八十人火其資糧舍宅土人流言津輕夷俘與出羽賊通謀保則以為津輕夷俘驚悍慎戰若與賊合難可輒制乃奏請發常陸武藏兵二千以備非常十日勅符曰以夷狄攻夷狄中國之利也今覽來奏以官米穀給俘囚藉其力破賊此計之上者也來奏以為津輕夷虜天性麤獷若與賊合實為難制今小野春風坂上好蔭各領精兵行當到著宜待其至振揚威武但豫勅諸國令簡勇敢若有危急馳傳上奏隨即差發赴救非晚務運奇策繫其狂心滋實者興世子也適往省父乃勅令從軍保則按兵待春風等至賊中稍有悔悟者疏寃枉十餘條陳怨叛之由詞旨甚切保則下令撫納父老謂

保則曰用兵之要在練士固壘然後出征入休莫不如意且本國地迫北陸秋天多雷營壘難恃不如選練士卒修造城柵以待春風至保則然之乃選士兵一千分配官人令其勞賜修築城柵役畢休衆遠近稍定春風好蔭尋取道陸奥入上津野村與保則約夾攻八月四日勅符曰重省來奏曲折具之事用奇正兵家所貴今募俘虜多醜醜類雖是夷人慕義之至切抑亦國宰撫馭之得宜臨機之略實當如此春風好蔭入上津野村夾攻首尾已得要略兵術雖多制勝為先隨機擒剪窮其巢窟勿令遁脫仍送綵帛一百三十四匹於出羽班給俘囚保則奏言本國大物忌小物忌月山三神自上古時每有征戰必標奇驗五月之戰雲霧晦冥咫尺不辨官軍擾亂為賊所破求之著龜神實作祟伏望進其爵級以答神望是日進三神位階二十九日賊三百餘來秋田城下乞降保則不許然知賊氣衰沮不待苦攻乃遣春泉報春風好蔭曰駐軍鎮守府待後報未至春風單騎入賊營具宣朝命賊叩頭曰秋田城司貪暴奴等不堪苛虐所以作亂今將軍幸以天子恩命詔之願改迷塗歸幕府乃競以酒食犒官軍春風單騎已下保則傳九月十五日好蔭帥兵二千從流霞道至秋田城有房滋實亦

單騎出城直至賊營賊哀訴乞降有房等許之好蔭鼓譟而進多建旗幟以示威武二十五日春風以夷酋七人至秋田城謂保則曰嚮奉聖旨必諭賊類降之彼若不悛則進討今賊使歸順出於至誠何須進討保則曰彼已歸順我猶進軍是欺彼也彼怒而拒其鋒必銳不如暫罷兵乃召見夷酋慰撫之八字保則傳義從倅囚請曰奴等歸款國家為賊所惡若不殄滅後必相報且降者疎慢不合舊例保則具奏取決冬十月十三日勅符曰夫兵凶戰危先詰炳戒事不獲已乃用兵耳今逆虜悔過請欲歸順其於容許有何不墮但古之降者去其甲

國史紀事本末

卷三十二

七

兵面縛待命然後可謂降伏歸降之法若同舊制可速容受若懷兩端言與事異奮我兵威一舉誅滅義從倅囚之言不可不反覆觀德耀兵隨機可施慎勿信其虛詭貽咎於後十二月十日降賊進所掠甲二十二領曰奴等掠甲固多然悉皆截破稱身約裁一無全者加之賊類或入奧地或所居隔遠尋當搜求進之令望滋實等曰降賊多而甲甚少安知非詐春風曰春風自入賊地具知逆類悔過之情今彼冒霜雪來降決非懷詐者若疑而不納非所以樂成保則乃慰納之時有渠帥二人不肯歸順保則語夷酋曰二虜不來如何夷酋曰奴

自有謀願暫賜寬假後數日遂斬兩夷首以獻保則乃發使者撫循餘黨自津輕至渡島雜種夷人前代未嘗歸附者咸皆內屬時有己下保則傳於是渡島夷首百餘帥三千人詣秋田城津輕倅囚百餘亦至保則乃遣紗行有房等勞饗以安其意是歲官軍所失亡穀類三十二萬五百餘束櫓七百五十斛革短甲三百七十七領曾五百三十二枚鐵鉢一百五十七枚革鉢五十枚木鉢三百二十六枚箭八千三百八十隻大角六枚小角八枚鼓六十面大刀五十五柄弓七十一張鐵鈎五十五柄弩二十九具手弩一百具鉢一十三柄鐵八柄楯五十

國史紀事本末

卷三十三

八

二枚槍一百八十一竿鑢槍七十三竿鯨尾槍一百八竿官舍一百六十一宇城櫓二十八宇城棚櫓二十七基郭棚櫓六十一基一國殘破極矣保則復立秋田城壘柵樓塹皆倍舊制境內始安保則復立己下保則傳三年春正月十三日授出羽倅囚深江三門外從五位下大辟法作正月丸並外從五位下三月解遣諸國兵士上野下野兵所齎甲冑器仗留付出羽尋拜保則為真守有勅暫留鎮撫之出羽民夷襍居田野膏腴多產珍異豪吏兼并私增租稅恣加徭賦權門子弟競求駿馬名鷹邊民愚朴唯隨其求不知所訴繇是奸猾富溢

小民日窮保則嚴張憲法犯者必捕而案之百姓安堵
邊境肅然陸奧夷倭有訴皆至出羽取決初保則在而
倭專以仁惠化之至是以嚴理之亦治云尋拜以下保則傳

四年春正月保則奏言雄勝平鹿山本三郡遠去國府
近接賊地昔時叛夷之種與民雜居動乘間隙成腹心
病頃年頻遭不登憂在荒饑若不優恤民夷難和望請
復調庸二年以息弊民二十五日勅復一年以不動穀
六十二百九石餘給三郡夷倭八百餘三月十一日以
出羽軍士白丁神服貞氏等十一人便習弓馬屢從戎
役特勅預出身夏四月帝召保則入京在朝卿相皆稱

國史紀事本末

卷三十二

九

其勲績保則謝曰此皆朝威所致愚何力之有時人以
為保則不勞士卒平定大寇朝廷必有殊賞而以其辭
讓無優崇之制良岑近貪婪階亂而亦無懲惡之典繇
是時論多譏基經失刑賞夏四月已下保則傳

新羅之變

仁明天皇承和二年春三月己未太宰府言壹岐島遙
居海中地勢狹隘人民寡少難支機急頃年新羅商人
來窺不絕非置防人何以備變請令島徭人三百四十
人帶兵伏守要害許之

清和天皇貞觀八年秋七月十五日太宰府馳驛奏言

肥前基肆郡人川部豐稻告同郡掇大領山春永與新
羅人珍賓長俱赴新羅教造兵弩器械將取對馬島冬
十一月十七日勅曰廼者恠異頻見求之著龜新羅賊
兵常窺間隙災變之發唯緣此事夫據災未兆遏賊將
來唯是神明之冥助豈云人力之所為宜令能登因幡
伯耆出雲石見隱岐長門太宰等國府班幣境內諸神
十一年夏五月二十二日夜新羅海賊以二船寇筑前
博多津掠豐前年貢絹綿逃去太宰府發兵追擊不及
而還六月十五日太宰府報至京師秋七月二日敕謹
責太宰府曰諸國貢調使宜一時齊發不宜先後相離

國史紀事本末

卷三十二

十

而令豐前獨先發遂致新羅寇盜乘隙侵掠非唯耗失
官物兼亦虧損國威求之往古未有前聞雖云使人之
可責抑亦府官之有怠或言賊之逃去瀕海民五六人
冒死追擊射傷二人事若非虛府司何以不奏冬十二
月五日先是有大鳥集太宰府廳樓兵庫府司奏言往
者新羅賊來侵遣紗領選司追擊皆畏怖不有進於是
調發倭囚激以意氣奮躍而進今大鳥亦其恠異龜筮
告以兵寇鴻臚館及津厨雖在別處無備禦侮若有非
常難以應猝夷倭散處諸國常事遊獵徒免課役多費
官粮請配置處分以備不虞分為二番番各百人每月

相替、交相驅役、是日勅曰、倭夷之性、本異平民、制御之方、何用恒若、忽離舊居、新移他土、衣食無續、心事反常、則野心易驚、必致變亂、宜簡監典、有謀略者、勾當以蒞、領選士幹事者、為之長、勉加綏誘、能練武衛、但以百人為一番、居業難給、轉餉多煩、宜五十人為一番、十三日以右近衛少將兼阿波介坂上瀧守為太宰權少貳、阿波介如故、瀧守、氏勝子、有武藝、十四日遣使伊勢、奉幣大神宮、祈曰、若賊謀已熟、兵船必來、願使之漂沒、以示我神威、二十八日遣瀧守於太宰府、鎮護警衛、賜隨身近衛、勅曰、鎮西者朕之外朝也、千里分符、一方寄重、況國史紀事本末 卷三十一

復隣國接壤、非常巨期、今聞大馬示恠、龜筮告寇、機忌之備、豈可暫輟哉、宜令瀧守勾當警固之事、瀧守奏言、所以置選士設甲冑者、本為備警急、護不虞也、謹檢博多是隣國輻湊之津、警固武衛之要、而郭與鴻臚相去二驛、若兵出不意、倉卒難備、請移置紗領一人、選士四十人、甲冑四十具於鴻臚、又謹檢承前選士百人、每月番上、今以尋常之責、備不虞之變、恐機急之事、實難支濟、請例番之外、更加他番紗領二人、選士百人、並許之、十二年春正月十三日、勅以冑及平纏各二百具給壹岐島、十五日勅太宰府置甲冑百十具於鴻臚、二十五

日以從五位下小野春風為對馬守、二月十二日、先是太宰府奏對馬島下縣人卜部乙屎麻呂赴新羅捕鷄、為新羅所執、乙屎麻呂適見新羅運材木、造巨船、擊鼓吹角、簡士習兵、竊問守者、答曰、將取對馬島、乙屎麻呂脫禁出獄、纔得逃歸、是日勅新羅凶賊、心懷覬覦、不取薑尾、將行毒螫、須令緣海諸郡特慎警固、又勅因幡伯耆出雲石見隱岐脩守備、十五日遣使奉幣八幡宮及香椎廟、宗像大神、甘南備神、祈弭外寇、二十日勅太宰府、令新羅人潤清、宣堅等三十人、及居管内者水陸兩道給食馬入京、先是太宰府奏新羅賊掠奪貢綿、以

潤清等處嫌疑、禁其身、奏之、太政官處分給糧放還、潤清等候風未發、對馬島司進新羅消息、日記及漂來者七人、府須依例給糧放還、但暮爾新羅凶毒狼戾、近習兵規、我乙屎麻呂既報之、所謂漂來者、安知非間諜、凡垂仁放還尋常之事、狡奸往來、當加誅戮、加之潤清等久事交關、僑寄此地、知我無備、今放還之、恐示弱於敵、其佗久居管内者、外示歸化、內懷逆謀、賊若來侵、必為內應、請准天長元年八月二十日格旨、不論新舊、併還之、陸奥空地、以絕其覬覦、許之、二十三日太宰大貳藤原冬緒奏請、軍旅之儲、烽燧為急、而數十年來、國無機

警雖有其備未知調用若有非常何以相報今須令管內國島試舉烽焚燧彼此相通以備不虞若不言其由恐驚動遠近望請下知事旨依件調練三月十六日對馬守小野春風奏請二事其一曰軍旅之儲唯在甲冑甲冑或薄助以保侶請以調布縫造保侶衣千領以備不虞其二曰軍興不虞倍日兼行轉餉易絕輜重難給請以調布縫造納糴帶袋千枚令士卒帶之腰間以為急速之備詔許之以太宰府庫布造之二十七日春風兼肥前權守二十九日春風奏言臣故父從五位上石雄家蓄羊革牛革兩甲弘仁四年石雄在陸奥會賊魁作亂乃擐是甲討平夷賊厥後兄春枝進之官願賜羊革甲以備警急歸京之日當納之官許之五月十九日勅出雲國廢史生一負置弩師一負六月七日勅太宰府置對馬島選士五十人十三日先是太宰府言肥前杵島郡兵庫震動鼓鳴二聲決之著龜宜備隣寇是日勅筑前肥前壹岐對馬設防備秋八月二十八日先是對馬島言境近新羅動恐侵掠既無其師弩機何用絕域孤島誰救警急廼者聞彼國寇賊學劍習戰若不豫備恐難應卒請置弩師一負勅太宰府擇其人置之九月十五日遣新羅人潤清等二十人配置諸國冬十月

十三日筑前權史生佐伯直繼進新羅國牒告太宰少貳藤原元利萬侶與新羅通謀乃禁直繼付檢非違使十七日勅太宰府禁元利萬侶及浪人清原崇繼等以大內記安倍興行為推問密告使赴太宰府二十六日送直繼於太宰府

十五年冬十二月十七日太宰府奏請置警固田十八年春三月九日太宰權帥在原行平奏言肥前松浦郡庇羅值嘉二鄉地勢曠遠戶口殷阜土產所出物多奇異而徒委郡司任其聚歛土人厭苦切欲貢輸於公家且地居海中境隣異俗唐國新羅來者莫不經歷嚮新羅海賊寇筑前亦經此島以此觀之真本國樞轄之地宜擇令長以慎防禦臣又聞唐人必先至此島多採香藥又其海濱多奇石或鍛鍊得銀或琢磨似玉唐人常採之以此言之舊弊可知望請併二鄉為植嘉島更建上近下近二郡新置島司郡領任主貢許之陽成天皇元慶二年秋七月十三日詔太宰權少貳藤原仲直攝行警固事先是權少貳坂上瀧守任滿還京警備停廢適卜筮告隣敵窺隙故有是命冬十二月十一日太宰少貳島田忠臣奏言極日神憑入曰新羅虜船將來寇宜為之備即日遣刑部大輔弘道王於伊勢

禱大神宮二十日以民部大輔藤原房雄為太宰權少貳兼左近衛權少將備外冠二十四日遣伊勢權介平季長於太宰府奉幣檀日八幡及姬神住吉宗形大神是歲出羽俘囚叛東陸大亂藤原保則小野春風討之有功羽之亂

三年春正月十五日藤原房雄赴任准坂上龍守例令左近衛五人右近衛三人隨身並乘傳而發

四年夏五月十三日以藤原房雄為肥後守罷少將先是房雄御下寬緩隨身近衛驕驚尤甚房雄捕其魁首殺之物議洶駭境內不安乃有是命

國史紀事本末 卷三十一

十五

光孝天皇仁和三年秋八月二十二日以伊豫守藤原保則為太宰大貳時奸猾多聚鎮西殺略富豪剽掠行旅鄉間騷擾道路梗澁筑前筑後肥前悉為盜藪府官國司發兵捕斬凶黨益熾帝聞而憂之以保則平出羽亂威名冠世命鎮撫之保則稱病不就職帝累詔起之及赴任衆請發兵誅賊保則曰吾聞賊魁率皆羈寓之徒非良家子弟則舊吏僕從寓居邊地不異衆梓而比歲凶歉生產失利遂相率為盜驅略國民今悉捕而殺之則村里空虛無復居人萬一隣寇來侵誰與拒守且此輩不因饑寒何敢至此若施以恩賑自應悔悟耳即

遍振贍三國深加慰撫於是賊徒大悅相謂曰府君以父母之情遇我豈可背乎遂相率來降保則專以清靜化之境內感悅政化大行時行猶已下保則傳

傳宇多天皇寬平三年夏四月以藤原保則為左大辨保則傳

五年夏五月新羅賊船寇筑紫閏月三日勅太宰府曰當今要務在農勿令失時且征旦田良將之術勅到奉行又勅北陸山陰山陽南海諸道嚴警備小方記

六年秋九月五日新羅賊船四十五艘至對馬島九日太宰府飛驒奏變十七日賊乘曉登島守文室善友集

國史紀事本末 卷三十二

十六

郡司士卒勵之曰箭中額者賞中背者斬吾既奏之矣乃分衆為二十隊令前守田村高良副大領今主等將之潛斷賊蹊要令豐圓春竹以羸兵誘賊賊悉銳薄善友營善友令衆蔽捕大喊發弩賊亦大喊發箭官軍飛矢雨注賊潰走善友縱兵追擊賊窘盛或投海或登山官軍夾擊射殺大將三人副將十一人士卒三百餘人奪船十一艘大刀五十柄梓一千基弓一百一十張胡錄一百一十房楯三百一十二枚生禽一人名賢春即鞫問之對曰本國年穀不登倉廩空虛人民饑困境內騷擾國王發船一百艘兵二千五百欲掠奪穀絹耳扶未

略記

十八日太宰府飛驒奏捷十九日至京師即日召前

後驛使賜白衾各一條賞其迅捷也北山抄朝議賞善友

等戰功小右記給勅符位記於驛使遣之北山抄先是善友

為上野大掾會國中傳囚作亂善友擊之有刃云三代實錄

二十三日奉幣山陵告破賊西宮記是月出雲隱岐奏言

檢令條諸國置烽燧有急則遠近相應直達京師至延

曆中內外無事永從停廢而今寇賊屢來侵掠邊陲隱

岐孤立海中風波危險往還不易一旦有急何得通告

請依舊置烽燧於兩國境許之扶桑略記時新羅女主淫昏

嬖豎竊柄紀綱紊弛加以飢饉百姓流移盜賊並起甄

國史紀事本末卷二十二十七

萱弓裔踣據郡邑東國通鑑來寇者蓋萱裔等為之也

醍醐天皇延喜六年秋七月十三日隱岐國司言是日

西南風大作天健金草神憑人曰新羅賊將來寇吾驅

攘以大風忽有帆樯漂蕩而至果如神教日本紀略秋桑略記

國史紀事本末卷之二十二終

國史紀事本末卷之二十三

東京從六位前大學校中博士常陸青山延光編次

平將門之亂 藤原純友之亂

清和天皇貞觀三年冬十一月置檢非違使於武藏每郡各一人以群盜滿山也

宇多天皇寬平七年東國羣盜橫行 扶桑略記

醍醐天皇延喜元年春二月以頻年東國盜起民庶被害奉幣諸社禳之 扶桑略記

時歷朝治安紀綱寬弛諸國稍梗王化而東國最甚

六年秋八月配流下野人藤原秀卿等十八人 日本略記

國史紀事本末 卷二十三

鄉下野大掾村雄之子也 尊卑分脈

朱雀天皇承平三年冬十二月南海道海賊起 扶桑略記

五年春二月下總人平將門作亂東國 將門代記

門上總介高望之孫鎮守府將軍良持子也 扶桑略記

馬小二郎 平氏系圖 警勇絕倫最工騎射少事攝政忠平求

因其薦為檢非違使忠平不之省將門觖望一日登比

叡山下瞰京師有窺竊之心 神皇正統記 與藤原純友約曰

他日我據天位以子為關白 大鏡 純友權中納言長良曾

孫太宰少貳良範子也 尊卑分脈 將門去赴東國居下總豐

田郡 扶桑略記 恃勇兇暴招集無賴所在焚掠百姓患之 古今

語物 至是攻伯父常陸大掾國香殺之國人源扶出兵禦

戰將門從上風叢射扶等不利將門急擊殺扶及二弟

隆繁火筑波新沼真壁五百家扶前掾護之子也護聞

而憤怒國香子貞盛方在京師亦聞變悲駭急還關東

謀報父仇然衆寡不敵遲疑未決將門叔父下總介良

兼及弟良正皆護女婿良正以良兼適在上總獨赴常

陸欲為護報仇冬十月二十一日將門聞之來攻戰於

新治川由村良正不利死者六十餘人將門引還良正

乞援良兼 將門記

六年夏六月良兼帥兵赴常陸上總下總二國吏皆遇

國史紀事本末 卷二十三

之乃從間道抵常陸水守良正來會貞盛亦會之與俱

帥數千人而獲秋七月將門帥百餘騎偵邏適遇良兼

等於下總界將門累經攻戰人馬疲羸良兼等望見侮

之蒙楯堵進將門先麾步兵射殺人馬八十餘良兼兵

驚潰將門進而圍之良兼等窘甚將門解圍一角良兼

等及從兵千餘脫走先是護奏將門罪狀於京師九月

朝廷徵將門將抵罪將門馳詣京師陳狀自辯 將門記 是

歲南海道賊以千餘船剽掠貢調海路不通勅以從四

位下紀淑人為伊豫介捕海賊賊徒聞其寬仁降者二

千餘人魁首小野氏寬紀秋茂等亦來歸淑人悉釋之

與衣食給田疇令之就業南海乃安時藤原純友略記

為伊豫掾潛蓄異圖仕滿不還日本紀略居日振島日本

略記

七年夏五月將門遭赦還下總秋八月六日良兼將兵往攻至子飼渡設高望良持像於陣以為厭勝將門出拒以軍中有神異收兵而退良兼進火豐田郡栗栖院常羽御厨及民家乘烟引還將門怒十七日引兵至堀越渡結陣以待良兼復進將門俄患脚疾良兼擊破之復縱火殺入馬而還九月十九日將門聞良兼留常陸真壁帥兵一千八百餘而進縱火急攻良兼不能禦逃

國史紀事本末

卷二十三

三

匿筑波山二十三日將門轉攻之良兼據弓袋山不敢出將門引還冬十一月朝廷下官符於武藏安房上總常陸下野諸國捕將門諸國遷延不發良兼潛誘將門奴子春丸許以重賞遣人從之至將門石井營偽擔炭出入悉得要害十二月十四日良兼乘夜進兵遲明圍石井舉營驚譟將門兵不滿十人瞋目大呼聯轡出戰馳驟如飛射殺多治良利良兼應時潰走將門記

天慶元年春二月貞盛赴京師將門聞之曰彼將訴我帥百餘騎急追之及於信濃少縣貞盛苦戰驍兵池田真樹中箭死貞盛走匿山中將門索之不獲乃還貞盛

至京訴太政官請推問將門朝廷許之夏六月貞盛還東國將門勢日彊盛貞盛不敢發將門記

二年春三月先是武藏權守興世王赴任足立郡司武藏武芝曰權守赴任吾未之聞也興世大怒擁兵入府請興世與武芝講和俄而武芝兵襲介源經基經基逃走謂將門使武芝襲已乃赴京師奏之是月帝詔詰責將門將門逼常陸下總下野武藏上野取解文證無異志夏六月良兼病卒東國無復抗將門者興世與新司百濟貞連有隙走下總依將門協心計畫常陸人藤原

國史紀事本末

卷二十三

四

玄明凶猾無行陵轢長官介藤原維幾欲抵之罪玄明懼掠行方河內二郡不動穀降將門維幾移牒下總捕送之將門匿而不出維幾怒欲以計擒斬之玄明聞之遂勸將門取常陸冬十一月二十一日將門帥千餘人赴常陸遣人謂維幾曰釋玄明則我便罷兵維幾不聽設備以待將門擊殺三千人執維幾奪印鑑剽掠府中火三百餘家而還興世說將門曰取一國亦死取坂東亦死何不取坂東將門曰善吾皇孫也先取八國然後直指王城十二月十一日帥精騎攻下野守藤原弘雅等望風迎降晚奉印鑑乃轉入上野逐介藤原尚範入

府廳易置官吏適有人稱八幡使者揚言於衆曰朕將讓位於蔭子將門宜奏樂來迎將門再拜受命一軍忻躍將門自稱新皇弟將平等諫曰天位之尊不可以智力爭也請熟慮焉將門曰今世以戰勝者為君吾於弓箭稟之於天每戰必克威震坂東何所畏憚且官軍來攻吾扼足柄碓冰二關孰敢進者伊和貞經亦諫不聽尋還下總造偽官於猿島郡石井鄉郡卿名稱以磯橋扶桑略記擬京師山崎大井津擬大津置大臣以下文武百司唯曆博士不得其人以弟將賴為下野守將文相模守將武伊豆守將為下總守多治經明上野守與世上總介國史紀事本末 卷三十三 五

藤原玄茂常陸介文屋好立安房守諸國長吏相率遜逃世呼曰外都鬼王世呼已下將門遺書攝政忠平曰往年以源護許被責問晨夜上途幸被恩赦再還舊里而良兼帥兵來攻將門不能逃止乃與之戰而資財奴婢皆為良兼所掠奪事具下總所上解文公家既下官符追捕良兼而更召將門將門心不自安不敢上道今年夏貞盛奉召問將門之官符至常陸國司牒送彼貞盛乃脫追捕奔京師者公家不加紿彈而反給官符矯誣甚矣朝廷又以武藏介經基訴臣下詔推問會常陸介藤原維幾子為憲恃勢暴橫下多冤枉將門從士玄

明屢許之將門欲驗問之往至其國為憲與貞盛同心邀擊將門擊而破之維幾殺其子構干戈固已伏罪但將門既取一國雖復取百縣其罪則一此將門之所以取坂東諸國也將門柏原帝五世孫取天下半誰謂不可且以兵力取天下自古有之將門武藝天之所授而公家不加褒賞反遭譴責將門深恨之顧少年之日嘗奉名簿於殿下不意舉大事於殿下攝政之日雖志在天下豈敢忘舊主唯諒察焉將門純友聞將門叛應之記潛圖犯京師密遣兵行火都下都人驚擾備前介藤原子高謀知之欲請京師奏之携妻子上途二十六日純友追及於攝津須岐驛殺子高父子截耳割鼻奪妻而去又殺播磨介島田惟幹殺惟幹日本紀略朝廷大驚遣固關使於諸國又招諭純友授從五位下純友不悅泛大筏於海面填之以土倒樹木以備官軍泛大筏以譖岐介藤原國風往討之不利死者數百乃支河波純友進掠譖岐國府縱火而去國風赴淡路飛驒上變聚兵還譖岐略於是東南皆為賊藪矣是月勅符信濃發兵備賊又發東西警固使戒諸衛固三關以右衛門權介源俊等為推問東國使日本紀略

三年春正月朔以從四位上藤原忠舒為東海道追捕

使從五位下小野惟幹東山道追捕使右近衛少將小

野好古山陽道追捕使日本紀略六日進天下名神位一階

襖東西賊國太曆貞和三年七日遣使大神宮祈平賊九日武

藏介源經基叙從五位下以告將門反也源俊等坐逗

留奪官日本紀略十一日官符東海東山二道募勇士其殺

魁師者賜朱紫田地傳之子孫斬次將以下者隨勲賞

之扶桑略記官符使卜部松見至駿河賊奪其官符遂破岫

崎關國國今寺殺掠人民日本紀略是月將門巡武藏相摸

置留守而還帥五千人至常陸那珂久慈二郡藤氏迎

於橋上犒之將門問曰貞盛為冤焉在皆曰彼聚散如

雲迄無定處乃搜捕不獲獲貞盛及源扶妻命放之將門

記先是藤原秀卿欲屬將門往見之將門方理髮且驚

且喜被髮出迎及進缺將門飯落汚袴輒自拂拭秀卿

大失望以為輕躁無量不足濟大事遂去屬貞盛源平成衰

記貞盛潛匿不出將門駐軍數日不知其所在乃還下

總散遣兵士從兵不滿一千貞盛秀卿俱知之帥兵四

千而進將門大驚二月朔帥兵出拒貞盛進薄賊營而

將門不知賊將玄茂等登山望見之倉皇下戰秀卿擊

走之進至川口村將門奮劍自戰貞盛督衆曰賊兵雖

銳安能抗天威汝等勿返顧將門遂敗走貞盛秀卿議

曰彼天下之大盜也今不乘勢擒滅天下無息肩之日

矣乃追躡十三日至下總將門有精兵八千未暇聚衆

僅四百乃伏之幸島欲誘貞盛圍擊而貞盛潛遣人火

將門營煙塵漲天賊大擾十四日貞盛進攻會暴風起

楯皆傾倒賊從上風突擊官軍潰散餘衆僅三百餘俄

而風變官軍又振將門躍馬衝盡貞盛射中之將門墜

秀卿馳進斬之將門記射中已是日射殺賊百九十七

人獲盾三百枚弓胡錄各九十九具大刀五十一柄扶桑略記

索捕餘黨斬將賴玄茂於相摸興世於上總玄明於

常陸將門記先是廷議欲以左大辨藤原元方為將軍討

國史紀事本末 卷二十三 八

將門元方聞之曰將軍所請一事以上必行吾若任之

必請攝政子一人為副議乃格江談抄尋以參議藤原忠

文為征東大將軍日本紀略忠文弟忠舒及源經基為副將

軍神皇正統記詔下忠文方食櫛箸入朝賜節刀不還家而

發東鑑進至駿河陣清見開軍監藤原滋藤原夜望海朗吟

曰漁舟火影寒燒浪驛路鈴聲夜過山聞者歎賞江談抄

未至將門伏誅乃引還神皇正統記三月九日賞諸將功秀

卿叙從四位下任下野武藏二國守兼賜功田永傳子

孫貞盛叙從五位上任右馬介經基補太宰少貳扶桑略記

衆議以為忠文亦宜在褒典大納言藤原實賴曰忠文

無功、不宜賞之、中納言藤原師輔曰、不然、罪疑從輕、賞

疑惟重、彼既銜命出京、不為無勞、奈何、不賞、實賴不從、

議遂寢、十訓抄二十五日、諸將獻將門頭、秋桑初東國

有黃蝶群飛、國人以為兵徵、己而果然、東鑑秋八月二十

日、奉幣石清水以下十二社、祈平南海賊、二十二日、徵

近江兵士討海賊、二十六日、純友寇讚岐伊豫、火備後

舟、進犯山陽道、九月、追捕使左衛門尉在原相安敗走、

純友火周防鑄錢司土佐八多郡、日本略本

四年夏五月、先是朝廷以左近衛少將小野好古為追

捕使、長官太宰少貳源經基為次官、右衛門尉藤原慶

國、紀事本末卷二十三

幸為判官、右衛門志大藏春實為主典、分赴播磨讚岐、

造戰艦二百餘、進討純友、賊一千五百餘艘、逆之、官軍

未至、賊將藤原恒利就藤原國風降、恒利具知海陸夷

險及賊巢窟、國風命為前導、簡精銳掩擊、賊船潰散、國

風分兵斷陸路、遣輕舟索其泊處、風濤暴起、失賊所在、

是月、純友遁至太宰府、府兵禦戰不利、賊進入府、掠累

代財物、放火焚府、聲勢又熾、秋桑朝廷以參議

右衛門督藤原忠文為征西將軍、總諸軍討之、未幾、日本略本

好古由陸路、慶幸春實由海路、赴筑前博多津、賊悉

銳禦戰、戰酣、春實祖而被髮、持短兵奮呼擣陣、恒利等

繼之、斬敵無算、賊更上船、苦戰、官軍縱火焚船、賊驚潰、

官軍乘勢鏖戰、奪八百餘船、賊男女焚溺甚眾、純友單

舸逃還伊豫、警固使橘遠保擒之、尋死獄中、秋桑純友

子重太九年十三、驍敢善戰、官軍斬之、秋七月、遠保芻

純友父子頭還京師、奏捷、右近馬場觀者如堵、帝褒賞

遠保、命畫工圖寫賊頭觀之、今昔物語月八月、賊餘黨

犯日向、官軍擊破之、擒賊將佐伯是基、九月、賊又寇豐

後、經基擊破之、獲賊魁系原生行、賊藤原文元、三好文

公、寇備前、尋皆伏誅、餘黨悉平、日本略本初將門在京師、候

教實親王第還、貞盛亦往候、遇之門、入見親王、曰、恨今

國、紀事本末卷二十三

日不具從兵、不能殺將門、異日為天下患者、必將門也、

後果如其言、古事

五年夏四月、奉幣帛神寶大神宮、又奉幣宇佐香椎、日本略本

外略神寶、日本略本始修石清水臨時祭、秋桑行幸賀茂社、奉

神寶走馬、賽賊平、日本略本賀茂行幸始於此、歷代

村上天皇天德四年冬十月、民間訛言、平將門子匿在

京師、命檢非違使及源滿仲、源義忠等搜索之、秋桑

女真之亂

三條天皇長和三年、中納言藤原隆家聞太宰大貳關

請補其闕、隆家素不得意、又患目疾、時宋國醫來筑紫、

因託言欲就治療、延任權帥、隆家為政公平、境內歸心、
大鏡、參取公卿補任、朝野羣載

後一條天皇寬仁三年春三月、女真賊五十餘、以冠對

馬島、船長十餘尋、每船設櫟三四十、迅駛如飛、登岸則

二三十人奮刃奔騰、執弓矢、負稍者七八十人、從其後、

朝野群載箭長尺餘、能洞盾、小右驅掠壯丁、老弱皆殺、食牛

馬、盜米穀、朝野群載守遠晴、小右報之太宰府、小右夏四月七

日、報至太宰府、朝野群載隆家具兵船、徵戰士、防扼要害、飛

驛奏、變是日賊寇壹岐島、守藤原理忠死之、僧常覺走

太宰府告急、賊進至筑前怡土郡、時府兵未集、文室忠

國史紀事本末 卷三十三 十一

光等禦戰、射殺數十人、賊扶傷上船、追擊斬數級、八日

賊寇那珂郡能古島、島去府不遠、隆家令前少監大藏

種材、藤原明範散位平為賢平為忠、前監藤原助高、倭

伏大藏光弘、藤原友近等守警固所、九日賊來襲警固

所欲、火之、府兵奮呼禦戰、參取朝野群載二島民被掠在

賊船者、遙呼我軍曰、馳馬射之、府兵以鳴鏑射之、賊驚

潰、爭舟而逃、二島民多得脫還、府兵以無舟不能追擊

沿岸尾之、賊又上岬、欲火苜前社、府兵射殺前驅一人、

賊潰走、小右還、能古島、十日北風暴急、海濤騰湧、賊不

敢動、十一日風未止、隆家造兵船三十餘艘、將進擊十

二日賊寇志摩郡船越津、權檢非違使財部弘延等射

殺三十餘人、生禽二人、少貳平致行、大監藤原致孝及

種材、為賢為忠等以三十餘船追擊走之、十三日賊轉

寇肥前松浦郡、前介源知帥、土兵奮戰、殺數十人、生禽

一人、賊悉潰、隆家發兵船四十餘艘、援松浦、參取朝野群載

記今日追擊必限二島、勿進近新羅境、將士泊博多津

不敢進、隆家遣少貳兼筑前守源道濟督趣之、將士皆

謂賊兵頗多、請益戰艦、一時齊進、種材奮曰、我功臣之

後、齡逾七十、死不足惜、請單身進擊、奈何緩議縱寇、道

濟壯之、乃勒兵解纜、賊已逃潰、不及而還、小右初賊之

來、人皆謂隆家措紳、不曉武事、已而隆家奮厲督衆、區

畫得宜、遂能有功、人服其材武、大鏡十七日飛驒使至京

師、馳入左衛門陣、朝廷大駭、大鏡十八日勅符太

宰府嚴防備、募戰士、又勅北陸山陰山陽南海四道屯

兵備變、五月三日官符太宰府曰、今農務方急、攻戰之

際、勿廢耒耜、皆寬平禦新羅故事也、小右二十一日奉

幣十社、日本略賊既平、疫癘流行、人民大困、隆家懼賊復

來、益繕脩器械、船艦、扼守津要、會賊歸路侵高麗、大敗

而還、鎮西始安、我民前後被殺略者千餘人、牛馬數百

對馬銀礦燒毀、遘寇之慘、自古未有也、隆家奏諸將戰

功請行賞權大納言藤原公任中納言藤原行成曰勅符固有賞募之文而戰功在勅符之先不賞為是大納言藤原實資駁曰邊境禦賊何待勅符戰而有功何得不賞皆寬平中新羅寇對馬島司文屋善友不待勅符擊賊走之朝議加賞今疆寇驟至遠近被害太宰府應時驅攘其功大矣此而不賞誰復効忠者權大納言藤原齊信然其議遂從之小右記於是種材任壹岐守于光弘任少監大鏡光弘及隆家子政則皆賜錦旗遵天慶討絕友故事也種材即對馬守春實孫春實嘗討純友有功云秋月系賊之來寇我兵所擒多係高麗人乃推問之

國史紀事本末

卷三十三

十三

皆曰賊初寇吾國吾輩禦戰反為所獲衆疑其詐錮之對馬判官代長岑諸近舉家為賊所虜掠諸近單身逃還已而歎曰吾棄母獨還不可以為人寧赴賊地求母乃潛航海赴高麗適遭高麗通事仁禮禮曰賊初寇我國國人拒擊賊逃赴貴國乃具戰艦千餘以備賊賊果復來寇我軍擊破之賊船多載貴國人盡收之得三百餘今將送還之卿速還報諸近乃至金海府問母存亡母已沒海唯伯母僅存諸近悲駭將奉伯母而還然以犯禁濟海恐獲罪乃請婦女被掠者十人携還訴之島司島司乃召女子問之中有聰慧者二人對曰妾等被

掠在賊船賊屢與官軍戰多中箭斃乃逃赴高麗每夜登岸剽掠人物壯者留之老弱投海已而高麗戰艦數百艘來擊艦皆高大艦面以鐵造角衝破賊船又擲鉅石摧賊船賊船多覆賊窘感投妾等於海逃去高麗船來救妾等得不死尋送妾等於金海府路給驛馬每驛供給豐厚有司語曰我國敬重日本所以善遇汝輩也既至府給衣服美食三旬而諸近至解纜之日有司告曰我國將發使盡送還日本人汝等還報妾等遂得從諸近而還島司乃送諸近及女子於太宰府府具錄請朝命議未決高麗遣鄭子良來對馬還我男女二百七十人太宰府留子良待朝命朝議命太宰府召子良推問子良應答詳悉於是諸近及向所拘高麗人皆得釋時朝廷議所以待子良或曰使人淹留必知我虛實不如速放還之或曰彼護送我民宜賜物授位或曰留彼無益欲探賊情宜問我民被掠者久之不決小右記

國史紀事本末

卷三十三

十四

四年春正月還鄭子良於高麗特賜黃金三百兩且給資糧悉還所拘留高麗人參取日本略初筑紫人呼賊曰刀伊不詳其名號及得高麗牒狀始知其為女真也小右記女真後避遼主宗真諱改曰女直見宋史紀事本末後建國號曰金隆家既建功鎮西子孫居肥後菊池稱菊池氏遂為鎮西豪族菊池系

國史紀事本末卷之二十三終

國史紀事本末

卷二十三

十五

國史紀事本末卷之二十四

東京從六位前大學校中博士常陸青山延光 編次

源氏平東國 平忠常 安部賴時貞任 清原家衡 武衛

後一條天皇長元元年、前上總介平忠常反於下總、陷

上總國府、小右侵安房、燒殺守惟忠、編年 殘篇夏六月朝廷

遣檢非違使平直方、少志中原成道討之、官符東海東

山二道同討、扶桑略記 日本紀略秋八月直方等發京師、日本略記忠

常上總介高望、曾孫鎮守府將軍良文孫也、平氏 忠常

世居東國、族衆彊盛、恃勢暴橫、陸奥略記 今昔物語跨據二總、陟

蔑國司、今昔物語至是遂反、

國史紀事本末 卷二十四

二年春二月、官符北陸、與東海東山二道同討忠常、夏

六月遣檢非違使、檢索忠常家僮在京師者、冬十二月

中原成道坐在軍、不奏狀奪官、日本略記

三年春三月、安房守藤原光業畏忠常、棄印鎰還京師、

日本略記秋九月、以直方等無功、召還之、敕甲斐守源賴信

帥坂東諸國兵討忠常、日本略記賴信帥兵抵常陸、左

衛門尉平惟基謂賴信曰、賊兵甚盛、請集兵進攻、賴信

不聽、與子賴義帥兵二千赴下總、惟基帥兵三千會於

鹿島、忠常臨湖築壘、悉收船舸、賴信陣湖濱、遣大中臣

成平單舸往諭忠常、約曰、賊若不降、汝從下流回舟、惟

基下馬、攬賴信轡、以待衆應、時下馬聲如疾風、頃之成

平舸從下流來、致忠常言曰、君名將也、僕豈不欲降、但

惟基累世仇敵、僕不忍屈膝仇人、且湖面無船、不可得

濟、所以不降也、賴信以為環湖而進、必曠時日、不如襲

其不備、乃問之衆、衆皆曰、湖不易濟、賴信曰、吾始至此

地、地勢固所不知、然吾聞此湖有淺處、廣丈許、僅沒馬

腹、軍中豈無知之者耶、有真髮高文者進曰、臣知之、請

前導、乃與從者入湖、樹葦為標、賴信乃麾衆進、濟、忠常

恃險不設備、俄而賊報曰、大兵至矣、忠常惶惑、不知所

出、今昔物語乃薙髮與子常昌常近出降、左經記 編年 殘篇衆相謂

國史紀事本末 卷二十四

曰、吾等生長此地、猶不知津、而將軍如此、非常人也、今昔

四年夏六月、賴信以忠常還京師、忠常途病死、乃斬首

入京、廷議將討常昌等、以忠常既降、且東國耗弊、不煩

窮討而止、左經記帝嘉賴信功、將賞之、賴信請曰、臣奉敕

討賊、賊束手迎降、兵不血刃、實是天威、臣何力之有、臣

謬蒙國恩、忝任四國、而臣已衰老、不能赴遠地、願得改

任丹波、尋又請任美濃守、小右 帝許之 編年 殘篇是役也、坂

東將士服賴信父子雄武、多樂屬之、賴義尤善射、每獵

以弱弓射猛獸、皆應弦斃、平直方歎曰、吾以將種、好武

藝未見絕技如卿者乃以女妻之後為相模守國俗好武賴義愛士好施威風大行坂東兵士多為門客相模人佐伯經範尤見親信任滿還京師陸奧記

後朱雀天皇長久二年賴義長子義家年二歲帝以名

將子呂見之賴義造鎧令義家坐鎧袖謁見名其鎧曰

產衣平治物語初賴義夢八幡神賜劍覺而異之已而妻平

氏有身生義家尊卑小字源太後加元服於石清

水宮稱八幡太郎尊卑及長英猛善射有父風陸奧記

後冷泉天皇永承三年賴信卒尊卑

六年初陸奥酋長安部賴良自其祖忠賴盤據六郡不

國史紀事本末 卷二十四 三

供賦役勢甚強梁陸奧記西界白河關東抵率土濱衣川

形勝當其中央據險設關名曰衣關跨有海陸東鑑文治五年

國守藤原登任發兵討之秋田城介平重成為前鋒賴

良女婿平永衡叛屬賴良賴良帥諸部俘囚大戰於鬼

切部登任不利死者甚眾至是朝議擇將帥勝其任者

以賴義威名素著於東國拜陸奥守討賴良賴義赴任

會有大赦賴良大喜更名賴時服事賴義閭境晏然陸奧

朝續文粹本

天喜元年賴義兼鎮守府將軍本朝續文粹及任終入鎮守

府視事留數十日賴時來謁獻駿馬金寶賴義還國府

路宿阿久利河賊夜襲藤原光貞營殺傷人馬賴義召

光貞問曰卿有仇否光貞曰賴時長子貞任嘗聘光貞

妹光貞賤而不許彼深愧之疑彼為之耳賴義怒召貞

任欲罪之賴時謂子姪曰人孰不愛妻子貞任雖愚吾

不忍坐視其死吾當閉關拒戰戰不克則死吾何恨焉

眾皆曰吾一閉關誰敢破者賴時遂反賴義聞之益怒

乃集兵坂東兵士爭先來會人馬蔽野國中震懼平永

衡藤原經清皆來會經清亦賴時女婿也賴義進赴衣

川永衡戴銀冑或說賴義曰永衡受前守重恩而前守

之討賴時彼以妻故背舊主黨賴時不義甚矣今雖外

示降服內實挾奸謀恐陰通使報我動靜彼戴銀冑以

自標顯是必欲使敵不射已也不如早斬之以斷內應

賴義然之召永衡及其腹心四人讓而斬之經清等不

自安謂人曰吾亦不知死所眾曰君以誠事將軍將軍

猶將疑之不如走安陪氏經清曰善乃流言賴時遣輕

騎從間道襲國府賴義麾下妻子皆在國府兵士皆驚

勸賴義還府賴義從之遣氣仙郡司金為時等攻賴時

賴時令弟僧良拒之為時擊破之然軍無後援不能

進而還經清以兵八百走歸賴時朝廷以賴義任終改

糧食不給，賴義不能再進。陸奧記

四年秋八月，勅賴義討賴時。帝王編年記

五年秋八月，彗星見東方，官符東山、東海二道，送糧賴

義。扶桑略記先是賴義令金爲時下毛野與良誘諭國中倖

囚，酋長安部富忠應之，賴時聞之，自往陳利害，富忠設

伏邀擊，大戰二日，射中賴時，賴時還鳥海柵而死，餘黨

猶盛。九月，賴義奏請徵發諸國兵，并輸糧食。冬十一月，

賴義帥兵一千八百餘討貞任，貞任帥精兵四千，據河

崎柵拒戰，會風雪嚴凝，官軍乏食，人馬皆疲，貞任縱兵

衝突，官軍大敗，死者數百，義家血戰潰圍，左馳右突，以

國史紀事本末 卷三十四 五

巨鎧箭射賊，箭不虛發，賊皆摧靡，已而賴義從兵皆殲，

僅有義家及藤原景通、大宅光任、清原貞廣、藤原範季、

藤原則明六人，賊兵二百，張左右翼圍逼，飛矢雨下，賴

義馬中矢斃，景通得馬投之，義家亦失馬，則明奪賊馬

投之，賊圍擊益急，而義家神氣不撓，頻射殺魁帥，光任

等亦皆殊死戰，賊解圍而去，佐伯經範不之知，問敗卒

曰：將軍焉在？卒曰：將軍陷重圍中，必不得脫。經範曰：吾

事將軍三十年，齒及耳順，而將軍亦逼懸車，今日吾當

從將軍於地下，乃進從騎，亦相謂曰：我公爲將軍死，吾

等豈得獨生，相與搏陣，殺十餘人而死。景通子景季年

二十餘，馳入賊中，斬一將，出入數回，馬蹶見殺，和氣致

輔，紀爲清皆冒陣而死，藤原茂賴不知賴義所在，謂已

沒賊，泣曰：吾求其尸，乃薙髮赴之，路遇賴義，俱還，十二

月，賴義上書曰：國人悉避兵，隣國出羽守源兼長逗撓

不發，諸國兵糧則徵發有名，無實，不蒙天裁，何以成功？

陸奧略記廷議罷陸奧守藤原良經，詔賴義再仕。扶桑略記罷兼

長，以源齊賴代之，同討貞任，而齊賴不肯發兵，諸國糧

運亦不至，繇此賴義不能進，貞任益橫行諸郡，却略人

民，經清帥兵出衣川關，奪諸郡官物，曰：用我自符，勿用

赤符，赤符指國符，白符謂私符也。賴義遣人誘諭出羽

國史紀事本末 卷三十四 六

山北倖囚長清原光賴及弟武則等，二人猶豫未決，賴

義贈以奇珍，光賴等乃應之。陸奧略記

康平五年春，朝廷以賴義任又滿，敕高階經重代之，而

國人皆受賴義指麾，不從經重，經重乃還京師。扶桑略記

陸奧略記賴義乞兵於光賴兄弟，秋七月，武則帥兵一萬至陸

奧，八月，賴義帥兵三千餘會武則於栗原郡營岡，分兵

爲七隊，武則子武貞爲第一隊，武則甥橘貞賴爲第二

隊，武則甥吉彦秀武爲第三隊，貞賴弟賴貞爲第四隊，

賴義爲第五隊，吉美侯武忠爲第六隊，清原武道爲第

七隊，賴義自分兵爲三隊，一隊賴義將之，二隊爲武則

三隊爲國中官人。於是武則遙拜皇城誓曰：臣既屬將軍，志在必死，唯神降鑒。戰若不力，神必殛之。一軍皆奮，適有鳩翔其上，衆羅拜以爲瑞。進至磐井郡菽馬場，薄小松柵，僧良昭守焉。賴義以凶日不進攻，武貞賴貞進而覘伺，縱火柵外，柵中呼譟，矢石亂下。賴義謂武則曰：戰在乘機，何待明日？武則曰：官軍之怒如水火，及今用之，孰能當者？乃進圍柵。柵東南臨水，西北崖壁斗絕，深江是則大伴員季引死士二十四人，以劒鑿崖，杖鉞而登。柵中驚擾，貞任弟宗任帥兵八百出戰，官軍不能支。賴義令壯士平真平菅原行基源真清等援之，遂敗之。

國史紀事本末

卷二十四

七

武道進據險要，宗任精兵三十餘騎爭之。武道擊殲之，賊棄柵而逃。賴義乃火柵，駐軍不追。會霖雨，官軍飢困，磐井以南皆爲宗任所據。官軍輜重悉沒，賊賴義分兵千餘屯栗原郡，又遣兵三千於仲村，刈稻爲糧，留者六千五百餘。貞任聞之曰：官軍四出求糧，其虛可襲也。九月五日，帥精兵八千來襲。刀槩耀日，武則謂賴義曰：貞任失策，一戰可梟也。賴義曰：官軍方寡，賊衆之來襲，何謂失策？武則曰：官軍爲客，糧食常乏，利在速戰。假令賊據險不出，則客兵疲頓，不能久駐，是臣所憂，而彼今送死，是天祐將軍也。且賊陣有黑氣如樓，敗亡之兆也。賴

義曰：善。今日之戰，唯卿是賴。武則曰：臣寧向賊而死，不背賊而生。於是賴義爲長蛇陣，邀戰。呼聲震天，兩軍大戰。自午至酉，義家與弟義綱等戰甚厲，貞任遂敗。官軍衆勢追躡，比至磐井川，賊多漂溺，殺獲百餘，奪馬三百餘。賴義謂武則曰：今日縱賊，明日必振。武則乃以精兵八百窮追。賴義還營饗士卒，親巡軍間，傷夷衆咸感激。武則追及賊，分死士五十人潛從西山入。貞任軍舉火，乃三面薄戰，賊衆駭亂，自相殺傷，遂棄高梨石坂二柵，逃入衣川關。步騎失路，投墮崖谷，僵尸相枕。六日，賴義進入高梨，欲攻衣川關，路極險隘，會霖雨水漲，乃使武

國史紀事本末

卷二十四

八

貞賴良武則分道進攻。川上有樹枝柯縈蟠蔽水，武則令兵士久清攀樹濟水，壯士從者三十餘人潛入賊帥藤原業近營縱火。貞任等望見大駭，棄關而走。保鳥海柵，七日官軍進至白鳥村，攻大麻生野及瀬原二柵，屠之。生虜曰：賊中梟將如平孝忠金師道安部時任等皆已爲官軍所獲。十一日官軍乘曉襲鳥海柵，賊已逃。保廚川柵，賴義入鳥海柵休兵，柵中有酒數十甕，衆欲飲。賴義疑有毒止之，一人潛飲無害，衆乃爭飲，皆呼萬歲。賴義謂武則曰：鳥海柵吾嚮聞其名，今藉卿力取之，卿視我顏色如何？武則曰：將軍暴師十餘歲，天地助其忠。

士卒感其志、是以有今日之捷、愚臣何力之有、但見將軍白髮、今乃半黑、若破厨川、髮皆鬢然、形容豐滿矣、賴義曰、摧堅挫銳、功實在卿、卿勿多讓、顧吾髮還黑、固當然耳、武則乃進攻黑澤、鶴脰比與鳥三柵破之、十五日官軍進圍厨川、堀戶二柵、柵面面阻河、河岸峻絕、三丈餘、柵踞其上、構樓櫓、鑿堊、植刃布鐵、蒺藜、官軍進逼、賊發矢石、灌熱湯、官軍莫能近、賊招官軍曰、欲戰者來、賊婦數十人登樓唱歌、賴義惡之、十六日冒曉進攻、苦戰一晝夜、官軍死者數百、柵固不拔、十七日賴義令眾壞民家填塹、刈草積之河所、賴義下馬遙拜皇城、禱八幡

國史紀事本末

卷二十四

九

神乃自取火稱神火、擲之時、矢集樓櫓、如蜩毛、火燒箭羽、暴風適起、煙燄鬱勃、柵中大擾、官軍急進攻、賊兵突出、銳甚、武則命眾闕圍一角、賊乃遁走、官軍擊殲之、生擒經清、賴義面責曰、今日猶能用白符否、命以鈍刀斬之、負任揮劍苦戰、官軍以鉞刺之、載以大盾、昇之而至、賴義讓而斬之、并斬其弟重任、宗任逸去、負任子斗代、童年十三、美貌善戰、官軍擒之、賴義憫而欲宥之、武則進曰、勿以小仁致大害、乃斬之、柵中美女數十人、皆衣綾羅金翠、賴義悉賜之、將士、負任伯父為元、弟家任出降、居數日、宗任則任金為行、藤原業近等亦降、獨則任

妻花三歲兒、赴水而死、僧良昭走出羽、為守源齊賴所擒、正任亦走出羽、聞宗任降、亦降、陸奥悉平、陸奥一日賴義與武則射獵、武則一矢獲雙鳥、賴義賞以鞍馬、東鑑建久武則尤服義家威猛、欲試其弓力、疊堅甲三領、掛之樹枝、請射之、義家一發洞貫、武則驚歎曰、君神人也、眾之懾伏亦宜矣、陸奥義家善遇降虜、尤親愛宗任、一日射獵、獨令宗任從、見一狐、曰、吾不忍殺、乃射箭汰耳、聞著地、狐斃、義家曰、是怖死也、宗任進其箭、義家命神之背後、胡繇其推誠、不疑如此、古今著聞集六年春二月、賴義遣藤原李俊獻負任重任、經清頭於

國史紀事本末

卷二十四

十

京師、檢非違使受而貫之、鉞、揭絳帛、書名、水左敕梟之、西獄門、責賤聚觀如堵、尋論、切行賞、賴義叙正四位下、任伊豫守、義家叙從五位下、任出羽守、弟義綱任左衛門少尉、叙從五位下、清原武則叙從五位上、任鎮守府將軍、李俊任左馬允、陸奥略記秋八月、賴義私創八幡神宮於鎌倉、鶴岡報賽焉、東鑑治承四年

七年春三月、賴義以諸降虜旋師、廷議不許諸降虜入京師、百鍊抄宗任、正任、真任、家任、并家属安置伊豫、朝野群載良昭太宰府、百鍊抄賴義建堂於六條坊門北、瘞陸奥役所獲賊一萬五千名、曰耳納堂、尊卑義家嘗過關白賴

通談陸奥之戰、大江匡房潛聽之曰、彼材武絕倫、惜不

知兵、義家從者怒告義家、義家曰、理或然矣、遂就匡房

問兵法、後三年記古
今著聞集

治曆三年、宗任等謀逃、還陸奥、廷議使之太宰府、百鍊抄

初、藤原經清有子曰清衡、經清既伏誅、清原武貞納其

寡婦、生子家衡、武則卒、武貞嗣、武貞卒、長子真衡嗣、資

父祖餘業、勢益雄彊、後三年記
武貞又有子曰武衡、東鑑養和元年

白河天皇承保二年、賴義卒、永左

永保元年春二月、義家脩鐵倉八幡宮、東鑑治承四年

三年秋、義家任陸奥守、兼鎮守府將軍、先是賴義東征

國史紀事本末 卷二十四 十一

納常陸人多氣宗基女生一女、真衡為養子、成衡娶之

國中、臣族饒遺相属、吉彦秀武從出羽來、堆金於盤、捧

之而進、將饒真衡、真衡方與一僧圍碁、不顧秀武、秀武

長跪良久、乃大怒、擲金走出、取所齎酒饌、悉與從者食

之、食畢、皆擐甲、馳還出羽、真衡聞之大怒、發兵往攻、國

中輝騷、秀武度衆寡不敵、遣使說清衡、家衡曰、卿等役

属真衡、寧不之愧、彼已陵侮我、又將來攻、卿等何不燒

屠彼家、擒彼妻子、乘釁滅彼、正在今日、清衡家衡大悅、

發兵、火伊澤郡白鳥村民家四百餘區、真衡聞之、驚而

回軍、將擊二人、二人引去、會義家赴任、真衡脩饗禮、設

宴三日、日贈馬五十匹、禮畢、留兵守其宅、又往攻秀武、

清衡家衡又攻真衡宅、會義家兵士藤原正經伴助、兼

檢察木郡、真衡妻遣使謂曰、敵兵來襲、我軍足以拒之、

但婦人不知軍事、請幸來援、二人應之、往與清衡等戰、

清衡等引還、義家乃赴出羽、攻家衡、治柵、不利而還、武

衡聞之、帥兵至治柵、謂家衡曰、義家海內名將、子破走

之、勇名無雙、吾門之榮也、請同死生、家衡大悅、武衡曰、

金澤柵地勢甚便、請往據之、乃使焉、已而秀武、清衡皆

降、義家唯家衡武衡不降、後三年記

堀河天皇寬治元年秋九月、義家帥兵數萬、擊家衡、武

國史紀事本末 卷二十四 十二

衡、將發、大宅光任年八十、留守國府、攬義家轡泣曰、臣

不復能觀將軍之馳逐矣、生亦何益、見者憫壯士衰暮

義家將至、金澤、忽望見飛雁亂行、度有伏兵、遣兵搜之、

果獲伏三十餘人、義家嘆曰、吾若不從江帥學、今日敗

矣、前鋒進薄柵、柵中呼譟、矢石雨注、官軍死傷者衆、相

模人、鎗倉景政年十六、挺身奮戰、矢中其眼、不拔而進、

射殺敵兵、乃還營、三浦為繼欲為拔矢、以足履其面、景

政挺刀欲刺為繼、為繼驚問、景政曰、寧死鋒鏑、不忍面

受人足、為繼乃膝歷而拔之、伴助無每戰先驅、義家賞

以名甲薄金、又進薄柵、敵發弩助、兼側身避之、曹隨地

康碑、義家弟義光為左兵衛尉、宿衛京師、聞義家戰不

利、請往援、不許、乃辭官、帥壯士腰瀧口、李方等而發、

記年伶人豐原時秋追及於途、請與俱、義光辭不可、時秋

父曰、時元、義光嘗從學、笙受秘曲、時秋幼孤、不及受、義

光至、足柄山、將砍關而去、乃下馬坐地、吹笙授秘曲、別

去、古今著聞集遂至金澤、義家驚喜、墮涕曰、今日見卿、猶故

將軍再生、二豎在吾掌握矣、後三義家義光皆好音、每

臨戰、必奏陪臚、世傳軍中奏是曲者、必捷、故二將好為

之、體源抄義家設勇怯二座、定戰士優劣、每戰罷、輒有與

奪、獨李方每戰、必勇有五人、就怯者座、衆作歌嘲之曰、

國史紀事本末 卷三十四 十三

軍中有五勇士、聞鳴鐃而掩耳、有李割惟弘者、即其一

也、深愧之、義家苦攻累日、柵堅不拔、秀武說義家曰、柵

中堅守、吾兵頗沮、不如合長圍、以困敵、糧食一竭、不戰

而潰矣、義家從之、自圍其二面、義光圍其一面、清衡等

圍其一面、頃之、武衡遣使曰、兩軍罷戰、無以銷日、我有

驍兵、曰龜次、願君出一壯士試之、義家乃令壯士鬼武

應之、交聞數刻、遂斬龜次、官軍譟譟、敵怒而突出、官軍

殺獲殆盡、是日惟弘先登而死、家衡兵十任登樓罵義

家曰、汝父賴義、攻貞任不克、奉名簿於故清將軍乞兵、

藉其力以克之、汝等實我臣僕、乃背恩來攻、寧免天譴、

官軍將應之、義家固止之、已而柵中糧乏、武衡就義光

乞降、義家不許、武衡乃乞哀、義光曰、君幸來入柵、我束

手歸君、義家聞之、呼義光曰、古今豈有將帥輕入敵壘

者邪、若隨其計、噬臍何及、義光乃止、武衡又請曰、君若

不來、幸使親臣一人來、義光問衆曰、孰能往者、衆咸推

李方、乃遣之、李方緩服入柵、敵露刃擁路、李方側身而

進、武衡迎見大喜曰、願為我乞命、乃贈以黃金、李方不

受曰、吾他日取柵以金馬往、將出、願曰、欲擒則擒、按刀

微笑而出、衆益服其勇、時攻圍自秋至冬、官軍皆憂曰、

大雪將至、吾輩凍死矣、潛送鎧馬於國府、令妻子鬻以

國史紀事本末 卷三十四 十四

還京、柵中糧益乏、婦女多逃、官軍為之開路、逃者益多、

秀武謂義家曰、官軍畏寒、唯恐柵不速陷、將軍何不殺

逃者、柵中不復出、而糧速竭矣、義家從之、柵中果因十

一月十四日、義家夜謂親臣藤原資道曰、柵今夜必潰、

吾軍宜火營、驅寒衆驚恠、遲明敵果火柵、乘烟而進、官

軍競進奮擊、武衡匿池水中、以草蔽面、衆遂擒之、并獲

十任、家衡有愛馬花柑子、繫而射殺之、變服逃去、縣次

任遮斷蹊要、悉斬逃兵、遂獲家衡、義家責武衡曰、汝教

十任罵我、所謂名簿焉在、汝父俘囚而為鎮守府將軍、

非故將軍之力耶、汝何乃抗我、武衡伏地乞命、義家命

斬之武衛目義光乞哀義光進曰殺降不祥義家彈指罵曰所謂降者束手來歸如宗任等是也今彼力窮就擒何謂降人遂斬之占千任曰汝猶能罵我不命截其舌或欲以手探舌義家叱曰奈何以手探虎口衆乃取鐵箸毀齒斷舌命縛之樹蹈武衛頭千任縮足不肯蹈久之力竭遂蹈之義家曰吾耻既雪獨恨不見家衛首耳俄而次任兵揭首於鉞來獻義家大悅賞以鞍馬乃梟其黨四十八人首與羽悉平遣使京師奏曰武衛家衛舉兵罪浮貞任宗任臣既以手兵平之請速賜追討官符臣將獻首闕下廷議以為武衛等私仇也官符一

國史紀事本末

卷三十四

十五

下不得行賞奈何賞私闖遂不許義家乃棄首於途

還京師

後三年

世謂之後三年之役

後三年

自賴信平忠

常至是五十九年源氏定東國之亂者三威益震東國

矣白河法皇聞藤原則明猶存一日召之命談天喜之

役則明曰大將已薨鎮守府時方凝寒途遇微雪將說

士卒凍飢之狀法皇止之曰事大慘烈其餘不必聞乃

賜衣而罷

十訓抄士卒凍飢據扶桑略記

法皇又嘗患夢魘敕義家獻

兵器厭之義家上黑漆弓一法皇置之側魘遂弭乃問

曰得非陸奥之戰所用耶對曰臣不復記憶法皇嘉歎

談古事

國史紀事本末卷之二十四終

國史紀事本末

卷三十四

十六

弟延之 延壽校

國史紀事本末卷之二十五

從六位前大學校中博士常陸青山延光 編次

後三條剛明

後朱雀天皇寬德二年春正月帝不豫欲禪位皇太子而令皇子尊仁親王居東宮顧命關白賴通賴通以親王非藤氏出不欲立之對曰立東宮尚未晚也賴通退弟能信進近御床詭言白曰陛下欲以第二宮付何僧帝曰是何言朕將置之東宮前謀之關白關白不欲故止能信曰聖慮已然宜早決定不可過今日也即日立尊仁親王爲皇太子能信爲東宮大夫今鏡愚管抄尚方有

國史紀事本末

卷二十五

一

劍名壺切必傳東宮賴通不肯上曰縱正位青聞自非藤氏出則不可得皇太子聞之曰一劍何用我不欲焉江談抄劍本藤原長良寶器基經獻之宇多帝云扶桑略記帝崩皇太子立是爲後冷泉天皇皇太子以非藤氏出孤立無援一日有罪人逃匿宮側別當源經成率檢非違使逮捕恐其逸入宮中合圍及宮經成執兵在中門廊宮臣驚愕太弟起更衣少時事定撤圍而去世疑儲位有變太弟亦不自安時有行親者善相人嘗曰皇太子必踐大位誰得動搖今鏡僧成尊問曰殿下常拜北斗乎太弟曰月必一拜非敢祈踐阼也有時或念卽位則欲

云云自省此念萌於不忠因拜之以悔過成尊感泣而退古事談藤原實政以宿儒爲東宮學士情意款密相懼如朋友後出爲甲斐守太弟賦詩餞之曰州民縱發甘棠詠莫忘多年風月遊十訓抄甲斐守據公卿補任

後冷泉天皇治曆四年夏四月帝崩皇太子立是爲後三條天皇扶桑略記御府藏應神帝玉冠歷世天子每卽位必冠之而其制不適唯帝冠之宛如自制者古事談即位時帝在儲位二十餘年見藤氏擅權心甚不平又數緣事積怨賴通而含忍不發及卽位痛抑其權奪之政柄賴通退居宇治憚帝威嚴歛藏蹤跡教通雖居台輔備員而已

國史紀事本末

卷二十五

二

一條帝以後政歸相門朝憲稍弛續性傳帝剛健嚴明不受牽制榮華物語躬親機務規模大定續性傳公道是從請託不行理苟不苟則雖太后所言猶不肯從自是皇綱再張羣下肅然榮華物語大江匡房嘗以學士侍帝於東宮日夜講論及卽位卽日補藏人今鏡嘗惡權大納言源隆國恃寵無禮至是欲洩忿於其子權中納言隆俊一日帝竊窺之隆俊正笏端坐行事於陣營辨敏給嘆曰如此人才未易得也若棄而不用朝廷失一賢佐矣古事談弟隆綱任參議帝又惡之會藤原仲冬射狐於齋宮廷議定其罪隆綱抽筆書讞曰雖有

飲羽之號未見首丘之實帝讀之曰才藻可嘉乃親任之參取公卿補任憑管抄古事談續古事談帝妹娟子內親王嘗奔左大臣

源俊房榮華物語後冷泉帝憚賴通置而弗問帝大怒既即位讓俊房屏居終世不召見古事談

後三條天皇延久元年春二月二十三日敕寬德二年以後新置莊園一切罷之雖在二年前券契不明妨國務者宜停止焉扶桑略記百鍊抄三月十五日謁石清水宮扶桑略記

時風俗華侈雖下吏車飾以金帝欲革其弊古事談是日都人士女出觀鹵簿車有金飾者帝為駐蹕輿命盡剔去唯乳母所乘得請而僅免鏡今秋七月二十二日始

國史紀事本末 卷二十五 三

令御廚子所進菜蔬八月朔遣前駿河守平維盛檢非違使源家宗等於大和捕金摩多山賊致親九月幸賀

茂扶桑略記都人出觀者絕無金裝車鏡今冬閏十月四日致親伏誅扶桑略記十一日始置記錄所於太政官所百鍊抄時

權貴多占莊園為民蠹害帝命其家各上契券檢覈虛實憑管抄神皇正統記

二年春正月遣檢非違使逮捕狩獵翦伐於盾列南北陵域者扶桑略記百鍊抄二月七日定絹布制十二日禁中火

扶桑略記帝出避衆驚亂殆觸乘輿侍從源俊明後至自執弓矢叱而退之帝大悅古事談俊明亦隆國子公卿補任帝素

惡之是後善遇之古事談

三年秋七月十三日親試侍臣詩百鍊抄冬十月二十九日行幸日吉社日吉行幸始此百鍊抄一是歲宮人源

基子生實仁親王帝大喜進為女御基子參議基平女時宮中私相謂基子不過為更衣及命下聞者皆駭或

謂基子小一條院孫賴宗外孫故帝特貴重之而不問父之官爵如後冷泉憚賴通則必不為此舉也榮華物語

四年春二月二十日帝下東庭遙拜大神宮三日而止百鍊抄帝最尊神其在東宮嘗使藤原實政於春日社至

水津遇藤原隆方隆方自負門地陵辱實政實政歸泣訴之其後隆方為權左中辨而實政求左中辨帝曰凡

事不容毫有背理初任辨官豈宜直為正官哉藏人頭藤原資仲在側曰實政欲解水津之憾耳帝沈思良久

迺曰朕將請之天照大神矣遂越隆方任左中辨帝一日奉幣伊勢親草宣命示大江匡房有朕即位以來不敢為私之語匡房曰神不可欺請垂教諭帝作色曰朕

有何私曰前以藤原實政為左中辨豈不超隆方邪帝默而止今鏡參取古事談三月二十六日行幸稻荷祇園稻荷

祇園行幸始此夏四月大極殿成十五日臨御設宴作樂王公以下賜物有差扶桑略記秋八月十日定沽價法百鍊抄

國史紀事本末 卷三十五 四

抄九月二十九日定斗升法、用長保例、扶桑略記帝欲審量

制、命新作器、使藏人頭藤原資仲督之、帝自抽簾竹、截

爲之準、及成、資仲等率藏人出納小舍人、量殿庭沙試

之、而取穀倉院米量之、東齊隨筆後世遵用、謂之延久宣旨

升、愚管抄冬十一月九日、官符畿內、禁私養鷹、鷄、縱獵、近

郊、朝野羣載十二月八日、帝不豫、榮華物語讓位皇太子、皇太子

立、是爲白河天皇、扶桑略記

白河天皇延久五年夏四月、太上天皇不豫、尋薨、五

月七日、法皇崩、年四十、扶桑略記賴通嘆曰、帝而早崩、

邦家不幸、孰甚於斯、古事談續大江匡房謂、教化被世、

國史紀事本末 卷二十五 五

可比隆於承和延喜也、續往生傳

白河鳥羽好佛、聽政院中

白河天皇承保二年秋七月、慶金字大般若經於石清

水、扶桑略記帝好佛法、受法華經於僧增譽、元亨釋書玄義文句

止觀於僧良真、鏡今八月、創法勝寺於白河、扶桑略記故

關白賴通別莊也、抄賴通又有別莊在宇治、嘗捨爲

寺、名平等院、扶桑略記後三條帝聞其多付近地、田里大怒、

遣使檢察、賴通聞之、設錦幄於寺門、供張甚盛、官使大

懼而還、古事談賴通問民部卿泰賢曰、吾造此寺、功德幾

何、曰、是餓鬼道業耳、續古事談

三年夏六月、慶金剛壽院、扶桑略記秋七月、造六條宮、

八月宮成、車駕臨幸、圓太曆貞和二年冬十月、行幸大井河、獵

於嵯峨野、公卿侍臣皆從、扶桑略記十二月、自賀陽院

徙御六條宮、是月、關白師實慶平等院阿彌陀堂、百鍊抄

承曆元年冬十二月、慶法勝寺、車駕臨幸、扶桑略記是

日、又慶講堂阿彌陀堂、五大堂法華堂、百鍊抄尋給封一

千五百戶於法勝寺、水左帝問僧永觀曰、朕功德何如、

對曰、未可謂罪耳、續古事談

二年冬十月三日、始修大乘會於法勝寺、六日、行幸法

勝寺、授僧官位有差、扶桑略記

國史紀事本末 卷二十五 六

四年秋八月、以內大臣藤原信長爲太政大臣、公卿補任不

歷左右大臣、而直拜相國、自古未有也、源平盛衰記帝剛斷

果決、政出宸衷、相門斂手、有後三條帝之風、而愛憎任

意、授官任職、率不遵舊典、中右

永保二年春二月、修最勝會於圓宗寺、以爲永式、年中行事

冬十一月、行幸仁和寺、慶喜多院、後拾遺是歲大旱、天

下饑饉、停營造宮室、扶桑略記

三年冬十月、行幸法勝寺、慶九層浮圖藥師堂、八角堂、

參取扶桑略記應德元年夏四月、造園城寺金堂、扶桑略記五月、慶總持院

抄百錄 秋九月藤原中宮病篤帝不許出宮尋崩於宮中

帝抱尸哀慟權中納言源俊明奏曰王者不近凶穢帝

曰為之自朕談古事此後不復視諸節會抄百錄廢務期年

每月作佛像抄百錄建圓德院勝樂院常行堂一代要記

二年春二月慶勝樂院秋八月慶園光院及法勝寺常

行堂抄百錄冬十一月皇太弟薨初後三條帝禪位於帝

立皇子實仁親王為皇太弟臨崩遺詔曰異日太弟踐

祚宜立輔仁為太弟源平盛衰記輔仁親王有才能善詩歌

聲名殆亞兼明具平兩中書王今鏡參取中右記至是帝背約

欲立皇子善仁親王輔仁鞅鞅退居仁和寺花園琴歌

國史紀事本末 卷二十五 七

自遣源平盛衰記十二月慶園城寺常行堂扶桑略記

三年春正月規九條以南鳥羽山莊百餘町造離宮近

臣以下至庶人賜宅地課五畿七道徭役穿池築山宏

敞鉅麗營構極巧冬十月慶園城寺金堂及東寺五層

浮圖十一月立善仁親王為皇太子即日讓位皇太子

立是為堀河天皇時年八歲扶桑略記上皇決政院中中右記

始置院別當以權中納言源俊明等為之執政大臣皆

憚之愚管抄俊明嘗造丈六佛像陸奧押領使藤原清衡

遺金以資之俊明不受或問其故俊明曰彼盤據邊陲

安知異日不叛朝廷有征討之議吾將與聞所以不受

也十訓抄

堀河天皇寬治元年春二月鳥羽宮成上皇遷御儀衛

如在位時中右記初關白賴通造高陽院榮華物語賴通子

修理大夫俊綱居伏見里皆以勝樂聞民部卿泰憲石

田別莊尤得名後授賴通子僧覺圓上皇一日問俊綱

以近京勝境對曰石田第一問其次曰高陽院上皇曰

第三得非鳥羽乎曰鳥羽本非勝地然皇宮在焉故名

過其實其實則臣之伏見是為第三聞者辨其真率今鏡

夏五月上皇幸平等院留三日攝政以下公卿從焉扶桑略記

國史紀事本末 卷二十五 八

二年春二月上皇幸高野山路經奈良供張甚盛徧禮

佛塔寺院遂至高野觀僧空海像使僧講經敕置阿闍

梨營造大塔賜僧粟帛有差扶桑略記冬十一月上皇幸延

曆寺留三日中右記

三年夏五月上皇幸延曆寺留七日使一千僧讀經冬

十二月上皇幸近江彦根西寺民間浮言西寺觀音靈

驗限於是年都鄙人士羣集中右記百鍊抄

四年春正月上皇幸熊野付近郡田圃百餘町百鍊抄冬

十月上皇幸清水寺留十五日中右記

五年春二月上皇幸熊野中右記

六年秋七月、上皇幸金峰山、藏法華經一百部、金字五

部、大乘經、宸筆金字、法華經等、賜袈裟於一百僧、置阿

闍梨扶桑略記

嘉保二年、上皇造閑院中右記、閑院本左大臣藤原冬嗣

策、巨勢金岡布置泉石拾芥抄、夏六月宮成、上皇與皇女

郁芳門院徙居之中右記、門院為帝準母一代要記、上皇最愛

之榮華物語

永長元年秋七月、上皇觀田樂古事談、時京師田樂盛行、

貴賤男女被服錦繡、鏤飾金銀、歌舞呼譟、晝夜不絕、郁

芳門院最好之、屢召之、院中、人以為妖朝野群載、八月門院

國史紀事本末 卷二十五 九

崩、上皇哀悼、遂落髮中右記

承德元年秋八月、法皇慶圓光院、修郁芳門院冥福、冬

十月捨門院故宮為佛閣百鍊抄

二年秋九月、法皇毀閑院、運其材於鳥羽、營構焉百鍊抄

康和元年春正月、以法皇皇子僧覺行為親王、法親王

始於此仁和寺御傳、法皇有八皇子、為僧者六人、而三人為

法親王、後世皇子多為僧、自此時始也參取諸書大意、夏六月

關白內大臣師通薨公卿補任、師通嘗見百司填法皇宮門、

嘆曰、豈有禪位之君而立車於門者乎、自師通亡、法皇

鳥羽南殿一代要記

三年春三月、法皇慶鳥羽證金剛院百鍊抄

四年春三月、帝詣鳥羽宮、賀法皇五十算、設宴舞樂中右記

五年春正月、皇子宗仁生、法皇迎入宮本朝世記、先是帝有

病而未有皇子、人皆屬望輔仁親王、法皇聞之曰、朕雖

出家、未嘗受戒、制法名、主上若有不諱、朕當再踐位、至

是其志遂寢台記、夏六月立宗仁親王為皇太子百鍊抄、冬

十二月初關白師道薨、弟家忠序齒應為關白、然父師

實以孫忠實為己子、意欲使為攝籙、帝乃使忠實視太

國史紀事本末 卷二十五 十

政官事、至是右近衛大將關家忠欲補之、法皇欲以寵

臣藤原宗通任之、家忠私與忠實謀、忠實曰、無復它計、

憑中宮為內援耳、家忠從其言、密請中宮、中宮知法皇

之意不可奪、不敢為先容、法皇遣右大辨藤原宗忠言

旨於帝、帝吹笛不應、宗忠恐法皇之譴、請速得報、帝曰、

以宗通補大將、敢不奉命、然朕有所惑、昔有教教、政之

大者莫過於官人、上自大臣大將、下至教員尉、妙簡器

用、一從輿論、朕深服膺、今權大納言家忠位次才望、非

宗通之比、才果可用、則固當超擢、不必論官位高下、而

未聞宗通才過人、卿以是還奏、宗忠復命、法皇愧服、乃

以家忠仕之鏡今

嘉承二年秋七月帝崩法皇詔皇太子嗣位是為鳥羽

天皇時年五歲中右記

鳥羽天皇天仁元年秋九月法皇脩百座仁王講於法

勝寺金堂冬十月法皇幸法勝寺使一千僧讀經中右記

二年春二月法皇慶法勝寺曼陀羅堂百鍊抄夏四月法

皇藏金字佛經於賀茂石清水春日稻荷日吉祇園北

野住吉八社帝王編年記秋八月法皇慶鳥羽塔百鍊抄

天永元年春正月法皇幸法勝寺慶金字大藏經永昌記

數值雨不果法皇震怒咸雨於器而下獄時人謂之雨

國史紀事本末 卷三十五 十一

禁獄源平咸衰記

二年春正月法皇使一千僧讀經法勝寺夏五月法皇

修三十講於法勝寺中右記

三年春三月帝詣六條殿賀法皇壽六十中右記二月帝

從法皇幸鳥羽慶多寶塔中右記

永久二年冬十一月帝從法皇幸白河慶蓮華藏院安

大像九軀中右記是歲法皇皇子覺法法親王補法勝

尊勝二寺檢校仁和寺御傳尊勝寺堀河帝所初也此後帝

初最勝寺待賢門院初圓勝寺崇德帝初成勝寺近衛

帝初延勝寺謂之六勝寺拾芥抄

五年夏五月法皇幸熊野一代要記冬十月法皇幸熊野中右記

元永元年秋閏九月法皇幸熊野慶大藏經於本宮留

至十月中右記

二年秋九月法皇幸熊野留至十月冬十一月輔仁親

王薨中右記輔仁嘗以醍醐僧仁寬為護持僧適有飛書

告仁寬與其徒勝覺謀不軌欲使童千手九犯乘輿遣

檢非違使盛重捕之鞫問童曰仁寬每為三宮禱登帝

位遣我伺狙至尊朝議減死一等流仁寬及千手九源平

咸衰輔仁不自安杜門不出法皇因出幸過其第詔令

國史紀事本末 卷三十五 十二

開門百鍊抄及薨聞者悼惜中右記子有仁幼有才能今美

姿貌法皇愛之今鏡且欲慰藉輔仁命加冠於御前源平

咸衰養為子每出幸令陪乘今鏡帝未有皇嗣屬意有仁

己而崇德帝生乃賜姓源朝臣敘從三位仕右近衛權

中將補公卿有仁好修儀容台記衣裳製度莫不精緻帝亦

喜華飾用有仁家人仕藏人以掌供御服今鏡凡朝服有

稜鳥帽有額皆自此時始神皇正統記

保安元年冬十月法皇幸熊野留二旬中右記

四年春正月帝禪位皇太子皇太子立是為崇德天皇

時年五歲二代要記夏四月法皇造小塔三十萬大各五寸

置法勝寺、舞樂慶之。百鍊抄、一
代要記、

崇德天皇天治元年春二月、上皇從法皇幸白河觀雪、

內大臣源有仁以下騎馬扈從。百鍊抄、上皇烏帽直衣御

馬前行、嵯峨上皇遷於嵯峨院、御馬而出、爾後始有此

舉。神皇正統記、閏月上皇從法皇幸法勝寺觀花、後宮皆以

金銀飾車、攝政忠通太政大臣雅實以下公卿扈從、前

驅後乘、衣服窮極靡麗、寺僧聚遠近落花鋪地、車騎如

行雪中、還過白河南殿飲宴、命羣臣作和歌、盡歡而罷、

今鏡、百鍊抄、冬十月上皇幸熊野、是月覺法法親王慶仁和

寺多寶塔、爲法皇祈福。百鍊抄、

國史紀事本末 卷二十五 十三

二年法皇嚴禁天下殺生。百鍊抄、保安以後、法皇寵臣權

中納言藤原顯隆專參預機務、勢傾一時。中右記、夜常入

侍、所言多聽、時人稱曰夜關白。今鏡、法皇命羣臣營殿宇

堂塔、於是顯隆造室町泉殿、播磨守家保造三條烏丸

新宮、紀伊守顯長造白河三層塔、伊豫守基隆造春日

殿及白河三層塔、但馬守敦兼造白河五層塔、越中守

公能造高野塔、伊豆守盛雅造白河佛堂及愛染像百

軀。百鍊抄、

大治元年春正月、法皇上皇待賢門院幸白河、慶五層

塔、二月法皇上皇待賢門院幸熊野、留二十餘日、三月

法皇上皇幸法勝寺、慶愛染像百餘軀七寶塔及小塔

一萬基、是月再幸法勝寺金堂、慶三層塔及大威德像

百餘軀。百鍊抄、夏四月法皇上皇幸法勝寺、慶觀音

像百餘軀。中右記、六月法皇收諸國漁網數千、或焚或棄、

放鷹犬鷄鷄。百鍊抄、秋七月法皇上皇待賢門院御東殿、

慶不動像一百軀畫像一千鋪。中右記、八月釋奠用素饌、

百鍊抄、九月法皇上皇幸高野、留四日。中右記、

三年秋七月法皇慶鴨御祖社東塔。百鍊抄、

四年秋七月法皇幸二條東洞院第、慶佛像三十軀、還

宮不豫、七日法皇崩於三條烏丸第、年七十七、法皇以

國史紀事本末 卷二十五 十四

院宣號令天下者四十餘年、前後所慶畫佛五千四百

七十餘幅、丈六佛像一百二十七軀、等身佛像三千一

百五十軀、三尺以下佛像二千九百三十餘軀、七寶塔

二十一基、小塔四十四萬六千六百三十餘基、國用窮

匱、國司遷替、頗乖舊典、定任者三十餘國、上萬石萬匹

者、輒得爲國司。中右記、造堂塔者許重仕。百鍊抄、至有父子

三四人同時竝任、童稚者亦得任焉。中右記、及崩、石見守

盛重造丈六佛像三軀脩冥福、施車二十兩於僧徒、施

車始於此。續古事談、此後上皇專理萬機、一效法皇。今鏡、保元物語、

命羣臣以土木、甲斐守範經造尊勝寺佛堂、備前守平

忠盛造白河塔及得長壽院、越中守顯長造土御門宮、

伊豫守家信造阿彌陀堂塔及丈六像九軀於白河、播

磨守基隆造法金剛院、紀伊守公重造最勝寺五大堂、

播磨守家成造寶莊嚴院、周防守憲方造法金剛院新

宮、越中守顯長造熊野五層塔、百鍊抄

五年冬十月上皇幸法勝寺、慶愛染像一百軀、十二月

上皇幸熊野、中右記

天承元年春二月上皇幸熊野、兩院熊野御詣記夏六月上皇

使五百僧讀金字大藏經於法勝寺、薦白河帝冥福、秋

七月上皇始置法華八講於法勝寺、尋慶鳥羽堂、長秋記

國史紀事本末 卷二十五 十五

長承元年春二月得長壽院成、置觀音像一千軀、上皇

將慶之、會大風雨不果、上皇憂之、或曰、昔近江有佛事、

遇大雨不果、乃決雨水於深谷、擬之流刑、雨果歇、請祈

禳之上皇、令諸寺祈晴、三月上皇幸得長壽院慶之、賜

導師天台座主忠尋穀一千石、錢一千貫、沙金一千兩、

施物無算、觀者雲集、上皇悅曰、不有忠盛、孰能使朕成

佛者、乃除但馬守、尋擢刑部卿、聽內昇殿、源平盛衰記冬十

月上皇幸高野、留七日、中右記

三年春正月上皇待賢門院幸熊野、留二旬餘、三月帝

從上皇幸法勝寺、慶金字大藏經、冬十月上皇待賢門

院幸熊野、留二旬、中右記

保延元年春三月上皇待賢門院幸仁和寺、慶北斗堂、

夏四月上皇修百座如法仁王會於法勝寺、中右記

二年春二月上皇幸熊野、留二旬餘、三月上皇慶勝光

明院、中右記秋九月上皇慶金字五部大藏經於石清水、

冬十月帝從上皇幸法金剛院、觀待賢門院慶三層塔

及金字大藏經、百鍊抄

三年冬十月上皇慶鳥羽安樂壽院、中右記是月上皇

幸熊野、中右記

四年春正月上皇待賢門院幸熊野、中右記

國史紀事本末 卷二十五 十六

五年春二月上皇慶鳥羽三層塔、百鍊抄

六年冬十月上皇慶春日社五層塔、儀準御齋會、百鍊抄

永治元年春三月上皇薙髮、法名空覺、修佛事五十日、

羣臣爭獻物、綾錦成堆、皆親僧徒、施食鳥獸、今冬十二

月帝禪位皇太弟、是為近衛天皇、時年三歲、百鍊抄、一

近衛天皇康治元年夏五月、法皇受戒於東大寺、留三

日、尋受戒於延曆寺、留九日、台記

二年春閏二月、法皇上皇幸熊野、留至三月、台記

天養元年春三月、法皇上皇幸熊野、台記冬十月法皇上皇幸

仁和寺、慶孔雀明王堂、台記、百鍊抄是月法皇上皇延曆寺、令

一千僧讀經、台記

久安元年秋八月、待賢門院崩、法皇為造佛像三軀、寫金字五部大衆經法華經、上皇亦畫佛像、書佛經、冬閏

十月法皇幸四天王寺、台記

二年夏五月、法皇幸延曆寺、留二旬、秋九月法皇幸四

天王寺、修舍利會、台記

三年春三月、法皇幸熊野、夏六月法皇上皇幸延曆寺、

留八日、秋八月帝從法皇慶鳥羽佛堂、九月法皇幸四

天王寺、修萬燈會、台記

四年春二月、法皇幸熊野、留至三月、秋九月法皇幸四

國史紀事本末

卷二十五

十七

天王寺、念阿彌陀佛名一百萬遍、台記歲以為常、續教訓抄

五年冬十二月、法皇幸四天王寺、慶念佛堂、百鍊抄

六年春三月、法皇美福門院幸熊野、留至四月、夏五月

帝從法皇幸法勝寺、觀美福門院慶金字大藏經、台記

仁平元年春三月、法皇美福門院幸熊野、台記

二年春三月、帝詣鳥羽宮、賀法皇五十壽、造等身佛像、

寫金字壽命經一百卷、使六千僧慶之、歌舞宴樂、公卿

悉陪、今鏡秋九月法皇高陽院美福門院幸四天王寺、山枕

記時陸奥押領使藤原基衡亦好佛、令京師佛工雲慶

造佛像、贈以黃金百兩、駿馬五十匹、鷲羽百尾、水豹皮

六十餘枚、安達絹千匹、希婦細布二千端、白布三千端、

信夫毛地摺千端、更贈生絹三船、雲慶大悅、戲曰、練絹

尤佳、使者還報、基衡更贈練絹三船、法皇聞之、取其佛

像觀之、愛其精巧、欲留之、基衡聞之、七日不食、因關白

忠通哀訴、法皇敕與基衡、基衡子秀衡亦建佛寺、寫放

平等院云、東鑑

三年春二月、法皇幸熊野、慶金字大藏經、百鍊抄

久壽元年秋八月、法皇慶鳥羽金剛心院、儀準御齋會、

九月法皇高陽院美福門院幸四天王寺、台記

二年秋七月、帝崩、法皇與美福門院關白忠通議、立皇

國史紀事本末

卷二十五

十八

子雅仁親王、是為後白河天皇、參取今鏡、愚管抄、保元物語

後白河天皇保元元年夏六月、法皇不豫、美福門院薨、

於鳥羽成菩提院、保元物語秋七月法皇崩於鳥羽安樂壽

院、年五十四、即夜葬於安樂壽院塔、以擬山陵、百鍊抄、一代要

記、即夜據崩後十日、京師大亂、事見保元之亂法皇決政院中

二十八年、保元物語、今鏡後世舉仙院典章、稱白河鳥羽二帝、

神皇正統記

二條天皇永曆元年冬十一月、美福門院崩、鳥羽法皇

嘗為門院造塔鳥羽東殿、為藏骨之所、百鍊抄而門院竊

營堂於高野山、遺令藏骨云、今鏡

國史紀事本末卷之二十五終

國史紀事本末 卷之二十五

十九

國史紀事本末卷之二十六

從六位前大學校中博士常陸青山延光 編次

僧徒之亂

醍醐天皇延喜十四年夏四月、式部大輔三善清行上意見封事、其略曰、欽明天皇之代、佛法初傳本朝、推古天皇以後、此教盛行、上自羣公卿士、下至諸國黎民、不建寺塔者、不列人數、故傾盡資產、興造浮圖、競拾田園、以爲佛地、多買良人、以爲寺奴、降及天平、遂傾田園、多建大寺、其堂宇之崇、佛像之大、工巧之妙、莊嚴之奇、有如鬼神之製、似非人力之爲、又令七道諸國建國分二

國史紀事本末 卷二十六

一

寺、造作之費、各用其國正稅、於是天下之費十分而五、近歲官符禁權貴兼并、人民得安、而猶可患者惡僧也、諸寺年分及臨時得度者、一歲或至二三百人、邪濫之徒過半、又諸國百姓、逃課役、逋租調者、私自落髮、猥著法服、天下人民、充首過其半、皆家蓄妻子、口啖腥膻、形似沙門、心如屠兒、其最甚者、聚爲羣盜、竊鑄錢貨、不畏天刑、不顧佛律、若國司依法勘糾、則霧合雲集、競爲暴逆、前年攻圍安藝、守藤原時善、劫略紀伊、守橘公廉者、皆惡僧爲之魁、若使官符遲發、朝使緩行、則時善公廉皆已爲魚肉、伏望僧徒凶濫者、登時追捕、令返進度、緣

戒牒、卽著俗服、返附本役、私度沙彌黨之者、卽著鉗鉢、驅役其身、本朝文粹

冷泉天皇安和元年、東大寺與興福寺爭田、構兵、興福

寺僧徒多死傷、帝遣使究問其事、日本紀略元亨釋書畿內近國

佛寺尤大者、有七大寺、十大寺、十五大寺之目、而其最

大者爲園城、興福、延曆、延曆寺、延曆中僧最澄所創、興

福寺和銅中藤原不比等所創、園城寺大津皇子所創、

也、拾芥抄當時之俗、稱祖先所創曰氏寺、源平盛衰記故藤原

氏最重興福寺、而子孫所建亦多、初最澄往唐學法、名

聞一時、其後圓仁、圓珍皆往唐、後皆爲延曆寺座主、其

徒甚衆、

國史紀事本末 卷二十六

二

圓融天皇天元四年冬十二月、以權大僧都餘慶爲法性寺座主、圓仁之徒不平之、詣闕奏曰、太政大臣貞信公初法性寺、以圓仁弟子日辨爲座主、爾後未嘗以佗門人爲之、而今相國以圓珍之徒爲之、非舊例也、敕曰、告相家僧徒百六十人、至太政大臣賴忠第訴之、忿爭無禮、帝聞之大怒、詔削百六十人封職、餘慶亦不自安、尋辭職、自是圓仁、圓珍之徒始有隙矣、圓珍之徒出延曆寺居別院、餘慶率門人住觀音院、勝算、穆算等百餘人、猶留延曆寺千手院、元亨釋書

一條天皇永延二年夏六月禁僧徒從者踰制著奇服挾短兵朝野羣載

永祚元年秋九月以大僧都餘慶為延曆寺座主僧徒不奉命拒敕使壞宣命冬十月敕賜前延曆寺座主尋禪封百戶遣使延曆寺宥僧徒罪日本紀略餘慶尋辭職乃以前僧都陽生代之元亨釋書

正曆元年秋八月觀音院成其弟子與禪院僧忿爭圓仁之徒大怒火千手院毀十光院房舍四十餘宇盡逐勝算穆算等一千餘人出延曆寺自是圓珍之徒不復住延曆寺延曆園城二寺始構隙矣扶桑略記

國史紀事本末

卷二十六

三

長保二年夏五月大和言興福寺僧擾添下郡敕令興福寺別當禁僧徒濫行權記

寬弘三年秋七月大和守源賴親劾興福寺僧不法僧徒二千餘人入京訴之左大臣藤原道長諭還之法成寺攝記

政記

後朱雀天皇長曆三年春二月延曆寺僧徒聞朝廷將以園城寺僧明尊為座主上疏沮之不可乃會議於法成寺南門會者三千餘人詣關白賴通第訴之賴通諭曰今日暫還待後命僧徒退明日會祇陀林寺賴通遣使告曰天台座主古今所重故簡智行兼備者補之不

必局圓仁一門也圓珍之徒亦多補之今明尊不愧其職慎勿妄訴於是僧徒大怒馳至賴通第第門闔僧徒且扣且呼或鑿地欲倒門賴通大怒命能登守平直方帥兵禦之僧定清等力戰執大僧都教圓而逃廷議遣檢非違使捕定清下獄以教圓為座主三月僧徒行火高陽院詔大索天下兩黨益有隙參取扶桑略記元亨釋書賴通嘗命左衛門尉平致經夜送明尊於園城寺致經徒行送之從者僅一人行里許路旁有二壯士牽馬而進即致經家兵致經跨馬率壯士而進須臾又遇二壯士挾弓矢亦從致經所在皆然比至河原至三十餘人明尊服

國史紀事本末

卷二十六

四

其有備今昔物語

後冷泉天皇永承四年興福寺僧徒攻大和守源賴親第賴親子賴房拒戰僧徒多被創乃詣關白賴親父子五年春正月流賴親於土佐賴房於隱岐扶桑略記

康平六年春三月興福寺僧靜範發成務帝山陵盜寶物冬十月流靜範於伊豆扶桑略記百鍊抄

白河天皇承保元年夏六月延曆寺僧徒率眾火園城寺堂宇帝王編年記

寺堂宇帝王編年記

二年春二月延曆寺僧與園城寺僧爭建戒壇相鬪帝王編年記

編年記

承曆三年夏六月、延曆寺僧數百人、擐甲執兵、入感神院、將訴祇園別當事、敕諸衛檢非違使拒之、京極大路、薄暮、僧徒引還、寺僧數千、明炬出迎、京師望見、駭擾扶桑略記

永保元年春三月五日、先是、多武峯僧陵辱山階寺僧、興福寺僧大怒、是日、帥數千人、攻多武峯、火民家三百餘區、多武峯僧負大纛冠像而逃、乃奏變、敕罷興福寺別當公範、捕首謀下獄、夏四月十五日、先是、日吉社踏歌、大津民往役、為僧徒所辱、乃訴之、延曆寺、寺僧不省、民告情、園城寺、寺僧曰、汝宜去、日吉屬新宮、吾能為汝國史紀事本末 卷三十六

報怨、是日、帥數百人、抑留日吉祭使、延曆寺大怒、二十八日、發兵數千、攻園城寺、寺僧出拒、未戰、日暮、延曆寺僧引還、六月五日、遣使修日吉祭、園城寺僧復出逐祭使、敕捕其黨、寺僧多逃、九日、延曆寺僧數千人、攻園城寺、大堂宇、佛像經卷焚蕩無遺、十八日、遣右大辨大江重俊、檢寺塔罹災者、凡神社四所、御願寺十五所、業院七十九所、塔三基、鐘樓六所、經藏十五所、僧房六百二十一所、舍宅一千四百九十三宇、扶桑略記秋八月乙卯朔、園城寺僧數千、將火延曆寺、敕檢非違使禁之、水左六略記日遣使奉幣、日吉社、告僧徒鬪爭、延曆寺方鑿漸斷路

為守禦備、見敕使以為敵至、乃出拒、飛矢雨下、敕使狼狽逃還、時人笑之、九月十三日、園城寺僧三百人、乘夜攻延曆寺、寺僧擊殲之、十四日、遣檢非違使及前下野守源義家於園城寺、逮捕凶徒、十五日、延曆寺僧數百人、再攻園城寺、火所餘堂宇、凡神社九所、堂院二十所、經藏五所、僧房一百三十八區、扶桑略記僧徒悉掠其財物、運以船馬、船十三隻、以沈為度、馬六十匹、以斃為限、其貪虐如此、抄二十日、奉幣九社、告僧徒擾亂、先是、園城寺兒魁保牛尾山、二十四日、遣前陸奧守源賴俊捕之、水左略記冬十月、謁石清水宮、敕源義家義綱扈從乘輿國史紀事本末 卷三十六

六

以備僧徒、經信記 百鍊抄

二年冬十月、熊野僧三百餘奉神輿入京、訴尾張人殺其徒、扶桑略記

堀河天皇寬治二年冬十一月、白河上皇幸延曆寺、留三日、中右略記時僧徒兇暴、不畏朝廷、而上皇屈意優容如此、

六年春三月、先是、山城賀茂邑民辱興福寺學生、至是僧徒縱火賀茂、焚二百餘家、扶桑略記秋九月、以延曆寺訴貶加賀守藤原為房為阿波權守、百鍊抄流宮內少輔高

階仲實於安藝、扶桑略記

七年秋八月，先是以延曆寺座主良真兼勝蓮華院，本屬西塔、西塔僧怒，_{中右}至是僧徒數千毀良真房舍。

十八日良真帥數百人攻東塔，毀房舍，十九日乘曉攻

西塔，西塔橫川僧徒擊走之，遂入西谷，毀良真弟子房

舍六十餘區，火坂下民家八十餘戶，二十六日興福寺

僧徒數十奉神木入京，訴近江守高階為家侵掠蒲生

郡市莊神人，二十七日流為家於土佐，停子為遠阿波

守，扶桑略記二十九日奉幣二十二社，告南北僧徒凶暴，冬

十月興福寺僧與金峯山僧構隙，廷議以權少僧都貞

禪為金峯山檢校，僧徒拒而不納，十一月三日興福寺

僧與金峯山僧鬪，中右二十一日又鬪，百錄抄

嘉保二年冬十月，延曆寺僧徒奉神輿詣關，訴美濃守

源義綱殺其徒，中務丞源賴治拒之，射殺神人，僧徒棄

神輿而逃，十一月僧徒修五壇法，呪詛國家，敕奉神輿

還山，源平盛衰記百錄抄是後僧徒奉神輿入京，天子為之下殿

公卿警衛一如皇宮罹災之時，禁秘抄

康和二年夏六月，園城寺僧火長吏隆明及弟子坊舍

四年延曆寺僧奉神輿詣右大臣藤原忠實，批祀第，訴

法勝寺檢校事，闖入第中，忠實諭還之，百錄抄

長治元年，延曆寺僧與座主慶朝鬪，毀其房，百錄抄

二年春正月朔，延曆寺僧數十人奉祇園神輿詣關，訴

園城寺僧證觀探題事，二日敕從其請，僧徒乃還，秋八

月延曆寺僧日吉神人詣陽明門，訴太宰權帥藤原李

仲及石清水別當光清殺日吉神人，冬十月神人僧徒

奉神輿，再詣陽明門，請速斷李仲光清等，百錄抄十一月

朔奪李仲官，公卿補任罷光清職，諭僧徒還山，百錄抄

嘉承元年春二月，改流李仲於常陸，連坐者皆奪職，百錄抄

抄冬十月法眼證仁帥延曆寺惡僧入故太政大臣信

長妻家，掠其財物，又奪其莊園，證仁信長子也，初信長

建一堂於九條，令證仁居之，信長薨，證仁無行，妻惡而

逐之，證仁遂帥衆報怨，妻訴之，白河法皇敕禪證仁法

眼和尚位，惡僧賢豪等皆得罪，時延曆寺僧橫暴，法皇

未嘗加罪，獨證仁以非山徒獲罪，時人譏之，中右

二年前少僧都貞尋殺法皇使，捕付檢非違使，貞尋延

曆寺兇魁，戰鬪數十次，遂得罪誅死，中右

鳥羽天皇天仁元年春三月，以東寺僧禪譽為尊勝寺

灌頂阿闍梨，先是灌頂先取東寺，次延曆寺，次園城寺，

是歲屬園城寺，而法皇取之東寺，延曆寺聞之不平，將

奉神輿詣關，廷議遣武士禦之，園城寺僧又將踰如意

峯入京、左大辨源重資曰、僧徒暴橫既極、此而不禁、皇威得無墜乎、衆從之、又敕延曆寺僧綱禁止亂魁、是夜二寺僧徒往來絡繹、炬火燭天、武士嚴備以待、僧徒大喊不進、四月朔延曆寺僧數十人、擐甲奉日吉神輿入京、救檢非違使及源平武士數萬屯法成寺、東河原拒之、數里間人馬填咽、刀槩耀日、僧徒不敢進、日暮山上火光益盛、京師震動、兩陣相持九日、遠近田苗兵士蹂躪殆盡、廷議遣使諭僧徒、許後年灌頂如舊、僧徒大悅、引還、中右記白河法皇爲治剛斷、務裁抑相門、然至僧徒力不能制、嘗嘆曰、天下無不用朕命者、惟鴨河水雙陸

國史紀事本末

卷三十六

九

米山法師不如朕意耳、今鏡中右記夏六月震延曆寺

僧行算房、行算凶悍好亂、人以其爲天譴、會日吉神憑、入曰、惡僧敢爲厲階、亡無日矣、僧徒大懼、寫大般若經以謝之、秋九月興福寺僧與多武峯僧相惡、發兵攻之火其堂宇、僧房攝政忠實捕兩寺首惡逐之、興福寺令權僧正詣忠實曰、放逐僧徒甚不得體、法華維摩二會宜從停廢、且請多武峯永屬本寺、若不見許、將奉神輿入京、忠實曰、多武峯久屬無動寺、不可得奪、而兩寺亂魁皆已放逐、一寺何得獨訴、如欲入京、唯衆所欲、吾當邀之、宇治不使之擾輟下、至火於多武峯者、若赦而不罪

祖先之靈得無怒乎、權僧正不得復請而還、乃命捕寺中魁首、尋皆原之、中右記

天永二年夏六月、法皇問忠實曰、頃延曆寺橫行日甚、聞行家朝臣子仁譽實爲首惡、宜爲之所、忠實曰、然請先施莊園以行講說、又奉官幣祈禱、然後捕其凶惡、法皇曰、朕將思之、秋九月興福寺僧觀東大寺御靈會、忿爭構兵、明日火東寺僧房民戶、冬十月延曆寺僧綱連署奏十條、皆言禁暴惡興佛法之意、法皇大悅、許其所請、明日僧徒與西塔院主弟子關被創者甚衆、其詐偽易變如此、中右記

國史紀事本末

卷三十六

十

永久元年春三月、興福寺僧五千人奉春日神木詣勸學院、訴佛匠圓勢補清水寺別當、敕以僧永緣爲別當、諭僧徒還之、長秋記外記夏四月朔延曆寺僧二千餘人毀清水寺堂宇、奉祇園北野神輿入京、訴興福寺僧凌辱神人、請流興福寺、權少僧都實覺、敕問攝政忠實、以下公卿衆皆曰、實覺無罪、奈何流之、僧徒已至大炊殿南門、喊聲震地、武士禦之不能制、救急召座主仁蒙禁止、僧徒不用命、公卿惶怖失措、不敢一言、大藏卿藤原爲房曰、今日之策、但當從僧徒意耳、衆從之、乃諭僧徒曰、所奏一依、請但是後興福寺請罪、延曆寺僧綱慎勿

格詔命僧徒悅而引還、公卿蘇息、如脫虎口、興福寺僧聞之奏請三事、一曰清水寺隸本寺、今爲山徒所毀、請處座主仁豪大僧都寬慶流、二曰請免權少僧都實覺流、三曰祇園本隸本寺、頃爲山僧所據、請遷神體於本寺、廷議未決、二寺將相攻、京師騷然、十二日敕二寺講解、僧徒不奉詔、十五日奉幣伊勢以下七社、二十五日奉幣春日大原吉田、二十七日奉幣石清水、並禱弭僧徒鬪變、晦興福寺僧數千將攻延曆寺、遣檢非違使平正盛、正盛子忠盛源重時於宇治邀擊破走之、又遣檢非違使源光國左衛門尉平盛重於西坂本、邀延曆寺

國史紀事本末

卷之十六

十一

僧徒、僧徒既入京、屯祇園、

中右記

五月朔延曆寺僧引還、

一代要記是後兩寺之訴紛紛不息、檢非違使罷於奔命矣、
中右記

二年秋七月、下院宣延曆寺禁僧徒帶兵仗、

中右記

保安元年秋八月、興福寺僧春日神人奉神木入京師、

訴和泉國司雅隆凌辱神人、請流之、敕僧綱諭之、不可、

廷議曰、雅隆事在赦前、不當處流、乃停雅隆職、諭僧徒

還之、

中右記

二年夏五月、延曆寺僧火觀音院一乘寺房舍、閏月又

火園城寺、堂宇蕩盡、

百鍊抄、今錄

崇德天皇保安四年秋七月、延曆寺僧徒奉日吉神輿入京師、訴越前守平忠盛殺神人、遣兵士禦之、僧徒棄神輿據祇園、忠盛及左衛門尉源爲義擊走之、送神輿於赤山、

百鍊抄、源平盛奏記

大治四年冬十一月、鳥羽上皇以佛匠長圓爲興福寺

大佛司、興福寺僧惠曉等毆長圓於奈良坂傷之、上皇

遣檢非違使源光信平盛道源爲義等捕惡僧、惠曉既

逃、乃捕其徒、尋放惡僧於諸國、

中右記

長承二年秋七月、延曆寺西塔學徒與中堂僧鬪、

中右記、長秋

遣檢非違使於坂下、捕僧徒首惡、

國史紀事本末

卷之十六

十二

保延元年夏五月、大和守重時到任、欲詣春日社、興福

寺僧聞其將釐革國政、心不利之、將劫之路、重時不敢

往、關白忠通乃遣使禁止僧徒爲暴者、

中右記

三年春二月、興福寺僧七千餘奉春日神木入勸學院、

訴僧定海超權僧正玄覺任僧正、使兵士警衛禁內院

中、

中右記、百鍊抄

廷議罷定海、以玄覺爲僧正、僧徒悅而還、

中右記

四年夏四月、延曆寺僧奉神輿詣鳥羽法皇宮、訴賀茂

社下司、即日許之、僧徒毀賀茂神人宅而還、

百鍊抄、源平盛奏記

六月園城寺僧火別當禪仁房、禪仁發兵鬪爭、

百鍊抄

五年春三月、興福寺僧大別當隆覺坊百錄抄冬十一月

隆覺與僧徒鬪古今著聞集十二月遣檢非違使捕隆覺黨

與百錄抄

六年夏五月、延曆寺僧徒與園城寺僧鬪、火園城寺百錄抄

近衛天皇康治元年春三月、園城寺僧火延曆寺、寺僧

擊卻之台記明日延曆寺僧火大津民家、園城寺僧拒之、

殺傷頗多百錄抄秋八月鞠問興福寺惡僧十五人於勸

學院、命源為義逐之陸奥台記

久安元年春三月、興福寺僧與東大寺僧鬪、火坊舍、秋

國史紀事本末 卷二十六 十三

七月興福寺僧攻金峯山、山僧拒而破之、九月又攻金

峯山台記

二年春三月、園城寺僧火延曆寺僧房百錄抄

三年夏四月七日、延曆寺僧綱詣鳥羽法皇宮、請領加

賀白山、不許、十四日法皇耀兵東河備僧徒、五月以白

山屬延曆寺、六月十五日播磨守平忠盛、中務大輔平

清盛從者與祇園神人鬪、矢注神殿、二十八日延曆寺

僧奉日吉神輿入京師、訴忠盛父子、法皇諭還之、秋七

月法皇又耀兵東河備僧徒、八月十二日僧徒欲以忠

盛處流、怒座主行玄不能力請、逐之、遂毀其房、九月十

七日法皇命延曆寺所司、帥兵捕首惡僧徒拒之、焚其

器仗、毀所司坊、晦法皇敕延曆寺僧綱諭僧徒迎行玄、

僧徒奉命台記

四年秋八月二十六日、興福寺僧將入京師訴事、鳥羽

法皇發兵禦之、宇治川、二十七日使前太政大臣忠實

諭還之台記

五年秋七月、興福寺僧發聖武帝山陵百錄抄

六年秋八月五日、興福寺僧數千人春日神人二百餘

人奉神木入京師、抵勸學院、訴別當久闕、敕檢非違使

源光保帥兵警衛禁門、左衛門尉源賴賢護法皇宮、檢

國史紀事本末 卷二十六 十四

非違使平家弘護崇德上皇宮、十日僧徒棄神木而還、

十六日以僧隆覺為興福寺別當台記

二條天皇永曆元年冬十月、延曆寺僧徒以訴事奉神

輿入京、尋以僧徒訴、流菅原資成、奪治部權少輔菅原

貞衡官百錄抄

應保元年春、後白河上皇將慶平等院、延曆寺疑其建

戒壇、僧徒騷擾、遂不果、夏四月諭僧徒臨慶之、僧徒猶

疑、戒服陣東坂下山槐抄百錄抄

長寬元年夏六月、延曆寺僧攻園城寺、火堂塔坊舍百錄抄

永萬元年秋七月帝崩八月諸寺僧徒會葬揭榜為班延曆寺班與福寺上興福寺僧怒斫延曆寺榜高歌劔舞以辱之延曆寺僧怒攻清水寺大堂宇以報之京師訛言後白河上皇敕僧徒誅平清盛清盛子弟皆會六波羅廷議遣將士陣郊外上皇幸清盛第慰諭之事見平氏尋幸六條烏丸第避僧徒擾亂遣使與福寺諭僧徒傳僧徒不奉命王顯廣九月遣兵粟子山備興福寺冬十月興福寺僧奉神木神輿入京師請流延曆寺座主俊圓許之僧徒引還京師解嚴抄百錄

國史紀事本末

卷二十六

十五

六條天皇仁安二年夏六月延曆寺所司日吉社司等

詣上皇宮訴座主快修火山上房舍抄百錄

高倉天皇嘉應元年冬十二月延曆寺僧奉日吉神輿

鼓譟入宮城安神輿於建禮門壇上訴權中納言藤原

成親目代政友辱平野莊祠官後白河法皇慰諭之不

聽明日流成親下政友於獄僧徒乃還尋以奏成親罪

狀不實流權中納言平時忠等召還成親王海百錄抄

二年春二月以延曆寺再訴奪藤原成親官召還平時

忠等王海百錄抄

承安二年冬十二月興福寺僧奉神木入京訴事遣使

禦之百錄抄

三年夏六月興福寺僧徒火多武峰堂舍敕罷興福寺別當尋範冬十月流興福寺惡僧放火者覺興十一月四日興福寺僧奉春日神輿至古津將入京請召還覺興流延曆寺座主下首乞沒七大寺莊園者於獄遣兵宇治備之七日後白河法皇遣使諭之不聽十一日敕從其請僧徒引還參取王海百錄抄

治承元年春正月先是加賀守藤原師高令子師經代已赴任從者遊涌泉寺浴馬寺僧呵止之從者曰一國之事在國司誰敢呵者寺僧怒逐從者截馬尾折其脚師經大怒帥兵火寺度僧徒激變潛還京師寺僧不知

國史紀事本末

卷二十六

十六

以諸寺僧攻國廳廳無入僧徒益怒訴之延曆寺延曆

寺以涌泉小寺不省至是加賀僧徒數千奉白山神輿

赴延曆寺廷議命延曆寺座主明雲止之明雲遣使齋

院宣往諭之僧徒乃留敦賀請流師高師經三月法皇

敕延曆寺曰師經固有罪然涌泉寺初非屬白山山門

者而兩寺援之何也速進首謀者僧徒不奉命競赴敦

賀奉神輿至延曆寺法皇流師經於備後夏四月十三

日延曆寺僧奉日吉白山神輿入京師請流師高喊聲

震天廷議令源平將士守宮城諸門僧徒指達智門守

將源賴政望見神輿下馬拜伏僧徒怪而不進賴政令

渡邊唱傳命曰、賴政平生崇信山王、今日不忍發一矢、且吾家衰弱、非復往日之源氏、兵力固不足禦公等、而公等從此門入、京師將謂公等無勇、竊爲公等不取也、平內府以兵三萬守陽明門、公等轉而衝突、以示神威、何許而不獲、若侮吾弱、必從此門、吾有一死耳、僧豪雲顧衆曰、賴政善射、善和歌、號爲名將、名將乞降、奈何擊之、僧徒乃轉赴陽明門、重盛麾衆禦之、射殺數人、僧徒棄神輿遁逃、敕安神輿於祇園、十四日京師訛言、僧徒再至、帝避之法住寺殿、二十日流師高於尾張、遣權中納言平時忠於延曆寺諭僧徒、僧徒聞之曰、吾當截其

國史紀事本末

卷二十六

十七

髻投胡、時忠至寺、僧徒皆有怒色、從者股慄不能進、時忠從容至講堂、徐取筆紙作書示僧徒、辭理愜當、僧徒嗟伏、乃出敕書告師高處流、僧徒大悅、時人服時忠膽勇、二十八日重盛兵士成田爲成、坐射神輿流、伊賀僚友錢之樋口富小路酒酣、一人斷髻投之曰、請以此爲下物、一人割耳、一人遂刳腹、爲成亦自殺、主人恐獲罪、縱火殉之、火延及禁中、燒邸第坊市二萬餘家、藤原西光方獲寵、法皇師高卽其子也、五月西光讒明雲於法皇、法皇大怒、罷明雲座主、十一日以覺快法親王爲座主、十五日延曆寺僧徒聞明雲將處流、議曰、平相國嘗

受菩薩戒於前座主、宜因此人訴之、遣使請清盛、二十日廷議、流明雲於伊豆、清盛詣法皇宮、將諫止之、法皇稱病不見、僧徒聞之大怒、呪詛西光父子、遂謀奪明雲於途、明雲旣至粟津、僧徒水陸追躡、勢甚猛、監送者皆逃去、明雲諭僧徒還之、惡僧祐慶瞋目曰、貫首旣代衆受罪、衆亦將爲貫首授命、乃扶明雲上輿、舁之而還、法皇聞之大怒、西光進曰、山徒兇暴至此、此而不討、何以示天下、法皇命清盛等擊之、清盛不奉命、乃命大納言藤原成親、成親方謀滅清盛、謀泄、清盛捕成親、西光尋皆殺之、遣兵尾張殺師高、師高母馳使告師高、師高方

國史紀事本末

卷二十六

十八

聚羣妓遊宴、聞報大駭、與弟師中師親逃據蚊野、拒戰而死、明雲遂得免、源平盛衰記二年秋八月六日、先是僧叡俊者掠僧義慶米地、爲義慶所毆辱、逃至延曆寺、告學生、學生怒、義慶亦乞援堂衆、堂衆許之、堂衆本學生僮僕爲僧者、其黨衆盛、遂恃勢貪暴、輕侮學生、是日學生以叡俊爲將、掠堂衆房舍、奪其資財、城大納言岡八日堂衆以數百人攻之、叡俊邀戰、堂衆擊斬之、九月堂衆招集羣盜、城早尾坂、學生屢攻之不利、奏請討堂衆、法皇命平清盛援之、清盛今紀伊人湯淺宗重帥畿內兵三千往援、冬十月四日學

生導官軍攻早尾坂堂衆據險發弩殺二千餘人官軍不利而退十一月五日學生以上座寬賢等爲將進攻又不利源平盛表記

三年夏五月祇園僧與清水寺僧鬪火八坂塔秋七月二十五日敕遣兵討延曆寺堂衆據山谷者其逃入京師者使檢非違使搜索竄於諸國者宰吏捕之五冬十月五日敕參議平教盛遣兵討堂衆堂衆走保橫川二十五日遣藏人頭平經房於延曆寺宣諭堂衆與學生講和十一月二日堂衆火西塔房舍山槐抄五日令諸社寺祈靖僧徒鬪亂七日奉幣七社祈之百錄抄

國史紀事本末

卷二十六

十九

安德天皇治承四年夏四月平清盛患延曆興福諸寺僧徒屢擾京師建議遷都福原避之平家物語清盛惡諸寺應源氏遣淡路守清房等火圍城寺藏人頭重衡將兵攻興福東大二寺火之事見諸源氏佛寺始困於武人而延曆寺獨盤據近畿矣

壽永二年冬十一月源義仲叛攻法住寺殿延曆寺座主明雲遭害聞者嘆曰此人嘗與快修爭座主構兵斬四十餘人其及也宜矣愚管抄

後鳥羽天皇文治三年冬十月源賴朝聞勢多橋壞命佐佐木定綱以船濟入延曆寺僧與衆爭渡慢罵定綱

從者呵之僧怒與從者鬪頗有死傷僧徒大怒將訴之京師抵定綱罪廷議令近江守雅長諭止之敕座主全玄曰定綱關東兵士不得輒決僧徒遂與定綱有隙東鑑

建久二年春三月先是近江佐木莊租入充延曆寺千僧供料會大水傷稼民多欠租是月延曆寺遣日吉宮仕奉神鏡至定綱家責之排門牆而入凌辱奴婢火旁近民家定綱適在京師子定重不勝忿怒令從士禦之傷宮仕毀神鏡僧徒誣奏定重放火斷橋縱騎扼歸路多所殺傷請得定綱父子兄弟甘心參取玉海夏四月賴朝遣梶原景時於京師請抵定綱罪且諭僧徒欲以

國史紀事本末

卷二十六

二十

定綱采地之半贖之僧徒不聽遣使鑊倉欲必得定綱父子賴朝諭之曰此事既已奏聞不得私決宜待朝廷處分乃厚賜遣之未至僧徒奉日吉神與詣閑院訴之法皇敕大內守護安田義定帥衆遏之僧徒擊傷數人法皇諭以流定綱父子東鑑僧徒不服棄神輿而去百錄抄五月賴朝上書曰延曆寺遣使訴定綱無狀欲必獲父子臣諭以待救裁令使者還報僧徒不待報乃奉神輿駭動轂下彼欲逞暴怒何必遣使既已遣使何不待其報聞廷議已處速流而彼猶欲殺之凶頑甚矣嚮義仲害座主明雲重衡火興福寺堂宇而賴朝滅義仲擒重

衡此爲兩寺報仇也。興福寺既嘗謝恩，延曆寺未致一言，今定綱傷一二宮仕，暴怒乃爾。座主與宮仕執重，彼於宮仕猶如此，卽明雲遇害之日，何爲不舉兵擊義仲？彼遇凶徒，則畏縮不發，遇恭順者則反凌侮之，抑又甚矣。且彼有所訴，但當奉狀陳請，何必擾動？況今年當三合之厄，彼當專務祈禳，今乃以私忿激衆煽亂，非凶徒而何？大內守護義定奉敕遏僧徒，不敢抗關，而僧徒乘勢傷數人，義定非不能戰，但有命禁戰，故束手不戰，而其下被創，鄉使義定忿怒拒戰，僧徒孰能生還者？蓋僧徒凶惡者，頑如瓦石，善良者寧不辨是非曲直邪，幸擇

國史紀事本末

卷二十六

二十一

如此

東鑑

土御門天皇建仁三年秋八月，延曆寺西塔釋迦堂學生與堂衆不協，城大納言岡逐堂衆，堂衆帥莊官攻學生，死傷者衆。後鳥羽上皇賜院宣諭之，堂衆解去。冬十月，堂衆據金子山，廷議遣佐佐木經高、盛綱援學生，將發，盛綱弟高綱見子重綱戎裝，曰：「善戰者鑒鎧必輕，弓箭必小，彼重甲大弓，冒險步關，必敗死矣。」已而經高等

攻堂衆，支之官軍死者三百人，重綱果戰死。東鑑

元久元年秋八月，流延曆寺堂衆。明月記

建永元年秋九月，延曆寺堂衆聚大津圖作亂，遣兵捕斬之。明月記

順德天皇建曆元年，延曆寺僧將火園城寺，源實朝命京畿兵士警衛園城寺。東鑑

建保元年秋八月，清水寺僧與延曆寺僧爭地，築城將戰，廷議遣使毀城罷兵。延曆寺僧不奉命，據長樂寺，慢罵使者，使者馳還奏狀，敕遣兵捕之。近江守源賴茂度僧徒據險拒關，潛遣士卒從山後登植旗嶺上，僧徒顧

國史紀事本末

卷二十六

二十二

而駭愕，官軍進攻斬十餘人，擒二十人，餘皆逃潰。於是僧徒釘中堂滅三昧堂燈，破七社簾鏡，鎖諸門，逐祠官，朝廷患之，罪行事西面解之，不聽，乃約以日吉祭準賀茂祭，給六月會費學頭一人歲任律師，僧徒乃定。參取記、東鑑、百鍊抄、一代要記冬十月，興福寺僧徒怒清水寺割地入延曆寺，帥二萬人奉春日神木至宇治，燒小倉，將火延曆寺，遣檢非違使遏之，明日遣權中納言藤原光親於宇治諭之，罷延曆寺座主公圓，罪僧綱。參取明月記、一代要記、歷代皇紀二年夏四月，延曆寺僧怒園城寺僧將奪日吉社日御供神田屬新羅社火，大津民家興福寺僧拒戰，明日延

曆寺僧縱火園城寺堂宇蕩盡參取一代要記園城寺

長吏公胤遣使鎌倉告變源實朝命營堂宇令諸將督

役源氏累世助園城寺云東鑑五月遣使延曆寺脩六月

會準御齋會與福寺應園城寺將遏之乃令檢非違使

及兵士護送百鍊抄秋八月興福寺僧將援園城寺攻延

曆寺奉神木至木津遣兵於宇治勢多過之百鍊抄一

帝紀抄東鑑

三年春正月園城寺僧火東坂下民家百鍊抄

六年秋九月先是宮崎宮留守坐殺大山寺神人下獄

延曆寺僧徒不服奉日吉祇園北野神興入京師請流

國史紀事本末卷二十六二十三

管主石清水別當僧宗清及以宮崎宮屬本寺救北面

過之兵衛尉加藤光資擊斷駕輿手腕血濺神興僧徒

棄輿逃去東鑑

後堀河天皇嘉祿元年春正月園城寺僧令黨將戰遣

兵禁之百鍊抄

安貞元年夏六月延曆寺僧請禁專脩念佛僧延議未

決僧徒怒將毀僧法然墓法然徒謀知潛取其骨而逃

秋七月流專脩念佛僧百鍊抄

二年夏四月多武峯僧殺興福寺奴興福寺僧怒火多

武峯坊舍六十餘宇五月罷興福寺別當實尊延曆寺

僧奪興福寺近江莊園興福寺僧鎖春日社釘諸堂散

去六月延曆寺僧遷日吉神興於中堂將入京令兵士

備之已而事解興福寺僧皆還百鍊抄

寬喜二年秋八月園城寺僧放火相鬪遣兵止之明月記

四條天皇天福元年夏四月興福寺僧火多武峯坊舍

延曆寺僧將火清水寺救禁遏之歷代皇紀

嘉祿元年夏六月石清水神領薪莊民與春日神領大

住莊民爭水殺之興福寺僧火薪莊殺神人救遣兵拒

之閏月遣使石清水覈問鬪爭之狀神人逐使者尋移

神興於宿院將入京訴興福寺事狀遣使諭之奉伊賀

國史紀事本末卷二十六二十四

大內莊於石清水宮再遣使諭神人神人不奉命改奉

因幡於石清水宮百鍊抄秋七月先是左衛門尉佐佐

木高信監修勢多橋發高島郡民丁郡有日吉神人六

十餘家會延曆寺以郡民補神人高信父定綱請僧徒

欲復舊議未成高信遣使促新補神人充役神人怒與

使者鬪是月延曆寺僧奉日吉神興入京訴高信事救

使右衛門尉遠政等拒之近衛河原僧徒棄神興而走

百鍊抄八月流高信於豐後遠政於備後百鍊抄冬

十二月興福寺僧與春日神人奉神木將入京請賜薪

莊流石清水別當宗清誅神人交野宗成遣兵宇治徵

橋拒之遣使諭僧徒下宗成於獄石清水神人所獄奪

明月記

二年春二月北條泰時遣後藤基綱諭興福寺僧徒僧

徒屈服以神木還東鑑秋七月興福寺僧以所請不允移

春日神木於金堂百鍊抄八月以北條泰時請教延曆寺

召前年入京首惡者僧徒不奉命移日吉神與於中堂

泰時惡僧徒橫暴欲摧折之以為高信遠政吾既從僧

徒請處流彼亦宜從吾請捕送首惡者屢奏請之然竟

不能得九月興福寺僧築城脩戰具六波羅遣使諭之

不聽冬十月泰時收僧徒莊園權置大和守護補地頭

國史紀事本末 卷三十六

二十五

命畿內近國兵士斷僧徒糧道選鑄倉壯士印東八郎

佐原七郎等遣之命曰彼若拒關必殲滅之僧徒糧盡

毀城逃去十一月泰時罷大和守護地頭東鑑

三年夏六月下教五畿七道國司及征夷大將軍藤原

賴經捕延曆寺兇徒百鍊抄

仁治三年秋七月金剛峯寺與院僧與傳法院僧爭鬪

遣使止之與院僧火傳法院遣兵防遏之百鍊抄

後深草天皇正嘉二年夏四月延曆寺僧奉日吉神與

詣閑院訴園城寺建戒壇棄神與而去五月罷園城寺

建戒壇百鍊抄

龜山天皇文應元年春正月太政官下符園城寺許建

戒壇延曆寺僧奉日吉神與入京訴之棄與而去乃追

奪戒壇官符一代要記天

文永元年春三月先是前權大納言藤原實藤殺延曆

寺宮仕法師僧徒請流實藤又訴四天王寺別當職永

屬園城寺朝議不決是月僧徒自火講堂四天王院戒

壇院等奉日吉神與入皇居二條東洞院及後嵯峨後

深草二上皇宮官兵拒之僧徒棄神與而走乃流實藤

於淡路四天王寺別當職改屬延曆寺參取一代要記

五月延曆寺僧火園城寺戒壇堂塔盡焚歷代皇紀

二十六

後宇多天皇弘安元年夏五月延曆寺僧奉日吉神與

詣閑院訴慶園城寺金堂準御齋會棄神與於省中而去

乃收園城寺宣旨參取一代要記歷代皇紀

三年夏六月延曆寺僧聞慶園城寺金堂將準御齋會

帥衆攻之與衛兵戰一代要記

四年冬十月興福寺僧奉春日神木入京訴石清水神

人傷春日神人使兵士禦之僧徒棄神木而去參取歷代皇紀

五年冬十二月以興福寺訴流權中納言源具房於安

藝前權中納言源資平於越前因幡守賴重於越後彈

正忠職直於土佐一代要記

六年春正月延曆寺僧以不聽祇園赤山京極寺訴奉

祇園京極寺等神與入京參取帝王編年記公卿補仕歷代皇紀皇代略記國太曆

遣六波羅兵禦之增鏡僧徒闖入禁關納諸神與於紫宸

清涼諸殿截御簾破年中行事障子一代要記帝避之小御

所國太曆御腰輿幸內大臣藤原家基近衛第歷代皇紀僧徒

之暴亂極矣此後諸寺奉神與神木訴事者累世不絕

及僧師鍊著元亨釋書深愧諸寺鬭爭有黜爭志云

國史紀事本末卷之二十六終

國史紀事本末

卷二十六

二十七

國史紀事本末卷之二十七

從六位前大學校中博士常陸青山延光 編次

保元之亂

鳥羽天皇永久五年冬十二月、以藤原璋子爲女御、

傳小璋子大納言公實女也、初白河法皇爲帝、擇配、敕關

白忠實納女泰子、忠實聞帝幼時輕躁固辭、法皇方養

璋子、將嫁忠實子忠通、遂變約納之帝宮、是爲待賢門

院、帝既長、行稍易良、忠實悔不納泰子、抄愚管忠實攝政

道長玄孫也、尊卑分歟

元永元年春正月、立女御璋子爲中宮、中右記

國史紀事本末 卷二十七

二年夏五月、中宮生皇子顯仁、是爲崇德帝、中右記白河

法皇嘗私中宮、故帝視崇德帝甚薄、古事談

保安元年冬十月、法皇幸熊野、中右記帝敕忠實納泰子、

裝奩已備、法皇聞之大怒曰、彼嘗拒朕命、今迺不報朕

而納之耶、十一月法皇遂罷忠實、內覽文書、欲以忠通

爲關白、召諭之曰、鄙語曰、父自父、子自子、父之罪、於子

何有、卿爲執政、忠通曰、父獲罪廢黜、子不爲請而代其

位、非孝也、且臣家世忝此職、故授受之間、亦有儀、而存

顧省忠實、然後得襲職、法皇許之、愚管抄

二年春正月、復忠實內覽、尋上表辭職、敕內大臣忠通

內覽、三月忠通爲關白、公卿補任忠通異母弟曰賴長、尊卑分歟

博涉羣書、台記時人稱爲無雙學生、愚管抄常笑忠通工詩

歌曰、此小技耳、何益國家、保元物語一日與其師藤原通憲

論卜筮、通憲言屈、乃戒之曰、公才太高、我竊爲公危焉、

請勿復學、賴長大悅、台記保元物語

崇德天皇大治四年秋七月、白河法皇崩、中右記

長承元年鳥羽上皇復忠實內覽、時人怪之、歷代無幾

遂納泰子、是爲賀陽院、愚管抄一後納中納言藤原長

實女得子、大寵之、鏡今是爲美福門院、女院小傳

保延五年夏五月、美福門院生皇子體仁、上皇大悅、帝

國史紀事本末 卷二十七

有皇子重仁親王、而上皇欲立體仁、秋八月遂立爲皇

太子、保元物語參取異本

永治元年冬十二月、帝禪位於皇太子、帝雅無去位之

意、鳥羽法皇欲立太子、故速內禪、今鏡保元物語命書詔者改

爲皇太弟、帝見而驚曰、何遽如此也、須明日審議、愚管抄今

鏡是日百官就班、待詔書出、帝奉書法皇、中使相繼、法

皇不從、及昏始傳劔璽、鏡今以故二宮不協、保元物語

近衛天皇久安五年秋七月、內大臣賴長爲左大臣、公卿

補請行大饗於皇宮、帝幸佗處避之、徒然草

六年春正月、帝加元服、先是賴長養妻兄藤原公能女

多子至是入內爲女御時忠通亦子養藤原伊通女呈子納之宮欲其爲后呈子本美福門院養女也賴長欲使多子爲后託忠通請之法皇法皇依違不決賴長謂忠通沮之密上書請旨法皇報曰朕固無抑多子之意嚮忠通奏朱雀以後非執政女不得立爲后卿宜使忠實請之忠實所請忠通豈得而拒之賴長乃因忠實嬖妾請忠實上書曰願今日冊多子爲皇后賴長亦奏若冷泉圓融堀河母后皆非執政女又與忠實謀奉書美福門院請之法皇報曰朕當趣攝政乃諭忠通曰冊立一依故事無立多子之語賴長謂忠實曰多子不得爲

國史紀事本末

卷二十七

三

后則小子遁世忠實憂焉既而呈子敘從三位賴長又因法皇近臣藤原季賴奏曰呈子先冊立則臣遁世忠實亦復上書請之甚切法皇未決忠實自詣法皇宮涕泣曰賴長性急事若不成則出家臣齡過七十將失一子願陛下以臣故許之不必問先例況近有堀河母后例乎三月法皇遂立多子爲皇后賴長大悅自是忠實疎忠通台記忠通方攝政賴長恃父寵欲奪忠通內覽屢請之忠實忠實謂忠通曰汝傳內覽於賴長賴長授之汝子忠通不對忠實請法皇曰願召忠通探其意法皇爲言之忠通曰賴長恨復儻居相位必亂天下臣以此

告父父必大怒所以不對也法皇告之忠實忠實益怒愚管抄秋九月忠實召左衛門尉源爲義屯兵御倉町守

東三條第謂賴長曰攝政不孝於我我蓄怒不發故爲甘言欲使汝得內覽彼非惟不聽又有忿言我將絕父子之親願攝政天子所授我不得奪氏長者我之所讓與奪在我我授之汝乃遣源仲行源賴賢源仲賢等於忠通第奪朱器臺盤朱器臺盤藤氏寶器氏長者必傳之賴賢曰安所獲庫輪忠實作色曰何不破鎖賴賢適獲一輪於庫側奪朱器臺盤忠實悅授之賴長曰天授之汝乃奏法皇曰攝政不孝臣與之絕氏長者則授之

國史紀事本末

卷二十七

四

賴長矣尋奪忠通宅地莊園獻法皇台記忠通不以為意朝參如故參取台記賴長嘲曰失氏長者而舉止猶然忠通欲加冠長子基實使郡國辦其供給以奪氏長者事遂寢已而基實元服次子基房著袴公卿無來會者崇德上皇特臨其第台記上皇中宮皇嘉門院忠通女無子法皇命鞠養帝謂忠通曰卿視之如孫愚管抄錄此忠通傾心輔帝帝亦親信之聞賴長奪氏長者深惡之鏡今仁平元年春正月元日節會賴長爲內辨帝入御帳不出台記法皇促之忠通亦諫曰臣將獲罪不聽愚管抄帝使人奏法皇曰明日賴長復至則不得而朝觀及觀

忠通從焉法皇不與之言台記以為帝惡賴長忠通為之

台記恩是月敕位忠通使左少辨平範家奏法皇曰誰

執筆曰左大臣帝召範家曰宜令右大臣執筆範家對

以法皇詔帝怒曰卿以朕言告法皇範家奏之法皇大

怒曰唯召左大臣豈有上鴈無故而用其次乎迺賜書

忠實促賴長尋詔賴長內覽從忠實之請也法皇使藤

原公教謂忠通曰賴長內覽實出於朕意非因忠實之

言為之且卿教帝以不孝朕深惡之台記忠通方為關白

而更命內覽時人驚怪帝益惡賴長然憚法皇不能如

意居常鬱鬱積久成疾愚管抄

國史紀事本末 卷二十七

五

三年帝欲禪位於雅仁親王長子守仁忠通承旨奏法

皇法皇不聽一日謂忠實曰忠通欲立幼主以專威福

勸帝禪讓又恐朕不聽使帝稱疾也忠實退謂賴長曰

甚哉忠通之愚也若使親王子即位威權乃歸親王彼

將束手矣忠通奏請再三法皇曰朕將與忠實議之忠

通乃止台記賴長驕縱日甚嘗遇中納言藤原實衡於塗

破其車而去忠實聞之怒曰如遇寵臣家成將奈之何

賴長乃遣人辱家成時人呼曰惡左府法皇稍惡之始

信忠通之言愚管抄

久壽元年冬十一月左衛門尉源為義坐子為朝橫暴

奪官台記初為朝年十三為義惡其桀驁逐之鎮西為朝

居豐後鎮西八郎稍長容貌魁偉最善射自稱九國

總追捕使將徇筑紫菊池原田諸族聚兵禦之為朝以

婦翁平忠國為軍導屢夜砍敵營所向皆捷連拔數十

壘暴掠遠近舉國訐之廷議使為義召之不至為義遂

獲罪保元物語參取異本

二年夏四月敕太宰府捕為朝百鍊抄為朝聞父解官曰

大人以我故獲罪冤亦甚矣吾當往而乞罪眾請從為

朝不許僅率壯士二十八人至京師保元物語秋七月帝崩

台記無嗣上皇謂重仁親王當承統與議亦歸親王美福

國史紀事本末 卷二十七

六

門院忌之密奏法皇曰主上晏駕得非上皇呪詛之乎

法皇信之門院乃欲立雅仁親王親王上皇同母弟也

保元物語法皇謂雅仁雖年長而資性輕躁不宜踐大位欲

擇皇女八條院及雅仁子守仁立之召忠通議之忠通

固辭法皇曰朕聽公言當如稟命大神宮忠通乃曰聖

諭及此臣敢不盡愚四宮方為親王春秋已二十有九

臣以為宜立法皇從之於是皇嗣定四宮即雅仁親王

是為後白河帝上皇大失望法皇不復與賴長議賴長

亦怨望上表辭內覽法皇許之愚管抄九月後白河帝立

守仁親王為皇太子忠實請使賴長為傅法皇曰太子

女院所育也。賴長於女院，多所簡忽。顧朕卽世之後，賴長必不盡忠於太子，豈可使之爲傳乎？賴長懼，上書陳情。法皇慰諭之，賴長欲復內覽，祈之諸社，忠實亦請之。法皇竟不能得焉。台記賴長遂阿附上皇，忠通奏曰：「天下之政，宜委一相，陛下欲委賴長，則罷臣職，不則氏長者宜屬臣。」物保元語帝然之，然憚忠實不決。異本保元物語

後白河天皇保元元年秋七月，法皇不豫，內大臣藤原實能密奏曰：「陛下一旦晏駕，天下必亂，請善處分後事。」法皇使北面士十人奉誓書於美福門院，二日法皇崩。愚管抄上皇入臨，及門右衛門權佐藤原惟方稱遺詔拒

國史紀事本末

卷二十七

七

而不納。上皇大恚而還。古事談謂賴長曰：「天智舒明皇子也，孝德舍其子而立之，仁明嵯峨皇子也，淳和舍其子而立之，華山先於一條，三條先於後朱雀，朕雖不肖，先

帝首子，躬踐大位，皇統所係，實在重仁，而先帝舍之，立匪文匪武之四宮，朕不得無憂憤。然先帝在焉，故濡忍至今，今先帝崩，朕何憚而不舉大事？賴長贊成之，謀頗

泄。保元物語是夜葬法皇。帝王編年記三日京師流言，上皇集兵東三條殿，窺高松殿，帝使下野守源義朝收東三條殿留守少監物藤原光定等鞠之，時上皇密徵兵，兵士絡繹入京師，都下恟擾，搬財竄避，五日帝召義朝等使少

納言藤原信西傳詔曰：「先帝崩後，諸國兵士競入京師，駭動都下，卿等悉捕之，乃留義朝及檢非違使源義康警衛禁內，遣檢非違使平基盛於宇治，源李實於淀，平雅繁於栗田口，平實俊於苦集滅道，藤原資經於大江山，彗星見東方，將軍冢鳴。」彗星已下，據異本六日基盛遣甲士數十騎於法性寺側，問曰：「吾奉詔過兵士入京者，卿等爲誰？」一甲士進曰：「吾大和守源賴親四世孫宇野親治也。」基盛曰：「卿應院宣與將勤王與？」曰：「左府以院宣徵我，我既應之，基盛曰：『卿往無益，不如速還。』若欲勤王，但當屬我。」曰：「是何言也？武夫不當變約，吾奉院宣，不知其他。」

國史紀事本末

卷二十七

八

乃聯轡馳突，基盛不利，會援兵至，乃據高謂衆曰：「彼單寡無援，搏而縛之，衆遂競進擒親治，并其兵十餘人，基盛還獻帝，詔繫之西獄，授基盛正四位下。」問曰已下，參取異本八日帝聞賴長召僧勝尊於東三條殿呪詛，遣義朝捕之，獲賴長手書，又聞右馬助平忠正藏人源賴憲黨賴長召之不至，廷議處賴長於流，是日去法皇崩七日，修佛事於田中殿，上皇方御田中殿而不親臨，將出宮，參議藤原教長諫之，不聽，教長退告內大臣藤原實能，實能驚曰：「左府果誤上皇，上皇必悔，及今雞髮遯世，禱重仁親王得位亦可矣，何不再諫？」教長又諫，上皇曰：「重仁母

告變謂朕不宜留此朕將避難非有佗意也九日夜伴
爲齋院行啓潛幸白河前齋院第教長及右馬權頭藤
原實清前山城守藤原賴輔左衛門尉平家弘家弘子
光弘從焉保元物語帝使左衛門尉平信兼要賴長於櫃河
抄愚管賴長從間道入白河別使前山城守源重綱等駕
車詐稱賴長經基盛陣兵士過之以聞信西曰此非真
左府也命放之兵士過之已下據吳本帝遣使告急美福門院門
院召武夫奉誓書者十人義朝及兵庫頭源賴政式部
丞源重成檢非違使源義康源光信源季實平維繁平
實俊平資經平信兼皆奉命初鳥羽法皇之徵誓書於
國史紀事本末 卷二十七 九

武士安藝守平清盛不與焉以清盛父忠盛嘗鞠養重
仁親王也至是門院矯遺詔召清盛清盛亦應之帝又
召義朝父爲義未至上皇亦遣教長召之爲義辭曰上
以臣將種欲倚賴臣歟臣嘗討義綱於近江破僧兵於
栗栖其他小敵遣兒曹驅逐耳臣之武功初無足稱者
況衰老如今日乎故天子屢召而未應臣頃夢家藏八
鎧遭風飄去意甚惡之請命佗人教長曰焉有武人而
畏凶夢者邪吾不敢奏爲義曰臣子義朝生長關東習
於戰鬥從兵亦銳今既屬禁旅餘子皆奴才惟八郎爲
朝勢猛善射請命此兒教長曰卿宜至宮親奏奈何坐

報院宣爲義乃以子賴賢賴仲爲成爲朝爲仲至上皇
宮上皇大悅補判官代給采地賜寶劔爲義須八鎧於
諸子遣使送其一於義朝時左近衛中將源成雅少納
言藤原成隆能登守藤原家長及將士一千餘人會上
皇宮左近衛大將藤原公教參議藤原光賴等留田中
殿不至賴長令曰公卿不至者死公教等懼光賴曰神
國之尊非亂賊之所能覬覦故將門純友之猛焉而滅
賴時貞仕之彊焉而滅惡左府何能爲上皇自齋院第
入北殿令忠正守東門爲義守西門爲朝守西河原門
家弘守春日河原門賴長議戰略爲朝進曰臣在鎮西

國史紀事本末 卷二十七 十

大小數十戰大抵利在夜戰請今夜襲高松殿縱火三
面要之一面出者死於箭入者死於火臣兄雖猛臣斃
以一矢清盛弱箭臣撥以鎧袖規乘輿出避奪而徙於
此卽奉陛下還闕天未明而雌雄決矣賴長曰卿少年
銳氣乃爾卿等以寡私鬪固當如此今兩帝爭國各擁
天下精銳何用夜戰興福寺僧徒亦應我明日必至宜
待其至而戰爲朝退曰戰鬪異於朝儀當委吾輩吾兄
曉兵機今夜必將來攻吾輩今敗矣何暇待僧兵哉保元
語賴長又召爲義問計爲義曰兵士悉屬義朝臣軍寡
弱拒敵於此非計也請幸宇治撤橋拒守不則幸近江

背甲賀山、待關東兵、兵經日不至、則幸關東、扼足柄、關東自臣父祖時、悉屬臣家、誰不奉命、賴長不能用、爲義歎曰、噫、公誤矣、義朝果促公卿曰、戰尚迅速、請急進攻、關白忠通不能決、信西亦促之、愚管抄帝召義朝、令信西問戰略、義朝對曰、戰固多術、然挫敵頃刻、莫如夜戰、臣聞興福寺僧徒、驅吉野十津河兵、今夜已次宇治、請及其未至、速進攻、帝從之、敕曰、今日命汝大將、他日許汝昇殿、義朝曰、赴敵者不期生還、請及今昇殿、以爲身後之榮、進至階下、信西曰、義朝曾祖祖父嘗以功昇殿、而爲義猶未之許、奈何、許其子、帝曰、亂世待將帥、不必拘

國史紀事本末

卷二十七

十一

泥、義朝感喜、昇階而退、繫鞭於車曰、吾將戰死、所以記殊賞也、敕曰已下、據異本、帝以皇宮湫隘、遷東三條殿、十一日、黎明、諸軍皆發、賴長諜者還報曰、官軍至矣、爲朝怒曰、果如吾言、上皇遠以爲朝爲藏人、爲朝曰、大敵在前、除目何爲、吾稱鎮西八郎足矣、義朝從二條進、清盛懼、向曉日、彎弓、從三條北行、喊聲震天、爲義等開門拒戰、爲朝與賴賢爭先、賴賢曰、兄宜先、爲朝曰、勇者宜先、相爭不決、爲朝曰、然則兄宜先、吾擊敵之彊者、賴賢乃進、射殺義朝兵二人、中矢而退、清盛壯士伊藤五、伊藤六先進、爲朝射洞伊藤六胸、及伊藤五袖、清盛大怖曰、吾何

必攻此門、乃退、子重盛曰、奉敕出兵、奈何避敵、衆遮擁止之、山田伊行曰、吾非畏一矢者、乃自呼其名、射中爲朝甲裳、爲朝射殺之、其馬逸入義朝軍、箭洞鞍、鏃大如鑿、鎌田政家示之、義朝曰、得非筑紫八郎君箭乎、義朝曰、彼年十八、九、弓力未必至此、此必偽造以懼我也、汝往試之、政家帥百餘騎而進、爲朝叱曰、家奴避吾箭、政家曰、吾今日討賊、何謂君臣、射中爲朝胄、爲朝怒曰、吾擒汝、馳而出、政家退走、爲朝曰、吾父老矣、得無撓敗乎、乃還、政家見義朝曰、臣在坂東、屢經戰陣、未見鷙猛如八郎者、義朝曰、彼長鎮西、巧於船而拙於騎、騎則坂東

國史紀事本末

卷二十七

十二

所長、何不接馬搏之、縱兵追躡、爲朝還鬪、義朝呼曰、吾奉敕來討、家族誰肯抗者、爲朝曰、爲朝奉父在斯、義朝曰、汝何敢抗、兄爲朝曰、父與兄孰尊、義朝不能答、爲朝退入門、義朝逐之、爲朝望見將射之、已而謂父子定約、危難相救、亦未可知也、乃止、謂首藤家季曰、敵甚衆、吾箭若盡、將何以戰、吾當奮敵將之膽、卻之、乃射義朝、箭削其胄、著寶莊嚴院門、楔、義朝罵曰、殊不類所聞、爲朝曰、兄有命、敢不再射、請命所中、乃注箭、深巢清國進藏、義朝中箭而死、義朝兵金子家忠、挺刀疾進、爲朝顧左右曰、擒彼來、高間三郎兄弟進搏之、皆見殺、衆將追家

忠爲朝曰、母、吾若得志、收之麾下、義朝兵奪門而入、爲朝精騎二十八人多死、源賴政督衆攻東門、忠正等力拒、兩軍酣戰未決、已而天曙、義朝馳使奏曰、臣非不苦攻、敵亦善拒、不得不縱火、獨奈法勝寺焚蕩、何、信西報曰、一寺何足惜、義朝遂縱火、西風猛烈、煙塵漲天、上皇軍潰亂、家弘光弘馳奏曰、兵火四合、宜速出避、上皇蒼黃上馬、藏人平信實累騎抱持、賴長騎從、自東門逃、爲義令諸子留拒、爲朝等苦戰、度上皇去已遠、乃逃、爲朝下據賴長中流矢、血淋漓、衆扶之入民家、上皇至如意山、爲義家弘光弘李能等從焉、山路甚險、下馬徒步、從國史紀事本末 卷二十七 十三

兵翼扶而進、上皇謂之曰、卿等散去、追兵至、朕將乞降、衆請從、上皇曰、卿等不去、適爲朕累、衆涕泣散去、惟家弘光弘不肯去、扶掖下谷、待日暮、索與奉之、投京師人家、皆無入、深夜入知足院僧坊、是日義朝既火白河殿、追尾上皇不及、聞敗卒匿法性寺、就索之、不得、請焚之、不許、追尾已下、帝敕檢非違使火上皇三條烏丸宮、賴長壬生第及黨與十二人家、遣源季實於宇治、備興福寺僧徒、義朝清盛還闕奏捷、帝褒賞、以義朝爲左馬頭、清盛播磨守、義康藏人、復關白忠通氏長者、忠實走奈良、誘興福寺僧徒、據禪定院、將殺忠通子興福寺別當

慧信、慧信逃還京師、十二日上皇薙髮赴仁和寺、覺性法親王不內、以狀聞、帝遣源重成防守、信西欲誘上皇羣臣、宣言曰、某配某國、某放某地、羣臣聞之以爲減死、多薙髮出降、帝遣源季實捕、敕長成隆於廣隆寺、信西鞠問降人、備極辛楚、十三日賴長至木津、創益刺遣人報忠實、忠實隕涕曰、氏長者而死於兵、何其窮也、吾不欲復見之、賴長憤恚、自辭舌而死、帝敕索重仁親王、十五日重仁乘婦人車而逃、平實俊過之、乃入東洞院、薙髮、帝敕清盛索捕爲義、十六日清盛聞爲義匿延曆寺、帥兵往索不獲、又聞其在東坂下、至大和莊、無動寺僧

怒曰、敢擾吾地、乃出拒、清盛引退、僧徒乘勢火大津、爲義方匿木工神主家、聞官軍來、投三河尻、近末家、將東走、適獲病、兵多逃亡、乃帥殘兵至箕浦、將上船、有衆追擊、乃奮戰走之、兵益逃散、復還近末家、十七日往黑谷、難發、謂諸子曰、吾欲因義朝乞降、但吾罪大恐不得免、萬一減死、當爲汝等乞命、汝等潛匿以待、爲朝曰、不可、上皇於天子爲兄、左府於關白爲弟、然今日未必能免、阿兄縱欲救大人、廷議安得獨許之、不如待病愈、走關東、誘三浦島山小山田、跨據八國、官軍若來、兒能禦戰、戰不克然後死、亦未晚也、爲義曰、吾窮蹙至此、何以能

達關東乃辭訣而去至紇森遣人告義朝義朝夜遣人迎之忠正匿淨土谷聞為義降以四子出降平忠弘及子家弘孫安弘賴弘光弘皆見擒二十一日帝用信西言遣使發賴長墓驗其尸用信西言據平治物語二十三日遷法皇於讚岐使重成護送途經田中殿欲拜辭山陵重成不奉命帝遣人檢法皇東洞院書庫有一匣啓視乃盡記夢也法皇屢夢重祚每夢必禱云是日都人訛言清盛義朝將戰朝野騷擾二十五日流教長於常陸成雅於越後盛憲於佐渡正弘於陸奥二十九日日據歷代皇紀斬法皇將士七十餘人忠正清盛叔父而二人素有隙清

國史紀事本末

卷二十七

十五

盛又欲使義朝殺父乃與信西謀請而斬忠正與信西謀已下據異本帝命義朝斬為義義朝固請減死帝怒曰清盛既斬叔父汝何不殺父義朝悲駭謀之政家政家曰抗天子者固當死聖旨不可得拒不如速加害然後脩冥福義朝泣而從之政家迺給為義曰今平氏貴寵頭殿不得志欲去赴東國公先往為義乃乘輿而去秦延景謂政家曰卿誤矣何不告實而後進刃政家曰善延景謂謂為義曰赴東國詐也實欲加害耳頭殿非不力救奈聖怒不解何為義曰何給我至此假令吾兒因我乞命我將以死請子之愛父固不類父之愛子速斬我政家

不忍加害使從者殺之帝又教義朝捕斬羣弟義朝遣人捕賴賢賴仲為宗為成為仲斬之船岡獨為朝晦迹而去賴仲臨死笑曰阿兄不仁異日得無悔乎賴仲臨死已下據異本帝又教義朝悉殺幼弟時乙若年十三龜若十一鶴若九歲天王七歲命延景斬之鶴若曰令吾等不死勝士卒百人阿兄何乃殺之吾當遣使問之乙若曰衰老如父猶且加害況吾等乎但殺吾等孤吾兄此乃清盛之計而吾兄不悟亡無日矣遂皆見殺清盛將平家貞適還自鎮西謂清盛曰良將不妄殺戮所以得衆今義朝之害父實由主君之殺叔父酷忍如此何以輔朝廷清盛默然清盛將以初信西將行刑左大臣源雅定下據異本大納言藤原伊通等議曰自嵯峨帝誅藤原仲成以後久斷死刑故狂悖如伊周亦不過貶竄況今去先帝之崩僅數旬奈何行死刑信西曰不然凶黨散處諸國大亂之道也今不悉殺悔無及矣自嵯峨帝至此凡三百四十七年始行死刑時人譏之八月三日流賴長子兼長師長隆長已下黨與十三人帝欲流忠實忠通請曰臣父處流臣何顏立朝信西為奏宥之忠實歎曰吾兒愛我我惡之誤矣帝敕曰獲為朝者有重賞為朝方匿近江輪田將赴鎮西或告之左兵衛尉源重定九月二

國史紀事本末

卷二十七

十六

日重定帥衆襲爲朝、爲朝方浴、赤體搏鬪、遂見擒、帝御北陣觀之、惜其驍壯、減死處流、信西恐其爲害、鑿臂抽筋、流之伊豆大島、保元物語、信西據異本、

二條天皇平治元年冬十二月、源義朝反伏誅、事見平治之亂、

長寬二年秋八月、崇德法皇崩於讚岐、初法皇刺血親書五部大衆經、三年而成、送之覺性法親王、請藏安樂

壽院、帝不許、法皇大恚曰、兄弟爭國、自古有之、朕欲謝

罪、所以寫佛經也、而今不許藏京師、何用生爲、乃齧舌

出血、每軸書曰、願爲大魔王、惱亂天下、以五部大衆經

迴向惡道、自是不剃髮、不翦爪、褐衣長巾、切齒瞋目、慘

悴骨立、至是崩、崩後禍亂相繼、世以爲所祟、保元物語、參取異本、

高倉天皇嘉應二年夏四月、初爲朝至大島、臂創旣愈、

弓力稍減、而注矢加長、乃曰、朝廷以此島賜我、遂據大

島、并奪旁近五島、島中不從己者、悉奪弓矢火之、一日

望見海上飛鷺、曰、得無絕島邪、乘舟逐之、果得一島、見

島人問地名、曰、鬼島、爲朝彎弓射殺飛鳥、島人震怖、獻

布乞降、乃以一人還、屢使之至、伊豆國府國人見其猙

獰、懼曰、爲朝能驅使鬼物、爲朝聞婦翁忠重密輸租伊

豆、怒截其指、伊豆介工藤茂光許之京師、後白河法皇

敕討之、是月茂光與伊藤祐親北條時政等帥戰、艦二

十餘艘而進、爲朝望見曰、彼易與耳、然吾嘗橫行鎮西

今又雄據此島十餘年、於我足矣、吾罪當死、何必多殺

乃令從兵散去、獨執弓箭立海濱、射中一艦、箭洞艦腹

艦漏而沒、舉軍大懼、不敢進、乃還家自殺、茂光傳首京

師、保元物語、爲朝次子爲家逃至琉球、後代天孫氏王其地、

云、參取南浦文集、中山傳、信錄、名據尊卑分、

安德天皇治承元年秋七月初、崇德帝崩、未有諡號、至

是追諡崇德天皇、贈賴長正一位太政大臣、海、玉

壽永三年夏四月、後白河法皇祀崇德帝及賴長於春

日河原、卽保元戰場也、記

國史紀事本末 卷二十七

十八

國史紀事本末卷之二十七終

國史紀事本末卷之二十八

從六位前太學校中博士常陸青山延光 編次

平治之亂

近衛天皇天養元年、日向守藤原通憲任少納言、無何

薙髮稱信西記台、信西加賀掾實兼子尊卑、博覽強識、兼

通天文今鏡平、又善相、一日自鑑梳水、見有劍貫頭之

相、心惡之、後遇相者、亦告其凶、曰為僧則免、信西信之

欲為僧、竊請鳥羽法皇曰、臣欲為僧、然臣官甚卑、不無

遺憾、願為少納言、法皇不允平治、後再請薙髮、法皇問

之前中納言藤原顯賴、顯賴曰、彼天下才子、不宜許之

國史紀事本末 卷二十八

信西固請不已、遂如其志、藤原賴長見之、歎曰、卿高才

絕代、而世無識者、軾軻乃爾、我深為朝廷恥之、卿而遁

世、誰復自勵、此天亡我國也、信西曰、僕遁世、人將謂有

才者、天反不社、必至廢學、願明公勉之、因相對而泣記台

時人呼曰少納言入道平治、信西最好法律、嘗著法曹

類林七百餘卷仁和寺書

久壽二年秋八月、源義平與叔父義賢構兵、戰於武藏

殺之抄百鍊、義平義朝長子、時年十五、鷲勇絕人、世呼曰

惡源太平治

後白河天皇保元元年、賴長奉崇德上皇舉兵、帝遣源

義朝攻破之、信西之力居多保元、其妻藤原朝子亦嘗

為帝乳母、繇此帝專任信西、信西亦以天下為己任、遵

後三條故事、復置記錄所、參決庶務平治、白河以後、國

用窮匱、大內荒廢、關白忠通嘗請繕治、鳥羽帝慮勞民

不許、信西奏脩治之、命諸國助其費、晝夜計畫、布算外

聞抄惡管、殿堂門廡、諸司八省、纔踰年而成、役無勞苦平治

於是廢典粗舉、始除道路神皇正、禁路人執兵仗百鍊

抄京師新經兵亂、而上下讌遊酣嬉、外戶不閉、號為治

平、時人謂信西政績、雖藤原義懷惟成之輔、華山莫以

過焉平治、信西權勢日熾、一門貴寵、子俊憲為參議、成

國史紀事本末 卷二十八

憲歷播磨守、為左近衛中將、貞憲為權右中辨、脩憲為

近衛少將、是憲為信濃守參取愚管抄、諸子皆以才學

獲時譽平治、義朝欲以女妻是憲、信西傲然曰、吾兒學

生、非卿所得而婿也、義朝銜之愚管抄、信西尋為成憲娶

平清盛女、清盛因緣信西、勢稍盛平治、神義朝快

快不樂平治

三年春正月、復內宴、內宴長元以後廢而不可行者、百二

十二年抄百鍊、信西奏復之平治、代舞妓以童子、尺八久

廢、是日重奏之、關白忠通等獻詩今、夏四月、忠通坐棚

閣觀賀茂祭、帝嬖臣參議藤原信賴經其下、忠通家司

辱之毀其車家司坐除籍忠通屏居抄百鍊信賴關白道

隆八世孫從三位忠隆子也尊卑姿貌而性甚庸鄙

平治物語夏六月復相撲節保安以後以忌月廢者三十餘

年至是復之抄百鍊秋八月帝讓位皇太子是為二條天

皇關白忠通罷子右大臣基實為關白歷代時年十六

公卿補任榮進之速自古未有鏡信賴以女弟妻之愚管是

歲信賴任權中納言尋為檢非違使別當兼右衛門督

公卿補任稍預政信西深惡之神皇正

二條天皇平治元年春正月帝觀舞妓於清涼殿東庭

信西素好歌舞自教舞曲一時傳為壯觀百鍊抄好歌

國史紀事本末 卷二十八 三

信賴益驕請為近衛大將上皇以告信西信西曰彼敢

望大將何人不覬倖官爵猥濫此亂之所以生也白河

上皇欲以大納言宗通為大將而堀河帝不許鳥羽上

皇欲以中納言家成為大納言而公卿諫止之大納言

猶不可輕授況大將乎故躋三公者亦多不歷此職而

執柄之子英才之士亦皆以此職為榮若信賴補之必

將驕而取禍陛下寵之適所以害之也上皇不懌信西

退圖唐安祿山事實三卷上之信賴聞而銜之稱疾不

朝與中納言源師仲相結密就其家習武藝知義朝懷

觖望屢請相見謂之曰信賴在焉子何望而不獲義朝

感悅信賴又引權大納言藤原經宗右近衛中將藤原

成親檢非違使別當藤原惟方等為己黨經宗帝之外

舅成親帝之寵臣惟方帝之乳母夫也冬十二月四日

清盛與重盛詣熊野信賴乃招義朝謂之曰信西以上

皇乳母夫貴幸用事恣授官爵於其兒視吾屬如仇彼

久專政必覆國家上皇非不覺其奸特蓄而未發耳清

盛亦與彼聯姻欲媒藥源氏子將奈之何義朝曰保元

中吾閭門嬰禍惟義朝僅存清盛乘間毀害必然之勢

也君欲舉大事請與俱決死信賴大悅贈以寶刀良馬

義朝謝曰戰陣所貴惟馬吾騎此馬何堅不摧但小不

國史紀事本末 卷二十八 四

可以敵大請召吾族賴政光基季實信賴追贈鎧五十

領乃召賴政等告計皆曰宗家已應公僕敢不奉命義

朝素愛第三子賴朝乃授之產衣鎧鬚切刀皆寶器也

賴朝時年十三平治物語信賴與義朝議曰信西父子常侍

上皇可襲而斬也將以九日夜發愚管九日白虹貫日

信西見之大驚入奏上皇方宴乃不敢奏告之宮人而

出還家謂其妻曰天變太急汝告之兒輩乃騎愛馬走

大和藤原師光藤原成景等四人從焉信賴義朝不之

知夜帥五百餘人圍上皇宮信賴呼曰臣久蒙殊賜而

今信西讒構欲擠臣於死臣將逃赴東國上皇大驚師

仲進車，賊連呼曰：「縱火！」上皇遽登車，賊圍擁而去。入大內幽之一本御書所，令源重成、季實防衛，還帝於黑戶御所。賊遂火上皇宮，索信西父子，煙燄漲天。平治物語俊憲貞憲在宮，冒烟而逃。愚管抄公卿宮人爭遁。賊曰：「得無信西族人邪？」殺傷甚衆，其餘多投井死。惟左兵衛尉大江家仲、右衛門尉平康忠力戰死之。賊刀揭其首而去。轉鬻信西西洞院第火之，婢妾驚走。賊曰：「得非信西變服而逃邪？」又殺傷之。信賴遂入宮，自爲大臣大將，以義朝爲播磨守，賴朝爲右兵衛權佐。賴朝官兼公卿補任重成爲信濃守，源賴憲爲攝津守，鎌田政家爲右兵衛尉，削信西五子。

國史紀事本末

卷二十八

五

官聞成憲匿清盛六波羅第，矯宣旨召之。清盛家衆乃出之。義平聞變從武藏來，信賴悅曰：「卿欲得何國補？」何官？義平曰：「保元之難，叔父爲朝辭官不拜，捨攘之際，固當如是。請假我兵，吾要清盛於安部野，一擊殲之。」回軍戮信西，然後受賞。今事未定，吾從東國人所呼，稱惡源太足矣。信賴曰：「卿言太麤，吾待清盛入京掩擊耳，何必遠赴安部野？」乃使出雲前司源光泰追索信西。信西走至石堂山，復見星變，歎曰：「此忠臣代君之象，其在我乎？」遣成景覘京師，十日成景還告變。信西窘蹙，不知所爲。平治物語師光曰：「何不航海走宋，不聽。」愚管抄穴地自瘞，用竹

筒通氣息，唱佛名。師光遂斷髮爲僧，信西授之名曰西光。西光泣而去。信西奴牽馬還路，遭光泰、光泰捕之，鞠問得實，乃就掘其地。信西未死，遂斬之。六波羅馳使告變。清盛及於切部，清盛謂衆曰：「今馳還討賊歟？將往拜神歟？」重盛曰：「方今天子幽辱，武臣唯當赴難，何暇拜神？衆然之。清盛曰：「衆無鎧仗，奈之何？」筑後守家貞命啓所齎長櫃五十具，出鎧五十聯及戰具進之。衆曰：「安所獲弓？」家貞從竹筒中出弓五十，曰：「事將家者當如是。」衆激賞。清盛遣使告熊野別當，堪增遣二十騎來援。湯淺宗重亦帥三十騎來會。或報曰：「惡源太以三千人要

國史紀事本末

卷二十八

六

於安部野。清盛懼曰：「衆寡不敵，吾赴南海徵兵。」重盛曰：「我若遲疑，彼將矯詔討我，我獲賊名，悔無及矣。」以寡敵衆，武夫之常。吾速還一戰，即不克而死，義名不朽矣。家貞曰：「一門引領以待，請速往。」乃進。比至鬼中山，遇一人馳而來，衆以爲義平使，皆失色。至則六波羅使也。清盛問六波羅奈何？使者曰：「賊未敢來攻，但播磨中將避兵來投，召使累至，不得已而出之。」重盛怒曰：「人恃我來投而我送之敵，就屬我者，乃問曰：「安部野有敵乎？」曰：「否。」伊勢伊藤氏擁兵三百，將屬公。衆迺奮而進。十四日，信賴與惟方同車，就光泰家驗視信西首級，狗而集之。信賴

居朝餉所冠服一如天子人目曰惡右衛門督

平治義
物語

朝以東國軍未至不攻六波羅

愚管抄

每夜六波羅驚曰

賊來矣賊亦驚曰平氏來矣兩軍終夜奔馳然竟不一

戰十九日信賴矯詔召公卿舅左衛門督藤原光賴盛

服而至信賴方在第一座光賴直坐其上信賴懼甚光

賴端笏整容曰聞今日之會不至者死所議何事信賴

不對光賴乃起而出兵士歎曰此人勇甚恨不得此人

為大將一人曰古之名將有賴光光賴髣髴之一人曰

賴信亦勇將信賴何不類之軍中輕侮信賴如此光賴

呼弟惟方謂曰吾聞當時才望皆將見我我名亦在其

國史紀事本末

卷之六

七

中何其榮也汝嚮與信賴同車檢信西首豈有檢非違

使別當而乘人車後者邪何屈辱乃爾惟方報然曰奈

聖旨何光賴曰縱有旨何不爭之吾家累世名臣未嘗

失臣節今汝黨賊汙讎祖先吾深惜之聞清盛以大兵

來討賊滅不旋踵汝何不潛奉帝避難帝今焉在曰在

黑戶御所上皇焉在曰在一本御書所神鏡劍璽焉在

曰在溫明殿及夜御殿朝餉所有人聲擲形實有人影

何也曰信賴居之光賴憤然曰嗚呼賊乃敢據宮禁祖

宗有靈何使皇室至此極揮淚而出清盛父子至和泉

祈捷大鳥社獻鞍馬遂至京師先詣稻荷社令衆折杉

技挿鎧袖還六波羅第信賴義朝不敢攻二十日賊欲

殺信西諸子左大臣藤原伊通請滅死乃流俊憲於阿

波貞憲於土佐是憲於佐渡脩憲於隱岐僧靜賢於安

房澄憲於下野寬敏於上野憲曜於陸奥覺憲於伊豆

明遍於越後勝憲於安藝

平治物語國名
兼事年分歌

惟方經宗聞

清盛還潛謀奉帝幸其第遣非藏人藤原尹明諭清盛

清盛與之約曰深夜縱火二條大宮賊不得不馳救乘

輿宜乘間出避清盛慮賊有備陽為輸款送名簿於賊

賊懈不設備二十五日夜二條火起賊果驚擾

愚管抄

藏人藤原成賴奉上皇幸仁和寺惟方經宗奉帝潛出賊

國史紀事本末

卷之六

八

奪神鏡櫃師仲紹而取之將出藻壁門金子家忠守焉

怪詰之惟方答以宮人家忠疑之以弓撥車簾見帝容

貌端麗以為宮人乃得出重盛等帥兵三百奉迎遂幸

六波羅

平治
物語

關白基實尋至衆以信賴妹夫疑之清盛

曰攝籙之臣不來則召未召而來甚善衆乃安即夜令

京師曰乘輿既幸六波羅矣

愚管抄

於是公卿將士競集

六波羅車馬填塞鑿鎧相摩而信賴酣醉不之知也二

十六日成親馳報曰鑾輿外幸公卿皆逃信賴不信曰

吾委之經宗惟方成親曰二人實為之乃至御書所上

皇不在至黑戶御所帝亦不在索惟方經宗皆既亡信

賴大怒跳身曰、吾爲此輩所賣、義平適詣賀茂、途聞之、馳還、義朝急撿籍見兵、猶有二千餘、乃分守諸門、賴朝謂義朝曰、請先平氏、未至、急攻六波羅、衆壯之、義朝見賴政、光泰等懷向背、欲擊之、懼爲平氏所衆而止、乃謂衆曰、戰若不捷、徑赴東國、帥八國精銳而來、平氏不足平也、衆竊相謂曰、此人弑父殺弟、積惡之報、亡無日矣、皆有離心、帝詔清盛討賊、使藏人頭藤原實國諭曰、大內新成、萬一罹災、締構不易、卿僞退誘賊、待其來進、乘虛入守、清盛拜謝而出、遣重盛、賴盛、帥兵三千討賊、進屯西河原、重盛謂衆曰、年是平治、地是平安、我爲平氏、

國史紀事本末

卷二十八

九

走、義平政家追躡、比至堀河、將及、義平墮馬、政家射中重盛甲、不入、義平曰、此名甲唐皮也、何不射馬、射馬、馬仆、重盛立積材上、堯登墜地、政家進逼之、重盛橫弓撞其胷、衆間戴堯登、景安從旁搏政家、義平刺殺之、重盛欲還關、家泰進搏義平、政家刺殺之、重盛脫去、賴盛攻郁芳門、義朝挺身禦戰、賴盛引退、復進入門、一戰而出、義平政家援義朝、政家兵八町追賴盛、舉鐵搭鉤其胷、賴盛抽刀砍斷之、八町仆地、賴盛逸去、義朝悉衆追擊、顧則官軍衆虛、旣入皇城、賊不能還、乃進逼六波羅、六波羅撤五條橋爲楯、以待信賴、途逃、賴政以三百人陣六條河原、義平望見、謂政家曰、彼觀望成敗、吾蹴踏之、乃擊破之、首藤俊綱中矢、將墮馬、義平曰、壯士可惜、勿使敵獲、實盛馳告故、俊綱笑曰、郎君愛士、乃爾、延頸受刃而死、賴政遂走六波羅、義平大喊進攻、清盛驚愕、倒戴堯登、乃曰、吾不欲背天子、重盛出拒、義平曰、吾不入門、恥也、督衆奪門而入、賴政拒戰、義朝呼曰、卿黨平氏、吾愧之、賴政曰、卿黨賊、吾亦愧之、清盛登北臺、衆飛矢雨集、怒曰、吾兵無勇、乃跨馬而出、兩軍血戰、賊皆疲、不利而退、義朝怒將進、政家叩馬曰、源平以勇齊譽、而源氏最顯、今日之戰、人馬疲、矢刃盡、而傷夷過半、戰

國史紀事本末

卷二十八

十

亦何功與其徒授首卒伍不如竄身山林以圖後舉公而死於此諸國源氏皆喪氣而平氏益張矣萬一運窮就死亦不可使東國將士知義朝不聽政家苦諫乃退走官軍尾擊平賀義信還關義朝顧曰吾家之兵執鞭亦勇衆救義信首藤俊通戰沒義朝脫走官軍火義朝信賴及黨與家延曆寺僧兵數百要義朝於千束崖義朝窘迫實盛下馬脫胄給僧徒曰此是諸國募兵不足勞公等若欲獲鎧仗吾固當獻之乃投胄於地僧徒爭之義朝衝突而去僧兵追擊實盛射却之至八瀨松原有人從後呼顧視則信賴也義朝罵曰懦夫何顏見我國史紀事本末 卷二十八 十一

舉鞭扶其頰而去會橫河僧徒柵斷龍華越乃破柵而進飛矢雨下義朝叔祖父義隆中矢死命收其首子朝長亦被重創義朝怒曰僧徒乃敢困人吾廛汝矣乃奮擊斬數十人而去信賴轉轡還京從兵皆逃唯助吉扶之夜遇僧徒僧徒曰得非逃兵乎舉炬驗之信賴驚怖授鎧仗而去至仁和寺乞哀上皇師仲成親亦至上皇贈書於帝請宥信賴帝不報上皇再遣人乞之使者未還帝遣賴盛等帥兵圍仁和寺捕信賴師仲成親等五十餘人成親平生善遇重盛重盛爲請減死乃宥之師仲自陳曰嚮賊取神璽欲送之東國臣奪而藏之臣非

黨賊者廷議減死平治清盛入禁內收名簿曰昨日予爲今日取焉大笑而出愚管使重盛鞠問信賴信賴悲泣不能答但云天魔所爲也顧公垂憐以乞吾生重盛憫其軟弱請宥之清盛曰上皇請之而猶不能得奈何私宥之二十七日日據公卿補仕斬信賴於六條河原信賴臨刑泣曰重盛仁人何不救我宛轉號呼刑者不能斬掉抑刎之帝論功行賞賴盛任尾張守重盛伊豫守弟基盛大和守宗盛遠江守祓奪信賴義朝等七十三人官爵流信賴兄基通於陸奧弟信俊於越後朝廷未暇追索義朝義朝逃至堅田浦視義隆首歎曰八幡殿遺體

僅有斯人而今乃永訣自沈之湖水將濟遭風不能進乃轉取路勢多遣還義澄實盛家忠直實廣常等二十餘人於諸國曰必會東國乃與義平朝長賴朝政家義信及源重成金王丸俱去賴朝後土兵將擒之賴朝挺寶刀鬚切殺二人而逃義朝使政家還索獲之歎曰汝勇過老成至鏡驛聞官軍守不破關更自小關抵小野會大雪馬不能進乃棄鎧馬徒行至美濃青墓驛投富媼大炊家義朝嘗嬖大炊女延壽生一女以故大炊供給甚厚賴朝竟後而不至義朝分遣義平於飛驒朝長於信濃曰義平集北國兵朝長驅甲信諸源吾帥東國

兵三道並進滅平氏必矣二子既去朝長病創不能進而還義朝怒曰賴朝雖幼勝汝汝留朝長曰兒獨留必不免願死於大人之手義朝曰善將斬之操刀不忍下歎曰昔吾殺羣弟彼言異日必悔殆謂今日歟遂刺殺之義朝今遣以將發村民數百來攻重成曰吾能脫公下參取異本馳突入林中射殺十餘人詐稱義朝皮面自殺村民散去義朝夜發令義信還國聚兵義信曰公欲焉往義朝曰吾欲往尾張野間就長田莊司平忠致乞鎧馬而東義信曰富人惟利是視心術難測義朝曰彼鎌田婦翁卿勿過慮義信辭去大炊兄驚棲源光以豪俠聞兄及名據

國史紀事本末

卷二十八

十三

東鑑義朝託以鄉導源光大悅匿義朝等於薪船下株瀨川津吏過而搜之源光曰左馬頭雖奔竄必擁數十騎寧匿小舟邪縱在亦已自殺義朝聞之欲自刃政家止之津吏亦不深究而去匿義朝以下據異本二十九日至野間內海忠致厚客之義朝曰汝給我馬吾將發忠致曰明日新歲請過三日而發義朝不能違其意遂信宿忠致欲殺之密謀之子景致景致曰彼縱至東國孰復屬者終必伏誅以成人名請今殺之求賞忠致從之平治物語永曆元年春正月三日忠致為義朝具浴伏三壯士於浴室將刺之金王丸執刀侍浴壯士不得發義朝求浴

衣久之不進金王出取之伏發交刺義朝義朝呼金王而死金王走還立斬三人政家方與忠致飲聞變而起行酒者抽刀斫之政家奪其刀還刺之景致從後斬之源光聞變曰此必政家所為也提刀索政家政家既死乃與金王奮擊殺數人尾張之俗嚴設防備構屋牢密繇是不能獲忠致二人奪廢馬馳去政家妻伏刃而死七日忠致景致以義朝首至京師詔梟之二十三日以忠致為壹岐守景致兵衛尉忠致辭曰義朝梟雄若至東國安知其不為將門貞任今臣不勞兵力而誅之不可謂小功願賜義朝領國播磨不則請得美濃尾張矣

國史紀事本末

卷二十八

十四

家貞勸清盛殺之清盛曰固也然賊黨猶多殺彼則誰復效力者重盛亦深惡之忠致懼而逃還先是義平至飛驒衆多附之聞義朝死皆散乃單身還京師遭舊臣志內景澄景澄方委質平氏見義平大悅詐呼為已奴出入六波羅景澄僦舍三條烏丸三條烏丸據異本主人視義平容止異之景澄又每食不令人視主人疑而潛窺之則易饌而食即報之六波羅清盛遣難波經房帥三百人圍之義平突出斬數人騰身登屋逃去景澄遂見捕斬義平晝伏夜出屢覘清盛不獲欲往東近江依故舊途過逢坂因臥山中經房以五十人詣關明神見而欲

捕之義平起鬪經房射中其腕義平不能揮刀遂見擒
 經房以還六波羅坐之廡下怒曰我非坐廡下者自起
 入座清盛出見之曰卿前日能破三百騎而今日為五
 十騎所擒何也義平笑曰是命也卿異日運窮猶吾今
 日吾是勅敵第速斬景澄遂已下據異本即斬之六條河原時年
 二十臨死罵曰保元之亂多誅源平將士晝則於西山
 東山若於河原則以夜今白晝斬我於此平奴何無狀
 也嚮使信賴用吾策平奴無噍類矣經房曰卿何言義
 平瞋目曰善斬我不者吾為雷蹴殺汝矣二月賴盛士
 平宗清捕賴朝獻清盛初賴朝與父相失適逢土豪太
 國史紀事本末 卷二十八 十五
 夫屬定康扶匿佛寺適達已下據東鑑尋赴美濃投大炊家又
 去往東國路遇宗清於關原遂見擒宗清過大炊家發
 朝長墓傳首京師清盛命拘賴朝於宗清家宗清憫其
 年少因清盛繼母池尼請宥之清盛曰如師仲成親赦
 數十輩亦可武人之子決不可赦況彼義朝愛子官爵
 踰兄身傳寶器得非英物乎吾必殺之池尼哀救清盛
 不得已而宥之又索義朝諸子義朝妻常磐攜三兒今
 若乙若牛若而逃徒跣履冰兒皆泣路經清盛第迺曰
 此讐人家也勿敢就義朝妻已下據異本去匿大和龍門清盛捕
 常磐母常磐乃至六波羅請就刑清盛悅其容色遂宥

三兒衆咸諫之清盛曰已釋其兄奈何殺其弟三月流
 賴朝於伊豆士庶聚觀曰此兒瞻視異常流之東國何
 異放虎平治物語士庶已下據異本

國史紀事本末 卷之二十八終

國史紀事本末卷之二十九

從六位前大學校中博士常陸青山延光 編次

平氏專橫

二條天皇永曆元年春正月、源義朝伏誅、後白河上皇還自仁和寺、御參議藤原顯長八條第、時登棚閣眺望、權大納言藤原經宗參議、藤原惟方矯詔、以板蔽之上、皇不悅、經宗惟方謂、帝當親政事、不宜使上皇知焉、上皇聞之大怒、召太宰大貳平清盛、曰、朕之抑鬱、由此二人、朕將甘心焉、清盛捕之、將處死、前關白忠通請減死一等流之、恩管鈔參取三月、流經宗於阿波、惟方於長

國史紀事本末 卷二十九

門、公卿補任自是清盛威權漸熾、顯官美職咸出其門、正神皇

夏四月、先是日向通良反於肥前、帝敕清盛討之、清

盛令平家貞往攻、是月擊破通良、斬三百三十餘人、奏

捷京師、五月、帝御鳥羽殿、觀通良等首級、六月、清盛以

功敘正三位、尋任參議、源平盛

應保元年、清盛兼右衛門督、檢非違使、別當、任權中納

言、源平盛

永萬元年、清盛進權大納言、子右兵衛督重盛、任參議、

夏六月、帝讓位皇太子、皇太子立、是為六條天皇、秋七

月、二條上皇崩、諸寺僧徒會葬、揭榜為班、延曆寺班於

興福寺上、興福寺僧怒、斫延曆寺榜、遠近騷然、京師訛

言、後白河上皇敕僧徒誅清盛、清盛子弟會六波羅、為

守禦備、廷議使兵庫頭源賴政等陣郊外、內藏頭平教

盛等警衛大內、已而延曆寺僧徒攻清水寺火之、六波

羅益驚擾、重盛曰、此訛言耳、吾當謁上皇、乃赴法住寺

殿、上皇適幸六波羅、遇重盛於途、重盛扈從還家、上皇

欲見清盛、寬譬清盛、稱疾不出、上皇乃還、重盛送之至

宮、還見父曰、乘輿臨幸、不亦榮乎、清盛曰、聞有密計、所

以不謁也、重盛曰、保平以降、敵愾勤王、功在吾家、吾苟

奉公無貳、上皇何錄、疑我、我苟猜懼、則浮言益起矣、願

國史紀事本末 卷二十九

大人敬上卹下、勿生疑阻、清盛歎曰、卿量何大也、上皇

既還宮、謂近臣曰、誰為浮言者、眾不敢對、嬖臣藤原西

光進曰、天不言、令民言之、驕而無禮、天之所惡、今平氏

太侈日甚、得非亡徵邪、一座愕然、源平盛

六條天皇仁安元年冬十月、立皇叔憲仁親王為皇太

子、太子所生平氏、即清盛妻時子妹、故清盛擁立之、帝

年三歲、而太子六歲、長幼失序、朝野譏焉、源平盛十一

月、清盛任內大臣、敘正二位、公卿補任

二年春二月、清盛陞從一位太政大臣、賜隨身兵仗、聽

輦車出入宮中、不歷左右大臣、直為太政大臣者、前此

僅有藤原信長而已夏五月上表辭職許之公卿補任

三年春二月以清盛疾詔行非常赦百鍊抄清盛薙髮稱

淨海世呼曰太政入道平家物語源平盛衰記是月帝讓位皇太

子稱新院末冠之上皇自古未有愚昧記源平盛衰記皇太子立

是為高倉天皇尊所生女御平氏曰皇太后百鍊抄自是

清盛益擅威福權中納言平時忠以太后弟預政時人

呼曰平關白源平盛衰記

高倉天皇嘉應元年夏六月後白河上皇惡清盛專橫

而不能制遂薙髮專歸佛乘源平盛衰記

二年秋七月重盛子資盛路遇攝政基房不下車基房

國史紀事本末 卷二十九

三

從者怒斫車簾辱之重盛讓資盛曰汝既十餘歲猶不

知敬攝政宜其受辱也基房縛送從者謝過重盛不敢

受清盛聞之大怒曰攝政雖尊何得陵侮吾孫吾必報

怨重盛進曰我若受辱武夫恥也至於攝政之尊奈何

不敬且資盛失禮罪在從者而大人不問必欲報怨執

政是咎厲階也請幸忍之清盛不聽命難波經遠等覘

基房出捕從者截髻以辱之重盛聞之隕涕曰我門之

榮盡矣源平盛衰記逐資盛於伊勢平家物語

承安元年冬十月後白河法皇建春門院幸清盛福原

第海玉第中多營亭宇以極遊矚之勝源平盛衰記

二年春二月立女御平德子為中宮德子清盛女也是

為建禮門院海玉三月法皇又幸福原第百鍊抄

四年秋七月源雅通以病辭右近衛大將公卿補任諸卿多

望補其闕重盛奏曰大臣之子必任大將臣本將種願

補此職許之源平盛衰記

安元元年春三月帝壽法皇五十宴法往寺殿海玉重盛

子左近衛權少將維盛頭抽櫻花舞青海波觀者呼曰

櫻梅少將平氏子弟皆生長富貴風流嫺雅耽歌詠好

音樂勇武之風衰矣源平盛衰記

治承元年春正月重盛轉左近衛大將弟權中納言宗

國史紀事本末 卷二十九

四

盛兼右近衛大將三月重盛拜內大臣公卿補任法皇寵臣

權大納言藤原成親欲補大將而清盛超授宗盛成親

憤怒潛謀滅平氏一日招藏人多田行綱設宴授以金

裝刀密謂之曰平氏暴蔑天子驕縱日甚法皇密敕我

討之而我不知武事欲以卿為將帥事成必授以大將

行綱許諾成親曰東山鹿谷後接如意山俯瞰京師形

勝可據請築城聚兵行綱然之鹿谷屬法勝寺執行俊

寬俊寬與行綱善成親因行綱招俊寬誘以美妾遂引

為同謀與行綱及藤原西光檢非違使平康賴等屢會

議於俊寬鹿谷別莊一日宴酣馬驚逸一座皆起誤倒

酒瓶成親悅曰平氏倒矣康賴曰請梟其頭乃縛瓶於柱衆大笑法皇將臨之僧靜賢諫止之靜賢藤原信西子也會西光讒延曆寺座主明雲處流延曆寺僧徒擾動法皇敕成親聚兵行綱見成親兵寡恐事不濟夏五月二十七日往見清盛於福原悉告成親密計二十九日清盛還京師分遣將士捕成親黨與京師騷擾清盛子弟皆帥兵來會六月朔遣檢非違使安部資成詣法皇宮因近臣奏曰陛下左右謀作亂臣將索捕之法皇曰此朕所未聞也資成還報清盛曰果如行綱言法皇預謀明矣乃召西光讓曰汝本微賤位過其父乃肆讒

國史紀事本末

卷二十九

五

毒敢誣座主今又謀滅我得無神譴邪西光瞋目曰士仕而至檢非違使何謂過分卿父忠盛不得列搢紳故卿年十四五未得敘爵事中納言家成執鞭侍衛時或著高屐往來人呼曰高平太卿父捕近江盜賊獻之卿始爲兵衛佐其微賤如此今乃位極人臣此之謂過分清盛怒甚乃起蹴其面西光極口肆罵清盛謂兵士曰宜速鞠問然後劃其口衆乃考問之西光索紙筆具錄黨與名及其謀授之衆劃其口吻繫之清盛遣使請成親成親不知謀泄至清盛第則兵士闖溢成親大驚及入門兵士摔而倒之清盛命囚之一室重盛聞之來見

國史紀事本末

卷二十九

六

清盛曰大人欲殺大納言歟納言祖顯李始事白河帝子孫世受恩眷今縱有罪流之都外足矣何必殺之但重盛納言妹夫維盛亦其女婿大人將謂兒黨姻戚然重盛所憂不在此自嵯峨帝誅仲成斷死刑者二十五世保元之亂信西始行死刑至發宇治左府墓無幾信西亦死人手得非嗜殺之報邪今吾門榮顯已極所慮者子孫耳大人幸爲子孫忍之必欲殺納言請先斬重盛清盛意少解重盛乃召難波經遠瀨尾兼康等曰田舍人何乃陵辱大納言大人縱欲加害汝等慎勿從之若違吾言汝等必悔矣乃還清盛命斬西光於朱雀大路遣兵殺西光子師高師平師親於尾張獨不殺成親意欲窘辱之乃召見讓曰平治之亂君罪當死而得不足而欲滅吾門成親謝曰吾實無他讒人構成之耳清盛大怒取西光手書讀之曰君猶能論辯否乃以書批其頰呼兵士曰速拷掠之兵士曳去將撻之恐重盛聞而怒耳語成親曰君第號呼乃擊地作聲成親詐呼曰吾不勝痛楚清盛聞之以爲被撻乃命幽之清盛怒未解擐甲提矛呼平貞能曰孰謂我官爵踰分將帥受厚賞者古今固多田村麻呂刈田麻呂子建功東陸官

至大將法皇何獨惡我、且我功可謂多矣、保元之亂、吾族應新院者過半、新院皇子即吾先人之所嘗養、吾非不憫之、然奉故院遺詔、前驅破敵、平治之亂、賊甚猛銳、非吾死戰、朝廷殆危、然則再平禍亂、以安王室者我也、法皇迺信細說、欲滅吾家、非行綱來告、禍殆不測、法皇輕躁如此、異日讒說復進、院宣一下、吾獲賊名、悔無及矣、今日非遷法皇於鳥羽殿、則必徙之吾第、近臣必有禦之者、汝等速爲之備、乃急召重盛、兵士往報曰、入道旣擐甲矣、諸公子皆來會、聲言遷法皇於鳥羽殿、實欲流之西海也、重盛烏帽直衣而行、比至中門、甲士滿庭、

國史紀事本末

卷二十九

七

宗盛牽重盛袂曰、有大事、大人旣甲、兄何獨緩服、重盛曰、此吾家私事、何謂大事、吾忝大將之任、不可輒擐甲、若凶徒犯闕、王師失利、雖丞相之尊、亦不得不戰、今所謂敵者爲誰、不見敵而擐甲、將誰與戰、清盛望見愧服、不暇解甲、披素絹衣自蔽、迎見曰、今日首事者法皇也、吾將徙之佗處、卿來何緩、重盛默思久之、乃流涕曰、相國而戎服、兒所未聞、況薙髮歸佛者乎、佛說四恩、國恩最重、我家雖桓武之裔、中葉衰替、未嘗躋膺仕、平將軍翦誅將門、賞不過受領、先大父刑部卿造長壽院、始得昇殿、當時猶謗之、而大人遭逢盛際、榮踰祖先、不肖如

兒亦居樞要、一門采邑殆半天下、國恩之大如此、而一旦背恩犯上、祖宗震怒、亡無日矣、且大人之功非不大、然闔門受賞、未必無溢、法皇惡我、亦不爲無由、幸而其謀漏露、大納言就擒、法皇獨誰與圖我、我速罪其黨、奉公無貳、不以往事爲纖芥、神必祐我矣、大人縱欲抗法皇、兒決不能從、何則、兒受國厚恩、不忍背之、但當帥手兵二百護衛法皇耳、雖然、悖逆如義朝、亦兒所不忍、兒進退維谷、大人必欲犯上、請先斬兒頭、清盛愀然曰、我餘齡無幾、所慮者子孫耳、卿善爲之、乃起重盛、顧諸弟曰、大人老悖、卿等何不一諫、起誠、兵士曰、大人縱欲出

國史紀事本末

卷二十九

八

兵、卿等不見吾頭、慎勿從之、乃還、恐清盛猶逞怒、遣使令兵士曰、吾有所聞、欲來者來、衆驚曰、內府慎重、此必有故也、乃爭先赴之、清盛第無復隻兵、清盛大驚、二日重盛召平家貞貞能曰、卿爲我告大人、法皇聞大人舉事、命重盛討大人、重盛不得違命、然亦不敢背大人、將以身固請、但恐大人聞之、驚怖失措、故遣二人護衛、二人往告、清盛懼曰、吾過矣、卿爲我往謝、二人還報、重盛嘆曰、子而劫父、吾罪大矣、乃泣下、左右皆隕涕、重盛令衆曰、吾有所聞、而召卿等、尋知其妄、卿等速還、異日或有所召、慎勿遲回、法皇聞之流涕曰、以德報怨、重盛之

謂也。清盛尋流成親於備前。成親子右近衛少將成經及平康賴僧俊寬於鬼界島。秋七月清盛密命難波經遠殺成親。成親適病。乃撒鐵菱於崖下。擠而殺之。源平成衰記

二年冬十一月。先是中宮有身。清盛冀其生男。禱嚴島社。月一造焉。一夕夢神賜后寶劍。清盛大悅。世疾其貪榮。榜門謗之。清盛以為有文才者所為。錄差涉形迹者一千三百餘人。按問北野社前。竟不獲主名。長門本平家物語

至是產難。時人謂成親西光為祟。清盛憂懼。法皇親為之誦經曰。成親等皆朕臣。何敢為祟。適皇子生。清盛驚

喜而泣。人以為不祥。源平成衰記十二月立皇子言仁親王為皇太子。海玉

三年春三月。重盛夢詣伊豆三島社。見泉一僧頭問之。曰。神令源賴朝誅平太政入道。重盛覺而懼。會瀨尾兼康來告夢。亦與重盛合。重盛益懼。夏五月。重盛攜諸子詣熊野社。自祈死。歸路經岩田川。諸子浴戲。衣服沾濕。如著喪服。從者請更衣。重盛不許。六月。重盛寢病。病日篤。清盛遣使曰。宋國醫適來。宜速召之。重盛辭曰。兒聞死生有命。保平之戰。冒鋒鏑而不死。今病而死。命也。何以治療為。且重盛天朝公卿。不宜私見外國遊客。清盛

不能強。源平成衰記法皇聞之。臨視。山槐記秋八月朔。內大臣

重盛薨。年四十二。年據公卿補任聞者莫不悼惜。冬十一月七

日。地大震。陰陽頭安部泰親奏。法皇曰。不出旬日。必有

大變。十四日。清盛帥兵數千。至自福原。京師恟駭。關白

基房奏。法皇曰。臣嘗與平氏生隙。賴重盛苦諫。乃得無

患。今重盛逝矣。清盛將逞意於臣。臣不得復拜謁。法皇

隕涕曰。雖朕亦不能自安也。十五日。法皇遣靜賢諭清

盛曰。近歲國家不安。人心危懼。朕將賴卿鎮定之。卿何

乃擾動都下。聞卿有憾於朕。得非信讒邪。今卿兵士滿

京師。不知卿欲何為。卿果無佗心。宜速戢之。清盛不出

國史紀事本末 卷二十九 十

拜命。使子知盛謝曰。臣老矣。不能復侍院中。靜賢將出。

呼曰。賢明踟躕。今日之謂也。清盛呼還之曰。成親之謀

舉兵。卿能止。法皇臨幸。此吾之所以見卿也。保平之亂

吾建大功。天下所知。而法皇棄我。忠勲動欲除我。重盛

亦嘗有戰功。敕傳越前於子孫。而今乃見收。重盛何罪。

夫不孝之子。父母猶悲其死。況重盛克孝克忠。一旦永

訣。吾不得不悲慟。而法皇不察。吾固不能入朝。言訖泣

下。靜賢曰。內府之薨。法皇嘆曰。此非朕一人之不幸。實

天下之不幸也。為之誦經七日。其悼惜如此。而公不之

知。信浮言。背厚恩。非所以事君。請熟慮焉。清盛怒稍解。

靜賢還報、上下大悅、

源平盛衰記

十五日清盛奪關白基房

職、以右近衛中將藤原基通爲內大臣、關白十七日清

盛奪太政大臣師長權、大納言源資賢已下至北面親

近法皇者三十九人、官職十八日貶、基房爲太宰權帥、

流師長於尾張、

海玉

二十日清盛遣宗盛帥兵圍法住寺

殿、宮人驚泣曰、是欲徵信賴縱火也、宗盛入謁、法皇曰、

卿欲遷朕於邊裔乎、宗盛曰、非敢然也、請暫徙鳥羽殿、

乃奉乘輿幸鳥羽殿、防衛甚嚴、僅令一老尼入侍、靜賢

請往給事、清盛許之、法皇見靜賢至、悲泣、靜賢進曰、陛

下勿憂、平氏秉權二十餘歲、橫暴日甚、天將亡之、陛下

國史紀事本末

卷二十九

十一

再臨天下必矣、法皇乃始食、帝聞之憂懼、清盛遣宗盛

奏曰、天下機務、惟陛下所斷、帝曰、卿謀之、關白、

源平盛衰記

四年春二月、帝憂清盛跋扈、決意去位、二十日、

日海遂

讓位皇太子、皇太子立、是爲安德天皇、年僅三歲、時人

謂是太政入道欲擁外孫益專權也、大納言平時忠聞

之曰、近衛六條皆二三歲天子、孰謂無故事也、三月上

皇以清盛崇信嚴島神、欲臨幸以慰其意、延曆寺僧徒

怒曰、天子遜位、必先謁八幡賀茂、近世或謁熊野日吉、

奈何先幸嚴島、上皇乃止、十八日上皇臨清盛第、召宗

盛曰、吾欲觀法皇、奈何、宗盛曰、何不可之有、十九日上

皇過鳥羽殿、觀法皇相對悲泣、遂幸嚴島、清盛大悅、自

是清盛益無所顧憚、時忠謂人曰、天下無貴賤、非平氏

者非人也、一時服飾皆模擬平氏、呼曰六波羅樣、清盛

知時人有議己者、選童子三百人、執梅枝、臂小鳥、周遊

間里、伺察隱伏、凡所見聞皆還報之、清盛悉用其言、淫

刑濫罰、無所不至、道路仄目、呼曰惡童、

源平盛衰記

初藤原

信西好歌舞、撰詞曲中佳者、教妓礪禪師舞之、名曰白

拍子、

徒然草

清盛既極富貴、耽嗜聲伎、最好白拍子、白拍

子益盛、

源平盛衰記

藤原師長嘗曰、白拍子曲多商音、亡國

之音也、舞容不端、仰天而立、似憂思者、不祥甚矣、人以

國史紀事本末

卷二十九

十二

爲知言、

續古事談

國史紀事本末卷之二十九終

國史紀事本末卷之三十

從六位前大學校中博士常陸青山延光 編次

諸源滅平氏 義仲之叛

二條天皇永曆元年春三月流源義朝子賴朝於伊豆
帝王編年記 平清盛使伊東祐親北條時政監之與本平時治物語

政平直方之後直方即義家外祖也尊卑分初源氏屢建

功東國東國將士皆服其威信傾心役屬自稱家人保

元之亂為義為朝皆欲走東國而不果義朝義平皆嘗

居相模鎌倉及賴朝處流時人比之放虎對酌諸義朝書大意

弟義廣逃居常陸信太稱信太三郎東上總人平廣常

國史紀事本末 卷三十

相模人三浦義澄皆義朝爪牙退居鄉里參取平治物語源平盛衰

高倉天皇承安四年春三月初清盛宥義朝庶子今若

乙若牛若今若為僧曰全成平治物語乙若亦為僧曰義圓

平家物語牛若為鞍馬寺僧覺日弟子改名遮那王年十一

適閱諸家譜牒慨然有復讐之志於是晝讀書策夜演

武藝覺日勸之披剃不聽曰二兄為僧我深恥之師若

強我我刺殺師矣聞藤原秀衡雄彊欲往依之會陸奧

金商吉次者抵鞍馬乃密語之曰汝能攜我往陸奧我

厚報汝吉次曰是無難也奈僧徒之怒何曰僧徒厭我

猶暑月死人有偷去者誰復追索吉次曰請謀之同行

同行為下總人深栖光重乃就問其姓曰姓源曰誰與

卿善對曰有同宗賴政於是告以其意光重許諾是月

遮那王與吉次光重潛發鞍馬至近江鏡宿自加首服

稱九郎義經平治物語伊勢壯士伊勢義盛方居上野義經

過其家器異之約為君臣源平盛衰記遂往陸奧依秀衡秀

衡厚遇之東吉次遂事義經稱堀彌太郎景光平治物語

安元元年秋九月伊東祐親聞其女私賴朝生男大怒

曰毒蟲須碎其頭乃奪男殺之以女嫁江間小二郎將

殺賴朝祐親子祐清密告賴朝賴朝遁依北條時政時

政長女曰政子賴朝私之時政聞之以謂吾祖固嘗與

賴義婚安知非福然既與平兼隆約婚乃佯為不知妻

兼隆政子夜逃歸賴朝曾我物語兼隆和泉守關信

兼子坐事配伊豆山木及清盛擅權兼隆以同族依附

之陵暴國人嘗為檢非違使因號山木判官東

治承二年冬十二月右京大夫源賴政敘從三位公卿補仕

自義朝伏誅源氏多流落諸國獨賴政以屬清盛在官

清盛憐其衰老為奏敘三位海玉賴政最善射嘗夜射鵠

宮中獲之繇此名益著十訓抄子伊豆守仲綱嘗為藏人

平重盛一日詣中宮有蛇至膝下重盛恐驚中宮徐捉其頭尾呼藏人仲綱至袖蛇而出重盛賞以鞍馬戲曰此吾愛馬君其跨之遊倡門仲綱答曰公之舉止一何似還城樂舞時傳為佳話平家物語

三年秋七月前內大臣平重盛薨玉冬十一月平清盛

幽後白河法皇天下莫不惡其暴時僧文覺坐事配流

伊豆自稱善相人賴朝往見文覺熟視曰吾多見源氏

子孫皆無將才才器卓犖能濟大業者唯有君耳賴朝

驚異後屢往見文覺密說之曰清盛久握政柄驕逆日

甚又喪重盛餘子庸才莫能幹蠱君速起兵滅之以雪

國史紀事本末

卷三十

三

父恥賴朝疑其狡獪賣已謝曰吾受池尼厚恩何敢抗

平氏文覺探懷出一枯體詐稱義朝首曰我在獄日盜

而藏之今乃贈之君不亦奇乎因泣下賴朝亦為之感

激潛謀起兵源仲綱有駿馬名木下平宗盛請觀之仲

綱斬而不與賴政聞之命仲綱送之仲綱不得已而與

之既而請還宗盛怨之一日賓客來集請觀木下宗盛

呼曰牽仲綱來仲綱聞之憤怒賴政亦不平之潛謀滅

平氏時源義仲亦往來京師伺察平氏源平盛義仲為

義孫也父義賢居武藏為姪義平所殺時義仲僅二歲

義平謂畠山重能曰卿必索而殺之不則貽患矣重能

憫其孤弱託之齊藤實盛實盛匿之三日以為東國皆源氏家人事必泄露乃送之信濃託其乳母夫權守中原兼遠兼遠喜曰吾當以此人為北陸道大將軍遂傾意鞠養處之木曾山下義仲幼而雋異深慨宗族之衰微嬉戲常習馳射參取東鑑源平盛義記及長容貌瓌偉膂力絕倫尤善騎射長門本平家物語義賢第十郎行家潛匿熊野亦有勇略諸源皆謀復讐留意武事而平氏狃習宴安耽詩歌管絃一如措紳法皇第二子以仁王頗有美名然以母賤年長不冊親王鞅鞅不得志居三條高倉時人呼曰高倉宮源平盛義記

國史紀事本末

卷三十

四

四年夏四月九日源賴政夜潛往以仁王第說曰王親

法皇子踐大位亦可今齡既三十未冊親王王得無憂

憤邪平清盛位極人臣擅權專勢暴蔑天子陵轢宰輔

刑賞紊亂怨讟紛起天將滅之王何不乘此時起兵翦

誅以慰天下之望臣雖衰邁子弟宗族足以捍禦一方

況今源氏分布諸國京師有光基光重熊野有行家攝

津有多田大和有宇野近江有山本柏木錦織美濃尾

張有山田河邊甲斐有逸見武田小笠原常陸有信太

佐竹信濃有義仲伊豆有賴朝陸奥有義經王一令之

孰不響應昔者源平比肩衛護王家今也貴賤異等禮

如君臣屈首賤吏供其驅役憤鬱日久一旦相率而起滅平氏如反掌也時不可失王熟思之王慨然許之將移檄諸國源氏問曰誰可使者賴政薦行家行家適在京王召而命之欣然許諾王即命爲藏人行家變服爲脩驗者赴海道臨發謂熊野僧徒曰平氏積惡已稔以仁王將與東國諸源俱滅之卿等待吾還起兵僧徒相告語謀遂泄大江法眼以兵三千來攻僧徒擊破之法眼報清盛曰高倉宮旣檄東國諸源矣清盛大驚五月十五日將流以仁王於土佐不知賴政爲主謀令其子檢非違使兼綱等收王兼綱急告賴政賴政乃勸王夜

國史紀事本末

卷三十

五

走園城寺遲明兼綱等圍王第右兵衛尉長谷部信連挺刀拒鬪刀折衆擒之搜索第中不見王乃以信連還宗盛見而詰讓信連不屈流之伯耆以仁王旣至園城寺僧慶秀定海等帥衆擁衛二十日賴政火其第帥子仲綱兼綱賴兼及渡邊黨走園城寺渡邊競居宗盛第側衆欲告競賴政曰毋吾雖不告彼將自來宗盛使人偵競競獨留在家宗盛召見問故競給曰臣主疑臣臣故不從宗盛曰汝能事我乎競曰固所願也宗盛大悅賜以駿馬競還家俄跨其馬經宗盛第呼曰吾將往歸吾主宗盛兵駭懼不敢過競馳至園城寺見賴政父子

獻馬仲綱大悅乃截馬駿火印平宗盛入道五字放之六波羅宗盛始知見賣賴政令寺僧移牒延曆興福二寺乞援二寺應之清盛聞之會將士謀議上總介藤原忠清進曰園城寺塞二關延曆寺扼東西坂徵兵海道北陸興福寺帥吉野十津川羣盜來援則吾腹背受敵不易輒克而諸國源氏亦至矣顧僧徒貪猾請以利誘之清盛曰善乃請法皇降院宣諭延曆寺又輸近江米一萬石美濃絹三千匹於僧坊誘之僧徒果應平氏賴政聞之曰延曆寺負約園城寺未至吾以寡戰非計也不如夜遣羸弱數千持炬登如意嶽以張聲勢輕兵數

國史紀事本末

卷三十

六

百潛赴三條河原火民家誘敵敵必來擊我兵佯退別遣精兵四五百乘虛火六波羅克之必矣僧徒然之鳴鐘聚衆部署旣定僧真海獨黨平氏謂衆曰平氏強盛未易當也不如徵兵諸國徐議攻戰乃遲回不發僧慶秀曰利在速戰吾當先驅衆迺分路而發仲綱帥兵赴六波羅途聞鷄鳴知計不濟而退呼還僧徒僧徒怒曰誤事者真海也乃攻之真海走六波羅二十六日賴政奉以仁王走奈良王困墜馬者六乃入宇治平等院而憩焉衆撤宇治橋備平氏清盛果遣左兵衛督知盛藏人頭重衡等帥兵二萬餘追躡會大霧前軍至橋墜

者二百餘僧兵筒井淨妙進立橋架射殺十餘人矢盡提眉尖刀進戰疾走橋架如履平地其徒一來繼進騰身踰淨妙頭上縱橫奮戰殺傷甚衆賴政令渡邊黨援之競等皆下馬渡橋架擊藤原忠清卻之平氏軍復進墜水者七十餘人僧慶秀明禪提刀逕進平氏軍兩射二僧舞刀禦之矢皆迎刃而墜平氏不敢進僧徒罵曰射鵄將軍弓力無雙公等畏縮亦宜矣知盛謂衆曰我兵爭橋所以取笑何不濟河白兒黨呼譟而進渡邊黨射卻之忠清曰河流湍駛不易濟也請分兵從淀河內進攻足利忠綱曰東國大河爲利根吾家嘗與秩父戰

國史紀事本末

卷三十

七

乞援上野新田新田舉鞭亂流而來武夫當如此今不速濟奈良吉野僧徒將至矣乃令衆曰健馬上流羸馬下流馬縱疲勿援旁人俱溺敵箭縱及我我不宜射射者溺勿逆水逆者溺遂以三百餘騎濟後軍乘勢皆濟賴政退陣平等院忠綱先衆突戰兼綱等力拒士卒多死賴政仲綱發矢禦戰使王先逃忠綱追擊兼綱轉馬苦戰而死賴政被創乃白王曰老臣不復能從請辭訣王流涕而去賴政急射追兵苦不虛發矢盡入平等院釣殿剗腹而死仲綱亦自殺渡邊黨皆戰死宗盛豫令衆曰必生擒競來競苦戰而死王逃至光明山中流矢

墜馬爲追兵所殺興福寺僧兵三萬將迎王先鋒至木津川聞王敗死乃還知盛重衡凱旋清盛賞忠綱功授上野介族人爭訟乃奪之六月二日清盛遷都攝津福原幽法皇於板屋防衛益嚴人呼曰牢御所源平盛十九日先是行家齋以仁王令旨歷說近江美濃尾張信濃甲斐諸源源平盛十至伊豆告賴朝賴朝大悅遙拜男山神召時政告之遂約起兵東行家乃赴常陸賴朝謂時政曰吾今起兵奈單寡何時政曰東國皆源氏家人今屬平氏者不得已也君一旦倡義誰敢不從嚮藤原忠清坐事流上總介平廣常善遇之忠清遭赦還京反

國史紀事本末

卷三十

八

議構廣常謀奪其職廣常爭之不獲積忿日久是可誘而降也千葉常胤三浦義明素重信義必舉族來會此輩已服東國誰敢抗君者但相模大庭景親媚附平氏威震中國武藏畠山重忠父重能小山田重成父有重皆在京師必不來降而兵力不減景親宜速擊之東國果服西北不攻自降也賴朝然之源平盛十是日京師人三善康信遣子康清報賴朝曰前月高倉宮敗死平氏謀擊東國諸源君源氏曹胤平氏最忌之請速避難陸奧康信母賴朝乳母妹故歸心賴朝賴朝乃遣安達盛長移檄東國豪族相模人多從之獨波多野義常不從

東首藤經俊亦罵曰一流人敢抗平氏無乃喪心乎大庭景能告之弟景親景親曰源氏固舊君也然景親嘗

坐事當死平氏活我此恩不可忘也景能曰善汝去屬

平氏吾將屬源氏三浦義明得檄大喜集子義澄義連

孫和田義盛義茂等告曰吾老矣今受此命何榮也平

氏據天下二十餘年窮凶極惡覆滅已兆源氏必興汝

等速往屬之武夫為舊君死榮孰大焉源平盛衰記義明賴

光壯士平貞道之後祖為繼從義家於陸奥有勇名取參

三浦系圖後三年軍記八月四日賴朝謀擊平兼隆遣人覬兼隆

家圖寫之六日賴朝召工藤茂光土井實平岡崎義實

宇佐美助茂天野遠景佐佐木盛綱加藤景廉議攻戰

方略各延之密室議曰此事獨謀之卿卿為我效力人

人感喜以為賴朝親已而機密之計獨與時政謀九日

大庭景親謂佐佐木秀義曰平氏既克高倉宮謀擊諸

國源氏卿勿使諸子事賴朝秀義密令子定綱報賴朝

秀義近江人嘗事義朝義朝死不欲屬平氏欲往陸奥

依藤原秀衡途經相模國人澀谷重國愛其勇留之子

定綱經高盛綱高綱皆驍壯十七日賴朝將擊兼隆令

盛長祈捷三島社定綱兄弟皆來會令時政乘夜進擊

謂之曰吾事濟否以此戰卜之捷則縱火留盛綱景廉

自衛時政進至肥田原謂定綱曰兼隆腹心堤信遠居

山木北彼亦勇兵卿往擊之定綱經高乃擊信遠斬之

時政進攻山木兼隆兵苦拒東鑑關屋八郎善射時政兵

多中矢死源平盛衰記賴朝望烟久之不舉命盛綱景廉等

往援東鑑取眉尖刀授景廉曰夜戰利用長汝速斬兼隆

來參取東鑑源平盛衰記景廉等馳至山木時政方退休兵景廉

乃縛盾為筏渡壑而入關屋注矢以待景廉令從兵洲

崎先驅矢洞胷而死景廉急進斬關屋及兼隆寢室戶

開景廉知有伏脫胷揭鋒端試之兼隆果擊之刀中楯

不拔景廉揮眉尖刀斬之遂放火賴朝望烟大悅須臾

景廉刀揭兼隆頭還報源平盛衰記兼隆族人知親為浦屋

御廚吏多行不法十九日賴朝矯以仁王令曰速禡知

親職以除民害東國吏務一委賴朝賴朝號令關東始

於此二十日賴朝待三浦族不至乃帥伊豆相模兵陣

相模土肥二十二日三浦義明遣義澄義連和田義盛

義茂等發三浦二十三日賴朝帥兵三百陣石橋山揭

以仁王令旨於旗大庭景親帥弟股野景久及河村義

秀澀谷重國首藤經俊熊谷直實梶原景時等三千餘

人來攻伊東祐親以兵三百陣山上欲襲賴朝軍後東鑑

畠山重忠應景親以兵五百陣金江河源平盛衰記義澄等

進至九子河、遣兵火景親部下廬舍、會日將暮、景親望烟謂衆曰、此必三浦也、彼明日必至、吾不得不急戰、乃進、東鑑兩軍相罵、未戰、賴朝謂衆曰、孰能搏大庭股野者、岡崎義實進曰、請命賤息真田義忠、乃召義忠、義忠錦襖金甲、牽白馬而進、賴朝曰、大庭兄弟名士也、汝爲我先驅搏之、義忠拜而退、呼其士文三家安曰、吾受命先驅、決不生還、妻子託之汝、家安曰、君少而臣老、少者死、老者何得不從、乃令僮三郎九還家、將進、賴朝曰、汝甲甚麗、何不易之、義忠曰、武夫赴敵、不得不感服、乃帥十餘騎呼名而進、遇一敵兵斬之、馬驚逸深入、景親謂景國史紀事本末 卷三十 十一

員景廉大見實光實政、佐佐木高綱、天野遠景、光家、堀親家、助政等聯轡還鬪、馬多中矢斃、追騎益急、賴朝旋轡射之、矢不虛發、多所殺傷、矢盡、景廉攬轡卻走、追兵垂及、高綱遠景、景廉還戰數次、時政亦與子宗時、義時迴擊、遂與賴朝相失、景廉等欲留而戰、時政曰、毋速蹤跡主君、景廉乃與景員光、員祐茂親家實政冒險而登、遇賴朝、唯實平從、賴朝立僵木上、見六人大悅、實平曰、卿等來固善、然從兵衆多、何由潛匿、卿等去、衆固請從、實平曰、身苟不全、何以雪恥、今日分離、安知不爲他日之福、衆乃泣而散去、家義亦至、又諭之令去、宗時逃至平井、爲祐親所殺、東鑑工藤茂光肥大不能走、謂子親光曰、汝善事佐殿、乃剖腹、孫田代信綱爲絕之、親光泣而逃、源平或景親帥衆窮搜、梶原景時知賴朝所在、意憫之、給曰、此山無復人蹤、執景親手、登傍峯而去、賴朝遂獲免、適與時政會、箱根別當行實與爲義、義朝有舊、遣弟永實餉糧、時政疑其有謀、給曰、大將死矣、永實曰、卿疑我與大將果死、吾且殉之、時政笑告實、賴朝乃赴箱根、東鑑永實家、是日三浦義澄等陣九子河、以水漲未濟、適遇大沼三郎、三郎曰、佐殿已敗死矣、衆驚曰、大場在前、畠山在後、與其敗死、寧自刃、義澄問大沼曰、子面

視佐殿之死耶曰否徒傳聞耳義澄曰佐殿英邁未必一敗輒死子之所聞安知非敵詐謀石橋瀕海輕舸東馳房總可達不則山谷深阻潛匿亦易吾當全軍而還見親臣北條佐佐木審問虛實但畠山斷我歸路奈何義連曰重忠小豎子耳吾衝其陣奪馬而去義澄曰彼逸我勞欲奪彼馬適失我馬不如取道海濱令波濤亂軍聲義盛奮曰吾必過敵營何以間道爲乃與義連俱發徑過重忠陣呼曰我和田義盛也得佐殿敗問回軍欲過者過重忠曰吾父在京今日不戰恐累吾父乃追躡至由比濱義盛等已登小坪嶺望見下嶺重忠壯士

以數百人孰能拔者義明曰奴田小壘衣笠名城等死則死於衣笠義盛曰二城皆在境內要當據險義明怒曰今天下皆敵奈何惜死吾輩守衣笠效死異日佐殿得志賜之子孫以表父祖戰亡之地不亦善乎衆不得已而入衣笠義明命嚴守備令步兵提挺伏城外叢薄令曰城兵唯射敵馬伏齊起挺之源平盛二十五日景親分兵斷諸路令景久帥駿河目代橘遠茂兵往攻甲斐源氏路宿富士北麓有羣鼠齧斷弓弦甲斐人安田義定工藤景光等往援賴朝遇景久於途乃戰景久等不能執弓遂敗走行實弟良退與兼隆有舊謀襲賴朝賴朝乃與實平永實走土肥遣時政於甲斐招諭諸源時政以爲我兵未振不足聳動諸源乃還二十六日畠山重忠與族人河越重賴江戶重長帥兵數千攻衣笠鏖城兵爭射其馬重忠兵擾動伏乃發白挺亂下殺傷頗衆獨金子家忠苦戰奪門而入被矢如棘義明遣使勞之以酒曰子戰何壯請一飲復戰家忠杖弓引滿謝曰吾氣益壯捷在頃刻揖使者而進義明曰孰能射之者義盛卽一發中之家忠仆弟近範扶之而退三浦與一追之近範還戰斬之義澄曰與一離城窮追所以死也我唯當叢射勿輒出城義明聞之曰汝等之戰猶京

童石戰不足觀已坂東之兵步則奮怒衝突父不顧子騎則聯鑣馳逐感敵於隘是爲壯觀吾雖老猶能戰乃跨馬將出義澄手轡止之義明擊之以鞭義澄竟牽之而還源平盛衰記日既暮義明謂義澄等曰吾源氏累世家齡踰八十幸遇佐殿起兵吾當效死於此爲汝等求賞汝等速棄我去義澄等不得已泣而去二十七日夜笠陷義明戰死年八十九義澄等航海赴安房適遇北條時政岡崎義實等於海上與俱索賴朝景親帥兵數千追至三浦已不及矣加藤景員與二子匿箱根饑困數日乃謂二子曰吾老矣死不足惜汝等少壯與我俱

國史紀事本末

卷三十

十五

死無爲也速棄我索佐殿光員景康乃送父走湯山散去二十八日賴朝與土肥實平從土肥眞鶴崎航海至安房獵崎適與時政義澄等相遇東鑑君臣驚喜義澄告父死且泣義盛曰此豈涕泣時邪今既遇主君要當建戰功享茅土鄙語曰欲食者先噉嚮上總介忠清事平氏補東國侍奉行國人趨附見者豔羨臣異日願補此職賴朝笑而許之九月朔景親遣使報清盛曰源賴朝起兵襲殺平兼隆據石橋山景親擊走之或曰赴水或曰自縊死巷說多端未獲其實然死問蓋非謬也清盛大悅行賞源平盛衰記是日賴朝將赴上總依平廣常遣使

徵安房人安西景益三日賴朝謂衆曰屬景親者僅武藏相模將士而三浦中村已屬我彼何能爲乃移檄徵小山朝政下河邊行平河西清重等曰速從海路來勿以敵地阻隔懷顧慮遂赴上總路宿民家土人長狹常伴將掩襲義澄遮擊走之四日安西景益來屬謂曰土豪梗路者猶多何不徵廣常賴朝從之轉次景益家遣和田義盛徵廣常安達盛長徵千葉常胤盛長往告常胤常胤默然二子胤正胤賴進曰佐殿有命奈何遲疑常胤曰吾何曾遲疑但感喜之極不能速答耳乃飲盛長以酒曰安房地非險要又非祖宗舊地不如據相模

國史紀事本末

卷三十

十六

鎌倉吾當奉迎義盛往告廣常廣常曰請與千葉議然後迎之七日源義仲奉以仁王令旨起兵信濃應賴朝東鑑先是平氏聞義仲聚兵驚曰信濃逼近京畿不可緩也乃召中原兼遠讓曰汝何爲擁護義仲欲啓亂階能縛送義仲則生不則斬矣兼遠佯許之進誓書平氏乃放還之兼遠謂土豪根井幸親曰卿代我奉木曾殿幸親許諾乃移檄遠近募兵上野足利及其餘豪族多歸之兼遠令二子樋口兼光今井兼平事之女鞠繪美而勇亦爲義仲所嬖源平盛衰記平氏黨笠原賴直聚衆將攻義仲義仲部下村山義直邀戰於市原不利告急義仲

義仲即往援賴直望風潰走八日賴朝遣時政於甲斐帥諸源狗信濃十日甲斐源氏武田信義及子一條忠賴入信濃攻平氏黨管冠者於伊那郡斬之賴朝既得精兵三百餘人而廣常未至十三日遂赴上總常胤將帥衆迎之胤賴曰吾國目代黨平氏今我舉族出境得無後患乎常胤乃命攻之目代以兵數千力拒胤賴縱火苦戰遂斬之十四日千田親政欲襲常胤常胤遣孫成胤攻擒之十七日賴朝入上總常胤以兵三百餘迎之國府賴朝召見曰吾以卿爲父進至隅田川十九日廣常以兵二萬餘來會賴朝讓其遲緩不即召見廣常退而歎曰佐殿流人從兵單寡吾以大兵來會此常人所深喜而責讓乃爾真有人君之量也遂傾心款附二十日賴朝遣土屋宗遠於甲斐諭諸源曰我既收房總兵欲更徵武藏上野下野兵邀平氏於駿河卿等速以時政爲軍導來會黃瀬河二十八日遣使諭江戶重長曰卿武藏望族吾將倚賴石橋之戰不復介意何不速來東鑑是月平氏將士在東國者報清盛曰賴朝死石橋者妄也彼狗房總所向降附豆駿甲信莫不風靡今不速擊不易制也京師駭愕清盛嘆曰東國將士固嘗隸屬源氏吾誤放賴朝於其地譬猶授盜鑰而放虎野彼

固將相率滅我門也乃請上皇下討賴朝赦上皇曰請之法皇清盛恚曰今天子幼冲政在陛下何待法皇聖意無乃庇源氏與上皇笑而許之官符東海東山二道討賴朝以右近衛權少將平維盛爲追討使遵高祖正盛討源義親故事賜驛鈴薩摩守平忠度參河守平知盛副之上皇尋幸嚴島清盛扈從屏人請曰願賜誓書以明不與源氏不則放陛下於此上皇曰朕於公言初無所不從何則疑朕朕豈拒公請邪乃親書賜之清盛大悅維盛等帥兵五千餘發京師兵數據王海時齋藤實盛事平氏清盛命以軍導上總介藤原忠清等從焉源平盛衰記冬十月朔僧全成聞賴朝起兵從京師來歸石橋散兵亦來集東鑑賴朝召廣常問曰吾欲停駐數日徵兵上野下野然後進奈何廣常曰臣聞平氏以實盛爲軍導彼審東國形勢吾不急進武藏相模豪族得無屬平氏乎不如直踰足柄臨富士河我先得武相此搃天下之吭也賴朝從之源平盛衰記二日帥兵三萬餘濟隅田河赴武藏葛西清重足立遠元等來迎三日賴朝命常胤遣兵於上總攻伊止常仲斬之常仲長狹常伴外甥也四日賴朝次長井渡畠山重忠河越重賴江戶重長來降東鑑賴朝讓重忠曰汝父在京汝亦擊我兵於小坪今何

爲來降、汝又用我家白旗、降者固如此乎、重忠曰、小坪之戰、初非所以抗君、君其問之三浦、白旗卽八幡殿東征之日、賜之臣四世祖武綱、命以先鋒者也、近時惡源太殿攻義賢、臣父揭此先登、名曰吉例、今君將定天下、故臣亦揭此而來、賴朝問之實、平常胤皆曰、重忠端厚、方面之器也、彼降而不納、則武藏相模將士皆懷顧望、矣、賴朝乃謂重忠曰、吾命汝先驅、掃平海內、授藍皮爲旗號、源平盛衰記謂義登等曰、彼嘗抗我、我置而不問、所以招撫豪傑、卿等亦勿以父仇視之、東於是武藏相模兵爭先來降、源平盛衰記六日賴朝入相模、重忠先驅、常胤後

國史紀事本末

卷三十

十九

拒、兵相連絡不絕、遂莫居鎌倉、十二日遷鶴岡八幡祠於小林鄉、卽賴義所嘗創也、十三日平維盛等至駿河、東欲踰足柄山就平行待敵、藤原忠清曰、方今伊豆駿河兵猶未來附、帥烏合踰險阻、非計也、不如臨富士河張軍、維盛從之、平家物語時政與甲斐諸源武田安田逸見等赴駿河、加藤光員景康方匿甲斐、皆來會、橘遠茂用長田入道計、繞富士野向甲斐、十四日兩軍適遇於鉢田、山路巉險、進退甚艱、武田信光與景康等先登、斬長田父子、擒遠茂、長田佚其名、蓋忠致也、十六日賴朝聞平氏至駿河、帥兵二十萬而發、十七日遣兵攻波多野

義常未至、義常自殺、東武田信義遣使致書維盛曰、僕久欲謁公而未得、公今奉敕東下、僕欲往謁於途而已、後且弊邑不足勞公、請相見於浮島原、藤原忠清怒殺使者、五十八日大庭景親帥兵一千、欲往會平氏、賴朝旣踰足柄、景親窘迫、走河村山、賴朝進次黃瀬河、時政以甲斐諸源兵二萬來會、景康等獻捷、十九日祐親將航海而逃、天野遠景擒之以獻、賴朝思祐清舊恩、欲行賞、祐清辭曰、焉有父爲囚虜而子獲褒賞者、邪、臣願往屬平氏、賴朝不許、二十日進陣賀島、維盛等壓富士河西岸而陣、刻日約戰、東維盛問齋藤實盛曰、東兵善射

國史紀事本末

卷三十

二十

如汝者有幾、實盛曰、將軍善臣射邪、東國善射者、勁弓長箭、中必疊雙、日夕馳逐射獸、故馬皆健逸、戰必有進、無卻、故父橫尸於前、而子不旋踵、將軍部下皆募兵、父兄纔傷、子弟扶還、馬飽而弱、行數里輒疲、將何以抗東兵、臣嘗勸將軍先招諭武藏、藏相模豪傑、然後東征、正爲此也、乃請曰、臣荷大臣厚恩、願暫還辭訣、卽以兵千餘引還、維盛恚曰、軍導何必實盛、以忠清爲先鋒、平氏素耽遊宴、迎驛妓酣飲、源平盛衰記武田信義夜潛兵襲維盛、後軍、東會水鳥驚噪、平氏聞之驚曰、敵至矣、全軍崩潰、人馬相蹈藉、棄器械輜重而走、源平盛衰記維盛獨欲留忠

清曰今東國悉屬賴朝我懸軍深入恐腹背受敵請速引去維盛乃逃還飯田家義濟河追躡斬伊藤武者次郎二十一日賴朝將逐北西上常胤義登廣常等曰方今佐竹義政秀義雄據常陸而秀義父隆義屬平氏在京彼非輒降者其佗勁敵猶多請先蕩平東國然後西征賴朝然之令安田義定鎮近江武田信義鎮駿河是日有一少年來請見賴朝實平等怪而不爲通賴朝聞之曰奧州九郎邪即召見果義經也賴朝流涕曰昔者奧州之役新羅三郎棄官援兄遂滅凶徒卿今日來見又何相似也先是義經聞賴朝起兵欲往從之秀衡不

國史紀事本末

卷三十

二十一

許乃潛發秀衡令壯士佐藤繼信忠信追從之二十三日賴朝旋師至相模國府始行賞時政信義等二十餘人各有差大庭景親來降二十六日斬景親於固瀨河餘黨釋而不問股野景久走京師二十七日賴朝自將赴常陸十一月四日至常陸國府謂諸將曰佐竹族盛兵多宜以計取之乃令廣常誘諭義政秀義秀義不肯降據金砂城義政獨出降比至大矢橋賴朝命屏其從兵令廣常斬之從兵逃去乃遣下河邊行平土肥實平和田義盛等攻金砂金砂崖壁斗絕城據絕巔諸將仰攻城上飛矢雨下人馬多死五日實平等遣使請賴朝

曰金砂絕險守兵亦銳願受方略賴朝問之諸將廣常曰秀義叔父藏人智而貪婪若啗以利彼必降矣賴朝迺遣廣常藏人喜而出見廣常說曰今東國莫不歸鎌倉而秀義以一城抗之何不自量之甚也卿速出降秀義之地可獲矣藏人大悅導廣常兵繞出城後大喊城兵惶駭廣常乘勢進攻熊谷直實平山李重先登秀義棄城逃八日賴朝令秀義米地太田糟田酒出賞將士俄而義政從兵十餘人來進賴朝令廣常等擒之疑其有計召見之有岩瀨與一太郎者獨泣賴朝怪問岩瀨曰臣哀舊主冤死耳賴朝曰何不殉之岩瀨曰將軍誅

國史紀事本末

卷三十

二十二

臣主臣等不得從故一旦邂逅而今敢來者欲有所言也將軍欲滅平氏宜與天下共擊之而今迺先滅同族將誰與滅仇敵乎又使何人捍衛子孫也今諸國之所以從將軍者徒畏其威耳非心服也無乃貽譏後世與賴朝默然廣常請殺之不聽召爲家人十七日還鎌倉以和田義盛爲侍所別當踐舊約也二十六日將斬首藤經俊其母請曰父俊通死於平治之戰願以此贖乃宥之經是月維盛等還至勢多遣使報敗清盛大怒曰將帥出征不克則死汝不戰而還何顏入京維盛潛入京師海清盛欲流維盛斬忠清不果源平盛自維盛敗

還諸源兵威日振近江源氏山本義經及弟栢木義兼起兵應賴朝十二月朔清盛令知盛帥兵數千攻義經縱火燒其家義經兄弟逃走十日至鎌倉見賴朝請先驅賴朝壯之東鑑延曆寺僧徒與園城寺連和應義經據園城寺十一日清盛遣淡路守平清房攻園城寺縱火燒之堂宇蕩盡玉海山槐初以仁王之敗攝政基通聞記百鍊抄興福寺應之遣有官別當藤原忠成諭之僧徒凌辱忠成褫奪衣服截從者髻逐之再遣左衛門權佐藤原親雅詰問僧徒要之木津川親雅惶惑逃還其後僧徒鴟張日甚朝廷遣使詰之僧徒曰欲擊清盛法師耳清盛

國史紀事本末

卷三十

二三

乃以瀨尾兼康補大和檢非違所帥兵數百赴之僧徒邀擊斬二十餘人兼康遁還興福寺復園城寺牒朝清盛曰平氏糟糠武家塵芥西乘房信救筆也清盛大怒索捕信救漆身逃亡事源義仲爲書史號大夫坊覺明僧徒益惡清盛造木偶髡首且擊且蹴呼爲太政入道頭清盛聞之怒甚二十六日令重衡攻興福東大二寺僧徒徵兵吉野十津川設柵斷道二十八日重衡進攻僧徒禦戰大敗重衡乘風縱火二寺焚蕩無遺僧徒死者甚衆源平盛衰記是月上野人新田義重來鎌倉義重義家孫義國子據寺尾城不欲屬賴朝賴朝屢徵之不至

乃遣安達盛長諭之始來歸焉義重孫里見義成從京師逃還梶原景時因土肥實平降景時驍猾有口辯賴朝召見大悅義仲入上野上野多胡即義賢舊邑故義仲取之適聞賴朝兵日強乃還信濃東鑑安德天皇養和元年春正月五日京師訛言賴朝兵從南海來清盛分兵扼守海口令伊豆江四郎守志摩熊野僧徒擊走之遂略志摩伊勢平氏黨皆敗走東鑑十四日高倉上皇崩初清盛幽法皇上皇憂憤得病及聞重衡火興福東大二寺大駭遂崩源平盛衰記平家物語二十一日熊野僧徒進火二見浦民家關信兼逆戰僧徒引還先是清盛課兵糧於大神宮境內聞者驚曰自祖宗祀天祖千有餘歲未聞凶惡如此者平氏必亡矣東鑑是月以前權大納言平宗盛爲畿內伊賀伊勢近江丹波總管百鍊抄源行家帥兵數千徇尾張聲言從美濃近江入京師京師繹騷二月朔清盛遣左兵衛督知盛中宮亮通盛左近衛少將清經薩摩守忠度等擊行家行家進入美濃據板倉城知盛等從城後縱火攻之行家走中原賴朝聞之遣弟義圓帥兵千餘往援九日知盛斬前武藏權守源義基傳首京師十三日宇佐大宮司公通遣使報清盛曰鎮西人菊池隆直緒方惟能白扞戶次松

國史紀事本末

卷三十

二十四

浦黨皆起兵應賴朝。清盛驚曰：「東國既叛，所恃惟西國。」西國亦抗我，與前筑前守平貞能曰：「是未可信。」東北固屬賴朝。義仲至西海將士，無非平氏恩舊，何敢背叛？臣請鎮壓之。衆壯之。十七日，伊豫遣使報清盛曰：「國人河野通清起兵，據高繩城，備後人額西寂以兵船數千來攻，斬通清。通清子通信走安藝。四國未定，西寂駐軍未還。通信以三十船來，偽爲捕魚，覘西寂遊燕，掩襲擒之，殺以祭父。國人皆應。南海大亂。清盛益驚懼。二十七日，清盛令宗盛大舉擊賴朝，未發會清盛得疾，身熱如火，貯水石槽，澡浴取冷，水涌作湯，疾日劇。聞者竊相謂曰：

國史紀事本末

卷三十

二十五

國史紀事本末

卷三十

二十六

恨不見其死於兵耳。妻時子見其不可起，問所欲言，清盛大息曰：「平治以來，吾把握政柄二十三年，身極榮貴，爲帝外祖，何所不足？獨恨不見賴朝頭而死爾。吾死勿脩堂塔，勿誦佛經，速斬賴朝祭我。」閏月四日，前太政大臣清盛薨，年六十四。源平盛衰記賴朝竊奏法皇曰：「臣非敢叛，欲除平氏耳。聖意若眷眷平氏，則源平兩氏相並奉仕如往日，冀試其忠否。」法皇以書示宗盛。宗盛奏曰：「講和實爲美事。然先臣既有遺言，義不可不伐也。」海十五日，重衡維盛帥兵一萬三千，齎院旨諭東國討賴朝。平貞能赴西國，擊菊池緒方。源平盛衰記一十七日，賴朝

遣和田義盛等於遠江，援安田義定。義定出屯濱松橋本，分兵扼守駿河。信太義廣乘虛謀襲賴朝，潛發常陸入下野。二十三日，帥兵三萬餘赴鎌倉，誘足利忠綱。忠綱嘗屬平氏，攻賴政，又與小山朝政有隙，遂應義廣。義廣又遣使誘朝政。朝政父政光方在京師，從兵單寡，乃詐應之。義廣大喜，往過朝政。朝政引兵據野木宮，覘義廣至，令衆登樹呼噪，震山谷。義廣駭懼，朝政乘勢奮擊，中矢墮馬。弟宗政適從，鎌倉來救。義廣引卻，會暴風揚塵，朝政兄弟從上風追擊。義廣潰走，下河邊行。平要之古我渡，足利有綱等擊之，小手差原賴朝弟範賴亦來援。義廣單身脫去，走信濃，依義仲。忠綱走西國。二十

威合勢齊進行家不能支走折戶追兵至又敗走熱田宮壞民家爲盾苦戰又敗走參河據矢矯川額田郡兵士來援衆稍振平氏追至西岸行家命老兵二人變服佯爲役夫經平氏陣平氏軍問曰源氏餘衆有幾曰但見殘兵四五百擁一將而逃耳又問東國兵無來者否曰先鋒已至菊河後軍填咽山野不見其際平氏大驚乃引還行家遣人令所在曰不追射平氏者源氏擊之於是美濃尾張兵追躡且射重衡等倉皇潰走二十五日入京師時賴朝義仲跨據東北行家略定參河美濃尾張平氏日感行家欲進入京師奉告文於伊勢大神

國史紀事本末

卷三十

二十七

宮祈滅平氏祠官拒而不受又牒延曆寺乞援不應延曆寺錄行家駐軍不進夏六月二十五日長茂徵兵越後出羽來會者六萬餘乃分兵爲三令濱小平太帥一萬餘從筑摩越津波田宗親帥一萬餘從上田越自帥四萬餘至信濃筑摩河陣橫田川原義仲帥信濃上野兵二千餘陣白鳥川原循親忠往探長茂方縱火爲戰備親忠望見報義仲義仲急進親忠以百騎濟縱橫馳突長茂兵屢卻親忠引還長茂謂笠原賴直曰吾遭寡兵而卻恥也卿爲我戰賴直以精兵八十騎濟擊高山黨血戰而退高山黨多死上野人西廣助見而怒以五

十騎濟信濃人富部家俊在長茂部下以十三騎邀擊廣助搏家俊斬之家俊士杵淵重光方獲罪不從後而至聞家俊死即進搏廣助斬之呼曰重光復君仇廣助兵迴擊重光斬十餘人口啣刀鋒墜馬而死義仲召井上光基曰衆寡懸絕不可以力克卿詐揭赤旗赴敵陣敵以爲降兵必不設備卿急易旗衝陣吾濟河夾擊克之必矣光基帥兵三百從下流濟揭赤旗而進長茂果使人迎問光基易旗急進義仲麾衆而濟表裏合擊長茂兵遂崩敗死者無算長茂逃還越後國府國人皆應義仲長茂走出羽義仲進入國府聲勢大振源平盛衰記秋

國史紀事本末

卷三十

二十八

七月二十日賴朝更造鶴岡祠賜馬匠人命義經牽之義經曰九郎牽之孰爲之副賴朝怒曰重忠等在不何謂無人義經懼而起適有一人混從兵賴朝怪而未問下河邊行平進擒之繫繫小簡書曰安房長狹常伴從士左仲太常澄行平詰問曰吾欲復主仇耳乃斬之固賴河東鑑八月三日以前筑前守平貞能爲肥後守討鎮西反者源平盛衰記十四日詔中宮亮平通盛但馬守平經正討義仲十五日以藤原秀衡爲陸奥守討賴朝城長茂爲越後守討義仲玉海百十六日遣伊勢守平清綱上總介藤原忠清討賴朝九月四日通盛進至越前水津

遇義仲先鋒根井幸親東鑑不利而退保敦賀城奏請援兵十四日遣使伊勢奉金甲於大神宮海玉二十八日遣

左馬頭平行盛薩摩守平忠度帥兵數千援通盛先是

義仲聞平氏來攻回軍至越中國府越前平泉寺僧齊

明越中野尻河上石黑加賀林富樫會議曰東國既歸

兵衛佐北國新屬木曾殿東北無復平氏今平氏來攻

木曾殿必徵吾輩微而不往兵必至矣不如先往屬之

於是三國將士皆降義仲遂據北陸道矣源平盛是月

賴朝召足利俊綱於下野俊綱以子忠綱黨義廣不至

賴朝令和田義茂往擊未至俊綱壯士桐生六郎叛殺

國史紀事本末 卷三十 二十九

俊綱持首出降賴朝惡其悖逆誅之冬十月三日宗盛

令維盛擊賴朝進次近江十一月五日賴朝欲遣義經

等於遠江禦平氏佐佐木秀義曰十郎藏人駐軍尾張

足以禦之何必發兵乃止維盛亦不果進二十一日通

盛行盛無功而還東鑑

壽永元年春二月十四日賴朝命宥伊東祐親將召見

祐親自殺乃召祐清諭之祐清固請屬平氏賴朝許之

乃赴京師東鑑夏四月十一日貞能攻菊池隆直於肥後

城固不拔乃合長圍遣使遠近收兵糧催督苛急百姓

大苦隆直糧盡而降時東北不復輸租賦西國餽餉悉

為貞能所收錄此京師大飢道殣相望羣盜橫行源平

擊平氏平氏將士皆聚六波羅分兵衛皇宮遣重衡帥

兵迎法皇適又訛言重衡擊僧徒僧徒駭擾鳴鐘聚兵

法皇從臣皆失色已而知其妄乃還五月十九日延曆

寺僧永雲顯真坐送以仁王子及源仲綱子於義仲處

流義仲迎以仁王子造宮越中宮崎奉之號北陸宮源平

朝弟希義希義嘗流土佐聞賴朝起兵未及往而死賴

朝尋遣右衛門尉源有綱擊家綱有綱賴政子也冬十

月九日長茂帥兵擊義仲義仲邀戰於筑摩河走之東鑑

是月大納言宗盛拜內大臣行拜賀禮導從甚盛衣服

侈靡觀者歎曰大敵將至優逸猶爾時近畿諸國亦多

背平氏每降院宣遣敕使諸國侮之曰是平氏命令耳

朝廷何與焉源平盛

二年春二月二十七日內大臣宗盛罷公卿補任三月武田

信光欲以女妻義仲子志水冠者義高義仲曰欲使女

事吾兒則可欲妻之則不可信光怒曰吾甲斐源氏門

閥豈在彼下邪迺譏之賴朝曰義仲既破長茂威震北

陸聲言討平氏其實通謀宗盛欲娶重盛孤女賴朝大

驚會行家失利還鎌倉謂賴朝曰吾與平氏八戰多亡士卒願獲一國修其冥福賴朝曰吾取十國義仲取五國皆以兵力君亦當自強何必請我行家不憚往信濃依義仲賴朝曰藏人與義仲合送款平氏此勅敵也乃帥兵十餘萬而發至白井坂義仲會將士問計皆曰城富部太井以戰耳義仲沈思久之曰源氏骨肉相殘世人固嘗譏之吾不忍踐其覆轍乃避之越後賴朝聞之旋師次武藏遣天野遠景岡崎義真於越後謂義仲曰藏人謀擊賴朝子何為容匿之子若無異圖速送藏人不者送志水殿吾將子養之二者不聽吾旗將北指矣

國史紀事本末

卷三十一

三十一

義仲謀之將佐小室忠兼曰平氏未滅一門閼闕非計也請速送郎君今井兼平曰先君為惡源太所害怨隙成矣奈何送郎君請速與之絕義仲遂用忠兼言送義高為質報曰藏人來投僕初不知其與君有隙特憫而納之耳今仇敵未滅何由懷貳讒人無乃構僕與今從命送幼息義高幸善視之至於方面之寄則義仲在焉請勿過慮義高時年十一海野幸氏從之義仲召諸將妻三十餘人謂之曰吾若與賴朝絕是驅汝夫於死地也吾深憫之故令吾兒代之衆婦泣而退源平盛衰記賴朝以女妻義高東鑑夏四月十七日遣右近衛中將平維盛

中宮亮平通盛左馬頭平行盛參河守平知度但馬守平經正淡路守平清房等帥兵十萬討義仲百鍊抄源平盛衰記畿內山陰山陽西海諸國悉來會齋藤實盛請宗盛曰北國是臣鄉里臣將死於是役願賜錦襖以此畫錦之榮宗盛憫之授以錦襖諸將將發往辭宗盛鎧仗窮極綺靡及發軍無紀律行且縱掠百姓愁苦義仲遣仁科守弘林光明倉光成澄田俊平於越前守燧城僧齊明帥僧兵千餘助之燧城地勢巉峻臨日野川守弘等倒大樹累鉅石以壅蓄河流瀰漫如海維盛等進陣岩神山阻水不能進對壘經日齊明聞平氏軍甚盛遂懷

國史紀事本末

卷三十二

三十二

貳密射書平氏營曰吾為木曾所驅迫不得屬公等公等欲拔此城夜遣人城東壞堤決流水立涸矣平氏大喜夜發步兵決堤水果涸二十七日維盛等麾衆進攻齊明迎降城兵不能禦退保河上城平氏追尾令齊明前驅義仲兵又敗退屯三條野又不利走加賀篠原維盛等進入長畝城五月二日維盛等進入加賀義仲兵退扼安宅渡撤橋拒守平盛俊先濟義仲兵射殺三百餘人後軍繼濟義仲兵卻走平氏追擊國人井家範方還戰而死餘衆脫去維盛等進入林富樫壘報捷京師加賀悉屬平氏義仲兵告急義仲義仲大驚遣今井兼

平帥兵六千赴越中。齊明謂維盛曰：「木曾方在越後國府，聞急必來救。越中越後之間，有寒原之險，令敵踰之不易克也。請速發兵扼險，維盛乃遣平盛俊帥兵五千赴之。比至般若野，兼平已踰寒原入越中矣。九日兩軍戰於般若野，自卯至未，盛俊不利。夜還加賀，維盛將攻越中，遣通盛知度帥兵三萬赴志雄山，自帥七萬赴礪波山。義仲聞之，發越後入越中，屯國府，聚兵得五萬餘。命大夫坊覺明作文祈捷，白山社進至般若野，謂將士曰：「彼衆我寡，彼若踰礪波之險，擊我平地，非我利也。吾當進據山北麓，彼必陣猿馬場以待我。今兵南北並進，

國史紀事本末

卷三十

三十三

擠敵於南崖，蔑不克矣。」乃先遣保科黨據北麓。平氏望見其旗，曰：「我軍旣據志雄，斷能登路，彼僅扼東面，吾將使彼費矢鏃，乃進陣猿馬場。」義仲謂兼平曰：「橫田川原之戰，我以三千破四萬，戰固不在衆寡。今彼雖衆，遠來疲弊，吾擊以生兵，克可必矣。」乃分兵爲七，遣行家帥一隊攻志雄山，諸隊分道齊進。自帥三萬人進陣埴生，望見祠宇，問之，曰：「是爲埴生新八幡。」義仲悅，又令覺明作文祈捷。適有白鳩翔旗上，乃下馬拜之。遂進陣北麓，時出數十騎發矢以待。日暮，夜半南麓諸隊皆繞山而至，擊鼓吹螺，呼譟如雷。山谷皆應，義仲聚牛四五百縛炬

於角，縱之。平氏陣，平氏駭亂，相騰躅而逃。北面絕壁無走路，乃皆赴南崖，前後相擠而墜死者一萬八千餘，積屍填谷。遲明知度帥殘兵苦戰而死，右兵衛佐平爲盛亦戰死。義仲獻鞍馬二十隻於白山社，適聞行家戰不利，馳赴志雄山。平盛俊聞之逃去，平氏植旗佐良嶽收散卒。盛俊會之，義仲不復窮追，轉入加賀，陣平岳野，與平氏相持。二十五日平氏擒義仲，芻夫大給曰：「義仲毀古祠爲炬，將以今夜來襲，維盛懼曰：『吾當扼安宅，乃夜引去。』適大雨如注，衆多墜水死。二十六日至安宅，撤橋而陣。六月朔，義仲進至安宅，河流張溢，義仲放鞍馬試

國史紀事本末

卷三十

三十四

深淺，馬截流而去，水不及鞍。平氏軍見之，曰：「彼得無逃邪？」畠山重能曰：「是試水深淺也。」敵今至矣。乃與小山田有重先進，義仲已濟，望重能旗曰：「彼爲誰？」兼光曰：「是武藏畠山也。」臣嘗遊武藏，識之。」義仲命擊之，兼光進擊，殺傷相當，乃退。兩軍遞進血戰，最後兩將交戰，維盛遂敗走。義仲追至成合，維盛還戰，股野景久斬十餘人，刳腹而死。倉光成澄追瀨尾兼康擒之，僧齊明以五僧馳突，義仲兵生縛之。伊東祐清力戰而死。祐清死，據曾我物語。齊藤實盛與信濃人千塚光盛相搏，光盛斬之。維盛壯士高橋長綱等戰死，維盛逃至篠原，義仲追感大敗之，斬級一

千七百餘。維盛從間道逃還。平氏精銳殲焉。光盛以實盛頭示義仲曰：「是何人也？」身被錦襖，而後無從騎。問名不告。第曰：「示木曾殿。」義仲熟視曰：「噫！此齋藤別當乎？」問之兼光。兼光流涕曰：「此實盛也。」義仲曰：「實盛，老人，髮何以黑？」兼光曰：「彼常謂老夫異日臨陣，必染鬚髮，與壯者伍。今果然。」乃洗之，鬚髮皓然。義仲泣曰：「此翁嘗脫我於厄，命葬之。」義仲與行家分兵並進。義仲從北陸道，行家從東山道。秋七月，義仲進陣越前國府，謂將士曰：「聞延曆寺應平氏扼坂本之險，何以破之？」覺明進曰：「臣嘗居京師，熟知僧徒情偽。平氏縱以利誘之，未必能收衆心。」

國史紀事本末

卷三十

三十五

僧徒三千，安知無歸心於我者？請移牒試之。」義仲然之。十日，移牒延曆寺，誘之，乃發越前入近江，陣蒲生。待僧徒報，適糧乏，乞之百濟寺。寺僧送米五百石。十二日，近江報平氏曰：「義仲至矣。」京師大駭。十八日，肥後守平貞能平西國凱旋。宗盛謂將士曰：「吾兵旣殲，敵兵將至，唯西國可以避亂。吾將奉院天子赴之，權中納言平知盛奮曰：「今日西走，果能不死邪？吾家累世武將，死則死於京耳，奈何去京？」十九日，宗盛祈捷。日吉社曰：「藤氏以春日興福爲氏，社氏寺，宗盛願以日吉延曆爲氏，社氏寺，舉族崇奉，罔敢失墮。」乃納佐佐木莊僧徒，方得義仲牒。

猶豫未決。會僧幸明來，義仲營幸明覺明舊友也。義仲召見曰：「山僧黨平氏，拒我，我牒之未報。卿爲我往誘諭之。彼若應我，速舉大山上。」幸明往諭僧徒。僧徒皆應，舉大總持院。義仲望見大悅。二十一日，宗盛遣資盛帥兵二千赴近江，從宇治。二十二日，遣知盛、重衡帥兵三千赴近江，從勢多。義仲既濟湖，登比叡山，據總持院。資盛知盛、重衡聞之，皆引還。知盛遇加賀人太田兼定等於勢多，進擊不利，乃逃還。平氏喪膽。京師莫不駭怖。宗盛窘甚，決意西走。二十四日，法皇近臣密報曰：「平氏將以陛下西走。」法皇大驚。夜潛與近侍數人幸延曆寺，人莫

國史紀事本末

卷三十

三十六

之知，已而姬妾知法皇不在，皆驚泣，或報之。宗盛、宗盛驚悔。二十五日，遂擁帝及建禮門院西走。大納言平時忠呼曰：「天子寶器慎勿遺失。」衆皆惶擾，僅收神器，而諸寶器多不及收。晝，御座劔亦遺之。平氏舉族扈從，悉火其第。唯大納言賴盛通好賴朝，不敢從。攝政基通從至七條，從者進藤高範曰：「法皇旣留，主君何必從？」乃迴車。平盛嗣追之。宗盛曰：「逃者何必追？」盛嗣怒，賴盛不來，欲還擊。宗盛曰：「忘國恩者，不足責。」時維盛等未至，宗盛怪問。盛嗣曰：「恐亦如池殿。」知盛怒曰：「今纔出京，而離叛如此，悔不死於京耳。」宗盛召畠山重能、小山田有重曰：「汝

子皆在東國、汝還事賴朝、二人固請從、不許、涕泣辭去、維盛資盛清經追及宗盛於關戶、宗盛喜曰、何後也、曰、不能忘情於妻兒耳、平經正齋琵琶詣仁和寺、謁守覺法親王曰、此器昔日所賜、慎奉還之、乃彈數曲、流涕辭去、忠度還自淀、訪藤原俊成、出和歌一卷曰、公異日奉救撰和歌、若採忠度一首、吾願畢矣、俊成許之、忠度喜謝而去、先是宗盛聞多田行綱起兵、斷河尻、令貞能往擊、至則妄矣、急引還、途遇車駕、乃下馬謂宗盛曰、公欲安之、一旦去京、所在皆敵、死有餘辱、請速還、宗盛曰、敵已在比叡山、吾不忍委幼主女院於鋒鏑、貞能曰、臣獨還京、乃還、夜拜重盛墓曰、君之祈死、知有今日、與、乃追及宗盛、宗盛至福原、拜清盛墓、終夜奏樂誦經、二十六日、義仲又濟湖、帥藤原野洲屯兵、從勢多入京師、行家從宇治入、二十七日、法皇還自延曆寺、錦織義廣先驅、御法住寺殿、二十八日、召見義仲、行家、敕討平氏、令行家居法住寺南殿、賜義仲第、晦、法皇將行賞、令公卿議之、權中納言藤原長方曰、漢誅諸呂、立文帝、陳平爲謀主、而周勃以戰功受上賞、以此言之、義仲第一、賴朝次之、然播之天朝故事、承平誅將門、戡定之功在秀鄉、汗馬之勞在貞盛、朝議以秀鄉爲第一、據此則賴朝宜受

國史紀事本末

卷三十

三十七

上賞也、八月朔、敕義仲分兵巡警京師、時法皇憂京師無主、敕平時忠諭宗盛、還帝及神器、宗盛不奉命、皇弟守貞尊成皆留京師、法皇欲擇二皇孫立之、源平盛衰記卜待帝還與別立新主、孰吉、卜者奏待帝還吉、右大臣藤原兼實上言、天下不可一日無主、而曠位至今、民心無所維繫、此群盜之所以滋起、宜早立主一也、平氏挾帝號、令諸國、吾苟無主、何以討之、宜早立主二也、祖宗之法、無劔璽則不得卽位、按國史、繼體帝卽位已前、稱天皇、稱踐祚及得劔璽、乃卽大位、此今日之所當準據、宜早立主三也、有是三宜、今不早決、何以撥亂、法皇嘉納、玉海議者謂亂世宜立長、以仁王子北陸宮年長、當立、法皇意在二皇孫、五日召見之、三宮五歲、見法皇怖而啼、四宮四歲、進據法皇膝、法皇悅、撫其頭曰、真朕孫也、因泣下、寵姬從旁稱贊之、法皇欲遂立之、義仲盛稱以仁王功、請立北陸宮、法皇使人諭之、義仲奏曰、天位之重、臣何敢輕議之、然高倉宮憤陛下幽閉、倡義敵愾、不顧其身、雖志業不遂、義聲震天下矣、臣等得驅逐凶徒、亦由王之首倡也、立北陸宮以慰王靈、正在今日、而陛下更欲立四宮、今天子爲平氏所擁、奈何立皇弟、此非臣一人之言、實三軍之意也、源平盛衰記法皇重違其議、再

國史紀事本末

卷三十

三十八

卜之四宮吉三宮吉凶相半北陸宮凶議乃定義仲憤

怒海王六日法皇敕削平氏族百八十人官爵獨不視時

忠父子官欲使之諭宗盛還神器也源平盛衰記法皇第諸

將功賴朝第一義仲第二然欲賞義仲則恐賴朝怨望

欲待其入朝同賞之則恐義仲激怒朝議皆欲同賞之

海王十日法皇以義仲為左馬頭兼越後守行家為備後

守二人不悅乃以義仲為伊豫守行家為備前守源平盛衰

記十七日宗盛等奉帝至太宰府御太宰權少貳原田

種直家以種直為筑前守菊池隆直為肥後守海王

十八日法皇籍平氏舊地五百餘所賜義仲百四十所鍊抄

國史紀事本末 卷三十 三十九

行家九十所並聽院昇殿行家奏曰戰士屬臣者皆非

臣家眾臣私賞之彼必不樂請分臣邑賜之義仲奏曰

戰功大小唯將帥知之第功行賞宜在臣等源平盛衰記二

十日法皇立四宮為皇太子即日踐祚是為後鳥羽天

皇海王時人驚曰吾國始有兩天皇矣平氏聞之悔不以

二皇弟來時刑部卿賴輔兼豐後守令子賴經往鎮九

月賴輔遣使謂之曰法皇敕討平氏汝速與國人擊之

賴經告之國人緒方惟能惟能乃移檄西海將士於是

曰杵戶次松浦黨皆應獨原田種直菊池隆直屬平氏

惟能遣子野尻惟村謂平氏曰法皇有敕臣不敢不從

請勿留西國時忠怒謂之曰主上正紡天子身傳神器

我家累世武將藩屏王家而賴朝義仲招聚凶徒敢抗

天子何悖也西國將士孰不荷我家重恩今乃為一賴

輔所誑誘敢抗我家又何愚也汝獨不聞天武走吉野

而濟大業邪主上必有反正之日汝等熟慮焉惟村還

報惟能乃帥兵襲太宰府種直隆直禦戰於博多不利

宗盛奉帝走箱崎公卿宮人徒步從焉轉入藤原秀遠

山鹿城令隆直擊大津山開隆直逃去種直恥屬秀遠

亦逃或報惟能兵至宗盛奉帝航海走豐前柳浦又聞

惟能來犯乘船避之左近衛中將平清經不勝憂憤赴

國史紀事本末 卷三十 四十

水而死舉族悼惜會長門目代紀光李獻材木百餘船

乃赴讚岐屋島光李曰此地可以拒守矣乃築壘駐蹕

菊池胤益取材阿波造行宮及第宅阿波人田口成能

以兵一千餘來屬南海將士皆應以成能為阿波守宗

盛令教盛成良等帥兵船五百奪諸國海舶屢攻山陽

道聲勢日震義仲久留京師糧食稍乏乃縱兵暴掠無

復人理都人憤曰源氏殘虐十倍平氏源平盛衰記法皇將

召賴朝義仲不悅欲邀拒之賴朝遣使訴義仲欲拒己

且謂臣一旦入朝東國空虛藤原秀衡佐竹義家必將

乘隙況臣兵數萬恐擾都下遂不朝於是法皇欲賜義

仲上野信濃二國以弭其暴乃諭其意於賴朝賴朝亦請下宣旨於東海北陸東山三道還平氏所侵奪國領及莊園於本主敕從其請然憚義仲不許北陸道海五五行家聞平氏入備前請往擊法皇許之義仲奏曰行家非不勇奈數奇何請命佗將法皇乃命義仲冬十月月據一四日義仲發京師懼僧齊明復叛臨發斬之以瀨尾兼康嘗食備中瀨尾命為軍導進至備中舟坂山兼康給曰臣請先入國具芻糧義仲許之兼康與子兼通先進途呼倉光成澄給曰吾嘗為君所擒而君能活我我今得還瀨尾君之惠也顧瀨尾膏腴君何不以

國史紀事本末

卷五十一

四十一

功請之成澄請而得之與兼康俱進至和氣渡兼康又給曰請先入瀨尾告衆乃留成澄於佛寺而去潛聚兵十餘人夜襲成澄殺之令國中曰兼康還國何不從我禦義仲國人來會者三百乃設寨福輪寺留兵守之自據板藏城成澄兵逃還告變義仲大驚即夜發船坂遲明至三石遂入可貞鄉敵已斷道乃召土人令鄉導從間道進襲福輪寺敵驚潰乃進攻板藏兼康棄城逃兼通肥大不能走兼康還救義仲悉斬之退陣萬壽莊令足利義清海野幸廣擊平氏義清等進陣備中水島平氏出兵船三百相持閏月朔義清以百餘船進登岸而

戰平氏舟師從旁奪其舟前後兩矢義清等逃而登舟西風暴急舟皆漂蕩東北軍不習水戰皆仆舟中平氏乘之殺溺甚衆會日食義清等大驚潰走平氏追擊義清等皆戰死備中悉屬平氏源平成義仲欲進擊平氏聞賴朝遣義經西上引兵而還法皇遣使止之義仲不奉詔十五日還京師奏曰水島之戰平氏非不克然其勢不長山陰道兵多在備中足以禦之勿勞聖慮乃潛與行家謀欲奉法皇還北國行家不從密奏之法皇大驚遣法印靜賢諭義仲曰聞卿欲挾朕有所往又聞欲舉兵東下不知卿欲何為義仲奏曰陛下曩召賴朝臣

國史紀事本末

卷五十二

四十二

以為不可而陛下不納又向下東海東山北陸諸道宣旨曰若有違此宣旨者追討一從賴朝之命臣安得無怨於陛下欲赴關東者將釋怨於賴朝耳至如奉衆與臨行陣殊屬誕妄此等浮言陛下從何得之臣甚懼願賜討賴朝院宣以示東國將士是臣之願也靜賢還義仲以為行家泄之乃造法皇宮奏曰讒人必臣同族願得而甘心焉法皇慰諭曰道路之言初非出於卿族朕既不之信卿亦勿以介意義仲又奏向下賴朝宣旨若非出聖意請推按奉行之人不聽義仲兵鈔掠滋甚都下騷然十一月法皇遣使讓曰卿果無異圖何以不擊

平氏義仲曰臣之所以未發備賴朝兵也彼果不來臣將速發法皇又敕曰賴朝將有所獻遣人送之衆亦不多卿勿疑懼海玉義仲竟不發遣兵攻剽都外神祠佛寺法皇遣檢非違使平知康諭以戢部下知康善擊鼓人呼曰鼓判官義仲傲然曰卿豈爲人所撓乎何以有鼓判官之目知康忿恚還奏遂請討義仲法皇乃詔延曆寺座主明雲及園城寺長吏微僧兵守法住寺殿其他來會者皆凶猾無賴令知康將之知康掛浮圖畫像於牆壁以祈捷自撚箭曰吾能一發洞賊頸矣義仲聞之怒謂將佐曰吾攘除凶黨以安王室功亦大矣今何罪而

國史紀事本末

卷三十

四十三

被討方今糧道梗塞將士饑困吾不得不取糧於富民且衝堅挫銳非健馬不能馬若疲羸將何以戰吾不得不刈麥禾於近地要皆爲國法皇何爲怒我顧謀孽我者鼓也吾一擊破之乃起擐甲叱左右急進兼光兼平諫曰天威決不可抗唯當乞降耳至報怨豎子何難之有義仲曰吾寧抗天子不忍爲降虜今不急發無乃爲鼓所擊與吾意決矣遂舉兵叛分衆爲七進圍法住寺殿自攻西門知康持鈴登垣罵曰汝等至賤敢抗至尊今自斃矣義仲望見大笑麾衆射之知康乃逃義仲乘風縱火官軍潰亂爭南門而逃知康猶持鈴走義仲兵

呼曰持鈴者首謀也乃棄鈴逃義仲乘勢壓擊死者無算座主明雲長吏圓慧法親王皆遇害法皇御腰輿從南門出輿夫中矢死近臣呼曰此法皇也賊乃徙之攝政基通五條第先是帝潛幸法住寺殿百鍊抄是日御船避兵宮池賊爭射之近臣呼曰此國王也乃徙之皇母七條第七條第第百鍊抄公卿宮人皆爲亂兵所裸剝刑部卿賴輔等赤體逃去義仲乃集將佐謂之曰吾今得逞吾意卿等亦何求而不得吾爲帝邪帝乃擇孺爲院邪院老法師皆非我所宜吾欲爲攝政兼平曰攝政非藤氏不可主君爲之恐獲罪春日神義仲默思久之曰吾

國史紀事本末

卷三十

四十四

爲院廢別當縱意馳逐遂自補別當聞關白基房女有姿色逼娶之二十一日請法皇罷攝政基通內大臣藤原實定以妻兄權大納言師家爲攝政二十八日義仲視文武諸臣四十九人官職先是行家往擊平氏二十九日進至播磨平教盛平重衡以兵一萬陣室山行家適與之遇平氏佯北誘之行家突進平氏乃前後夾擊行家大敗走和泉備前播磨悉屬平氏自賴朝起兵東國不輸正稅者三年賴朝令範賴義經護送適聞義仲叛駐兵尾張北面橘公朝往鎌倉告變賴朝驚曰義仲果叛何不敕賴朝討之彼亦驍將非朝官之所能制也

且知康不激變彼亦何以至此法皇親信此輩不明甚矣知康欲見賴朝謝罪亦至鎌倉賴朝惡之命將士勿爲通知康大愧賴朝遂命範賴義經擊義仲義仲聞之大驚欲與平氏講和以禦之遣使屋島議和宗盛大悅欲許之知盛曰義仲讐敵何謂講和請報之曰天子在斯速脫胄來降宗盛從之義仲曰源平匹也奈何出降時義仲令衆防衛法皇過絕内外信西李子參議脩憲變服爲僧給守者入謁法皇始知圓慧明雲之死基房諭義仲曰天朝之尊神祇所祐生靈所仰故人臣蔑上未嘗不滅平清盛非不尊神敬佛唯其悖驚方上所以

國史紀事本末

卷三十

四十五

貽患子孫卿其戒之義仲感悟十二月十日從法皇於左馬權頭大江業忠六條西洞院第源平盛請賜討賴朝院宣法皇不得已而許之十五日義仲請救藤原秀衡討賴朝法皇又許之抄是月義仲辭左馬頭敘從五位上東鑑

三年

後鳥羽元年

春正月六日源義仲敘從四位下東鑑九

日平氏乞和法皇問之義仲義仲以爲不可源平盛十

日法皇以義仲爲征夷大將軍東鑑意在弭義仲凶暴以

待東國兵而義仲不悟以爲法皇寵任已遂欲往擊平氏適聞範賴義經已至美濃乃止十七日行家據河内

石川城與義仲絕義仲遣樋口兼光往攻十九日擊行家走之二十日兼光未還義仲兵甚寡而東兵六萬已至宇治勢多矣先是東國流言法皇畏義仲避之西國賴朝大驚曰義仲若與平氏連和不易制也乃悉發精兵西上將士議曰近江有勢多山城有宇治敵必撤橋扼守不有駿馬何以能濟乃爭求名馬賴朝有二良馬生啞最精駿磨墨次之範賴及梶原景季皆乞生啞不與與景季以磨墨佐佐木高綱自近江至謁賴朝賴朝勞之高綱曰臣欲一謁將軍然後戰死日夜馳驅而來馬力既竭不可復用今欲赴軍奈無馬何賴朝曰敵扼

國史紀事本末

卷三十

四十六

宇治勢多卿能先登乎對曰臣生長近江實知河津先登非臣而誰也賴朝乃賜生啞曰此範賴景季之所欲得卿以此爲意高綱拜謝曰將軍聞臣未死則先登必臣也乃倍道而進令從卒牽生啞前行景季見之大怒曰不圖將軍待士之偏至此欲刺高綱問曰子得生啞乎高綱給曰此諸君之所不得吾縱乞之必不得不得則無馬不可以戰故吾誘廢卒竊之耳異日有譴將君是賴景季意解曰有是哉子之巧也乃止是日範賴帥兵三萬餘從勢多義經帥二萬五千餘從宇治義仲遣根井幸親楯親忠帥兵三百餘守宇治今井兼平信太

義廣帥五百餘守勢多、自帥勇兵二十人衛法皇、義經進臨宇治河、橋已徹、河流暴漲、乃大河上民家、構望樓、令衆曰、今日有功者、吾自錄送之、錄倉諸隊喧囂、號令不相及、義經取平等院鼓擊之、衆乃定、義經令曰、軍中必有習於水者、宜試深淺、敵將叢射、我兵從橋上射之、平山李重熊、谷直實等爭渡橋架、叢鏑雨射、高綱部下鹿島與一潛行水中、撒椿斷絙而還、衆未濟、畠山重忠曰、今春水日盛、不得待其衰、且此河雖大、足利忠綱嘗濟矣、彼何人也、請爲諸君試之、言未畢、有兩騎截流、卽景李高綱也、高綱在後、呼景李曰、子馬肚帶甚緩、恐有國史紀事本末 卷三十 四十七

覆墮、景李駐轡約帶、高綱揮鞭先之、水中猶有絙、乃挺刀砍之、遂登岸、景李繼登、於是秩父足利三浦諸族皆濟、幸親拒戰不利、搏人以投、衆莫敢近、乃逃還、義經曰、大將不宜與士卒爭先、乃轉至橘小島、亂流而濟、分路入京、義仲聞報大駭、奏法皇曰、東兵已濟宇治、請避之、醍醐寺法皇不從、義仲馳至階下、按刀瞋目、進腰輿促之、左右震怖、俄而兵士報曰、敵至木幡伏見矣、義仲倉皇跨馬而出、過妻藤原氏、訣別、越後能景津波田三郎呼曰、敵來薄何、乃眷戀婦女、皆自殺、義仲乃發、從騎僅百餘、途遇幸親親忠以二百人還、義仲望見白旗蔽空

曰、吾今日死矣、惜死者去、進遇畠山重忠、潰圍而出、東兵三四隊繼進、義仲皆破之、幸親親忠等精兵百餘悉戰死、義經以三百餘騎奮擊、義仲兵斷爲二、東兵乘之叢射、義仲大敗、以殘兵七八十騎還、至法皇宮門已閉、叩之不應、義經追感、義仲乃逃走、義經分兵追之、進至宮門、大江業忠登垣望之、以爲義仲、義經駐馬呼曰、源賴朝弟九郎義經破賊而來、業忠驚喜入奏、法皇命開門、召見、義經與重忠及澀谷重助、河越重房、梶原景季、佐佐木高綱進謁、皆戎裝鮮麗、神彩英發、法皇敕問姓名、年齒、嘆曰、壯士也、又問其所以來、義經對曰、賴朝聞

義仲叛、遣臣範賴、義經帥兵六萬分道來討、臣旣破賊於宇治、而範賴未至、然臣遣兵追賊、義仲度已伏誅矣、法皇曰、餘黨侵軼、亦未可知、宜留警衛、義仲逃至三條河原、東兵追及、義仲苦戰且走、重忠恐逸、義仲率衆追躡、有一騎兵還戰、甚疾、重忠問彼爲誰、從者曰、爲義仲妻、韞繪、重忠曰、吾恥與婦人爭鋒、然彼亦尤物、吾生擒之、進擊其鎧袖、韞繪急著鞭、馬騰袖斷、乃逸去、重忠不復追、韞繪脫胄戴笠、被髮從義仲、遠江人內田家吉以臂力聞、望見韞繪、問曰、女邪、童邪、從者曰、女子也、家吉曰、吾聞義仲有二妾、皆勇健、其一曰葵、戰死礪波、今日

獨有韜繪、吾當斬之。乃進搏之，挺刀將刺。韜繪奮臂毆之，刀墜，乃戢之。提首示義仲。義仲曰：「壯夫猶死，汝手吾亦未知授首何人。」今日汝在軍中，吾恐天下笑我。汝速去，韜繪固請從，不聽。乃鯁咽而去。範賴至，瀨多水深，不可濟，轉濟供御瀨。今井兼平等迎戰不利，以三百餘人北走。遇義仲於粟津。義仲曰：「吾之所以不死者，欲一見汝耳。」吾兵殲力竭，唯當就死。兼平曰：「死中求生，將家之常。」今脫身北歸，猶足建三分之業。臣請留禦追兵，乃揭旗聚散卒，得四五百人，追兵奄至。義仲旋轡血戰，數合，從兵多死。範賴麾衆合圍。義仲馳突而去，手塚光盛等戰死。獨兼平從焉。義仲嘆曰：「吾平日不覺甲之在身，今始覺重。」兼平曰：「將軍何憊也？」顧兼平猶在，勝弱兵十萬，何不從容自裁？顧指粟津松林曰：「將軍往而引決，臣留而戰死。」義仲欲同死。兼平曰：「天下名將死，人手恥也。」義仲乃馳截水田，深淖沒馬，馬不得動。義仲窘蹙，顧兼平有矢中其面，眩而伏，遂見殺。兼平望見曰：「臣當下從，乃大呼突擊，追兵辟易，餘矢射殺八人，呼曰：『天下勇士殉其主。』汝等視之。」遂銜刀墮馬而死。兼光適還自河內，聞義仲死，令從兵散去，留者僅五十餘人，進入京師。兒玉黨掩擊擒之。源平咸二十二日攝政內大臣師

國史紀事本末

卷三十

四十九

家罷，復基通攝政。藤原實定內大臣、公卿師家在職，僅一句。時人比之七日關白。源平咸二十六日，法皇敕賴朝討平氏。王梟義仲頭，繫赤帛於髻，書曰：「賊首源義仲，揭之劍鋒。」令兼光從觀者笑其無恥。兒玉黨就義經請宥兼光。法皇宮人訴曰：「彼實陵辱妻等，彼而不死，妾等何以生？」公卿亦曰：「猛敵不殺，是養虎也。」二十七日，斬兼光於朱雀。源平咸範賴義經捷書至，鎌倉將士亦多致書，獨梶原景時錄斬獲姓名甚詳。賴朝嗟賞。二十九日，範賴義經帥兵發京師，將擊平氏。東法皇面敕義經曰：「三神器天朝大寶鎮，卿慎奉還。」義經對曰：「敢不奉命。」是月平氏聞義仲敗死，奉帝發屋島城，攝津一谷，以生田森為東門，一谷為西門。南瀕海，兵船鱗次海面，北負山崖壁，牆立，人馬不能過。曰：「鶉越。」山陽山陰南海西海諸國豪傑望風來降。唯豐後緒方伊豫河野二族不來。二月，讚岐在廳應源氏，攻敎盛於備中。敎盛遣子越前守通盛能登守，敎經迎戰走之。淡路源氏起兵，通盛敎經往攻之，斬其將源義嗣。虜源義久，分路入伊豫河野，通信走奴田城。敎經攻之，虜奴田太郎。走通信，淡路人安摩宗益以兵船赴京師。敎經追擊走之。聞紀伊人園部重茂應源氏，轉入紀伊，火其家，斬數十級，乃引還。宗盛

國史紀事本末

卷三十

五十

褒賞四日範賴帥兵五萬經播磨入攝津陣昆陽野將
攻一谷東門以是日清盛小祥按兵不進義經帥兵一
萬餘入丹波陣三草山東向西門約以七日夾攻初賴
朝令土肥實平屬範賴梶原景時屬義經是日實平請
而屬義經景時迺往屬範賴畠山重忠方在範賴部下
惡景時恃寵凌人又屬義經義經悅曰重忠驍武十倍
景時宗盛遣資盛及左近衛少將有盛備中守師盛帥
兵七千陣三草山西備義經義經問實平曰乘夜進攻
邪將待明日邪實平未答田代信綱進曰兵在襲不備
請乘間蹴踏實平贊成之乃發山路闇黑衆不知所向

國史紀事本末

卷三十

五十一

義經召僧辨慶曰舉汝大炬辨慶應時火旁近民家義
經乘火光進攻平氏驚潰資盛航海走屋島獨平盛俊
守三草山五日師盛逃還一谷謂宗盛曰三草山吾城
咽喉請速援之宗盛命諸將往援皆不應乃命教經教
經奮曰臨戰辭難何以武夫爲佗人所畏避必命之教
經乃赴三草山六日義經謂信綱曰卿與實平攻西門
吾踰鵜越襲其城後迺簡精銳三千從間道進日既暮
義經曰誰諳知地形者平山李重曰臣知之請前導衆
笑曰卿始至此地何緣知險易李重曰獵夫知山漁夫
知水土地險易武夫知之何謂不知乃進義經呼辨慶

曰汝求鄉導來辨慶認谷中大光赴之攜一少年而至
義經燒炬照見其人魁岸持弓矢義經問曰汝居何地
年齒幾何對曰年十七所居山形似鷲名鷲尾義經授
姓名曰鷲尾三郎經春賜之刀鎧鞍馬乃問曰鵜越之
險如何經春曰此山中第一絕險非人馬所能過義經
曰鹿能過否曰丹波之鹿避寒往來義經曰西國則吾
不知也東國則鹿之所行馬亦能行又問崖下鑿堊布
義經否曰彼恃險不設備乃令經春前導遲明至鵜越
俯瞰一谷則兩軍方戰於東西門矣西門先登即義經
部下平山李重熊谷直實也直實夜謂子直家曰宇治

國史紀事本末

卷三十

五十二

河之戰吾非不爭先而高綱馬如龍吾不及也明日從
衆踰險不得挺戰吾將從間道向西門直家曰平山呼
譟前導今則寂然得非先我邪使人視其陣則已去矣
父子乃發李重方憩於路父子乘闇潛行先之遂至西
門大呼挑戰城兵不出飛矢雨射直家以身蔽父李重
亦至會城中奏樂直實嘆曰都人風流乃爾吾等鄙人
徒事金革乃敢與此輩戰何不幸也言訖泣下遲曙城
兵二十餘騎開門馳出李重從旁奪門而入城兵還戰
直實父子追之入門三人前後縈攬城兵莫能當乃奪
門而出李重旗卒中矢死乃復入斬敵而出後軍繼至

範賴縱兵攻東門、河原高直、盛直、藤田行安先登皆死、
梶原景時帥五百餘人毀柵而入、知盛督衆拒戰、景時
引卻、景李後、景時轉轡復入、以景李還、兩軍之戰方酣、
義經曰、時可矣、乃令衆曰、騎有四法、心爲先、卿等視我
騎法、進下絕壁、衆繼之、中路巉巖峻絕、衆下瞰危懼、佐
原義連曰、吾平生遊獵、一兔一鳥、猶不欲授人、今日豈
敢後人、乃先下、義經顧衆繼之、乃皆下、大喊而進、三草
山軍潰走、城兵方戰於東西門、忽見白旗在後、大駭、義
經乘勢奮擊、城兵大亂、義經呼曰、多殺無益、何不縱火
驅逐、辨慶迺進縱火、適西風暴急、烟炎燄天、城兵狼狽

國史紀事本末

卷三十

五十三

棄城走、宗盛奉帝航海、亂兵爭舟相殺傷、重衡方以兵
三千守東門、其兵望烟皆潰、乃沿海西走、莊家長追而
射馬、馬斃、呼從騎後、藤宇長守長不顧而遁、家長遂擒
重衡、岡部忠澄追平忠度、忠度結曰、我東兵也、忠澄曰、
東兵無烏帽黑齒者、必敵將也、追及搏之、忠度抽刀連
刺、中鎧不入、忠澄從兵擊斷其臂、忠度度不免、端坐受
刃而死、兒玉黨追通盛、通盛墮馬、佐佐木成綱搏之、通
盛倒之、抽刀不拔、成綱刺殺之、兒玉黨又追平知盛、將
及子知章、搏一人斬之、一人從旁刺殺知章、從兵賴賢
斬其人、中箭不能騎、乃自殺、知盛乘間登船、謂宗盛曰、

吾見子死而脫走、果何心與、乃泣下、平敦盛單騎尾其
船、熊谷直實追而呼之、乃旋轡相搏、直實倒之、將斬見
其婉麗、憫之曰、猶吾兒也、將釋之、追騎在後、乃泣而斬
之、獲橫笛於鎧縫、嘆曰、向作樂者此人邪、敦盛兄經正
走大藏谷、莊高家追斬之、師盛小舟逃走、一人跳而登
舟、覆伊勢義盛、以鐵搭鉤而斬之、是日義經斬級一千
二百、溺死無算、宗盛奉帝走屋島、源平盛九日範賴義
經還京師、十一日請梶平氏諸將首、東梶公卿議曰、奈何
梶卿相、範賴義經奏曰、臣等之所以奮身不顧者、將上
揚皇威、下雪先恥也、平治之亂、先臣蓋嘗被梶、今平氏

國史紀事本末

卷三十

五十四

獲罪陛下、而陛下不梟、臣等將何以殲朝敵、十三日法
皇敕梶之、十四日召重衡、使近臣問曰、汝果能諭宗盛、
奉還神器、朕將釋汝、重衡曰、焉有鑒與、未還而獨送神
器者、邪、且一谷之敗、族人多死、臣何顏生還、然陛下有
命、臣請試之、乃遣平重國召次花方、齋院宣及重衡書、
往諭宗盛、宗盛不奉命、時忠捕花方、火印其面、作波方
二字、剗而還之、源平盛十八日賴朝命梶原景時、土肥
實平等鎮播磨、美作、備前、備中、備後五國、二十五日賴
朝遣使奏請四事、一曰、東北諸國自經兵革、村里空虛、
今流民稍還、所在案堵、請待至秋成、簡擇國司、任以吏

務二曰近畿諸國武夫不論源平凡堪戰鬪者請令義經將之三曰我朝神國也地屬神祠者古今無變頃東國傳言鹿島神西上已而平氏摧剝似非偶然神祠有壞毀者請速加葺修令祭祀無闕四曰近畿僧徒好武事廢佛法臣請收僧徒戎器授之官軍三月朔賴朝移檄鎮西將士討平氏十日義經令梶原景時押重衡赴鎌倉二十七日伊豆賴朝適在伊豆二十八日見重衡曰賴朝為法皇起兵將平海內今日適與君相見屋島內府亦尋來見矣重衡曰源平藩屏王家自古而然至近世我家秉朝政者二十餘年一門躋膺仕者八十國史紀事本末 卷三十 五十五

餘人寵榮極矣今日之事天也武夫戰敗就擒不足以為恥請速斬一座嘆異賴朝令工藤宗茂拘之是月法皇賞賴朝功授正四位下時法皇欲授以征夷將軍公卿議曰征夷之職必賜節刀任軍監軍曹然後授之數者不備而授之自古未有也請待他日乃止夏四月二十日賴朝令藤原邦通亡藤祐經及侍女千手宴重衡重衡取笛吹五常樂曰是為後生樂又吹皇聲急曰是往生急也夜闌宴罷重衡留千手勸酒朗詠曰燈暗數行雲氏淚夜深四面楚歌聲賴朝聞之歎曰平氏風流迺爾二十一日賴朝以義仲既伏誅欲殺義高侍婢伺

知告其妻源氏義高乃變服逃亡海野幸氏欲緩追兵偽為義高擁衾露髻衆莫之知已而事覺賴朝大怒遣堀親家追索及於入間河原殺之源氏悲憤成疾政子詰賴朝賴朝斬親家從兵以謝五月朔賴朝聞義高從兵匿甲斐信濃遣兵搜捕四日賴朝兵士擊信太義廣於伊勢羽取山斬之六月朔賴朝饗平賴盛贈遺甚盛初賴朝以池尼言獲免而賴盛即池尼所生及賴朝擊平氏諭賴盛留京師尋致書招賴盛及平宗清宗清亦有舊恩賴盛欲俱往宗清曰君若出兵臣當先驅若赴東國臣何敢從當闔族流離之日恃舊東行受報敵將國史紀事本末 卷三十 五十六

臣深愧之乃辭赴屋島賴盛獨至鎌倉賴朝厚遇之二日法皇復平賴盛光盛官爵以範賴為參河守從賴朝之請也時義經就賴朝求官賴朝忌其功不許獨為範賴奏請兄弟始有隙秋七月三日賴朝請法皇遣義經討平氏東鑑十九日先是平氏餘黨富田家助家能家清平田家繼出羽前司關信兼藤原忠清等起兵伊賀擊守護大內惟義破之是日進攻近江佐佐木秀義方在近江東鑑帥兵逆擊謂衆曰平氏既走西海彼小寇何能為乃督衆先驅中箭而死源平盛衰記惟義來援家繼等戰死信兼忠清脫走東鑑人呼曰三日平氏源平盛衰記二

十八日後鳥羽帝卽位於太政官廳時年五歲先是法皇問之右大臣藤原兼實兼實對曰神祖之約以傳劔璽者爲國主無劔璽而卽大位自古未有也天下不可一日無主故立主則可劔璽未還故卽位則不可今劔璽方在敵手存亡不可得知而謂必待其還臣自知不爲時論所容然神器在外此天地大變宜禱之皇天后土差追討使以迎之國祚未衰則神器必有還都之日儻屬厄運一旦毀滅不還則必審其實然後徐議卽位未爲晚也今徒憂平氏猖狂輒行卽位是負神祖之約也何以防僭亂攝政基通左大臣藤原經宗亦諫法皇

國史紀事本末

卷三十

五十七

不聽_{海王}八月六日法皇以義經爲左衛門少尉兼檢非違使賴朝聞而益忌之八日範賴帥兵發鎌倉赴西國二十七日入京師二十九日法皇救範賴討平氏_{東鑑}是月關信兼起兵據伊勢龍野_{源平威}三子兼衡信兼時匿在京師義經召而殺之_{東鑑}遣兵攻信兼信兼與百餘人脫甲袒褐雨射義經兵多死信兼矢盡火城自殺_{源平威}九月朔範賴發京師冬十月十一日法皇聽義經院內昇殿義經駕八葉車衛府從者三人騎士二十舞蹈於庭撤劔笏昇殿_{東鑑}二十五日帝行御襖儀義經扈從觀者相謂曰義經美姿顏習於威儀非義仲

粗野之比然比之平氏則曾不能及其最下者矣十二月平行威以船二千據備前兒島範賴進陣藤戶平氏舉扇招範賴軍範賴以無船不能進_{源平威}會賴朝聞佐佐木盛綱喪馬遣使賜馬盛綱感激_{東鑑}夜誘土人問津明日以六騎濟範賴令衆止之不聽遂登島於是諸軍繼進行威不能支航海還屋島_{源平威}賴朝賜書盛綱曰騎而濟河者有之未聞濟海真希世之勇矣_{東鑑}是冬平知威攻取安藝周防帥舟師徇隣國舟皆聯巨楫自蔽陸軍進擊輒射其馬陸軍每敗知威城長門彥島據焉範賴患糧乏遣使告賴朝賴朝報曰帝王之

國史紀事本末

卷三十

五十八

尊不可不畏清威義仲皆害皇子所以取禍先帝太后卿必保全之以此令衆安知二位尼之不以帝來哉卿務撫綏筑紫兵士攻屋島必藉其力慎勿咄囁耳語以啓嫌隙人謂敵弱決不可侮但宗盛懦弱卿生致之至於糧船則吾待二月送之_{東鑑}四年_{四月以後後鳥羽}春正月十日法皇遣源義經討平氏義經奏曰平氏跨陵西國者已三年臣不殄滅之決不還京彼縱走三韓臣必窮追出謂將士曰畏死者還_{源平威}十二日範賴進至赤間關糧運不繼將士大困往往謀逃還乃撤豐後人曰扞惟隆緒方惟能求船

二十六日惟隆惟能送兵船八十艘周防人木上遠隆輸兵糧範賴將進入豐後下河邊行平資糧悉竭遂甯兜鎧乘小舟而濟衆曰何不登大將船行平曰吾雖身無甲冑志在先登範賴謂將佐曰周防西隣宰府東近京師馳驛報事必從此地吾欲留一勇將鎮之誰可者千葉常胤曰三浦義澄雄鷲多兵請命之乃命義澄義澄曰臣銳意先登何敢停駐範賴諭之乃駐軍二月朔範賴遇菊池種直於葦屋浦行平等擊走之十六日義經發京師高階泰經往觀其軍裝因謂義經曰吾固不知兵然以愚揣之大將不宜在前隊義經曰然但先驅效死是吾素願也於是義經赴南海範賴攻西海宗盛奉帝據屋島知盛以西海兵據彥島守門司關十七日義經進至渡邊東將航海會將佐議軍事梶原景時進曰請設逆勝義經曰逆勝如何景時曰陸戰用馬進退兩便水戰則不然飛舸直馳非不迅駛獨苦難退耳故設勝於舫以備之謂之逆勝義經曰督衆赴敵猶患易退奈何爲敗走之備景時曰謀出萬全謂之良將有進無退謂之丕武義經作色曰戰在樂死戰而畏死不如不臨戰卿若爲將逆勝千百唯卿所欲吾則不敢景時由此深怨義經適南風猛暴船舸多壞至夜風變而北

國史紀事本末

卷三十

五十九

益暴義經曰風旣順宜速發水手畏縮請待風定義經曰若待風定敵已設備利在急進不用命者斬水手大懼迺發惟畠山重忠土肥實平和田義盛佐佐木高綱四船從之駛如飛其餘畏景時不敢發十八日義經至阿波尼子浦水路三日程三時而至櫻間良連以兵三百陣岸上義經帥百五十人登岸奮擊良連潰走追而擒之問生虜曰近地有敵否曰櫻間良遠營距此五十餘町迺進攻走之召土人問地名曰勝浦義經喜曰吾勝必矣會國人曰井親家來降命爲前導親家曰田口成直往攻河野於伊豫留兵守勝宮距此三十町迺攻走之直赴屋島比過中山望見一卒齎書疾行義經追及問曰卿何人也吾阿波人應募赴屋島耳平信之曰六條攝政夫人平內府女弟吾卽夫人使者也義經曰書何言平曰此非吾所知但囑云木曾梶猛天下所畏九郎一戰滅之眞英將也彼將攻屋島請善備之書所言亦必此意也義經曰子嘗至屋島否屋島形勢如何平遙指松林曰是爲牟禮高松敵若縱火高松民家乘潮退而進則水僅及馬腹恐不能禦耳義經卽奪書棄之縛平於樹而去十九日至牟禮高松乘曉火民家平氏望見大驚奉帝航海留有盛教經等守城義經急攻

國史紀事本末

卷三十

六十

之教經發矢力拒中者皆斃義經迺縱火旁近民家風猛火熾延及行宮舉城逃潰登船義經追擊水陸交戰義經退待後軍後軍稍至復戰平氏忽使美人乘船揭畫日扇為標的以試東兵義經迺命畠山重忠射之重忠曰摧鋒陷陣惟公所命射則不能也請命下野人那須與一迺召而命之與一脫胄徐進按轡水中一發中之兩軍呼譟如雷義經賞以鞍馬平氏以十餘船進宗盛令備後力士鞞六郎規義經六郎輕舸往返伊勢義盛壯士大胡潛行水底騰身搏六郎沒水斬首獻之義經賞以佩刀於是東兵叢射平氏船退義經追擊平氏

國史紀事本末

卷三十

六十一

嗣舞鐵搭欲鉤義經義經挺刀扞之適墮弓義經欲收之鐵搭亂下衆呼曰將軍捨弓捨弓義經遂舉鞭收弓衆進曰奈何輕身義經曰吾弓不勁所以不捨也宗盛謂教經曰我兵皆注目九郎而不能獲彼戎裝易辨卿試登岸覘之教經曰諾乃與飛驒景經景俊平盛嗣藤原忠光平景清等三十餘人登岸義經曰此皆名士也欲進戰土肥實平止之曰大將不宜屢自戰請委之壯士乃與子遠平畠山重忠和田義盛熊谷直實平山李重佐佐木高綱金子家忠澁谷重國重助渡邊昵伊勢義盛鎌田光政佐藤繼信忠信片岡為春等五十餘騎

聯轡突進教經發矢甚疾死傷相屬繼信中矢墜馬教經從者將斬之忠信射殺之扶繼信而退義經謂之曰卿欲何言繼信曰恨不見將軍成功耳言訖而死義經流涕命葬之旁近佛寺賻以愛馬大夫驪義經部下鎌田盛政光政及繼信兄弟最勇號四天王是日光政亦戰死日既暮義經退陣牟禮高松平氏陣行宮址欲乘夜砍源氏營將士爭先不決而天既曉矣二十日義經復進攻教經射而禦之衆畏避不進辨慶等舞眉尖刀殺十餘人教經航海而逃宗盛奉帝走志度義經駐軍招諭四國先是田口成直攻河野通信於伊豫走之二

國史紀事本末

卷三十

六十二

十一日通信以三十船屬義經義經聞成直旋師命伊勢義盛誘降之義盛迺令一卒旅裝先發途遇成直成直問曰屋島如何曰已為九郎所破大臣父子就擒民部大輔降能登守溺死九郎方駐軍窮搜餘黨成直心動而未信比至讚岐三木郡義盛以十餘騎進呼曰公田內左衛門邪吾兵已破屋島擒大臣父子降公父民部大輔公欲見父則降欲戰則戰成直乃降義盛諭之散遣從兵以成直還報義經大悅劫成直作書招成能成能始懷貳義經以精兵八十騎攻志度兵數據東鑑宗盛奉帝走彦島源平咸衰記二十二日梶原景時帥兵船百四

十餘艘至屋島。東鑑將士竊笑曰：是鄙諺所謂鬬罷進捷者也。源平盛衰記三月二十一日，周防人船所正利獻數十

船於義經。二十二日，義經將航海擊平氏。三浦義澄來

會，義經命之前導。乃進。平氏聞之，奉帝發彦島，駐船壇

浦。二十四日，義經進攻壇浦。東鑑景時請爲先鋒。義經曰：

吾豈後卿乎？景時曰：公是大將軍，何必先驅？義經曰：吾

是軍奉行，何謂大將？大將卽鎌倉殿。吾固當爲大將先

驅。且前日之戰，陵山谷，衝風濤，吾常先衆。今日亦然。景

時患曰：此人不能將。將，義經大怒，欲手刃之。景時亦按

刀。將士苦諫乃止。平家物語參範賴以兵三萬陣長門

國史紀事本末 卷三十 六十三

海岸，斷平氏走路。兩軍大戰。平知盛謂衆曰：戰惟有今

日，勿隕勇名。平景清曰：東兵所長惟騎戰。至於水戰，猶

魚緣木，悉搏而投海耳。平盛嗣曰：吾聞義經面長軀短，

白晢反齒，日夕易裝，不著鮮甲。吾將搏之。衆皆曰：彼雖

猛銳，小男子耳，可挾而投也。伊賀家長獨嘆曰：吾今日

迺爲金商僕所困，天也。知盛退謂宗盛曰：吾軍皆奮而

田口成良獨不然，得無懷貳邪？請斬之。宗盛乃召成良

曰：今日之戰，卿勉之。成良曰：敢不竭力。知盛按刀欲斬

之。宗盛不許，迺止。會菊池隆直原田種直以三百餘艘

射東兵。義經不利而退。平氏鼓譟乘之。義經乃救而拜

八幡神，適空中有物如白旗。兵士羅拜，乃復振。平氏載

兵士於唐船，詐爲宗盛。宗盛更乘兵船，欲待義經攻唐

船四面掩擊。會成良送款義經，告平氏計，遂以三百餘

船射平氏軍。宗盛大悔。義經乘之急攻。平氏遂敗。知盛

往謁建禮門院，盡除舟中。宮人問曰：事果如何？知盛笑

曰：君等今見東男子耳。宮人號泣。平時子乃挾寶劍神

璽，抱帝投海。帝時年八歲。建禮門院亦投水。兵士鉤而

救之，送於義經船。兵士入御船，將開一函，目忽眩。平時

忠曰：是爲內侍所。兵士懼而止。神璽浮出，片岡經春收

之。平行盛、平有盛皆苦戰而死。教經搏戰甚厲。源平盛衰記

國史紀事本末 卷三十 六十四

義經望見嘆曰：敗軍之將，孰能奮厲如能州者？平氏得

至今日，能州之力也。吾恨不獲此人爲將耳。長門本平家物語

知盛謂之曰：多殺無益，何不自殺？教經曰：善。吾搏九郎

足矣。適義經船摩教經船而過。教經躍而入，脫胄撒鎧

袖，欲搏義經。左右捍衛，教經悉蹴倒投海。義經迺跳身

登別舸。教經不能跳而止。安藝時家以二壯士進搏。教

經蹴倒一人，掖二人投水而死。宗盛與子清宗猶彷徨

舟中。兵士詐爲失手擠之海。宗盛父子素善泅，不得死。

伊勢義盛擒之。平經盛登岸，入山中自殺。教盛知盛猶

在一船。召伊賀家長曰：帝旣崩，吾將就死。大臣如何？曰

既就擒矣。知盛迺與教盛俱自殺。家長有國等八人殉之。餘衆殺溺殆盡。源平盛衰記夏四月四日。義經捷書至京。

師。五日後。烏羽帝遣使勞義經。十二日。賴朝遣使令範

賴留鎮西國。義經以生虜還京。二十一日。梶原景時致

書鎌倉曰。判官戰功。莫非關東兵力。而判官驕驁自負。

意氣太盛。部下戰懼。如履春冰。景時規諫。反遭譴怒。願

早還關東。賴朝益惡義經。二十四日。義經奉鏡璽入京。

師。帝遣權中納言藤原經房等迎之。二十六日。義經兵

以宗盛、清宗等入京師。二十九日。賴朝密令西國將士

曰。卿等若歸心關東。勿受義經號令。東經是月。賴朝以功

國史紀事本末 卷三十 六十五

超敘從二位。海五五月。義經遣龜井六郎於鎌倉。致誓書

申理。賴朝益怒。七日。義經押宗盛、清宗赴鎌倉。十日。加

藤光員掄。藤原忠清於志摩。十五日。義經至相模。酒匂

賴朝不許入鎌倉。遣北條時政以宗盛、清宗來。十六日

斬忠清於六條河原。十七日。伊勢義盛部下與後藤基

清部下鬪爭。賴朝聞之。怒義經不戢。下二十四日。義經

作狀。因大江廣元陳情。賴朝竟不見。是月。流平時忠於

能登。時忠子信基於備後。時實於周防。藤原尹明於出

雲。東經先是。時忠有文書一篋。爲義經所收。皆軍中密畫。

時忠謂時實曰。義經若送文書於鎌倉。獲罪者必多。而

吾亦不得保首領。如何。時實曰。大人何不。以女妻義經。

誘而取之。時忠從之。遂得文書。燒之。源平盛衰記賴朝嘗爲

義經聘河越重賴女。東經及娶時忠女。賴朝怒曰。彼迺與

仇家婚。源平盛衰記六月七日。賴朝欲見宗盛。大江廣元曰。

主君已定海內。爵躋二品。不宜見囚虜。乃延之別室。隔

簾見之。令比企能員慰問。宗盛苦祈宥死。觀者彈指。九

日。命義經押宗盛、清宗還京師。義經憤邑。又命源賴兼

押重衡赴奈良。從僧徒之請也。十三日。賴朝奪義經采

地二十四所。謂左右曰。不藉吾兵力。彼安能成功。顧乃

恃功傲物。臨發稱言。有憾於關東者。皆歸我。是何言與。

國史紀事本末 卷三十 六十六

二十一日。義經至近江條原。斬宗盛、清宗。二十三日。集

宗盛父子。斬重衡於奈良。與首僧徒。秋七月七日。平貞

能因宇都宮朝綱乞降。賴朝不許。朝綱曰。重能有重得

還。蓋貞能之力也。彼若懷異圖。請誅臣一門。賴朝迺命

朝綱囚之家。八月十六日。義經任伊豫守。是月。賴朝奏

請造義朝廟。法皇許之。敕索義朝髑髏。獲之。東獄門側

遣使送之。鎌倉。賴朝素服迎之。稻瀨川。創勝長壽院。葬

之。冬十一月三日。義經行家避賴朝出走。事見源氏京

師無復鎮將矣。十九日。賴朝遣土肥實平於京師。二十

氏餘黨獲宗盛次子通盛子通衡維盛子六代重盛子宗實爲藤原經宗所養亦就擒僧文覺請宥六代時政曰子請之鎌倉吾且緩其死文覺遣使鎌倉請宥六代經宗亦遣使請宥宗實賴朝念重盛舊德皆許之命斬其餘東鑑是歲賴朝使北陸宮入京師海玉居嵯峨稱孫王

記明月

後鳥羽天皇文治二年夏四月四日長谷部信連至鎌倉賴朝念以仁王功賞以米地秋七月二十五日先是賴朝捕平盛國囚之岡崎義實家是日不食而死東鑑資盛子亦有盛國者賴朝特宥之附北條時政子孫事北

國史紀事本末

卷三十

六十七

條氏關長崎二氏其裔也平氏系圖

三年春二月義經走陸奥依藤原秀衡東鑑是歲藤原俊成奉敕撰千歲集念忠度遺託採其一首然憚時議不書姓名人爲惜之源平盛衰記

四年秋九月十四日熊野僧定任來鎌倉請宥城長茂時長茂以平氏黨被擒在梶原景時家賴朝迺召見長茂直進背賴朝而坐神色傲然景時怒曰二品在彼長茂曰吾不知也乃起出定任大愧東鑑

建久三年春三月賴朝初永福寺於鎌倉藤原忠光歎左目以魚鱗詐爲眇者挾匕首溷入役徒謀刺賴朝賴

朝見而怪之命左右捕之探懷獲匕首迺詰問忠光曰我平宗盛士上總五郎兵衛尉也欲爲舊主報仇耳乃囚之和田義盛家問其黨與曰同謀唯有平盛嗣聞前匿丹波不知今何在也自就擒不復飲食賴朝命斬之東鑑

七年夏六月平知盛子知忠匿於京師集兵將襲藤原能保明月記平盛嗣往屬之能保遣後藤基清等攻之知

忠自殺盛嗣逃投但馬人氣比道廣家爲養馬卒每浴馬爲馳射勢道廣心知爲盛嗣而不問頃之道廣番直京師盛嗣亦往來京師事泄賴朝命道廣捕之道廣遣

國史紀事本末

卷三十

六十八

妹夫朝倉高濤於但馬覘其浴將捕之盛嗣突出曰吾欲逃卽逃顧不忍累主人乃就擒曰吾不欲受縲紲與腰帶縛焉道廣送之鎌倉賴朝見而讓曰汝何不死於西海盛嗣曰僕欲更奉一主以復先業耳賴朝曰聞汝嘗屬吾弟九郎有諸曰嚮在京師欲狙擊判官而防備周密竟不獲發爾後潛蓄兵器欲試利鈍於將軍之身賴朝斬之由比濱長門本平家物語平氏餘黨藏焉及賴朝薨僧文覺圖不軌事發覺處流源賴家恐僧妙覺爲變捕而斬之妙覺卽六代也源平盛衰記初平氏之亡維盛佯爲赴水潛匿紀伊那智源平盛衰記而世莫知其詳也後百

四十餘年、護良親王避亂十津河、土人戸野兵衛者自謂、吾祖先嘗保護維盛於此、太平記世始知維盛嘗匿十津河矣、維盛從子親實亦匿近江、轉入越前、以織田爲氏云、平氏系圖、○世傳對馬守宗氏、知盛之後也、

門人草川重遠書

國史紀事本末卷之三十終

國史紀事本末

卷三十

六十九

國史紀事本末卷之三十一

東京 從六位前大學校中博士常陸青山延光 編次

源氏開府鑑倉賴朝猜忌 伐鬼界島 平陸奧 朝京師

高倉天皇治承四年冬十月源賴朝莫居鑑倉造新第於大藏鄉徙居焉諸將士皆營第宅初鑑倉居民鮮少村里荒穢僅有漁家至是遠近來聚屋宇櫛比衢巷洞達人物駢闐遂為東國一都會東鑑

後鳥羽天皇文治元年伊豫守源義經既滅平氏鎮衛京師敬上撫下政無偏私朝野歸心法皇倚賴焉源賴朝益惡之梶原景時讒之曰今平氏既滅海內莫不風

國史紀事本末 卷三十一

靡可患者惟判官耳判官用兵如神陵絕壑衝驚濤倏忽變幻敵莫能禦真天下名將矣將軍不早為之所必

貽大患賴朝然之源平盛衰記秋九月賴朝聞義經與行家密相往來益疑其有謀遣梶原景茂於京師命義經捕

行家且伺察其狀景茂至京義經適病不見數日輒見景茂傳賴朝命義經曰都下縱有小盜吾猶將自往捕

之况行家乎行家驍猛非兵士所能捕吾待病愈徐畱之冬十月三日景茂還報曰臣始至京判官以病不見

數日召見倚几而坐形容頗瘁有灸痕數處賴朝曰彼黨行家故詐病耳景時從旁搆之曰人一日不食一夜

不眠其容必瘁灸痕雖多俄頃可辨判官不速見景茂正為此耳九日賴朝會將佐東鑑謂之曰吾嚮擊平氏將

擇諸弟命之臨盟使之執熱皆失聲而退獨九郎神色不變從容終盟吾知其可用延命之為將彼果滅木曾

鑒平氏切冠天下今乃恃法皇寵補五位尉曾不謀之我傲慢甚矣今不速擊後必為患卿等為我往擊一座

不敢應賴朝不懌曰惟景時可以任之汝速發景時辭曰臣素與判官有隙臣而西上判官必設備請命之他

人罷其不備賴朝延召惡僧昌俊命之昌俊本奈良僧嘗與針莊代官小河遠忠及興福寺僧快尊有怨夜罷

國史紀事本末 卷三十一

遠忠殺之快尊帥衆將訴之昌俊遮擊走之廷議捕昌俊會土肥實平番直京師迺付實平囚之實平携還遂

薦之賴朝源平盛衰記十一日義經詣法皇宮奏曰兄賴朝命臣殺行家行家於臣為叔父又非有罪惡臣奈何殺

之且臣殄滅平氏以定禍亂功不為不大而賴朝不賞反奪臣邑又謀除臣臣將與行家協謀禦之請賜討賴

朝宣旨不則臣將自殺矣法皇令義經曉譬行家東鑑十

七日義經聞昌俊至京師召見讓曰卿已西上何以不相聞昌俊謝曰臣本奈良僧近將詣七大寺賽宿禰期

在明日欲待事畢來謝耳義經笑曰卿之來欲罷我也

若命之他將佐、吾將設備、故命之卿、夫平氏之亂、諸國鼎沸、吾二年而平之、卿何人也、廼欲襲我、我今捕卿、人其謂我何、且吾兄使者、安得無禮、昌俊曰、非敢然也、請獻誓書、乃造誓書、焚灰吞之、而出、義經夜謂妾靜曰、吾心動、得非昌俊來襲耶、靜曰、街路踈且塵上、必有故也、廼令豎二人往覘、久之不還、又遣一婢、婢急還報曰、二豎已斃於門、門中鞍馬數十匹、衆皆擐甲、將發、言未畢、昌俊帥六十餘騎、大喊來襲、義經左右僅六人、義經曰、僧徒何能爲靜、曰小寇未可侮也、乃取鎧進之、義經呼曰、開門、門開、跨馬而出、縱橫馳突、所向披靡、退而入

國史紀事本末

卷三十一

三

門、與佐藤忠信、源八廣綱、熊井太郎等、兩矢禦之、忠信據東

昌俊亦麾衆叢射、廣綱被矢九、太郎被重創、事急、兵士稍々來聚、行家亦聞之來援、昌俊兵敗、走鞍馬山、十

八日、義經奏變法皇、全鎧被箭、箭在腋者僅三、見者指曰、真猛將矣、先是、賴朝令安達清經、事義經、清經逃還

告變、賴朝喜曰、吾兵始有名矣、源平盛是日、法皇令公卿議、義經所請、左大臣藤原經宗曰、今武夫警衛京師

者、惟有義經、彼一旦肆其暴怒、將使何人禦之、請姑許彼請、徐告之、賴朝賴朝何必深怨、法皇使高階泰經咨

右大臣藤原兼實、兼實曰、追討宣旨安可輕下、今賴朝

非有罪惡、奈何討之、清盛義仲之爲暴、使之討賴朝、賴朝兵強、輒使之討二族、王命之重焉在、亂之不熄、職是之由、不宜踐覆轍、泰經曰、法皇固知賴朝不反、今日之事、不過避義經暴怒耳、賴朝知前日之勅出於清盛、義仲則今日之事、彼亦何必深怨、如公所論、得無黨賴朝之嫌耶、兼實曰、此天下大事、兼實何敢挾私心、但彼前日不怨、安保其不怒於今日、今日之事、宜諭義經、緩其謀、遣使問賴朝曰、義經爲汝使者、故朝廷倚仗、近聞汝將誅之、彼果當誅耶、汝致之鎭倉、廢之顯戮、彼果爲讒人所誣耶、汝且釋怨、全好、何必差兵擾都下、夫如此、彼猶啓兵端、則廢之違勅、聲罪征討、名正而事順矣、法皇不聽、遂賜宣旨、海王二十日、範賴從西海還京師、初、義經在西海、恃才自專、而範賴能遵約束、每事諮稟、鎭倉、賴朝以此親愛之、東及其功成凱旋、稍懷猜忌、源平盛十二日、京師警報累至、鎭倉、賴朝神氣自若、適創勝長壽院、方成、議臨而慶之、二十四日、賴朝慶勝長壽院、命範賴擊義經、範賴辭曰、西國之戰、範賴兄弟共事、而義經功最多、今以兄討弟、範賴不忍爲也、賴朝不聽、坂八

國史紀事本末

卷三十一

四

物語、本平家範賴將發、賴朝曰、卿亦不可信、恐效九郎所爲、

範賴大懼、進誓書以謝、源平盛賴朝召和田義盛、梶原

國史紀事本末

卷三十一

五

景時曰、吾將以明日發、誰能先驅者、乃急徵將士、未會者二十九十六人、請前驅者五十八人、二十五日使將士先發、令曰、比至尾張美濃、徵兩國兵、守足近洲股而後進、先我未至、擊行家義經、慎勿遲疑、儻二人既遁逃、且駐軍待我、二十六日義經兵士獲昌俊於鞍馬山、獻之、東鑑義經讓曰、汝既進誓書、又敢來襲、得無神譴耶、昌俊曰、襲公者二位家之命、誓書者昌俊之私也、義經怒、命左右打其面、昌俊曰、此非吾面、二位家之面也、二位家今打公面矣、義經壯之曰、汝欲活則吾放、還汝、昌俊請就死、乃斬之、六條河原、源平盛衰記二十九日賴朝帥東國兵、發鎌倉、令東山北陸曰、從山道會於近江美濃、十一月賴朝進至黃瀬河、令曰、吾駐軍於此、待京師聲問、二日義經聞賴朝來擊、將走西海、令兵士友實具舟、路遇莊四郎、四郎嘗屬義經者、廼詐來屬、義經覺而斬之、三日義經行家遣使辭法皇、遂出走、藤原時實、藤原良成、源有綱、堀景光、佐藤忠信、伊勢義盛、片岡弘經、僧辨慶等二百人從焉、東京師人聞義經走、莫不歎惜、義盛途辭曰、主君行矣、臣將追及、乃還、伊勢起兵、襲守護首藤經俊、不克走、鈴鹿山自殺、源平盛衰記五日義經至河尻、多田行綱遮擊、義經馳突而去、六日至大物濱、航海會

國史紀事本末

卷三十一

六

暴風作、不能進、從兵散走、遂與行家相失、七日賴朝聞法皇降討已宣旨、大怒曰、何乃忘我忠勲、反在叛人、適聞兼實議頗助已、廼大喜、是日法皇奪義經官爵、八日賴朝遣使京師自訟、十日賴朝還鎌倉、十一日法皇聞賴朝怨怒大驚、下院宣於諸國、捕義經行家、十二日賴朝奪義經妻父河越重賴采邑、尋殺之、大江廣元謂賴朝曰、將軍鎮東國、東國固無憂矣、諸國則判官藏人所、在逋竄、安保不亂、亂起輒遣兵攻擊、人人疲於奔命、民力竭矣、不如諸國置守護、莊園置地頭、以備之、則郡國皆有兵備、何叛亂之足患、賴朝然之、十五日高階泰經遣使謝曰、義經等因僕有所請、僕恐其逼、所以奏之也、而世或謂僕實黨之、且二人所為、恐天魔使之、法皇若不之許、適足以陷亂、是不得不許、而其事初非出於聖意、不過避禍耳、賴朝報曰、二人所請、托之天魔、甚無謂也、賴朝殄滅朝敵、以除宸憂、何乃比之罪人、下追討宣旨、今二人未死、發兵搜捕、諸國衰弊、民何以堪、所謂天魔者、恐非他人、其悖慢如此、義經匿吉野山數日、以金寶與妾靜、令從者送還之、從者奪金寶而去、十七日吉野僧徒帥眾窮搜義經、途遇靜、廼捕而詰問、靜曰、判官變服、為山卧逃去、十八日僧徒復搜索義經、東鑑義經窘

迫將自殺佐藤忠信曰臣兄繼信已為公死臣効死在

今日請速去不聽忠信固請乃分從者授之遂逃去忠

信詐稱源判官與從士發矢禦僧徒多所殺傷僧徒駭

怖曰判官夙以劍法聞不畧射亦至此已而矢盡挺刀

血戰從士皆死廼呼曰汝等以我為判官乎判官已逸

去矣我佐藤忠信也汝等視我死乃倂為自殺超谷而

逃八坂本平家物語十九日賴朝遣土肥實平於京師二十五

日賴朝遣北條時政於京師二十八日時政因藤原經

房請置守護地頭於諸國以搜捕義經行家且常賦之

外計畧課兵糧東又請為總地頭法皇心難之公卿皆

國史紀事本末 卷三十一

重違賴朝意遂許之傳賴朝已為總地頭諸國地頭

皆以家臣為之參取鏡又國司之權移於守護而朝廷

愈衰矣神皇正統記是月義經走多武峯惡僧十字坊善遇

之已而十字坊謂義經曰此地狹隘僧徒亦寡事必彰

露惟十津河絕險便於潛匿公宜往焉廼令惡僧道德

行德拾悟拾禪樂達樂圖文妙文實送之十二月十七

日大藏卿高階泰經右馬頭經仲並前守隆經侍從藤

原能成少內記中原信康坐黨義經行家奪官二十八

日勅右大臣藤原兼實內覽特令兼實及藤原實定大

納言藤原實房權大納言藤原宗家藤原忠親權中納

言藤原實家源通親藤原經房參議藤原兼光藤原雅

長十人議奏政事參議平親宗刑部卿藤原賴經左衛

門少尉平知康左馬權頭平兼忠等坐黨義經奪官沉

泰經於伊豆賴經於安房皆賴朝所建議也東

二年春二月朔北條時政捕盜八人斬之六條河原不

復報驗非違使奸猾屏息七日賴朝賞廣元以肥後山

本莊三月朔始置諸國地頭以時政功大特補七國地

頭十三日賴朝獨相模武藏伊豆駿河上總下總信濃

越後豐後九國通身奏請行之諸國是月時政還鎌倉

留儻伏北條時定等警衛京師夏四月八日先是賴朝

國史紀事本末 卷三十一

召義經妾靜至鎌倉問義經所在對以不知賴朝知其

有身留之靜本白拍子政子曰彼天下名妓請試其技

乃召之舞以疾是日賴朝與政子謁鶴岡社召靜歌舞

固辭政子強之靜不得已起舞其歌詞無非思慕義經

者聲調悽惋觀者悚動賴朝怒曰今神官奏樂何為不

祝關東萬歲而反慕叛人政子曰昔石橋之戰妾獨留

伊豆山中日夜愁苦靜之今日猶妾之往日也若忘舊

恩而不思何以為靜女賴朝乃賜衣而罷初賴朝既定

諸國而藤原秀衡獨跨有陸奥賴朝以秀衡老將憐之

遺之書曰君與六郡主我東海道總管請修隣好以相

親睦如君貢馬貢金宜託之我是月秀衡託賴朝送貢馬貢金於京師五月十二日北條時定聞源行家匿和泉廳衆清實家帥惠僧昌明等往襲之行家逃匿民家令從士禦戰昌明擒之時定遂擊行家斬之十三日時定殺行家子光家六月朔賴朝以相摸疲弊振膳之十六日時政攻源有綱於大和宇多郡斬之二十一日賴朝聞諸國守護地頭托言兵糧侵暴百姓遣大江廣元於京師奏法皇降勅禁之秋閏七月靜生男政子請育之賴朝不聽遣使奪而殺之九月二十二日賴朝兵士精屋有季聞佐藤忠信匿京師往襲之忠信奮戰而死

國史紀事本末

卷三十一

九

堀景光亦匿京師有季生擒之問義經所在曰在奈良僧聖佛許比企朝宗帥兵五百赴奈良索義經義經既逃冬十一月二日木工頭範季坐黨義經奪官十二月十日賴朝以天野遠景爲鎮西奉行

東鑑

三年春正月賴朝遣使伊勢奉幣大神官祈獲義經二月義經與妻河越氏等經伊勢美濃走陸奥依藤原秀衡三月八日賴朝召奈良僧聖佛面責之曰義經罪人也汝何爲黨之聖佛對曰豫州西伐嘗命僕祈捷及其獲罪窘盛未投僕念奮好諭以暫避威怒徐謝其罪迺令僧徒送之伊賀意實欲爲公全骨肉耳何謂黨之且

使關東之威被天下者非豫州耶奈何輕信讒口遽啓釁端請速召還豫州親睦如初則天下無患矣賴朝嘉其忠授以勝長壽院供僧職秋九月四日法皇遣使陸奥責秀衡容匿義經秀衡謝以無異畧自北條時政還鎌倉羣盜橫行京師賴朝聞之遣下河邊行平千葉常胤索捕十一日行平至京師即夜捕盜八人斬之餘黨帽伏冬十月二十九日陸奥守藤原秀衡卒遺言子泰衡曰奉義經爲主師國事一以委之十一月十五日先是畠山重忠坐事屏居梶原景時讒之曰重忠怨望據武藏管谷第聚族入將叛是日賴朝會將佐問曰遣使

國史紀事本末

卷三十一

十

驗問歟將遣兵擊之歟小山朝光曰重忠正直不豈有此請驗問之衆然之賴朝謂下河邊行平曰卿重忠舊友宜往問焉彼果無貳速以彼來十七日行平往訪重忠重忠忿然曰吾何所怨而讒叛且將軍知吾素心而一旦疑我非信讒耶子之來欲殺我耳將自殺行平執其手曰子以誠慙自負何迺逆詐至此吾與子門閭相當何不交戰而欲自殺且將軍使我來者欲携子來也重忠大喜呼酒樂飲二十一日行平以重忠至鎌倉因景時自訥景時曰子果無異畧宜進誓書重忠曰吾事君無貳一旦罹此禍者天也吾若進誓書是自欺也請

告之將軍、景時告之賴朝、賴朝廻、行平直忠、諱語移時、竟不及其事而罷、賞行平以佩刀、景時之讒構忠良、率此類也、嘗誣土佐人夜須行宗、行宗辨之甚詳、景時之詐悉露、賴朝命景時脩鎌倉道路贖之、然罷任如初、

東鑑

四年春二月二十一日、初薩摩人阿多忠景獲罪、走鬼界島、平氏遣筑後守家貞擊之、風濤險惡、不能進而還、及義經出走、賴朝疑其黨走鬼界、遣宇津宮信房於西海、與天野遠景協謀擊鬼界、是日遠景遣使鎌倉曰、去年遣使損探鬼界、知其可取、因徵鎮西兵士、兵士不肯

國史紀事本末

卷三十一

十一

應請下令發之、時信房欲以寡兵往擊、遠景止之、攝政兼實聞之、遣使諭賴朝曰、昔者朝廷固嘗捷伐三韓矣、及至後世、我兵不復外征、況鬼界絕域、取之不易、發兵濟海、安保萬全、宜罷是役、賴朝廻諭遠景罷役、三月五日信房獻鬼界海路圖於賴朝、請擊之、賴朝覽圖曰、此易取也、不必費兵力、遂命遠景信房擊之、夏五月、遠景信房帥兵擊鬼界、以鎮西人小物資政為先鋒、島人悉降、廼獻捷鎌倉、賴朝大悅、行賞、東鑑初賴朝在伊豆、安達盛長嘗夢賴朝踞足柄矢倉嶽、足蹈鬼界島、覺而異之、告賴朝、賴朝心竊自負、源平盛衰記至是銳意取之、云是歲

法皇屢勅藤原泰衡捕進義經、從賴朝請也、東鑑

五年春二月二十二日、賴朝遣使京師、奏法皇曰、義經既逃、索捕稽緩、恐致禍亂、今泰衡容匿義經、罪在不赦、

臣請討之、前刑部卿賴經黨義經、臣嚮請奪官逐之、而

彼猶在京、大納言朝方左近衛少將宗長侍從朝經、兵

衛尉政綱、前兵衛尉為孝皆黨義經、請奪其官、山僧黨

義經弄兵、臣嘗請奪之兵器、陛下許之、而彼猶自若、陛

下感夢兆、欲召還平氏、流人時實信基、何不可之有、請

速召還之、二十六日法皇使者還自陸奥、過鎌倉致泰

衡報曰、臣既知義經仍在、尋當捕送、賴朝曰、彼前日不

奉勅、而今為此言者詐也、三月二十三日賴朝遣法橋

昌寬於京師、請討泰衡、夏閏四月晦、泰衡帥兵數百、嚴

義經於衣河、義經從士悉戰死、義經殺妻河越氏及女

子、遂自殺、時年三十一、東鑑國人惡泰衡不仁、愚管六月

十三日、泰衡遣新田高平送義經首於鎌倉、天方盛暑、

盛以漆函、漬以美酒、賴朝令和田義盛、梶原景時受之、

見者咸哀其寃、二十四日賴朝謂將佐曰、泰衡容匿叛

人日久、罪均叛逆、吾將討之、會藤原能保致書曰、朝議

謂義經已死、泰衡不必討可矣、二十五日賴朝又請討

泰衡、二十六日泰衡聞弟泉忠衡黨義經殺之、二十七

日賴朝徵兵士、即日來會者殆一千、令曰、武藏下野大兵所經、國人宜迎會焉、晦賴朝召大庭景能曰、吾請討泰衡、朝廷未許、而將士既聚、奈何、景能曰、軍中聞將軍之令、不聞天子之詔、公既已奏之足矣、何必待命、况泰衡累世家人、欲擊則擊、奈何、聚兵費日、請速發、賴朝大悅、賞以鞍馬、秋七月十七日、賴朝部署諸軍、命千葉常胤、八田知家帥東海道兵、經常陸會於遇隈河比企能真、宇佐美實政等帥北陸道兵、從越後攻出羽、念種、關賴朝以畠山重忠爲先鋒、從中路、加藤景廉、葛西清重帥武藏下野兵、從之、十九日、賴朝發鎌倉、梶原景時請

國史紀事本末

卷三十一

十三

曰、城長茂、勇將也、請使之從軍、賴朝許之、二十五日、賴朝進至下野、奉幣宇都宮、祈曰、此役戰捷、以生虜一人爲神官、小山政光來獻糧、指近臣著紺直垂者曰、何人也、賴朝曰、無雙、勇士熊谷直家、政光曰、何以獲無雙之名、賴朝曰、一谷之戰、隨父先登、政光笑曰、此輩無從兵、單騎奮戰、所以獲名也、臣等每遣從兵先驅、故不得與此輩爭功、不然、武夫善戰、人人皆然、豈獨直家哉、廼顧子朝政、宗政朝光曰、汝等必効力此役、獲無雙之名、賴朝大笑、二十六日、佐竹秀義從常陸來會、賴朝見其旗與已無異、授畫月扇爲旗號、二十八日至新渡戶驛、命

諸將錄進其兵數、城長茂兵二百餘、賴朝恠其多、景時曰、此地鄰接越後、故散兵來聚耳、賴朝大喜、八月、至陸奥伊達郡阿津賀志山、會雷震、其營軍中大懼、泰衡城阿津賀志山、堰遇隈河爲壘、令弟國衡及金剛別當秀綱、秀綱子秀方等以兵二萬守之、又城刈田郡、扼名取廣瀨、而河植椿引組、又使若九郎太夫、余平七等守栗原三迫黑岩口一野邊、田河行文、秋田致文守出羽、自陣國分原鞭楯、賴朝令衆以明日進攻、重忠命步卒運土石填塹、初、重忠發鎌倉、使卒三十人執鉞、至是人服其智、小山朝光夜潛先衆而進、八日、秀綱帥兵數千

國史紀事本末

卷三十一

十四

出城而陣、重忠朝光等進擊却之、泰衡將佐藤元治、陣石那坂、據險設弩、伊達爲宗、爲重等擊破之、斬元治、元治即義經壯士、繼信忠信父也、九日、賴朝夜令衆以明日踰嶺、三浦義村、葛西清重、工藤行光、狩野親光、藤澤清近、河村千鶴、潛過重忠營而進、榛谷成清謂重忠曰、彼欲先我、請遏之、重忠曰、先鋒我也、假令他人先我、功將歸我、何必遏之、七人遂踰嶺、薄城門、大呼挑戰、泰衡壯士伴藤八等出拒、親光戰死、行光搏藤八斬之、提頭而進、關中有兩騎相搏、廼回、問之、曰、藤澤清近搏敵、即助清近斬之、賴朝寵臣大友能直亦密與宮六國平

踰嶺、斬佐藤秀貞父子。十日、遲明賴朝踰嶺、重忠及小山朝政、朝光、和田義盛、下河邊行平、三浦義澄、佐原義連、加藤景廉等進攻甚急、聲震山谷、城堅不拔。小山朝光、宇都宮朝經等從間道趣會津、踰土湯嶽、繞出城後山上、大喊發箭、城兵駭亂、不能禦。乘曉霧逃走。國衡棄城、遜賴朝追擊。金剛秀方年十三、還戰甚疾。工藤行光將搏之、從士藤五從旁進搏之、怪其少年多力、問名不答、搏鬪良久、遂斬之。朝光追秀綱、斬之。國衡馳赴出羽、義盛追而呼之。國衡轉馬注矢、未發。義盛射中其膊。國衡遁逃、重忠麾衆尾擊。國衡馬陷深淖、大串次郎追及。

國史紀事本末

卷三十一

十五

斬之。潰兵往報。泰衡、泰衡大驚、逃還。安藤四郎等進攻根無藤敵壘、拔之。斬其將金十郎。十一日、重忠獻國衡頭。賴朝大悅。義盛進曰：「臣實射中之、廼取其鎧、驗之。」箭孔大如鑿。重忠不敢爭。十二日、賴朝聞河村千鶴少年善戰、異之。召見問父名。曰：「山城權守秀高。」乃命加首服。賜名秀清。秀清兄義秀嘗從大場景親擊賴朝者也。賴朝進至多賀國府、海道諸將濟遇隈河米會。十三日、比企能貞、宇佐美實政進入。出羽擊田河行文、秋田致文、斬之。十四日、國人言泰衡在玉造郡。或言保物見岡。賴朝謂彼必在玉造。經黑河而進。遣下河邊行平、小山朝

政宗、政朝、光等圍物見岡。殘兵僅四五十人、掩擊悉獲之。二十日、賴朝進入玉造郡。圍多加波波城。泰衡已逃。餘衆悉降。乃經葛岡郡赴平泉。賜書先鋒將士曰：「我兵追躡比至津久毛、橋敵必遁逃。泰衡拒我、必於平泉。卿等勿以寡兵浪戰。必待後軍。」一戰殲之。勿妄損一人。二十一日、賴朝兵乘風雨追泰衡。遇敵於栗原三迫。擊破之。斬若九郎大夫。賴朝經松山道。至津久毛橋。泰衡逃還平泉。不入而去。留從兵火其第。二十二日、賴朝進至平泉。屋宇皆已焚蕩。僅存一庫。命葛西清重等檢視。奇琢不可勝計。乃以牙笛蜀錦帷賜清重。其餘悉領之。諸

國史紀事本末

卷三十一

十六

將二十五日、賴朝遣千葉胤賴於衣河。召泰衡外祖前民部少輔藤原基成。基成乃降。二十六日、有一卒至賴朝營、投書而逃。視之、則泰衡書也。書曰：「伊豫守先父之所擁護、非泰衡所知也。父已沒。泰衡受公命殺之。有切無罪。何故被討。泰衡失國、竄匿山林。心甚悲焉。今兩國已歸公。泰衡願爲家人。不則減死、屢流矣。請幸置答書於比內郡。士肥實平請置答書擒其人。不聽。分兵搜比內。九月二日、賴朝發平泉赴厨川。謂衆曰：「祖先討貞任、克之厨河。吾獲泰衡。亦必於其地也。」三日、泰衡將走蝦夷。至贅柵。從兵河田次郎叛。圍而殺之。四日、賴朝至志

波郡、泰衡從父俊衡、火比介第而逃。賴朝進陣、陣岡峰社、比企能貞、宇佐美實政、從出羽來會。於是三道兵悉聚、兵凡二十八萬、旗旌蔽空。六日、河田次郎持泰衡頭來獻。賴朝執而誚之曰：「泰衡在吾掌握、豈假汝手？汝背舊恩、敢行弑逆、吾所不赦也。」命斬之。乃梟泰衡頭。七日、實政擒泰衡勇將由利維平來獻。天野則景爭之。賴朝乃問二人鎧馬。令梶原景時往問維平。景時謂之曰：「汝泰衡驍將、必不矯飾。擒汝者、擐何甲？汝告之我。」維平怒曰：「汝佐殿家人、何驕傲？乃爾我君鎮守府將軍嫡派、汝主猶不宜為此稱呼。況汝乎？吾不欲答汝問。」景時大愧。

國史紀事本末

卷三十一

十七

乃還報曰：「彼徒惡言、無復佗語。」賴朝知其無禮、更命畠山重忠、重忠親為之設席。問曰：「武夫戰敗就擒、古今之常、何足以為耻？我二品亦嘗受辱平氏、然一旦崛起、遂平天下。吾子亦豈終於囚虜者哉？我兵素聞子勇名、爭獲不決、此吾所以來問。擒子者鎧馬如何？」維平曰：「子畠山殿耶？果能知禮、不似前人倨傲。我當告實。擒我者其甲黑、其馬麻毛。後騎攢集、無所記憶。重忠還報、延知為實政。賴朝曰：「維平真壯士矣。」延召見。問曰：「汝主跨據兩國、擁兵十七萬、何滅之速也？」維平曰：「故左馬頭殿管領東海道十五國、兵非不多、平治之戰、一敗不支、授首長

田臣主僅有兩國、拒守數旬、孰優孰劣？賴朝默然。延令重忠善遇之、尋釋為家人。八日、遣使奏捷京師。九日、實政兵士入高水寺、毀壁板、僧徒訪之、乃命捕兵士、截其左右手。是日、院宣至、許討泰衡。十二日、賴朝進至厨河、十三日、令曰：「兩國被兵、百姓離散、今宜速還鄉里。」因召其耆宿、各賜綿衣一馬。二十四日、賴朝令求田園簿、而平泉之災、皆已蕩盡。聞陸奥人豐前介實俊、實俊弟橘藤五實昌、諳練舊典、命作兩國圖、圖成、山海形勢、田園廣狹、戶口多少、纖悉無遺。賴朝嗟賞。十五日、俊衡以諸子降。十八日、泰衡弟高衡降。於是餘黨悉降。二十日、賴

國史紀事本末

卷三十一

十八

朝第功行賞。授重忠葛岡郡重忠曰：「諸士先我而我不得、所以分賞。儕輩今我受小郡、正合吾意。」葛西清重功最多。授伊澤磐井壯麻數郡。二十一日、賴朝入伊澤郡鎮守府、奉幣八幡祠、坂上田村麻呂所初也。二十四日、命清重、紗平泉擒非違使所事、聽斷訟獄。陸奥將士皆受其節制。二十七日、賴朝周覽安部。賴時貞任衣河遺址。二十八日、旋師、置留守所於出羽。冬十月、入國府、令地頭曰：「政事一遵秀衡、泰衡規畫、勿恃勢擅權、侵暴百姓。是役令上野下野輸軍糧、繇此大兵深進、而不擾國人、國人歸心。」十九日至宇都宮、以俊衡族人為神官。二

十四日還鎌倉先是賴朝命留守所檢出羽地留守欲廢間田地頭訴之是日令曰與羽夷地不宜廢古制間田宜依舊賴朝尋謂左右曰義經泰衡初非朝敵吾特以私怨滅之耳吾當修佛事以慰冤魂乃建佛堂於永福寺模平泉精舍以薦義經泰衡冥福賴朝尋以下本書寶治二年十一月三日法皇勅賞賴朝功八日賴朝遣大江廣元於京師獻駿河綿千両於法皇是日賴朝命清重振膳陸奥窮民運山北穀於岩井伊澤江刺三郡秋田穀於和賀部貫兩郡十二月二十五日法皇敕賴朝傳伊豆相摸於子孫且召之入朝賴朝奏曰臣蕩平陸奥宿志

鑑東

建久元年春正月六日兼任帥兵赴陸奥至志賀渡乘冰而濟冰忽解溺死者五千餘兼任遣使告維平曰報六親讐者古今多矣未有報君讐者報君讐自我始也維平邀擊於小鹿島不利而死橘公成逃走兼任進攻津輕宇佐美實政禦戰敗死陸奥告急八日賴朝令千葉常胤胤正帥海道兵比企能員帥山道兵討兼任十

三日以上總介足利義兼爲追討使令上野信濃兵助之千葉胤正請曰葛西清重勇將也今方在陸奥請命之援臣賴朝許之十八日清重健步來報曰公成戰死維平遁逃賴朝曰健步錯誤死者必維平逃者必公成也吾以其生平知之後報尋至果如賴朝言二十九日賴朝謂左右曰維平之死非不烈願大敵在前突戰而死可謂無策矣乃令陸奥諸將曰敵縱來進勿貪功獨進以取敗要當齊心一力以成其功耳二月四日令諸國將士曰吾將以十月朝京師五日遣使於陸奥諭諸將曰敵若強盛卿等不能克之吾當親發今日之戰宜先窮搜支黨魁首果有可襲之機即進奮戰潰兵不論步騎悉縛進之六日陸奥再告急乃遣使令曰渠魁不可得赦處分當待朝命至於脅從之徒降者皆赦宜布告國中不然窮寇死戰不易速克也以留守所黨兼任命清重擒之納甲二百領贖死十二日足利義兼與清重等進至泉田問兼任所在曰彼已以兵一萬發平泉諸將乃追躡至栗原一追會日暮阻隘不能進兼任既踰險矣千葉胤正等冒險追擊大破之兼任以殘兵五百餘走衣河臨水而陣諸將濟河奮擊兼任走保多宇末井城義兼等進攻走之多所斬獲三月十日兼任逃

至栗原寺樵夫恠其美服獨行圍而殺之獻首胤正十五日以左近將監伊澤家景為陸奥留守秋九月賴朝將朝京師遣使營第宅於六波羅平賴盛宅址冬十月三日賴朝發鎌倉以重忠為前驅十一月七日入京師從騎皆戎裝觀者如堵法皇亦容觀焉賴朝入六波羅第九日朝法皇然後朝帝勅任權大納言二十四日兼右近衛大將十二月朔賴朝行拜賀禮三日上表辭兩職許之十一日法皇敕賴朝舉功臣二十人將行賞固辭不許廼舉十人於是千葉常胤梶原景時八田知家任左兵衛尉三浦義澄葛西清重右兵衛尉和田義盛

國史紀事本末

卷三十一

二十一

佐原義連安達遠元左衛門尉小山朝政比企能員右衛門尉常胤景時知家義澄皆請而授之子及孫東鑑初朝綱日弛諸國多盜屢遣追捕使討之朝野群載賴朝亦嘗以家臣為近畿總追捕使東鑑至是請為天下總追捕廷議許之參取平家物語增鏡保曆間記於是兵馬之權悉歸鎌倉矣二年春正月十五日賴朝置政所於大江廣元為別當冬十一月源有綱兵士平康盛欲為有綱復仇潛赴鎌倉覘此條時定梶原景時恠而捕之康盛告實十二月斬之腰越東鑑

三年秋七月十二日賴朝任征夷大將軍東鑑初鎮守府

置將軍至是朝廷為罷鎮守府將軍職原抄冬十一月熊谷直實與久下直光爭疆界賴朝親聽訟直實知梶原景時援直光不勝忿怒斷髮走京師遂為僧東鑑佐佐木高綱既為七國守護尋薙髮入高野山宇治河之戰高綱給景季先之知景時惡已遂遜世云源平盛衰記

四年夏五月賴朝大獵於富士野將士雲集馳逐連日工藤景光素善射射鹿不中投弓嘆曰吾命窮矣俄而獲病賴朝以為不祥欲罷獵而還將士止之明日曾我祐成與弟時宗乘夜殺工藤祐經於獵場復父仇適雷雨間黑衆皆駭擾二人奮擊多所殺傷仁田忠常進斬祐成時宗直入賴朝營賴朝提刀將出大友能直止之

國史紀事本末

卷三十一

二十二

五郎丸生禽時宗廼斬之東鑑鎌倉訛言賴朝遭害政子聞之驚悲範賴慰諭曰範賴在勿以為憂賴朝聞而深惡之保曆間記秋八月二日鎌倉流言範賴懷異圖賴朝詰問範賴大懼獻誓書自訟賴朝閱之怒曰彼何以妄稱源氏命詰使者使者重能對曰參州實將軍貴介弟將軍嘗奏之朝廷非源氏而何乃還報範賴益懼十日賴朝夜間床下有入氣息令小山朝光等搜之果獲一人廼範賴壯士當麻太郎也命推問之太郎曰參州既獻誓書未有後命參州憂懼臣欲探聽幕議耳非有他心

也賴朝詰問範賴、範賴對以不知、十七日逐範賴於伊

豆、東鑑拘之修禪寺、坂本平家物語流當麻太郎於薩摩、十八

日範賴家人橘太左衛門尉江瀧口梓刑部丞等據濱

宿館舉兵、賴朝令小山朝光、梶原景時等擊走之、東鑑景

時勸賴朝殺範賴、乃令景時及子景季等帥兵五百攻

之、範賴奮戰而死、坂本平家物語於是賴朝諸弟僅有僧全

成、將府孤立、無復彊援、遂啓上條氏篡弒之漸、參

五年秋八月、賴朝聞安田義定以子義資事怨望殺之、

先是平廣常一條忠賴皆以嫌疑見殺、東鑑

六年春三月初平氏火東大寺、堂宇蕩盡、後白河法皇

國史紀事本末 卷三十一 二十三

勅僧重源營之、賴朝令僧文覺督役、給播磨租稅、又命

佐々木高綱採材於周防、畠山重忠、梶原景時等造諸

佛像、至是賴朝將往慶之、適流言行家義經餘黨謀狙

擊賴朝、延遣比企能貞等先發、賴朝尋發路經勢多、延

曆寺僧徒擁路縱觀、賴朝遣橘公業諭之曰、武將無下

馬之禮、公等無恠、僧徒未答、賴朝直進、橫弓揖之、僧徒

拜伏、遂入京師、赴東大寺、衷甲備變、僧徒填咽、與衛兵

相觸、忿爭、梶原景時往止之、甚傲、僧徒益怒、肆詈、賴朝

命之小山朝光、朝光進跪曰、我前右大將使者也、僧徒

聳然、朝光徐曰、平相國焚毀本寺、凶暴極矣、今源氏傾

力營構、不遠數百里而來慶、公等奈何不思所以謝之

而妄啓爭端、僕竊爲公等不取也、僧徒愧服曰、勇士哉

貌美言辯、又能知禮、請問其名、朝光曰、我結城七郎也

事乃解、景時繇此惡朝光、賴朝施馬一千匹、米一萬石

黃金一千兩、絹一千匹、以示得意、尋朝帝獻馬二十匹

夏六月還鎌倉、畿内西海將士皆從、東鑑

九年冬十二月稻毛重成造橋於相摸川、落之、賴朝臨

會、歸路墮馬疾作、東鑑建曆二年

上御門天皇正治元年春正月、賴朝薨、子賴家嗣、賴朝

愛次子千幡、嘗囑小山朝光等輔之、冬十月朝光謂人

國史紀事本末 卷三十一 二十四

曰、吾聞忠臣不事二君、我受故將軍殊賜、欲爲僧資其

福、但遺囑在耳、遲延至今、今日我殆不免矣、梶原景時

譏之、賴家曰、彼譏切當世、請誅之以懲後、賴家將從之

或密告之朝光、朝光驚懼、謀之三浦義村、義村曰、事急

矣、不得無一奇策、文治以來、彼肆讒毒、多殺無辜、衆人

冤憤、痛入骨髓、若不早齒禍必及主君矣、然吾等擅動

干戈、安知不招禍難、請謀之宿老、乃招和田義盛、安達

盛長告之、二人曰、不如與衆連署訴之、顧誰能草之者

義村曰、源仲業有文筆、又與彼相惡、請命之、延招而告

之、仲業抵掌曰、敢不奮筆、遂招諸將士會於鶴岡社、於

是千葉常胤三浦義澄畠山重忠小山朝政比企能貞
葛西清重佐佐木盛綱岡崎義實天野遠景土藤行光
等來會者六十六人誓神除景時頃之仲業訴狀成有
義難者不畜狸牧獸者不育豺之語義村嗟賞乃請衆
連署與義盛俱因大江廣元呈賴家廣元欲講解之猶
豫不決十一月義盛問廣元曰訴狀已呈否廣元曰猶
在我許義盛瞋目曰卿聞東耳目奈何畏憚景時不顧
衆怒廣元曰吾憫彼覆滅耳非畏彼也義盛叱曰卿遲
疑曠日非畏彼而何聲色俱厲廣元謝曰請速呈之遂
呈之賴家賴家廼示之景時命令辨晰景時不能答舉

國史紀事本末

卷三十一

二十五

族走相摸一宮惟子景茂獨留賴家宴比企能負家景
茂仲業皆從賴家謂景茂曰汝父驕蹇爲衆所訴仲業
實草之景茂曰故將軍既薨臣父何敢驕入顧仲業筆
端利過箭鋒衆稱善十二月景時還鎌倉賴家令義盛
義村逐之毀其第景時走一宮築壘爲戰備

東鑑

二年春正月景時乘夜西走將赴京師檄西海立武田
有義爲將軍賴家令義村等追躡景時至駿河清見關
國人恠而尾擊景時還戰國人聞之來集遂斬景時及
子景季景高景茂等三十三人梟之有義在甲斐聞之
逃止二月賴家命波多野盛通捕景時黨勝木則宗盛

通從後抱持之則宗多力挺刀欲刺盛通重忠在座急
握其腕骨碎氣絕遂擒之賴家欲賞盛通真壁紀內曰
捕則宗者重忠也非盛通也賴家問之重忠重忠曰盛
通實捕之臣何與焉退讓紀內曰武夫以正直爲本子
何誣妄至此莊谷高重謂衆曰景時何不撤橋拒戰而
遽爾就戮重忠曰倉卒何暇撤橋安藤右宗曰畠山殿
將帥也不知細務壞民家燒之橋上俄頃而辨耳初景
時讒義經將士皆憤嫉之然畏其桀猾不敢營救

東鑑

保曆
間記

國史紀事本末卷之三十一終

國史紀事本末

卷三十一

二十六

國史紀事本末卷之三十二

從六位前大學校中博士常陸青山延光 編次

止條滅源氏

安德天皇壽永元年冬十一月源賴朝寘愛妾龜於伏見廣綱家止條時政妻牧氏密告賴朝妻政子政子怒令牧宗親毀廣綱第廣綱携龜避之大多和義久家賴朝聞之潛往義久家召宗親詰問宗親款服賴朝遂截其髻曰何不密告我時政聞之走伊豆賴朝召梶原景季曰義時必不從汝往視之景茂詣其家義時果在賴朝召見曰汝必能輔吾子孫尋流廣綱於遠江其憚政

國史紀事本末

卷三十二

子如此牧氏時政繼妻奸而黜時政尤畏之

鑑東

後鳥羽天皇建久四年冬十二月常陸人下妻弘幹謀

殺時政事覺賴朝捕而殺之

鑑東

土御門天皇正治元年春正月十三日征夷大將軍源

賴朝薨

百鍊抄

子賴家嗣畠山重忠受遺命輔衛焉帝以

賴家為左近衛中將紗領諸國守護夏四月十二日政

子令時政義時大江廣元三善康信中原親能三浦義

澄八田知家和田義盛止企能負安達盛長遠元梶原

景時藤原行政等綜理庶務不許賴家親聽訟時政以

外祖執權權勢翕然將士畏怖賴家日與小人遊處最

國史紀事本末

卷三十二

家遣使誚賴家曰故將軍薨僅踰半歲輒謀動兵是階

亂也景盛故將軍親臣未聞有罪彼果有罪我固將誅

之今無罪而殺之吾當先受箭賴家懼而止將士皆歎

賴家狂暴廣元謂衆曰昔鳥羽帝奪源仲宗妻流仲宗

於隱岐安在其無故事也二十日政子命景盛作誓書

持示賴家曰疇昔之事一何躁妄也況近日逸遊廢政

耽嗜聲伎民愁苦而不知人怨讟而不顧所親信皆枉

邪小人未聞禮一賢士且諸源親族止條外戚將軍之

所以待之者厚矣今廼不加禮直呼其名彼安得不怨

此而不悛將何以鎮海內冬十月賴家信景時讒將殺

小山朝光朝光遂與諸將連署訴之景時敗死東鑑

二年秋九月賴家遊海濱聞朝比名義秀善泅命試其技義秀游泳數回乍深沒不見衆驚恠須臾捕三鰲魚而出賴家大悅賞以鞍馬馬極駿阻義秀兄常盛嘗請之不得乃進曰義秀固習於水臣不及也至膂力則義秀不如臣請試角力然後賜馬勝者賴家笑而許之兄弟解衣相搏常盛殆不能支止條義時進救解之常盛裸體跨馬揮鞭馳去賴家大笑先是賴家遣使陸奥召芝田次郎不至遣宮城四郎討之是月與次郎戰破之冬十月賴家仕左衛門督叙從三位十一月帝敕賴家討近江賊栢原彌三郎賴家遣澁谷高重等往擊未至栢原敗走十二月賴家聞僧源性善數術召之將檢將士采地限五百町悉奪其餘給之新進聞者駭愕三善康信諫止之東鑑

國史紀事本末

卷三十二

三

建仁元年春二月三日城長茂聞賴家昏暴失衆作亂京師圍小山朝政東洞院第朝政適扈從行幸守兵禦却之長茂詣後鳥羽上皇宮請討賴家宣旨不許乃走吉野難髮二十二日賴家兵獲長茂於吉野斬之是月長茂甥資盛作亂越後城鳥坂北國兵攻之不利夏四月賴家命佐佐木盛綱擊之盛綱方在上野使者至遇

盛綱於門盛綱即跨馬而發兵士皆追及曰主君亦太躁率盛綱曰天慶中藤原忠文賜節刀討將門不還家而發武夫當如是馳至越後急攻鳥坂資盛力拒姑坂額驍勇善射盛綱兵多死信濃人藤澤清親繞出城後射中其股坂額僵廼擒之城兵驚潰資盛棄城遜時諸國稍多事而賴家盤樂無度最嗜蹴鞠憂無良師請之上皇東鑑上皇亦工蹴鞠刑部卿藤原宗長等上號曰蹴鞠長者春雲井秋八月十二日鎌倉大風鶴岡社廼廊八

國史紀事本末

卷三十二

四

銀裝刀是後蹴鞠連日不復聽政將士亦競演習北條泰時憂之密謂中野能成曰蹴鞠韻事為之固善顧今災異疊至人民饑困恐非遊嬉之時建久中先將軍嘗將遊海濱適有天變廼懼而不出命禱之神今日警懼當如此子罷臣也何不以此諷之能成不能從賴家聞之大怒冬十月僧觀清密報泰時曰主君怒甚宜稱病避之國泰時曰吾適欲往北條初非所以避怒怒若不解縱在國亦必獲罪矣廼示以旅裝遂赴北條先是伊豆大飢泰時貸穀窮民已而大風傷禾民不能償泰時憫之乃聚其民悉焚券與以酒及米民皆感泣時賴家

驕急不恤百姓而恭時留意民事人心益歸止條氏

東鑑

二年春正月十四日大炊介新田義重卒二十九日賴家將蹴鞠政子使人謂之曰新田入道源氏遺老卒未踰三旬不宜遊戲乃止初賴朝惡平知康躁妄遠之及賴家嗣以滑稽被寵夏六月政子觀蹴鞠於賴家第天新雨潦水未涸知康脫直舂漬而取之衆驚賞蹴鞠畢設宴知康乘醉侮弄將士政子惡之明日使人讓賴家曰法住寺之亂啓兵端者知康也彼又黨義經謀滅關東故先君奏奪其官今親寵之非所以體先志也賴家不從

東鑑

國史紀事本末

卷三十二

五

三年春正月二日賴家長子一幡謁鶴岡社神托人曰今歲關東有變嗣君不得龍職猶岸上之樹根既枯而人猶攀其枝也夏五月十九日賴家聞叔父僧全成懷異圖令武田信光擒之二十五日流之常陸六月朔賴家獵伊豆聞伊東崎山中有洞窟令和田胤長探其深淺胤長執炬而入遇一巨蛇殺之乃還三日賴家獵駿河富士山麓有洞穴世呼曰人穴賴家令仁田忠常探其深淺忠常率壯士四人執炬深入遇河流不能進一晝夜而還從士皆死宿老曰人穴踰為有靈人不敢入今乃如此得無神譴乎是月殺全成於下野秋七月殺

全成子賴全於京師賴家病甚卜之云神作祟八月政子度賴家不可起令之辭職授關西三十八國地頭於

弟千幡關東二十八國地頭及總守護於二幡一幡年六歲千幡十歲一幡外祖止企能負聞而憤怒九月朔賴家病劇鎌倉洶擾人竊相謂曰叔姪之爭將起矣二日能負密使其女若狹局謂賴家曰地頭之職不宜分而為二今叔姪並立安保無繫繫端一啓其禍叵測異日奪國家者必止條也賴家大驚占能負密議謀滅時政政子從障外聽之急報時政時政方還家使者追及告之時政駐馬沉思久之乃轉過大江廣元密謂之曰

國史紀事本末

卷三十三

六

能負驕驕凌轡將士世之所知也今衆將軍病欲矯命作亂為之奈何廣元曰僕之所詣者吏務耳安能知兵是在君矣時政乃還途謂天野遠景仁田忠常曰能負叛矣卿等往擊遠景曰殺一老翁何以兵為召而斬之耳時政還家召廣元廣元疑懼謂近臣曰今日若有急汝速斬我及至時政復密議遂托佛會召能負能負將往子弟諫曰彼不可信安知我密謀之不泄露請勿輒往縱往非設兵衛不可能負曰我而具兵適足駭衆人彼將待我而議事何必疑之廼往時政令遠景忠常伏戶內覘能負至突出執其兩手曳去斬之從者逃還告

變於是舉族據一幡第政子乃遣義時及小山朝政畠山重忠榛谷重朝三浦義村和田義盛加藤景廉等攻之能貞子三郎及四郎與能貞女婿笠原親景中山爲重糟屋有季等拒戰甚苦景廉等不利而退重忠延麾衆急進親景等不能支遂縱火自殺一幡亦死三日時政索捕能貞餘黨多殺之流其妻妾幼兒於安房僧源性収一幡骨於灰中赴高野山四日時政捕小笠原長經中野能成細野兵衛等牽島津忠久大隅薩摩日向守護皆能貞黨也五日賴家病少愈聞一幡死不勝悲憤密遣堀親家賜書義盛忠常令滅時政義盛以書示

國史紀事本末

卷三十二

七

時政時政令工藤行光殺親家賴家聞之益憤怒六日時政招忠常賞殺能貞功從者恠其久不出以爲事泄遇害還報第五郎六郎二人廼攻義時於政子第不克縱火自殺忠常適還家途聞變赴之爲加藤景廉所殺七日政子令賴家削髮十日政子與時政謀奉一幡請命於朝是爲實朝實朝遷時政家時政慮衆心危疑令將士曰采地一皆依舊十二日政子逐平知康及善鞠者行景十五日或告政子曰嗣君在遠州第牧氏詞色有異恐有他心何不迎而養之政子廼欲迎實朝時政不聽是月帝以實朝爲征夷大將軍叙從五位下時政

幽賴家於伊豆修禪寺冬十月三日政子遣武藏守平賀朝雅警衛京師朝雅時政女婿也二十七日時政令和田義盛諭武藏將士曰慎勿貳於北條氏十一月六日賴家遺書政子曰兒幽閉深山抑鬱無聊願得一二親臣復侍左右景盛兒所最惡願得而甘心焉政子不許遣三浦義村謂之曰爾後勿復通書義村還見政子具告幽囚之狀政子惘然

東鑑

元久元年夏五月先是平基度等起兵據伊賀伊勢是月平賀朝雅擊平之實朝命西國家人適番到京師隸朝雅東鑑朝雅權勢甚熾分脈秋七月時政將弑賴家賴

國史紀事本末

卷三十三

六

家矯捷不可近乃伺其浴刺殺之

愚管抄保曆間記

詐言病死

從士潛謀復讐義時令金窪行親等捕殺之冬十月政子爲實朝娶前大納言藤原信清女遣畠山重保等迎之重保重忠子也十一月重保與平賀朝雅飲忿爭相詈一座救解之朝雅妻北條氏即牧氏所生恃外家勢頗驕恣遂譖重忠父子於牧氏重忠亦娶時政女然非牧氏所生牧氏遂勸時政除重忠重忠雄猛爲衆所畏服時政素憚之遂謀殺之

東鑑

二年夏四月時政召稻毛重成於武藏重成重忠族人方坐事屏居鎌倉聞之驚恠近地將士皆來會時政誘

重成謀殺重忠、重成許之、重成亦時政女壻也、五月三日、實朝諭將士散還、六月二十日、重成詐招重保、重保至鎌倉、二十一日、時政召義時、時房議殺重忠、義時曰：「重忠事故、右大將以忠直見重、實受遺命保護嗣君、然能員之亂、屬我攻彼、豈非重大人耶？彼今何所怨而背我？我棄其舊功、一旦殺之、得無悔乎？」請驗問其虛實、然後徐畚之、時政默然、牧氏使久讓義時曰：「吾知重忠與畚勸遠州殺之、不得已也、而汝乃欲宥之、豈以吾繼母輕之、比我讒黨耶？」義時懼而從之、二十九日、時政遣兵擊重保、重保奮戰而死、適聞重忠來鎌倉、遣義時及葛西清重、足利義氏、小山朝政、三浦義村、宇都宮賴綱、八田知重、安達景盛、和田義盛等逆拒、分道而進、遇重忠於武藏二股川、重忠兵僅百三十四騎、望見諸將兵陣、鶴峰麓、始聞重保死、榛澤成清曰：「大兵奄至、不知其幾千萬也、請馳還據菅屋、」重忠曰：「吾兒既死、何所顧慮？我不欲効梟梟原景時之遜逃、敗死也、」景盛挺身進擊、重忠望見曰：「此吾舊友也、」顧子重秀迎戰、自午至申、苦戰未解、重忠殺傷甚衆、愛甲李隆射中重忠、重忠遂見殺、重秀及從兵悉自殺、二十三日、義時等還鎌倉、時政問戰狀、義時曰：「重忠族人皆不來會、兵僅百餘、此豈欲叛者

我一旦遭讒而死、冤酷極矣、兒不忍見其頭、」時政默然、三浦義村給榛谷重朝父子殺之、時政恐重成爲後患、使人殺之、東經以重忠寡婦妻足利義純、悉授重忠食邑、義純遂冒畠山氏、畠山系圖秋閏七月、牧氏謀廢實朝、以朝雅爲將軍、謀泄、十九日、政子遣小山宗政、三浦義村等迎實朝於時政第八、義時第、兵士皆去、屬實朝、時政窘、盛削髮、二十日、政子幽時政於北條、令義時代之執權、遣使命京師、兵士誅朝雅、二十六日、朝雅侍上皇圍棋、役者來告、變朝雅從容畢局、奏曰：「關東兵來擊、臣無所逃死、請辭、」乃還東洞院第、後藤基清等進攻朝雅、戰敗、逃走、追兵射殺之、八月七日、鎌倉流言、宇都宮賴綱叛、義時命小山朝政擊之、朝政曰：「僕與彼有姻、不欲往擊、請命他人、」彼若來犯、敢不力拒、十一日、朝政諭賴綱、遣書義時、自明無他、事乃解、十二月、政子以賴家子善哉爲鶴岡別當、尊曉弟子、是爲僧公曉、東經順德天皇建保元年春二月、信濃人衆親衛謀奉賴家次子千壽丸、滅北條氏、事覺、十六日、義時悉捕其黨與、和田義盛子義直、義重姪胤長亦與焉、親衛逃亡、三月二日、義時聞親衛匿建橋、遣工藤十郎往捕之、親衛斬十郎逸去、八日、義盛叙已戰功、請宥二子、實朝許之、義

盛大悅九日義盛帥同族九十餘人詣幕府請宥胤長義時以義盛宿將欲沮激之令廣元謂之曰胤長首謀也奈何宥之乃縛胤長過義盛等座而出義盛憤愧稱疾不出潛謀滅北條氏十七日政子流胤長於陸奥十九日實朝聚衆守庚申會義盛妻黨橫山時兼帥甲士五十餘人至義盛第妻黨橫山系番實朝聞之驚而罷胤長第隣接幕府將士多欲得之二十五日義盛因寵姬五條局請曰故將軍時沒收之地必賜之族人臣願得胤長第實朝許之義盛大悅遣衆守之夏四月二日義時奪胤長第使入逐義盛家衆義盛益不能堪子朝盛驍國史紀事本末 卷三十一 十一

壯好和歌為實朝所親寵及義盛謀舉兵意甚憂懼欲為僧避世廼往謁實朝實朝方會衆賦和歌朝盛獻一篇實朝稱善賞以地頭職十五日朝盛薙髮出奔留書於家曰大人之謀不得中止兒既不忍背主君又不忍抗大人所以逃也義盛大駭令義直追之及於駿河乃携之還二十四日義盛逐僧尊道時人謂逐之詐也實朝捷大神宮二十七日實朝遣兵衛尉公氏驗問義盛曰臣事先將軍受其重恩薨後未歷二十歲而恩禮頓衰所請不獲所以愧而不出也豈有他心哉時古郡保忠等在座點檢兵器公氏還報義時會將士謂之曰義

盛果叛特未擇甲耳廼令刑部丞忠季往諭曰卿慎勿生事義盛曰臣豈敢怨上哉但義時驕橫凌人子弟輩不能堪欲起兵問罪臣屢止之而彼不從臣不得不從也義盛諸子皆有勇而朝比奈義秀最鷙猛有異力二十八日實朝祈弭亂於鶴岡社義時子朝時獲罪實朝屏居駿河義時召還之五月二日義盛將舉兵或報之廣元廣元方與客飲乃起赴幕府三浦義村及弟胤義初黨義盛已而相議曰自景祖為繼屬八幡殿征陸奥世世受源氏厚恩今日奈何抗君乃往報義時義時方圍棋徐起更衣赴幕府初義時慮義盛衆未聚不設防

備繇此幕府守兵甚寡乃令政子及實朝妻避於鶴岡義盛遂與七子常盛朝盛義秀義直義重義信秀盛及土屋義清古郡保忠遊谷高重中山行重土肥惟平岡崎實忠梶原朝景景衡景盛景氏大庭景兼等分兵為三攻幕府南門及義時廣元第義時兵拒戰多死廣元客未散乃出拒衆知二人不在齊追圍幕府會日暮波多野忠綱先衆拒戰泰時朝時與豆利義氏等俱出拒義秀排門直入守兵驚靡適幕府失火實朝避之法華堂義時廣元從焉兩軍大戰義秀挺身衝突猛氣咆勃殺傷無算府兵望見皆竄避義盛甥重茂獨屬實朝搏

義盛墜馬遂被殺朝時盤刀進擊被創而退義氏遇義秀於政所橋義秀進捉其鎧袖義氏躍馬踰塹袖斷而馬不僵義秀馬疲轉轡渡橋一人遮擊義秀殺之義氏脫去義秀進至若宮巷遇武田信光將戰子信忠馳進敵父義秀感而棄去義盛等終夜力攻勢甚銳士卒無不一以當十呼聲震天府兵奔氣泰時獨奮厲不撓督衆血戰天將曉義盛兵稍疲退陣前濱泰時乃進守下馬橋分兵斷義威糧道義盛大困三日橫山時兼帥衆來援義盛兵復振府兵追擊不利而退曾我中村二宮河村諸族聞變來聚陣稻村崎實朝召之未應乃遣波

國史紀事本末

卷三十二

十三

多野朝定齋書往諭諸族悉至千葉成胤亦帥衆來會實朝遣使召近國將士義盛再進薄幕府府兵扼守諸巷拒戰移時鎮西人小物資政銜義威陣爲義秀所殺日光山別當辨覺帥弟子與中山行重戰却之長尾江九年十三從兄景茂拒義清義清愛其勇不敢發矢義秀遂與保忠義清聯轡突擊府兵屢却泰時告急實朝實朝大驚令廣元作文祈捷鶴岡社義清適中流矢而死義直亦戰死義盛聞之悲慟不自勝江戶能範兵擊斬之義重義信秀威皆戰死義秀帥殘兵五百航海走安房常威朝盛惟平實忠保忠時兼皆脫走餘黨悉潰

四日追兵斬常盛保忠來獻實朝從法華堂還政子弟召將士論功波多野忠綱與義村爭先登不決乃問之衆衆曰探赤甲騎筆毛馬者實先登矣即忠綱也六日擒岡崎實忠斬之七日第功行賞實朝惡忠綱無禮不賞賞其子經朝泰時辭賞曰義盛非敢怨上徒欲滅臣父耳臣自救父何以賞爲九日遣使斬胤長於陸奥畠山和田二族既滅將士益畏義時義時威權日熾秋九月十九日日光山別當辨覺報曰畠山重忠季子重慶匿山麓謀舉兵適長沼宗政在座實朝令宗政往捕宗政不還家而發二十六日宗政斬重慶來獻實朝怒使人讓曰重忠究死吾所深憫孤兒爲僧彼何能爲吾之遣汝欲捕而詰問耳何乃殺之宗政瞋目曰重慶反形既露何須擒之擒之固易願臣以之來將軍必用婦言宥之此臣之所以斬首來獻也先將軍嘗欲賞臣功臣請賜墓目箭備海道十五國奸民先將軍許之其重武備如此今則不然所嗜者和歌蹴鞠所親寵者婦人廢武事而耽將士沒收之地不授之功臣而賜之嬖寵榛谷成朝邑賜之五條局中山重政邑賜之下總局臣不知其可也實朝讓之屏居初賴朝好和歌至實朝尤好之以藤原定家爲師定家奉勅撰新古今集採賴朝和

國史紀事本末

卷三十二

十四

歌實朝聞之大悅，托京師人寫之。東京師歌人好聽子規，夏月或往郊外待之。北實朝慕之，嘗夏月遲明至

永福寺，傾耳移時，其優柔如此。東

二年冬十一月，義盛餘黨聚京師，謀奉僧榮實舉兵，事

覺，實朝兵士攻之一條，榮實自殺，餘黨散走，榮實即十

壽丸也。東鑑、榮實名、稱尊卑分脉

四年夏六月，實朝任中納言，秋七月，兼左近衛中將，時

實朝憂義時專恣而不能制，九月，義時令廣元諫，實朝

曰：「先將軍每進官爵，必固辭之，其為子孫慮亦深矣。今

將軍年少，輒躋顯官，得無盛滿之懼耶？」實朝曰：「誠然，但

國史紀事本末 卷三十二

十五

源氏危盛，極於今日，子孫豈復有承繼者乎？吾當身極

榮顯，以為我家光華耳，其姑息如此。東鑑

五年夏四月，初，宋佛工陳和卿在京師，賴朝營東大寺

令和卿造佛像，及朝京師，欲召見之，和卿辭而不見，其

後和卿來鎌倉，請曰：「昔辭先將軍召者，以其多殺也。今

將軍名僧後身，願得拜謁。」實朝召見之，和卿泣曰：「將軍

前身為宋育王山長老，和卿嘗列門第，所以來謁也。實

朝嘗夢一僧告其前身，與和卿言相符。」實朝大悅，欲往

宋見其地，令和卿造巨船，定從行六十餘人，義時等諫

之不聽，是月船成，試之由比浦，以船膠沙不可撼而止。

六月，實朝以甥公曉為鶴岡別當，公曉常憤父之廢黜，遇害，欲殺實朝，義時復讐，既補別當，不肯祝髮，稱有宿

願，限一千日，祈鶴岡社。東鑑

六年春正月二十一日，實朝任權大納言，二月四日，政

子遊京師，時房從焉，十日，實朝遣使京師，請任左大將，

三月，帝欲用賴朝故事，以實朝為右大將，使者固請左

大將，帝許之，六日，實朝任左近衛大將，夏四月，政子叙

從三位上皇，欲召見，政子辭曰：「邊鄙老尼，何敢咫尺，龍

顏乃促駕東歸，六月上，上皇遣使鎌倉，賜實朝檳榔車半

部車，九錫彫弓，衣服及隨身衣服馬鞍，冬十月十日，實

國史紀事本末 卷三十二

十六

朝任內大臣，十三日，政子叙從二位，十二月二日，實朝

任右大臣，五日，公曉遣使伊勢，奉幣大神宮，聞者恠之

東鑑

承久元年春正月，實朝將行，拜賀禮於鶴岡社，以二十

七日戌刻為期，廣元曰：「暮夜非無虞，宜用吉日。」源仲章

曰：「故事必用昏夜。」承久將出，廣元進曰：「臣生平未嘗隕

涕，而今日進謁，不覺淚下，不祥甚矣。」故將軍慶東大寺

表甲倫變，且罷其故事，仲章曰：「安有大臣大將而表甲

者？」實朝從之，武田信光等十人擐甲扈衛，既至南門，下

車，誤折劔欄，入以為凶徵，義時執劔而從，稱疾作授劔。

仲章而退。實朝禮畢，將下階，側有人從閣中斬實朝并殺仲章，逃去。衛從聞變，馳進，信光挺身先衆而莫知賊所在。上宮有人呼曰：「別當公曉復父讐。」衆始知其所為，追圍雪下坊舍。僧徒拒闕，衆擊走之。公曉不在，衆相視失色。時公曉提實朝頭走，備中阿閭梨家飢而食，頭猶在手。三浦義村子駒若公曉弟子也，公曉遣使謂義村曰：「今閭職有闕，吾當補之。卿為我善計。」義村聞變，驚悲，紹曰：「請先入我家，當遣兵迎之。」乃急報義時。義時命義村往擊衆，憚公曉曉捷，義村令長尾定景帥壯士赴之。公曉待義村不至，乃踰鶴岡赴其家，遇定景於途。定景

國史紀事本末

卷三十二

十七

遂殺之。賴朝之胤絕矣。二十八日葬實朝於勝長壽院。將士悲慕，雉髮者百餘人。初，實朝臨出，令旁人梳髮，自拔鬢毛授之，曰：「此吾遺物也。」及葬，求其頭不獲，乃以其髮代之。二月，義時以政子意與諸將連名，請擇皇子為將軍。後鳥羽上皇不許。左大臣藤原道家賴朝姻親，義時乃請迎其子賴經為主帥。秋七月，賴經至鎌倉。年僅二歲。政子聽斷將府庶務。東鑑天下稱曰「尼將軍」。公武榮枯物語自賴朝薨，居鎌倉四十一年，而權柄悉歸北條氏矣。

國史紀事本末卷之三十二終

國史紀事本末卷之三十三

從六位前大學校中博士常陸青山延光 編次

承久之變

後鳥羽天皇建久九年春正月帝立皇子爲仁爲皇太子即日傳位是爲土御門天皇海王上皇素惡征夷大將軍源賴朝秉兵權制朝廷然力不能制保曆賴朝妹夫藤原能保以女妻攝政良經子道家道家女適內大臣藤原實宗子公經繇此搢紳多爲賴朝耳目後白河宮人高階榮子尢媚附賴朝上皇益惡之欲遜位愚管抄之賴朝賴朝屢陳不可上皇不聽遂傳位皇太子然機

國史紀事本末

卷三十三

三

務一如在位增是秋賴朝欲納女於上皇宮女病死又

欲攜李女朝京師納之宮愚管抄

土御門天皇正治元年春正月賴朝薨子賴家嗣東鑑

建仁三年賴家以病辭職弟實朝嗣東鑑

承元四年冬十一月帝讓位皇太弟是爲順德天皇百鍊抄

抄

順德天皇承久元年春正月征夷大將軍右大臣兼左近衛大將源實朝爲從子公曉所殺報至京師都下駭擾兵士競聚後鳥羽上皇敕禁之東鑑先是上皇謀滅源氏建最勝四天王院於三條白河咒詛實朝又累授顯

官欲驕而斃之至是實朝遇害公曉亦被殺賴朝之胤絕矣承久二月實朝母北條政子遣使京師東鑑請曰鑑

倉將士數百一旦無主安保其不携離願擇上皇皇子

雅成賴仁兩親王爲主帥以鎮之上皇以爲兄踐大位

弟補閭職是啓爭端也不許乃敕曰苟非皇胤則關白

攝政之子尔唯汝所請愚管抄承久東鑑政子及北條義時

與權大納言藤原公經謀請以左大臣藤原道家子賴

經爲主帥上皇許之東鑑先是上皇許公經近衛大將已

而大將關太政大臣賴實舉子師經上皇不得已遣使

諭旨公經公經怨望曰臣不欲復立朝臣姻戚有源實

國史紀事本末

卷三十三

三

朝臣當難洊謝世往而依之中使還報上皇怒停朝參

實朝故之獲解至是以外孫襲實朝後愚管抄義時遣妻

兄伊賀光季警衛京師賴朝弟全成子阿野時元聞實

朝死起兵駿河矯宣旨管領東國義時遣金窪行親攻

殺之夏六月義時遣時房帥兵一千迎賴經秋七月至

鎌倉年僅二歲政出政子東鑑太內守護源賴茂聞實朝

死謀舉兵事覺上皇遣兵攻之昭陽舍賴茂逃入仁壽

殿縱火自殺於是源氏略盡東鑑承久上皇謂威權當復

歸王室而義時擁異姓幼穉驅駕將士承久又與公經

相結竊弄朝政上皇惡之參取增鏡一日幸熊野信濃

人仁科盛遠携兒拜神上皇見其兒愛之擢爲西面盛
遠感喜竟留京師義時聞之曰彼關東家人安得恣侍
上皇乃収其食邑上皇諭義時復色義時不奉詔上皇
又嬖白拍子龜菊自製歌曲教之自製已下賜以攝津
長江倉橋二莊地頭侮慢之上皇敕義時停地頭義時
曰地頭之職古所未有朝廷以此賞故右大將右大將
以此賞百戰之士臣何敢奪之承久上皇忿然以爲今
源氏既滅義時何爲者跋扈乃爾遂欲誅之保曆日夜
講習武事增親燂刀劍賜之武人承久上皇素有膂力
嘗聞今津有盜遣西面捕之盜多力不能捕上皇駕船

國史紀事本末

卷三十三

主

往觀舉權指麾盜乃就縛上皇恠問盜曰囚見大家執
權如揮扇殆非人力所以服也上皇頗自負古今著西
面上皇之所置以配北面也嘗命鑣倉貢勇士十人又
好相撲徵力士於鑣倉鑣倉貢大竹家任上皇擢爲西
面時人驚恠承久

記

九條廢帝承久三年夏四月上皇與帝專議東征使帝
讓位皇太子是爲九條廢帝神皇正統記時年四歲百鍊左
大臣藤原道家攝政公卿於是有三上皇稱後鳥羽曰
一院土御門曰中院順德曰新院土御門上皇獨以爲
關東未可伐乃以時未至諫之保曆權中納言藤原光

親亦諫之書數十上皆不聽東時檢非違使三浦胤義
番直京師過期不還後鳥羽上皇命能登守藤原秀康
探其情秀康夜密招胤義置酒從容問曰卿何爲淹滯
不還胤義曰僕妻故右大將親臣一品坊昌寬女也嘗
侍故左衛門督生年壽丸而爲義時所害妻常切齒於
義時故僕留而不還耳秀康曰義時上皇之所甚惡彼
可誅乎胤義奮曰天子欲誅之何所不可詔旨一下海
內皆應僕兄義村膽略絕人若許以總追捕使則必不
肯辭僕爾當遣書勸誘秀康入奏上皇之意遂決五月
託鳥羽城南寺流鏑馬徵大和山城近江丹波美濃尾

國史紀事本末

卷三十三

四

張伊賀伊勢攝津河內和泉紀伊丹後但馬十四國兵
來會者一千七百人上皇大悅公卿亦皆奮躍公卿以
間上皇欲先殺公經內大臣藤原公繼諫曰彼非武人
何必殺之且今日之舉臣未見其可也後白河上皇之
討義仲不命之賴朝而命輕佻麤妄之知康故王師一
敗不能支此輕舉之禍也大抵海內地勢東國幅員最
廣故海內之兵亦東國最盛陛下欲伐之奈衆寡不敵
何上皇乃召公經及子實氏令其妻弟僧尊長幽之馬
場殿公經潛遣人報伊賀光季曰禍亂將起卿勿應上
皇上皇召胤義曰伊賀光季大江親廣在京如之何胤

義曰親廣召輒來光季與義時連姻必不來矣請併召而誅不來者上皇從之十四日遣使召二人親廣即以五十騎至上皇問曰汝屬義時乎屬官軍乎速決去就親廣惶遽請屬官軍即命獻誓書光季報曰都下釋騷臣未知何故且臣關東代官陛下宜具告臣而今使召臣臣何敢往上皇再召之不聽乃命秀康胤義親廣及佐佐木廣綱佐佐木高重等誅之會幕未發光季從士勸光季東走光季曰上皇欲滅鑑倉寧不斷道路乎吾必死於此衆皆逃亡留者僅二十七人光季命子光綱逃去不聽乃夜招白拍子歌舞悉散財貨與之十五日

國史紀事本末

卷三十三

五

諸將攻光季光季開門拒戰彎弓射胤義不中中其弓光綱望見高重曰前日約為父子賜我以箭請今還之乃射中鎧不入高重憫之而退光季左右盡死乃縱火刺殺光綱剗腹而死諸將還奏上皇大悅將行賞胤義曰鑑一小敵何以賞為請待賊平上皇問曰關東武夫從義時者有幾胤義曰不過一千人兒玉家定曰判官誤矣壽永以降將士多受義時恩欲同死生者不下一萬如家定者若在關東固將從之上皇不憚乃召諸寺僧徒興福寺僧議曰本寺嘗為平氏所焚而鑑倉右大將實營造之此恩不可忘故源平而交戰本寺所援在

白旗然今日之事天子之命也奈何不應乃使寡兵勤王延曆寺及熊野僧徒亦至承久上皇遣使但馬召法橋昌明昌明以勇聞嘗獲源行家者也詔使至昌明即殺之但馬將士欲勤王者進攻之昌明敗走上皇救光親下院宣於五畿七道聲義時罪東鑑遣善走者推松於鑑倉賜院宣於義村及武田小笠原千葉小山宇都宮葛西諸族募以厚賞胤義亦遣使誘諭義村承久十九日推松至鑑倉義村逐胤義使以其書示義時承久義時曰吾命在卿手義村曰僕若有貳群神必殛之義時曰卿能然乎吾夙知有此事殊恠其遲緩耳推松度

國史紀事本末

卷三十三

六

已在鑑倉矣乃索之獲於葛西谷奪院宣燒之承久見政子告故政子乃召諸將使安達景盛傳命曰故右大將掃滅平氏鎮撫關東關東將士孰不被其澤昔者海內武夫番直京師以三年為期方其往也傾貲營辦及其還也資財匱乏簞笠徒跣右大將憫之以六月為期武夫賴以蘓息其優恤如此卿等今日何不斬秀康胤義以報舊恩如有欲應院宣者決之今日諸將咸曰必死報參取承久義時乃會議於家義村景盛請據足柄箱根待官軍大江廣元曰衆心不一則據險曠日適足以取敗今日之策委成敗於天鼓行而西耳義村告

之政子政子曰今不發兵何以能克宜待武藏兵上途乃徵兵諸國二十一日義時以異論紛起再議之廣元曰今待武藏兵故異論復起若遲疑不決雖武藏兵安保不叛今夜武州宜單騎上途衆必爭奮如雲從龍也政子召三善康信問之康信曰關東安危在此一舉經日不發何緩也請速發義時曰二老之議暗合吾意決矣遂擬鑰倉反東鑑泰時諫曰普天之下莫非王土我雖無罪豈可抗天子請束手乞降萬一免死則晦迹山林義時曰汝言是也藉令明君在上國家治安固當如是今則不然朝政不綱諸國憂苦號爲無事者惟關東耳

國史紀事本末 卷三十三

七

朝廷果滅關東關東亦從而亂故吾之舉兵不過欲爲天下除患耳外國固有故事周武漢高是也然彼皆取天下我則不然誅一二讒臣別立皇孫以安天下耳明惠傳遂部署諸將遣時房泰時義村帥十萬餘人自東海道武田信光小笠原長清小山朝長等帥五萬餘人自東山道北條朝時結城朝光佐佐木信實等帥四萬餘人自北陸道並進犯京師二十二日泰時以親兵十八騎先發諸將繼發廣元康信等以耆宿留守鑰倉東鑑泰時單騎馳還義時驚問泰時曰號令部署兇既聞命矣萬一六軍親征將奈之何義時默思久之曰天威不可

抗宜脫胄斷弦委身下吏如遇諸將鏖戰無遺矣增鑑二十六日泰時至遠江手越信濃人春日貞幸會之檢非違使藤原秀澄自美濃告急二十七日義時放還推松令還奏曰臣有功無罪以讒見討臣將何言聞陛下好戰臣令子弟帥十九萬人西上陛下試觀其戰意猶未厭則臣請以二十萬人繼之承記二十九日參議藤原信成將河勾家賢以六十餘人據越後願文山與佐佐木信實戰而敗家賢腰瀧口季方之後也東鑑晦時房至遠江橋本候騎報曰有兵士十九人入高志山時房令內田四郎追之及於音羽河遣人問名兵士曰吾下

國史紀事本末 卷三十三

八

總前司盛綱族人免井高重也適在關東聞變還京耳請與決死乃馳入民家蔽牆雨矢賊多死傷矢盡乃相刺而死承久記六月朔推松還京師謁上皇於賀陽院公卿問曰誰斬送義時頭者推松鯁咽不能言公卿皆笑推松收淚曰臣爲義時所捕僅脫虎口而還比發鑰倉東兵既發山陸二道則臣不知海道則彌望皆人馬旗旌蓋不下百萬也一坐失色上皇徐曰寧無誅義時者乎乃議守戰諸將或欲守宇治勢多或欲扼尾張河上皇曰尾張河不守然後扼宇治勢多未暮也乃分兵赴尾張河河有九津檢非違使大內惟信左衛門尉筑

後有長糟屋久季等帥二千餘人守大炊渡、藏人神地賴經等帥一千餘人守鷺沼、判官代朝日賴時、海泉太郎等帥一千餘人守板橋、判官代土岐次郎左衛門尉關某等帥一千餘人守池瀨、秀康胤義及前下總守中條盛綱等帥一萬餘人守大豆渡、阿波太郎左衛門尉山田某等帥五百餘人守食渡、判官代長瀬某等帥五百餘人守裨島、秀澄及山田重忠等帥一千餘人守洲股、前伊勢守加藤光貞帥五百餘人守市河、別遣宮崎定範、糟屋有久、仁科盛遠等於越中、扼北陸道。承久五日時房泰時至尾張一宮、時房進犯洲股、泰時義村犯

國史紀事本末

卷三十三

九

大豆渡、遣毛利季光犯鷺沼、足利義氏犯池瀨、狩野入道犯板橋、山道賊亦至、武田信光、小笠原長清逼大炊渡。東鑑上皇賜院宣於信光、長清諭降之、信光殺詔使、初信光發信濃、方遇凶且衆止之、信光曰：「戰以死爲期，十死一生，吾以爲吉。」乃發。是日呼子信政，命以先登。信政督衆而濟，官軍雨射，賊多死。信光厲信政曰：「汝若旋轡，吾斬汝矣。」信政既濟，長清繼進，後軍雲擁而濟。惟信等遂敗，諸將在下流者，見西岸流屍，以爲官軍破賊，俄而敗。問至鷺沼，官軍往援，亦敗。美濃蜂屋冠者死之。八田知尚却走，爲武田信隆所追，盛知尚轉馬挺賜刀，斷武

光馬首，得間逸去。大竹家任還戰而死。大妻太郎被重創，謂旁人曰：「吾創重，將入林中自殺。」請報敗。大豆渡，旁人馳報之。胤義盛綱將往援，秀康曰：「吾今不退，歸路無乃斷乎？」上皇有命，尾張河失利，則退守宇治，勢多，吾不敢違。乃先逃。胤義憤怒，不得已而退。六日，泰時濟大豆渡，官軍皆已逃，乃綴兵窮追，及於美濃筵田。參河人足助重成等戰死。參河已下，早分勝山田重忠奮曰：「吾等不發一矢而退，歸路亦不一血戰。」上皇有問，將何以答？乃以殘兵九十餘騎陣株瀨河西，賊來擊，重忠兵多善射，簪不虛發。賊後軍奄至，重忠却走。伊佐行政急追之，重忠馬

國史紀事本末

卷三十三

十

躡墜溝中，行政搏之，重忠兵扶重忠上馬，行政擊其胃，纓乍斷，乃得逸去。至小關，縛旗於樹，爲疑兵而去。承久右衛門尉鏡久綱書姓名於旗，留而奮戰，歎曰：「吾悔從懦夫秀康，遂自殺。」洲股市河官軍皆潰。七日，時房泰時陣野上，垂井二驛議軍事。義村曰：「北陸兵未至，請分兵自東路。」於是時房自勢多，泰時自宇治，景盛信光自手上，季光自芋洗，朝光義村自淀。東鑑義村子泰村謂父曰：「兒嚮與京兆約，軍中必與武州同死生，請踐其言。」乃屬泰時。承久八日，秀康等還京奏狀，舉朝駭愕。上皇戎衣與土御門順德二上皇御馬，幸延曆寺，雅成賴仁兩親

王皆從路過法印尊長宅議戰守帝駕婦人輿奉神器
出宮與三上皇留西坂本梶井御所北條朝時至越
中宮崎定範叱市降淨土扼蒲原之險植柵斷路列弩
山上以待朝時夜縛炬牛角驅之而進官軍以為賊弩
發牛斃賊從後破柵而進官軍不能遏定範走會仁科
盛遠守礪波山糟屋有久帥加賀越中豪族林富樫野
尾守志雄皆為賊所破承久盛遠有久死之仁科系國
林石黑降北陸道陷矣是日雷震義時家有死者義時
大懼占廣元曰兇輩方犯京師而有此災異得非命窮
乎廣元曰成敗在天何必畏縮右大將陸奥之後雷震

國史紀事本末

卷三十三

十一

其營而軍有功以此推之安知非吉兆義時乃安九日
上皇欲御延曆寺僧徒辭曰東兵猛銳非緇徒之所能
禦也東鑑尊長以公經父子至行在屢目公經欲殺之實
氏以身蔽之乃止承久十日上皇與帝及二上皇還賀
陽院釋公經父子東鑑公卿建議分遣諸將控扼衝要十
二日遣山田重忠及延曆寺僧兵二千餘人於勢多秀
康胤義親廣高重盛綱等一萬餘人於食渡前權中納
言源有雅參議藤原範茂右衛門佐藤原朝俊佐佐木
廣綱及熊野奈良僧兵一萬餘人於宇治橋長瀬其左
衛門足立親長五百餘人於牧島參議藤原信能僧尊

長一千餘人於芋洗大納言藤原忠信一千餘人於河
河野通信五百餘人於廣瀬承久十三日賊分路
入寇時房至勢多官軍撤檣叢射承久賊不能進驍
賊數人緣架而進僧兵退重忠怒讓之僧徒曰非敢退
也誘之也乃還戰殲之官軍飛矢雨下賊兵熊谷直家
謂衆曰戰未可克何不憊息乃卧地避矢天方雨重忠
擁傘麾衆賊將宇都宮賴業射之殆中乃撤傘延曆寺
僧觀源方守水尾坂乘舟來救中流射賊軍時房収衆
而退承久泰時進陣栗子山足利義氏三浦泰村
不告而發逼宇治橋官軍矢石亂發賊多死乃退屯平

國史紀事本末

卷三十三

十二

等院遣使報泰時曰僕欲待明日而進會壯士競進挑
戰死傷甚衆泰時大驚將進東鑑適暴雨如注鎧馬濡濕
賊皆沮縮相謂曰以臣抗君天譴乃爾泰時冒雨徑進
賊不得已而從之承久夜逼宇治橋官軍奮擊破之泰
時退據平等院賊壞其寶庫盜藤原氏攝錄寶器承久
抄十四日泰時占芝田兼義曰吾不濟河何以能克
卿爲我探淺處兼義沒水試之還報曰牧島可濟於是
春日貞幸佐佐木信綱等與兼義爭先而濟官軍叢鎗
射之河流暴漲水勢驟急賊中矢溺沒者八百餘貞幸
亦溺從兵救之泰時手炙之得蘇信綱達中島顧後軍

皆溺、使子重綱還乞援、泰時呼子時氏曰、吾兵將挫、此大將致命之秋也、汝速濟、時氏以六騎濟、泰村繼之、泰時進馬將濟、貞幸攬轡止之曰、甲者皆溺、何不釋甲、泰時從之、貞幸牽馬而去、泰時不得濟、信綱兼義與時氏俱濟、官軍引絙水底、信綱挺刀斷之、義氏以筏濟、泰時亦壞民家縛筏而濟、賊遂登岸、勢甚銳、官軍敗績、有雅範茂等遁逃、獨八田知尚、佐佐木氏綱、萩野成時等奉朝俊苦拒、東鑑朝俊錦袍白馬、自呼其名曰、吾嚮奏上皇、戰捷則被矢還奏、不捷則死、吾將踐言、乃擣陣而死、承久知尚氏綱成時、爾皆戰死、賊繞出官軍後、縱火

國史紀事本末 卷三十三

十三

宇治民家、烟燄熒怒、官軍狼狽潰走、東鑑死者無算、食渡廣瀨、牧島諸營、望烟皆潰、無復隻騎矣、承久迄半洗諸將與季光義村戰敗走、秀康胤義拒時、房於勢多、苦戰終日、至夜敗走、佐佐木高重拒追兵於關寺、死之、泰時陣深草河原、公經遣使迎之、泰時遣人護其家、東鑑十五日秀康胤義重忠還京師、上皇命闔宮門、使人謂衆曰、卿等自此去、重忠怒、敲門呼曰、懦主使我徒死、乃走嵯峨山、爲賊所追及、子重綱禦戰、重忠自殺、重綱被捕、胤義走據東寺、族人佐原氏來攻、胤義避而不擊、佐原景吉以二十騎急進、胤義怒曰、汝同族也、何乃無禮、命太

郎及胤連迎擊破之、安房人安西金鞠兵繼進、胤義潰圍而逃、胤連與父相失、惟高井時義從、乃交刺而死、胤義從騎盡死、獨與太郎走東山、其妻子在太秦、欲往見之、前路既梗、乃潛匿叢祠中、待日暮、家衆爲僧者適至、謂之曰、前後皆敵、如之何、太郎自殺、胤義謂僧曰、汝持吾父子頭視吾妻、然後致之、吾兄謂親屬、職亡家、兄獨存、真可慶也、言畢自刎、僧如其言、義村送之、泰時、承久泰時長驅入京師、至樋口河原、東鑑上皇不知所出、乃復義時官爵、奪還追討院宣、百鍊抄遣使賜院宣於泰時曰、啓兵端者謀臣也、非朕也、卿有所請、朕當從之、卿亦嚴

國史紀事本末 卷三十三

十四

戰兵士、勿肆掠、輦下、泰時下拜不答、入六波羅第、賊兵填咽都下、縱火數處、都人皆趣逃、賊搜索殘兵、所在擒殺、僵尸塞路、遂剽掠神祠佛寺、七字據上皇聞、百鍊抄上皇遷賀茂、貴布禰、十六日泰時聞、佐佐木經高匿鷺尾、遣使曰、卿勿死、吾當力救、經高自殺、東鑑攝政道家遣使泰時、請還寶器、十九日上皇自賀陽院遷四辻殿、二上皇還京師、土御門上鑑下院宣討藤原秀康等、百鍊抄判官代錦織義經、規六波羅爲賊所擒、東鑑二十日帝還開院、北條朝時入京師、百鍊抄神地賴經爲賊所獲、藏人多田基綱被殺、二十三日賊捷問至、鎌倉大江廣元援文

治中平氏黨與例、當公卿以下死、二十四日上皇收前
權中納言藤原光親源有雅、藤原宗行參議、藤原範茂
送於六波羅、二十五日收權大納言藤原忠信參議、藤
原信能送之、泰時二十八日泰時命伊豫將士擊河野
通信、尋擒之、流於陸奥、尋以下義時令泰時殺諸公卿
於京師、秋七月朔泰時不欲殺三位已上於京師、使將
士送之關東、二日泰時殺後藤基清平有範佐佐木廣
綱、大江能範皆上皇西面也、五日殺藤原信能於美濃
東鑑六日時氏圍四辻殿、遷上皇於鳥羽殿、上皇使姬妾
先出、時氏疑之、以弓撥車簾驗視、八日泰時逼上皇薨
國史紀事本末 卷三十三 十五
髮受戒、承久九日帝遜位於九條院、百鍊抄委棄神器
於閑院、在位僅七十餘日、神皇正統記高倉皇子守貞親王
子二宮踐阼於閑院、是為後堀河天皇、百鍊抄十二日
泰時殺藤原光親於駿河、尋得其諫書於法皇宮、大悔
之、十三日泰時遷上皇於隱岐、縱侍女數人及施藥院
使長成、左衛門尉能茂從之、十四日殺藤原宗行於駿
河、十八日殺藤原範茂於相摸、二十日遷順德上皇於
佐渡、二十四日流雅成親王於但馬、令僧昌明監之、二
十五日流賴仁親王於備前、二十九日殺源有雅於甲
斐、八月朔政子遣使宥藤原忠信、忠信還自遠江、以女

弟嘗適實朝也、東鑑義時令泰時時房留居六波羅、警衛
京師、泰時居北方、時房居南方、而六波羅始於此、將軍
第初時房間秀康秀澄匿奈良遣入索捕興福寺僧以
為盜、圍而殲之、時房怒遣兵往攻、僧徒謝曰、願捕二人
自贖、時房許之、冬十月二日僧徒捕秀康家宰送之六
日捕秀康秀澄於河內、秀康自殺、僧尊長亦被捕自殺、
東鑑二人自殺、據尊卑分脈義時以土御門上皇不預軍事、不敢議
遷幸、上皇不忍獨留、使攝政道家諭旨、義時、增鏡承
月十日義時請上皇遷土佐、尋遷阿波、東鑑泰時一日見
柵尾僧高辨、高辨謂曰、吾國百代一姓、皇祚尊嚴、四海
孰敢背者、今君乃以一家之故、破官軍、陷皇城、廢天子
遷上皇、流親王、殺公卿、上下惶駭、哭聲滿巷、古云、人衆
者勝天、天定亦能勝人、君將何以償悖逆之罪、泰時為
之悚然、明惠傳
後堀河天皇元仁元年夏六月、義時為近侍所刺殺、世
以為悖逆之報、傳藤原公經與義時相為唇齒、位極
人臣、權勢薰灼、嘗構佛堂於北山別莊、名西園寺、壯麗
宏敞、為天下壯觀、增鏡其他近地名區、多營別莊、五代帝
義時常言、我子孫慎勿背西園寺家、繇此公經子孫亦
皆極貴盛、至六世孫公宗、以悖逆伏誅云、太平記

寬喜三年冬十月、土御門上皇崩於阿波、年三十七、百鍊抄

貞永元年、泰時作貞永式目、其一日、承久之亂、屬官軍者、皆沒其地、授之有功者、若有冤者、證驗明白、當還舊地於其人、而別授有功者以他邑、至關東將士屬官軍者、其罪最大、既殺其人、而收其地、然幸而獲免、至近日其情始露者、事屬既往、當收其邑五分之一、除家人外、下司莊官不必追究、關東將士父子各異所屬者、不相連及、至西國將士屬官軍者、親屬在國亦同罪、以同心也、但道途遼遠、不及相聞者、宥之、貞永式目

國史紀事本末

卷三十三

十七

四條天皇文曆元年夏五月、廢帝崩於九條院、年十七、百鍊抄

延應元年春二月、後鳥羽法皇崩於隱岐、年六十、夏五月、右衛門尉能茂收御骨還京師、百鍊抄

後嵯峨天皇仁治三年秋九月、順德上皇崩於佐渡、年四十六、帝召明法博士問服錫紵否、對曰崇德安德之崩、未聞行是禮、乃止、百鍊抄

後深草天皇寶治元年夏四月、北條時賴建後鳥羽帝廟於鶴岡、以僧重尊為別當、東鑑蓋有所懼也、

國史紀事本末卷之三十三終

國史紀事本末卷之三十四

從六位前大學校中博士常陸青山延光 編次

陪臣專權

後堀河天皇元仁元年夏六月十三日、鎌倉執權北條義時暴死、初承久之變、義時沒勤王公卿將士采地三千餘所、悉領之、有功將士一無所自取、時人歎異、然武夫采地益徧諸國、而諸國武夫莫不受義時私恩、自是義時盤擬鎌倉、以鎮東北、泰時時房留六波羅、以鎮西南、威震天下、朝廷畏憚、義時殆過賴朝矣、二十六月泰時時房還鎌倉、時義時後妻伊賀氏與弟光宗謀欲廢

國史紀事本末

卷三十四

二

藤原賴經立女婿藤原實雅為將軍、以所生子政村為執權、二十八日政子以泰時為執權、泰時以遭役未經月、不欲就職、謀之大江廣元、廣元曰、危疑之際、安得稽緩、泰時廼起視事、鎌倉流言武州還自京師、將殺諸策、人人駭懼、諸將分為二黨、或聞光宗謀告泰時、泰時曰、是何足信、然懼衆乘隙生事、乃令曰、用事者某某之外、勿輒來見、門庭寂然、二十九日遣子時氏及從弟時盛於京師、二人曰、今物議喧駭、奈何離鎌倉、泰時與時房議曰、京畿人心易搖、警衛何可少也、二人乃發、秋七月五日光宗兄弟會三浦義村家、義村嘗受義時托加冠

政村、繇此與政村親善、光宗等夜至伊賀氏許、互作誓約、侍者微聞其語告泰時、泰時曰、彼兄弟結好大善、十七日鎌倉騷擾、近國將士皆來聚、政子夜往義村家諭曰、自奧州卒、人心洶洶、如聞政村、光宗屢來卿家密議、所議果何事也、豈欲除武州專威、福與承久之亂、東兵克捷、雖曰天命、武州之功居多、夫鎮關東、定禍亂者、奧州也、能繼其志者、武州也、不有武州、卿等何以得有今日、政村於卿親如父子、吾不能無疑、卿速諭止之、義村謝以不知、政子曰、何謂不知、卿果黨彼與抑諭止之與、明告之我、義村謝曰、政村實無異畝、光宗等為之耳、請

國史紀事本末

卷三十四

二

諭止之、十八日義村謂泰時曰、奧州嘗親信僕、命加冠四郎、又以僕子泰村為義兒、僕豈敢懷異畝哉、光宗近有所密議、僕已諭止之、泰時曰、吾待政村以誠、彼亦豈懷貳乎、晦、鎌倉又夜驚、衆皆擐甲植旗、終夜奔馳、至曉乃定、閏月朔政子奉賴經至泰時家、召義村及葛西清重等、謂之曰、今將軍幼穉、人不能無携貳、願卿等不忌故將軍恩、齊心一力、何亂之足患、八日政子召廣元等議曰、光宗異圖已露、而實雅朝貴、安得濫罰之、宜請之京師、奧州妻及光宗等皆當流、餘黨不問可也、二十三日遂實雅於京師、二十九日罷光宗政所執事、奪采地

五十二所、八月二十七日、鎌倉又夜驚、二十九日、政子幽義時妻於北條、流光宗於信濃、弟朝行、光重皆處流、鎌倉乃定、九月五日、政子命泰時分義時米地給諸子、泰時自取甚少、政子恠問、泰時曰、臣既爲執權、何以米地爲、但當存恤諸弟耳、政子歎異、冬十月十日、廷議流實雅於越前、東鑑

嘉祿元年秋七月、政子薨、泰時以修冥福、東鑑還光宗等授光宗舊邑八所、東鑑脫漏

二年春正月、右近衛少將藤原賴經爲征夷大將軍、東鑑寬喜三年秋九月二十七日、泰時聞盜襲弟朝時家、即

國史紀事本末 卷三十四

三

馳赴之、衆皆從之、會朝時不在家、衆禦盜破殺之、泰時途聞之、廼還、平盛綱曰、君任太重、縱有大寇、猶當遣使偵探、然後命僕等禦之、今何自輕至此、泰時曰、人之在世、所恃惟親族、弟若爲賊所殺、而兄不暇救、恥孰大焉、故賊攻吾弟、在他人則爲小事、在我則一家大變、不減建保承久朝時聞之感喜、贈誓書曰、吾子孫世世事兄子孫、無敢有貳、東鑑

貞永元年秋八月、泰時與玄蕃九三善康連議、定憲令五十條、謂之貞永式目、東鑑

四條天皇曆仁元年春正月、賴經將朝京師、二十八日

發鎌倉、泰時從焉、二月六日至天龍河、將士爭欲先濟、更憂浮橋或壞、止之、不聽、泰時聞之、馳至河上、坐地、衆望見、不肯濟、賴經既濟、泰時乃起、七日至橋本驛、將士皆已宿民家、北條實時後而至、無所投宿、乃露宿舞澤、泰時聞之、曰、實時小侍別當、宜親近將軍、今廼露宿、吾不忍安枕、乃至舞澤、於是足利泰氏、三浦義村等繼至、遠山景朝請以客舍投實時、泰時乃還、十七日、賴經入京師、二十三日、朝帝、是日、任權中納言兼右衛門督、二十六日、補檢非違使、別當、三月七日、任權大納言、尋辭之、冬十月、還鎌倉、東鑑時前攝政道家天子外祖將軍之

國史紀事本末 卷三十四

四

父勢傾朝野、五代帝是歲六波羅遣兵士守要害之處、

設篝火以備羣盜、百鍊是謂篝火、太平記

仁治元年春三月、賴經令家人禁奢侈、東鑑泰時節儉刻

苦、以身先人、衣服器皿雖敝而弗改造、太平記

三年春正月、帝崩、無儲貳、順德皇母修明門院及前攝

政道家欲立順德皇子忠成王、神皇正統記赴至鎌倉、泰時

驚曰、吾運窮矣、今日定策、果出樞紳、則事未可知也、沈

思不寢食者三晝夜、意在立土御門皇子、乃謁鶴岡社

探籌、土御門皇子吉、悅曰、果如吾意、遂遣秋田城介安

達義景於京師立之、義景自途還、泰時大驚、義景曰、佐

國史紀事本末

卷之二十四

五

無貴賤皆悼惜焉百鍊抄子時氏先卒東鑑孫經時嚴為執

權關東評

後嵯峨天皇寬元二年夏四月賴經請傳職子賴嗣帝

許之以賴嗣為征夷大將軍兼右近衛少將叙從五位

上秋八月進正五位下東鑑

後深草天皇寬元四年春三月經時以疾讓職弟時賴

夏閏四月朔經時卒年三十三十八日鑑倉夜驚甲士

填巷至曉乃定二十日鑑倉又驚擾近國家人競至時

時賴從父光時潛謀奪時賴職賴經亦預其謀謀泄二

十四日鑑倉又驚民爭運資財逃避時賴發兵守中下

時在職十八年政平訟理衆庶樂業神皇正統記及卒都鄙

國史紀事本末

卷之二十四

五

無貴賤皆悼惜焉百鍊抄子時氏先卒東鑑孫經時嚴為執

權關東評

後嵯峨天皇寬元二年夏四月賴經請傳職子賴嗣帝

許之以賴嗣為征夷大將軍兼右近衛少將叙從五位

上秋八月進正五位下東鑑

後深草天皇寬元四年春三月經時以疾讓職弟時賴

夏閏四月朔經時卒年三十三十八日鑑倉夜驚甲士

填巷至曉乃定二十日鑑倉又驚擾近國家人競至時

時賴從父光時潛謀奪時賴職賴經亦預其謀謀泄二

十四日鑑倉又驚民爭運資財逃避時賴發兵守中下

國史紀事本末

卷之二十四

六

孫泰盛讓曰今三浦泰村舉族驕汰凌折將士汝等屈

首受辱柔懦甚矣五月六日時賴以泰村子駒石丸為

義兄十三日賴嗣妻北條氏死即時賴女弟時賴出居

泰時家時泰村弟光村益謀納賴經賴經父道家亦有

所密囑光村素驚敢欲遂殺時賴泰村性緩猶豫不決

或投匿名書於鶴岡曰泰村驕橫方命將處顯戮何不

戒慎二十七日時賴猶在泰村家泰村族人悉聚託治

具不敢出見時賴恠之夜聞鎧聲鏘然益疑之潛與近

臣一人還家泰村大驚謝罪二十八日鑑倉驚擾時賴

夜遣人覘泰村家光村等方取兵器於安房上總采地

馬橋遇將士入幕府者二十五日甲士爭集時賴第警

衛四面光時知事不濟斫髮請罪六月十三日時賴流

光時於伊豆聞千葉秀胤黨之逐之上總秋七月十一

日時賴逐前將軍賴經於京師令三浦光村等護送光

村近侍賴經二十餘歲甚被親愛及至京師歔歔而別

密有迎復之志冬十一月賴嗣叙從四位下東鑑

寶治元年春三月鑑倉黃蝶羣飛老人曰聞承平有此

怪而將門叛天喜亦有此恠而貞任叛今日恐有兵革

也夏四月十一日先是時賴外祖安達景盛削髮匿高

野山是日景盛至鑑倉見時賴密議久之退見子義景

國史紀事本末

卷之二十四

六

孫泰盛讓曰今三浦泰村舉族驕汰凌折將士汝等屈

首受辱柔懦甚矣五月六日時賴以泰村子駒石丸為

義兄十三日賴嗣妻北條氏死即時賴女弟時賴出居

泰時家時泰村弟光村益謀納賴經賴經父道家亦有

所密囑光村素驚敢欲遂殺時賴泰村性緩猶豫不決

或投匿名書於鶴岡曰泰村驕橫方命將處顯戮何不

戒慎二十七日時賴猶在泰村家泰村族人悉聚託治

具不敢出見時賴恠之夜聞鎧聲鏘然益疑之潛與近

臣一人還家泰村大驚謝罪二十八日鑑倉驚擾時賴

夜遣人覘泰村家光村等方取兵器於安房上總采地

海舶競至時賴知其有謀六月朔遣佐佐木氏信諷諭
泰村泰村曰吾兄弟叙正五位下爲數國守護食莊園
數萬町一門盛滿極矣物議沸騰亦不爲無由讒黨得
無乘之耶氏信還報曰弓箭填室鎧櫃滿廐時賴密爲
之脩二日近國將士競至鎭倉守時賴第時賴閉門不
納泰村族遠江守盛連帥諸子屬時賴先入在第中左
衛門尉盛時後而至踰牆直入矯捷如飛時賴賞以鐵
甲三日或投匿名書於泰村家曰頃物議紛起卿知其
故乎禍將及卿卿其備之泰村毀之曰惡我者爲之耳
乃遣使謝時賴曰僕非敢有異畧但家兵來聚所以招
國史紀事本末 卷三十四

物議也請速放還之若別有所計請以衆從時賴慰諭
之四日諸國將士益聚鎭倉毛利李光泰村妹夫也甲
士環其家如堵牆時賴令將士散還關政泰亦泰村妹
夫也將還常陸途聞泰村見殺又至鎭倉李光妻夜至
泰村家謂泰村曰幕議將殺兄兄速爲之備妾夫妾必
諭之援兄五日鎭倉益騷擾時賴遣使諭泰村歛戢兵
士又送誓書曰幕議初非疑卿卿慎勿生釁吾視卿一
如往日泰村驚喜謝之妻進食泰村食之不下咽景盛
謂義景泰盛曰和議果成彼益侮我我欲抗之適足取
禍汝等急擊勿失泰盛廼帥衆大喊進攻泰村倉黃禦

戰時賴聞之令北條實時警衛幕府遣北條時定擊泰
村李光帥衆將赴幕府妻攬其鎧袖曰棄姻親而助執
權武夫固如是乎李光乃援泰村萬年某馳報時賴曰
毛利入道叛矣時賴廼令衆縱火泰村隣家適南風暴
急泰村不能支舉族走法華堂光村帥兵八十餘陣永
福寺遣使謂泰村曰此地要害請速來守泰村報曰吾
今綴據鐵城決無生理等死則死於故將軍影像前耳
光村乃苦戰入法華堂與泰村李光修法事讚時賴兵
急攻之戰數刻泰村兵遂敗光村忿然曰前將軍時受
禪定殿下密囑決意舉事則大權將歸我家顧吾兄狐

疑所以取今日之禍悔無及矣欲縱火自焚泰村止之
乃以刀勢面謂傍人曰吾面貌猶存否遂自殺泰村歎
曰吾家自大介以來世有忠勲北條信讒一旦翦滅寬
亦甚矣然先人執事寬殺頗多安知無餘殃乎於北條
何怨也乃號哭與駒石丸及李光等俱自殺其黨死者
五百餘人七日時賴遣兵上總擊千葉秀胤秀胤亦泰
村妹夫聞時賴兵至積薪炭環其家縱火自殺二十九
日結城朝光至鎭倉謂時賴曰令僕在鎭倉泰村安有
此禍時賴嗟歎及行賞授邑朝光曰不有遺老安得聞
此樣實之語東鑑

建長四年春二月前攝政道家暴薨東鑑前將軍賴經謀

滅時賴聚兵京師應者頗衆問保僧事未幾會佐佐木氏

信遠長久連僧了行等時賴命勸之悉得其情誅竄久

連等廢賴嗣送還之奏請以後嵯峨皇子宗尊親王爲

主帥上皇許之夏四月宗尊至鎌倉任征夷大將軍時

賴改造府第崇奉顯超舊主東鑑

康元元年冬十一月時賴以病薨髮以子時宗幼冲令

武藏守北條長時代已攝職東鑑

龜山天皇弘長元年夏六月三浦泰村弟良賢謀滅時

賴時賴捕斬之東鑑

國史紀事本末 卷三十四 九

三年冬十一月時賴卒年三十七時宗嗣時賴在職

守貞永式且遵賴朝父子舊制東鑑士庶翕然悅服天下

稱治矣增及卒將士悲慕薨髮者甚衆至下令諸國守

護禁薨髮者其得士心如此東鑑時賴嘗委任上總人青

砥藤綱弘長記藤綱傾心佐佑多所裨助太平記

文永元年秋七月北條長時罷八月相模守北條政村

攝執權時宗連署將軍執權次第

三年夏六月僧正良基法印嚴慧等素親近宗尊竊與

其黨謀滅北條氏宗尊不之知至是謀漏參取東鑑增

傳保良基奔高野山絕食而死保僧問記關嚴慧仁

命東鑑開東評定傳時宗與政村議廢宗尊送之京師立其子

惟康惟康時年三歲東鑑增鏡五秋七月惟康叙從四

位下任征夷大將軍公卿補任

五年春三月時宗爲執權將軍執權次第

九年春二月時宗庶兄時輔謀舉兵京師時宗遣兵殺

之帝王編年記五代帝王物語

後宇多天皇文永十一年冬十月蒙古寇西陲鎮西將

士擊却之事見元寇之變

弘安四年夏五月元兵入寇我兵擊平之事見元寇之變

七年夏四月時宗卒年三十四子貞時襲爲執權將軍執權

國史紀事本末 卷三十四 十

八年冬十一月貞時外家安達泰盛恃勢驕縱與內管

領平賴綱相軋泰盛子宗景狂妄自言曾祖景盛實右

大將子也廼稱源氏賴綱譖之貞時曰彼潛圖篡奪所

以更其姓也貞時信之遂殺泰盛父子賴綱自是日擅

威福保僧問記初景盛以讒滅三浦氏子孫亦遭讒而死云

十年夏六月惟康任中納言兼右近衛大將冬十月爲

親王叙二品公卿補任

伏見天皇正應二年秋九月貞時廢惟康親王送之京

師及將出倒昇綱代興時人相謂曰將軍流於京師增

月保貞時奏請以皇弟久明親王為主帥、冬十月叙

三品、任征夷大將軍、帝王編久明憂鎌倉僻陋、至則屋

宇壯麗帷帳華鮮過於京師、鏡增

三年冬十一月、北條時輔子某與三浦賴盛謀舉兵、貞

時捕斬之、保曆間記

永仁元年夏四月、平賴綱專橫日甚、權勢過貞時、遂謀

廢貞時、以己子安房守為將軍、長子宗綱憂之、密告貞

時、貞時乃殺賴綱父子、沅宗綱於佐渡、尋召還之、保曆間記

四年春三月、吉見義春謀滅貞時、貞時捕殺之、義春源

範賴曾孫也、尊卑冬十一月貞時殺義春子義世、保曆間記

國史紀事本末 卷三十四

十一

後二條天皇正安三年秋八月、貞時罷執權、北條師時

代之、將軍執權次第

德治三年秋八月、貞時廢久明親王、送還之、奉親王子

守邦王為主帥、歷代皇紀、將軍執權次第於是北條氏逐四將軍矣、

貞時頗有賢名、然嘗建兩宗迭立之議、以劫制朝廷、竟

啓元弘之亂云、

國史紀事本末卷之三十四終

國史紀事本末卷之三十五

從六位前大學校中博士常陸青山延光 編次

元寇之變

龜山天皇文永五年春正月高麗遣其臣潘阜持國書

及蒙古主忽必烈書來開東評太宰府定傳蒙古書略曰大

蒙古皇帝奉書日本國王朕惟小國之君境土相接尚

務講信修睦況我吾祖宗受天明命奄有區夏遐方異

域畏威懷德者不可悉數朕即位之初以高麗無辜之

民久瘁鋒鏑即令罷兵還其疆域反其旄倪高麗君臣

感戴來朝義雖君臣而歡若父子計王之君臣亦已知

國史紀事本末 卷三十五

之高麗朕之東藩也日本密通高麗開國已來時通斯

土至於朕躬而無一乘之使以通和好尚恐王國知之

未審故特遣使持書布告朕心冀自今以往通問結好

以相親睦且聖人以四海為家不相通好豈一家之理

哉以至用兵夫孰所好王其量之八幡愚童高麗書畧

曰我國臣事蒙古國皇帝仁明欲通好於貴國寡人奉

詔其旨嚴切茲不獲已使某官奉皇帝書前去貴國遣

一介之使以往觀何如也貴國商量五代帝王物語關東評定傳參取東

國通太宰府報之鑰倉鑰倉奏之京師帝王年記朝野大

駭八幡愚童夏四月帝遣右近衛大將藤原通雅奉宸筆

宣命於大神宮令參議藤原長成草答書五代帝時衆

議紛紜或欲斬其使以絕之八幡愚童鑰倉執權北條時

宗以爲書辭無禮不宜報命太宰府却還五代帝時衆使者

探視西海地形而去議者謂使彼生還是放虎也八幡愚童

訓高麗遣使於蒙古報中國却使者之狀忽必烈遣其

臣黑的殷弘於高麗讓曰卿言不足信所謂日本不納

者安知其非託言風濤中道而還哉今再遣使期於必

達卿令重臣導達毋致稽阻高麗乃遣其臣申思佺與

黑的殷弘俱來東國通鑑

六年春三月高麗導蒙古使至對馬島請前歲報牒帝

國史紀事本末 卷三十五

編年使者適與島人鬪爭遂執島人塔次郎彌次郎而

去五代帝王物語關東評定傳元史夏四月高麗遣使送黑的往蒙古

忽必烈見之喜曰爾等衝冒風濤入不測之地生還復

命忠節可嘉謂對馬人曰汝國通好斯土其來尚矣今

吾欲汝國之來聘非以逼汝也但欲垂名於後耳東國通鑑

秋九月忽必烈命高麗金有成高柔持國書及高麗書

使中國併送還塔次郎彌次郎關東評定傳元史東國通鑑不報高

柔感異夢奉毛冠於安樂寺而去關東評定傳

七年春二月忽必烈以其臣趙良弼爲祕書監充國信

使使中國元史發兵送之高麗屯駐金州以待良弼還令

高麗給糧食元史東國通鑑

八年夏六月忽必烈臣曹介升謂忽必烈曰高麗迂路導引國使別有捷徑倘得順風半日可至臣不欲與使人俱往若大兵進攻願為鄉導忽必烈曰吾當思之秋九月高麗令其臣徐稱導良弼來中國元史至筑前今津使者凡百餘人太宰府大駭以為賊已而知其非賊索其書牒良弼盛書以櫃外施金鎖指曰此書非自致之帝都則必呈之將府不者持歸耳不得付之他人五代帝王太宰府欲奪之良弼不與錄本進之其書曰蓋聞王者無外高麗與朕既為一家王國實為隣境故嘗馳信

國史紀事本末 卷三十五

三

脩好為疆場之吏抑而弗通所獲二人命有司慰撫俾賁牒以還遂寂無所聞繼欲通問屬高麗權臣林衍構亂坐是弗果豈王尔繇此輟不遣使或已遣而中路梗塞皆未可知不然日本素號知禮之國王之君臣寧肯漫為弗思之事乎近已滅林衍復舊王位安集其民特命秘書監趙良弼充國信使持書以往如耶菽使與之偕來親仁善隣國之美事其或猶豫以至用兵夫誰所樂為也王其審量之元史太宰府送之鎌倉鎌倉遣使奏之關白以下會議遂不報東吉續記時人傳聞蒙古疆盛稍懷危懼五代帝王冬十二月遣權中納言藤原公守

告蒙古難於大神宮吉續記趙良弼未還遣使者張鐸於

本國東傳是歲忽必烈改國號曰元元史

九年春二月高麗世子諶久留蒙古思歸近臣勸諶請

忽必烈曰日本未蒙聖化戰艦兵糧方在所須儻以此

委臣臣請竭力辦之忽必烈乃還之命具舟糧助役東國通鑑

夏五月張鐸再來高麗又附書亦不報東傳元史

十年夏五月趙良弼還蒙古忽必烈召見問狀良弼盛

述逼脅不屈之狀忽必烈曰卿可謂不辱君命矣良弼

具以中國君臣爵號國郡名數上宜告忽必烈忽必烈

積怒日久遂決意來寇元史自元年至是歲彗星屢見

國史紀事本末 卷三十五

四

耀甚熾參取五代帝王本紀

後宇多天皇文永十一年秋忽必烈發舟師一萬五千

來寇元史令高麗發兵五千六百助役東國通鑑冬十一月五

日對馬八幡祠有赤氣如火見者驚恠晡時賊艦奄至

島人告急地頭地頭右馬允宗助國帥兵八十餘騎而

發六日遣使問來寇之意賊不答縱兵登島助國叢鐵

雨射斃一賊將賊競進助國父子苦戰死之餘衆告急

太宰府十四日賊寇壹岐島張赤幟而進守護代平内

左衛門經高帥百餘騎禦戰不利退入城十五日城陷

經高死之八幡愚童訓賊遂取二島獲男子皆殺女子以繩

貫掌繫之船日蓮注乃進犯筑前今津筑紫豪族少貳

大友松浦菊池原田小玉諸氏皆發兵會於博多人馬

蔽野旌旗翳空人人恃衆奮躍唯恐賊之不多二十日

賊就登陸少貳某年僅十二三先衆發小箭賊大笑擊

鼓鳴鑼喊聲撼地我馬皆駭賊乘之飛矢雨注鏃皆金

毒中者悉死我兵進擊賊輒開避圍而殺之見善戰者

死屠腹食肝射殺牛馬亦食之賊將擐高指麾進退有

法每退發火器聲如震霆我兵不敢追俄頃鳴鼓復齊

進我兵素習搏戰多離隊而進皆被圍殺我兵始悔不

知外夷戰法松浦兵死傷殆盡原田兵陷深渚中皆被

殺青屋某馬逸入賊陣賊殺之其兵望見突進皆死賊

追山田兵不及褰衣露臂而還山田兵相謂曰吾爲賊

所追恥也乃彎弓曰八幡神助我一發洞賊臂斃之乃

大笑賊陣赤坂菊池重基帥百餘騎進擊從兵皆殲重

基單騎脫還少貳景資等繼進亦不利賊乘勝犯佐原

百道原蹂躪間里婦兒皆見鹵掠我兵戰疲皆退一賊

將躍馬追尾勢甚銳適有鳩翔景資旗上景資喜曰神

助我矣迴顧射賊將賊將應弦墜馬賊擁之而逃景資

奪其馬後問之生虜賊將即劉復亨也景資退入水木

城緣海民家失火八階愚童劉復延及菅崎社歷代

年據東國通鑑

國史紀事本末 卷三十五 五

賊將金方慶謂忽敦洪茶丘曰我兵雖寡已入敵地入

自爲戰請復戰忽敦曰小敵之堅大敵之擒驅疲兵擊

大敵非計也不若回軍復亨病創先登舟夜遂逃還會

大風雨舟多觸岩礁摧破高麗賊將金佺溺死東國通鑑二

十一日遲明我兵望海無復隻舶衆咸驚喜以爲神助

忽見一艦泊志賀島我兵不敢擊賊舉手乞降衆猶遲

疑賊皆登陸乞降我兵悉擒而斬之我民被擒者逃還

曰賊夜望海岸民家火光見耀如從海中湧出皆褫魄

逃還聞者異之是後禦賊必多設燎炬云八階愚童諸軍

奏捷京師勅奉幣十六社帝王勅賊將既還詐言矢盡

而退元史 國史紀事本末 卷三十五 六

建治元年春忽必烈遣禮部侍郎杜世忠兵部侍郎何

文著計議官撒都魯丁來元史夏四月至長門室津秋八

月押送世忠等於鎌倉九月北條時宗斬之龍口關東評定

傳保曆以北條實政爲筑紫探題節制軍務帝王勅於

是命太宰府及沿海國郡嚴警備省冗費務儉約以助

軍興帝王編年記

二年春三月時宗令西海諸國具戰艦簡精銳將征高

麗薩摩文書先是伊豫人河野通有往戌鎮西臨發禱

三島神曰臣往戌十年賊若不來寇則臣請往攻八階愚童

野上文書

訓

弘安元年秋七月、高麗王朝忽必烈請再寇中國、東國通鑑

二年春二月、忽必烈命造戰艦六百艘、將來寇、宋降將

范文虎謂忽必烈曰、臣遣周福、樂忠諭日本、期以明年

四月還報、請待之、忽必烈從之、元史夏六月、周福、樂忠至

太宰府、復說通和、乃斬之、博多、關東評定傳冬十月、北

條時宗遣關東兵於鎮西、以脩外寇、帝王編是歲、忽必

烈滅宋、元史勢益彊大、蠻夷致貢者千餘國、益有覬覦中

國之志、五雜俎

四年夏五月、忽必烈遣范文虎等大舉來寇、以高麗為

國之志、五雜俎

缺

缺

月晦夜西北風大作、海濤崩駭、賊艦摧碎、溺死無算、浮

屍積聚、望之如洲、閏月朔、殘兵數千猶在鷹島、八幡愚童訓

推張百戶者為主帥、聽其約束、方伐木作舟、欲逃還、元史

少貳景資帥鎮西兵、乘勢掩擊、殺溺殆盡、餘衆乞降、悉

斬之、八幡愚童訓賊兵十萬、生還者僅三人、元史皇威震殊域

矣、而京師未知、二日遣大納言藤原經任奉幣大神宮、

伊勢公卿、伊勢公卿北條時宗聞賊甚熾、令宇都宮貞綱將兵禦

之、宇都宮未至而賊平、十四日鎮西捷問至京師、歷代

朝野相慶、八幡愚童訓九月十六日、時宗令鎮西將士曰、賊

船雖逃、將士勿輒離鄉里往來京師、有所往必請賊之

船雖逃、將士勿輒離鄉里往來京師、有所往必請賊之

降者付之將士、未斷其罪、津泊舟船往來、必嚴檢察、我

船勿輕出境、蕃人有來者、慎勿納之、凡守備一如前日、

勿有懈弛、文野上尋論功行賞、河野通有等皆賜米地、章豫

記一時宣傳忽必烈憂憤而死、增忽必烈聞敗大怒、謀

再舉、其臣相威諫曰、前車既覆、奈何踐其轍、請修舟練

兵、伺隙徐發、忽必烈從之、其後屢造戰艦、具糧食、欲雪

前恥、羣臣畏中國威猛、皆諫止之、趙良弼亦諫曰、臣在

日本歲餘、熟知其風俗、勇猛殊甚、不擊便繇、此其令屢

下屢罷、元史

七年春正月、忽必烈遣其臣王積翁齎書而來、途為舟

國史紀事本末

卷三十五

九

人所殺、元史

伏見天皇正應五年秋九月、先是或謂忽必烈曰、江南

戰艦制大、遇觸則毀、所以失利也、如使高麗造船再擊、

日本可取也、至是忽必烈遣其臣洪君祥於高麗、送還

中國民被擒者、因命高麗求通好、高麗乃使大僕金有

成書狀官郭麟來、東國通鑑曰、若不通好、必復用兵、公卿教使

次北條貞時拘留有成等不還、東國通鑑

六年秋七月、奉幣大神宮、告高麗使來、公卿教使

後伏見天皇正安元年、忽必烈子鐵木兒聞中國信佛、

遣僧一山來議和、元史曰、有司奏陳、向者世祖皇帝嘗遣

補陀僧如智及王積翁等兩奉璽書、通好日本、咸以中

途有阻而還、爰自朕臨御以來、綏懷諸國、薄海內外、靡

有遐遺、日本之好、宜復通問、今如智已老、補陀寧一山

道行素高、可令往諭、附商舶以行、庶可必達、朕特從其

請、蓋欲成先帝遺意耳、至惇好息民之事、王其審圖之、

宋元通鑑北條貞時放之伊豆、元史

國史紀事本末卷之三十五終

國史紀事本末

卷三十五

十

國史紀事本末卷之三十六

從六位前大學校中博士常陸青山延光 編次

後醍醐平鎌倉

四條天皇延應元年春二月、後鳥羽法皇崩於隱岐行

宮、法皇在隱岐十九年、依巖穴為宮、茅茨松楸、僅蔽風

雨鏡增及崩聞者莫不悲痛抄百鍊

仁治三年帝崩、鎌倉執權北條泰時遣使擁立後嵯峨

帝事見倍自義時流後鳥羽帝、鎌倉常恐朝廷繼其遺

志、防備尤至、置兩鎮將於六波羅、天子一言一動、鎌倉

無不知者書大酌諸

國史紀事本末 卷三十六

後嵯峨天皇寬元四年春正月、帝傳位皇太子、是為後

深草天皇抄百鍊

後深草天皇正嘉二年秋八月、立皇弟恒仁親王為皇

太弟抄百鍊太弟最為後嵯峨法皇所鍾愛、故得立正神皇

正元元年冬十一月、帝傳位皇太弟、是為龜山天皇抄百鍊

龜山天皇文永五年秋八月、立皇子世仁親王為皇太

子抄百鍊

九年春二月、後嵯峨法皇崩五代帝法皇素屬意於帝

臨崩密勅曰、大鈔必傳之當主子孫、新院子孫不得有

覬倖、但長講堂領百八十所、永給之、新院子孫論梅松朝

廷舊藏坂上田村麻呂劍、傳為寶鎮、法皇屬之大宮院

竊授之、帝、繇此後深草上皇與帝不相能、大宮院二帝

生母也鏡增

十一年春正月、帝傳位皇太子、是為後宇多天皇歷代

後宇多天皇建治元年冬十一月、立後深草皇子熙仁

親王為皇太子要記一代先是、鎌倉執權北條時宗以為本

院身居正嫡、非有失德、宜使其胤踐天位、遂議立熙仁

親王鏡增鎌倉始連後嵯峨遺勅矣、龜山上皇憤邑論梅松

弘安十年冬十月、帝傳位皇太子、是為伏見天皇歷代

伏見天皇正應三年春三月、賊數人闖入禁中、問女孺

曰、帝焉在、曰在寢殿、寢殿焉在、曰在南殿東北隅、女孺

急報帝避之、賊犯寢殿、帝已不在、衛兵聞變進擊、賊皆

自殺鏡增其所發箭書曰、太政大臣源為賴人始知其名

間、賊佩刀乃前參議藤原實盛寶器、遂捕實盛、時人

流言、武人連遺勅立帝、故龜山上皇密命之也、或欲遷

上皇於六波羅、後深草上皇不許、龜山上皇乃賜告文

於鎌倉、事始解、上皇繇此益惡鎌倉鏡增

永仁六年春二月、權中納言藤原為兼謀滅北條氏、貞

時流之佐渡保曆秋七月帝傳位皇太子是為後伏見

天皇增先是帝遣使鎌倉曰龜山帝憤後鳥羽帝之播

遷誓將攘滅鎌倉顧時未至耳令其子孫嚴位必有繼

其志者而朝廷所令安知諸國武人之不響應鎌倉得

無危乎若朕子孫唯卿家是賴必當與鎌倉相終始耳

執權北條貞時信之不欲使龜山皇胤嗣位遂立帝後

宇多上皇不悅遣左中辨藤原定房於鎌倉讓其違遺

詔貞時遂定後深草龜山兩宗迭立之策限以十年梅

乃立後宇多皇子邦治親王為皇太子增

後伏見天皇正安三年春正月帝傳位皇太子是為後

園天皇增

二條天皇秋八月立伏見皇子富仁親王為皇太子增

後二條天皇德治三年秋八月帝崩皇太子立是為花

園天皇增

花園天皇延慶元年秋九月立後宇多皇子三品太宰

帥中務卿尊治親王為皇太子增親王英敏龜山法皇

深愛之嘗禱八幡欲其獲位時帝欲立後二條皇子邦

良為太子後宇多上皇不可曰宜先立尊治次及邦良

帝從之神皇正統記

文保二年春二月帝傳位皇太子是為後醍醐天皇後

宇多法皇聽政院中三月立邦良親王為皇太子增

後醍醐天皇元亨元年冬十二月後宇多法皇欲還政

於帝遣使諭鎌倉執權北條高時議者謂天子之父欲

還政天子有何不可而告之武人哀替極矣羣臣欲帝

獲政或祈之神已而高時奉詔增帝夙夜兢勵銳意

治復記錄所親自聽訟神皇正統記廢諸新關太平而高時

驕縱酣肆政刑失當士民離心神皇正統記時論翕然以

謂朝廷之盛必復於古保曆二年夏大旱穀價騰踊道殣相望帝詔減膳使撙非違

使別當諭都下富戶發糶置場二條定價監賣時人感

悅太平記二年

國史紀事本末卷三十六

正中元年春正月宴羣臣於紫宸殿賦詩奏樂增

帝好學常與儒臣討論經史增法印玄慧才學冠世太平

記帝召侍讀玄慧尊信宋人程顥程頤朱熹之學經筵

用宋儒之說自玄慧始也又素帝嘗欲閱論語惡紫奪

朱章使人檢索不獲吉田無好進曰是在某卷第幾頁

一時君臣好學如此然夏六月後宇多法皇崩增秋

九月初帝深憤高時專橫慨然有蕩平之志太平權大

納言藤原為無之被執中納言藤原資朝遇諸塗歎曰

丈夫得如此足矣然帝知其有氣概引參謀藏人

頭藤原俊基與焉藏人帝密徵四方武士錦織

國史紀事本末

俊政足助重範應之、俊基憂職務繁劇不暇熟計、欲託事屏居、一日讀僧徒訴狀、佯為誤讀、衆大笑、俊基故為愧容而退、乃閉門不出者半歲、變服潛遊諸國、伺察民俗形勢、太平記資朝亦詭服遊東國、增二人既還、羨濃人土岐賴貞多治見國長適在京師、二人素有勇名、資朝欲引為同謀、乃與俊基及大納言藤原師賢中納言藤原隆資僧遊雅玄基等數引二人宴飲、每會皆露頂散髮、婦女著單紗衣行酒、縱飲酣歌、無酬酢禮、名曰無禮講、情好既密、乃告以計、二人協心規畫、然恐為人所疑、招玄慧講唐人韓愈集、至潮州詩、衆悔曰、今日之急、在國史紀事本末

國史紀事本末

卷三十六

五

兵至矣、得非密計覺露耶、乃登門樓射殺二十餘人、留一箭挿腰曰、大丈夫赴死、不得無備、遂大呼、啣刀鋒墜地而死、國長帥從兵二十餘人、閉門固守、敵不敢進、獨伊藤彥次郎父子從門隙入、國長兵斬之、乃開門罵曰、卿等怯甚、請以吾頭相贈、敵競進、國長血戰却之數次、佐木時信繞出其後、壞民家而入、國長不能支、與從兵相刺而死、太平記二十三日六波羅兵拘資朝俊基送於鎌倉、歷代皇紀高時使人謂俊基曰、君衆衆為無禮講、得非誅滅我耶、俊基曰、兵革之事、吾所不知、暇日招玄慧為文禮講、無乃傳聞之謬乎、島津家本高時怒甚、將行廢立、一日帝召中納言藤原冬房曰、何以紓高時之怒、冬房曰、聞資朝等不敢款服、彼未必逞怒、然彼本麤獷難制、請賜告文以慰解之、帝乃令冬房草之、遣中納言藤原宣房於鎌倉、賜之高時、二階堂貞藤諫高時曰、天子賜誓書於人臣、未之前聞、不宜披閱、以瀆天威、請速奉還之、高時不聽、令齋藤利行讀之、利行瞑眩不能讀而止、見者震懼、高時乃奉還告文、報宣房曰、朝廷之事、臣何議焉、宣房還奏、事乃解、太平記

國史紀事本末

卷三十六

六

二年北條高時流藤原資朝於佐渡、公卿補任釋藤原俊基還京師、俊基閉門不出、人心始安、而帝獨不能平、增

嘉曆元年春三月、皇太子薨。歷代初後宇多法皇以皇太子有脚疾、詔曰若邦良病甚、宜傳位當主子。神皇正統記

至是帝欲擇諸皇子立之、此條高時固執、兩宗迭立之議不可。增鏡帝遣權中納言藤原定房於鎌倉諭之、後伏見上皇亦遣權大納言藤原俊光對辨其事、定房曰、今後深草子孫世襲、長講堂領是、遵後嵯峨遺詔也、至今上子孫繼位、獨不當遵遺詔邪、高時不可、帝怒曰、神武以降豈有人臣而議皇統者邪、遺詔之重、人臣之所當遵奉、彼乃敢廢格之、妄執兩宗迭立之議、暴慢極矣、後深草子孫既罷、長講堂領、又續天位、固為豐厚、而朕子孫則一旦去位、不獲尺地、何以自給、宜以長講堂領屬朕子孫也、乃復遣使諭高時、高時遂不奉詔、帝益憤怒。

論梅松秋七月、高時遣使奏請立後、伏見皇子量仁親王為皇太子。歷代皇紀車馬輻湊上皇宮、自兩宗迭立、每有冊立、禪代、人心炎涼、頓變、天子之位如傳舍。增鏡是歲、高時以疾罷執權、薙髮稱崇鑑、初高時娶政妻父秋田時顯及內管領長崎圓喜、二人協心遵奉、時約束眾頗倚賴、及圓喜告老、使子高資代之、高資素主昏闇、竊弄威柄、驕蹇日甚、將士怨嗟、高時病甚、高資勸之罷職、使金澤貞顯代之、高時弟泰家憤恚其母、勸令薙髮、一時競相倣效、將士無老少皆圓顯、時人以為不祥、高時病愈、怒欲殺貞顯、貞顯大懼、薙髮、高資又以己意推赤橋守時、此條維貞為執權、眾益不服。參取保曆間記、毛利家本、天正本、太平記

二年夏六月、陸奧人安藤季長與其族五郎爭事相訴、長崎高資兩納其賂、久而不決、二人乃起兵相攻、高時遣兵擊之、不克、鎌倉兵威始衰。保曆間記、年冬十二月帝以皇子尊雲法親王為延曆寺座主。天台座主記親王幼而慧敏、帝鍾愛之、皇太子邦良薨、帝意在親王、而高時不可、乃為僧。太平記是歲、僧圓觀文觀於宮中、祈中宮座安實呪詛高時也。參取增鏡、島津家本、今川家本、太平記

國史紀事本末 卷三十六 七

元德二年春三月、帝幸春日社及東大興福二寺。參取增鏡太平尋幸日吉社、臨慶延曆寺大講堂。太平記以尊雲法親王為祝願師、帝惡諸國武夫皆屬鎌倉、欲藉僧徒之力以滅之、屢幸諸寺以收其心、親王遂廢講讀、專習武藝、拳捷如飛、親王居大塔、世呼曰大塔宮。太平記播磨人赤松則祐以律師給事親王、赤松秋九月、皇子太宰帥世良親王薨、親王幼而警悟、帝甚愛之、常携之臨記錄所。增鏡及薨、大納言兼親王傳源親房不勝悲悼、薙髮稱宗玄。增鏡親房具平親王之後、尊卑分脈諳練典故、與藤原宣房、藤原定房齊名。御雲日從僧玄慧學好讀宋

相倣效、將士無老少皆圓顯、時人以為不祥、高時病愈、怒欲殺貞顯、貞顯大懼、薙髮、高資又以己意推赤橋守時、此條維貞為執權、眾益不服。參取保曆間記、毛利家本、天正本、太平記

二年夏六月、陸奧人安藤季長與其族五郎爭事相訴、長崎高資兩納其賂、久而不決、二人乃起兵相攻、高時遣兵擊之、不克、鎌倉兵威始衰。保曆間記、年冬十二月帝以皇子尊雲法親王為延曆寺座主。天台座主記親王幼而慧敏、帝鍾愛之、皇太子邦良薨、帝意在親王、而高時不可、乃為僧。太平記是歲、僧圓觀文觀於宮中、祈中宮座安實呪詛高時也。參取增鏡、島津家本、今川家本、太平記

國史紀事本末 卷三十六 八

元德二年春三月、帝幸春日社及東大興福二寺。參取增鏡太平尋幸日吉社、臨慶延曆寺大講堂。太平記以尊雲法親王為祝願師、帝惡諸國武夫皆屬鎌倉、欲藉僧徒之力以滅之、屢幸諸寺以收其心、親王遂廢講讀、專習武藝、拳捷如飛、親王居大塔、世呼曰大塔宮。太平記播磨人赤松則祐以律師給事親王、赤松秋九月、皇子太宰帥世良親王薨、親王幼而警悟、帝甚愛之、常携之臨記錄所。增鏡及薨、大納言兼親王傳源親房不勝悲悼、薙髮稱宗玄。增鏡親房具平親王之後、尊卑分脈諳練典故、與藤原宣房、藤原定房齊名。御雲日從僧玄慧學好讀宋

相倣效、將士無老少皆圓顯、時人以為不祥、高時病愈、怒欲殺貞顯、貞顯大懼、薙髮、高資又以己意推赤橋守時、此條維貞為執權、眾益不服。參取保曆間記、毛利家本、天正本、太平記

二年夏六月、陸奧人安藤季長與其族五郎爭事相訴、長崎高資兩納其賂、久而不決、二人乃起兵相攻、高時遣兵擊之、不克、鎌倉兵威始衰。保曆間記、年冬十二月帝以皇子尊雲法親王為延曆寺座主。天台座主記親王幼而慧敏、帝鍾愛之、皇太子邦良薨、帝意在親王、而高時不可、乃為僧。太平記是歲、僧圓觀文觀於宮中、祈中宮座安實呪詛高時也。參取增鏡、島津家本、今川家本、太平記

國史紀事本末 卷三十六 九

元德二年春三月、帝幸春日社及東大興福二寺。參取增鏡太平尋幸日吉社、臨慶延曆寺大講堂。太平記以尊雲法親王為祝願師、帝惡諸國武夫皆屬鎌倉、欲藉僧徒之力以滅之、屢幸諸寺以收其心、親王遂廢講讀、專習武藝、拳捷如飛、親王居大塔、世呼曰大塔宮。太平記播磨人赤松則祐以律師給事親王、赤松秋九月、皇子太宰帥世良親王薨、親王幼而警悟、帝甚愛之、常携之臨記錄所。增鏡及薨、大納言兼親王傳源親房不勝悲悼、薙髮稱宗玄。增鏡親房具平親王之後、尊卑分脈諳練典故、與藤原宣房、藤原定房齊名。御雲日從僧玄慧學好讀宋

相倣效、將士無老少皆圓顯、時人以為不祥、高時病愈、怒欲殺貞顯、貞顯大懼、薙髮、高資又以己意推赤橋守時、此條維貞為執權、眾益不服。參取保曆間記、毛利家本、天正本、太平記

二年夏六月、陸奧人安藤季長與其族五郎爭事相訴、長崎高資兩納其賂、久而不決、二人乃起兵相攻、高時遣兵擊之、不克、鎌倉兵威始衰。保曆間記、年冬十二月帝以皇子尊雲法親王為延曆寺座主。天台座主記親王幼而慧敏、帝鍾愛之、皇太子邦良薨、帝意在親王、而高時不可、乃為僧。太平記是歲、僧圓觀文觀於宮中、祈中宮座安實呪詛高時也。參取增鏡、島津家本、今川家本、太平記

國史紀事本末 卷三十六 十

元德二年春三月、帝幸春日社及東大興福二寺。參取增鏡太平尋幸日吉社、臨慶延曆寺大講堂。太平記以尊雲法親王為祝願師、帝惡諸國武夫皆屬鎌倉、欲藉僧徒之力以滅之、屢幸諸寺以收其心、親王遂廢講讀、專習武藝、拳捷如飛、親王居大塔、世呼曰大塔宮。太平記播磨人赤松則祐以律師給事親王、赤松秋九月、皇子太宰帥世良親王薨、親王幼而警悟、帝甚愛之、常携之臨記錄所。增鏡及薨、大納言兼親王傳源親房不勝悲悼、薙髮稱宗玄。增鏡親房具平親王之後、尊卑分脈諳練典故、與藤原宣房、藤原定房齊名。御雲日從僧玄慧學好讀宋

相倣效、將士無老少皆圓顯、時人以為不祥、高時病愈、怒欲殺貞顯、貞顯大懼、薙髮、高資又以己意推赤橋守時、此條維貞為執權、眾益不服。參取保曆間記、毛利家本、天正本、太平記

二年夏六月、陸奧人安藤季長與其族五郎爭事相訴、長崎高資兩納其賂、久而不決、二人乃起兵相攻、高時遣兵擊之、不克、鎌倉兵威始衰。保曆間記、年冬十二月帝以皇子尊雲法親王為延曆寺座主。天台座主記親王幼而慧敏、帝鍾愛之、皇太子邦良薨、帝意在親王、而高時不可、乃為僧。太平記是歲、僧圓觀文觀於宮中、祈中宮座安實呪詛高時也。參取增鏡、島津家本、今川家本、太平記

國史紀事本末 卷三十六 十一

人司馬光資治通鑑尺素學識超邁冠絕當世正統神皇

及其退居時人嘆曰帝非唯喪皇子又失賢臣矣鏡冬

十二月以皇子尊澄法親王為座主主記皇子相繼

為座主僧徒益歸心鏡增是歲北條時益北條仲時來居

兩六波羅將軍執權次第

元弘元年春三月帝幸權大納言藤原公宗北山莊觀

花張樂帝親吹笛參議源顯家作蘭陵王舞姿容嫵雅

俯仰中節帝賞以衣服鏡增顯家親房子也尊早夏五月

北條高時聞帝謀東伐驚曰不行廢立天下不安矣十

一日遣兵捕僧圓觀文觀忠圓聞左近衛中將藤原為

國史紀事本末 卷三十六 九

明以和歌見親近疑其預謀命六波羅鞠問乃橫竹於

熾炭上欲使為明踐之為明顏色不變徐索紙賦和歌

眾感歎而止六月八日六波羅送圓觀文觀等於鎌倉

鞠問得實本書係前年今秋七月七日諸國地大震富

士山崩數十丈太平記十一日六波羅遣兵執右中辨藤

原俊基俊基逃入宮兵士追躡捕之而去宮中駭愕日

太平記帝益憤高時凶橫欲先滅六波羅命中納言源具

行徵兵延曆寺僧徒應之鏡增十三日高時派文觀於硯

黃島屯圍於越後令結城宗廣圓觀於陸奥初高時

之殺土岐賴貞後伏見上皇左右咸喜曰大位必歸吾

君之胤已而事解眾大失望是月上皇遣使鎌倉告帝

謀曰卿不早決天下必亂矣高時益驚會眾議之眾相

視不敢言長崎高資進曰今日之患由往日之不斷請

速遷帝海島害大塔宮殺俊基資朝耳他何議焉二階

堂貞藤曰武家秉權已百五十餘年四海畏服不敢叛

者由我甥戴天子撫恤人民而近日所為已涉不臣況

廢天子害座主神人共憤禍不旋踵苟使我兵威彊盛

天子誰與弼我我亦不失臣子之禮則聖怒亦從而解

矣高資作色曰子獨不聞承久之事乎今遲疑不斷征

討之詔一下悔無及矣高時從之八月高時遣貞藤等

國史紀事本末 卷三十六 十

帥兵三千西上太平記貞藤利家帝預與尊雲法親王約

曰異日攻六波羅潛幸延曆寺聚僧徒自衛以為諸軍

應援未發而賊來犯鏡增尊雲謀知之二十四日夜潛遣

使奏曰賊兵西上將流陛下殺尊雲今城壘未完官軍

未聚何以禦賊請速避之奈良遣近臣一人詭稱行幸

至本寺聲言車駕避賊賊聞之必來攻僧徒不得不力

拒待賊鋒稍挫徵兵伊賀伊勢大和河內鼓行入京賊

可殲也國家安危在此一舉請速決帝大驚大納言藤

原師賢中納言藤原藤房藤房弟季房適宿直帝召與

議藤房曰人主避難自古有之請速發帝乃奉神器御

軍如婦人所乘、出陽明門、武士恠問、給曰、中官如北山第、太平記皇子尊良親王疾馳及於途、至九條下車御馬、

唯藤原房及大納言藤原公敏、中納言藤原具行、中納言

藤原隆資、羸服步從、季房奉中官逃於野宮、增鏡帝用尊

雲謀、令師賢乘御輿赴延曆寺、太平記賊聞帝出避、闢入

宮中、持炬搜索、宮人皆已逃、增鏡二十五日帝幸南都御

東南院、太平記賊縱兵鹵掠都下、大納言藤原宣房中

納言藤原公明左衛門督藤原實世前參議平成輔皆

見執、增鏡延曆寺僧豪譽密報六波羅曰、天子潛幸本寺

聚兵、請速來攻、吾將為內應、賊乃謀進攻、二十六日帝

國史紀事本末 卷三十六 十一

聞西室僧顯實黨賊、幸鷲峰山、二十七日帝以鷲峰僻

陋、幸笠置寺、太平記笠置巉峻、便於守戰、乃造行宮、增鏡賊

未知也、以為駕在延曆寺、奉後伏見上皇及皇太子從

六波羅、藤原公宗、藤原資名等從焉、太平記遂發兵攻延

曆寺、佐佐木時信海東仲家攻東坂本、長井宗衡等攻

西坂本、小田時知攻勢多、光明寺藏書殘編尊雲法

親王尊澄法親王帥僧徒陣八王子、太平記二十八日仲

家帥部兵先驅、光明寺藏書殘編僧徒進戰於幸崎、仲家見其

寡侮之、挺身衝突、僧快實舞刀斬之、并斬其子幸若、賊

聯轡擊快實、快實笑曰、汝等不爭敵首、而爭汝主之首、

吾還之、汝乃擲仲家首奮戰、戰酣土兵泛三百餘舩於

湖、將斷賊軍後、賊遂驚潰、僧徒追擊、時信僅以身免、太平記

僧徒悅曰、一戰斬海東、東海可定矣、增鏡時師賢在西

塔、僧徒議曰、昔後白河院避兵本寺、實御東塔、請襲其

故事、乃往迎、適風颺簾、見師賢著袈衣而坐、驚曰、得非

天狗魅我耶、遂皆散去、師賢與藤原隆資、藤原為明、夜

走、行在、僧豪譽執尊澄、執事澄俊、送之六波羅、僧猷全

兵最多、以眾叛、逃者益多、二十九日尊雲尊澄夜多設

燎火於陣、為疑兵、乘小舟而逃、尊雲走奈良、尊澄走、行

在、太平記時大和河內伊賀伊勢兵稍聚行在、增鏡而未有

國史紀事本末 卷三十六 十二

一巨族來應者、帝憂之、適夢紫宸殿前有二鉅樹、南枝

最茂、下設御座、帝恠問故、有二童答曰、今天下無地可

駐蹕、獨此座為陛下設耳、帝覺而異之、以為水南於宇

為楠、輔朕平天下者其楠氏歟、乃召寺僧成就房問曰、

此地有楠氏乎、僧答曰、否、河內金剛山西有楠正成者、

左大臣橘諸兄之裔、其母禱志貴毗沙門、有所夢生之、

故小字曰多聞、實有勇名、帝乃遣藤原、徵正成、正成拜

曰、是武夫至榮也、即詣行在、帝大悅、令藤原傳旨曰、卿

應徵即至、朕深嘉卿今日之事、一委之卿、卿何策能克

正成曰、賊悖逆滔天、天威所加、何所不克、戰在智與勇、

以勇則武藏相模天下勁兵以智則彼徒豕突無足畏者然兵不能無勝敗敗亦不足勞聖慮臣而不死必為陛下滅此賊辭還城赤坂六波羅聞行在兵日盛懼延曆寺應之來攻遣佐佐木時信帥近江兵陣大津備之九月朔六波羅掄斷糟谷宗秋隔田次郎帥兵五百餘出屯宇治諸國兵多來會將以明日犯行在高橋又四郎先期獨進官軍邀戰於水津河破之殺溺殆盡二日賊來圍行在三日賊大喊而進官軍寂然賊侮之緣崖攀葛而登仰見則錦旗耀日甲士闐溢賊駭懼不敢進足助重範登城樓呼曰吾奉天子在此知公等必來命

國史紀事本末

卷三十六

十三

大和鍛工造箭鏃請試其利鈍乃射無不洞鎧摧曹官軍乘勢下擊僧本性有異力連投鉅石人馬摧碎賊乃退相持不戰太平記五日高時遣大佛貞直金澤貞冬足利高氏帥兵西上光明寺藏書殘編十一日河內報六波羅曰楠正成城赤坂起兵十三日備後報曰櫻山茲俊據一宮起兵六波羅大驚告急鎌倉太平記二十日高時遣使京師與藤原公宗議奉皇太子稱帝於京師是為光嚴院參取皇代皇紀增鏡二十七日貞直貞冬高氏犯笠置元弘日二十八日賊陶山義高小官山氏真夜乘風雨從山後登縱火呼譟官軍驚亂賊乘之急攻錦織俊政

奮曰死則死耳奈何遜逃乃祖楊奮戰與子某死之太平記日據光明寺藏書殘編飛驒守石川義純及子義右亦戰死尊卑行在遂陷尊澄執帝手冒烟而出湏臾相失唯師賢藤房具行從焉增鏡將赴赤坂步履甚艱晦至山城有王山君臣飢困憩樹下賊深湏三郎松井藏人追及帝叱曰汝果有人心何不戴天恩深湏懼欲救帝憚松井在後遂擁帝而去幽之奈良內山親王以下文武官僚多見執白晝入京增鏡冬十月二日賊常業範貞奉帝幸平等院貞直貞冬來謁請傳神器於新主帝使藤房傳旨曰神器授受之嚴實為天位之信未聞付之賊

國史紀事本末

卷三十六

十四

臣傳之新主且神璽素之笠置神鏡遺之山中獨携寶劍者萬一賊徒觸近朕將伏之賊畏而止其實則三神器咸全矣賊請帝幸六波羅帝曰必備鹵簿儀仗然後發乃具袞衣儀仗如儀逗留三日遂幸六波羅御南方御南方據增鏡賊復請傳神器六日帝授新器於新主皇年代畧記神器始有真偽矣六日據皇年代畧記八日賊付親王及羣臣於諸將分拘之獨縱藤房及左近衛少將源忠顯侍帝帝淨席擬石炭壇日拜大神宮如在位時賊益嚴憚之太平記先是楠正成城赤坂應行在不守欲迎駕拒戰增鏡版築方畢而行在陷正成勵衆固守十五日大佛貞

直帥兵圍赤坂日據光明寺藏書殘編城方可二町墮池淺狹樓

櫓僅完賊侮之曰此不足勞我隻手彼能一日拒守吾

獲厚賞乃急進攻城中善射者二百餘衆高雨射殺傷

千餘賊驚沮而退正成豫使弟正季及和田正遠帥兵

三百伏山中賊方解鞍脫甲忽望見菊水旗於山間恠

曰敵耶我耶伏兵突起大喊而進城兵開門夾擊賊悉

崩潰走石川河原獲其器械鞍馬不可勝算賊咸褫氣

欲伐山木火民家然後進攻本間澁谷勵衆復進踰塹

毀柵城中寂然賊懼曰得無伏乎乃分兵備之遂四面

蟻附攀陴正成豫造懸陴應時斷繩賊役而墜乃投大

國史紀事本末

卷三十六

十五

木鉅石殺七百餘人居數日賊怒曰安有舉八國攻孤

城而不能拔者乃蒙楯齊進舉鐵搭鈎陴陴將壞正成

令衆以長柯杓灌沸湯賊皆焦爛棄楯搭而退每賊來

攻正成隨機捍禦賊益沮乃退植柵圍守欲持久困之

正成守戰二旬糧食將罄乃謂衆曰我殺獲非不多奈

賊兵甚衆何況今糧盡援絕將何以守吾先天下唱義

死不足惜然臨事而懼好謀而成武夫所尚吾今佯死

以誑賊賊必引去賊去則來賊來則去彼必困矣衆稱

善乃穿大坑填以賊屍留一卒誠曰候我去遠火城會

夜風雨正成分衆散去比過賊營賊覺而誰何給曰大

將士卒失道耳適火起賊爭登城見灰中亂尸以為正

成真死引兵東歸令湯淺定佛守赤坂櫻山茲俊既空

備後將狗脩中會赤坂敗問至衆皆潰散乃知事不成

諸吉脩津祠刺殺妻子火祠自殺備前人兒島高德聚

衆將起兵適聞赤坂陷而止太平記正成與衆議以為金

剛山高峻峭拔人懼其神不敢登登者僅有修驗吾為

天子舉義宜憑仗神威乃入金剛山島津家本毛利家本太平記

二年光嚴院正春正月帝在六波羅三月高時欲帝薨

髮獻僧衣帝却之高時請帝幸隱岐使左近衛中將藤

原行房左近衛少將源忠顯及寵姬藤原廉子從之七

國史紀事本末

卷三十六

十六

日駕發京師千葉貞胤小山秀朝佐佐木高氏帥兵五

百餘護送觀者皆悲泣曰以臣流君武家今滅矣兒島

高德聞駕已發慨然謂衆曰殺身成仁正在今日吾當

奪駕於途大舉討賊不克則橫屍戰場耳衆皆奮勵乃

伏舟坂山絕巔候之久之不至遣人探謀則向山陰道

高德曰美作杉坂山谷深阻吾要於彼乃緣山截嶺徑

至杉坂已不及矣衆皆散去高德微服夜潛至御館欲

見帝密奏不得削櫻樹書曰天莫空勾踐時非無范蠡

明日兵士怪而奏之帝知義士所為喜見顏色既踰杉

坂望見雪山恠問兵士曰是伯耆大山也乃駐駕默禱

太平記 諸國素服帝賢明道路供張甚謹衆歎曰天子播

遷未聞有以事也增鏡是月高時遷尊良親王於土佐尊

澄法親王於讚岐恒良親王於但馬措紳華族莫不趨

附新主高時以爲海內無憂益耽嗜聲伎昏狂日甚聞

京師人好爲田樂之戲多召伶人付之諸將每張宴觀

之裝飾侈靡一座競解衣纏頭頃刻成堆其費不貲高

時適見狗群鬪大喜令諸國貢狗積至數千頭鬪盜鎌

倉每月令朋鬪之群吠狺狺如爭尸者人以其爲凶徵一

夕高時醉卧有怪物來舞歌曰何不見天王寺妖靈星

聞者驚異刑部少輔仲範聞之曰兵革之起必在天王

寺矣當此時海內未有勤王之師而竄匿山谷潛蓄恢

復者親王有尊雲武人有楠正成初親王支奈良匿於

般若寺及笠置陷賊兵來襲親王窘甚乃匿於經函引

經卷自蔽撤其蓋賊至見函開不疑搜他函而去親王

急匿於他函賊果復至搜前函笑曰不見大塔宮惟見

大唐玄奘三藏乃去親王與光林房玄尊赤松則祐木

寺相模岡本三河房武藏房村上義光片岡八郎矢田

彦七平賀三郎變裝爲修驗者將赴熊野路禱切目祠

夢神誨曰熊野不可往往十津河待時乃赴十津河山

路巉絕足皆流血旬餘至十津河使從者乞食民家豪

族戶野兵衛家有病婦請禳之親王往爲之禳輒愈兵

衛大喜留之十餘日一日兵衛謂衆曰我聞大塔宮走

熊野熊野別當定遍素黨賊恐不得留此地雖隘四面

斗絕騰猿飛鳥不能踰也人皆據實習於弓箭昔平維

盛嘗逃於此吾祖先實保護之宮何不來此親王曰宮

果來卿能効力耶兵衛曰吾雖不敏一旦唱義吉野十

八鄉孰敢禦者親王目木寺相模相摸指曰此即大塔

宮也兵衛未信片岡矢田脫巾露月額兵衛始知非真

修驗者大驚避帝拜伏乃造宮奉之扼守蹊要兵衛舅

竹原八郎聞之迎而館其家親王蓄髮更名護良更名據梅

國史紀事本末 卷三十六 十八

論鄰近爭埽之太平記親王時或往來熊野吉野高野之

間人服其雄猛皆奉爲主帥增親王遣使河內與正成

約起兵保曆間夏四月二日駕至隱岐太平記問後鳥羽帝

行宮之地遺址不復存乃慨然曰帝終此地得無積憤

乎朕欲成其遺志所以有今日之行也因以國分寺爲

行宮增高時令佐木清高護衛三日正成帥兵五百

餘攻赤坂守將湯淺定佛適取糧紀伊正成謀知要而

奪之乃芭裏鎧伏如運糧者衆役後僞追之賊兵以爲

敵掠糧饑急開門納之兵皆擐甲大喊外兵應聲奪門

而入定佛窮蹙遂降正成并其衆狗和泉河內聲勢日

振六波羅大驚五月三日高時殺足助重範月日據天正本十

七日正成帥兵二千餘進陣天王寺揚聲攻六波羅京

師震駭六波羅徵兵近畿備之已而正成不進六波羅

議曰敵必單弱不如逆擊乃使隅田高橋帥兵五千餘

而發二十一日至渡邊橋正成分兵伏天王寺側令弱

兵三百守橋皆羸馬繩轡賊望見曰敵果弱乃濟河而

進正成兵佯北賊追擊比至寺伏發賊驚潰爭橋人馬

溺死無算隅田高橋逃還太平高時懼有措紳通謀行

在者二十二日殺參議平成輔公卿尋遷大納言藤原

師賢於下總前權大納言藤原公敏參議藤原李房於

國史紀事本末 卷三十六

十九

下野中納言藤原藤房於常陸增東南院僧聖尋於下

總僧俊雅於長門太平六月二日高時殺中納言藤原

資朝於佐渡補公卿資朝子邦光年十三往佐渡請見父

守護本間山城不許令本間三郎斬之邦光悲憤夜伺

山城不得乃殺三郎脫還太平三日高時殺右中辨藤

原俊基於相模常樂十九日殺權中納言源具行於近

江補公卿高時憂六波羅無備遣守都宮公綱西上秋七

月十九日吐條仲時謂公綱曰我將士無人所以取敗

卿為我攻天王寺一戰攘敵公綱許諾不還舍而發衆

咸追及僅五百餘途逢騎者皆奪而疾馳和田孫三郎

謂正成曰我向以寡破衆今乃以衆待寡公綱雖猛一

鼓可走也正成曰兵在和不在衆公綱驍銳冠坂東紀

清兩黨亦皆精驚今賊兵既挫而彼獨來銳不可當我

縱善拒失必多不如引去以驕賊徐設計以走之乃

夜潛引去二十日公綱縱火民家進至天王寺則無人

矣大悅駐軍報捷六波羅後數日正成發士兵數千夜

設燎所在彌滿山澤每夜益多公綱晝夜按兵以待衆

皆疲而黨懼曰敵益多不可當也二十八日公綱宵遁

二十九日正成又進陣天王寺號令整肅秋毫無犯遠

近歸心八月三日正成聞寺藏上宮太子識文請寺僧

國史紀事本末 卷三十六

二十

觀之文曰當人王九十五代天下一亂而主不安此時

東魚來吞四海日沒西天三百七十餘日西鳥來食東

魚正成曰九十五代實為今上東魚即高時而西鳥食

之是必有滅高時者也日沒西天三百七十餘日上之

回鑾必在明春也乃以金裝刀授僧太平謂衆曰吾且

全軍待時遂還金剛山令平野將監守赤坂太平冬

十月正成城金剛山千劍破補公卿護良親王在十津河

半歲熊野別當定遍聞之懼曰十津河絕險雖有十萬

兵不易取也乃揭榜於道曰獲大塔宮者賞以伊勢車

間莊獲從臣者賞錢五百貫熊野八莊司皆貪猾無行

稍稍懷貳竹原八郎子亦欲應之親王與從士潛遁赴

吉野吉野據毛芋瀨莊司玉置莊司皆據險斷路親王

進至芋瀨莊司家告情借路莊司曰臣豈敢遏皇子但

定遍搜索太急幸賜從士一兩人臣縛送之以為說不

則賜臣錦旗臣詐言力戰奪之亦可以塞責矣親王未

對赤松則祐進曰臣請致命平賀三郎曰股肱不可失

錦旗不足惜親王廼授旗而去村上義光後至遭莊司

見錦旗恠問莊司告實義光怒曰奴輩何敢抗皇子乃

搏旗卒投之奪旗而至親王悅曰吾有三傑天下不足

平也遣片岡八郎矢田彦七諭玉置莊司莊司不答而

國史紀事本末 卷三十六 三十一

起令衆擐甲二人走還追兵甚急二人還戰斬其前驅

賊射之片岡中二矢謂矢田曰吾死矣子疾還報矢田

乃去顧則片岡頭已在賊刀鋒親王謂矢田曰運窮力

竭何須迴避乃進望見賊兵擁嶺笑謂左右曰卿等叢

射待吾自刃為吾皮面不然賊衆吾頭天下之義旅沮

矣挺刀而進乍有赤旗從嶺進其兵數百呼曰紀伊

人野長瀨六郎來迎大塔宮賊乃敢抗拒吾鑒汝矣大

喊進擊賊不戰而潰野長瀨脫胄進謁親王悅曰卿何

以知吾意而來答曰疇昔有一童子來告急是以來迎

耳親王以為神助進入旗野城尋赴吉野衆僧徒據寺

為城以兵三千守之遣則祐齋令自還播磨囑其父則

村起兵則村具平親王之後驍敢有籌略得令旨大悅

城昔繩山起兵來屬者一千餘設關杉坂山里塞山陽

山陰二道威振鄰境太平記正成出陣上宮太子墓下屢

與賊戰增高時大驚遣阿曾時治大佛高直二塔堂貞

藤等大舉西上太平記移檄諸國將士並會其軍太平記

七道之兵悉聚京師太平記

三年光嚴院正春正月帝在隱岐賊分諸國兵為三攻

吉野赤坂金剛山二月二日阿曾時治圍赤坂平野將

監固守每戰射殺數百人賊攻之十餘日城兵力拒吉

國史紀事本末 卷三十六 三十二

河八郎謂時治曰正成撫定和泉河內此城儲峙必不

乏但地形巉峻所乏者水也而我放火箭輒潑水如雨

得無造匿溝以引水南山乎請鑿山奪之時治從之果

有匿溝城中始困會連日不雨衆飲墜露止渴賊發火

箭燒樓櫓衆欲戰死將監曰吉野金剛未拔請姑降待

時乃出降賊送之六波羅悉斬之吉野金剛義旅聞而

切齒銳氣百倍十八日貞藤帥兵六萬攻吉野吉野執

行岩菊丸叛降之官軍告戰七晝夜僵尸層積岩菊丸

謂衆曰聞赤坂已陷而此城未拔我軍導也請從城後

襲之閏月朔月日據吉野水岩菊丸以手兵潛從城

後登官軍方與賊戰俄而火起於後驚顧皆潰護良親王錦袍緋甲提着火刀衝突體被七矢流血淋漓乃退張飲木寺相摸貫賊首於刀鋒而舞村上義光來告曰城將陷請速潰圍臣賜袍鎧誑賊而死親王曰吾與卿同死義光厲聲曰大王輕死何以濟大業乃進解親王袍鎧親王流涕辭決而去義光登城樓見其已遠將自殺子義隆來欲俱死義光叱曰汝往護親王義隆不得已而去義光呼曰今上第三子護良自殺汝等異日伏誅以我為法乃脫鎧剗腹扶腸而死賊皆聚觀親王脫去岩菊丸覺而追躡將及義隆還鬪亂斫馬足身被十

國史紀事本末

卷三十六

二十三

餘創乃入林中自殺親王乘間走高野貞藤聞之往索僧徒協心蔽匿貞藤轉攻千劔破城城南北接金剛山東西巉絕不可登然城方不滿里而赤坂吉野賊悉來會乘勢仰攻城兵連投大石殺數千人賊乃令曰妄薄城者罰金澤右馬助謂大佛高直曰向拔赤坂不以兵力奪其水道耳此城在山巔安得消滴所汲必溪流也何不斷汲路高直廼令名越高家守山麓溪流初正成築城求泉山巔得之凡五穴雖旱不涸又造木槽數百每兩承檐溜蓄之繇此水常有餘而賊不知晝夜防守數日稍懈正成乘曉霧擊之奪其旗幕明日陳之城

上呼曰此名越殿所贈然微彌存焉他人不能用請遣以來取因大笑賊皆誚高家高家憤愧毀柵薄城城兵乃下鉅木摧壓從而雨矢殺傷大半賊謀持久困之退築長圍晝夜遊戲城兵困之正成曰吾將出奇警睡乃縛葉為人被以甲冑夜羅之城下壯士數百在後乘曉大喊賊聞之皆進壯士退入城賊競赴葉人鉅石亂下死者三百餘賊益震懼不敢逼宴遊經日賊將名越某與甥某擣蒲忿爭相刺而死從兵亦相殺傷死者三百餘城兵望見笑曰悖逆之報乃爾賊聲勢日衰而諸國勤王之師益振矣赤松則村出陣山里梨原間會山陽

國史紀事本末

卷三十六

二十四

諸國兵入援六波羅則村遣子貞範要之舟坂山擒其將校二十餘人釋而善遇之備前人伊東惟羣為之感激城三石起兵進據熊山擊守護加地某走之京師西路斷矣則村既使惟群當西面廼攻高田兵庫助拔其城引兵東上長驅至兵庫獲兵七千餘城摩耶山將進攻六波羅六波羅欲徵兵南海禦之會伊豫飛驒報曰前月國人土居通治得能通言起兵應官軍直指土佐長門探題北條時直帥兵船三百餘而來戰於星岡時直敗走四國悉屬土居得能衆已六千餘具船今張港將入京師六波羅大驚懼有奪駕者命佐々木清高嚴

防衛

太平記

帝屢夢後宇多法皇意異之護良親王亦潛

遣漁舟密奏帝始知諸國義旅並起衛士亦稍稍歸心

增鏡富士名義綱適守中門潛謀奪駕欲密奏未得帝夜

使侍姬賜酒義綱乃密奏曰陛下未聞乎方今楠正成

守金剛山城東兵百萬環攻不克諸國將士應之者播

磨有赤松備前有伊東南海有土居得能而赤松既入

攝津土居得能既定四國將航海迎駕又聞其窺京畿

天將開陛下陛下宜以臣直日潛出航海幸出雲伯耆

徵集豪傑臣詐為追尾至行在矣帝大喜欲試其誠偽

賜以侍姬義綱益感奮帝乃遣義綱於出雲招豪族鹽

國史紀事本末

卷三十六

二十五

治高貞留而不還

太平記

帝召成田小三郎問曰衛士誰

可託大事者成田以土屋又四郎對乃使源忠顯傳告

土屋曰是非臣謀所能及也伯耆名和地頭名和長年

驍猛絕倫家富族盛近國可託大事者唯長年耳乃遍

問衛士皆如土屋言長年弟行氏亦在行在乃使行氏

還國諭長年行氏至智振島遭風不能發適聞賊謀弑

逆伯耆二十四日帝與忠顯謀佯為官人月滿出官者

夜潛御腰輿出官道舍輿徒步將赴千波港路暗不能

進叩民家問津民見而憫之負帝至港索商船御馬舟

子知帝非常人跪請所往忠顯附耳告曰此即日本國

之主潛出行宮將幸出雲伯耆異日事濟必厚賞汝舟

子大悅

太平記日攝增鏡伯耆卷

適海霧冥濛咫尺不辨帝默禱風

起霧霽乃揚帆而發增鏡天已明追船相屬而不探御船

二十八日御船東馳駛如飛遭漁舟問名和莊則去既

遠矣帝命回船衆皆曰賊船在後奈何帝不聽衆乃匿

帝及忠顯於船底上積乳魚忠顯曰何不摩賊船而馳

舟人從之賊問曰遭貴人船否給曰已至因幡矣乃去

御船遂至伯耆大坂湊帝遣成田召長年成田至其家

傳帝旨曰朕從隱岐來將倚賴卿卿若不許速報鎌倉

長年流涕曰天子有命奈何辭之臣必以死報乃聚子

國史紀事本末

卷三十六

二十六

弟告之子弟皆奮曰吾屬之勇鄰國所知賊縱蒙鐵盾

來攻吾能射洞之數日之間吾族悉聚賊縱舉天下來

攻吾何畏焉請速掘船上山長年長子義高方從軍十

劍破乃帥子基長高光弟助高二十餘騎奉迎帝推蓬

而起御衣盡濕長年扶之上馬赴船上途顧基長曰汝

速還家處分家事基長曰賊將至兒何敢離左右家事

委之家衆長年曰吾愧使賊徒蹂躪我家汝往矣家衆

不能也基長乃去帝疲甚欲以明日幸船上長年曰此

地密通賊境若遷延不進則臣等今為賊騎所蹢躅矣

陛下亦不自奮何以汛掃海內帝乃進及至山麓衆縛

木為御輿從西坂登俄而有衆從後至帝驚以為追兵

乃長年弟僧源盛及大山僧徒也遂御山上佛寺長年

募邑民運我倉穀於船上者人給錢五百即日致五千

餘石甚長還家悉散金寶給邑民乃火其家以母至船

上伯者卷散金船止上接大山山勢峻絕長年倒鉅木

為柵記太平繫羣馬於樹每一嘶聲震山谷弟氏高取白

布四五百端悉畫近國將士旗號以為疑兵二十九日

佐佐木清高帥兵二千犯東坂弟清秋帥一千犯西坂

伯者賊望見旌旗大懼長年令衆隱樹發箭殺西坂一

賊將記太平助高源盛等乃擊清秋却之甚長高光等方

國史紀事本末 卷三十六 三十七

禦清高兵士報長年曰東坂賊甚強帝憂之長年曰兒

輩今破之然臣亦試發一矢乃往一矢洞盾斃二人賊

駭怖伯者會迅雷猛雨賊皆奔避衆乘勢衝盪賊不能

支記太平衆追擊多所殺傷甚長呼曰彼尋皆降何須窮

追乃止帝召長年褒賞寸斷御衣賜族人高光年十四

亦善戰帝手賜御櫛乃問長年世系長年對曰臣具平

親王之裔也臣祖先昔在京師會山僧奉神輿犯關臣

祖射而卻之承久之役屬官軍竟失舊邑帝益歎美長

年初名長高是日賜名長年伯者時大山僧徒亦應護

良親王發兵援赤松則村大山寺出雲伯耆告急六波

羅六波羅大驚曰不定畿內何以禦官軍乃遣佐々木

時信帥兵五千攻則村於摩耶山則村使輕兵誘賊々

尾而登乃乘高下擊賊人馬蹈藉死者相枕時信逃還

記太平三月二日長年族人悉會行在官軍累捷清高走

還小波三日帝詔討清高官軍乘夜進攻清高力拒忠

顯命長年發援兵長年厲聲曰戰鬪委之吾輩官軍果

破走清高轉攻守護糟屋走之屠傍近賊壘而還伯耆

平矣伯耆帝下詔諸國討高時增於是山陽山陰西海

南海兵並起勤王近國將士爭先至行在人馬填咽山

麓聲威日震兇島高德與父範長俱至記太平鹽冶高貞

國史紀事本末 卷三十六 三十八

遲疑未至長年命甚長往擊高貞聞之大懼伯耆與義

綱俱至四日高時遣使促千劍破賊兵力攻賊乃召匠

人於京師造雲梯架城賊爭渡正成令衆亂擲炬火連

筒灌油橋俄頃燒斷焚死無算已而吉野十津河兵應

護良親王斷賊糧道賊大困逃亡日多土兵遮擊褫奪

衣甲賊赤體散走六波羅聞之遣宇都宮公綱攻之公

綱苦攻連日不能拔乃曰吾能鑿金剛山倒之令士平

具鑿錘前者戰後者鑿掘三晝夜而門樓陷衆壯之咸

從而鑿之然力竭而止記太平九日名和義高從千劍破

逃還行在伯耆六波羅發兵一萬攻則村則村聞之出

陣酒部十日賊至瀬河則村適以寡兵遇賊不利而退十一日則村帥兵三千逆擊賊潰走則村逐北斬級三百則祐曰賊悉銳來攻一敗奪氣我乘勝長驅六波羅可一戰而拔也衆然之夜火沿路民家乘火光而進十二日縱火焚赤井山崎三十餘處六波羅望見震恐鳴鐘聚兵兵士恒擾皆無鬪心北條仲時曰坐而待敵非計也遣隅田通治高橋宗康帥兵二萬餘扼桂河則村分兵爲二一軍從西七條進自將一軍至桂河賊壓東岸而陣乃夾水相射適雪水漲溢衆未濟則祐曰弓箭不足決雌雄躍馬將濟則村止之曰古人濟河皆豫試

國史紀事本末

卷三十六

二十九

深淺今雪融水盛決不可濟縱能濟決不可克則祐曰賊百倍於我利在急擊乃截流而進將士從者僅五人木寺相模失馬而沒纔露首尖猶進登岸則祐等繼登賊不敢擊則村兵咸濟賊不戰而潰則村追躡入京師西七條軍亦入京縱火新主與後伏見花園二上皇入六波羅六波羅見則村兵寡使通治宗康及河野通治陶山高通禦之高通等繞出則村軍後大呼馳突則村不利而退西七條軍既破宗康等會高通等來救亦不利而退則祐與兄貞範帥數騎深入欲襲六波羅而諸軍皆敗乃撤徽識雜賊中賊覺曰鎧馬濡濕者敵也則

祐等血戰脫還則村兵復聚乃復進與賊戰於七條河野陶山欲斷軍後則村引還新主召河野陶山賞獎十三日賊梟首級於六條河原題赤松則村者五時傳以爲笑肥後人菊池武時與豐後人大友貞宗筑前人少貳貞經俱遣使船上歸順帝賜以錦旗未發謀泄探題北條英時召武時武時欲急起兵遣使告貞宗貞經貞經聞六波羅兵有利中悔遂斬其使送首英時武時怒曰吾誤與此狡兒共事是日帥兵百五十騎襲英時奪門而入英時窘迫將自刃貞宗貞經帥兵六千來援武時乃謂于武重曰吾死矣汝還國起兵爲我復仇武重

國史紀事本末

卷三十六

三十

固請從武時曰吾爲天下留汝武重流涕而去武時與子賴隆等奮戰死之西海無復抗賊者矣則村收合散卒以左近衛中將源定平詐稱聖護院宮屯男山山崎塞河夙斷西海漕運京師大困十五日六波羅遣兵五千攻則村則村設伏三處以待賊火民家米薄伏發圍之賊擾亂多陷田澤敗卒還京塗泥滿鎧見者笑曰遣陶山河野必不至此太平記帝聞則村兵屢不利與長年謀將發兵援之是日謂長年曰朕之發隱岐無舟何以濟海無卿何以破賊而地又名船上卿其以舟爲徽號乃親畫舟帆賜之又製文及和歌具述風波漂蕩之艱

以稱長年功曰朕將垂示卿功於朕子孫卿子孫其勿

忘報國長年感泣十七日帝遣忠顯帥諸軍援則村長

年弟高重源盛及兒島高德等從焉伯者卷高德兵發

船上僅十餘騎諸國兵爭會於途至二萬七千餘二千

據今川家本護良親王亦聞則村兵屢敗遣使誘延曆

寺僧徒僧徒應之二十八日進陣法勝寺六波羅聞之

曰彼雖多皆步兵我縱騎擾之彼何能為乃遣兵逆擊

僧徒敗還復聚兵謀再舉賊啗以食邑廼止但馬守護

太田守延奉恒良親王起兵會忠顯於丹波忠顯大悅

奉親王為主帥揭錦旗而進夏四月二日陣西山峯堂

國史紀事本末

卷三十六

三十一

三日則村與源定平僧良忠復攻六波羅二道並進一

軍為陶山河野所破則村亦不利頓官又次郎頓官孫

三郎由中盛兼由中盛奮戰衝陣呼曰我輩盜也今

為天子戰雖敗不復退賊將島津曰此西國驍兵也以

兩騎進射殺盛兼三人戰甚疾島津盤馬亂射矢盡後

軍奄至三人被數十矢而死猶杖刀植立不仆妻鹿長

宗進至大宮從騎皆死單身引還賊追及乃搏而殺之

則村多亡精銳退屯山崎良忠屯男山諸軍將尅日並

進八日忠顯恃衆獨進微識皆用風字賊喜曰搢紳徒

弄風月安知戰鬪忠顯陣神祇官址魔衆進攻殺傷相

當但馬丹波兵潛入京縱火風猛火熾賊驚而退六波

羅發兵援之太田守延戰死丹波人荻野朝忠敗於四

條金持三郎擒於七條丹波神池僧兵殲於五條唯兒

島高德名和行村伯者卷高德擊陶山河野於一條交戰不

解忠顯遣使呼還之二將乃退忠顯還峯堂謂高德曰

官軍摧衄不可復戰吾將退而集兵高德曰勝敗天也

敗不足愧惟退怯失機恥莫大焉赤松兵僅十餘三攻

六波羅不克而退猶不棄山崎今官軍雖敗餘衆陪六

波羅況此地負山襟水便於守戰奈何棄之防備委之

僕足矣賊縱來襲僕能辦之乃帥三百餘人扼七條橋

國史紀事本末

卷三十六

三十二

忠顯夜奉親王支男山高德望見炬光稍微恠之徑赴

峯堂路遇朝忠朝忠曰主帥遁矣吾將還國請俱去高

德怒曰吾誤屬此懦將至則錦旗鎧仗委棄狼藉高德

曰此輩何不墜溝壑而死乃收錦旗與朝忠支丹波保

高山寺城九日賊入峯堂縱掠放火而去高時聞官軍

攻六波羅益懼遣名越高家足利高氏大舉西上令曰

分其半衛京師徑犯行在太平高氏以源義家之裔恃

其勲閥愧受制高時論梅松笠置之役高氏適喪父高時

強起之不得已赴之城陷而還至是高氏適疾高時屢

促之高氏怒其凌虐北條家本南都本欲濟宿志遽聚

兵將挈家而發、長崎圓喜聞之、謂高時曰、方今同族猶不易信、況源氏乎、源氏失意日久、安保無異、今是利欲舉族西上、其意叵測、夫徵誓書、奴任子、亂世之常、木曾殿嘗送清水冠者於鎌倉、請遵其故事、高時然之、使人謂高氏曰、方今東國無事、君宜留妻子而發、君家世與我家婚、吾豈疑君、君幸致誓書以固衆意、高氏憤恚、謀之弟直義、直義曰、要盟神所不享、家人托之赤橋氏、留兵護衛可矣、舉大事者不宜狐疑、高氏乃送誓書、託妻子於妻兄赤橋守時、高時大悅、設宴招高氏、贈白旗曰、此八幡殿遺物、二位尼傳之、我家者也、副以鞍馬十

國史紀事本末

卷三十六

三十三

隻鎧十領、金裝刀一、高氏遂發、十六日至京師、十七日密遣使行在歸順、帝大悅、賜綸旨討賊、而六波羅不之知也、先是六波羅兵屢有利、而士卒逃亡日衆、結城親光亦歸順、會官軍於山崎、親光宗廣子以驍健聞、賊大沮、及高氏高家來援、衆心稍安、太平記後伏見上皇敕高氏犯行在、增鏡由山陰道、高家亦受命犯行在、由山陰道、論梅松六波羅以官軍斷西路、命高氏高家夾擊開路、二十七日高氏高家分路而發、忠顯聞之曰、吾當據險邀擊、乃出陣赤井河原、使親光陣孤河、則村陣淀古河、久我暉時高氏密輸款、忠顯、忠顯疑其有詐、使左近衛少

將藤原雅忠陣岩藏、備之、高家進至、久我暉、鮮甲肥馬、挺身奮戰、所向披靡、乃按轡揮扇、則村部下佐用範家伏叢中射殺之、敲鼙大呼、賊悉奔潰、官軍躡擊、伏尸數里、高氏方駐軍桂河、張宴、高家敗問至、乃引兵踰山、至丹波篠村、太平記植旗八幡祠側、始以綸旨令衆、論梅松國人久下時重以二百餘人來屬、旗號用一番字、高氏恠之、問執事高師直、師直曰、彼祖重光武藏人、源右將之起兵、杉山先衆屬之、右將大悅、賜以此號、高氏悅曰、此吾吉地也、近國兵聞之來集、太平記京師兵亦陸續來附、論梅松至二萬三千餘、六波羅震駭、議曰、戰若不利、遷都

國史紀事本末

卷三十六

三十四

鎌倉、徐發大兵、太平記五月三日、帝下條制、源忠顯曰、兩院新主雖在賊中、不宜以敵讎視之、賊平之後、必謹護衛、勿有侵陵、犯者處以重科、長講堂領已下奉邑、慎勿侵犯、執柄已下諸家、雖有罪、不宜絕其祀、采邑慎勿掠奪、戰在齊心、一力、前者戰而後者不進、死傷之多、由此必罰奪三勲、縱有私怨、臨敵必和、分糧必均、勿有偏私、在路侵暴者、士必付之將帥、賊卒立誅、營壘必據便地、勿爲賊所蔽、死傷必錄進其名、死事之家、必擇其子孫、支庶、隨才錄用、授以舊邑、公卿將士、祠官僧徒、凡有官職者、歸順完其采地、別有褒賞、或不能來歸而輸糧餼、

或密使獻策者亦賞格准之臨陣降者宥其罪待其有功而賞之聞賊之行軍濫殺百姓奪財放火毒虐最甚此而不誅民何以安官軍上下同心必務寬仁所討唯賊勿擾黎庶縱火止於賊壘勿於神祠佛寺入京之日

光明寺藏
古殘編

官軍將大舉攻六波羅六波羅聞之曰我舉

天下攻十劔破根本空虛悔不及矣乃穿壑激鴨河盛設樓櫓爲守戰備七日諸將尅期並進高氏祈捷八幡祠自獻隻矢衆皆效之矢積成丘乃發降者甚衆兒島高德荻野朝忠不欲屬高氏從若狹進忠顯從伏見竹

國史紀事本末

卷三十六

三十五

因進六波羅分兵出拒一屯神祇官址一屯伏見一屯

東寺高氏踰大江山適有飛鳩高氏曰是神導我也但

當從其所之鳩至神祇官址而止高氏進與賊遇設樂

資綱先驅掩戰

按資綱名據不而

賊齋藤玄基搏之墮馬相刺皆

死大高重成呼曰陶山河野安在陶山適往援東寺河

野進欲搏之子通遠從旁進重成搏斬之兩軍齊進血

戰七八合賊遂敗走則村帥兵三千攻東寺賊固守妻

麻長宗踰塹倒陴塹爲之平賊兵出拒則村急擊走之

忠顯與戰於竹田破之賊咸逃入六波羅官軍乘勢進

圍之太平細川和氏謂高氏曰圍而不闕賊將死守何

不開走路乃闕東一角論松忠顯令曰今若緩攻則十

劔破賊必來援矣何不急攻衆聯數百車壞人家載之

縱火城門賊不能禦會日暮賊爭踰柵遁逃留者不滿

千糟谷宗秋謂仲時時益曰敵關東面請速奉車駕幸

關東佐佐木時信方守勢多近江無憂而濃尾參遠未

聞有敵孰敢梗道仲時時益乃奉新主二上皇東走土

兵夾路亂射時益中矢死矢及新主左肱陶山高遁下

馬吮創從官多逃官軍火六波羅六波羅平矣太平八

日仲時所在苦戰死傷無算僅而至近江觀音寺論松

是日上野人新田義貞奉護良親王令旨起兵上野義

國史紀事本末

卷三十六

三十六

貞源義家十世孫太平記十世新田足利皆出自義家

孫義重而足利世與北條氏連姻門族貴顯尊卑時人

或以新田爲足利支庶增然新田世食上野新田世良

田支族蕃衍越後義貞好士畜養驍雄高田義遠栗生

顯友篠塚伊賀守長濱顯寬等十六人最驍勇善射世

呼曰十六騎千劔破之後義貞在軍數月竊有歸順之

志一日謂執事船田義昌曰源平世仕王家迭秉兵柄

吾雖不肖源氏曹裔今高時悖逆覆滅已兆吾將還國

起兵爲天子討賊然無所受命何以令衆顧得大塔宮

令旨亦足矣何由請之義昌曰臣聞官匿近地山中設

計請之、令有可得矣、乃令其兵數十人變裝、擬土兵登
葛峯山、已偽為逃兵、夜伴闚於路、土兵來援、義昌悉擒
之、謂曰、新田殿欲請大塔宮令有、汝能導我、我釋汝矣、
土兵許諾、遂請令有得之、義貞大悅、明日稱病還國、聚
族人計議、未發、會高時聞高氏子義詮逃亡、疑京師有
變、遣使西上、路遇六波羅飛驒告高氏歸順、使者急還、
遇高氏庶長子竹若於途、遂殺之、還報、高時大驚、謀使
泰家大舉西上、徵糧近國、以新田世良田多豪富、課錢
六萬貫、限以五日、催督甚急、義貞斬使者梟之、高時大
怒曰、不畱近地、乃爾侮我、命武藏上野擊之、義貞會衆

國史紀事本末

卷三十六

三十八

議之、衆或曰、臨利根河待敵、或曰、吾族布滿越後、宜往
協力、弟脇屋義助進曰、北條累世執權、威震四海、我欲
討之、成敗當委之天、天若不佑、則利根之險不足憑、人
亦不服、則越後之族不足恃、未戰而潰、所在擒斬、天下
將謂新田坐斬鎌倉使受戮、夫死一也、要當為天子死、
以傳勇名於子孫耳、請令有者、心為今日、請以寡兵進、
衆附則滅賊、不則戰死矣、衆咸然之、義貞乃至生品祠、
倡義、取令有三拜、進陣笠懸野、族人大館宗氏、宗氏三
子幸氏、氏明氏、兼堀口貞滿、貞滿弟行義等會之、兵僅
百五十騎、薄暮望見兵數千馳而來、衆疑為敵、至則越

後族入里見、鳥山田中大井田諸氏也、義貞悅曰、倉平
舉事、不暇相報、公等何由知之、大井田經隆對曰、前日
有人傳命國中、故陪日而來、遠地族人尋至矣、須臾望
見旌旗、越後甲斐信濃源氏以兵五千餘來、義貞悅曰、
是神助也、不宜停駐、九日進至武藏野、高氏兵二百餘
人奉義詮來會、東國豪傑皆不期而至、人馬蔽野、諸國
告急、鎌倉、鎌倉大震、是日仲時奉新主二上皇至、番馬
令糟屋宗秋前驅、佐佐木時信殿會國人奉龜山皇子
守良親王起兵、扼番馬嶺、宗秋將踰嶺、遇其前軍、破之
而進、望見錦旗一隊、擁駭愕不敢進、駐軍憩道、旁佛

國史紀事本末

卷三十六

三十八

舍、仲時聞有敵馳而至、宗秋謂曰、沿路敵兵、不止此地、
帝之舉事、首謀即美濃土岐、土岐族必禦我於美濃、請
待時信至、引還據近江、待關東兵、仲時從之、時信諺聞
仲時敗死、自途歸順、仲時待之不至、太平記衆謂仲時曰、
請進、刃兩院、然後自殺、仲時曰、吾等未死、而車駕陷敵、
恥也、吾先就死、何問後事、論松乃謂衆曰、吾感卿等節
義、死不敢忘、卿等携吾首求賞、遂剝腹而死、宗秋及佐
佐木清高等四百餘人悉自殺、官軍擁新主二上皇入
長光寺、新主以劔璽及諸寶器附守良親王、十日千劍
破賊解圍、走南都、土兵遮擊、正成亦縱兵追尾、死者無

算高時遣金澤貞將櫻田貞國各帥兵數萬分路攻義貞將士猶以修嚴相高盛飾鎧仗而發十一日至小手差原望見義貞陣駭沮不進義貞麾衆濟入間川賊迎戰土地平曠而軍皆東國精銳縱橫酣戰三十餘合會日暮乃交綏義貞陣入間川賊陣久米川十二日義貞乘曉進擊多所殺獲賊退陣分陪義貞以兵疲不追擊淡河時治方鎮北國越前平泉寺僧徒應官軍攻之時治自殺是日京師諸將奏捷行在帝召羣臣議還幸勘解由次官藤原光守曰六波羅雖滅而十劍破之圍未解諺曰東八國敵天下二鑑倉敵八國故承久之役能

國史紀事本末

卷三十六

三十九

誅伊賀光季而不能破東兵請暫駐蹕待東國聲問帝親占之遇師上六曰上六大君有命開國承家小人勿用乃決意回蹕高時聞貞國等敗遣泰家帥諸將往援十四日至分陪十五日義貞進擊賊出生兵禦之義貞不利退陣堀金泰家易之不窮追以為武藏上野兵必有斬義貞獻首者也相摸人三浦義勝帥國人松田河村等六千餘人屬義貞義貞延見問方略義勝曰方今天下兩分雖雄未決而天命有歸公必克矣義貞曰奈我兵疲困何義勝曰戰勝而驕趙武之所以滅僕遣人覘賊其將驕怠明日之戰僕請為公破之十六日義勝

乘曉卷旗而進賊皆酣寢不設警備前軍俄報曰敵至矣泰家曰是三浦族未屬耳俄頃義貞義勝三面進攻泰家驚起而鋒刃既交賊悉潰泰家脫身遁還獨長崎高重血戰斬十餘級自甲盡赤徐步還鑑倉祖圓喜大喜為吮創血會六波羅敗問至將士惶擾失措官軍聞之益振十七日越中守護名越時有陣二塚禦北國官軍適聞六波羅滅從兵逃散乃殺妻子自殺北陸道平矣義貞駐軍關戶八國將士悉來屬踰六十萬十八日義貞分兵為三三道並進大館宗氏江田行義將一軍從極樂寺坂堀口貞滿將一軍從巨福呂坂義貞義助

國史紀事本末

卷三十六

四十

自將一軍從假粧坂縱火五十餘處高時使金澤忠時守假粧坂大佛貞直守極樂寺坂赤橋守時守巨福呂坂大戰終日聲震天地守時兵多死乃謂左右曰吾與足利連姻人不能無疑今吾不利何面目而引還遂自殺從兵九十餘人皆殉之貞滿乘勝進至山內貞直兵士本間山城左衛門適坐事屏居十九日聞極樂寺坂急帥死士百餘赴之徑衝宗氏陣勢甚銳宗氏引退本間追躡宗氏轉馬戰死本間刀揭其頭還見貞直曰請以此謝罪乃自殺宗氏兵退屯腰越而軍連日苦戰二十一日義貞聞宗氏死夜轉經腰越至極樂寺坂賊據

險固守、列兵船於海、備旁射、義貞下馬脫胄、臨海禱曰、臣將掃兇逆以寧皇室、願海神鑒臣忠赤、却潮水、以開道路、迺解佩刀投海、二十二日、遲明朝退二十餘町、賊船皆漂去、義貞大悅、徑經稻村崎入鎌倉、守坂兵駭顧、不能禦、行家貞滿繼進、所在縱火、風適怒甚、煙塵四合、延及高時第、官軍乘烟塵擊死者相枕、高時帥殘兵千餘、逃入東勝寺、寺乃其先塋之地、貞直從極樂寺坂還救火、已熾、乃衝義助陣而死、貞將被七創、還見高時、高時感賞、授相摸守、貞將謝曰、真身後之榮矣、出戰而死、安東聖秀、義貞妻伯父也、戰敗將自殺、義貞妻致書誘

國史紀事本末

卷三十六

四十一

諭、聖秀怒曰、彼婦人固不知義、義貞何為不止、乃以書握刀、擗剗腹而死、泰家謂諫訪盛高曰、家兄昏狂、所以取今日之禍、願數世餘慶、未必盡於今日、卿為我以姪時行逃、邦時我屬之、五大院宗繁矣、盛高乃以時行逃、泰家謂左右曰、吾將走陸奥、謀興復、卿等為吾放火、自刃以誑敵、左右許諾、泰家乃乘復輿、以血衣自蔽、令兵士舁之、詐為官軍被創者脫去、左右大呼曰、吾將殉主君、乃縱火自殺、賊兵悉敗、唯長崎高重禦戰甚厲、馬斃刀折者數次、還見高時、流涕曰、臣戰非不力、奈諸將皆敗、何、臣將一快戰而後殉主君、主君待之、乃撒微識、混

官軍、狙擊義貞、由良具滋覺曰、此長崎次郎也、帥眾圍之、高重苦戰潰圍、復逼義貞、橫山重真蔽捍而死、莊為久繼進、高重搏而投之、馳突益疾、從騎曰、何不殉主君、高重曰、吾殆忘前言、乃還東勝寺、箭被體如蟬、圓喜曰、何遲也、高重曰、欲搏敵將不獲、斬其兵數百耳、高時方與將士訣飲、高重引觴三飲、屬攝津道準曰、請獻下物、乃剗腹扶觴而死、道準笑曰、有此好下物、不嗜酒者亦能飲、滿酌盡其半、傳之諫訪直性而自殺、直性三飲勸高時曰、少年輩皆已奏技、老臣亦獻佳肴、乃屠腹抽刃、傳高時而死、圓喜曰、老臣為主君先引、自刃不殊、國喜已下

國史紀事本末

卷三十六

四十二

據吳本高重弟新左衛門為絕之、亦自殺、高時遂自殺、將士八百餘人縱火殉之、鎌倉平矣、義貞遣使奏捷、行在二十三日、車駕發船上、左近衛中將藤原行房勘解由次官藤原光守衣冠扈從、其餘百官皆戎衣、伯耆守名和長年帶劔侍衛、鹽谷高貞以千餘騎前驅、步騎連絡三十餘里、太平記二十五日、詔廢新主、歷代少貳貞經聞六波羅平、大懼、欲滅搦題止條、英時自贖、遣使告菊池武重大友、貞宗、貞宗應之、武重斬其使者、以報父怨、曰、若能誅搦題、請相見於戰場、新使以下、英時聞其計、遣長岡六郎詣貞經、覘伺眾果造盾、礪鏃、六郎乃進刺

貞經子賴尚、賴尚拳捷，扞以棋局搏而殺之。是日貞經負宗帥兵七千餘，攻英時破斬之，西海道平矣。二十七日車駕幸書寫山。二十八日五大院宗繁既降，義貞匿北條邦時，聞義貞窮搜餘黨，懼事泄，給邦時令西走，密報船田義昌曰：「僕知高時子邦時所在，請導君兵擒之。」君幸薦我，義昌詐許之，使兵士從宗繁，遂擒邦時於途，斬之。義貞惡宗繁不義，欲誅之。宗繁大懼，逃亡，途饑死。晦，駕次兵庫，赤松則村以兵五百餘迎謁，帝曰：「中興之功實在卿等。」詔令警衛，時鑰倉捷問未至，上下猶懷危懼。六月朔，有使者持書馳至，衆驚奏之，乃義貞捷書也。

國史紀事本末

卷三十六

四三

衆咸歡呼，敕授使者官。授官，天正本。二日駕發兵庫，捕正成以兵七千來迎。帝勞之曰：「國家再造，卿之力也。」正成謝曰：「不藉陛下威靈，臣豈能展尺寸以出重圍乎？」詔令前驅。四日還京師，御東寺，百官絡繹奉迎，車騎雲合。太平記。議者或謂宜用重祚之禮。左大臣藤原道平奏言：「陛下雖久播越，躬奉神器，臣以為宜用巡狩還宮之儀。」帝從之。增鏡。五日還宮，足利高氏直義以騎兵五千後拒捕，名和赤松諸將皆從，儀衛嚴肅，觀者莫不相慶。太平記。詔去正慶號，悉創新主所署官爵。正記。廢關白，特詔左大臣藤原道平右大臣藤原經忠參輔庶政。參取，增鏡，天正本。

平記。時西海捷報未至，帝以大納言藤原師基爲大宰帥，討九國，標題北條英時未發。七日西海捷報至，十三日以護良親王爲征夷大將軍。日增鏡。是月中務卿尊良親王尊澄法親王中納言藤原藤房僧文觀忠圓等至白遷所，結城宗廣以圓觀至，賜宗廣舊邑。大納言藤原師賢既薨於下野。太平記。帝悼惜，贈太政大臣，諡曰文貞。新集。長門探題北條時直就僧俊雅乞降，俊雅引見時直，膝行而前，俊雅隕涕曰：「武人流我，卿遇我甚倨，今何卑屈至此？」時直大愧，俊雅遣使請宥之。帝許之。先是阿曾時治、大佛高直等解千劔破圍支奈良，至是猶擁兵不降。帝詔源定平捕正成討之。一道並進，招宇都宮公綱降之。降者相屬。時治高直及二階堂貞藤等難髮出降，定平以還。秋七月九日，斬時治高直等十五人於阿彌陀峯。特宥貞藤，於是海內盡平。初議者謂六波羅雖以而鑰倉兵力猶強，私黨布列諸國者八百餘，根幹盤錯，跨據東西，非費數歲之力則未易剷除也。已而四旬之間，盡就蕩平焉。自源賴朝執朝權百七十餘年，而天下之權始歸朝廷，海內靡然思治。太平記。時論期以延喜天曆。梅本。

國史紀事本末

卷三十六

四十四

國史紀事本末卷之三十六終

國史紀事本末卷之三十七

從六位前大學校中博士常陸青山延光 編次

尊氏之叛

後醍醐天皇元弘三年秋八月五日賜左兵衛督足利

高氏名尊氏公卿補任九月二階堂貞藤圖不軌伏誅太平記

冬十月帝以海內新定欲鎮撫東陸以參議源顯家爲

陸奥守顯家辭曰臣之所學朝章國典至於戎事吏務

非所諳也帝詔曰古者文武不分故皇子皇孫執政子

弟多兼節鉞今海內紛一將復之古卿其鎮禦邊陲藩

屏國家親書旗銘賜之顯家請奉一皇子赴任帝乃令

國史紀事本末 卷三十七

義良親王出鎮召顯家賜衣馬遣之自朝廷既衰國司

絕不赴任至是始復舊制令前大納言源親房輔親王

神皇正統記雜取武人之制置評定衆引付衆以掌國務武建

二年東國將士競赴陸奥保曆間記上野介結城宗廣傾心

輔顯家與羽悉定元弘弘日十二月號廢主曰太上天皇

皇年代略記帝慮高時餘黨窺鎌倉以皇子成良親王爲上

野太守出鎮鎌倉以左馬頭足利直義爲相模守輔之

神皇正統記先是北條氏世補相模守至是以直義爲之鎌

倉既經兵火殘破尤甚直義招撫遠近號令一沿賴朝

舊制參取太平記初鎌倉之捷義貞觀若宮神寶有二引

兩旗義家東征所獻也二引兩足利氏旗號尊氏將士

欲得之義貞不與將士忿恚欲擊義貞尋聞尊氏滅六

波羅受厚賞東國兵多去義貞歸義詮新田足利始構

隙矣太平記

建武元年春正月羣臣奏皇宮狹隘朝儀不行請增廣

之乃詔造大內以安藝周防租賦充其經費徵諸國地

頭租入二十分一時天下新定民力罷弊而大役驟起

財用不給始用指鈔帝尋造馬場殿於二條高倉屢召

武人試騎射太平記細川賴春善射賜以衣服小笠原貞

宗工騎射就問其法帝將矯累朝文弱之弊故尤留意

國史紀事本末 卷三十七

武事參取細川家譜一時搢紳競學武技太平記是月立

恒良親王爲皇太子皇年代略記恒良宮人藤原康子所生

帝諸皇子中尊良最長護良最有功而康子方獲寵故

皆不得立康子左近衛中將公廉女美而巧慧從帝隱

岐亂平而還寵傾後宮所請皆聽繇此威權日熾中外

阿附焉太平記三月九日北條高時餘黨本間濫谷反襲

鎌倉足利直義擊平之元弘弘日高時族規矩高政

絲田貞義作亂筑紫僧憲法據河內飯盛山赤橋重時

據伊豆立烏帽子城詔土居通治得能通言討重時捕

正成討憲法少貳貞經大友貞宗討高政並平之於是

諸國將士悉朝京師，帝論功行賞，以足利尊氏為武藏常陸下總守護，弟直義遠江守護，新田義貞上野守護，子義顯越後守護，脇屋義助駿河守護，楠正成攝津河內和泉守護，和泉據攝津廣義寺正成靈牌名和長年因幡伯耆守護，赤松則村播磨守護，其餘國司守護多以指紳為之。左近衛少將源忠顯食三大國及郡邑數十，時人呼楠名和結城十種，曰三木一草，太平記：伯耆結城訓讀與木相近，種與草亦相近。十種忠顯家號也。正成奏曰：元弘將士皆遭逢盛際，並受恩眷，獨菊池武時死於王事，不及見今日之盛，其忠寧可忘乎？菊池武時狀帝以菊池武重為肥後守，太平記諸將皆設第宅於京師，不復還國。梅松論四方輻湊，人物殷繁，京師之盛，近古未有也。神皇正統記：都鄙雜錯，士女喧闐，遊蕩成風，酣嬉縱逸，聯句鬪茶，馳馬較射，服飾奇偉，僭越無度，臂鷹者相望於道。建武二年記指紳往往驟得寵擢，以華靡相誇競，忠顯尤極豪侈，營構亭宇，擬河原書院，令家衆逸設盛饌，與狎客譙飲，日費萬錢，醉則著錦袍虎皮行膝，聯騎遊獵，僧文觀積財養兵，小人媚附者皆奏請行賞，繇此黨與衆盛，騁騎塞路，護良親王亦頗耽嗜聲色，不戢其下，家衆驕蹇不法，夜屢殺傷路人，太平記而盜劫亦多，凶猾橫行，都下稍不安矣。建武二年記武夫往往

失邑，給事指紳，竊相謂曰：公家執權，吾輩悉為賤隸矣。太平記帝寵足利尊氏，族人皆獲殊賞，指紳亦或失望，相謂曰：不圖天下復為武家之有也。神皇正統記尊氏尋敘正三位，拜參議，公卿補任前大納言源親房歎曰：伏見朝，賊淺原為賴奉箭諸社，書太政大臣，時人笑之。然皇威衰而名器輕，亦可見矣。今天下一統，將舊弊是更，則名器最當愛惜，奈何尊寵武夫，濫授顯官，名器益輕，武人益驕，鄙諺所謂一戰之賞，吾求天下者，果非虛語，而天下必不安矣。神皇正統記初帝銳意於政事，置記錄所，決斷所，論理雜訴，令權中納言藤原實世論恢復之賞，諸國將士聞之，爭獻功冊，真偽雜揉，實世不能辨定，經旬月，僅得銓定二十餘人，尋以所考錯謬罷之，詔權中納言藤原藤房代之。藤房驗覈虛實，擬授略備，而帝稍倦於憂勤，以聲色自娛，多用婦言，行賞濫雜，藤房稱病辭職，乃令民部卿藤原光經代之。已而帝特以北條高時邑充供御料，北條泰家邑賜護良親王，大佛貞直邑給宮人廉子，其餘公賜衛府諸司及雜劇曲藝之流，北條氏食邑殆盡，有司適有所論定，內旨每多改易，至數人爭一邑，將士憤怨，皆還鄉里，中興施設，徒為文具，而人心益不服矣。帝尋奪則村播磨守護，授佐用莊，太平記或投匿名

書誹謗朝政至有妄綸旨之語建武二年會鹽治高貞獻

駿馬朝發出雲暮到京師帝大悅令本間忠秀調馭呼

曰天馬一日幸馬場殿觀之因問內大臣藤原公賢曰

天馬之出其應如何公賢盛贊時瑞藤房後至帝又問

之藤房對曰臣聞古之人君有卻千里馬者漢文光武

是也有駕八駿而巡狩者周穆是也然周衰而漢興其

應如此今天馬之出安知非災何則爭亂初平人民未

安此上下兢勵之秋也而百辟酣縱羣臣導諛國之安

危置之度外唯見記錄決斷二所訴牒日減以為無為

之化殊不知天下將士效力於往日者不過欲求賞於

國史紀事本末 卷三十七 五

今日而朝廷不加甄錄彼皆憤怨快鬱相率還國訴牒

之所以日減乃人心之所以日離也而朝廷不問方議

造大內重脩削生民之膏血諸國則國司專權而不知

制目代縱暴而不知抑守護屈辱而不知察如將軍家

人因襲既久而一旦削奪其號武夫缺望者不知其幾

如赤松則村其功不在尊氏義貞正成長年之下而一

且奪其國彼獨何罪賞罰失當如此非所以安海內萬

一奸雄乘釁而起安知無土崩之患乎且天下無事何

用此馬一旦有事警報必藉此馬安在其為祥瑞也願

陛下不愛異物而留心仁政焉帝不悅而止太平冬十

月五日藤房棄官而去公卿補任藤房驟諫帝不納一夕侍

帝諷以比干夷齊之事至曉而退即放還車徒徑入北

山岩藏為僧帝大驚命父宣房往索則已去矣護良親

王素惡足利尊氏謀除之尊氏依附廉子誣以謀反上

其徵兵書帝大怒託中官和歌會召親王命武士執之

幽之馬場殿誅其親臣三十餘人親王憂憤上書訴冤

有申生死而晉國亂扶蘇刑而秦世傾之語有司屏而

不奏太平十一月流護良親王於鎌倉元弘日記裏足

利直義鑿土牢於二階堂幽之時人謂以親王之功帝

乃付之他人任其繫囚亂起無日矣太平是歲以上野

國史紀事本末 卷三十七 六

太守成良親王為征夷大將軍神皇正統記詔脩神泉苑以

禳時災苑承久以後蕪廢不修北條泰時嘗憂之遣人

設周垣其後又廢至是脩之太平

二年夏四月以宮人藤原廉子准三宮女院小傳六月二十

二日權大納言藤原公宗反初承久之難公宗七世祖

公經通謀北條義時義時深德之繇此子孫與鎌倉相

為唇齒閭門貴顯權勢薰熾及高時滅公宗不自安潛

謀復北條氏匿泰家於家臣三善文衡說公宗曰國

之興亡在賢臣用捨今朝臣憂國者惟一藤房藤房去

而朝廷無人當是時馳檄四方收合鎌倉餘衆天下可

圖矣。公宗然之，密集近國兵，將作亂京師，約令北條時行應於東國。名越時兼應於北國，乃為阱浴室，多植白刃，請帝幸其第。帝許之，適夢赤袴女子從神泉苑來，曰：「虎狼在前，熊羆在後，帝寐而怪之，及往過神泉苑，默禱水俄沸騰，帝益怪，駐駕。」會公宗弟公重馳上變，帝乃遣源定平結城親光、名和長年捕公宗及弟俊李、俊李逃去，詔幽公宗於定平第，推鞠公衡。三日乃服，斬之。六條河原，黨與在京者皆走。東國北國秋七月，北條時行反於信濃，兵五萬餘，名越時兼反於北國，兵六千餘，時行進逼鎌倉，足利直義遣澀川義季、小山秀朝拒之，武藏

國史紀事本末

卷三十七

七

全軍覆沒。太平記直義逆戰於井出澤，又敗。梅本二十三日

日本據天正直義奉成良親王出走，途謂淵邊義博曰：

時行在吾掌握，顧吾家深警，惟有護良，汝為我殺之。義

博馳至土牢，牢中幽闇，親王方照燭讀佛經，見義博蹶

起曰：汝欲殺我乎？進奪其刀，義博乃斫膝踏之，將馘親

王，縮頸嚙折刀鋒，義博更挺副刀害之，提首將去，眼猶

炯炯，斷鋒在口，懼而棄去。侍姬索獲之，收屍火葬，還京

師。太平記土寇競起，擊直義，直義血戰潰圍，止。至手越河

原，窘急將自刃，義博救之，戰死。直義脫身走駿河。本太

平時行進入鎌倉，八月二日，月日據公卿補仕流藤原公宗於

出雲，令名和長年押送，將發源定平促長年，長年謂密命行刑，乃拌公宗斬之。會直義敗，問至，帝詔尊氏討時行。太平記尊氏請為征夷將軍，兼諸國追捕使。神皇正統記不許，任征東將軍。神皇正統記尊氏將發，謂赤松則村曰：「此行吾家大事，願得卿子一人俱往，則村令子貞範從之。」應仁外記尊氏乃發，武人失職者皆從而東。梅本三日

國史紀事本末

卷三十七

八

貞範冒險衝陣，賊不能支，走相模河，阻水而陣。太平十

八日，尊氏進至河上，元弘日會河水暴漲，佐佐木高氏

奮曰：先驅濟河，吾家故事，乃亂流而進，賊邀戰於中流，

高氏揮刀斬二人，大呼登岸，高師泰赤松貞範繼濟，賊

敗走，尊氏追及於腰越，又破之。天正本十九日，尊氏進

入鎌倉。梅本賊將諏訪祝等皆皮面自殺，時行逃亡，鎌

倉平矣。時兼略北陸道，帥三萬餘人赴京師，至大聖寺，

土人歎曰：上木山岸瓜生深町等破斬之餘，黨悉平。太平

記時行據鎌倉，僅二旬，時人呼曰：二十日前代，尊氏賞

戰士，宥賊黨，以悅人心，族人在京者皆遣使賀捷，帝遣

藏人頭源具光救尊氏曰東國速平卿功大矣朕將行賞卿速旋師尊氏將奉詔直義進曰吾家威名太重故諸將往往圖我而竟不能發蓋有天助今已脫敵中就鄉里安可復往尊氏然之乃因源賴朝舊址大造府第命諸將士悉營第宅梅松論初尊氏見朝綱不振潛蓄異圖至是盤據東國決意舉兵冬十月尊氏自署征夷將軍東國管領據鎌倉叛以討新田義貞爲名收義貞采邑在東國者給將士帝聞之大怒將討之公卿皆曰虛實未可知也乃令僧慧鎮往探未發尊氏遣細川和氏上疏曰元弘之初高時悖叛區宇沸騰臣倡率義旅

國史紀事本末

卷三十七

九

掃平京畿義貞徒以斬鎌倉使懼死起兵聞臣克敵始以勤王爲名三戰不克方謀退守而臣男義詮以幼穉起兵下野義衆雲合於是義貞亦進破賊是戰在義貞功在義詮而義貞冒功驟得厚賞是蠹國之奸也臣今在外苦於征役而奸臣在內譖毀日進是大亂之基也願誅義貞以安海內義貞聞之收尊氏邑在其管內者上疏曰嚮海內擾亂義族並起南有正成西有則村尊氏受賊命西上首鼠兩端觀望成敗聞高時敗死迺始歸順向令賊兵不敗彼豈敢倒戈顧使尊氏成功者賊也今又害臣忠義敢肆讒毒臣之起兵以五月八日而

尊氏攻六波羅在七日地之相去八百餘里臣何由知之尊氏誣臣罪一矣義詮帥百餘騎入鎌倉以六月三日而臣之平鎌倉在五月二十二日況義詮數歲小兒非有寸功而尊氏誣臣罪二矣六波羅之滅尊氏無所受命而妄誅親王卒伍非司行法罪三矣陛下既使親王鎮東陸而尊氏敢請征夷之號僭倨不遜罪四矣自署東國管領罪五矣中興之業雖由天助而大業速濟莫非護良親王之謀尊氏構陷流之東國罪六矣陛下之流親王不過欲其自新而尊氏幽囚之以快私忿罪七矣直義避時行出走使人害親王罪八矣此八者天地所不容此而不誅四維絕而八柱傾臣願奉詔翦誅尊氏直義以宣皇威帝下公卿議參議藤原清忠曰尊氏之罪大矣至於害親王其事果實邪罪在必誅請待東國聲問會護良親王侍姬至自鎌倉帝始知其實震怒西南諸國亦上尊氏徵兵書十一月十九日帝詔中務卿尊良親王管領東國賜節刀於左兵衛督新田義貞帥諸將討尊氏兵六萬七千餘由東海道大智院宮將兵五千由東山道詔鎮守府將軍源顯家發陸奥出羽兵與諸軍會義貞戎裝入辭廷議謂治承中平維威東征授以驛鈴而不授節刀有違累朝命將之儀而兵

國史紀事本末

卷三十七

十

亦無功、不祥甚矣、乃更備禮遣之、義貞命、舟田義昌圍

尊氏高倉第、三喊發雙鎗矢、所門柱然後發、遵平正威

討源義親故事也、尊良親王以五百餘騎發比至三條

河原、遇暴風、旗章金日月墜地、見者危懼、太平記京師武

人歸心尊氏者、皆東走、東國將士欲勤王者、皆西上、道

路如織、梅松論直義聞之、會諸將謂尊氏曰、官軍分路來

攻、請拒之、矢矧薩陞山、尊氏默思久之、詐謂衆曰、承久

以後、吾家受北條驅役、累世愧恨、今也位至三品、職忝

閭寄、國恩厚矣、吾何敢背之、今天子怒我、以害親王且

徵兵也、而此皆吾所不知、吾當以此自訴、上猶不聽、則

國史紀事本末 卷三十七 十一

薙髮逃去、卿等各自爲計、吾則終不敢抗王師也、作色

而起、衆失色、居數日、上杉憲房細川和氏謂直義曰、指

紳秉政、永如今日、則天下武夫相率爲奴隸矣、彼非不

怨怒、顧無首倡耳、公一麾而起、孰不響應、將軍縱不欲

抗王師、王師一旦奄至、安得不自救、我緩議曠日、使彼

踰險、悔無及矣、公速發、直義大喜、帥諸將而進、陣矢矧

河、二十五日義貞進至矢矧、望見賊營、顧長濱顯寬曰、

河可濟乎、汝視之、顯寬單騎往探、還報曰、河有三難可

濟、然東岸峭絕、賊兵叢鎬、我先濟必不利、請誘彼邀擊

義貞然之、出射手誘賊、賊競進、官軍擊卻之、仁木細川

繼濟、義貞命栗生顯友條塚伊賀守擁大盾前驅、令曰、

賊進勿輕擊、退勿妄逐、整隊聯轡以遏奔衝、來薄者斬、

乃進、賊不能馳突、前驅皆斃、賊大沮、義貞義助帥生兵

徐進、賊濟河而退、至夜賊又退陣、驚坂會義貞後軍宇

都宮公綱、熱田大宮司尾張昌能以兵三千餘至、聞戰

罷、乃進攻驚坂、賊又走、直義後軍二萬餘來援、賊復振

十二月五日、義貞進至手越河原、望見賊營曰、賊勢甚

盛、此必生兵也、然敗卒過半、後軍必潰、義助等進擊、戰

十七合、會日暮交綏、義貞夜潛遣精兵從叢薄中雨射

賊後軍、賊果驚潰逃還、義貞進入伊豆府、以山道軍未

國史紀事本末 卷三十七 十二

至、駐兵不進、降者相屬、軍勢大震、直義還鎌倉、則府門

閉矣、怪而扣門、一人答曰、將軍已逃入建長寺、欲爲僧

既斷髻而衆固止之、顧未披剃耳、賊相顧驚沮、上杉重

能默思曰、吾有一計、乃與直義謀、僞作綸旨曰、尊氏罪

大、縱爲沙門、決不可赦、示之尊氏曰、獲之敵尸、尊氏乃

曰、事既至此、披剃何爲、但當與義貞決死耳、脫道服、披

錦袍而起、賊大悅、皆斷髻擬尊氏、賊將欲出降者皆來

會、乃令直義扼箱根、太平記謂衆曰、吾當繞出義貞軍後

乃從竹下進、梅松論十二日義貞使義助奉尊良親王擊

尊氏、自進攻箱根、菊池武重先驅陷陣、排盾山腹而憩、

公綱等呼譟繼之。義貞據高指麾，衆皆奮前直義，殆不能支。而竹下軍未戰，親王兵五百餘揭錦旗先驅，呼曰：「賊何不降？」賊望見曰：「此京軍也。」大喊來擊，官軍不戰而退。賊追擊，官軍多死。義助怒曰：「羸兵誤我。」乃以兵七千橫衝賊陣，殺傷相當。子義治深入，義助以爲戰沒，馳突而進。義治被髮雜賊中，僞爲還戰，入父軍。賊騎從者二人，乃目左右斬之。義助大喜，欲召後軍更戰。大友貞載、鹽冶高貞、倭叛射官軍，官軍遂挫。左近衛中將藤原爲冬死之。義助以餘兵西走，敗。問至箱根，箱根軍亦潰。舟田義昌聞之，巡視諸營，唯旗幕耳。往告義貞，義貞曰：「吾國史紀事本末」

卷三十七

十三

當退收散兵，乃下箱根，兵僅百騎。昌能以百餘人迎之，武重以三百餘及之，路遇一僧，告曰：「敵數十萬據伊豆府，諸君何得過？」栗生篠塚顧衆曰：「一騎當千，非公等而誰也。」乃馳而進，賊將一條次郎遮擊，屬目義貞，將搏之。篠塚從旁搏而投之，一條躍立於數步外。篠塚下馬蹴倒，斬之。賊爭進，篠塚且蹴且斬，手殺九人。賊不敢過，遂過伊豆府而西，散卒稍聚，得二十人。至黃瀬川，遇賊將小山，擊走之。比過浮島原，又遇賊，問之，則甲斐源氏也。將擊之，皆降，命爲前導。至今井，賊二十據山，問降兵曰：「武田小笠原也，乃圍之。」高田義遠曰：「圍而不闕，必損吾

衆，乃關東一角，賊逃去。十四日至天龍河，衆已七千餘。太平記義貞召土人曰：「吾濟以馬則溺，以船則緩，吾不欲損一人，汝速造浮橋，不聽則斬。」土人懼而造橋。持松論衆悉濟。義貞迺濟橋適斷者數間，馬卒墜水，栗生顯友全鎧入水，援人馬登岸。義貞、義昌相挈一躍而濟。未濟者二十餘人，名張八郎投而濟之。最後雙挾二人躍而濟。衆歎曰：「有是將，有是士，不克者天也。」太平記欲撤橋，義貞怒曰：「敗軍猶能造之，況賊乘勝奄至，咄嗟而辦，我毀之何益？」夫以寡敵衆者，固當壞橋焚舟以示必死。今若爲之，彼將謂義貞駭懼，毀橋而走。吾深愧之，乃使土人守之而去。持松論屯矢矯，兵復逃散。公綱謂義貞曰：「駐軍積日，寇盜必斷我歸路，請退。」屯近畿，義貞乃赴尾張。太平記

卷三十七

十四

尊氏直義，躡官軍西上，至天龍河，賊以河流湍悍，豫憂之。至則浮橋架焉，怪問土人。土人以義貞言答，賊流涕曰：「真名將也。」持松論讚岐人舟木賴重飛驒奏曰：「前月細川定禪叛，應尊氏臣發兵討之，賊夜遮擊，臣父死之。於是舉國皆叛，具舟宇多津，將犯京師，請備之。」兒島高德亦馳使奏曰：「前月國人飽浦信胤叛，應定禪據備中福山，目代往擊，以兵寡引退，賊追躡死者數百。」小坂河村諸族皆應賊，備後守護淺山條就進攻福山。臣帥兵援

之、奪門而入、國人俄有叛者、官軍不利、退守備前三石、守護松田、威朝來會、俱進討賊、威朝亦叛、乃退保熊山城、兵有讎、城者、臣僅脫走、竄匿山林、今不速討、西國皆亂矣、丹波人碓井盛景亦遣使奏曰、國人久下時重叛、攻守護、官軍不利、退屯攝津、乞援赤松、則村、則村不應、反以尊氏令招誘國人、其他但馬、丹波、皆叛、將待備前、備中、賊分道犯京師、請備之、能登石動山僧亦遣使奏曰、越中守護晉門利清叛應尊氏、國司源定清來保山上、賊來攻縱火、定清死之、賊徒日盛、將犯京師、請為之備、於是加賀富樫、越前足羽、伊豫河野、長門厚東、

國史紀事本末

卷三十七

十五

安藝熊谷、周防大內等皆叛應尊氏、時新田義顯、楠正成、名和長年諸將警衛宮禁、兵備嚴固、人心頗安、已而警報疊至、京師駭擾、帝乃使人乘天馬召義貞、至近江馬薨、義貞遂旋師、太平記延曆寺僧祐覺帥僧兵千餘、城近江、伊岐代社欲待陸奧軍夾擊尊氏、晦尊氏遣師直攻之、至夜城陷、祐覺航湖而退、梅松論

延元元年光明院建武三年春正月、賊兵薄京畿、都下大擾、官軍多逃、帝敕決斷所懸購戰士、或題和歌於後、誚之、七日、義貞部署諸軍、名和長年帥出雲、伯耆、因幡兵二千、守供御賴、楠正成帥大和、河內、和泉、紀伊兵五千餘、守

宇治、脇屋義助帥大納言藤原公泰、僧文觀等兵七千、守山崎、義貞自帥兵一萬餘、守大渡、八日、久下時重攻峯堂、權大納言藤原師基敗走、賊進據大江山、九日、義貞遣江田行義擊之、斬時重弟長重、賊潰去、已而尊氏至大渡、義貞預植椿水中、設撻橋上、撤板三間、斷折不殊、賊遲疑未進、官軍呼曰、吾既殲丹波兵、公等非其渠魁邪、湍激如宇治、古人皆能濟、此水緩而淺、公等何不濟、賊怒曰、前者溺後者踐之、是乃橋也、舉鞭將濟、高師直怒曰、卿等病狂邪、水面緩流、實深而駛、安得騎渡、乃毀民家縛筏、而濟、遇椿不進、官軍雨矢、俄而筏壞、賊五

國史紀事本末

卷三十七

十六

百悉溺死、官軍大笑、乃復呼曰、橋架可濟、何用舟筏、賊渡橋架、將毀撻、官軍佯止、賊爭進、橋架忽斷、溺死千餘、賊大沮、時諸將皆大設守備、正成、火平等院、撤橋剗岸、壘鉅石、激流水、怒騰如瀑、長年多植椿、中流繫大木、引巨索以絕津渡、諸營皆固、唯山崎壘壁新脩、而鑿壕甚淺、守兵亦弱、時人危之、會細川定禪發讚岐援尊氏、路遭赤松範資從京師逃還、乃以範資為先鋒、遣使報尊氏、請攻山崎、賊大悅、十日、賊前軍薄山崎、官軍迎戰、戰酣、定禪等奄至、官軍退入壘、賊乘之、踰壕破柵、官軍力拒、僵尸填壕、但馬人長九郎出降、文觀等兵亦爭降、義

助以餘兵走欲與義貞合義貞聞山崎陷恐賊犯關亦引還路遭義助俱走大友氏泰宇都宮公綱皆叛新田義顯以三千人斷後定禪急追之義顯回軍陣相撲街兩射久之度義貞到關縱兵擣陣氏泰公綱注目義顯督衆圍之義顯苦戰潰圍往返數四身被數創鎧袖皆斷僅而引還入見於紫宸殿庭帝親臨慰之入見以下據毛利家本遂避賊於延曆寺義貞以二萬餘人扈衛名和長年欲一詣關而後赴行在乃引還賊兵填咽認舟帆徽號遠擊長年馳突戰十七合從兵三百存者僅百餘到皇宮則四門悉閉長年流涕而去賊縱火京師宮闕蕩盡

國史紀事本末

卷三十七

十七

歷朝寶器多亡歷朝以下據神皇正統記十一日尊氏入京師結城

親光詐乞降欲刺尊氏尊氏疑之使大友貞載受降貞載進曰請解鎧仗親光知其疑已挺刀所之貞載墮馬死賊急圍親光親光奮戰而死帝在延曆寺寺僧未應帝親作文奉之日吉社僧定宗帥僧徒五百入衛悉以坊舍授官軍僧祐覺以千餘人來謁移書勸王於是舉寺悉應獻錢六萬貫穀七千斛以充資糧官軍賴以安尊氏欲藉園城寺以抗延曆寺遣使誘之僧徒遂黨尊氏尊氏遣細川定禪據園城寺欲先陸奥兵未至犯行在先是源顯家發陸奥赴鎌倉路遭土寇轉戰而前到

鎌倉則義貞既敗賊亦躡而西矣顯家乃倍日躡賊新田宇都宮族來會衆至五萬餘十三日日據神皇正統記江攻佐佐木氏賴觀音寺城拔之斬級五百餘報捷行在官軍大悅帝詔祐覺遣七百餘船迎之志那濱船交馳如織定禪望見乞援尊氏尊氏曰東國安得大兵此必紀清兩黨也尋當來屬不遣隻騎東兵悉濟湖至行在唯紀清兩黨聞公綱降賊轉入京師顯家見義貞曰秣馬一兩日乃攻賊大館氏明進曰疲馬休則益病不可得騎且賊聞我至未必遽設備利在急擊諸將然之氏明乃帥兵六千夜進陣幸崎僧徒二萬陣如意嶽土

國史紀事本末

卷三十七

十八

兵航湖備旁射十六日遲明顯家義貞進至幸崎縱火大津民家薄園城寺僧徒出拒千葉宗胤奪門而入賊圍之宗胤戰死顯家繼進一戰而退結城宗廣繼之不利引退賊衆勢突出大津大方熾乃沿湖來追舟軍兩射賊不能進官軍擊卻之將奪門僧徒苦戰撤橋閉門義助呼曰破門破門衆生篠塚拔鉅木塔婆架濠烟時能渡里忠景曰卿能造橋我能戰疾渡而進賊從箭眼叢刺忠景奪十六槍時能踣折門關賊駭而退官軍逕進舉火如意嶽僧兵應時而下縱火堂宇風欲扇熾官軍衆煙奮擊斬級七十三百餘定禪走京師顯家回軍

舟田經政叩義貞馬曰賊既摧挫我衆勢窮蹙孰能禦者義貞曰善乃帥兵三萬餘追之及於山階發箭徐進賊遇隘乃急擊賊驚亂人馬相騰躡伏尸填谷官軍踐而進尊氏望見騰煙曰圍城寺破矣乃出陣三條河原義貞分軍爲三一登將軍塚一陣真如堂一負法勝寺而陣自登華頂山望賊賊綿亘數里不見其際乃謂衆曰衆寡懸殊不得無一奇策卽選精兵二千卷旗撒徽伴爲定禪敗卒入賊中賊不覺尊氏曰吾聞新田好馳突今據山不進是其兵不多耳令高師泰擊將軍塚義助在塚上選射手雨射賊多死乃下擊走之義貞尊氏

國史紀事本末

卷三十七

十九

大戰自午至酉六十餘合賊多而亂官軍寡而整每戰皆捷官軍在賊中者突起衝陣賊驚見其旗號皆中黑遂大亂相殺尊氏狼狽逃走官軍追尾比至桂河尊氏欲剗腹者三會日暮官軍引還定禪夜謂衆曰今日先敗者我也我不復戰何以解嘲今新田旣疲餘皆散而剗掠其虛可襲乃與赤松貞範合縱火入京官軍不利舟田義昌等死之義貞義助還行在尊氏復入京師二十日大智院宮帥兵二萬還自東山道至行在官軍欲再進討適遇凶日馬亦悉疲乃期以二十七日至期正成宗廣長年陣下松顯家陣山科權中納言藤原實世

陣赤山僧徒陣鹿谷義貞陣北白河遲明僧祐覺攻公網於神樂岡賊投巨石力拒僧金村手巨鐵箭登城從箭眼鏃賊洞鎧斃之賊大懼僧徒急攻拔之公網走二條正成等縱火出雲路尊氏遣足利高經拒之正成施鉏於楯聯接雨射賊將退乃縱騎突擊賊敗走顯家從栗田口縱火而進尊氏望見曰此北畠殿也帥衆迎戰戰酣義貞義助以三萬餘人來橫衝賊陣將斷其後賊驚曰中黑來矣遂皆崩敗義貞易服單騎深入索尊氏不獲乃分道追擊太平記尊氏窘感欲戰死上杉憲房等苦戰而死尊氏逸去梅松論會日暮正成謂義貞曰官軍

國史紀事本末

卷三十七

二十

非不捷然殺獲不多賊魁遁逃我駐軍京師衆四出剽鹵勢不可禁賊又還戰何以禦之請引還養銳一舉而驅攘之義貞從之尊氏復入京師賊相謂曰我屢爲寡兵所困豈非天威難犯邪二十八日正成遣僧三十人僞爲索尸往來戰場賊怪問乃泣曰疇昔之戰新田北畠楠諸將皆沒尊氏悅曰此乃官軍之所以棄京師也使人索之取面貌略肖者梟之太平記江刺三郎貌酷肖義貞援赤甲戰死甲亦相類賊以爲義貞皆大悅梅松論正成夜遣卒持炬火赴鞍馬絡繹相屬賊望見以爲官軍喪將逃亡分兵斷前路京師守備甚懈晦官軍縱火

進攻賊惶駭潰走顧後賊以為追兵自殺者衆尊氏走丹波官軍收復京師太平記車駕還御成就護國院神皇正統

二月二日遷御華山院賊散卒集湊河遣使報尊氏

請犯京師尊氏往會之軍復振居數日宇都宮公綱以

五百餘人歸順其餘多降義貞太平記赤松則村謂尊氏

曰地形不利請據臣摩耶城或曰兩陣勝敗未決大將

一旦入城是示弱也諸國聞之得無離心邪尊氏從之

梅松論五日顯家義貞進入攝津尊氏遣直義逆拒六日

兩軍遇於豐島河原乃戰殺傷相當正成後至繞出賊

後直義懼而卻走義貞追至西宮與賊相持七日土居

國史紀事本末 卷三十七 二十一

得能帥戰艦三百艘至自伊豫屬官軍大友厚東帥二

百艘至自筑紫屬尊氏乃復戰土居得能衝盪陷陣急

擊直義直義走兵庫太平記十一日細川和氏以周防長

門兵至義貞迎擊破之瀬河則村夜說尊氏曰兩軍之

間唯旗旌是視官軍以錦旗先驅而我迺無之故天下

以為賊今請持明院上皇院宣得錦旗以抗官軍蔑不

捷矣然而衆勞卒罷縱能進取京師將何以守不如暫

趣鎮西鎮西將士屬我者筑前有少貳豐前有大友而

南海委之細川中國委之則村將軍徐徇諸國大舉而

東此萬全之策也尊氏然之梅松論時熊野別當道有在

尊氏軍尊氏謂之曰吾軍屢敗由吾抗天子吾將請持

明院上皇宣旨使兩帝爭天下然後吾兵有名矣卿與

藤原資名有舊為吾還京請之乃遣之大友貞宗亦謂

尊氏曰少貳貞經既屬將軍鎮西必有應者請乘臣船

而西以為後圖尊氏從之十二日日松論尊氏航海賊

驚曰大將走矣蒼黃爭舟俄而巨艦沈沒溺死二千餘

船懼而解纜賊游泳尾之亂刀交下死者無算官軍凱

旋帝詔行賞以義貞為左近衛中將義助為右衛門佐

京師聞尊氏西走人人相慶無復戒備識者憂之太平記

尊氏至播磨室津或曰官軍必將躡我請分遣諸將以

國史紀事本末 卷三十七 二十二

備之尊氏曰善梅松論命石橋和氏曰卿還備前拒官軍

於三石命細川定禪細川賴春曰卿還讚岐聚兵襲京

師又遣上杉憲顯於石見今川範國於備中桃井小早

川於安藝大內弘世於周防厚東宗西於長門留赤松

則村於播磨又命佐竹義敦曰東國恐有變卿速還常

陸參取諸異本太楠正成已遣族人左近衛將監正家

於常陸平記梅松論郡邑常陸前王與佐竹義冬戰於久慈西斬

之常陸清音尊氏僅帥武藏相模兵四百餘而西官軍

無追躡者太平記二十日至長門赤間關梅松論遣使召少

貳貞經太平記二十五日貞經遣子賴尚帥五百餘迎尊

氏論梅松菊池武敏聞之帥兵三千餘馳至水木渡賴尚

既濟從兵未濟者百餘武敏掩擊殲之斬其將時籠賴

尚望見忿怒竟不能救往屬尊氏記太平武敏武重弟也

菊池系圖二十八日武敏攻貞經於太宰府走之貞經豫具

器械鞍馬待尊氏武敏悉火之貞經望見曰將軍嘗以

手書招我今又來臨曠世之榮也而我先挫敗何以生

為乃保內山武敏進攻一晝夜貞經不能支囑一僧曰

治承中三浦義明應源氏效死衣笠以勵子孫是吾所

慕汝為我告賴尚吾既為將軍死子孫善體吾意二十

九日貞經遂自殺尊氏至蘆屋津聞之乃問之賴尚賴

尚懼衆心沮擾乃曰此妄說耳論梅松時尊氏兵未集而

所遣諸將皆舉兵諸國赤松則村據播磨白旗城石橋

和義據備前三石甲斐河二城仁木賴章據丹波高山

寺城菅家江見據美作奈義能仙菩提寺三城遠近皆

應賊兵日振帝懼東國應之記太平以義良親王為陸奥

太守源顯家為鎮守府大將軍奉親王還鎮參取神皇

弘日記以常陸下野隸鎮守府保曆詔新田義貞管領

山陽山陰十六國討尊氏義貞適病未能發而鎮西勤

王之師僅有菊池武敏武敏既斬貞經國人來會乃進

討尊氏記太平三月朔尊氏令賴尚前導至宗像社大宮

司迎見贈鎧馬尊氏聞武敏來進問計賴尚賴尚曰臣

父兵寡故戰不捷然父諳熟地形其潛竄不死必矣明

日之戰國人必將應臣臣一隊足以破菊池將軍勿憂

二日尊氏直義發宗像武敏進陣多多良濱兵皆插竹

技為徽聲勢甚盛論梅松尊氏望見大懼直義曰昔源右

將敗於杉山兵僅七騎今我兵三百可以一戰請嘗敵

記太平賴尚進曰敵兵雖多關士不過三百餘皆降耳臣

能一戰攘敵請速進賊勸尊氏直義齊進尊氏曰吾鎮

西之戰始於今日而吾兄弟齊進後無繼援衆何以奮

乃使直義先進武敏逆擊喊聲震天會北風揚沙賊從

上風馳突武敏不利而退賊追至博多武敏麾衆還戰

賊敗走武敏尾擊直義窘甚馳使謂尊氏曰直義死於

此請速赴長門周防以圖後舉乃斷隻袖贈之尊氏督

衆急進武敏苦戰又不利而退論梅松阿蘇大宮司宇治

惟直備前守秋月種道死之記太平尊氏進至太宰府聞

貞經死甚哀三日鎮西兵多降尊氏尊氏令降兵守門

以示不疑直義為貞經持喪禁兵士喧嘩賴尚齎酒肉

慰之曰臣非不感公意然軍機難緩何不急攻菊池直

義乃出見將士遣仁木義長等攻菊池論梅松四日義貞

使江田行義大館氏明帥兵二千先發赤松則村邀擊

於室山官軍破之遣使報義貞曰乘機電掃西國可平
義貞尋發留賀古河數日近國兵會者六萬餘進次斑
鳩驛將攻則村於白旗則村遣使給曰元弘之亂僕功
不減諸將而賞則不及降人故僕一旦背去然僕蒙護
良親王殊顧死不敢忘朝廷若復僕守護職請復效節
朝廷義貞信之遣使以聞往返旬餘則村密修其城募
精銳時芻糧報曰守護既得之將軍不復煩餽覆之綸
旨義貞大怒進圍之數重則村固守義貞慮兵士侵掠
榜街路曰敢刈一穗侵一屋者處法由此遠近按堵小
山田高家掠民田當死義貞曰彼豈輕犯法者乃使人

國史紀事本末

卷三十七

二十五

視其營糧食已竭而鎧仗燦然義貞曰此乃將之罪也
以衣與田主給糧高家高家感激義貞督衆晝夜力攻
城固不拔記太平而尊氏已鳴張鎮西菊池武敏苦戰半
月外無援兵城遂陷論梅松武敏逃匿山中賊又陷八代
城九國望風降附脇屋義助聞之謂義貞曰嚮楠正成
據金剛山賊傾天下之兵頌之孤城之下情見勢屈而
天下亂我今攻小城不能拔曠日糧竭則賊氣益振而
尊氏亦以九國來矣今不先其未至略定備前備中以
開西路將何以挫過銳鋒請留兵備此城鼓行而西直
指筑紫義貞曰善使義助帥二萬餘人先發進至船坂

山山谷巉峭中盤絕徑賊設柵拒守官軍不能前仰攻
經日夏四月兒島高德遣使謂義貞曰聞公攻船坂船
坂不可攻高德請以十八日起兵熊山船坂賊不得不
來攻公乘其虛分兵爲二一赴船坂磨賊一從間道出
三石城西賊腹背受敵不能復禦船坂一破西國皆應
矣時播磨以西悉屬賊輸款者唯高德一人義貞大悅
許之至期高德夜火其宅帥二十餘人而發衆稍來集
僅二百餘登熊山而陣多設燎火爲疑兵賊果大驚遲
明來攻高德終日力拒賊夜從山後登所高德墜馬松
崎範家從旁斬賊高德悶絕父範長厲聲曰昔鎌倉景

國史紀事本末

卷三十七

二十六

政中矢不拔馳逐三晝夜遂殺射者汝今無勇乃爾何
以舉大事高德蘇曰扶我上馬我能破賊範家悅乃與
範家擊賊卻之已而義貞分兵令江田行義帥二十餘
人赴杉坂大井田氏經督菊池武重宇都宮公綱兵五
千攻船坂烟時能等帥精兵三百餘從間道進出三石
城西賊望見以爲熊山兵還官軍俄揭中黑旗縱火而
進三石兵寡不敢出船坂前後受敵不戰而潰官軍夾
擊殺獲殆盡行義進入美作圍奈義能仙菩提寺三城
賊走保山上氏經進入備中福山城義助留攻三石尊
氏方謀入寇賊懲前日之敗咸有難色會則村遣則祐

謂尊氏曰官軍雖多所攻不下糧竭兵疲將軍及此時東上孰能禦之儻吾城一破山陽皆敵雖百萬不易克也

太平記

石橋扣義亦遣使告急

梅松論

二十六日尊氏留

仁木義長於太宰府遂帥舟師東上五月朔至安藝嚴

島禱祀三日僧賢俊齋廢主院宣而至尊氏悅曰吾兵

有名不復敗矣

太平記

始揭錦旗

梅松論

諸國兵爭先來降

太平記

五日至備後鞆議水陸之便賴尚曰山陽諸城受

圍不有陸軍何以克之不如水陸齊進議乃定十日尊

氏帥水軍直義帥陸軍二道並進日夜舉烽相報細川

定禪帥五百船從讚岐迎之其幕畫足利氏徽號賊望

國史紀事本末

卷三十七

二十七

見驚譟曰得非楠正成設計來襲邪其畏正成如此

梅松論

論福山官軍聞直義來謂氏經曰城壘未成彊寇奄至

恐不可禦氏經曰吾為禦賊來奈何聞賊多而逃十五

日直義夜進薄福山燎火燭天遲明來攻城中寂然賊

疑其遁大喊試之官軍乃鳴鼓發喊賊驚曰是不可侮

遂四面齊登官軍蔽樹注射箭無虛鏃氏經曰吾當衝

直義陣乃帥精騎十餘開門出盪賊多墜崖谷氏經望

見二引兩旗以為直義徑進縱擊不見直義顧則城中

火作即潰圍走三石十八日義助報之義貞義貞使使

者還報曰吾留拒陸軍水軍必指京師不如退軍攝津

以扼賊衝又遣使美作召行義義助夜解三石圍而退

賊要之松坂會月黑官軍驚愕菊池氏兵士原源五源

六殿而射賊賊不敢近乃得去十九日兒島範長要賊

別將於西川尻適聞福山陷夜馳至三石義助既去乃

從間道退高德病創不能騎託之一僧而去天已明赤

松則村遣兵遮擊賊呼曰汝等惜死則降範長笑曰尊

氏以書誘我我毀裂投火寧降汝乎徑前潰圍斬十餘

人而去賊傳呼曰逃兵過矣土寇應聲羣起戰十八合

從兵僅存六騎範長謂之曰吾舉族而來當蹂躪而過

今不及矣入道旁佛舍遂自殺從兵皆殉之唯族人和

國史紀事本末

卷三十七

二十八

曰範家佯死欲刺賊將賊將來即其族宇野重氏見橫

尸驚曰吾早知之不使之死範家起曰吾在斯重氏悅

而放還之義貞既解白旗圍退屯賀古河待義助行義

會雨水漲溢將士恐賊躡擊勸義貞先濟義貞曰賊若

至吾將背水死關此乃韓信之所以破趙也令羸弱先

濟義助行義尋至乃縛筏而濟二十三日兵庫士卒

逃亡過半馳使奏狀舉朝惶駭二十四日詔楠正成往

援正成奏曰賊驅率九國其衆如雲官軍寡且疲何以

禦之請召還義貞再幸山門以避其銳臣還河內以畿

內兵斷水路待賊糧竭兵散前後夾攻一戰可滅也義

貞之意必與臣同所以不退者畏譏耳戰在收功萬全惟陛下熟計之公卿皆曰武事宜委之武將參議藤原清忠曰正成言是也然大將未戰於外而鑾輿輕動於內天威無乃挫邪今九國之兵必不過關東八國之兵官軍固嘗摧破之蓋有天助今日之策決戰都外耳何必再幸山門帝從其言正成不肯爭帥衆五百餘而發至櫻井驛謂子正行曰獅子生兒三日投之絕壁以試跳騰汝今十餘歲慎勿忘吾言吾之見汝惟有今日明日無我天下必歸足利汝勿惜一死以墜家聲必也糾合餘衆保全剛山閭族殉國然後已此汝之孝也

國史紀事本末

卷三十七

二十九

乃流涕辭訣授帝所賜菊作刀遣之菊作刀據天正本太平記進至兵庫義貞見而問帝旨正成語以其事義貞曰賊固不可當然去年東征不捷賊追尾亦不能遏今年西征攻城未拔賊來輒退避天下其謂我何我不得不決戰正成曰進退之機惟良將知之衆人固不知也東滅高時西走尊氏皆公之英略孰敢間然義貞爲之解顏終夜讌飲二十五日賊艦蔽海而來須臾陸軍亦至旌旌翳空義貞使義助帥五十餘人陣經島大館氏明帥三十人陣燈爐堂南以禦水軍正成帥七百餘人陣湊河驛西以禦陸軍義貞帥二萬五千餘人陣和田崎督諸軍

賊船鳴鼓大喊官軍亦呼譟應之聲震天地本間忠秀絳鎧黃馬按轡海岸呼曰舟中得無載妓置酒乎請進佳肴適海鳥捕魚而翔乃一發中之鳥墜賊船賊呼而問名忠秀曰請觀此箭乃復射箭中船洞貫賊取而觀之苛彫其名傳觀震恐忠秀請返射賊乃射箭不達而墜官軍大笑賊憤愧以二百人登岸義助擊殲之細川定禪望見曰軍不能繼徒損衆耳吾將擇地而登帥七百餘船指紺邊官軍悉棄營逐之尊氏乘虛登岸而和田崎皆賊陣正成謂正李曰前後皆賊吾破前軍而後擊後軍徑衝直義陣賊見菊水旗曰此勁敵也將圍而殲之正成縱橫奔擊意在獲直義直義退走馬中箭不進官軍追蹙殆獲之賊將還救直義易騎脫走尊氏援兵至正成迴擊戰十六合從騎僅餘七十二人乃走入民家解甲身被十一創衆皆被數創謂正李曰卿何願正李笑曰願七生人間必滅此賊正成欣然曰正合吾意相刺而死族人橋本正員宇佐美正安神宮寺正師和田正隆及其餘從兵皆自殺菊池武重使弟武吉探視至則正成將死謂之曰卿速告敗阿兄武吉曰諸君死矣吾不忍生還亦自殺菊池以下據諸異本於是尊氏直義合兵擊義貞義貞見定禪旗幟曰是小敵耳從湊川來者

國史紀事本末

卷三十七

三十

真賊魁矣乃回軍背生田森而陣分兵為三二隊遞進
鏖戰義貞曰生兵盡矣吾當決戰以一隊進擊眾寡不

敵竟不利而退太平記定禪登岸遮擊義貞馳突賊敗走

定禪復至義貞血戰且卻梅松論尊氏急追之義貞身自

斷後還鬪數四馬中箭斃乃登塚待副騎賊爭圍之一

賊突進義貞射殺之一賊已下據西源院本賊為之逡巡注射如

雨義貞挺二寶刀騰身盤舞箭皆迎刃而斷小山田高

家馳至下馬授義貞止而戰死義貞脫去帥餘眾還京

師京師震駭帝倉皇幸延曆寺太平記欲以花園上皇及

廢主往遣太田全職促之既發廢主稱疾不進全職望

見兵火知賊既逼謂侍臣曰吾行矣君等尋以駕來馳

赴行在尊氏遣兵士迎廢主比到宮已不在乃追及於

途告尊氏意廢主大悅與藤原資名等入六條長講堂

北條家本西源院本南都本太平記二十七日尊氏進陣男山梅松論賊傳

正成首人猶不信曰正成多智安知非詐太平記是月鎮

守府大將軍源顯家討相馬胤顯相馬胤斬之相馬文書

行在將士皆待顯家援兵尊氏聞之欲急犯行在太平記

六月三日迎上皇廢主於男山皇年代略記五日令直義帥

諸將而發直義進陣赤山社梅松論分兵為三遣吉良石

塔澀川等犯東坂仁木細川等犯無動寺高師重等犯

西坂義貞以千葉宇都宮族守東坂設樓櫓穿溝塹旗

幕彌滿山谷西北水軍列船於湖參議源忠顯左近衛

少將藤原雅忠帥僧徒守西坂恃險不設備師重督眾

而登會氣霧四合賊不敢進僧徒下擊斬三百餘人賊

乃退吉良石塔聞西坂戰聲進至東坂見守備嚴整不

敢進六日遣人謂師重曰官軍精銳悉在東坂西則恃

險守兵不過搢紳縉徒子速攻之吾當夾攻師重乃令

曰明日之戰卻一步者必罰七日分道呼譟而登忠顯

雅忠拒戰賊一隊斷其後忠顯雅忠死之僧徒且鬪且

卻賊追至大嶽僧徒急鳴鐘乞援義貞馳上四明令紀

清兩黨下擊賊崩潰而墜人馬死者層積義貞留陣四

明八日師重遣使東坂曰官軍悉聚大嶽東坂空虛公

等急攻縱火吾應之夾擊吉良石塔乃進運草填塹將

火樓櫓官軍叢射殺傷數千義助開門突擊水軍傍射

之賊敗走是後賊不敢進射戰經日太平記十四日尊氏

奉上皇廢主據東寺北條家本西源院本南都本太平記十六日熊野八

莊司帥眾五百餘至西坂屬師重師重大悅引見湯河

莊司進曰紀人生長山谷履險峻如坦途兜鎧撲而堅

勁箭不能洞使之先驅何畏新田師重壯之十七日以

熊野兵為先鋒從松尾坂登本間忠秀相馬忠重在義

貞側下瞰笑曰、吾能一射奪其魄、乃徐起注箭、一賊執巨斧前導、忠秀一發洞其鎧、一賊繼登、忠重射貫其胃、皆斃、賊愕眙莫敢前、二人遙呼官軍曰、獲敵來薄、我將試射、請設標的、官軍植畫月扇、二人射之、雙矢夾月而中、乃大呼曰、卿等受吾箭、驗鎧胃堅脆、賊益駭潰去、僧光澄懷貳遺、今木隆賢謂師重曰、新田氏在四明、峭峻不可攻、請以精兵付隆賢、吾將乘夜掩襲、師賢以精兵五百付之、十八日夜潛登四明、隆賢鄉導失道、會天明紀清兩黨擊殲之、光澄尋爲其子所殺、二十日黎明羣猿來東坂鳴鐘、官軍以爲賊來、馳集東坂、賊望見驚擾、

國史紀事本末

卷三十七

三十三

官軍乘之、馳壓賊營、賊大潰、義助進火其壘、數百處、賊人馬蹂亂、投墮崖谷、死者無筭、師重刃挺貫股、官軍生縛之、僧徒請而斬之、於是賊悉逃還、行且奔散、京師無復守兵、而行之衆議不一、諸軍逗遛數日、賊復集矣、晦義貞帥諸軍討尊氏、見者指名和長年曰、三木一草、僅餘一木、長年慨然以爲今日不利、吾必死矣、賊誘諸軍巷戰、斷我軍後、諸將不利、潰圍而退、長年自閉巷門、絕走路、奮戰而死、太平記、長年死、據名和系、細川定禪屬、目義貞、交關數四、壯士救之、獲解、論、梅松、秋七月五日、前權大納言藤原師基、帥北國兵士數地、上木山岸、瓜生

河島深町諸族三千餘至、行在、官軍又振、將再攻尊氏、諸將議曰、經京師赴東寺、衢巷狹隘、前後受敵、所以敗也、宜分兵爲二、西自內野、東自河原、縱火夾攻、有叛者漏謀於賊、而官軍不之覺也、八日師基從河原、義貞從內野、輕兵入京、縱火、尊氏分兵遮擊、官軍皆不利而還、始知謀泄、人人危疑、帝懼、僧徒攜離、詔延曆寺永領近江國衙、增七社九院封戶、賜僧徒輸軍糧者八百餘人食邑、僧徒感悅、十七日牒興福寺乞援、興福寺應之、於是近畿兵士按兵觀望者相繼送款、密奏曰、賊陣斷路、不得赴行在、願得統帥進討、帝遣權中納言藤原隆資

國史紀事本末

卷三十七

三十四

於男山、絕川尻路、遣左近衛中將源定平於宇治、絕大和路、額田爲綱奉大覺寺宮屯長坂、絕丹波路、延曆寺僧兵扼鞍馬路、愛智信樂兵扼勢多、賊糧食日乏、皆鬻鎧馬自給、數日益困、乃四出縱掠、豪富衣糧皆被劫奪、搢紳巨族崎嶇轉側、或竄匿佛寺、士女乞食於路、往往饑臥牆壁間、諸國聞之、爭至行在、步騎連絡不絕、義貞遣阿波淡路兵三千餘於阿彌陀峯、夜焚萬炬、以張軍勢、與隆資等諸路軍刻日四面進攻、二十三日、日據毛利家本義貞將發、以宗族四十餘人入辭、帝從容慰勉、義貞拜謝曰、成敗有命、非臣所逆料、但臣今日不向賊發一矢

者決不生產還帝親剪所御紅袴以頒賜將士衆皆感激綴之笠號而出會北白河民家失火隆資望見以爲諸軍已進急從男山進至東寺南門尊氏兵皆出陣河合北白河留者皆羸弱高師直以五百餘人出拒官軍擊破之乘勝火樓櫓賊營大擾尊氏方誦佛經土岐賴氏在側嘆曰使吾兒在必能攘之子賴直適至賴氏曰南門急矣汝速出拒賴直諾而起尊氏呼還解佩刀授之賴直乃出戰師直援之官軍不利而退義貞不之知分兵爲三從大宮猪熊四條放火轉鬪而前所向摧靡遂至東寺北門駐轡杖弓呼曰天下大亂生靈塗炭雖由兩帝之爭亦以吾二人與其苦衆寧單身決戰耳試受吾一矢乃射箭軼樓櫓中尊氏坐間柱沒鏃矣尊氏將出戰上杉重能牽鎧袖止之曰義貞深入歸路斷絕故欲決戰耳何必輕出土岐賴遠望見五條大官官軍曰敵將皆搢紳耳從後掩擊官軍敗還賴遠乘勝斷義貞軍後東寺賊亦叢鎬兩射義貞馳突而出與諸將相失比至三條賊復雲合圍之數重射中其額血濺鎧腹衆皆被數創乃令衆馬首皆西意在必死俄而紅笠號兵八百餘苦戰潰圍入謂曰天下之事豈止於今日請速還擁義貞而去

射中已下參取金勝院本

陀峯軍亦爲細川定禪所破諸路軍皆敗還賊復大振以利誘興福寺寺僧叛應之應官軍者僅備後櫻山備中那須備前兒島今木大富伊勢愛曾耳而其兵未至帝御延曆寺數月僧徒儲峙亦稍匱乏會賊將足利高經斷北國糧道小笠原貞宗屯野路篠原斷水路官軍大困太平記八月十五日尊氏擁立廢主弟豐仁親王是爲光明院仍用建武號歷代皇紀時人爲之語曰君王多福未嘗一戰將軍賜之王位九月十七日僧祐覺帥僧徒五千餘航湖攻貞宗不利而退二十三日僧徒大舉再進攻貞宗兵聞之多逃僧徒易之急進又爲貞宗所破太平記佐佐木高氏請尊氏曰近江素屬臣家而今賜之小笠原臣深愧之願再賜之臣臣略定境內斷行在糧道尊氏許之乃從若狹路入近江悉奪延曆寺食邑與部下逐僧徒親族今川家本北條家本西日勝院本脇屋義助帥舟師二千討高氏高氏邀擊於志那渡義助舟膠沙不進大敗而還自是行在糧餉益乏士卒多逃亡留者亦不能畜馬冬十月尊氏密遣使獻誓書曰臣遭讒獲罪欲披剃自明而義貞義助乘之謀報私怨臣不得已而爭一旦之命非敢背陛下也陛下幸鑒臣衷誠迴軫京師則公卿官爵臣不敢議朝廷

庶政臣不敢預帝遽許之不告諸將尊氏悅曰人皆謂帝英主何乃易欺如此又遣使說誘諸將士九日藤原實世遣人告義貞曰和議既成上將還京子知之乎義貞不信堀口貞滿曰嚮見江田大館侵晨往中堂心甚怪之請往覘伺至則乘輿已駕宮人奉神器矣貞滿進攀轅泣曰今日之舉義貞未知而儀衛已辦陛下何爲擯棄義貞而信大逆無道之尊氏元弘之亂義貞奉辭舉義翦誅鯨鯢以寧皇室忠勳之大曠古無儔自尊氏叛所在征戰摧鋒陷陣瀕死者數矣宗族死者一百三十餘人士卒八十餘人戰如此其力而賊如彼其熾者國史紀事本末 卷三十七 三十七

蓋聖德猶有所闕而人心有所未服耳非戰之罪也陛下今日必欲棄新田族而西則請召義貞等五十餘人悉賜死駕前然後發辭氣憤烈聽者聳然義貞義助帥三千人來謁色愠而容肅帝進義貞兄弟曰尊氏背恩謀危國家而忠義如卿出於同宗朕深嘉之海內屏翰將卿是賴然命屬屯難兵勢沮屈此朕之所以暫與彼講和以觀時變也朕非不欲告卿然一旦漏露恐有他變故欲臨發相報而貞滿卒然來訴未達朕意然朕於其言亦有所省嚮遣河島維賴於越前徇北國氣北神官城敦賀應之卿速赴彼鎮定北國大舉入援但朕在

京師卿獲賊名朕當使東宮同往恢復之計一以委卿卿奉東宮視之如朕言畢潛然將士莫不感泣義貞夜潛拜日吉社納一寶刀祈曰今日之役臣願憑藉神威以滅凶徒儻不幸殞斃願使子孫克成臣志十日帝還京師內大臣藤原定房大納言藤原宣房參議藤原清忠左馬助大館氏明兵部少輔江田行義治部大輔宇都宮公綱肥後守菊池武重刑部大輔三條景繁本間忠秀僧祐覺等從焉其餘不欲降尊氏者皆散去尊澄法親王走遠江式部卿懷良親王走吉野中納言藤原隆資走紀伊大納言藤原師基中納言藤原光繼左近

衛中將源定平走河內前大納言源親房走伊勢檢非違使名和義高走奈良師基光繼親房義高據金勝院本尊氏遣直義迎帝幽之華山院獨縱景繁近侍奪公卿以下官職捕忠秀殺之今拘諸將士將士皆悔不從義貞義貞帥兵七千餘奉皇太子及尊良親王赴北國權中納言藤原實世左近衛中將藤原行房及義顯義助義治貞滿等從焉十一日皇太子至近江鹽津聞足利高經斷路更道木目嶺會風雪裂膚衆皆露宿攢弓箭熬之人馬凍死無算土居通繩得能通言以三百人殿迷失道俄而遇敵衆凍不能戰植刀於地伏之而死千葉貞胤亦失

道至敵營、窘迫將自殺。高經使人招誘、乃以五百餘人降。十三日、皇太子至。越前敦賀氣比神官氣比氏治奉迎入金崎城。十四日、義貞遣義顯於越後、義助於杣山。聚諸國兵、杣山城將瓜生保與二弟重照迎二將於鯖並驛、獻酒肴軍糧。二將賞以鐵甲、保還家獻衣二十襲、憫衆衣單薄、取絹數千、爲之製衣。會尊氏逼帝降、討義貞詔、使高經誘保、保信之、閉城自固。保弟僧義鑑夜見二將曰：「臣兄不智、墮敵計中。臣而爲士、豈敢坐視。恨爲僧耳。然兄異日果知見欺、必能歸順。公幸留一公子付臣。」臣將奉之舉。義言畢泣下。義助感其義烈、以義治付之。

國史紀事本末

卷三十七

三十九

之十五日、義顯欲赴越後。士平多逃、乃與義助還金崎。國人今莊淨慶已柵斷歸路。義助曰：「嚮我軍有今莊久經者、得非其族人乎？誰能往問者？」由良光氏諾而起。單騎進曰：「脇屋公以事還金崎、卿等未之知乎？何爲梗路？」淨慶下馬曰：「僕父固嘗屬公、而僕今屬足利。父子分離、不得已而拒公耳。願賜從騎一兩人以爲說。」光氏還報。義助曰：「士平從我不離、情過父子。我寧代衆、不忍令衆代我。」卿再往諭。彼猶不聽、則與衆同死。光氏再往諭之、不聽。乃下馬曰：「大將猶欲以身代衆、我固當爲大將死。」拔刀將刳腹。淨慶感激遽止之曰：「吾寧獲罪、不忍殺公。」

等乃毀柵開道。二將大悅、賞以金裝刀曰：「吾等縱死、同族若有興者、以此證卿忠。」官軍益亡。在者僅十六人。路遇樵夫、問金崎狀。曰：「敵二三萬圍之、數十重。於是衆或欲走越後、或欲自殺。衆生顯友曰：『吾輩疲羸、敵一見能辨。雖往越後必不達。然徒死於此、亦爲無策。請設計援敵。或得入城、不得入而後死。未暮也。』二將從之。乃解幘帶、繫之樹頭、爲疑幟。遲明、從山中呼曰：『援兵二萬餘來矣。』武田五郎被創不能執刀、縛木刀於腕、先進。顯友挾巨杖繼之、直擣敵陣。敵驚亂、城兵八百乘勢出、盡敵解圍潰去。近地無復敵營。二十日、義貞奉皇太子泛海觀。

國史紀事本末

卷三十七

四十

雪、奏萬壽樂。義貞吹笛、有魚跳入舟。藤原實世曰：「此周武克殷之祥也。」割以祭天。太子受胙。衆盡歡而罷。尊氏聞金崎兵潰大怒、令足利高經、仁木賴章、高師泰、今川賴貞、小笠原貞宗等大舉攻之。金崎三面枕海、一面據山、敵填溢水陸、晝夜苦攻。城兵投鉅石禦之、殺傷無算。貞宗帥精兵八百從山麓登、顯友揮巨槌而出、一擊踏數十人。敵敗走。賴貞以百餘船進、毀柵而登。城兵又擊走之。是後敵不敢逼。對壘相持。瓜生保在高經軍。義鑑留守杣山。潛謀奉義治起兵。保聞之、將逃還。求同志者。宇都宮泰藤、天野政貞與保聯營。一日二人論諸家旗。

號及新田足利泰藤曰、三鱗變爲兩畫、并兩畫者必中黑也、保聞之、知其歸心義貞、屢饋酒茶、日夕往來、乃告以計、二人許諾、師泰方設關數處、以遏逃兵、保給師泰曰、請遣卒百五十人、取菽於杣山、師泰給符、保削符、改書三百人、遂與泰藤政貞俱還杣山、義鑑等大悅、十一月八日、會於飽和社、揭中黑旗、聚兵、散卒稍來會、得一千餘人、分其半塞北國道、築壘於燧城址東南、貯糧七千餘斛、師泰聞之曰、彼若與劔白山僧徒合、不易攻也、二十三日、令兵六千餘攻之、保火遠近民家、留湯尾一驛、敵乘橈冒雪、夜至湯尾宿民家、保潛兵掩襲、敵棄橈、國史紀事本末 卷三十七 四十一

而逃、陷沒深雪、殺獲甚衆、高經懼國人應杣山、引軍而還、保謀知之、二十九日、帥衆三千攻高經於新善光寺城、戰一晝夜、遂拔之、斬級三百、高經遁逃、太平是月、尊氏請帝傳神器於新主、帝授以新器、皇年代略記、新主以成良親王爲太子、神皇正統記、左近衛少將源顯信起兵伊勢、遣間使密奏、保曆顯信親房子也、尊卑分脈、十二月三條景繁因勾當内侍奏曰、金崎之戰、義貞屢捷、加賀劔白山僧徒應之、拔那多城、從駕諸臣則菊池武重等還國起兵、輿論謂天下再歸陛下、陛下宜潛幸吉野、十津川、詔諸國勤王、賞獎義貞、震耀皇威也、二十一夜、帝奉神

器、作婦人裝、踰頰垣出、景繁扶帝御馬、擔神器徒步、平太記、日據元弘、夜闇不能進、帝望路旁、隱然如有祠宇、顧問之、侍從忠房對曰、稻荷祠也、帝作和歌禱之、忽有赤氣起祠上、照路如晝、乃得進、拾遺吉野京師聞帝不在大驚、尊氏將士皆集、尊氏曰、帝在京師、警衛實煩、卿等然遷之邊裔、亦所不敢、今帝自出大好、就其所在、徐爲之計耳、論梅帝將赴高野山、遣使諭僧徒、帝賜高野山書僧徒黨尊氏不敢奉詔、尊氏寄高野山書乃遣景繁諭吉野僧徒、言水院僧宗信會衆曰、天武嘗匿此地、不可謂無故事、帝有赤氣之祥、不可謂非神助、請速奉迎、乃遣僧徒三百餘奉

國史紀事本末 卷三十七 四十二
迎、於是楠正行和田次郎真木定觀、三輪西阿等皆來迎、奉帝幸吉野、初楠正成之死、尊氏送其首於河内、正行見而嗚咽、執菊作刀、將自刃、母止之曰、汝父留汝、非欲使汝殉父、又非欲使汝薦冥福、遺言在耳、何遽忘之、正行號哭而止、是後嬉戲搏他兒曰、吾斬賊矣、策竹馬曰、吾逐賊矣、及迎帝、帝深恃賴、近畿之兵稍集吉野、平太記、吉野往古天子離宮之地也、據日本紀帝尋造行宮於吉野、神皇正統記尊氏幽成良親王、懼僧祐覺應帝捕而殺之、帝遣渡里忠景賜綸旨於義貞、令以北國兵復京師、時金崎受圍、内外斷絕、一日望見一人、泅海向城、至則忠

景也。於警中出綸旨。城中始知帝幸吉野。人人奮躍而救援不至。糧食稍乏。瓜生。保等既破高經。兵威日震。遠近來降。爭獻酒饌。犒飲連日。義治獨愴然不樂。義鑑進曰。郎君何為不樂。義治曰。金崎危急。吾一家苦戰。飲血。吾獨飲酒。何心能樂。義鑑曰。僕固將往援。奈風雪何。待天稍霽。速發。掩淚而起。泰藤等聞之。奮曰。將門有將。果不虛矣。太平記

二年光明天建武四年春正月。帝在吉野行宮。十一日。瓜生。保

義鑑及弟源琳。重照。以里見時成為將。帥兵五千餘援金崎。高師泰令今川賴貞據山逆拒。宇都宮泰藤仰攻

國史紀事本末

卷三十七

四十三

走之。嶺上敵俯視雨射。泰藤引退。保等繼進。累破敵三隊。師泰兵奄至。保等退赴泰藤軍。時成獨以部兵馳突敵識。而圍之。保義鑑顧曰。吾等不死。何以脫衆。旋響馳救。源琳等亦赴之。義鑑叱曰。兄弟皆死。奈郎君何。吾平日戒汝。正為今日。言未畢。突圍而入。與時成同死。官軍皆潰。源琳重照。以餘兵脫還。舉城號哭。保母神色自若。進謂義治曰。兒曹一敗。喪將令其皆生還。何顏見郎君。幸兩兒殉里見公。三兒為郎君生還。此妾所以破涕為喜也。兒曹為天子起兵。即闔門戰沒。又何悲焉。乃攬涕勸酒。一座奮然。保等既死。金崎無復外援。數日糧盡。捕

魚採藻。義貞義助殺愛馬食衆。衆勸義貞赴杣山聚援。兵義貞從之。二月五日。二月本與義助實世等夜潛出

城。以河島維賴為鄉導。至杣山。源琳等大悅。聚兵會雪

消道。通敵益集於金崎。而杣山兵僅五百餘。鎧馬不備。

遷延二旬。金崎馬盡。城中不食數日。敵偵知之。謂師泰

曰。城中不復浴馬。是必殺以充食耳。不攻何待。師泰曰。

善。三月六日。悉衆薄城。城兵餓羸不能戰。外壘遂陷。由

良具滋長濱顯寬謂義顯曰。事不可為。公先使東宮出

避。然後引決。臣等當為公戰。乃出割僵尸啖之。帥二十

餘人拒戰。義顯命氣比齊晴脫皇太子。齊晴氏治子。以

國史紀事本末

卷三十七

四十四

多力。聞乃挈舟載太子倉卒無櫓。揖酒而牽之。至蕪木浦。敵不之覺。杣山亦不甚遠。而齊晴欲殉父。託太子於土人曰。此異日為日本國主者也。汝幸送之。杣山復泅而還。未至。義顯白尊良親王曰。臣武人固當死。殿下則否。敵縱至。孰敢加害。親王笑曰。上以卿為吾股肱。安有股肱亡而元首獨全者乎。但不知自刃之法如何。義顯流涕曰。當如此。乃剗腹拔刀而死。親王取其刀。流血滿櫛。滑不可握。捲以衣袖。遂自刃。藤原行房里見時義武田五郎氣比氏治大田賢覺皆殉之。城兵在側者悉相刺而死。齊晴至則積尸相枕。即求父屍。自頸於其旁。河

野通治戰於後門，被重創，與左右三十二人俱自殺，具滋顯寬戰於前門，渴甚，掬創血飲之，安間六郎來告曰：大將自殺，不死何為？二人曰：等死則刺敵將而死，乃冒師泰陣而死，土岐賴勝栗生顯友、矢島七郎坐石上將自刃，船田經政謂之曰：主將在杣山，吾等宜全身竭忠，奈何死以資敵？乃去匿海岸窟中，免城兵八百餘。按諸本降者十二人，脫者僅四人而已。七日皇太子猶在蕪木，土人叛報敵，追騎馳至，遂被執，敵不知義貞兄弟在杣山，以為戰死，問尸處於太子，太子懼敵急攻杣山，給曰：兵士火其尸，敵信之，以為杣山兵不足憂，乃送太子於京師，尊氏幽之。於是諸國多降尊氏，尊氏獨患延曆寺，欲遂滅之，僧玄慧曰：窮鳥入懷，人猶憫之，況天子來投，孰不擁護？將軍何為惡之？尊氏乃止。義貞聞金崎陷，悲憤，潛移檄諸國，招集官軍。夏，大館氏明從京師逃伊豫，與土居得能族起兵，江田行義逃丹波，與荻野朝忠等起兵，守高山寺城。朝忠據天正木金谷經氏起兵播磨，城丹生山，塞山陰道，遠江井伊介奉尊澄法親王起兵，守井伊城，宇都宮公綱帥衆五百餘朝行在，北條時行密遣使行在，奏曰：臣父高時以違教伏誅，臣豈敢怨上，獨足利尊氏受臣家厚恩，既背臣家，又叛陛下，大逆無道。

國史紀事本末

卷三十七

四十五

天下所惡，臣願獲討之，以自贖。帝特詔許之。諸國官軍復振，先是金崎敗，問至陸奥，國人皆叛，源顯家奉義良親王保靈山城。太平記會帝遣使顯家曰：朕嚮迴駕京師，而尊氏直義敢逞奸詐，負約違禮，朕深惡焉。今移蹕吉野，徵兵諸國，卿其帥官軍入援，東國若有不應者，速誅滅之。恢復之計，唯卿是賴。親房見在伊勢，度已報卿，卿以朕意諭宗廣等，勵以忠義。顯家以敕示宗廣等，衆咸奮激。結城文書國人聞之，多應顯家。太平記左近衛將監捕正家從常陸會之。今川記秋八月十九日，顯家帥兵十餘萬發白川，進至下野，敵數萬扼利根河，河水方漲，齋藤實永謂顯家曰：兩陣夾水，先濟者克。顯家曰：善。部井寸郎高木三郎先濟，呼曰：異日爭功者，問之河伯。實永怒，乃與其弟從上流濟，人馬皆沒，官軍遂濟。敵乘筏逆擊，筏壞皆溺，後軍潰走，鎌倉顯家乘勝入武藏府，宇都宮公綱以紀清兩黨來會，芳賀禪可獨不欲屬顯家，擁公綱子加賀壽丸據宇都宮城。顯家遣兵攻之，三日而降。北條時行起兵伊豆，應顯家，以五千餘人陣足柄箱根，顯家威震東國，而北國亦稍應義貞。衆至三千餘，尊氏聞之大驚，遣足利高經帥北國兵六千餘攻之。高經以杣山險要，不敢逼，對壘數月，相時能誘加賀人上木家光

國史紀事本末

卷三十七

四十六

等降之。城細呂木攻大聖寺城拔之。平泉寺僧徒城三峯應義貞遣使請鈔帥義貞乃遣義助加賀人數地上木山岸等奉細屋秀國入越前築三壘薄府城高經亦分兵築三十餘壘備之連戰不決義貞庶子德壽丸起兵上野應顯家進屯入間川欲先顯家攻鎌倉鎌倉將士大懼將走安房上總足利義詮奮曰我東國管領也奈何不戰而逃一戰不捷則走房總待官軍西上而夾擊耳衆從之冬十二月二十八日顯家督諸將分道攻鎌倉新敵將足利家長家長高經子也高經子據尊卑分脈敵悉潰義詮遁走顯家進入鎌倉東國望風降附太平記

國史紀事本末

卷三十七

四十七

三年

元明院曆

春正月八日源顯家奉義良親王大舉

西上至尾張熱田大宮司尾張昌能會之堀口貞滿從美濃來會會鎌倉敗軍亦聚上杉憲顯桃井直常等遂追躡顯家東國又叛應之諸國守護皆會於途至美濃土岐賴遠會之衆議曰將軍必將徹宇治勢多橋待官軍官軍必逗撓經日我乘其弊夾擊賴遠曰敵過我前而不發一矢何弊之待吾當獨進直常曰是吾意也乃進顯家先鋒已至垂井赤坂聞敵追尾乃回軍陣美濃尾張境敵至青野原分兵爲五遞進官軍四戰皆捷最後顯家與弟顯信進擊直常賴遠斬級三百餘敵收餘

兵冒顯信陣官軍擊殲之直常賴遠被創脫走敗問至京師尊氏大駭將士或欲撤宇治勢多橋或欲走西國高師泰曰撤橋而戰者古今皆敗由攻者奮揚於外守者迫處於內也不如邀擊尊氏乃遣師泰等帥兵一萬餘禦之二月六日至黑地川背水而陣官軍夾藤川相持太平記適賴遠聚敗卒斷官軍後顯家前後受敵乃轉道伊勢十四日師泰追及於雲津川官軍擊走之難太平記日據三刀進至奈良將赴行在問計將士結城宗廣進曰我轉戰破敵已開西路獨青野之敵不能據黑地之水不能濟去詣行宮勇名安在請直指京師決死一戰

國史紀事本末

卷三十七

四十八

顯家從之尊氏聞之益懼欲發兵人人畏避高師直曰彼去國遠關其鋒已挫一猛將足以辦之請委之桃井直常受命卽發顯家陣般若坂拒之官軍雖衆已疲顯家竟不利太平記走河內義良親王詣行在元弘日初顯家赴伊勢議者惜其不赴北國與義貞合義貞方與足利高經相持義助以積雪稍盡欲增築壘壁以斷敵援路自帥百餘騎觀地勢敵偵知掩擊義助突戰破之敵渡水逃衆欲逐北義助曰偏師破敵幸也進而遇隘反爲所乘不如縱火報諸軍火已舉諸壘皆赴援宇都宮泰藤自鯖並藤原行實自飽和瓜生重自沙法寺河島

維賴自三峯義貞自杣山高經聞之帥兵而出兩陣夾水相持會雪水漲溢船田經政部下葛新左衛門先濟衆繼之兩軍血戰戰酣三峯官軍繞出敵背縱火府中高經引卻官軍急追之高經不能入府逃還足羽官軍遂拔府城國中七十餘壘不戰而潰三月月據元弘家收餘兵入和泉遣顯信守男山軍聲復震京師釋尊氏欲發兵將士怒直常有功無賞不之應師直乃帥族人而發衆不得已從之遂圍男山官軍力拒屢捷直常在京師聞之乃發孤軍來薄戰一晝夜積尸成丘時人呼曰桃井塚夏四月尊氏直義聞義貞破走高經大國史紀事本末 卷三十七 四十九

怒曰不圖東宮給我乃爾今不加害必貽後患乃使粟飯原氏光獻酖給曰直義恐太子生病使臣獻藥太子方與成良親王同室幽閉親王怒曰彼既幽我何憂我病是欲酖我也將投之地太子止之曰彼欲殺我我飲藥亦死不飲亦死寧死於酖與飲之而薨太子時年十五年據元弘時人聞之曰往年害大塔宮今春又害尊良今又酖一太子一親王直義必亡矣五月延曆寺僧徒應義貞義貞欲拔足羽然後復京師二日帥衆六千餘屯國府遣諸將攻足羽藤原行實船田經政皆不利而退細屋秀國急攻勝虎城敵援兵俄至秀國敗還

議者惜其侮敵喪軍顯信與師直相持於男山顯家出屯天王寺師直聞之曰和泉河內敵國也北畠氏亦勍敵也今不及其兵寡急攻之和田楠必應矣二十二日留兵圍男山自攻天王寺顯家拒戰不利逃赴吉野敵追及於安部野顯家以二十餘騎突圍中流矢而死記時年二十一公卿補任名和義高村上義重皆戰死伯耆帝聞而悼惜焉記太平二十八日遣左近衛少將源持定源家房等援男山六月男山官軍屢與敵戰破之元弘彈正少弼大井田氏經等起兵越後進入越中普門利清出拒破之而進入加賀遇富樫高家又破之遂至國史紀事本末 卷三十七 五十

越前與義貞合義貞兵威益振乃大治攻具命國中運草將填塹攻足羽意在必取會帝牛詔義貞曰男山受圍糧援斷絕聞卿來援猶能死守卿若還延陷在旦夕天下安危係此一舉卿速發義貞拜曰源平二家未聞賜手詔者臣敢不效死乃欲發兵兒島高德適在軍中進曰往年車駕御延曆寺諸軍非不力但敵距塞北國糧運不繼所以敗也公今出兵宜留兵北國以通糧運然後進陣山門根蒂固而形勢張男山可救京師可復也然僧徒見我兵寡安保不叛請先移牒諭之義貞曰善高德即草之揮筆立成牒至延曆寺僧徒大悅答書

促義貞、義貞欲速發、懼高經乘虛斷北陸、遣義助帥兵

二萬餘先發、尊氏聞之、急召還師、直師直懼、顯信追躡

秋七月六日、月日據石清水回祿記夜潛遣死士乘風雨、火石清

水宮、官軍驚亂、敵毀柵急進、松山九郎多力而怯、股戰

不能禦、高木十郎按刀叱曰、事急矣、卿今不戰、武力何

為、吾當殺卿、松山乃起、投鉅石十餘、敵摧壓而墜、死者

山積、義助至、敦賀、聞男山火、疑其陷不進、而男山資糧

蕩盡、不復能守、十一日、日據元弘日記裏書顯信棄城走河內、義

助聞之、旋師、新田德壽九從男山至行在、帝見而器之、

曰、卿必能與其家、賜名義興、授左兵衛佐、義貞、義助帥

國史紀事本末

卷三十七

五十一

三萬餘人陣河合莊、圖取足羽、高經兵不滿三百、走路

皆斷、乃設阱浚塹、築七寨相應、援激水淤田以沒馬足、

平泉寺僧徒請高經曰、藤島一莊、我常與延曆寺爭之、

君若授之我、我請使少者戰、老者祈捷、高經許之、於是

僧兵五百餘據藤島、應高經、義貞夜夢身化為巨蛇、臥

地、高經驚走、及覺語將士、皆曰、龍能騰躍、風雲是吉夢

也、一人竊語曰、龍陽物也、今失時而見、不祥、閏月二日、

義貞帥諸軍攻足羽、途渡足羽川、中流旗仆、衆始危懼、

進至燈明寺、分兵攻七寨、令曰、前者戰、後者築壘、壘成

然後徐取之、藤島兵擾動、官軍乘勢急攻、踰塹攀界、不

復築壘、僧徒苦戰、日將暮、官軍幾卻、義貞望見危之、變

裝易騎、以五十餘騎赴援、路遇高經援兵三百、敵敵盾

兩射、義貞兵無一楮、爭以身障蔽、義貞、義貞將進、中野

宗昌目之曰、千鈞之弩、不為鼯鼠發機、義貞曰、失士獨

免、非吾意也、揮鞭突進、將踰塹、馬中矢僵、義貞墜深淖

中、將起、飛矢中額、乃自頸而死、年三十八、年據清和源氏系圖宗

昌等下馬自殺、從兵皆殲、適陰霧四塞、官軍不知、義貞

死、望見數騎還河合、以為義貞、皆棄營引還、敵獲義貞

首級、未知其為何人、高經熟視曰、何酷肖新田氏、果然

則左眉上必有箭痕、乃洗血視之、果然驗其尸得錦囊、

國史紀事本末

卷三十七

五十二

啓視則帝手詔也、雙刀亦皆源氏寶器、始知為義貞、義

助還石丸城、知義貞定死、謂衆曰、吾必死於家兄死所、

衆情離駭、欲火城者三、逃亡相屬、在者不滿二千、乃留

河島維賴守三峯、瓜生重守杣山、畑時能守湊、自帥七

百餘人還府城、敵傳義貞首於京師、見者悲泣、有一婦

人號慟不去、酸動路人、乃義貞妻藤原氏也、藤原氏行

房女弟、入宮充掌侍、為勾當、義貞嘗窺見悅之、帝聞之、

一日譙義貞、賜以藤原氏繇、此行房及子行實皆從軍、

北國、是夜藤原氏薙髮匿嵯峨、終身顯家、義貞既死、諸

國官軍日衰、尊氏無所復懼、弁髦新主、陵轢搢紳、傲然

曰天下既爲武家有、何以公家爲、將士驚橫、無所不至、雖上皇新主供邑、亦皆掠奪、不畏路遇、搢紳輒彈指罵、詈由此公卿華族皆媚附武人、至學坂東言語、太平記是冬新主建元曆應、諸國各殊年號、自古未有也、神皇正統記

門人草川重遠書

國史紀事本末卷之三十七終

國史紀事本末

卷三十七

五十三

國史紀事本末卷之三十八

從六位前大學校中博士常陸青山延光 編次

諸國勤王

後醍醐天皇延元三年光明院曆應元年夏五月鎮守府大將

軍源顯家戰沒帝聞之駭惋秋七月左近衛少將源顯

信棄男山走河内官軍益不振左近衛中將新田義貞

方在越前威震北國帝日望其入援而未至閏月義貞

亦戰沒帝大驚公卿失色前上野介結城宗廣入奏曰

顯家投袂萬里入援京師者再矣由奧羽服而鄰敵懼

也臣以天下之地圖按之陸奧五十四郡殆居海内之

國史紀事本末 卷三十八

半其兵可得四五十萬請及國人未離速遣一皇子往

鎮褒獎忠義戮戮凶黨境内孰敢抗者宗廣雖老猶能

掃境西上再復京師也帝壯之太平記以顯信為左近衛

中將兼鎮守府將軍陸奧守奉義良親王赴任令東國

官軍咸受其節制潛約以親王為儲貳前大納言源親

房輔之神皇正統記敕左兵衛佐新田義興北條時行曰汝

速還武藏相模略定東八國夾輔親王以陸路方便將

航海太平記親王帥諸軍至伊勢拜辭大神宮神皇正統記吉野拾

遺九月帥兵船五百餘發伊勢太平記宗良懷良二親王

從焉參取元弘日記十一日至伊豆崎風濤暴駭衆艦

四散元弘日記義良親王船殆覆船上有光如日俄而風

變太平記漂至伊勢篠島顯信從焉參取新葉和歌集衆

驚曰安知非神意請還行在親王從之太平記懷良親王

漂至南海道元弘日記宗良親王及時行漂至遠江今川

範氏出拒親王擊破之入井伊城義興漂至武藏石濱

金勝院本乃匿上野太平記親房漂至常陸内海狗近地

神皇正統記阿波崎神宮寺二城應之文書宗廣漂至安濃

津將待風定而發適嬰病危篤僧謂之曰君有所遺言

吾傳之郎君宗廣笑曰我齡七旬死不足惜但凶徒未

滅是吾遺恨為告吾兒曰汝欲慰我勿施僧誦經速斬

國史紀事本末 卷三十八

賊頭懸吾墓乃拔刀縶斷而平衆感其義烈馳使陸奧

告子親朝太平記是月以懷良親王為征西大將軍鎮撫

筑紫阿蘇社文書

四年光明院曆應二年春三月源顯信奉義良親王還行宮神皇

正統記右衛門佐脇屋義助與足利高經相持於越前壁

壘交錯攻戰不解烟時能守湊城北國敵環攻不克威

震境外義助移牒諸將進討秋七月三日時能帥衆三

百餘攻河合河口十二壘拔之男女八百餘屠戮無噍

類矣五日由良光氏拔六壘七日源院本堀口氏政拔

十一壘降者千餘人義助自帥瓜生重河島維賴等兵

三千餘發國府、分兵攻織田田中十七壘、三晝夜而拔之、擒七將、斬五百餘級、進陣河合、十六日督諸軍薄足羽、河合種經降、時能帥其衆、夜登山臨城、終夜發喊且射、上木家光降在敵中、謂高經曰、君欲城守、無乃狃往年之勝與、往年敵未諳地勢、故陷沒於田、顛墮溝塹、而新田氏遂殞於一箭、今我兵多降敵、敵皆熟知形勢、而時能驚猛冠海內、誰能當其鋒者、況此城孤窮無援、君徒死於此、無爲也、請走加賀待援兵、高經乃火城而逃、北國官軍大振、八月帝不豫、太平立義良親王爲皇太子、新葉和歌集十五日讓位於皇太子、明日崩於吉野

國史紀事本末

卷三十八

三

行宮年五十二、神皇正統記先是帝追念諸將死節者、贈捕

正成正三位左近衛中將、攝津廣嚴寺源顯家從一位

右大臣、高野金剛峯寺臨崩遺詔曰、朕之所望、唯在滅

賊、太子卽位、褒顯義貞、義助、子孫隨才任用、以圖恢復、

苟背吾言、君爲不君、臣爲不臣、按劔而崩、太平天子崩

於行宮者、仲哀以後未之有也、神皇正統記衆情離沮、多欲

逃亡、僧宗信入朝勸衆曰、公等面受遺詔、奈何沮喪至

此、夫周文沒而有武王、漢高殂而有文帝、吾國獨不及

乎、方今勳舊仗義者多、而海內忠義之士、上野則新田

義興、武藏則新田義宗、越前則勝屋義助父子、其族江

田大館里見鳥山、田中羽河山名桃井、額田一井金谷、堤青龍寺小守澤諸氏、分布諸國者、四百餘人、而筑紫則菊池、松浦、草野、山鹿、土肥、赤星、南海、則土居、得能、江田、羽床、淡路、則阿間、志知、安藝、則有井、石見、則三角、合出雲、伯耆、則名和、備後、則櫻山、備前、則今木、大富、和田、兒島、播磨、則吉川、河內、則和田、楠、橋本、福塚、大和、則三輪、西阿、真木、寶珠丸、紀伊、則湯淺、山本、井遠、加藤、遠江、則井伊介、美濃、則根尾、尾張、則熱田、大宮司、越前、則小國池、風間、福津、太田、山徒、則圓宗院、皆效力王室、終始如一、行宮則宗信雖驚、亦能護衛、公等何憂、請速奉東

國史紀事本末

卷三十八

四

宮卽位、頒遺詔於諸國也、公卿皆然之、會捕正行和田

正遠帥衆二千餘入衛、衆心賴安、皇太子立、是爲後村

上天皇、帝特敕勝屋義助曰、先帝遺敕、眷卿殊渥、軍國

之事、便宜施行、先決後奏、一如義貞故事、太平義助使

畑時能城鷹巢、吉野尊氏聞義助拔足羽大驚、遣高師

春土岐賴遠等大舉攻之、義助禦戰不利、走美濃、保根

尾、敵又攻山陷之、於是北國官軍、惟有鷹巢一城、賴

遠轉攻根尾、根尾亦陷、義助帥親兵七十三人走尾張、

依熱田大宮司、冬十月三日、帝卽位於吉野行宮、時年

十二、年據元弘日記裏書權大納言藤原實世、權中納言藤原隆

資並掌機務時軍國多故行宮秋隘諸儀不行唯拜神

器而止猶遣使奉幣大神宮帝尋以皇姪陸良親王為

征夷大將軍陸良護良親王子幼有氣槩太平記陸良名據細細要

記後醍醐帝嘗子養之冊為親王阿蘇社文書蓋悼護良之

冤也勝屋義助間行至行在帝召見曰卿北征累歲忠

勲無比今日相見如魚得水言畢泣下詔加爵一級從

兵皆有賞藤原實世曰義助一敗而失越前再敗而棄

美濃窘蹙來投何以賞為今適受賞何以異於治承之

賞維威哉藤原隆資曰義助之敗豈其罪哉古之命將

推轂授鉞委任至重故事決於外不從中擾然後士卒

國史紀事本末 卷三十八 五

用命所向必克今北國之役兵士擅來訴則不問而決

北國之地朝士濫請之亦不問而授將權輕而士心驕

此義助之所以敗而天意昭鑒前失此其所以慰勉義

助也君獨不聞秦穆之禮孟明視乎何乃比之維威實

世默然十二月宣遺詔於諸國勤王太平記

後村上天皇興國元年光明天曆三年春正月帝在吉野行

宮初杜山之陷一井氏政走平泉寺誘僧徒謀起兵僧

徒不應太平記乃帥壯士十餘騎白晝經敵壘入鷹巢北條

家本西源院足利尊氏聞之曰時能驍銳助以氏政不

易制也令足利高經高師春大舉圍之築三十餘壘時

能甥曰快舜奴曰為賴皆驍健善戰畜一狗名犬獅子

時能每夜襲敵壘使狗先入敵有備則吠而出無備則

搖尾迎時能時能乃踰陴掩襲所向輒克敵咸縮氣竊

遺酒食曰幸勿襲我敵流言上木家光輸款時能送軍

糧數百石家光憤恚二月二十七日帥族人攻城敵望

見曰上木先驅得非敵有讐邪勿使彼專功乃皆進冒

險而登為賴乘高下鉅石所觸摧碎時能從後奮擊敵

皆敗走入壘不敢出三月伊豫官軍遣使請紆帥廷議

將遣義助慮道路梗澀不果會備前人飽浦信胤馳使

奏臣起兵小豆島一戰挫敵以斷京師漕路請速遣大

國史紀事本末 卷三十八 六

將來援公卿悅曰南路始開是天助也乃令義助赴伊

豫督西南諸軍夏四月發行在從兵不滿五百兒島高

德篠塚伊賀守等從焉熊野別當湛譽湯淺定佛等競

獻資糧鎧仗具三百餘船送之安間志知小笠原迎於

淡路信胤迎於小豆島犒饋相屬二十三日伊豫國

司藤原有資守護大館氏明土居得能土肥河田武市

日吉氏等皆奮躍聲勢日振國中敵壘望風而潰山陽

西海大震五月五日義助暴病卒官軍祕不發喪敵將

細川賴春方在南海謀知之悅曰時不可失也發兵七

千攻土肥三郎於河江城土居得能等以金谷經氏為

將帥五百餘船往援會山陽敵船千餘艘奄至遇於海上氏明驍將岡部出羽飛舸深入躍登敵船相搏投海敵皆巨艦下瞰注射官軍以小舟旋繞苦戰適風起官軍漂而西敵船悉達伊豫至夜風息官軍欲回舟經氏曰吾等既喪脇屋公有一死耳何必還國請乘夜直襲備後萬一中國降附則西國可取也遂襲鞆城拔之以大可島為牙城乞援信胤未至鄰國敵奄至經氏拒戰十餘日會賴春陷河江轉攻氏明於世田城土居得能聞之曰死則死於我國乃棄城還伊豫集散兵得二千餘人聞敵甚眾曰羸弱在軍取敗之道也我必以精騎馳突與賴春決乃簡壯士三百皆書曼多羅為號擇凶日而發至十町原賴春以衆七千餘逆拒望見官軍曰官軍雖寡必不至此此其意在必死乃分兵為三自居第一隊官軍馳突所向披靡進至第三隊以為賴春在焉相搏交刺殺傷七百餘官軍亦殲唯經氏及河野通鄉得能彈正日吉大藏杉原與一富田六郎高市與三土居備中守淺海六郎等十七人未死相謂曰不獲敵將死亦何益乃旋轡潰圍走備後太平東國敵攻源親房陷阿波崎神宮寺二城文書親房走依小田治久於小田城文書尊氏懼東國應親房遣高師冬於常陸師

國史紀事本末

卷三十八

七

國史紀事本末

卷三十八

八

泰於遠江保曆師泰攻井伊城陷之宗良親王逃走師冬陷常陸二城親房遣近衛少將藤原實寬守下總駒城二十七日師冬攻陷之擒實寬龜岡社官軍死者僅三十餘人元弘親房即夜攻復之二十八日攻八丁目垣本鷲宮壽光寺山四城拔之二十九日拔飯沼寨師冬夜火營而逃結城是月鎮守府將軍源顯信赴任元弘關宗祐守關城伊達行朝守伊佐城正員守下妻城法超守真壁城中郡西明寺二城亦皆固守關城東國官軍大振神皇正統秋八月宗良親王收散兵攻井伊城復之二十四日師泰攻陷之龜岡社親王走越後集李花細川賴春大舉圍世田城城中精兵皆從經氏戰死守備不完糧餉亦竭九月三日氏明帥左右十六人開門出盪敵退走乃自殺城兵縱火殉之獨篠塚提巨挺突出呼曰汝不聞新田公部下有猛將篠塚伊賀守乎我即是也何不殺我求賞敵皆驚靡篠塚徐去尾騎數百不敢近篠塚夜至今張浦望見敵船游泳數町躍登舟舟子驚問乃曰我官軍篠塚也汝速送我隱岐直舉大鐵鎚植鉅牆而寢鼾息如雷舟子大怖送之隱岐南海官軍衰矣冬十月二十一日畑時能欲以奇挫敵留一井氏政於鷹巢夜帥壯士十六人登伊地山而陣

二十二日足利高經聞之、以爲平泉寺應時能帥兵急攻、時能緋甲驪馬、提眉尖刀、呼曰、畑將軍來矣、高經馬在、乃縱橫奔突、高經督衆圍之、時能馳擊如飛、敵皆散走、乃還營、亡兵五騎、餘皆被重創、快奔尋死、時能中矢、鏃不出、數日而死、北國官軍殲矣、太平記是歲菊池武光迎征西大將軍懷良親王入肥後、西海官軍稍振、武朝

申狀武光武重弟也、菊池系圖

二年光明院曆夏閏四月、僧西阿起兵、大和據三輪城、六日敵攻陷之、十三日西阿又起兵、又爲敵所破、二十三日西阿又據三輪、敵又攻陷之、六月越後人奉宗良

國史紀事本末 卷三十八 九

親王起兵、七日上杉某攻陷其城、鶴岡社親王走越中、

李花集高師冬攻源親房及近衛少將源顯時於小田、築

壘城後山上、親房出兵攻之、苦戰終日、多所殺傷、師冬棄壘而退、親房乞援結城、親朝親朝背父遺命、不敢出

兵、結城文書是夏親房迎征夷大將軍陸良親王於京師、蘇何

社文書親王母親房妹也、太平記時中興諸名臣皆沒、親房

以著宿獨存、奮然以恢復自任、常謂東國一陷、天下之事不可爲矣、結城文書屢通使西海將士、欲東西相應、以張

聲勢、阿蘇社文書而東國官軍稍衰、佐倉馴馬二壘皆陷、冬十一月十日、小田治久叛降師冬、親房走關城、結城文書顯

時奉陸良親王走下妻城、關城書十八日師冬兵陷志筑城、稅所文書師冬帥治久等陣關下妻之間、斷二城援路、將登下妻城南長峯、顯時擊走之、敵遂合長圍、親房屢乞援親朝、親朝狐疑不決、城中大困、師冬遣僧圓琳議和、親房逐之、結城文書

三年光明院康永元年春二月、源親房與結城親朝書曰、去年

六月賊將師冬來攻小田、城中所恃、唯足下援兵、故羽檄連發、足下亦知其急、許以出兵、城兵引領以待、而援

兵不至者五月、治久遂叛、自吾入關城、土壤日蹙、士卒日散、守戰數月、無一蟬蟻子之援、而近地官軍、僅有

國史紀事本末 卷三十八 十

六城、吾城中晝夜奔馳、志操確然者、唯宗祐一人、其他

反覆難信、而賊兵四合、水陸斷絕、白晝不得出行、闔城饑窘、賣馬鬻甲、縱欲固守、非炊骨易子不可、下妻則正

員幼穉、輔臣爭權、浮言沸騰、私鬪將起、賴親王在城、輔

以顯時朝臣、衆有所畏而未發、中郡則守兵鮮少、糧食

亦乏、真壁則法起、雖有志節、奈閭族攜離、何、西明寺則

道途阻遠、聲問不通、此五城危如燕巢、幕獨伊佐則行朝朝臣忠義不撓、城壘亦固然、而關下妻一旦不守、則彼亦何以能守、足下辭以兵寡、不爲無謂、然賊方屯兵國府、安知後軍不來、今日若不來援、則吾輩在枯魚之

肆足下何不出兵境上爲我聲援嚮贈一位在鎮聞尊氏叛攘袂而起不待兵聚日夜西馳遂建大功及再舉勤王國府不守方保靈山道路梗塞人人觀望乃崎區轉鬪掃平海道直指京師而中道殞斃者天也非戰罪也一時同死者亦僅僅無幾不得不謂之不幸而忠孝之道卽無憾矣繇此觀之兵之發不發在志之至不至足下果能奮勵留守兵而發伊達以西豈無應者顧足下無意耳今日之急間不容髮而吾餘齡無幾特欲以一死報先皇耳鳥之將死其鳴也哀人之將死其言也善後信難期吾將盡言夫吾國天祖經始之地日神紡

國史紀事本末

卷三十八

十一

領之州聖聖相承授受不忒時雖衰季誓約儼乎如新凡圖不軌者滅不旋踵古今皆然尊氏何爲者窮凶極惡自古未有而盜據中原已經七年何幸也古之大奸巨猾皆有絕人之才故雖終歸殄滅亦能暫保首領彼尊氏者非有治國之才貽謀之美而家僕師直憑藉虎威陵轢世家舉族驕蹇不減高時昔者平將門六年而滅安倍貞任十二年而平則彼之伏誅天將有待而發也所謂世家者本皆王臣保平以降屬源平二家子孫遂爲陪臣不復仕皇家承久已後又降屬陪臣北條有志之士閱其家譜豈不心愧然彼泰時等尊粹皇室愛

恤將士累世相繼威震天下雖有世家無奈之何已今則不然遭逢聖代旣復舊邑親承綸言此誠千載一時何所狐疑顧乃軀命是惜土地是貪推戴尊氏役屬師直頑鈍無愧文武掃地矣復何面目見祖先於地下哉足下曩祖秀鄉朝臣夙建勳東國累世顯著非佗族之可比論其門閥豈在源平之下邪其所以束手受制者雖勢不得已豈其所樂是以先人宗廣朝臣效力王室有死無貳親光朝臣亦奮身死節忠義之美超世罕儔蓋亦祖先之遺烈矣足下身爲嫡派乃不思所以繼承先志而遲疑觀望欲背皇室祖先之靈得無怒乎近

國史紀事本末

卷三十八

十二

者游說之徒所在橫議或曰堅守城壁戰鋒伺釁慎勿好戰若尊氏得捷及時降附門戶可保或曰賊縱陷坂東諸城我據陸奥拒守足以延歲月待賊師旣燔一舉而滅之或曰興廢有命非人之所能爲也如贈一位其志雖烈勲業不遂可以鑒焉倡此說者此地猶多況貴境乎親房親舊猶執此議以諷我況於疎交之士乎苟厭一時發兵之勞信小人姑息之說尤非知大義者也予家出自皇族久列朝紳累世所習唯朝儀國典至於邊陲之任鈐轄之略未嘗講究卽規畫失宜衆心不服吾非不自知也顧身是前朝遺老今上輔臣實受顧命

忝膺重寄方今朝廷所恃實在親房一身親房所最懼者方諸城危懼觀望成敗之時一旦殞命四方瓦解不可復救陸奧將士縱欲仗義守節賊四面齊進將何以禦之三位中將出鎮三年未能建功將略既短輔相亦劣今日之勢何以異於厝火積薪之下而寢其上哉親房而死誰復以恢復自任者足下決意附賊則已不然何不留意於吾言吾言實為天下非為一身也吾若為一身天必罰我祖先必棄我嗚呼翦除元凶統一宇內豈非丈夫至願哉為國立功責在足下第功行賞責在親房唯足下熟圖焉關城書親朝竟不應親房又遣僧宣

國史紀事本末 卷三十八

十三

宗往命顯信來救且諭親朝發其子弟從之親朝擁之不遣結城文書夏六月征西大將軍懷良親王討島津貞久於薩摩島津文書破之谷山敵多降附阿蘇文書貞久退保千臺島津文書親王進據谷山分兵攻諸城拔之與貞久相持阿蘇文書秋九月十九日仁木義長陷伊勢一城編同社

四年光明院康夏四月十三日高師冬攻關城源親房

擊破之斬其將結城直朝結城文書師冬令士卒運草填壕又募礦夫鑿地道俄而土崩夫皆壓死敵又樹重柵於城下官軍出爭之悉拔其柵敵不敢近城中糧竭

伊達行朝輸糧救之然不能繼親朝遂叛降尊氏結城文書親房顯時奉陸良親王走還行在關下妻二城陷結城文書親所東國官軍遂衰唯侍從源顯國潛匿小田編同社五年光明院康春二月高師冬旋師三月四日源顯國起兵小田拔馴馬城穴戶四郎來攻顯國敗走七日顯國攻下妻城拔之斬下妻政所某八日結城族夜襲下妻陷之顯國逃走甥兵衛佐為村被擒九日顯國為追兵所殺常陸悉陷編同社

國史紀事本末 卷三十八

十四

氏遣使誘諭朝忠應之刻日起兵尊氏聞之遣山名時氏圍朝忠於高山寺城朝忠力竭而降高德聞敵來攻潛與義治從海上入京師移檄諸國聚兵會者十餘人潛匿數處欲夜襲尊氏直義未發謀泄敵急攻其在四條者官軍登屋注射矢盡皆刳腹死餘衆聞之散走高德與義治走美濃太平記時宗良親王亦往來信濃越中之間信濃人香坂高宗傾心輔衛李花集諸國官軍日衰近畿無復勤王之師惟河內守楠正行招聚父遺衆撫恤其孤謀成父志太平記

正平二年光明院貞楠正行起兵屢出屯住吉天王寺

縱火誘敵京師繹騷尊氏聞之曰使小敵深入取也宜速驅滅太平記秋九月遣細川顯氏攻之顯氏進陣天王

寺令衆曰聞正行將攻矢尾矢尾距金剛山七里吾偵

其出兵斷其歸路破之必矣正行謀知之十七日乘曉

縱火爲攻矢尾狀引還至譽田蔽林而陣敵望烟疾馳

至譽田駐軍以待俄而正行從軍後掩擊敵大駭潰走

顯氏保天王寺異本太平記冬十一月尊氏令山名時氏援

顯氏時氏進陣住吉正行聞之曰先破住吉則天王寺

自潰矣二十六日分衆爲五火石津民家進至瓜生野

時氏望見分兵正行曰彼分則我合合衆進擊殺傷相

國史紀事本末 卷三十八 十五

當兩軍交綏時氏被七創敵頗沮和田賢秀乘之挾長

刀突進阿間了願提槍繼之兩騎左馳右突殺三十餘

人敵圍之正行進救斬時氏弟兼義敵擁時氏退走欲

與顯氏合正行追躡比至安部野敵後軍遮擊又破之

天王寺敵驚曰勁敵在前大河在後橋一斷則全軍殲

焉何不守橋遂爭橋逃走時氏至橋馬斃將割腹安田

彈正負之而逃溺死甚衆正行命援弱者療護數日與

鎧馬還之敵感恩多降尊氏直義聞之大懼曰此非募

兵之所能辦也令高師直師泰帥衆六萬餘而發十二

月二十七日正行與弟正時帥族人朝行宮因中納言

藤原隆資奏曰嚮先臣正成奮身攘敵以解先帝之憂

而海內再亂疆寇來犯於是決意殉國捐軀湊川臣時

年十一命還河內託以收合餘衆翦滅凶徒臣年旣壯

常恐一旦嬰病未得一力戰而死上無以報國家下無

以報先人今師直大舉來寇是臣效命之秋也提賊頭

乎授臣頭乎一戰而決願得一拜龍顏而去言畢泣下

帝乃召見曰卿再戰再捷賊膽摧褫累世忠勳朕深嘉

卿今誠悉衆來犯誠天下安危之機然進退從宜兵家

之常汝乃朕之股肱慎勿自輕正行拜辭而出與親兵

一百四十三人謁後醍醐帝廟告曰一戰不利臣必死

國史紀事本末 卷三十八 十六

之乃書姓名於如意輪堂壁題和歌於後而發帝令隆

資援之太平記三年光明院貞和四年春正月三日高師直進至四條懼正行

據險拒守不敢進分兵爲五陣飯盛山伊駒山外山四

條畧自帥精兵陣其後五日黎明隆資帥和泉紀伊氏

兵陽爲向飯盛敵正行帥衆三千直進飯盛敵遮擊

正行馳突走之四條敵擊我後軍後軍血戰數合伊駒

敵奄至後軍敗走正行不顧以三百人進敵將細川清

氏仁木賴章迭進迎擊正行皆破之左右死者百餘馬

皆被數矢乃下馬踞壘而食敵畏其銳不敢合圍正行

呼曰吾不復退必斬賊魁乃復進賢秀舞長刀斬五十餘人敵驚潰師直怒曰官軍甚寡孰敢逃者俄而有一人詭稱師直戰死其鎧鏤師直徽號正行大喜擲首於空手承者數次正時進曰何不懸之旗示衆乃以刀揭之熟視曰此上山高元也正行怒投之地曰汝上山邪汝亦勁敵吾豈以汝頭比佗賊斷隻袖裹之師直已逸去鼻田彌次郎怒曰老賊焉在望見其旗將追之和田正朝止之曰彼騎我步追之不可及我佯北誘彼彼必追我我迺還戰先斫馬足而後斷賊頭乃與五十餘人蒙楯偽走師直不敢動令三百餘騎追尾鋒刀垂及正行大呼迴擊斬五十餘人敵敗走師直僅擁數十騎正行望見復進師直將逃敵有善射者正行遍體被箭不復能戰顧衆亦皆被數箭乃呼曰事畢矣勿墜賊手與正時相刺而死左近將監楠正家和田紀六野田四郎僧西阿關地良圓河邊石掬丸等皆殉之瓜生野降兵亦皆戰死賢秀獨離敵中欲刺師直降兵湯淺太郎覺之從後斷其脚賢秀瞋目而死湯淺發病見賢秀奮怒遂死大塚惟正與正行相失獲馬脫走適聞其死旋變戰死正朝單身脫還將奏狀敵將阿保忠實呼曰舉族戰亡何爲獨還正朝還擊忠實輒走相逐數次敵稍至

正朝遂戰死時行宮孤立天子所恃尊氏所憚惟一正行是日全軍戰沒獨弟正儀保石川城六日隆資還奏曰正行戰沒賊將至矣請避之賀名生帝乃奉神器幸賀名生途拜勝手祠賦和歌而去太平記帝所生藤原准后逃至吉野川橋已壞宮人伊賀局有異力折鉅樹枝橫之負准后而濟衆皆得濟伊賀局條塚伊賀守女也後嫁正儀吉野拾遺二十五日師直犯吉野縱火行宮神祠佛寺亦皆蕩盡師泰進與正儀對壘太平記日初正行一日朝行宮有衆擁輿避於樹下正行聞輿中哭聲怪而詰問則宮人辨內侍爲師直所誘奪也正行悉擒其衆奪輿還奏帝歎美即賜內侍正行上和歌辭之人莫曉其意及死聞者悼惜吉野拾遺二月八日師直旋師官軍遮擊多所殺傷佐佐木高氏被創而逃房玄法夏五月紀伊人起兵尊氏令子直冬攻之官軍不利國大曆秋九月敵陷紀伊阿瀨河城編同社六年崇光院觀應二年足利尊氏將擊直義於東國屢乞降帝許之尊氏留義詮而發義詮請帝還京師事見足利國圖七年後光嚴院文和元年春二月帝發賀名生至住吉遣由良信阿於上野敕左近衛少將新田義宗右兵衛佐新田義興式部大輔脇屋義治曰南北講解一時權宜卿等速

起兵擊尊氏，慎勿遲回。失機，閏月義宗等奉敕聚兵，得八百人。石塔義房素屬直義，直義既死，怏怏不樂。義宗移檄招之，義房大悅。與三浦高通等謀曰：「官軍來攻，將軍必拒之。武藏吾待戰酣，從麾下突起，將軍可獲矣。」密報義宗，約夾擊。太平記十五日，義宗等起兵上野。十六日，擊國中敵破之，進入武藏。國大曆遠近響應，來會者十萬餘。武藏告急，鎌倉敵懼曰：「我兵不過一千，而諸國兵不可驟徵，何以禦大兵？」請避之。房總、徐圖後舉。尊氏曰：「吾一出走，諸國孰屬我者？但當以寡兵逆擊耳。」乃留子基氏守鎌倉，帥五百餘人而發。至武藏久米河，將士會者

國史紀事本末

卷三十八

十九

八萬餘。十九日，義房夜呼子賴房告計，賴房作色曰：「懷貳事君，武夫所恥。兒寧抗大人，不忍背將軍，請從此辭。」往告尊氏，義房駭懼，潛與高通等帥眾赴義宗軍。而義宗不知也。二十日，進陣金井原。金井原據喜連川系圖、國同社務記尊氏逆拒，前隊旗仗皆赤，煥爛耀日。第二隊皆白馬白旗，以官軍用白旗，斷而短之。兩軍大戰，敵將饗庭氏直兵皆插梅花於冑。義宗望見曰：「摧花者風，宜遣團扇旗，旗即兒玉黨。」應時突擊，氏直敗走。官軍乘勢大喊而進，敵悉崩潰。義宗進曰：「彼於國則賊，於我則讐。梟首軍門，正在今日。」揮鞭追蹙，比至隅田川，尊氏窘迫欲剖腹，從騎還

關於中流，尊氏僅而登岸，散平還救者數萬，臨水而陣。會日暮，義宗從騎僅五百餘。顧曰：「後繼不至，奈之何？」切齒而還。義興義治望見白旗一隊，以為尊氏急追之，降者相屬。二將屢為之駐蹕，其兵悉逐北而去。從騎僅三百。敵將仁木賴章帥眾三千從叢葦中起圍之。望見二將曰：「彼營控有法，勿以兵寡侮之。」二將縱橫血戰，敵陣甚固。乃東走，死者百餘。二將刀刃盡齧，鎧冑如刻畫。眾皆被數創，乃議曰：「吾欲還不獲，欲走無地，等死則直襲鎌倉。」與基氏決死。眾然之。進至關戶，遇眾數千，驚問則義房高通來歸也。二將大喜，以其兵進。問鎌倉虛實，曰：

國史紀事本末

卷三十八

二十

基氏聞敵在三浦，疇昔出兵，至則妄矣。今還，鎌倉二將乃進攻，敵未脫甲，出陣若宮巷。官軍大呼巷鬪，義興手斬三人而進，敵擊斷其纜索，乃駐馬結之。敵乘之，亂刀交下，義興不動，敵驚呼曰：「猛士哉！」乃逃。義興追及義治，齊進衝突，敵悉潰。基氏走武藏，二將居鎌倉，號令八國。義宗與二將相失，問之，則東去。望見火光，問之，曰：「仁木也。」乃乘暗赴苗吹嶺，待越後信濃兵。大井田氏經、上杉憲顯等帥眾二萬餘，奉征東將軍宗良親王來救。二十

原、原名據喜連川系圖

八日，尊氏大舉來攻。義宗愧據險而戰，迎擊於小手差。苦戰終日，眾寡不敵，兵竟不利，退而登嶺。

憲顯壯士長尾彈正根津小次郎被髮傷額刀揭敵首入尊氏軍詐呼曰我獲新田氏族進逼尊氏敵覺而遮擊二人血戰脫還義宗夜望敵營炬火如繁星而官軍火光稍熾謂左右曰一敗喪衆未必至此此必有逃亡者乃設關斷走路既而曰前臨大敵後接鄰國不示必死衆何以安自脫甲解鞍以示無還心軍中稍定夜半憲顯望見炬火絡繹赴敵營大懼逃還義宗不得獨留乘曉還越後東國將士懷顧望者皆屬尊氏尊氏乃赴鎌倉義治義興聞之曰我必死於此松田河村曰相模河上流有山形勝可據公等何不往保之以與越後信濃相應援二將然之三月四日帥衆六千餘入國府津山保河村城帝先是遣兒島高德於東國召諸將入援會義宗等皆敗乃勵諸將曰行在危急援兵不至萬一乘輿沒賊天下之事不可爲矣於是義興義治留而備尊氏義宗帥挑井直常上杉憲顯等發東國宗良親王發信濃土居得能亦發伊豫其佗諸國官軍皆赴援未至而男山行在陷矣諸軍引還高德莫知所終云太平記是夏名和氏族與敵戰於伯耆名和高政興村行實及五郎等死之名和圖冬十月敵陷下野西明寺城文書田是歲赤松則祐幽陸良親王於京師但馬人潛奪而奉之

入丹波高山寺城本莊平太平三屬之兵勢大振但馬丹波悉應將攻播磨則祐帥衆三千逆戰於甲山平太平三死之官軍遂敗親王走河內太平記八年後光嚴院夏五月北條時行匿於相模爲敵所捕斬鶴同社夏敵陷陸奥宇津峯城國魂文書先是鎮守府將軍源顯信守宇津峯城與敵戰敗走相馬家傳再起兵復城至是又敗走國魂文書九年後光嚴院夏四月準三宮源親房薨常樂文書十年後光嚴院秋八月征東將軍宗良親王起兵信濃諏訪某仁料某應之國太時親王出鎮者東有宗良西有懷良肥前守菊池武光擁衛懷良兵勢頗強遠近畏伏諸國名族往往來依太平記十三年後光嚴院春肥前守菊池武光擊敵將一色直氏破之直氏逃還京師少貳大友島津松浦阿蘇族皆降西海風靡獨島山國久保日向六笠城夏四月足利尊氏死義詮與諸將議曰今西海未定菊池日振安知其不乘喪來攻也宜速擊之乃以細川繁氏爲伊豫守往攻武光繁氏赴讚岐集兵船未發六月暴病死少貳大友等皆欲待其至降之聞其死皆大沮新田義宗義興脇屋義治攻取越後之半築城居焉武藏上野豪族

素服其恩信聞尊氏死遣使致盟書請奉一將起兵義宗義治疑而不許義興獨奮然應之帥百餘人赴武藏義貞遺衆皆屬之乃潛匿兩國間將起兵未發足利基氏聞之以西海應官軍懼東國亦應遽命畠山國清擊義興然義興轉徙無常處乃使數百騎夜要之路義興馳突而去趨捷如飛敵懼以爲神國清憂之密召竹澤良衡曰武藏野之戰卿嘗屬義興義興必不忘卿今日能爲我殺義興者唯有卿耳事成必有厚賞良衡許諾僞爲犯法奪邑乞降義興義興許而未見良衡飾美女少將獻之義興意解乃召見良衡獻鎧馬各三退過從國史紀事本末 卷三十八 二十三

士宴飲各贈鎧馬義興遂信任之秋九月十三日良衡請義興觀月於其家伏兵欲殺之會少將致書告以凶夢止之義興問之執事井伊直秀直秀曰奈何聞凶不慎乃稱疾不往良衡疑少將漏謀殺之義興不知屢通書問良衡詐答以疾屢通書問已下遣人謂國清曰吾兵寡不能獲義興願令江戶高重來援高重據江戶系圖國清乃詐奪高重邑高重佯怒聚兵因良衡乞降曰臣爲國清所逐將起兵報怨願公間行來鎌倉臣族數千一麾響應東國不足定也義興信之徵兵武藏上野常陸下總未至冬十月十日義興先發從兵僅十三人良衡等

艤矢口渡以待鑿舟枘之伏兵兩岸義興舟至中流舟子佯墜抽枘逃去舟漏稍沒伏咸發大笑曰愚人溺矣義興怒罵曰凶徒賣我我必報汝剝腹而死直秀及世良田右馬介大島周防守由良兵庫介由良新左衛門皆殉之土肥三郎南瀬口六郎市河五郎卿刀潛行水底登岸戰死良衡高重撈獲首級往獻基氏於入間河營基氏示之松田河村皆泣曰是兵衛佐也基氏國清大悅賞良衡高重以數邑二十三日高重還至矢口渡舟子載酒出迎俄而雷鳴濤涌舟子溺死高重惶駭逃走雷益迅迴顧見義興馳逐射已墮馬歐血數日而國史紀事本末 卷三十八 二十四

死國清夢義興擁鬼兵挽火車入基氏陣適雷震入間河火三百餘家土人震懼立祠祀之太平記伯耆守名和顯興帥族人赴肥後屬征西將軍懷良親王顯興長年孫也名和系圖年據菊池武朝中狀月未詳姑係於此十一月十七日菊池武光帥兵五千餘討畠山國久於日向大友氏時宇都宮宏知肥田正員待武光踰險叛應國久斷武光歸路聞者謂武光前後受敵猶魚在網也武光不顧而進太平記十四年後光嚴院延文四年春三月菊池武光攻畠山重隆於三股城苦戰十餘日遂拔之國久棄城逃武光旋師氏時等不敢遏武光帥少貳賴尚阿蘇大宮司宇治某討氏

時於豐後賴尚叛據太宰府宇治叛據小國連築力壘斷其糧道武光回軍攻九壘悉拔之宇治遁逃本年十一月今據

秋七月武光奉懷良親王討賴尚新田名和族在西海者皆從賴尚帥兵六萬陣味坂莊親王分兵

八千餘陣高良山柳坂水繩山十九日武光以部兵五千濟筑後河賴尚退陣大原武光追躡敵已阻大澤鑿

斷徑路乃相持經日先是賴尚為一色直氏所攻城將陷武光救之得解賴尚感喜致誓書曰子孫世世無抗

菊池氏是役也武光揭誓書於旗竿以辱之八月十六日武光夜遣子武政姪武信武明及赤星武貫等精兵

七千餘分為三隊沿河乘水聲進別遣死士三百從間道繞出敵後大呼注射敵驚擾終夜自戰遲明武政先

登斬賴尚子忠資敵還戰武明死之武貫繼進縱橫衝突擒忠資弟賴泰然眾寡不敵武貫死之於是親王帥

武光等大呼而進敵分為左右叢射如雨官軍不利親王被三創權大納言藤原親弘等苦戰死之新田族見

事急以千餘人橫衝敵陣世良田大膳大夫田中彈正

大弼岩松相模守挑井右京亮堀口三郎江田丹後守

山名播磨守死之武光武信勵眾曰吾與卿等約同死正為今日挺身疾進敵識武光兩射甲堅不傷馬斃易

國史紀事本末

卷三十八

二十五

騎而進血戰十七合兜鍪墜地面被二創搏一敵將斬之刀揭其首奪馬復進自卯至酉斬級三千二百餘賴

尚大敗走寶萬嶽武光以軍多死傷不窮追奉親王還肥後自是西海敵將皆城守不敢出太平記

十六年後光嚴院秋七月菊池武光與新田族奉懷良

親王帥兵五千餘軍博多少貳賴尚大友氏時等以二萬五十人來拒陣香推松浦黨三千人登飯守山斷武

光軍後武光將城越前遣僧敵營間松浦黨曰某約降某約內應何不備之敵皆相疑八月六日武光乘曉呼

譟薄飯守敵不戰而潰殺獲殆盡武光喜曰松浦既敗餘不足畏七日進擊香推賴尚氏時聞松浦黨敗大懼

即時崩敗棄甲塞路時四方官軍悉衰惟菊池氏雄於西海足利義詮深憚之冬細川清氏歸順與諸將復京

師尋又敗還議者謂中興諸將義貞兄弟為之冠今義宗義治材武不減其父聲威亦冠諸將而帝不召之北

國仕以恢復乃任用狡詐反覆之徒王師何以振哉時人之思新田氏如此太平記

十七年後光嚴院秋九月足利義詮以足利氏經為筑紫探題及發每船皆載娼婦見者知其必敗進至豐後

菊池武光遣弟武義及城越前等帥兵五千攻之氏經

國史紀事本末

卷三十八

二十六

使子松王丸督少貳賴尚大友氏時及宗像大宮司等

七千人逆拒於長者原官軍不利武義被三創引卻越

前奮戰斬敵將對馬賴資資俊等四百餘級敵將名據少貳家譜

敵乃敗走武光繼至與武義合追至豐後府氏經氏時

保高崎城賴尚保岡城大宮司保宗像城武光駐軍於

府斷三城援路分兵攻之氏經尋棄城還京師太平細記

川賴之攻河野通朝於伊豫通朝拒戰不利遂自殺子

通直逃走豫章記

十八年後光嚴院貞治二年春正月河野通直起兵伊豫攻湯月

山拔之進圍大空城細川賴之發兵來擊通直退守高

國史紀事本末 卷三十八 二十七

繩城為賴之所破秋八月走筑前屬懷良親王豫章記

二十二年後光嚴院貞治六年春二月初河野通直失國其兵今

岡通任村上義弘漂泊海島時或襲敵國縱火而還以

淡路小笠原氏素屬官軍乘舟赴之小笠原叛降義詮

僅四十餘日乃還屋代島豫章記

二十三年後光嚴院應安元年春三月帝崩於住吉行宮花營三代記

年四十一鳩嶺雜事記皇子寬成即位於行宮是為長慶天

皇皇風紹運錄秋七月新田義宗脇屋義治起兵越後與敵

將上杉憲將戰不克義宗死之義治走出羽喜連川永圖

長慶天皇正平二十四年後光嚴院應安二年春三月楠氏族聞

正儀懷貳起兵討之後愚昧記夏四月正儀降足利義滿花營

三代播磨守桃井直常拔越中松倉城秋七月直常戰

敗保松倉城冬十月彈正少弼赤松氏範與赤松則祐

光範戰於攝津中島不利花營三代記先是河野族起兵伊

豫據宇和義滿使仁木某攻之河野通直從西海赴之

攻花見山拔之衆多來屬乃攻拔大空擊仁木破之是

月屢與敵戰破之豫章記

建德元年後光嚴院應安三年春正月脇屋義治等出兵武藏上

野與敵將上杉朝房等戰不克走信濃喜連川系圖三月桃

井直和與敵將斯波義將戰於越中長澤死之餘衆走

國史紀事本末 卷三十八 二十八

松倉尋皆離叛桃井直常逃走冬十一月和田族攻楠

正儀是冬肥後守菊池武政奉懷良親王起兵足利義

滿遣少貳冬資等於西海攻之花營三代記

二年後光嚴院應安四年春二月足利義滿以今川貞世為鎮西

探題攻菊池氏花營三代記令大內義弘助之應永秋吉川家傳

七月桃井直常起兵越中與敵戰不利八月官軍討楠

正儀攻瓜破城冬十一月官軍引還湯淺族百餘人死

之花營三代記

文中元年後圓融院應安五年春二月敵陷筑前二城官軍與敵

戰於肥前不利花營三代記

二年後圓融院春三月細川氏春從淡路入寇秋八月

二日帝讓位皇太弟熙成遜吉野十日大納言藤原隆

俊屯天野夜砍氏春營不克死之代記天野行宮陷

帝僅從近臣幸吉野鴻嶺雜事記是歲仁木義長犯伊勢大

館氏清逆擊於鈴鹿山破之斬仁木義信進戰於關原

本服部山田拓植荒木族來援兵勢大振義長不克而

退氏清築壘留兵與國司源顯能進擊義長走之氏清

氏明子也關岡家始末

後龜山天皇文中三年後圓融院夏五月肥後守菊池

武政卒代記子武朝年僅十二紗領部下以禦鄰敵

國史紀事本末 卷三十八 二十九

為懷良親王所倚賴菊池武朝冬征東將軍宗良親王朝

行宮見故舊淪謝感愴不已新集和歌

天授元年後圓融院春今川貞世犯肥後菊池

武朝出兵相持數月進戰於水島破之菊池武朝斬敵將

橫地與山等今川乃奉將軍宮○本書曰將軍宮受正

大王即懷良親王將軍宮未詳為何人疑懷良子良宗也進陣肥前國府今川仲秋

帥松浦族犯筑前武朝遣肥後守護代武國擊走之菊池

武朝秋八月少貳冬資謀應官軍為貞世所殺代記

二年後圓融院官軍與今川貞世戰於鎮西吉川家傳

三年後圓融院秋八月大內義弘帥豐前豐後兵犯肥

後菊池武朝逆戰於蟻打不利植田宮及菊池武義武

安等百餘人死之參取後愚昧記菊池武朝申狀

四年後圓融院秋九月今川貞世帥大友少貳大內兵

數千犯肥後菊池武朝不待兵聚帥寡兵迎戰於托摩

原督衆衝陣武朝被創從兵略盡會將軍宮聞急來救

貞世等敗走菊池武朝冬十一月民部大輔橋本正高起

兵紀伊討細川業秀參取花營三代記關岡家始末大館氏

清起兵應正高與赤松義則戰破之關岡家始末正高與敵

戰不利而退敵旋師又聚兵討業秀十二月業秀走淡

路正高還和泉守土丸城足利義滿將發兵出陣東寺

國史紀事本末 卷三十八 三十

五年後圓融院春正月足利義滿使山名義理氏清犯

和泉橋本正高拒戰不利棄城逃二月義理等犯紀伊

陷石垣藤波二城又遣兵犯大和代記會足利氏滿

謀舉兵東國義滿遽召還諸將參取喜連川系圖花營三代記冬十一

月河野通直與細川賴之戰於伊豫死之豫章記

六年後圓融院夏五月左馬助小山義政起兵下野與

宇都宮基綱戰於蒙原斬之鎌倉大草子花營三代記六月伊勢官

軍與土岐族戰破之秋七月民部大輔橋本正高與山

名氏清戰於和泉死之蓮池井田荻野上神下村毛穴

磯部櫻井多胡梶村族皆戰死八月高野政所及隅田

族與氏清戰於紀伊不利九月敵陷紀伊生地城花營三代

記足利氏滿發關東十二國兵出陣武藏府使上杉憲

方攻小山義政義政拒擊不利鎌倉大乃遣使乞降氏

滿許之花營三代記

弘和元年後圓融院永德元年春二月小山義政再起兵足利氏

滿出陣武藏村岡遣兵攻義政於鷺城破其外郭城兵

苦拒殺傷甚衆敵多逃還冬十一月敵運草填壕義政

擊卻之會糧竭乃乞降且乞傳食邑於子若犬丸氏滿

許之義政以三百人入祇園城鎌倉大草子

國史紀事本末 卷三十八 三十一

二年後圓融院永德二年春閏正月先是楠正儀歸順是月與山

名氏清戰於河內平尾敗績和漢合運曆通法寺宗族

六人士卒一百四十人死之和漢合運曆三月小山義政火

祇園城入糟尾起兵據險固守分兵守長野寺窪諸壘

氏滿兵攻長野寺窪陷之進攻糟尾夏四月糟尾陷義

政父子遁逃敵追及義政自殺若犬丸脫去大草子鎌倉

行狀印是歲菊池族叛據守山武朝即日擊平之朝中狀

畿內官軍日衰河內和泉紀伊悉陷天子僅保吉野花營

三代

元中二年後小松帝至德二年春三月先是相模守新田義則潛

匿信濃國人來攻宮親王也及族人戰沒於浪合義則

走陸奥是月移檄上野武藏招聚義舊使者為敵所捕

計遂不成義則義宗子也鎌倉大草子義則

三年後小松帝至德三年夏六月小山若犬丸田村則義起兵喜連

川系敵攻祇園城若犬丸襲擊走之鎌倉大草子秋七月若

犬丸則義與足利氏滿戰於下總古河不利喜連川若

犬丸棄城遁鎌倉大草子九月赤松氏範與敵戰於播磨清

水敗績氏範及子氏春家則祐春秀則死之赤松

四年後小松帝嘉慶元年春三月初小山若犬丸之敗敵捕其兵

士鞫問兵士曰小田孝朝父子黨之足利義滿將攻孝

國史紀事本末 卷三十八 三十二

朝是月孝朝與子五郎等起兵據安戶男體城氏滿使

上杉朝宗攻之城極險峻孝朝發矢石拒守敵多被創

參取鎌倉大草子僧賴印行

五年後小松帝嘉慶二年足利氏滿誘孝朝降之五郎不敢出帥

餘衆保男體夏五月敵乘曉霧急攻五郎縱火自殺鎌倉

大草子印新田族二人在京師為足利義滿所殺常樂

九年後小松帝明德三年春右馬頭楠正勝與畠山基國戰於千

劍破不克奔歸吉野渡邊正勝正儀子也梶川冬十月

帝與北朝講和南北始一鈔矣時中興名臣之後惟北

畠菊池二氏跨有郡邑北朝亦優容之參取諸書大意

後小松天皇應永三年春、足利氏滿窮搜新田族在陸
奥出羽者、小山若犬丸田村莊司清包奉新田義則起
兵白河、夏六月氏滿大舉攻白河、義則等敗走、鎌倉大
草子
四年春正月、小山若犬丸二子爲會津人三浦左京大
夫所捕、足利氏滿沈之海、鎌倉大
草子

十年新田義則匿相模底倉山中、依木賀彥六、事泄、夏
四月足利滿兼遣人襲之、義則戰死、鎌倉大
草子

十七年秋七月、足利滿兼死、新田某移檄聚兵、爲千葉
兼胤所擒、斬於七里濱、鎌倉大
草子後二十年有楠光正者

潛匿奈良、欲狙擊足利義教、事覺被捕、斬、後崇光
院御記蓋正

國史紀事本末

卷三十八

三十三

儀之族也、至足利義政時、捕楠氏族在吉野者、悉殺之

四塚、李瓊
日錄

門人草川重遠書

國史紀事本末卷之三十八終

國史紀事本末卷之三十九

從六位前大學校中博士常陸青山延光 編次

足利閱關武人驕橫諸將反覆

後醍醐天皇延元三年光應元年曆秋八月光明院以足

利尊氏爲征夷大將軍公卿補任直義爲副將軍太平記先是

帝以尊氏爲征東將軍討北條時行尊氏尋叛自署征

夷將軍海內皆呼曰將軍然深惡自署之名假主命以

掩之斟酌諸書大意尊氏素慕源賴朝之爲人謂直義及執事

高師直曰昔右大將起兵東國殲滅平氏威震海內其

功偉矣惜其慘礫少恩禍及骨肉耳我則不然讐敵一

國史紀事本末 卷三十九

降采地悉完況於功臣乎卿等輔我宜善體吾意梅松論

繇此紀綱寬弛諸將驕汰無所顧憚而師直最甚太平記

後村上天皇興國元年光應三年曆春三月尊氏聞北國

官軍大振遣高師春鹽治高貞等分道往攻未發師直

聞高貞妻美屢挑之不從妻本後醍醐宮人賜之高貞

者也師直遂誣高貞謀叛高貞聞而懼二十七日與從

者二十餘人臂鷹爲獵裝從播磨走出雲付妻子於鹽

治宗村八幡六郎從丹波逃高貞弟貞泰急報師直師

直驚曰恨不早發失此尤物也乃告尊氏令山名時氏

桃井直常追擊時氏不還家取師直從者鎧環之與子

師義追高貞直常追其妻及於播磨室山兵士呼曰必

生擒高貞婦六郎乃以高貞妻入民家託其幼子於一

僧匿之乃出拒宗村刺殺高貞妻子然後自殺六郎縱

火殉之時氏進至山崎有一人從後呼曰吾執事使也

時氏駐轡以待其人曰吾疲矣請來受命時氏使數人

往其人笑曰吾非執事使實鹽治家兵也吾適在外不

能從吾主故來決死耳乃挺刀進擊傷三人遂自殺高

貞得脫云時氏至湊河會日暮乃駐軍師義獨帥十二

騎窮追明日及於賀古河高貞弟六郎等還戰而死高

貞逸去晦至出雲夏四月朔時氏父子入出雲令曰獲

國史紀事本末 卷三十九

高貞者有賞國人皆應高貞逃赴佐佐布山丹波敗卒

來報曰夫人既死於途矣高貞怒罵曰吾必報師直迺

割腹而死傳首京師冬十月佐佐木高氏遊獵而還遣

奴折妙法院樹枝院主亮仁法親王令人呵止奴乃嘲

罵更折巨枝衆僧怒奪枝撻而逐之高氏怒曰何物門

主敢辱吾奴即夜與子秀綱帥衆三百餘縱火焚院風

怒火熾亮仁從後門脫走弟子亮性法親王匿床下秀

綱曳出撻之僧徒悉逃去京師聞之驚曰山門今來訴

矣延曆寺僧徒果大怒請得高氏父子甘心光明院命

尊氏議罪尊氏直義素寵任高氏置而不問僧徒益怒

太平記

二年光明院曆夏四月尊氏聞僧徒將奉日吉神與來

訴不得已奏減高氏死一等流之上總僧徒乃止高氏

以日吉神愛猿命家士三百餘人蔽腰負鞍皆用猿皮

各提籠鶯送至近江國分寺每所止舍聚倡妓張宴見

者惡之未幾赦還武夫益無所畏太平記

三年光明院康永元年秋九月光嚴院遇土岐賴遠二階堂行

春於塗前驅叱之行春下馬賴遠大醉詈曰院邪犬邪

馳而射之從官震怖促駕而逃直義聞之驚曰不誅此

輩何以懲後二人大懼皆逃還國直義將發兵擊之行

國史紀事本末 卷三十九

三

春乃往京師謝罪直義流之讚岐賴遠急聚兵直義命

其族人擊之賴遠窘感潛入京因僧疎石弓命直義不

聽遂斬之武人聞之震駭喪氣始知有上下之分相謂

曰院猶然況將軍乎一日遇一搢紳輒曰得非所謂院

者邪相率下馬時傳以為笑太平記

正平三年光明院貞和四年春河內守楠正行與師直戰於四

條畷死之事見諸國勳王是後師直恃功益橫掠護良親王生

母故第居之大營亭宇窮極靡麗多奪朝貴之女為妾

師泰嘗欲營別莊於東山枝橋其地屬菅原在登乃遣

使乞之在登曰此墳墓之地請待吾改葬師泰怒令役

夫數百悉掘其墓或作和歌譏之師泰疑在登為之使

力士刺殺之兄弟橫虐如此夏五月紀伊官軍大振尊

氏令子直冬拒之直冬庶長子也尊氏以母賤不鞠養

留之東國直冬竊至京師求見尊氏不得因僧玄慧見

直義直義為請尊氏尊氏未之許至是始許為父子請

光明院任右兵衛佐將兵赴紀伊官軍不利直冬凱旋

時人稍重之而嫡母赤橋氏密讒之故尊氏待之甚薄

直義遂子養之太平記子養據足利系圖

四年崇光院貞和五年夏六月京師田樂盛行尊氏尤好之時

人謂高時好田樂而鎌倉滅今又好之不祥一日尊氏

國史紀事本末 卷三十九

四

觀之四條河原柵閣數十間帷帳華煥車騎駢壅俄而

柵閣傾倒壓死無算尊氏僅免時直義代尊氏秉權勢

焰薰灼一時時人與尊氏並稱曰兩御所僧妙詰為直

義所崇信時人奔附如市獨師直兄弟陵侮之妙詰啣

之上杉重能畠山直宗素與師直不協勸妙詰搆師直

於直義曰將軍之有師直猶秦之有趙高也以秦之彊

一趙高滅之而有餘小人之可畏如此今師直師泰竊

弄威柄顛倒是非無所不至私黨獲邑而訴其小乃曰

何不取之近地社寺罪人失邑而訴其冤乃曰何不豪

奪舊邑輔臣如此將何以安天下且其言曰國有天子

不得不獻邑。吾輩過關，不得不下馬，勞費至此，何以天子爲？天子果不可少，則木像銅軀以代之，活天子則流之邊裔可矣。其凶悖如此，此而不誅，亂何由熄？請速誅二人，以上杉畠山代之。直義然之。於是尊氏蕭牆之釁起矣。直義以直冬爲中國探題，出鎮備後，鞫以備外援。直冬處事頗公平，師直兄弟之惡益著。直義密與重能、直宗及大高重成、栗飯原清胤等謀，召師直欲殺之。清胤中悔，目師直，師直覺而逃還。清胤夜往告其謀，師直乃聚兵自衛，稱病不出。師泰方與楠正儀相持於河內，師直急召之。師泰留畠山國清而還，直義聞之，遣使給

國史紀事本末

卷三十九

五

曰：阿兄聞芳，吾將以卿代之。師泰報曰：斷枝及根，臣知公意矣。乃帥衆三千，白晝戎裝入京。秋八月十一日，赤松則村以七百人訪師直，師直悅曰：三條殿欲殺我，我潛訴之將軍，將軍報曰：直義躁妄，吾當諭止之。彼若不聽，吾與汝討之。將軍既有此命，三條殿何能爲？吾將往攻。所患者兵衛佐在備後，必以中國兵來，卿爲我還播磨，塞杉坂舟坂二道，乃授以寶刀，則村許諾。即夜還國，分兵斷道。直冬不能入援，師直將攻直義，將士來會者五萬餘，屬直義者僅七千。尊氏大驚，遣使謂直義曰：師直兄弟悖驚激變，卿速來會。直義乃入尊氏第，從兵途

亡，留者僅一千。十三日，師直師泰進圍尊氏第，數重、尊氏使人讓曰：汝敢背主，獨不畏天譴乎？師直曰：臣欲執讒人耳。麾衆而進，尊氏怒，欲出戰。直義止之曰：大將與家僕戰，恥也。彼憾直義，姑從其意。尊氏乃諭師直以罷。直義流重能、直宗，師直解圍而退，使人捕妙詰。妙詰已逃亡，尋殺重能、直宗於流所。繇此上杉畠山二族皆惡師直。九月，師直遣兵攻直冬，直冬走肥後。冬十月，尊氏召子義詮於鎌倉，委以軍務。太平記與直義議曰：義詮不堪負荷，恐墮吾業，然使東國不叛，則不至失天下矣。難平令少子基氏鎮鎌倉，以高師冬爲執事。直義徙居細

國史紀事本末

卷三十九

六

川顯氏錦小路第，師直潛謀殺直義。直義乃薙髮號慧源，屏居不出，門庭寂然。自是咸福益歸師直，師直獨患直冬。令西海諸國擊之，諸國將士易之曰：此師直命，非將軍意也。太平記

五年崇光院觀應元年

夏，少貳賴尚迎直冬奉之，遠近爭應之。

於是天下三分，呼官軍曰官方，尊氏曰將軍方。直冬曰：兵衛佐殿方，石見人三角入道應直冬。秋七月，師泰自將往攻，三角令佐和善四郎邀擊，師泰擊破之。佐和退入鼓崎城。八月，師泰兵夜潛登城，後山上羣熊驚走，城兵見之曰：我以爲敵，乃熊也。爭出城追之，師泰兵衆虛

急攻斬佐和國中三十餘壘皆降唯三角固守太平土記

岐賴明叛義詮義詮與高師直擊之美濃虜之而還大國

曆九月西國飛驒報尊氏曰兵衛佐克宇都宮圍鹿子

木兵勢日彊今不速擊九國二島悉降矣尊氏大驚問

師直曰孰能往擊者師直曰敵乃公子將軍不親往孰

敢攻滅之請速發冬十月十三日尊氏將帥兵八千而

發師直慮直義爲後患將殺之直義夜與石塔賴房逃

亡太平記師直請留而索捕尊氏不聽而發參取國大曆執國行日

記十二月至備前福岡徵兵諸國會風雪連日海陸不

通乃駐軍直義潛匿大和和大河內和泉紀伊方屬行

國史紀事本末卷三十九 七

在直義不知所出越智某勸之歸順乃遣使乞降帝下

公卿議大納言藤原實世曰彼爲家僕所逐窘迫乞降

欲借天威以報私怨狡譎甚矣況乘輿播蕩百官流躓

者二十餘年彼實爲之彼今乞降者天也失今不誅噬

臍無及請速發兵捕斬懸首闕下右大臣藤原師基曰

管仲釋而齊興章邯降而秦亡今直義歸順亂必平矣

宜從其請帝從之於是行在將士皆屬直義畠山國清

棄石川圍應之將攻義詮義詮告急尊氏尊氏引還召

師泰於石見師直慮道路梗澀遣子師夏於備後備之

太平記

六年崇光院觀應二年春正月七日直義進陣男山挑井直常

應之帥衆七千餘乘橈冒雪至自越中陣延曆寺義詮

兵日散設關遏之關吏皆亡十五日義詮以數百人西

走路遭尊氏俱還直常既入京師負東山而陣尊氏進

陣相持直常兵秋山光政單騎挑戰阿部忠實躍馬當

之不決而罷兩軍大戰佐佐木高氏繞出直常軍後直

常軍潰直常下馬坐地曰勝敗天也何不戰死會日暮

直義竟不來援乃退保關山尊氏入京師是夜將士多

降直義十六日尊氏棄京師西走留義詮於丹波引軍

至播磨保書寫山師泰還自石見會高師夏於備後將

國史紀事本末卷三十九 八

赴播磨上杉朝定聞之自男山經水路至備後將遏師

泰師泰既過乃追尾擊其後軍破之宮無信還闕朝定

潰走美作人芳賀角田斷杉坂師泰擊破之進會尊氏

是月上杉憲顯子能憲起兵上野應直義憲顯僞稱追

討將兵至上野遂與之合進入武藏高師冬徵東國兵

不至乃奉足利基氏往攻兵士皆叛奪基氏於途師冬

走甲斐保洲澤城諏訪祝攻之三晝夜師冬自殺於是

東北諸國咸屬直義二月直義遣石塔賴房帥衆五千

餘攻尊氏賴房聞尊氏兵威駐軍光明寺乞援直義三

日尊氏帥一萬餘人進圍光明寺陣引尾師直陣泣尾

人以為不祥、賴房屢擊敗之、赤松則祐見賴房兵寡、督眾進攻、不利、棄營還白旗城、尊氏兵大沮、直義遣石塔義房、畠山國清援賴房、赤松範資遣使報尊氏曰、前有堅城、後有大敵、不易克也、不如解圍、拒援兵於途、尊氏然之、十三日解光明寺圍陣、湊川國清進至東條、聞之曰、師直兄弟所在、吾必擊焉、踰湯山而進、賴房棄光明寺會之、十七日尊氏逆拒於御影濱、賴房國清進擊、師直師泰未戰而潰、獨藥師寺公義血戰十餘合、從兵皆殲、乃走、尊氏狼狽入松岡城、城中狹隘、兵士填咽、乃命出士卒閉門、眾怒師直不仁、皆逃去、尊氏召師直兄弟、

國史紀事本末

卷三十九

九

問曰、一戰不利、何逃亡乃爾、饗庭氏直海老名六郎在手、曰、亡矣、長井治部佐竹加賀在乎、曰、亦亡矣、又問殘兵有幾、曰、不滿五百、尊氏歎曰、吾命盡於今夜、乃脫鎧會諸將訣飲、俄而聞扣門聲、問之、則氏直也、呼曰、和議既成、公等勿輕死、遽入見尊氏曰、臣入國清營議和、國清曰、錦小路殿屢賜書誠僕、兄猶父也、臣猶子也、吾固不忍抗兄、至於師直、懲其不臣足矣、不必誅之、因取其書示臣、將軍勿疑、尊氏大悅、師直師泰議曰、錦小路殿縱不欲抗將軍、豈能釋然於我、我非披剝乞降、則送將軍於赤坂城、乘間走四國耳、藥師寺公義進曰、讐敵在

前、披剝何益、四國亦敵、雖欲走、必不達、請及眾未散一戰而死、師直師泰不能從、公義雖髮而逃、師直以師泰在東國、欲往依之、會師泰敗卒來告、師泰死、師直窘感二十六日尊氏還京師、師直師泰雖髮從之、戴蓮葉笠、舉袂蔽面、上杉顯能縱騎斷路、師直遂後、尊氏數十町、三浦八郎從奴罵曰、遜世者何為蔽面、乃奪其笠、三浦熟視曰、果吾仇也、挺眉大刀斬之、師泰在後將逃、吉江小四郎揮槍縱殺之、并斬師夏等、顯能重能子也、於是直義自男山、義詮自丹波、皆還京師、相見張宴、然辭色不解、寡語而罷、

國史紀事本末

十

號擅補守護地頭、直義復書請以庶政委武家、不報、吉野事書案、房玄法院記、尊氏復任直義以軍政、直義素獲時譽、眾爭附之、權勢大熾、車騎填門、石塔上杉桃井皆貴重用、事而仁木細川土岐佐佐木惡之、樹黨相軋、京師訛言、每夜有勒兵郊外者、兩黨猜懼、少納言藤原有範為直義所親近、常以太公望自比、說直義曰、義詮淫亂、髣髴殷紂、公修仁伐之、是亦今日之西伯也、直義大悅、已而仁木賴章細川賴春佐佐木高氏、赤松貞範土岐賴康等皆逃還國、赤松則祐歸順、請奉征夷將軍陸良親王討尊氏、帝許之、

太平記

桃井直常夜訪直義而歸、暗中為

人所刺直常衷甲得不傷乃擒刺客國大曆秋七月晦義

房直常說直義曰諸將往往還國起兵蓋將軍之意而

赤松奉吉野皇孫託言歸順實為將軍主君孤立無黨

援不宜留京師北國諸將屬主君者越前則足羽加賀

則富樫能登則吉見敵固不能窺北國而信濃諏訪祝

歸心主君甲斐越中亦屬臣等請乘夜走北國扼木目

荒血之險東西可移檄而定也直義即夜北走將士爭

從之義詮懼其還攻請為之備尊氏曰有命在天吟嘯

自若直義至越前敦賀得兵六萬然衆議不一駐軍經

日太平尊氏遣細川顯氏諭直義解兵國大曆直義留之

國史紀事本末卷三十九十一

不遣尊氏奉崇光院命擊直義帥衆二百餘至近江諸

將來會九月直義遣義房國清直常逆拒於八相山不

利太平顯氏國清勸直義與兄講和還政義詮直義然

之直常固執不聽太平國清怒降尊氏直義兵多叛

冬十月直義走鎌倉尊氏引兵還京師謀往擊之太平

懼官軍乘虛屢遣使行在請廢崇光院迎車駕不許乃

因赤松則祐請降國大曆公卿奏曰嚮直義歸順尋亦翻

叛尊氏所請必詐謀也然今佯許之徐救新田擊尊氏

於東徵兵近畿討義詮於西未必不克也帝從之尊氏

乃留義詮守京師帥諸軍而發太平十一月義詮廢崇

光院及太弟直仁去觀應號奉正平號續神皇正統記京師百

官皆朝行宮廢主所署官爵皆降一等尊氏進至駿河

遠江以東方屬直義尊氏不敢進陣薩陞山待宇都宮

氏綱氏綱用藥師寺元可言以高師直族三戶師親為

將將援尊氏直義遣桃井直常於上野擊氏綱自將兵

十萬陣伊豆府遣上杉憲顯石塔義房賴房圍尊氏尊

氏軍馬疲糧乏據險自守直義兵易之未攻十二月氏

綱發兵一千五百至天命驛師親發狂自殺衆懼而潰

散元可曰是我宇都宮神欲使祭主為將也乃推氏綱

為將進渡利根川直常等從後奄至氏綱迴擊大破之

國史紀事本末卷三十九十二

直義兵聞之欲急攻尊氏憲顯等不許兒玉黨三千獨

從櫻野進攻尊氏兵設弩坂上殲之氏綱進至足柄擊

破直義一軍陣竹下小山氏政亦應氏綱進至古宇津

夜大設燎火直義軍望見悉潰仁木義長追至伊豆府

直義倉皇走伊豆山尊氏遣國清等議和直義遂降憲

顯走信濃太平

七年後光嚴院春正月足利義詮獻黃金三千兩馬十

匹贈金帛鞍馬於後宮百僚有差二月二十六日車駕

發賀名生至東條百僚戎衣二十八日至住吉楠正儀

和田正忠及真木野三輪湯淺山本熊野八莊司吉野

十八鄉兵悉從。是月尊氏幽直義於鎌倉，尋酖殺之。閏月十五日，駕至天王寺。伊勢國司源顯能帥兵三千餘至行在。十九日，幸男山，設關赤井大渡，為攻戰備。義詮怪之，使僧慧鎮來奏曰：「陛下於臣既加寬赦，何所疑而篡嚴？」帝詔曰：「今和議始成，人猶疑懼，故嚴甲兵以備不虞耳。卿其勿疑。」二十日，官軍分路入京師。顯能自鳥羽源顯經自唐櫃越，正儀正忠自桂川縱火大喊。京師大驚曰：「捕氏來矣。」細川顯氏以百餘騎出拒，正儀擊走之。細川賴春來進，正儀兵以盾為梯，登民家叢射，敵不能進。正儀縱騎乘之，賴春墮馬。官軍以槍鏃殺之。義詮出

國史紀事本末

卷三十九

十三

走官軍。既火勢多橋，義詮窘迫坐地，欲剖腹，從兵適獲小舟，乃走近江源親房。顯能入京師，總決庶務。是日，新田義宗等與尊氏戰於武藏，大破之。事見諸國勤王既而義宗等敗績，義詮方在近江，兵未聚。會尊氏捷問至，遠近爭降。義詮三月十一日，義詮發近江屯伊岐洲，旗旌蔽空。鎧冑耀日，參議源具忠棄大津而退。十五日，義詮至東山。顯能棄京師，陣淀河，撤橋拒守。十七日，義詮據東寺。顯能又退陣男山下。官軍不戰三退，衆心危懼。然男山三面阻河，敵無船不能進。會細川顯氏帥南海舟師而至，赤松則祐亦叛降義詮。義詮兵大振，遂濟木津河陣。

洞嶺斷行在餉道，捕正儀和田正忠帥衆三千拒之。公卿以其年少危之。正忠入奏曰：「元弘以來，闔門殉國，臣等僅存，國恥家讐，誓將報雪。今日不斬一敵將，不復來謁。衆乃安。」正儀正忠進陣荒坂山。二十七日，日據國敵來攻。山路險峻，敵棄馬而登。官軍從崖上兩射，敵不能前。驍將土岐康貞提大刀徑進，正忠邀戰，斬之。乃還奏帝。悅曰：「卿果踐其言，真勇將也。」正儀見敵益盛，宵潛引還。夏四月二十一日，月日據國大曆山名師義帥出雲因幡伯耆兵而至，從淀來薄。左兵衛督藤原康長撤橋拒守，敵截流而濟。康長挺戰，斬三人。乃徐退，敵追而呼之。康長

國史紀事本末

卷三十九

十四

還戰十七合，失馬被創，退扼守堂口。師義進據財園院。二十五日，敵聞行在糧乏，四面來犯。顯能禦之，園殿口正儀正忠禦之，佐羅科敵縱火。民家鬱燄四合，官軍不能戰。退登男山，敵遂圍行在。數重，二十五日以下參取國大曆五月四日，康長帥精兵八百夜砍顯氏營。敵人馬駭亂墜，深谷死傷無算。然諸營堅守，重圍竟不解。帝遣正儀正忠於河內聚兵。公卿日望其來援。而正忠適病死，遠近皆畏義詮，不敢應。正儀公卿罵曰：「彼正成之子，正行之弟，何不類父兄已而糧竭矢野下野守湯河莊司皆叛。」平太記十一日，帝環黃絲鎧，苞裏神器繫御鞍，夜與將士潰

圍敵望見知爲帝晉國大一宮有種呼曰大將奈何遯逃

追躡甚急康長顧曰惡奴無禮揮大刀踣之帝得間馳

去權大納言藤原隆資死之帝至木津川敵又合圍箭

及御鎧康長單騎從衛戰甚力俄有兵百餘來救敵敗

走帝幸東條從臣棄神璽於田間名和長重負而逃箭

中其櫃如驟雨一無穿者會東南諸將皆入援不及而

還先是崇光院遣使上神器卽新器也帝賜之近臣尋

迎光嚴光明崇光三主及直仁親王於男山行宮六月

幽之賀名生別宮秋八月義詮以光嚴院子彌仁親王

稱帝京師是爲後光嚴院公卿以無神器爭之義詮不

國史紀事本末 卷三十九

十五

聽太平後光嚴欲遣使伊勢告卽位於大神宮以道梗

不果議取佗道奉幣又不果晉國大山名師義以男山之

戰有功欲獲若狹今積屢就佐佐木高氏請之高氏託

燕飲不見師義大怒曰彼傲慢乃爾吾有以報之卽夜

還伯耆與父時氏謀遂舉兵逐高氏出雲小月代吉田

嚴覺出雲伯耆隱岐因幡皆應九月遣使歸順帝詔曰

卿速攻義詮朕將發兵夾擊太平冬十一月四日楠正

儀吉良滿貞石塔義房擊攝津守護代走之十二日足

利直冬與敵戰大敗走長門保豐田城通謀菊池少貳

遂遣使因滿貞義房歸順晉國大赤松氏範與兄則祐等

不睦遂歸順太平

八年後光嚴院春二月足利直冬屢與敵戰破之足利

義詮聞之大懼紀伊人亦起兵推大納言藤原隆俊爲

將三月五日義詮遣土岐賴康於攝津拒吉良滿貞石

塔義房二十四日滿貞義房擊賴康於吹田不利是月

鎮西諸將應直冬兵勢大振備前官軍收美作晉國大夏

五月七日山名時氏帥但馬丹波兵三千發伯耆帝詔

大納言藤原教忠藤原隆俊左兵衛督藤原康長及楠

正儀和田正武赤松氏範等帥和泉河內大和紀伊兵

三千餘會時氏進赴京師教忠據尊氏方在東國義詮

國史紀事本末 卷三十九

十六

兵甚寡將佐勸義詮走近江義詮曰不戰而遁吾愧之

乃使後光嚴院避於東坂下帥諸將陣神樂岡六月九

日官軍縱火而進正儀望見敵陣蔽林欲知其衆寡使

步兵五百誘之佐佐木氏詮出戰師義將小林重長橫

衝之敵退登神樂岡重長將擊土岐賴康師義舉扇止

之帥生兵進戰賴康敗走細川清氏來拒正儀等苦戰

不解會義詮軍擾動清氏退保四明赤松氏範單騎逐

北呼敵驍將長山長山回顧擊以巨斧氏範側身執其

柯將奪之柯忽斷長山逃去氏範提斧鏖鬪殺傷甚衆

義詮走東坂下清氏獨留陣四明義詮召還之阿保忠

實荻野朝忠奉高師詮入援已不及矣退陣西山阿保下

參取國師詮師直子也。十二日時氏急攻西山敵悉潰。

師詮自殺大曆據圖十三日義詮奉後光嚴院走東近江

堀口貞祐起兵遮擊於真野浦。佐佐木秀綱殿而走。土

兵指曰是嘗火妙法院者也乃夾路注射獲秀綱貞祐

貞滿子也。後光嚴院夜至鹽津。土人呼譟鳴鐘逐之。與

夫皆逃。細川清氏下馬負後光嚴院而逃。義詮奉之走。

美濃師義將進攻之。徵兵不至。士卒皆疲。往往逃亡。帝

遣藤原隆俊綜理庶務。師義不樂。秋七月二十四日。義

詮及赤松則祐進逼京師時氏師義引軍還伯耆諸軍

國史紀事本末

卷三十九

十七

皆退尊氏留畠山國清爲鎌倉執事帥諸將西上太平記

九月會義詮於鏡驛以_二後光嚴院入京師_一遣義詮

於播磨將擊時氏時氏聞之曰不有主帥何以聚兵乃

迎直冬奉之奏請討尊氏太平記帝詔以直冬爲總追捕

使遵承久已前故事裁決守護以下事國大有朴翁者

聞之曰、命子討父、非所以示天下功、何以成哉、太平

九年後光嚴院冬十二月十三日足利直冬山名時氏

師義紳衆五千餘發白著山舍道悉應足刊義銓方在

番磨妊鳥澤二水賴章在丹波左野成直冬議道所由

朱央兆井直常自越中足利高堅自越前皆飛驒告曰

請速入京師、吾將_下以_レ北國兵會_レ之、直冬乃從丹波進經

佐野城賴章不敢遏尊氏以京師無備奉後光嚴院走

近江據太平記係今年

十年後光嚴院春正月十日挑井直常至京師懼尊氏

還攻馳使迎足利直冬於丹波二十二日直冬至京師

大園
我裝坐大極殿址見者歎曰此人何足鎮天下

本太尊氏與義詮刻日東西齊進入京師二月四日直

冬帥直常等兵六十陣東寺山名時氏師義帥五千餘

人陣定鳥羽赤井大渡藤原隆俊藤原康長帥吉野兵

三千餘陣男山義詮進據神南山師義見其兵不多與

國史紀事本末

卷三十九

十八

隆俊等急進攻之、山路迤狹、飛矢雨下、衆不能前、一宮

有種等衆、勢下擊、師義擊斬之、督衆而登、福間三郎舞

大刀鏖戰敵應鋒摧潰諸營皆逃義詮左右僅百人窘

急欲自刃。佐佐木高氏亦松則祐止之曰。請待臣等死。

乃堅坐不動。師義望見高氏旗。謂衆曰。吾之舉兵。欲報

怨高氏耳。提彼頭來。衆奮而進。則祐褰幕。勦衆衆死戰。

師義不能支。小松重長留而戰。師義旋轡救之。中箭墮

馬將自毀、可村彈正來救、授以馬、招福間令牽去、還戰。

而死、師義困甚、連呼曰、可村、可村、福間曰、可村死矣、連

師義曰爲我轉馬我死於可村死所畱間名

師義曰爲我轉馬我死於河村死所福間紹

曰馬首正嚮敵乃馳入其軍師義遣使乞彈正首厚葬之尊氏進據東寺仁木賴章從丹波進據嵐山官軍懼敵橫擊火京師諸巷敵欲使官軍暴露火白河民家八日兩軍戰於四條大宮十五日又戰三月十二日又戰日據國大曆官軍不利時尊氏斷東北二道義詮斷山陽道賴章斷山陰道官軍無復糧援十三日直冬帥諸軍走男山見兵猶五萬餘欲待近畿兵復戰衆議不決直冬祈之八幡宮巫言不吉諸將聞之曰斯人不足恃也皆逃還直冬亦還伯耆尊氏義詮入京師夏四月先是仁木義長食伊勢掠神戶三郡祭主訴之京師後光嚴院國史紀事本末卷三十九 十九

命尊氏下書責還義長不聽激五十鈴川捕魚入神路山放鷹聞者惡之太平記秋八月帝聽光明院還京師大國

十一年後光嚴院延文元年春正月足利高經叛降尊氏初新田義貞之死高經獲其寶刀尊氏聞之遣使曰是源氏重器宜在嫡派卿速送之高經給曰僕託刀長崎佛寺寺罹災刀亦被焚乃燒爛他刀送之尊氏怒不賞其功高經怨望遂應直冬至是又叛太平記高經叛據國大曆

十二年後光嚴院延文二年春二月聽光嚴崇光二主直仁親王還京師國大曆京師累經兵火屋宅蕩盡衢巷蕪穢僅有

武人第宅耳搢紳貴族多避亂諸國流離輻輳或至餓死而尊氏將士驕侈日甚初北條氏秉兵權諸國守護不過斷大犯三條至尊氏務收人心不督以法事無大小一委之守護守護視地頭如奴隸寺社給邑皆奪充兵粮佐佐木高氏等每在京師日相會鬪茶張設侈靡有饌豐備以衣服戎器相餽遺積如丘陵悉須與倡優而去其費不貲繇此賦歛暴急人民益困武人暴橫之禍極矣太平記

十三年後光嚴院延文三年春二月後光嚴院贈足利直義從二位夏四月足利尊氏死年五十四冬十月左兵衛佐新田義興爲畠山國清所誘殺十二月後光嚴院以義詮爲征夷大將軍太平記
國史紀事本末卷三十九 二十

十四年後光嚴院延文四年新田義興既死東國皆屬鎌倉足利義詮稍忌之時人聞義詮兄弟不相能稍懷危懼畠山國清謂足利基氏曰自故將軍薨天下謂東西構隙鬪爭必起臣願帥大兵西上徑攻吉野破和田楠混壹天下以解將軍之疑基氏從之冬十月八日國清帥衆二十萬七千餘發武藏十一月六日入京師日據國大曆軍裝侈麗馬或施彩飾爲豹文京師構柵閣縱觀帝時在天野行宮左馬頭楠正儀和泉守和田正武入奏曰畠山

國清以兵二十萬入京師、諸國兵皆會之、帝大驚、褰簾曰、爲之奈何、正儀對曰、戰不在衆寡、先臣正成固嘗以寡摧衆矣、今日之戰、臣知官軍之必克、何則、戰之所先者三、天時也、地利也、人和也、今茲大將軍在西、不利西伐、而彼乃西上、不可謂得天時、我營負山阻河、便於守戰、賊將細川嘗來攻矣、不克、山名亦嘗來攻矣、不克、師直兄弟亦嘗來攻矣、皆不克、此由我獲形勝、而彼又踐覆轍、不可謂得地利、彼外託公戰、內貪私賞、仁木細川忌之、土岐佐佐木嫉之、不可謂得人和、三者皆失、雖百萬何畏焉、但行宮地勢不便、請暫移躡金剛山、臣等據

國史紀事本末

卷三十九

二十一

千劍破、日夜拒戰於龍山石川、又遣兵紀伊、扼龍門山、最初峯、誘敵挑戰、起伏無時、東兵輕慆、必倦而還、臣等乘勢窮追、蔑不捷矣、帝壯而許之、乃幸金剛山、御觀心寺、入奏已下、參取天正本、十二月二十日、日據園大曆義詮帥仁木細

川、土岐佐佐木等兵七萬餘、與國清分路入寇、義詮陣尼崎、國清陣住吉天王寺、初正儀以爲寡兵守城、敵必合圍、不如潛軍山谷、屢襲擊以疲之、已而敵駐軍不進、正儀乃修赤坂城、以三百人守、使福塚川邊等五百餘守平石城、真木野酒邊等八百餘守八尾城、大和河內兵千餘守龍泉峯、大納言藤原隆俊以紀伊兵三千屯

最初峯、太平記二十五日國清犯河內、官軍戰於四條村、國大曆

十五年、後光嚴院延文五年春二月十三日、畠山國清進據津津

山、丹下股野等五百餘人叛降之、敵咸悅、然官軍日誘之、注射屢挫其鋒、敵稍困、乃四出侵暴、壞神祠佛寺、奪其寶器、國清不能禁、夏四月三日、國清遣弟義深犯紀伊、據和佐山、藤原隆俊使其將鹽谷中務退登龍門山、以誘敵、敵將遊佐果追尾、山極巉峻、敵至半腹而憩、官軍乘高兩射、中必疊傷、鹽谷提眉尖刀下擊、敵潰走、鹽谷追擊、馬中箭墜崖下、遂被殺、官軍斬級二百七十餘

國史紀事本末

卷三十九

二十二

獲器械鞍馬甚衆、十一日畠山義熙等又犯紀伊、會湯川莊司叛、越智某亦出降、敵急攻龍門、陷之、隆俊走阿瀨川城、十二日住吉社鳴動、社前楠樹折、社司密奏之、公卿相謂曰、官軍所持惟楠、楠而折、誰擁護行宮者、僧忠雲曰、不然、神之示凶、是乃天助、錄此警懼修德、安知朝敵之不爲官軍哉、帝乃沐浴坐地、祈者一百日、征夷大將軍陸良親王奏曰、紀伊戰敗、官軍日沮、臣請爲陛下下一戰、帝使赤松氏範及十八鄉兵從之、陸良潛蓄異圖、通謀義詮、二十五日據銀嵩叛、火賀名生行宮及公卿第宅、二十六日帝詔前關白師基討之、吉野兵驚曰

我不能事叛親王、乃皆散去。獨氏範苦戰三日、力竭而降。陸良走奈良、莫知其所終。時人歎曰：「護良之子、乃有陸良、正儀召還龍泉兵、僅留百人、設疑幟、已而敵覺。」曰：「城上有鳥、得非逃去乎？」閏月二十九日、土岐細川攻陷之。佐佐木今川亦攻平石、陷之。八尾亦尋陷。唯赤坂僅完。五月三日、國清進而對壘。敵奮曰：「吾能幽天子、奪神器。」正儀欲退保金剛山。正武曰：「勝敗常事也。我以一城捍天下、不發一矢而退、奈天下之笑何？請乘夜砍營、刀剗檣、碎而彼猶不退、則我當棄城耳。」乃簡死士三百、定暗號。八日夜出襲敵壘、挺身而入、衆從之、大呼衝突。

國史紀事本末

卷三十九

二十三

敵大擾、將卻走。會細川清氏來救、正武乃潰圍而退。敵四人潛尾入城、欲放火。正武覺悉、搜而殺之。遂與正儀火城而退。保全剛山、行在危駭。然敵不復進攻。二十八日、義詮旋師。國清等亦皆引去。而官軍亦疲、不能追擊。云：「初、仁木義長事尊氏、有戰功、食數國。性尤兇戾。時人惡之。及國清入寇、義長心惡其專。一日、聞國清兵不利、大笑曰：『使諸營皆潰、赤體遁逃、亦一快也。』」國清聞而深惡之。已還京師、日與細川清氏、土岐賴康、佐佐木高氏會飲。密謂之曰：「吾之西上、意不在南侵、實欲除義長耳。彼本庸器、濫得重賞、跨有郡國、而暴橫侈肆、輕蔑將軍、

前日之役、將軍陣、尼崎二百餘日、彼未嘗一謁。聞南軍克、則喜躍、聞我軍捷、則輒感。不臣甚矣。公等何不協力誅之、以輔將軍？」三人素與義長有隙、皆從之。未發、正儀正武出兵、撤渡邊橋、將攻譽田城。義詮聞之大驚曰：「前日之功廢矣。」於是國清、清氏、賴康、高氏等三十餘人不待命而發。至天王寺。正儀、正武引還。國清等駐軍謀攻義長。已而謀泄。義長大怒、入見義詮曰：「國清等圖臣、是圖將軍也。請爲之備。」義詮給曰：「吾與卿齊心、誰敢抗者？」義長悅、還家。使子弟陣四條及東寺、火第側民家爲戰備。懼義詮通謀國清等、每夜入而防守。秋七月十六日、

國史紀事本末

卷三十九

二十四

國清等陣山崎。京師騷擾。高氏夜潛還京、從小門入、見義詮曰：「衆怒不可犯。將軍安得庇義長？然欲誅君側之奸者、是亦無禮。」將軍待臣與義長面議、速逃。臣既具鞍馬於北門矣。義詮稱疾作就寢。義長退。高氏就見議事。良久乃去。義詮已蒙婦人衣、與左右數人走西山。義長不知、就侍女請曰：「明日敵必至。將軍何不出見兵士？」侍女入告、驚呼曰：「將軍不在。」義長大驚、急閉四門索之。子賴夏怒甚、直入臥內、蹂躪屏障、罵曰：「吾恃此庸人誤矣。」明日、義長兵聞義詮逃、皆散去。義長笑曰：「羸弱逃亡、大善。」夜望見炬火、絡繹來薄、大懼走。伊勢、義詮入京師、大

和河內和泉紀伊官軍聞京師亂競起設燎於山聚船於海敵懼曰攻以天下而不可克者和田楠也吾輩不走無噍類矣和泉守護細川業氏先逃紀伊湯淺亦逃河內守護代杉原周防棄譽田保水速正儀急攻拔之根來僧徒據春日山恩池勢河改屠之湯河莊司陣鹿瀬將攻阿瀬河阿瀬河定佛等擊走之官軍大振京師震恐皆歸罪國清國清大懼八月四日夜逃還東國參河素屬義長義長守將與吉良滿貞合扼矢矧尾張人小河中務亦應義長國清僅免而還初山名時氏聞義詮南侵慮其或來攻爲守禦備適聞官軍復振帥衆三

國史紀事本末

卷三十九

二十五

一狗因幡略美作拔赤松貞範等六城太平記九月帝幸

住吉社謀復京師詔征東將軍宗良親王勤王親王以

北地早寒地凍不果李花集小河中務爲土岐氏所破斬

吉良滿貞亦戰敗而降義長黨與日散乃使叔父義住

先歸順叔父據專義住與石塔賴房帥伊賀伊勢兵攻

佐佐木氏賴於近江爲氏賴所敗義住叛降之冬十一

月義詮遣氏賴及土岐賴康攻義長於伊勢太平記

十六年後光嚴院春三月仁木義長糧盡兵散不知所

出潛遣使行在乞降公卿皆曰彼一降則伊賀伊勢皆

爲我有而伊勢國司源顯能亦獲強援矣帝乃許之行

在將士竊相謂曰敵之來降皆詐謀耳直義欲除師直故降而復叛義詮欲滅直義故降而事敗其佗直冬賴房時氏皆不足恃彼若得志其患不細今義長受圍窮感乞降何爲許之彼兇驕貪欲已背其主何以竭忠於我我若多與地以飽其欲何以待我勦舊無乃養虎自遺患與秋七月七日義詮將遊細川清氏家佐佐木高氏威設供具請義詮義詮乃遊其家清氏憤恚繇此二人有隙加賀守護富樫死子尚幼高氏欲奪加賀授之女督足利氏賴清氏不聽授之富樫子頓宮藤康食備前福岡坐事失邑赤松則祐請而得之藤康屬清氏有

國史紀事本末

卷三十九

二十六

功清氏爲請而授舊邑則祐亦高氏女婿恃勢不與高

氏讒赤松光範奪攝津守護授之孫秀詮清氏屢爲光

範請二人嫌隙滋甚清氏令二子冠於八幡祠名以八

幡義詮聞而疑之高氏竊喜以爲得間會畠山國清使

僧志一於京師志一以善禱聞高氏往見伊勢某曰吾

詰問志一獲清氏所託願書卽呪詛將軍者也速呈之

將軍乃取其書授之伊勢疑而未呈義詮適疾高氏入

見曰見清氏願書乎曰未也急召伊勢呈之義詮使人

檢八幡祠又獲願書一如前書義詮謂清氏與國清合

謀將叛乃欲先誅清氏獨與高氏謀未決高氏稱疾赴

湯山、清氏適詣天龍寺、從騎三百皆戎裝、義詮聞之以為謀泄、九月二十一日夜走新熊野、撤橋固守、京師大駭、太平記二十三日後光嚴院亦逃赴新熊野、西源院本

清氏遣使請義詮曰、臣果有罪、請速驗問、義詮不答、清

氏乃與弟賴利將氏從弟氏春等整眾以待、義詮兵不

至、乃走、若狹眾追及止之曰、將軍兵不滿五百、何必遽

逃、清氏駐轡曰、吾而攻新熊野、孰敢當者、但吾不欲背

君、所以逃亡、而讒黨肆毒、禍亂將起、是吾所悲、乃流涕

顧將氏氏春曰、汝等速還從將軍、他日為我申理、遂走

若狹、保小濱城、二十四日義詮奉後光嚴院入京師、楠

國史紀事本末

卷三十九

二十七

正儀、和田正武聞之曰、釁不可失、二十八日帥眾五百

餘入攝津、陣天神森、佐佐木秀詮及弟氏詮將拒之神

崎橋、吉田嚴覺曰、赤松屢為彼所困、獲罪將軍、主君新

有其國、縱不能奪敵國、敵入境而不之殲、非唯取笑、赤

松將何以報將軍、乃渡橋而前途問曰、敵兵幾何、土人

曰、不滿五百、嚴覺笑曰、吾能殲之、正儀諜知、遣卒數人

呼曰、南軍自西、何不守橋、秀詮以為正儀、繞出軍後、乃

回軍、正儀豫伏兵於路、阻泥澤雨射、敵擾亂、官軍乘勢

突擊、大破之、嚴覺先逃、撤中津橋、斷追兵、敵多溺沒、官

軍追斬秀詮兄弟、正儀命援溺卒、給衣藥放還、冬十月

義詮遣足利氏賴仁、木義住擊清氏、氏賴自越前、義住

自丹波、清氏聞之笑曰、令力士數人持挺禦之足矣、乃

遣死士八人於敦賀、縱火呼譟、氏賴先鋒朝倉潰走、氏

賴怒而進、清氏留頓宮、藤康守城、帥眾五百逆拒、俄而

藤康叛、從兵逃散、清氏狼狽走近江、投延曆寺、寺僧不

納、八字據後乃走攝津、因石塔賴房歸順、清氏驚猛、從

兵亦眾、帝及羣臣皆悅、十一月先是山名時氏帥兵三

千入美作、拔赤松貞範八城、唯倉懸未降、時氏進圍之

遣小松重長於播磨美作境攻諸城、貞範則祐帥二千

餘人陣高倉山、援倉懸、阿保忠實長信綱起兵、但馬應

國史紀事本末

卷三十九

二十八

時氏將攻播磨、貞範分兵備之、乞援細川賴之、賴之發

讚岐至、備前待後軍未進、倉懸糧盡、四日時氏遂拔之

并山陰四國、威震鄰境、仁木賴夏從京師走伊勢、應清

氏、細川氏春走淡路、應清氏具戰艦將攻義詮、攝津人

松山據香下城、應官軍塞播磨路、京師大駭、義詮欲徵

兵、東國以拒、近畿官軍會鎌倉、飛驒報曰、畠山國清叛

矣、初國清犯行在、東國將士多逃還、國清旋師、悉奪其

邑、於是將士千餘人連署請黜國清、基氏乃逐國清、國

清走伊豆、修禪寺叛基氏、義深走信濃、應之、東國釋驕

清氏、因賴房奏曰、臣既歸順、諸國響應而敵將細川赤

松與山名相持、土岐佐佐木與仁木相攻、京師既無守兵、又無援兵、陛下詔和田楠助臣、臣爲之先驅、京師可指日而定也、帝召楠正儀問之、正儀曰、元弘以還、官軍復京師者凡五次、然天下不敢來援、故能取而不能守、今欲復京師、委之臣一人足矣、何待清氏、然敵兵還攻、何國援我、我欲固守、四面受敵、大事去矣、帝不聽、公卿皆曰、明年不利北伐、宜以今年復京師、帝乃敕前關白師基大納言藤原隆俊中納言藤原邦光邦光據天正本及正儀正武賴房清氏大舉討義詮、赤松範實歸順、十二月三日、官軍陣住吉天王寺、細川氏春至自淡路、範實至

國史紀事本末

卷三十九

二十九

自兵庫義詮陣東寺、令佐佐木高秀陣忍常寺、今川貞世陣山崎、清氏謂諸將曰、京師虛實、吾所熟知、彼二人何能爲、七日諸將並進、高秀貞世果潰去、八日義詮以後光嚴院走近江、官軍入京師、火義詮第、清氏意謂京師一復、諸國必有應者、已而敵無降附者、仁木義長與土岐賴康戰於伊勢、仁木賴夏攻仁木義住於丹波、皆不利、山名時氏從美作還、伯耆赤松範實叛還播磨、足利高經以衆三千會義詮、義詮兵至一萬餘、而諸國官軍以道梗不至、二十六日義詮先鋒至勢多、赤松貞範則祐從播磨至兵庫、分兵將犯行在、師基帥諸將引還

果如正儀言、二十九日義詮入京師、初佐佐木高氏將走、囑二僧守其家、陳器玩、具酒肴而去、正儀尋至、二僧迎見曰、高氏命某攜公等、正儀歎異、清氏欲火之、不聽、留刀鎧而去、時人聞之曰、高氏老博徒、一賭獲正儀刀鎧、太平記

十七年

後光嚴院貞治元年

春正月十四日、細川清氏從河內赴

阿波、狗南海、二月諸國官軍又起、夏六月三日、山名時氏帥衆五千入美作、分兵略備前備中、備前敵將皆城守不出、備中松山守將秋庭三郎輸城而降、守護高師秀走、備前保德倉備中皆降、乃令富田直貞略備後、將

國史紀事本末

卷三十九

三十

攻敵將宮兼信、足利直冬帥衆五百從石見進援之、陣備後宮內、遣一僧誘諭兼信、兼信答曰、佐殿若失勢來投、僕將應之、今近國皆應、何待兼信、且使者往來、聞命之武夫、未聞命僧徒、無乃變形偵諜乎、乃使人導僧巡視城中而逐之、急發兵襲直冬、直冬敗走、直貞亦引還、時氏遣師義略播磨、路經但馬、但馬諸城未降、乃令小林重長獨進、赤松直賴斷路、重長轉入丹波、仁木義尹出拒、重長駐軍相持、義詮以丹波近京師、令石橋和義等擊重長、重長奮曰、吾決不生還、諸將畏其銳、不進、重長糧盡引還、桃井直常從信濃進、狗越中國人皆降、將

攻加賀加賀能登越前兵來攻直常逆擊走之夜潛赴井口城會敵數百來降衆欲告之直常直常不在軍中驚呼曰桃井殿亡矣衆擾亂失火烟燄漲天降兵乃叛擊殺二百餘人直常途顧火光知有變將還救敗卒來報曰事不可爲請速逃乃走井口城清氏進入讚岐氏春以淡路兵三百餘至氏春弟信氏以讚岐兵五百餘至小笠原宮內大輔以阿波兵三百餘至清氏乃以衆五千北白峯城與楠正儀約將略定南海然後夾攻義詮細川賴之聞之從備中赴讚岐賴之清氏從弟也令其母給清氏曰吾固知子之罹讒毒無以自明而至此

國史紀事本末

卷三十九

三十一

也然仁木細川前將軍呼爲股肱委任亦厚而子獨降敵奈不義之譏何若能幡然來歸吾將爲請復舊邑若不聽吾言吾且避去不忍相攻使者往返數次賴之得聞修歌津城徵兵山陽不復通問會鮑浦信胤小笠原信濃守應清氏斷海路清氏兵日振乃令中院少將守西長尾城秋七月二十三日賴之謂新開真行曰今敵兵日益吾不速戰勢不可支吾遣汝僞攻西長尾清氏必分兵往援汝夜從間道潛還吾與汝乘虛攻清氏破之必矣真行乃發縱火薄西長尾清氏果遣賴利信氏往援真行夜潛回軍至白峯賴之亦帥兵至城後乘曉

大城極巉峻便於拒守而清氏輕敵單騎突出騎能屬者三十餘人所向摧靡清氏刀揭雙首縱橫馳突斬獲甚衆望見逃兵疾馳及之敵刺其馬清氏僞爲被創將奔敵馬敵斫之清氏搏而投之敵從旁搏清氏亂刺遂被殺白峯陷賴利信氏比至西長尾知見欺轉轡馳還路遭真行破之而去遭逃兵問狀泣曰主君沒矣望白峯皆敵旗乃走淡路西長尾亦潰南海悉爲敵有和田楠兵聞之皆沮正儀正武奮曰我不一戰挫敵諸國皆叛矣乃帥兵入攝津佐佐木將箕浦俊定火神崎橋叢鏑以待八月十六日正儀夜設燎於陣爲疑兵潛從

國史紀事本末

卷三十九

三十二

上流濟繞出敵軍後遲明敵顧見其旗大駭走淨光寺柵官軍已奪柵大喊敵皆奔散官軍追擊俊定僅以身逃九月十六日正儀正武與石塔賴房進至湊河火民家赤松光範保多田部城不敢出正儀等引還山名時氏方徇丹波亦引還時人惜清氏之輕率少謀以致敗紐足利基氏攻畠山國清經年國清兵日散義深從信濃來救亦不克國清窘感火外壘保修禪寺嘆曰吾早知有今日不使新田義興橫死也基氏遣使誘諭乃披僧衣出降基氏詐以義深爲伊豆守護將發兵掩殺之或密告國清國清走京師因楠正儀乞降正儀惡而不

爲通國清遂餓死。義深亦走京師，乞降義詮。義詮許之。是歲，義詮以清氏歸順，欲更置執事，足利氏賴佐佐木高氏女婿，而高氏方爲義詮所親寵，衆咸薦氏賴。氏賴父高經鍾愛第四子義將。第四子據爲之請執事。義詮性素無斷，乃許之。氏賴憤恚爲僧，義將年尚弱，事皆斷於高經。時論謂高經老將，諳練典故，必有善政。而高經刻暴少恩，人人失望。初，後醍醐帝以國用不給，徵諸國地頭租入二十分之一。其後，尊氏減爲五十分之一。高經又收二十分之一。諸將咸怨義詮營別館於萬里小路，命諸將助役。赤松則祐後期，高經卽奪其一莊，尋修五條橋。

國史紀事本末

卷三十九

三十三

令高氏董役課京師每戶出錢，過期未成。高經故出私

財速造之。高氏憤愧，自是高經與諸將有隙。太平記

十九年。後光嚴院貞治三年春，大內弘世以周防長門叛降足利

義詮。義詮悅曰：西國自是無憂矣。奪厚西宗西長門守

護授之。宗西怒降菊池武光，將攻弘世。弘世帥兵攻武

光，武光逆擊大破之。弘世窘迫出降，尋還周防。又叛懼

義詮怒，多齎貨財珍玩往京師，遍賂遺義詮左右。左右

皆悅。山名時氏父子請義詮曰：臣有憾於佐佐木高氏，

所以屬官軍也。若宥臣罪，賜以所取五國，則請復效力。

義詮悅曰：彼一降，諸國官軍喪氣，而西國益無患矣。乃

授以因幡伯耆丹波丹後美作守護。時氏師義遂叛，時人嘲之曰：欲闢封疆，不如反覆。仁木義長與佐佐木氏賴土岐賴康相持於伊勢五年，亦乞降。義詮悅曰：伊賀伊勢無患矣。義長遂叛，然兵力既衰，義詮不復授國郡。細川氏春石塔賴房亦皆叛。氏春賴房據毛利家本天正本上杉憲顯嘗從直義畔，尊氏自直義敗走，信濃歸順足利。基氏思其舊功，遣使招諭。憲顯遂叛，乃奪芳賀。禪可越後守護授之。禪可怒曰：何爲寵降虜奪吾國？乃發兵拒之，不克而逃。會基氏召憲顯爲執事，禪可出兵要之上野板鼻。基氏聞之大舉往擊。禪可遣子高貞高家逆拒於武藏。

國史紀事本末

卷三十九

三十四

夏六月十七日，兩軍戰於若林野，戰酣，各易地而陣。高

貞顧衆曰：吾族死者誰也？衆曰：駿河殿沒矣。高貞曰：弟

死，兄何以生？乃呼譟而進。基氏聞愛將木戶兵庫助死，

曰：吾與彼約同死，彼死，吾何以生？奮刀而進，馬被創仆。

高家兵望見圍之。基氏血戰甚厲，大高重成下馬授之。

基氏悅曰：卿賢於後藤守長遠矣。兩軍交綏。高貞曰：吾

兒八郎馬在，衆指一鞍馬曰：此郎君所騎。高貞曰：鞍不

濺血，吾兒不死，意被擒也。吾復戰。岡本富高曰：環白絲

鎧者基氏也。請搏之。岩松直國覺之，爲基氏解鎧，易以

己甲。富高不知，進搏直國。直國士金井從旁搏富高，相

刺而死高貞帥餘衆走宇都宮基氏憫八郎幼穉放還之進至小山將攻宇都宮宇都宮氏綱來謝曰禪可之謀臣實不與知且禪可已逃亡不煩窮討基氏乃旋師東國服基氏驍猛冬十二月二十一日興福寺僧徒昇春日神木入京師訪越前守護足利高經奪春日社封戶河口莊後光嚴院命納神木於長講堂而廷臣咸憚高經無敢言者其後長講堂屢有怪異聞者大懼高經家尋失火資財蕩盡廢馬悉斃而高經不以爲意更營大宅宴飲自若太平記

二十一年後光嚴院貞治五年春三月四日足利高經張宴義詮

國史紀事本末卷三十九

三十五

家請諸將佐佐木高氏背約不往悉率京師倡優觀花大原野張設綺靡歌舞喧闐時人豔稱高經聞而銜之欲中以法時高氏不輸軍賦者二年高經乃奪其攝津守護削多田莊高氏怒與赤松則祐謀除高經潛誘諸將譖之義詮義詮信之命佐佐木氏賴徵兵近江秋八月四日高經入見義詮曰臣以庸愚處樞要所以來讒口若欲賜死一使者足矣不煩甲兵言訖隕涕義詮亦泣良久曰事不得如吾意卿暫走越前以紓衆怒高經乃還氏賴以衆八百入義詮第京師繹騷高經爲戰備義詮遣僧覺濟曉諭高經乃欲北走懼諸將追感夜遣

二宮貞家帥兵大喊僞爲進攻狀義詮兵驚擾乃得間北走貞家殿而去遲明追騎及於長坂貞家秣馬呼曰吾不戰於京非畏公等憚將軍也今已出京何憚而不決死追騎畏其勇引還高經遂還越前據山山城使義將據栗屋城冬十月義詮遣畠山義深等圍之太平記

二十二年後光嚴院貞治六年夏四月足利基氏死年二十八基氏於尊氏諸子中頗爲傑出尊氏之殺直義苦救不獲

出奔安房尊氏召還之苦救已下據其後東國諸將多怨義詮勸基氏背之基氏峻拒不納義詮諸將如佐佐木高氏等以權詐擠陷僚輩京師常苦兵而足利氏竟

國史紀事本末卷三十九

三十六

不失東國基氏之力也或曰基氏知義詮忌已祈死於神以沒難太秋七月足利高經死於圍城中義將出降冬十二月足利義詮死年三十八以子義滿尚幼以細川賴之爲執事太平記賴之亦基氏所嘗薦云細川賴之記長慶天皇文中二年佐佐木高氏死佐佐木系圖足利氏諸將最驕橫者前有師直後有高氏然高氏狡猾多智遂以壽終太平記後足利直冬死于石見和漢合符

國史紀事本末卷之三十九終

門人草川重遠書

國史紀事本末卷之四十

從六位前大學校中博士常陸青山延光 編次

室町彊威 山名大内之亂

後村上天皇正平二十二年後光嚴院貞治六年足利義詮疾病

使子義滿視政事慮其尚幼不堪負荷以細川賴之爲

執事當時賀其得入參取後愚昧記細川家譜太平記冬十二月義詮

死臨終謂賴之曰我遺一子於卿幸善輔之謂義滿曰

我遺一父於汝謹勿違其教細川家譜賴之由是深思輔導

至廢寢食選士之學行醇篤兼長武事者薦以充師友

日啓沃善道至乃隱逸之士苟可以資其匡益者必勤

國史紀事本末 卷四十

勤舉之參取細川賴之記臥雲日件錄空華集又自著戒法五章以頒與

一時一曰戒阿主好二曰戒掩親訐疎好誣詔仇家三

曰戒不善善不惡惡用愛憎是非人及外和柔而內實

險害外澹泊而內實多欲自縱驕奢不拘禮法四曰戒

無功邀賞無才貪祿徇私忘公五曰戒動掠同列之美

自冀其進用及受納賄賂妄薦非才凡人犯其法者聽

無貴賤無親疎互相告發告者則大有賞書以授義滿

師友以爲標準伺察人物賴之猶憂奸邪之未息乃使

髡者六人著禮服異巾大刀與義滿及諸將士游狎詠

諧歌舞名曰童坊又曰姦坊士大夫有類其行者則賴

之密憑所親指爲士童坊衆辱之折節者頗多諂諛之

風大改細川賴之記義滿改執事爲管領尊卑分限以斯波細川

畠山補之謂之三管領武家補任斯波足利高經子孫也

二十三年後光嚴院應安元年冬十二月晦後光嚴院以足利義

滿爲征夷大將軍公卿補任

長慶天皇正平二十四年後光嚴院應仁二年春正月先是細川

賴之聞楠正儀懷貳潛誘之豫章記是月正儀遂送款足

利義滿義滿即馳檄和泉河内曰楠正儀已降我三代花營

記三月楠氏族入起兵討正儀後愚昧記賴之與義滿議遣

赤松光範細川賴之援正儀未至正儀走天王寺後愚昧記

國史紀事本末 卷四十

花營三代夏四月正儀至京師見義滿尋還河内秋七月

義滿遣赤松則祐等攻赤松氏範於攝津氏範敗走三代花營

建德元年後光嚴院應安三年春正月上杉朝房與脇屋義治等

戰於武藏上野義治敗走喜連川系圖三月斯波義將與桃

井直和戰於越中直和死之冬十一月和田族攻楠正

儀是冬菊池武政起兵鎮西三代花營

二年後光嚴院應安四年春二月足利義滿以今川貞世爲鎮西

探題三代花營令大内義弘助之應永記足利氏諸將

率皆貪暴驕悖叛亂相踵太平記唯貞世頗爲廉靜父範

國欲以駿河與之、貞世讓之兄範氏、範氏死、復讓於兄

子氏家、氏家無子、欲傳國貞世子貞臣、貞世不受、讓之

氏家弟泰範、細川賴之深嘉歎之、平記太遂委以西海軍

事、於是義滿內有賴之外有貞世、聲威大振、書斟酌諸三

月後光嚴院讓位子緒仁親王、是為後圓融院、夏五月

義滿使楠正儀圖南侵、賴之請發諸國兵援之、諸將以

為正儀一降將、河內且不能保、安能南侵、義滿從之、賴

之恥言不行、辭職、退居西山、西芳寺、義滿親往起之、遣

其養子賴元帥、兵援正儀、白記、花營三代院關

文中元年、後圓融院應安五年春二月、足利義滿兵陷筑前二城、

國史紀事本末

卷四十

三

二年、後圓融院應安六年春三月、足利義滿遣細川氏春入寇、花營

三代秋八月、陷天野行宮、事記、花營三代

後龜山天皇天授元年、後圓融院永和三元年秋八月、少貳冬資謀

應官軍、為今川貞世所殺、代記、花營三代時諸島奸民乘鎮西

之亂、屢侵擾高麗、高麗遣使請禁之、貞世遣僧信弘報

曰、逋逃之徒、多不遵我令、未易遽禁也、高麗又遣大司

成鄭夢周來陳、古今交鄰利害、貞世厚待之、乃命還島

民所虜數百人、且禁其侵掠、夢周又贈書請贖國民、沒

為人奴者、書辭懇惻、貞世又命還一百餘人、東國通鑑又策

鎮西便宜條列以進、義滿答書許施行、先是大內義弘

密說貞世曰、我視今之為政、弱者無罪、勦而得咎、強者

犯法、措而不問、貴戚如公者、固無所顧慮、然萬一蹉跌

取笑當世、不可不慮、方今大友鎮西豪族、而荷公之恩

日久矣、公若欲有事、則彼必不辭、然後徇中國九州之

地、連據盤結、將軍不得加兵、問罪也、自全之計、莫踰於

此、貞世不從、乃諭曰、我弟仲秋已與卿有姻好、如窮厄

相救、則不必豫相要約也、至若私作朋黨、負公為身、則

非我之志也、卿能竭忠、何失食邑之憂、請勿過慮、義弘

深恨之、遂謀陷害貞世、代為探題、乃因義滿左右讒構

之、繇此鎮西事宜既施行者、義滿多更改之、鎮西將士

國史紀事本末

卷四十

四

疑貞世私意行事、往往離沮、平記太是秋橋本正督以和

泉土丸城、叛降義滿、陷紀伊諸城、代記、花營三代

三年、後圓融院永和三元年秋八月、大內義弘犯肥後、植田宮及菊

池武義等死之、參取後愚昧記、菊池武朝申狀

四年、後圓融院永和三元年春、足利義滿造第於室町、徙居焉、世稱

花亭、家傳、利秋九月今川貞世大內義弘犯肥後、官軍擊

破之、菊池武朝申狀冬十一月、民部大輔橋本正高起兵、紀伊

討細川業秀、義滿遣兵援業秀、十二月、業秀敗走、正高

還和泉、守土丸城、義滿將發兵、出陣東寺、代記、關岡家

未始

五年後圓融元年春正月、足利義滿遣山名義理氏、清時

義犯和泉、陷土丸城、二月、犯紀伊、陷藤浪、唐垣二城、又

遣兵犯大和、代記會足利氏滿謀舉兵東國、義滿遽

召還諸將、氏滿悔而講和、氏滿基氏子也、參取喜連川系圖、花營三

代記義滿賞山名氏功、授紀伊於義理、山名系圖、和泉於氏清

但馬於時義、三人皆時氏子也、兄弟跨據諸國、恃勢彊

橫、細川賴之惡之、明德記夏、義滿忌賴之有權、積成嫌隙

左右、因離間之、義滿乃集兵自備、命罷賴之職、遣還讚

岐、賴之深憾、小人之難退、而大功不終立、臨發、剃髮、更

名、常久賦詩曰、人生五十愧無功、花木春過夏、已中滿

國史紀事本末

卷四十

五

室蒼蠅掃難去、起尋禪榻、卧清風、義滿遂命兵擊之、適

意解而止、參取細川系圖、花營三代記以斯波義將為管領、代記花營三

冬十一月、賴之與河野通直戰於伊豫、通直死之、豫章記

六年後圓融二年秋七月、山名氏清犯和泉、橋本正高死

之、九月、陷生地城、代記花營三

弘和二年後圓融二年春、閏正月、先是、楠正儀歸順、是月

與山名氏清戰於河內、敗績、和漢合運曆、通法寺文書、三刀屋文書河內

和泉紀伊悉陷、行在裁、保吉野、代記花營三夏四月、後圓融

院讓位太子幹仁、是為後小松帝、皇代

三年後小松帝冬、後小松帝幸足利義滿室町第、足利家傳

先是、後圓融院以義滿為左大臣、是歲、為淳和獎學院

別當、源氏長者、初、久我氏世為源氏長者、至是、屬足利

氏、公卿補任、參取足利家傳、皇年代略記、尊卑分脈義滿造相國寺、令諸國守

護助役、規制宏麗、一時無比、後造七層塔、和漢合符、國寺供養記

六年後小松帝春、足利義滿如安藝、謁嚴島祠、欲往鎮

西巡察風俗、以諸國多降、深思細川賴之功、召之、讚岐

進泊周防岩屋、適大風連日、漂義滿舟、乃乘小舸、夜至

田島浦、明日與賴之會、乃俱抵嚴島、嚴島諸記、和漢合符

七年後小松帝春、土岐康行叛、足利義滿、義滿遣兵擊

之、康行出降、山名氏清聞而笑曰、康行何無勇也、將軍

國史紀事本末

卷四十

六

若以康行視吾家、得無悔乎、山名時義在、但馬、縱恣益

甚、義滿聞而將擊之、會時義病死、二子時熙氏之亦暴

戾、氏清構之、義滿命氏清滿幸擊之、滿幸氏清兄

師義子也、氏清請曰、同族相攻、命之衰也、然將軍有命

臣不敢辭、但彼臨急哀訴、將軍從而宥之、則臣不必出

兵、請諭降之、將軍果無意宥彼、則臣速往擊矣、義滿曰、

彼既方命、吾決不宥、卿速發、氏清滿幸乃發、時熙氏之

敗走、義滿乃授伯耆隱岐於氏清、但馬於滿幸、明德記

八年後小松帝足利義滿召還細川賴之、適備中大亂、

乃命賴之擊平之、軍還、以細川賴元為管領、令賴之參

決親任如初、賴之患山名氏專橫、常謀抑折之、繇此與氏清有隙、參取東寺長者補任明德記時熙氏之潛赴京師、哀訴曰、

臣等非有罪、罹族人讒口耳、義滿憫之、冬十月氏清請

義滿觀紅葉於宇治、義滿許之、因欲諭氏清宥時熙兄

弟、氏清方在淀、滿幸夜來見曰、聞時熙兄弟入京、哀訴

明日之遊、將軍必諭我宥彼、我安得不奉命、不如稱疾

氏清恚曰、去歲將軍許我以不宥彼、而今又如此、輕我

甚矣、遂稱病、義滿不懌、滿幸時食四國權勢甚熾、出雲

有後圓融院給邑、滿幸乘勢掠奪、義滿與書諭之不聽、

家衆皆諫、乃曰、吾當納地於院使者耳、後圓融使者至、

國史紀事本末 卷四十 七

滿幸使人逐之、義滿大怒、將奪守護、十一月逐之、丹後

聞者稱快、滿幸憤怒、往和泉見氏清曰、觀將軍近日舉

動、常欲滅吾家、前年命擊時熙、今年乃欲釋彼、彼必訴

吾讒、吾等危矣、不如闔族舉兵、分道入京、當時諸將誰

敢抗吾家者、吾收京師、則佗族必多應者、而土岐富樫

失意之徒、孰不響應、且我聲言報怨、賴之兵不爲無名

矣、氏清許之、期以十二月二十七日、約曰、卿以西國兵

從丹波來、滿幸乃還、義滿聞氏清怨望曰、吾今不宥時

熙、是畏氏清也、乃命宥時熙氏之、將擊氏清、氏清聞之

詐獻誓書謝罪、義滿未決、十二月十九日、古山滿藤吏

從丹後報曰、山名滿幸逐國中代官、聚近國兵、河內亦

報曰、氏清聚兵和泉、義滿大驚、氏清密往紀伊、勸義理

舉兵、義理驚曰、汝何敢至此、吾不忍取賊名、氏清不悅

而還、屢遣使勸之、義理歎曰、吾當同死耳、氏清大悅、二

十三日、氏清兄氏冬從京師逃亡、京師釋騷、己而滿幸

帥兵從丹波進、氏清發淀屯男山、義理發紀伊屯天王

寺、將三面齊進、義滿以義理素馴良、與書慰諭、不聽、二

十五日、義滿夜會諸將於滿藤家、問計、衆曰、彼若有所

訴、將軍幸許之、義滿曰、彼欲得天下、果何所訴、今縱宥

之、尋復叛矣、不如速誅滅之、吾當出陣東寺、令諸將陣

國史紀事本末 卷四十 八

內野、氏清將謂敵不知扼險、必輕進衝突、吾夾擊殲之

耳、衆稱善、一色詮範進曰、東寺內野相距頗遠、不便夾

擊、請陣臣堀河第、令諸將陣內野、敵若循河岸來、則內

野軍要之諸巷、別遣一軍陣東寺、斷其軍後、破之必矣

議乃定、二十六日、遣今川泰範等帥兵八百、陣東寺、義

滿出陣、詮範第諸將皆赴內野、細川賴之帥兵二千餘

陣中御門西大宮、備滿幸、赤松義則帥兵七百餘、陣在

森、備氏清、丹波兵、畠山基國帥兵八百餘、陣神祇官址

北、備東面、大內義弘陣二條大宮、備氏清、詮範帥兵三

百餘、陣春日猪熊、備猪熊敵、斯波義重帥兵五百餘、陣

油小路備敵窺室町者佐佐木高詮陣大嘗會暨備滿幸長阪口別軍二十八日滿幸至丹波篠原議戰大足次郎左衛門進曰吾兵至此京師必已知之彼若濟桂河據大江山非吾利也吾宜今夜踰山陣峯堂下瞰京軍與男山相應援滿幸乃夜踰山至峯堂將以二十七日戰而遊佐河內據嵩山城遏和泉紀伊兵繇此男山兵未聚氏清患之欲待明年進攻使人卜之卜者曰今歲吉氏清悅期以晦二十九日氏清召小林脩理曰嚮新田左中將翼衛南朝聲震天下吾乃其族也乘天下權孰云不可吾嘗請錦旗於行宮獲之今揭此以令衆

國史紀事本末

卷四十

九

堂而進晦丹波人荻野重定等走京師降義滿義滿始知氏清來薄命諸軍嚴備俄而義數脩理至四條大宮大呼挑戰大内義弘出戰殺傷相當義數謂脩理曰等死則冒將軍陣而死乃督衆馳突義弘曰今隻騎過而北恥也乃揮眉尖刀斬其馬脩理望見下馬挺刀進擊傷義弘臂義弘斫斷其股遂斬之義數乘間進至中御門遇義滿親兵戰死滿幸兵方濟桂河上流陣梅津聞大宮戰聲欲進援適失滿幸所在衆大駭不敢進會敗問至衆失色俄頃滿幸以五騎來衆怪問滿幸曰吾運窮矣聞中有騎兵導我我爲之失路天明始覺乃馳還

國史紀事本末

卷四十

十

西七條敗卒來告義數脩理之死氏清流涕曰吾必死於二人死所乃進赤松義則出拒不利呼曰吾必死矣衆復振山名時熙曰今日之變由將軍宥我我必搏氏清氏清適退休兵時熙進擊氏清見其旗曰是時熙也麾衆圍之時熙從士柿屋彈正滑良兵庫苦戰而死時熙逸還義則義弘告急義滿義滿方破滿幸衆皆疲一色詮範進曰臣請往援義滿悅命義重俱往氏清望見謂子時清七郎曰敵兵益盛吾以疲兵戰非計也吾欲還丹波待紀伊兵復進汝等分路而去二子請從不許乃去獨養子熙氏從焉詮範急擊氏清氏清苦戰義滿聞之而進喊聲震天氏清兵潰氏清將自殺詮範以三十騎進氏清被創目眩詮範遂斬之熙氏自殺詮範以氏清頭獻義滿謂左右曰汝等視叛人罰殛明德二年九年後小松帝春正月朔義滿還室町第四日第功行賞授山城於畠山基國丹波於細川賴元美作於赤松義則和泉紀伊於大内義弘但馬於山名時熙隱岐出雲於佐佐木高範以若狹今富莊租入最多授之一色詮範氏清妻藤原氏聞二子逃還曰熙氏猶能死二子何不死自刃而死二月氏冬乞降義滿許之滿幸爲僧走鎮西獨義理在紀伊乞降不許義弘航海往擊義理

令弟氏治以美作兵守兩山土丸二城適聞義則略定美作二城皆潰義理不戰而遜明德初時氏每誡諸子曰元弘以後吾居上野山市與農夫雜處艱阻備嘗今也身享富貴將軍之恩深矣然猶不能無侈心至於子孫驕逸縱恣不復知君父之恩必有激變取禍者矣果如其言平記三月細川賴之病死臨終遺賴元白義滿曰近歲山名驚蹇方命臣常思所以摧折之而今已覆滅天下無復抗將軍者臣可以死矣明德尋死年六十細川四系圖義滿悲悼自往送喪明德冬閏十月義滿遣大内義弘於行宮請講和帝許之傳神器於後小松帝南北始一鈔矣續神皇正統記後小松天皇明德四年春足利氏滿聞氏清舉兵將援之聞氏清死而止義滿遙授陸奥出羽系圖冬義滿辭征夷大將軍子義持襲職義滿尋爲太政大臣補仕天下稱曰公方難太平記應永二年夏四月帝幸義滿室町第義滿辭太政大臣剔髮號天山道義足利三年秋義滿如延曆寺儀擬行幸足利四年少貳菊池起兵鎮西義滿命大内義弘擊之義弘令弟伊豫守往擊無功乃自將平之應永義弘食六國

彊盛冠天下時三管領頗張威福忌義弘功義弘亦恃功驕蹇不爲之屈由是義弘所爲管領每沮激之文祿清談義滿構別莊於北山令諸將助作曰宜使士卒充役義弘曰我卒可役於弓矢不可役於土木義滿啣之義弘亦不自安臥雲日件錄

五年義滿罷斯波義將以畠山基國爲管領尊卑分賦足利氏滿死子滿兼襲爲鎌倉管領喜連川系圖

六年冬十月義弘替與鎌倉管領足利滿兼通謀欲東西並舉攻義滿十三日義弘帥兵至和泉界浦遣使報義滿義滿請尊道法親王遣使招諭不聽乃遣僧中津

國史紀事本末 卷四十 十三

往諭義弘議所以答之子弘茂進曰我祖先未嘗食一國而大人身有六國光榮極矣尚何所不足而欲背將軍將軍今又遣使慰諭何不謝罪入覲平井備前亦勸之杉豐後進曰聞將軍欲奪主君領國意在滅主君主君勿信甘言義弘然之乃見中津中津曰君惑浮言欲亂上下之分與請速入謁以解將軍之疑義弘曰將軍之恩固大然臣亦不爲無功今川豫州之擊鎮西臣助之濟海累歲苦戰而鎮西平矣山名之亂臣銜堅陷陣斬其驍將而氏清滅矣神器天朝寶鎮非泰璽可比臣倡和議還之京師而兩統一矣此皆臣之功也往年少

貳之亂臣助弟伊豫平之而將軍反命少貳圖臣臣果何罪伊豫戰死而賞不及其子反欲誅之扣泉紀伊將軍已賜之臣以賞臣功而又欲奪之將軍惡臣如此臣安得入謁中津曰少貳之亂奸人矯將軍命集兵西國此非將軍所知至於奪兩國特聞巷浮言耳將軍何嘗有是命又未聞賜之他人伊豫之子將軍屢召之不至故賞亦不及何謂誅之功成身退天之道也君獨不聞范蠡之事邪義弘曰臣既與關東約欲待來月與俱入京師奈何負約振衣而起中津還報義滿曰彼擅勇名三十餘年皆我力也一旦背我孰敢黨之氏清之彊頃

國史紀事本末 卷四十 十四

刻而平彼又踐履轍耳乃命細川賴元京極高詮赤松義則帥兵六十餘擊之八日義滿帥兵三萬餘出陣東寺十四日進陣男山義弘聞義滿出兵乃赴石津北向一拜而退會衆謀議弘茂曰吾夜襲河內嵩山取之據和泉紀伊以通中國船路此持久之計也杉豐後曰不如詐棄界而去從水路襲男山平井備前曰我一棄界紀泉皆屬京師京師益彊矣主君久有此地國人頗服要當城此地以爲根本耳兵糧材木皆咄嗟而辦何必出兵境外義弘然之聚匠人數百城界盛設樓櫓義弘巡視曰吾守以精兵五千誰能拔者應永記乃祈捷於住

吉社巫發狂騰跳曰義弘之計猶雪著爐義弘笑曰吾以寡破衆猶雪滅火

文祿清談

二十九日義滿兵三萬乘曉

進攻兩軍鏖戰至夜半罷山名時清起兵丹波土岐詮

直起兵美濃京極高重起兵近江皆應義弘諸將欲再

攻界以淫雨不果十二月二十一日四面進攻乘風縱

火煙燄漲天杉備中等戰死富田尾張謂義弘曰備中

等死何不航海還國義弘曰吾運窮力竭何必遁逃乃

提大刀血戰所向披靡畠山滿家以二百人圍之義弘

左右皆死唯森民部猶在以身蔽捍民部亦死義弘被

重創呼曰身是無雙驍將大內義弘也以吾頭獻滿家

國史紀事本末

卷四十

十五

遂斬之杉豐後聞之大呼戰死弘茂將自殺平井備前

勸之出降餘黨悉潰楠某菊池肥前等皆逃走時清詮

直等亦皆爲義滿兵所破

應永記

時足利滿兼出陣武藏

國府聲言爲義弘聲援義滿謀知之間使約和昭以足

利莊滿兼乃罷兵

喜連川系圖

初足利氏滿謀舉兵義弘遙

應之以氏滿書招今川貞世貞世卽封呈義滿旣而事

解及義弘叛義滿急召貞世還京師謂曰吾固負卿恥

相見也貞世意竊喜以爲鎮西處置乖張之由可得而

白也然義滿終不問而止或讒之曰貞世子弟從士在

遠江者多黨鎌倉故雖蒙召觀望趙趙久而方至義滿

復信之悉奪所與書急命還鎮西貞世知被疑不復赴

任直還遠江自是漸怨義滿義滿怒欲擊之已而事解

久之義滿念其功召至京師宥其罪

難太平記

十二年義滿罷畠山基國以斯波義重爲管領

尊卑分脈

十五年春三月八日帝幸義滿北山別莊義滿披衲衣

手念珠攜幼子義嗣出迎義嗣班關白經嗣上帝留十

日

參取北山行幸記足利家傳

初義滿造別莊窮極土木作三層

閣得板方一丈爲承塵床壁柱戶悉金塗斯波義將謂

義滿曰真是西方極樂界旣成徙居之令義持居室町

參取北山行幸記足利家傳

以雲日件錄椿葉記文祿清談

夏五月六日前太政大

國史紀事本末

卷四十

十六

臣義滿薨年五十一

足利家傳

義滿嘗納帝準母藤原氏及

薨敕贈號太上皇

尊卑分脈

斯波義將以爲人臣贈位至上

皇自古未有也遂勸義持辭之

東寺修

初義滿黜細川

賴之驕僭日甚諸將亦多怨望

對酌諸書大意

然山名大內二

族相繼誅滅武人莫不懼伏時人謂義滿以戊戌生字

皆從戈故能以干戈平諸國矣

臥雲日件錄

神器入京師

後醍醐天皇元弘二年春三月帝奉三神器狩隱岐初

崇神帝遷神鏡寶劔於倭笠縫邑祀天照大神別摸造

鏡劔以爲護身御璽其後一千五十二年神鏡罹災實

村上帝天德四年也、一條帝寬弘二年再罹災、後朱雀
帝長久元年三罹災、及安德帝崩於西海、劔璽亦沒、兵
士獲神鏡於御船、會神璽浮出、常陸人片岡經春收之、
源義經奉鏡璽入京師、後鳥羽帝屢奉幣諸社、祈得寶
劔、而竟不能得、帝以晝御座劔代之、而上古神鏡、則垂
仁帝時又還之伊勢、寶劔則祀之尾張熱田、參取諸書大意
三年春二月、帝奉神器還伯耆、尋入京師、

延元三年冬十二月、帝奉神器狩吉野、

後村上天皇正平三年、光明院貞和四年伊勢國崎神戶有僧

圓成、謁大神宮獲一劔、齋造藤原資名、資名與足利直

國史紀事本末 卷四十

十七

義平野神主卜部兼貞等謀奏之、其言曰、圓成將謁神
宮、浴於海潮、有物炫耀而至、長十握許、柄如三鈎、持詣
神宮、忽有一童、爲物所憑、指圓成謂曰、治承以來、王室
多難、天下屢亂、實由無寶劔以護皇位也、今天祖敕海
神上之、此僧所持者是也、何不速奏、祭主等具記其事、
授圓成、圓成將赴京師、途祈長谷寺、長谷寺據天正本、
○本書作春日社、
而宿、傍有人謂曰、今夜吾夢以法師言達天子、吾子豈
是邪、問其人、即資名門客也、光明院大喜、任圓成大僧
都、賜攝津葛葉關稅、藤原經顯諫曰、寶劔沈沒已百六
十年、以世言之、今日尤亂、何以能致神物、若謂之祥瑞

則其應安在、無乃佞臣設詐、熒惑陛下與、且葛葉關稅
久已賜東大寺、奈何一旦奪之以激僧徒之怒、請速追
先旨、還與東大寺如舊、光明院從之、還其劔、納之平野
社、太平記

後龜山天皇弘和元年、後圓融院永德元年中務卿宗良親王上
新葉和歌集、以後村上帝躬傳三器之詞終篇、新葉和
歌集
蓋有所感也、

九年、後小松帝明德三年冬十月、帝與北朝講和、奉神器發行宮、

還京師、聞月傳神器於後小松帝、續神皇正統記自後醍醐帝

南狩至此、五十七年、而南北始一統矣、源親房嘗曰、世

國史紀事本末 卷四十

十八

或謂、上古神鏡火於天德長久、草薙寶劔沒於西海、殊
不知神鏡在伊勢宗廟、寶劔在熱田神宮、威靈顯赫、與
日月爭光、寶祚之隆、果與天壤無窮矣、神皇正統記

男 勇
甥手塚豁雄 校

國史紀事本末卷之四十終

後序

史記二體。曰記傳。曰編年。夫考一代之治亂。彙
纂。及人物之邪正。牴牾。其得於記傳。就一事而
或係其母。或係數人。讀者殆不能得其脈領焉。
也。括歷世之蹟。提綱挈要。使百循覽。其善於編
年。就序事拉雜。或列政。或更。子文學。凡其殆不
能稽之脈絡。於是又有紀。子本末一體。能極
其偏。通之脈絡。子係其母。或係數人者。名為
一篇。列以文物雅然。並陳其。皆分就其。解其
人身。既係於身。首手。是為後之。不。編
年。於骨髓。端。子本末。於脈絡。首。也。而史
必以此二體而始。其。

國史紀事本末

後序

人身。紀傳體。身首手足。各換一節。無不互。編
年。紀。骨節。編。紀。予。本。末。紀。紙。張。等。字。也。而。史
必。用。此。三。體。而。始。能。定。其。書。
五。帝。三。王。盛。世。之。勅。撰。主。體。皆。同。編。年。而。謂。六。部
國。史。是。也。而。戶。義。之。撰。大。日。本。史。始。用。紀。傳。之
體。其。書。雖。此。勅。撰。義。正。係。出。於。六。史。而。至。其。編
正。史。而。獨。紀。事。本。末。一。體。世。未。以。此。為。撰。述。者。亦
足。伯。以。承。藉。家。學。創。意。史。學。之。編。年。史。一。編。義
公。紀。傳。身。披。百。家。紀。傳。仿。宋。表。極。之。五。華。國。史

予本來有沒病。初成七十四卷。上月
神武割策無疏之至。

不聖繼述中成之象神功之遠正三韓之朝市
王智之中興。

桓武之捷伐。以爲外戚之禍。恐厚乎之家。而
軋郡國之刺殺。後世二千之勳無。臣曰。子之教
治。之間文物典章之盛。吏治之清久。文章之好
隆。名士砥輔之勲業。皆正前心目。以快排憂。
雖分月。首目得之矣。及昭末。一覽了然。遂使編

國史紀事本末

漢書

三	三
---	---

重紀傳世通為一其功強不古亦極中也而
序多曲難。梁為不假。曾為有法。吾知之。心史
為立三槐。意也。意極一也。程程。序創前。其文則因
通讀。以乞也。程本六也。及日本史。五。乃文。必
荒。探。系。中。可。自。上。機。軸。意。辨。而。院。首。尾。其。中。空
為。一。家。之。上。以。降。上。云。體。更。無。此。其。上。機。軸。在。紀
事。永。心。一。代。吾。邪。則。

百五一姓。其大不。血。記。子。動。者。醉。數。十。世。
其。有。

歷朝宗文及民政。外載東樞。

然政實。而法屬。皆極數百年之。語云。安通。而
條不紊。身外。有羅主。更。其。方。通。其。系。則。注。能
至於此。也。

王守中無百廢弛張。其夫人歷法時代。明海內無
此書。易又可少哉。而明名正光。彌得強。初仕有
戶部。為其館總教。後徵為太學中博士。特賞
其圖。乃於國史之例。編錄其紀。而生西華之數
十萬卷。其二種者。其子部。其最者。此編刻成。

國史紀事本末

後序

其子勇校管於市。因書之。俾其法在後。
明治九年丙子八月廿號

為正壽添權再出



明治二年八月廿三日官許
同九年八月刻成

著者

出版人

發行書肆

茨城縣士族

青山延先

同、

青
山
勇

東京第四大區四區本郷
弓町宣丁目拾三番地寄留

東京府平民

太田金右衛門

東京第一大区十三小區
横山町三丁目七番地

日本紀年表

繩文文化時期

約 10000 年前～約前 3 世紀)

- 神武天皇 (前 660～前 585)
- 綏靖天皇 (前 581～前 550)
- 安寧天皇 (前 549～前 511)
- 懿德天皇 (前 510～前 476)
- 孝昭天皇 (前 475～前 393)
- 孝安天皇 (前 392～前 291)
- 孝靈天皇 (前 290～前 215)

彌生文化時期

約前 3 世紀～約公元 3 世紀)

- 孝元天皇 (前 214～前 158)
- 開化天皇 (前 157～前 98)
- 崇神天皇 (前 97～前 30)
- 垂仁天皇 (前 29～70)
- 景行天皇 (71～130)
- 成務天皇 (131～190)
- 仲哀天皇 (192～200)

(攝) 神功皇后 (201～269)

古墳文化時期

約 3 世紀～約 6 世紀)

- 應神天皇 (270～310)
- 仁德天皇 (313～399)
- 履中天皇 (400～405)
- 反正天皇 (406～410)
- 允恭天皇 (412～453)
- 安康天皇 (454～456)
- 雄略天皇 (457～479)
- 清寧天皇 (480～484)
- 顯宗天皇 (485～487)
- 仁賢天皇 (488～497)
- 武烈天皇 (498～506)
- 繼體天皇 (507～533)
- 安閑天皇 (534～535)
- 宣化天皇 (536～539)

飛鳥文化時期 (約 6 世紀～約 645)

- 欽明天皇 (540～571)
- 敏達天皇 (571～584)
- 用明天皇 (585～586)
- 崇峻天皇 (587～592)
- 推古女皇 (593～628)
- 舒明天皇 (628～641)
- 皇極女皇 (641～644)

白鳳文化時期 (645～710)

- 孝德天皇 (645～654)
- 大化 (645～649)
- 白雉 (650～654)
- 齊明女皇 (655～661)
- 天智天皇 (662～671)
- 弘文天皇 (671～672)
- 朱雀 (672)
- 天武天皇 (672～685)
- 白鳳 (673～685)

持統女皇 (686～696)

朱雀 (686～696)

文武天皇 (697～707)

大寶 (701～703)

慶雲 (704～707)

奈良文化時期 (710～784)

元明天皇 (707～714)

和銅 (708～714)

元正天皇 (715～723)

靈龜 (715～716)

養老 (717～723)

聖武天皇 (724～749)

神龜 (724～728)

天平 (729～748)

天平感寶 (749)

孝謙女皇 (749～758)

天平勝寶 (749～756)

天平寶字 (757～758)

淳仁天皇 (758～764)

天平寶字 (758～764)

稱德女皇 (764～769)

天平神戶 (765～766)

神戶景雲 (767～769)

光仁天皇 (770～780)

寶龜 (770～780)

天應 (781)

平安時期 (794～1192)

桓武天皇 (781～805)

延暦 (782～805)

平城天皇 (806～809)

大同 (806～808)

仁和 (809)

嵯峨天皇 (809～823)

弘仁 (810～823)

淳和天皇 (823～833)

天長 (824～833)

仁明天皇 (833～850)

承和 (834～847)

嘉祥 (848～850)

文德天皇 (850～858)

仁壽 (851～853)

齊衡 (854～856)

天安 (857～858)

清和天皇 (858～876)

貞觀 (859～876)

陽成天皇 (876～884)

元慶 (877～884)

光孝天皇 (884～887)

仁和 (885～887)

宇多天皇 (887～897)

仁和 (888)

寬平 (889～897)

醍醐天皇 (897～930)

昌泰 (898～900)

延喜 (901～922)

延長 (923～930)

朱雀天皇 (930～946)

承平 (931～937)

天慶 (938～946)

村上天皇 (947～967)

天曆 (947～956)

天德 (957～960)

應和 (961～963)

康保 (964～967)

冷泉天皇 (967～969)

安和 (968～969)

圓融天皇 (969～984)

天祿 (970～972)

天延 (973～975)

貞元 (976～977)

天元 (978～982)

永觀 (983～984)

花山天皇 (984～986)

寬和 (985～986)

一條天皇 (986～1011)

永延 (987～988)

永祚 (989)
正暦 (990～994)
長徳 (995～998)
長保 (999～1003)
寛弘 (1004～1011)
三條天皇 (1011～1016)
長和 (1012～1016)
後一條天皇 (1016～1036)
寛仁 (1017～1020)
治安 (1021～1023)
萬壽 (1024～1027)
長元 (1028～1036)
後朱雀天皇 (1036～1045)
長暦 (1037～1039)
長久 (1040～1043)
寛徳 (1044～1045)
後冷泉天皇 (1045～1068)
永承 (1046～1052)
天喜 (1053～1057)
康平 (1058～1064)
治暦 (1065～1068)
後三條天皇 (1068～1072)
延久 (1069～1072)
白河天皇 (1072～1086)
延久 (1073)
承保 (1074～1076)

承暦 (1077～1080)
永保 (1081～1083)
應徳 (1084～1086)
堀河天皇 (1086～1107)
寛治 (1087～1093)
嘉保 (1094～1095)
永長 (1096)
承徳 (1097～1098)
康和 (1099～1103)
長治 (1104～1105)
嘉承 (1106～1107)
鳥羽天皇 (1107～1123)
天仁 (1108～1109)
天永 (1110～1112)
永久 (1113～1117)
元永 (1118～1119)
保安 (1120～1123)
崇徳天皇 (1123～1140)
天治 (1124～1125)
大治 (1126～1130)
天承 (1131)
長承 (1132～1134)
保延 (1135～1140)
近衛天皇 (1141～1155)
永治 (1141)
康治 (1142～1143)

天養 (1144)
久安 (1145～1150)
仁平 (1151～1153)
久壽 (1154～1155)
後白河天皇 (1155～1158)
保元 (1156～1158)
二條天皇 (1158～1165)
平治 (1159)
永暦 (1160)
應保 (1161～1162)
長寛 (1163～1164)
永萬 (1165)
六條天皇 (1165～1168)
仁安 (1166～1168)
高倉天皇 (1168～1180)
嘉應 (1169～1170)
承安 (1171～1174)
安元 (1175～1176)
治承 (1177～1180)
安徳天皇 (1180～1184)
養和 (1181)

鎌倉時期 (1192～1333)
壽永 (1182～1184)
後鳥羽天皇 (1185～1189)
文治 (1185～1189)

建久 (1190～1198)	後嵯峨天皇 (1242～1246)	應長 (1311)
土御門天皇 (1198～1210)	寛元 (1243～1246)	正和 (1312～1316)
正治 (1199～1200)	後深草天皇 (1246～1259)	文保 (1317～1318)
建仁 (1201～1203)	寶治 (1247～1248)	後醍醐天皇 (1318～1331)
元久 (1204～1205)	建長 (1249～1255)	元應 (1319～1320)
建永 (1206)	康元 (1256)	元亨 (1321～1323)
承元 (1207～1210)	正嘉 (1257～1258)	正中 (1324～1325)
順德天皇 (1210～1221)	正元 (1259)	嘉曆 (1326～1328)
建曆 (1211～1212)	龜山天皇 (1259～1274)	元德 (1329～1330)
建保 (1213～1218)	文應 (1260)	元弘 (1331)
承久 (1219～1221)	弘長 (1261～1263)	
仲恭天皇 (1221)	文永 (1264～1274)	南朝 (1332～1392)
後堀河天皇 (1221～1232)	後宇多天皇 (1274～1287)	後醍醐天皇 (1332～1339)
貞應 (1222～1223)	建治 (1275～1277)	元弘 (1332～1333)
元仁 (1224)	弘安 (1278～1287)	建武 (1334～1335)
嘉祿 (1225～1226)	伏見天皇 (1287～1298)	延元 (1336～1339)
安貞 (1227～1228)	正應 (1288～1292)	後村上天皇 (1339～1368)
寛喜 (1229～1231)	永仁 (1293～1298)	興國 (1340～1345)
貞永 (1232)	後伏見天皇 (1298～1301)	正平 (1346～1368)
四條天皇 (1232～1242)	正安 (1299～1301)	長慶天皇 (1368～1383)
天福 (1233)	後二條天皇 (1301～1307)	正平 (1369)
文暦 (1234)	乾元 (1302)	建德 (1370～1371)
嘉禎 (1235～1237)	嘉元 (1303～1305)	文中 (1372～1374)
暦仁 (1238)	徳治 (1306～1307)	天授 (1375～1380)
延應 (1239)	花園天皇 (1308～1318)	弘和 (1381～1383)
仁治 (1240～1242)	延慶 (1308～1310)	後龜山天皇 (1383～1392)

元中 (1384～1392)

北朝 (1332～1392)

光嚴天皇 (1332～1335)

正慶 (1332～1333)

建武 (1334～1335)

光明天皇 (1336～1347)

建武 (1336～1337)

室町時期 (1338～1573)

曆應 (1338～1341)

康永 (1342～1344)

貞和 (1345～1347)

崇光天皇 (1348～1351)

貞和 (1348～1349)

觀應 (1350～1351)

後光嚴天皇 (1352～1370)

文和 (1352～1355)

延文 (1356～1360)

康安 (1361)

貞治 (1362～1367)

應安 (1368～1371)

後圓融天皇 (1372～1382)

應安 (1372～1374)

永和 (1375～1378)

康暦 (1379～1380)

永徳 (1381～1382)

後小松天皇 (1383～1412)

永徳 (1383)

至徳 (1384～1386)

嘉慶 (1387～1388)

康應 (1389)

明德 (1390～1393)

應永 (1394～1412)

稱光天皇 (1412～1427)

應永 (1413～1427)

後花園天皇 (1428～1464)

正長 (1428)

永享 (1429～1440)

嘉吉 (1441～1443)

文安 (1444～1448)

寶徳 (1449～1451)

享徳 (1452～1454)

康正 (1455～1456)

長祿 (1457～1459)

寛正 (1460～1464)

後土御門天皇 (1464～1500)

寛正 (1465)

文正 (1466)

應仁 (1467～1468)

文明 (1469～1486)

長享 (1487～1488)

延徳 (1489～1491)

明應 (1492～1500)

後柏原天皇 (1500～1526)

文龜 (1501～1503)

永正 (1504～1520)

大永 (1521～1526)

後奈良天皇 (1526～1557)

大永 (1527)

享祿 (1528～1531)

天文 (1532～1554)

弘治 (1555～1557)

正親町天皇 (1557～1586)

永祿 (1558～1569)

安土桃山時期 (1568～1598)

元龜 (1570～1572)

天正 (1573～1586)

後陽成天皇 (1586～1611)

天正 (1587～1591)

文祿 (1592～1595)

江戸時期 (1603～1867)

慶長 (1596～1611)

後水尾天皇 (1611～1629)

慶長 (1612～1614)

元和 (1615～1623)

寛永 (1624～1629)
 明正天皇 (1629～1643)
 寛永 (1630～1643)
 後光明天皇 (1643～1654)
 正保 (1644～1647)
 慶安 (1648～1651)
 承應 (1652～1654)
 後西天皇 (1654～1663)
 明暦 (1655～1657)
 萬治 (1658～1660)
 寛文 (1661～1663)
 靈元天皇 (1663～1687)
 寛文 (1664～1672)
 延寶 (1673～1680)
 天和 (1681～1683)
 貞享 (1684～1687)
 東山天皇 (1687～1709)
 元禄 (1688～1703)
 寶永 (1704～1709)
 中御門天皇 (1709～1735)
 寶永 (1710)
 正徳 (1711～1715)
 享保 (1716～1735)
 櫻町天皇 (1735～1747)
 元文 (1736～1740)
 寛保 (1741～1743)

延享 (1744～1747)
 桃園天皇 (1747～1762)
 寛延 (1748～1750)
 寶曆 (1751～1762)
 後櫻町天皇 (1762～1770)
 寶曆 (1763)
 明和 (1764～1770)
 後桃園天皇 (1770～1779)
 明和 (1771)
 安永 (1772～1779)
 光格天皇 (1779～1817)
 安永 (1780)
 天明 (1781～1788)
 寛政 (1789～1800)
 享和 (1801～1803)
 文化 (1804～1817)
 仁孝天皇 (1817～1846)
 文政 (1818～1829)
 天保 (1830～1843)
 弘化 (1844～1846)
 孝明天皇 (1846～1867)
 弘化 (1847)
 嘉永 (1848～1853)
 安政 (1854～1859)
 萬延 (1860)
 文久 (1861～1863)

近代 (1868～)
 明治天皇 (1866～1912)
 明治 (1868～1912)
 大正天皇 (1912～1926)
 大正 (1912～1926)
 昭和天皇 (1926～1989)
 昭和 (1926～1989)

元治 (1864)
 慶應 (1865～1867)

日本幕府將軍表

鎌倉幕府歷代將軍及執政年限

源賴朝 (1192～1199)
源賴家 (1201～1203)
源實朝 (1203～1219)
九條賴經 (1225～1244)
九條賴嗣 (1244～1252)
宗尊親王 (1252～1266)
惟康親王 (1266～1289)
久明親王 (1289～1308)
守邦親王 (1308～1333)

室町幕府歷任將軍及執政年限

足利尊氏 (1338～1358)
足利義詮 (1358～1367)
足利義滿 (1368～1394)
足利義持 (1394～1423)
足利義量 (1423～1425)
足利義教 (1429～1441)
足利義勝 (1442～1444)

江戸幕府歷代將軍及執政年限

足利義政 (1449～1473)
足利義尚 (1473～1489)
足利義植 (1490～1494)
足利義澄 (1494～1508)
足利義植 (1508～1521)
足利義晴 (1521～1546)
足利義輝 (1546～1565)
足利義榮 (1565～1568)
足利義昭 (1568～1573)
德川家康 (1603～1605)
德川秀忠 (1605～1623)
德川家光 (1623～1651)
德川家綱 (1651～1680)
德川綱吉 (1680～1709)
德川家宣 (1709～1713)
德川家繼 (1713～1716)
德川吉宗 (1716～1745)

德川家重 (1745～1760)
德川家治 (1760～1787)
德川家齊 (1787～1837)
德川家慶 (1837～1853)
德川家定 (1853～1858)
德川家茂 (1858～1866)
德川慶喜 (1866～1867)

日本漢文史
籍叢刊

第一輯

紀事本末

[General Information]

□ □ =14664064

SS□ =14664064